





J. xxx. vi.

16645/B 18

12/6

5/10/12



Digitized by the Internet Archive
in 2018 with funding from
Wellcome Library

<https://archive.org/details/b30504788>

SACRA
EMBRYOLOGIA

SIVE

DE OFFICIO
SACERDOTUM, MEDICORUM,
ET
IORUM CIRCA ÆTERNAM PARVULORUM IN UTERO
EXISTENTIUM SALUTEM.

LIBRI QUATUOR

S. T. ET U. J. D.

ANC. EMANUEL. CANGIAMILA

Normitanæ Ecclesiæ Canonico Theologo, & in toto Siciliæ Regno
contra hæreticam pravitatem Inquisitore Provinciali,

DUCTORE AC INTERPRETE:
EDITIO PRIMA IN GERMANIA.

Videte, ne contemnatis unum ex his pusillis, Matth. 18. 10.



SUPERIORUM PERMISSU.

MONACHII & INGOLSTADII.

Sumptibus Joan. Franc. Xaverii Crätz, Bibliop. Acad. MDCC LXIV.

31157



BEATISSIMÆ VIRGINI
M A R I Æ,
DEI MATRI,
ANGELORUM, HOMINUMQUE
REGINÆ.

FRANCISCUS EMANUEL CANGIAMILA

Clientum, ac Servorum ejus omnium minimus.



Debebatur quidem, augustissima Dei
Mater, tuis in me beneficiis, quæ &
magna sunt, & plurima, ut opus
hoc, qualecumque sit, Tibi dica-
tum prodiret, & secum obsequentis gratique
animi pignus afferret: eoque magis, quod ipsum

libri hujus argumentum, ut cætera defint, id ex-
petere videbatur: quando scilicet ad æternam
parvulorum, adhuc matrum utero conclusorum,
salutem pertineat. Horum tu siquidem, sicut
& reliquorum hominum, parens evasisti aman-
tissima, cum Servatoris nostri Genitrix dicta es,
maternaque ipsos complecteris charitate. Cujus
profecto rei illud satis apertum erit indicium,
quod Unigenito Dei Filio in uterum tuum vix-
dum illapso, in id ante omnia cogitationem, cu-
ramque tuam convertisti, ut ad domum Elisa-
beth festinares, quo Joannes maternum adhuc
ventrem inhabitans, communi macula expiatus,
Divinam iniret Gratiam, cælestibus cumulatus
beneficiis: licet, & itineris difficultas, & amplis-
sima, qua nuper aucta fueras, dignitas id minime
pati viderentur. Nimirum in infantulo tuo Jesu
infantes omnes intuens, in eos ineffabili dilectio-
nis impetu ferebaris, Deoque Patri Jesu Christi
merita obsecrationesque tuas obferebas, ut te-
nelluli hujusmodi homunciones primævæ culpæ
vinculis aliquando soluti in libertatem Filiorum
Dei

Dei affererentur : quo magis enim ab ea labe immunis fueras, ac singulari dignatione præservata, eo clarius damna inde profecta, atque humano generi miserrime illata perspiciebas, tantam averfata foeditatem. Illud autem etiam accedebat, quod non exiguum tu ipsa fuisti suscepti laboris & industriæ incitamentum : videbam etenim, fore, ut quotquot infantum spiritus vigiliarum mearum contentione, atque adminiculo cœlesti luce ornarentur, totidem ad caput tuum adderentur veluti sydera, syderibus ipsis longe fulgidiora. Quod vero ad officium meum attinet, mihi metipsum adblanditus sum, in animum inducens, hujus conficiendi operis voluntatem Clementiæ tuæ probatam fuisse : quoniam in eo concinnando innumeris pene distentus curis, rem omnem si non prorsus ex voto, ac pro materiæ sublimitate ; pro modulo tamen meo aliquando extricaverim : quod nisi auxilium tuum adfuisset, perficere posse merito desperassem. Id igitur tibi assignandum est, & omni jure tribuendum : nec tamen modicum ex re ipsa, officioque erga

*Habitabo in medio Hierusalem, & vocabitur Hierusalem
civitas veritatis: & mons Domini exercituum mons san-
ctificatus. Hæc dicit Dominus exercituum . . . &
plateæ civitatis complebuntur infantibus, & puellis lu-
dentibus in plateis ejus. Hæc dicit Dominus exercituum.
Zachar. 8. v. 3. & 5.*

*Cum humanum genus multis, atque innumeris vitiis sit
subjectum; Hierusalem cælestis maximam partem ex
parvulis, vel infantibus arbitror posse compleri. Petr.
Diac. apud S. Gregor. M. Dialog. l. 4. c. 7.*



TYPOGRAPHUS LECTORI BENEVOLO.



Quoniam, laudabili sane more in Librorum Editione servato, favorabilia de ipsis judicia præmitti solent: operæ pretium duxi, a consuetudine ista nequaquam in hac Embryologie Sacre impressione discedere. Quo circa primo sex illa referam, quæ de prioribus ejusdem Italica editione Anno 1745. apud me facta loquuntur: deinde alia tria, quæ ad hanc ipsam, quam præ manibus habeo, Latinam, duplo fortasse præcedenti copiosior, spectant. Et quidem



I.

Sanctissimus in Christo Pater,

Et

DOMINUS BENEDICTUS XIV.

In suo nunquam satis admirando, celebrandoque Opere de Synodo
Dioecesana l. II. c. 7. p. 410. §. 13. de prima, & Italica supra-
dicta Editione præsentis hæc ait:

*Ad comprobandam vero utilitatem, & necessitatem Se-
ditionis Cæsareæ, cum præsertim defuncta matre conjicere
licet, illius prolem in utero extinctam non esse; peculiarem
Librum edidit Franciscus Emmanuel Cangiamila, impressum
Panormi Anno 1745. in quo solidis argumentis, & multa
eruditione susceptam causam agere non prætermisit.*

Et in Epistola ad Auctorem data Romæ 7. Cal. April.
Anno 1756.

*Satis libenter in nostro de Synodo Dioecesana Tracta-
tu Libri tui de Cæsareo Partu fecimus mentionem: quippe
tum ad temporalem, tum ad æternam hominum vitam mul-
to conducibilis.*

II. FRAN-



II.

FRANCISCI TESTA,

Olim Panormitanæ Ecclesiæ Canonici, in Suprema Generali Sicula
Inquisitione Promotoris Fiscalis, ac pro Potestate Sæculari librorum
Censoris, nunc vero Archiepiscopi Monregalensis, & Generalis
Inquisitoris Operis Judicium.

In hoc libro, qui *Embryologia Sacra* inscribitur, quem-
que summo cum studio, ac animi jucunditate perlegi;
nihil offendi, quod regiis juribus, patriisque institutis
adversetur. Quin imo Auctoris doctrina, ac religione,
quibus apud omnes maxime commendatur, dignum existi-
mo. Aggressus enim novam intentatamque provinciam,
eam sic pertractat, ut nihil magis elaboratum, magisque
absolutum excogitari possit. Quamquam omnia ita sa-
pienter, accommodateque dicat, ut plura dixisse desideres;
attamen, quod adjungi possit, difficile occurret. Quidquid
enim ex *Sacra Doctrina*, ex *Philosophia*, & ex *Medicina*
ad hanc rem illustrandam corrogari unquam poterat, in hoc
unum Opusculum derivatum invenies; animique certe pende-
bis, num Auctor magis Theologum, quam Philosophum,
vel Medicum, hic se præstet. Utinam omnes Sacrorum Mi-
nistri, maximeque ii, quibus animarum cura concredita est;
eruditionem, quam ex profanis studiis sibi comparant, in id
conferrent, ut homines eum, ad quem creati sunt, finem con-
sequerentur; quemadmodum clarissimus Auctor in hoc Ope-
re eo laudabilius præstat, quo magis ii, quorum æternæ in-
columitati consulere studet, sibi ipsis prospicere nequeunt.
Dabam Panormi ad XVI. Cal. Jun. MDCCXLV.

Franciscus Canonicus Testa.



III.

ANGELI SERIO S. T. & U. J. D.

Divi Jacobi ad Mare Panormitanæ urbis Parochi, & in hoc Siciliae Regno contra hæreticam pravitatem Inquisitoris Censura.

Optime, cumulateque animarum curatoribus consuluisse jam videbantur quam plures non minus doctrina, quam animarum studio flagrantes Viri, plurimis editis nobilibus tum anteactis, cum currente sæculo ingenii, ac pietatis sue monumentis. Communem hanc autem persuasionem explofit Theologiæ, ac U. J. D. Franciscus Emanuel Cangiamila Panormitani Cleri ornamentum, cujus Sacra hæc Embryologia re ipsa docuit, semper inveniendum aliquid superesse illis, qui res ea, qua ipse est, illimitata charitate, parique ardore atque scientia meditantur. Opus quidem non solum nomine novum est; sed siue materiam ipsam inspicias, siue etiam ac multo magis dicendi ordinem, siue ipsam docti, bonique publici studiosissimi Auctoris mentem, laudabile. Idque ego sine adulationis nota in genere suo facile princeps judico: tum quod Eruditorum nemo ex professo hanc provinciam de fœtibus non plene formatis, vel formatis, & in materno utero delitescentibus, ante illum explanaverat; tum maxime, quod in eo litterarum amatores aliquid ex omni scientiarum specie invenient, quod addiscant, & admirentur. Atque hæc singularis est Auctoris hujus, & Operis laus. Enim vero discurret ipse per naturalem ac experimentis illustratam Philosophiam, Medicinam, Chirurgiam, & Anatomem, Moralem Theologiam, atque Dogma-



Dogmaticam, Prophanam, & Ecclesiasticam Historiam, Civile Jus, & Canonicum. In quibus, prout res sua postulaverit, tam firmiter, feliciterque versatur, ut singulis peculiari studio tantum vacasse, & in omnibus apprime peritus videri queat: ita limites, quibus ecclesiasticorum hominum doctrina contenta esse solet, vere prætergreditur. Huc accedit ejus laboris necessitas, utilitas, & oblectamentum. Quam enim necesse fuit, animarum curatores excitare, quo enitantur in posterum, tot abortivos sedulo, studioseque baptizare, qui ad hæc usque tempora æternæ addebantur miseriæ, vel ob parentum incuriam, vel ob quorundam Medicorum, ac Theologorum sensum, qui animationem forte primis a conceptione diebus contingentem, non nisi post menses evenire opinabantur? Quam illud etiam necessarium, Cæsareæ sectionis ope tot homunculos ad cælos mittere, vel etiam servare in terris, & interdum gloriose victuros; qui secus periclitantibus, aut etiam defunctis matribus, inextincti perirent? Utilem denique laborem hunc, ac delectabilem ostendunt, & ejus dogmata, & exquisita eruditio, qua singuli variarum scientiarum Professores alliciuntur. Faxit ergo Deus, ut Ecclesiæ, ac sæculi Principes tanti operis lectionem non dedignentur, illaque permoti ea conferant remedia, quibus ad tam grave negotium indigemus: quæ si desint, inanis erit quæcumque Parochorum indefessa vigilantia, inanes quæcumque ferventes, & assidue instructiones. Dat. Pan. Cal. Junii MDCCXLV.



IV.

LAURENTII MIGLIACCII,

Panormitanæ Metropolitanæ Ecclesiæ Regni Siciliae Primariæ Canonici, & Archidiaconi, S. Officii Qualificatoris, & Consultoris, Judicis, & Examinatoris Synodalis, ac pro potestate Ecclesiastica librorum Cenforis
Operis Judicium.

Librum, qui inscribitur *Embryologia Sacra*, Auctore Francisco Emanuele Cangiamila Presbytero Panormitano, haud minori sedulitate, quam mentis voluptate percurri: in eoque nihil omnino, quod vel orthodoxæ Religionis, vel morum disciplinæ, vel in minimo refragetur offendi; quin immo aureum plane opus sacra non minus, quam profana eruditione refertum, Auctoris ingenio, & pietati respondens, perquam dignum existimo, ut publicæ utilitati animarum simul, & corporum consulturum, quam primum in lucem prodeat. Dabam ex meis Aedibus nono Calendas Junias MDCCXLV.

LAURENTIUS MIGLIACCIUS.

V. DO.



V.

DOCTORIS AUGUSTINI GERVASII

In hac Metropoli Protomedici Consultoris, ac in Supremo Generali
Sanitatis Magistratu Deputati, Censura.

Non levi, ut ingenue fatear, voluptate, animique obla-
tatione hujus me libri lectio afficit. Auctor enim do-
ctus æque, ac pius ea, qua pollebat erga animarum salu-
tem charitate, ut parvulis in utero matris æterna vita quan-
doque periclitantibus consuleret, argumentum sibi propo-
suit, utile illud quidem, ac necessarium, neque tamen satis
obvium, ac tritum, imo, ut melius loquar, a nemine,
quem sciam, ex animo, totisque viribus pertractatum.
Laudem vero non exiguam meretur, quod in eo Opere ad-
ornando eluceat Ecclesiasticæ disciplinæ, Sacrorum Cano-
num, Conciliorum, Historiarum, Moralis Theologiæ,
& Jurisprudentiæ ingens peritia; quodque mireris præci-
pue, ac laudes, ita se Physica experimentalis, Anatome,
ac Medicina tum Physica, tum Chirurgica instructum osten-
dit; ut in eum quadrare possit, quod Stiliconi cecinit
Claudianus.

..... Sparguntur in omnes.

In te mixta fluunt, & quæ divisa beatos

Efficiunt, collecta tenes

Et sane, quæ ex variis ipse facultatum generibus collegit,
ac derivavit, seu lumina, seu documenta, ad replendum
opus, ornandum, perficiendumque mire conducunt. Quid

de copiosa eruditione? Quid de fideli, constanti, ac multiplici narratione factorum? Quid de nobili methodo? Quid de mirabili perspicuitate, ac nitore? Utinam ejus indolis essent libri omnes, qui lucem aspiciunt! Non esset certe litterarius Orbis tanta inutilium librorum copia pene obrutus: neque problema esset: utrum Typographicae artis inventio damnum potius, an adjumentum Reipublicae attulerit. Illud mihi reliquum est, altissimum bonorum omnium Largitorem junctis manibus exorare, ut Auctorem nostrum in eo dignitatum, & honorum fastigio collocet, quod non vulgari ejus merito debetur: atque per diuturnam annorum seriem felicem, gravibusque curis, ac molestiis vacuam servet vitam illam, quae tam utiliter in ea, quae ad majorem Dei gloriam, & animarum salutem spectant, incumbit. Pan. V. Id. Junias 1745.

VI.

IOANNES ANTONIUS ZACCHARIAS

E Soc. Jesu in Histor. Litter. Ital. Vol. 3. l. 1. c. 3. §. 12.

Doctores Francisci Emanuelis Cangiamila Panormitani Libri quatuor, in quibus Sacerdotes, Medici, ac Magistratus reperient, quidquid ad eorum officium, ne parvuli materno in utero clausi aeternum pereant, attinet; sapienter examinatum.



VII.

EPIPHANII GUARNERA,

Abbatis Ordinis S. Basilii Magni, & Panormi librorum pro Ecclesiastica jurisdictione Censoris, approbatio.

Librum, cui *Titulus*: Embryologia Sacra, sive de officio Sacerdotum, Medicorum, & aliorum circa æternam puerorum in utero existentium salutem &c. jam pridem italico sermone publicatum, nunc latinitate donatum, nonnullisque annotationibus auctum, cum perlegissem; nihil Catholicæ Religioni dissonum, pietatique oppositum in illo observavi; quin imo Clarissimi Auctoris eruditionem, zelum, & charitatem, cunctos, qui eundem percurrerint, miraturos nullus dubito. Jure merito igitur censeo, novam mereri lucem, ex qua ampliores fructus cælo præparari, experientia ipsa convincit. Ex hoc Monasterio Sancti Basilii Magni de Panhormo die 29. Octobris 1753.

S. Th. Mag. D. EPIPHANIUS GUARNERA,

Abbas Ordinis Sancti Basilii Magni.



VIII.

ANTONINI MARIE GRECO S. T. & U. J. D.
Panormitanæ Ecclesiæ Canonici, & pro Facultate Ecclesiastica Li-
brorum Censoris Judicium.

Cum admirabilis illa translatio a statu, in quo homo primi Adæ filius nascitur, ad statum adoptionis filiorum Dei per secundum Adam Salvatorem nostrum in Evangelica lege sine regenerationis lavacro fieri non possit: Nisi enim quis renatus fuerit ex aqua, & Spiritu Sancto, non potest introire in Regnum Dei: quapropter si quis dixerit baptismum liberum, id est, non necessarium esse, anathema sit: quam utilissime, ac maxime quidem æternæ puerorum in materno adhuc utero latentium saluti hoc Opere Auctoris pietas, atque doctrina consuluit, qui omnia certe, quæ potuit, in eo accurate perpendit, tum ad abortivos aqua saluari lustrandos, tum ad infantes Cæsarea sectione educendos, tum ad eosdem puerperii tempore, quamquam nulla corpusculi sui parte natos, dummodo aqua per Syphunculum saltem attingi possint, baptizandos.

Hoc equidem Opus non animo notandi, sed ardore addiscendi, ac Auctoris peritiam suspiciendi, percurri. Cumque in ipso nihil offenderim vel a fide orthodoxa devium, vel a Christianis moribus dissonum; sed illud ipso argumento egregium, eruditione præstans, in Philosophicis nobile, in Theologicis vero sublime: ac præsertim in mora-



moralibus, atque dogmaticis tutum, atque perfectum, atque ita ex omni parte absolutum perspexerim, ut meam superet commendationem; publicis typis jure merito mandandum censeo. Prodeat ergo in lucem singulare opus, multigena lectione collectum, ingenti labore conscriptum, diu multorum votis exoptatum, & plurimum, ut spero, plausibus excipiendum. Ad ejus enim splendorem, veritate magis radiante, non solum indocti lucem accipient, sed & eruditorum ingenia novo lumine inaurabuntur: 16. Kal. Octobris MDCCLVI.

U. J. & S. T. D. Can. ANTONINUS MARIA GRÆCO,
Librorum Cenfor.

IX.

REGIÆ PANORMITANÆ MEDICORUM ACADEMIÆ CENSURA.

Præclarissimi, & Reverendissimi Domini D. Francisci Emanuelis Cangiamila in hoc Sicilia Regno contra hæreticam pravitatem Inquisitoris bipartita Dissertatio, cujus prima pars de nascentibus pueris, qui sæpe vita spoliati apparent, cum revera vivant; deque remediis ad eos ad vitæ officia revocandos, copiosissime disputat: altera vero de submersis diu quandoque in aquis vitam retinentibus, deque iis curandis, quamquam sub mortuorum figura educti sint: quam Dissertationem celeberrimæ suæ Embryologiæ nupe-



nuper ipse addidit: ita Philosophicis, ac Medicis rationibus, observationibus, & experimentis fulcitur, atque insignium Auctorum Monumentis confirmatur; ut Regalis Fatro-Physicorum Academiae Panormitanæ Doctoribus serio exposita, summopere illis arriserit, atque probata fuerit: quapropter eam, utpote veritati eximie consonam, unanimi plausu, magno Reipublicæ bono typis omnino vulgandum esse censuerunt. In cujus rei testimonium præsentibus, omnium, & singulorum nomine subscriptas, & sigillo ejusdem Regalis Academiae communitas libentissime dedimus. Panormi die II. Novembris 1756.

D. D. Antoninus de Miceli Regalis Medicorum Academiae Princeps.

D. D. Carolus Salipegni ejusdem Academiae assistens.

D. D. Dominicus Rizzone ejusdem Academiae assistens.

S. T. & A. M. D. Sac. D. Hieronymus Battaglia ejusdem Med. Academiae Exprinceps, & Cenfor.

D. D. Petrus Lorito Cancellarius.

PRO-



PROOEMIUM.

Desiderium infantulis iis opitulandi, qui parentum, aliorumque sive incuria, sive impietate, priusquam in lucem prodierint, vitam amittunt, vel cum matre ipsa defuncta vivi sepeliuntur, vel in difficili partu opportunis destituti auxiliis, infelicissime, ac sine baptismo pereunt; ad hoc me opus conscribendum, amice Lector, suavit, & impulit. Cum enim Archipresbyter Palmensi Parochiae annos ferme duodecim praefuerim; experientia didici, quam utilis commodusque, ne dicam omnino necessarius, futurus esset Liber, quo ea pars doctrinae contineretur, quae ad recte instituendam erudiendamque hac in re, praesertim optimi Pastoris industriam, facit. Et sane ut Augustinus agebat: si pupillis opem ferre praecipimur, quanto magis pro parvulis laborare debemus?



qui destitutiores, & miseriores pupillis, etiam sub parentibus remanebunt, si eis Christi gratia denegabitur, quam per se ipsi flagitare non possunt. (a) Quamvis autem salutis horum infantium cura ad Parochos præcipue spectet; operis tamen Titulo Sacerdotes universim signandos existimavi: satis enim cuique perspicuum est, ea documenta etiam ad alios ecclesiastici ordinis viros procul dubio pertinere; cum constet, omnes ad unum Sacerdotes in huiusmodi rerum eventibus perinde ac Parochos esse, & ad salutem parvulorum eandem, quam illi opem operamque præstare posse. Accedit, quod non Parochis tantum, sed & Presbyteris omnibus tum inter conciones, & sacram in primis catechesim, tum in apostolicis excursionibus, & in confessionibus excipiendis persæpe occasio se offert, multa rudiores, præsertim conjugatos, edocendi, quæ ad rem, qua de agimus, maximi sunt momenti, & in præsentī codice passim occurrunt. Attamen, quia non raro inutilis esset Sacerdotum zelus, ni quoque suam, & ipsi manum Principes, Medici, Magistratus, Antistites denique ad-moverent; res ipsa omnino exposcere visa est, ut de his etiam singulatim explicetur, quemadmodum sua quique studia, viresque ad animarum, ac reipublicæ bonum in tanto negotio conferre potissimum debeant. Neque tamen id mihi quidem satis esse putavi, si tantum quasi voce præirem, tantumque si ostenderem, quid unicuique pro ratione sui muneris factū esset opus; verum etiam necessarium

(a) S. August. de Peccat. merit. l. 3. c. 13. Edit. Maurin.



rium prorsus reputavi, id ipsum, quod singulis facien-
dum subinde moneretur, ita perpendere ac illustrare, ut
vel inde innotesceret, nihil hic a me postulari, quod plus
nimio exquisitum, aut omnino superfluum videri queat,
nihil quod rationi, aut majorum doctrinae, atque aucto-
ritati non innitatur; denique quod Theologiae dogmatis,
principiisque Philosophicae non sit apprime consentaneum.
Enimvero vix credi potest, quam optabile in universum,
quam vero conducibile esset; ut Parochi omnes, priusquam
ad sacrum hoc munus asciscerentur, aliquid de Arte Me-
dica delibarent; neque enim raro contingit, in Pagis,
oppidulisque praesertim; ut Curialis Presbyter, ad quem
unum videlicet in quibuscumque periculis, infortuniisque
identidem concurrere populus solet; propter inopiam ejus-
dem Artis Professorum non modo animi, sed etiam cor-
poris Curatorem, ac Medicum par se ipse agere quando-
que adigatur: cui proinde ea imprimis callere utilissimum
erit, quae in hoc opere contradantur: ne ab imperitis Medicis,
ac Philosophis, qui persaepe non pauca ex praesudiciis,
aut ex male intellectis Magistrorum suorum opinionibus,
velut indubitata definiunt; a praestando miserrimis infan-
tibus certo praesentique adjutorio, abduci se sinant.

Librum graeco vocabulo Embryologiam inscripsi, la-
tinum enim, quod integram operis imaginem satis expri-
meret, non habebam. Ceterum Embryon graece foetus,
quamvis perfectum, & animo jam informatum, imo
quandoque natum etiam significat: quemadmodum ex
Horne-

Homero, Phocylide, Aristotele, atque Dioscoride Lexicographi manifeste adnotavere. (a)

Forte non probabunt plerique, me ad monita subinde minutiora descendere. Verum cum praxim spectare, ac illam, quam accuratius possem, certam omnibus, ac planam facere, id tandem propositi mei pars omnino præcipua sit; nihil, tametsi minimum, prætermittere tutum erat, quod experientia teste ad præstitutum mihi finem & scopum quoquo modo collineare posse videretur: satius enim esse in rebus magni momenti prudentes autumant, si modus in alterutram partem aliquatenus deflectendo, excedendus sit; per exuperantiam potius, quam per diligentiae defectum offendere. Cogor equidem nonnulla pro meo instituto involuntarie attingere, eaque identidem neque raptim explicare, quæ verecundia detrectaret, quæque omnium oculis legenda parum secure subjiciuntur. Quapropter fortasse non deerunt, qui arbitrentur, convenientius fuisse, vel ab ipsa prima Libri editione latine scribere. Sed hic natura sua nequaquam postulat, ut omnium manibus deteratur: ipse enim titulus satis per se loquitur, quibuscum res mihi sit, quasque in manus venire suoapte ingenio liber exposcat. Viros quandoquidem graves, & cordatos petit, quales ubique Parochos, Medicos, Magistratus, Principes, Episcopos esse credendum est. Deinde cum pleraque occurrerent exotica, & a vulgari loquendi consuetudine aliena; veritus non immerito sum, ne Sacerdotibus, & Magistratibus

(a) Vide Scapul. in Lex.



tibus exiguorum pagorum popularibus meis, quibus maxime consultum volebam, difficiliora captu, minusque proinde utilia redderentur: qui tamen æque linguam Latinam, ac Italicam tenet, non indecentius ea leget hoc, quam illo idiomate conscripta. Neque vero, agebat Clemens Alexandrinus, (a) nobis turpe est ad auditorum utilitatem nominare partes, in quibus sit foetus conceptio, quas quidem Deum fabricare non puduit. Scribendum ergo primum Italico sermone quam modestissime possem judicavi, meorum popularium gratia: nunc vero eadem, nonnulla sane parte pleniora, atque elimatiora imo novis, variisque tractatibus aucta, latinitate donavi, ad gentium etiam exterarum intellectum, & quod spero, exoptoque utilitatem. Qua in re proinde non ita quidem puritati sermonis, aut elegantiae deservire studui, ut claritati: ne delectare Lectores potius, quam iisdem, causæque a me susceptæ prodesse contenderem.

Quamobrem etiam litterarum cultores oro, uti pro faciliiori etiam rudiorum usu, librum quamvis per se tenuem, si modo ipsis ad animarum salutem aliquid contribuere posse videatur; suæ quisque gentis proprium efficere satagant. Quocirca brevi Orientales populi ejusdem Compendium a me olim editum, & nuper ab Anonymo in vernaculam græcorum linguam translatum, fortasse habebunt. Ea vero quæ, scribo nedum Sanctæ Romanæ Ecclesiæ censuræ, sed

d

& mo-

(a) Clem. Alexand. Pædag. l. 2. c. 10.

Et monitionibus, correctionibusque eruditorum lubentissime submitto: qui, si quid hoc in libro deprehendent, quod minus recte assertum, aut pronunciatum putent, meque amice de eo commonere dignabuntur; profecto non tantum id æqui, bonique faciam, sed me ipsis plane devinctum profitebor.

Cæterum, quod ad errores typographicos attinet; ii, ut non sine dolore jam comperi; pluribus, variisque de causis in præsentī editione multiplicati sunt nimis: præsertim quod illi administrationis meæ negotiis præpeditus, per me ipsum incumbere non potuerim. Quapropter graviores quidem, qui sensum immutant vel corrumpunt, in fine signavi: leviores tamen, Et cognitu faciliores qui pene innumeri sunt, lectorum prudentiæ discernendos corrigendosque committo.





ELENCHUS LIBRORUM ET CAPITUM.

LIBER PRIMUS.

De Parochi, aliorumque Sacerdotum sollicitudine pro mulieribus prægnantibus: deque industriis ad abortus impediendos, & de baptismo abortivorum.

CAPUT I.

De abortu involuntario. pag. 1

CAPUT II.

Quomodo Parochus voluntarios abortus impediat. 7

CAPUT III.

De Medicorum in curandis gravidis cautela, ne fœtui noceatur. 16

CAPUT IV.

Juxta hodiernam Medicorum prudentissimam consuetudinem, remedia plerumque matri propinata fœtui non nocere. 22

CAPUT V.

De inspectione in omnibus abortibus facienda, ut dignoscatur, an fœtus vivat: ac de opinionum circa tempus animationis varietate. 29

CAPUT VI.

Recentiores quidam, animas cum corporibus in Adamo creatas fuisse docentes, impugnantur. 37

CAPUT VII.

De opinionibus Joannis Marci, & Aristotelis quoad tempus animationis. 46



CAPUT VIII.

De sententia docente animationem fieri, dum membra principalia formantur, vel postquam formata fuerint: deque sententia Zachariæ, animationem, statim, & nulla interposita mora post conceptionem admittentis. 53

CAPUT IX.

Non esse in Jure Canonico decisum, prius perfici fœtum, deinde vero creari animam. 65

CAPUT X.

Utrum abortivis primorum graviditatis dierum baptismus possit ministrari? 72

CAPUT XI.

Nova circa generationem Philosophica inventa indicare animam citius infundi, quam olim crederetur: at verum infusionis tempus incertum esse. 77

CAPUT XII.

Monita quædam ad Parochos pro praxi baptismatis abortivorum. 93

LIBER SECUNDUS.

De auxilio infanti nonnato præstando matre defuncta.

CAPUT I.

Prægnante mortua, succurrendum fœtui partu Cæsareo præcautiones, ut prospere succedat. 104

CAPUT II.

De præparandis ad partum Cæsareum, deque comprobatione mortis gravidarum. 113

CAPUT III.

Solvitur objectio, ex Bruhierii opere *De incertitudine signorum mortis* desumpta. 127

CAPUT IV.

Praxis partus Cæsarei defunctorum. 136

CAPUT V.

Vitandas quidem esse moras in Cæsareo partu: eum vero etsi notabile tempus a morte matris effluerit, non esse omittendum: cum fœtus etiam per dies integros supervivere possint. 142

CAPUT VI.

Fœtus remanere matre mortua quandoque tam vegetos; ut etiam sponte oriri possint. 146

CAPUT VII.

Fœtus, quamquam decimo, vel nono mense minores, vivos reperiri. 149

CA.



CAPUT VIII.

Utrum incidendæ prægnantes graviditate incipiente, vel ubi ea solitum tempus excesserit? 155

CAPUT IX.

Raro fœtus mortuos inveniri. 158

CAPUT X.

Philosophice ostenditur, fœtum gravidæ morienti non præmori. 164

CAPUT XI.

Ex statu fœtus in utero ostenditur, eum una cum matre ob defectum respirationis non extingui. 167

CAPUT XII.

Fœtibus, etiam matre mortua, non deficere nutrimentum. 182

CAPUT XIII.

Quamvis obiisse fœtum asseverent Medici, & obstetrices; attamen partum Cæsareum non esse prætermittendum. 191

CAPUT XIV.

Parochus neque defunctæ necessa-

riis, neque Chirurgis, neque suis adjutoribus, neque aliis fideri debet, si vere salutem cupit infantulorum. 197

CAPUT XV.

De officio Magistratum Ecclesiasticorum, & Sæcularium in promovendo partu Cæsareo; cogenisque defunctæ propinquis ad illum permittendum. 201

CAPUT XVI.

Peritis, cæterisque deficientibus, charitatem urgere quemlibet alium, etiam Sacerdotem, ac maxime Parochum, ad partus Cæsarei ministrationem. 204

CAPUT XVII.

Abortum procurantes, partumque Cæsareum negligentes, vel impediētes, plurimum nonnunquam homicidiorum reatu fœdari. Monitiones ad obstetrices, & Chirurgos, ut inquirent utrum fœtus sit unus, an multiplex. 213



LIBER TERTIUS.

De Parochorum officio, ac vigilantia pro infantibus in partu difficili, & desperato.

CAPUT I.

De partu difficili, & Cæsareo gravidarum viventium. 223

plurimum in utero ipso parvulum baptizari, & hujusmodi baptismum esse validum. 275

CAPUT II.

Joannis Baptistæ Bianchi opinio contra partum Cæsareum viventium, ubi conceptus fuerit uterinus, impugnatur. 237

CAPUT VII.

Diluitur objectio ex S. Augustino. 291

CAPUT III.

In Cæsareo viventium partu, non solum abdomen, sed & uterum feliciter incidi solitum. 241

CAPUT VIII.

Satisfit aliis Patribus, atque Doctoribus: & proponitur quæstio de baptismo parvuli secundinis involuti. 301

CAPUT IV.

Quando partus Cæsareus in vivente probandus, vel improbandus? 256

CAPUT IX.

De monstris baptizandis. 315

CAPUT V.

Doctrina Rainaudi a Michaelis Bodowingerii objectione defenditur: & Chirurgorum obligatio in partu desperato, vel difficili explicatur. 270

CAPUT X.

Nascentes pueros frequenter Asphyxia corripere, & mortuorum specie apparere. 324

CAPUT XI.

Quomodo vita sine respiratione, & sanguinis circulatione, saltem apparenti, quandoque subsistat. 334

CAPUT VI.

In partibus difficilibus, posse ut

CAPUT



CAPUT XII.

Asphyxiam ex defatigatione in parvulis, quocumque modo nascentur, frequentissime observari.

341

CAPUT XIII.

Speciales ex ponuntur causæ, ex quibus parvuli nonnati magis quam nati Asphyxiæ subjiciuntur.

347

CAPUT XIV.

Præsumendum potius nascentes parvulos esse Asphyxia correptos, quam vita defunctos: eosque in Asphyxia vitam præ natis facilius retinere.

351

CAPUT XV.

Signa mortis in nascentibus esse regulariter incertissima.

354

CAPUT XVI.

Remedia tentanda pro parvulis, qui mortuorum speciem imitantur.

359

CAPUT XVII.

Utrum baptismus conditionatus conferri possit infantibus, de quibus

juxta dicta suspicari possumus, Asphyxia detineri?

364

CAPUT XVIII.

Affertio de conditionato baptismo hujusmodi parvulis tribuendo, ex Medicis, Theologisque confirmatur.

366

CAPUT XIX.

Scilicet, aliqui Doctores prædicto baptismati favent.

371

CAPUT XX.

De submersis, qui exanimis ex mari, vel fluminibus extrahuntur, digressio.

384

CAPUT XXI.

Naufragos quandoque in aquis vivere posse, alijs exemplis, rationibusque confirmatur.

391

CAPUT XXII.

Auxilia danda naufragis, qui e mari vel flumine, veluti exanimis extrahuntur.

396



LIBER QUARTUS.

De Dei charitate erga nonnatos: deque auxiliis, quæ illis a parentibus, Parochis, Episcopis, & Principibus præstanda sunt.

CAPUT I.

Quomodo Deus parvulis in utero clausis media ad salutem æternam providerit. Parentum culpæ nonnatis noxiæ, pietas vero quam utilis. 405

CAPUT II.

De quorumdam Sanctorum ante ortum sanctificatione extraordinaria: & utrum aliquod admitendum sit remedium pro infantibus utero penitus circumdatis. 415

CAPUT III.

Quæ parentes pro salute filiorum nonnatorum agere oporteat. 421

CAPUT IV.

De Principum officio circa nonnatos: & de cura projectorum 425

CAPUT V.

Sancti Francisci Salesii exemplo Ecclesiæ Ministri, præsertim Episcopi, & Parochi, ad procurandam nonnatorum salutem accenduntur. 441

CAPUT VI.

De Parochorum vigilantia in obstetrices, deque ipsarum examine. 446

§. I.

De persona baptizatura. 447

§. II.

De tempore baptizandi. 448

§. III.

De baptizantis intentione. 450

§. IV.

De persona baptizanda. 450

§. V.

De materia baptismi. 453

§. VI.

De forma. 453

§. VII.

De applicatione formæ ad materiam. 454

§. VIII.

Monita occasione examinis danda obstetricibus. 454

CAPUT



CAPUT VII.

Baptismatis domi, ab obstetricibus
præsertim collati, validitatem esse
diligentissime discutiendam. 469

CAPUT VIII.

De necessaria Episcoporum vigilan-
tia pro nonnatis. 471

APPENDIX

A D

LIBRUM QUARTUM.

MONUMENTUM I.

S. Caroli Borromæi Archiepiscopi
Mediolanensis Benedictio mulie-
ris gravidæ, præsertim de cujus
infelici partu timetur. 483

MONUMENTUM II.

Oratio S. Francisci Salesii, recitan-
da a prægnantibus ex libro 3. Epi-
stolarum spiritualium, Epistola 83. 485

MONUMENTUM III.

Oratio pro infantibus nonnatis vel
non baptizatis, propter quam
quadraginta dierum indulgen-
tiam toties, quoties in sua diœcesi
recitabitur, concessit Archiepisco-
pus Panormitanus. 486

MONUMENTUM IV.

Recens Pragmatica Sicula de partu
Cæsareo, & abortu. 487

MONUMENTUM V.

Mandatum sive Edictum perpetuum
Protomedici Regni Siciliae. 498

Annotatio.

504

MONUMENTUM VI.

Epistola Advocati Fiscalis Magnæ
Regiæ Curia Siculæ pro solemni
Pragmaticæ Viceregia, & per-
petui Edicti Protomedici promul-
gatione, ad Officiales Justitiæ ci-
vitatum, & pagorum Regni. 504

MONUMENTUM VII.

Edictum Archiepiscopi Panormitani
primi in Siciliae Regno Metropo-
litani. 506

MONUMENTUM VIII.

Edictum Petri Galletti Episcopi Ca-
tanensis, & Inquisitoris genera-
lis, de partu Cæsareo, & nuptia-
li benedictione. 510

MONUMENTUM IX.

Edictum Episcopi Agrigentini pro
mulieribus gravidis, & moribun-
dis. 515

MONUMENTUM X.

Edictum Episcopi Pactensis. 523
Anno-



Annotatio.

527

instructiones pro Deputatione
projectorum.

533

MONUMENTUM XI.

Edictum Episcopi Cremonensis.

528

MONUMENTUM XII.

Articulus octavus Epistolæ edictalis,
& encyclicæ Reverendissimi Pa-
tris Dominici Pizzi Præfecti Ge-
neralis Clericorum Regularium
ministrantium infirmis, vulgo
Cruciferorum ad suos datæ sub
initium ejus Magistratus. Romæ
3. Cal. Sept. 1752.

532

MONUMENTUM XIII.

Excellentissimi Domini Eustachii Du-
cis de la Vieville Siciliae Proregis

MONUMENTUM XIV.

Mandatum Proregis encyclicum de
projectis ad Senatus, Juratosque
Patres civitatum & pagorum Re-
gni Siciliae.

536

MONUMENTUM XV.

Epistola hortatoria Proregis ad Prae-
sules de projectis.

540

Annotatio.

543

MONUMENTUM XVI.

Relatio Josephi Guttadauri Chirurgi
Agrigentini de parvulo sub de-
functi larva nascente.

544



RELA-



RELATIO

*Italico idiomate typis Panormitanis impressa,
in Latinum traducta.*

FRANCISCUS EMMANUEL CANGIAMILA,
Sanctæ Panormitanæ Ecclesiæ Regni Siciliæ primarius Canonicus
Theologus, & in eodem Regno Inquisitor Provincialis.

LECTURIS.

Cum pervenerit ad piam projectorum Deputationem
hujus Siciliæ Regni, cui ab utriusque Siciliæ Rege
demandatum fuit omne, quod ad infantium nascentium bonum attinet, quædam relatio Rev. Archipresbyteri
urbis Bideni, vulgo Bizzini, tam Exc. Proregi, quam
dictæ Deputationi directæ; in qua demonstratur, multos
infantes in nascendo videri mortuos, cum revera vivant: eadem
Deputatio mihi, qui ejusdem sum pars, commisit, ut
eam typis publicarem; utpote quæ multam adfert lucem,
ut plurimum infantium vita temporalis, & æterna servetur.
In exequendis igitur his mandatis, mihi quidem pergratis,
& ad plene assequendum finem, propter quem hæc promul-
gatur.

gatur relatio; necessarium duxi hæc, quæ sequuntur, Lectores admonere.

Tres deliquiorum classes distinguunt Medici: Lipothymiam, videlicet, Syncopen & Asphyxiam. In primo vitæ signa, scilicet sensus, motus, pulsus & respiratio diminuuntur. In secundo, partim diminuuntur, & partim abolentur. In tertio denique, abolentur omnia, saltem quoad exteriorem speciem: ideoque sub ea homo penitus mortuus videtur. Hæc asphyxia oritur, quoties spiritus cor movere non valent, ut motum systolicum, & diastolicum, ut solet, efficiat. Hinc cor vel penitus sistitur, ut quamplures cum Harvæo sentiunt; aut, ut cum Piscarnio docent alii, non habet, nisi tremorem quendam, ita diminutum, ut sanguinis circuitus sit penitus insensibilis. Sistuntur prorsus etiam pulmones ita, ut non amplius inspirationem, & expirationem producant, ut primæ sententiæ Authores docent, vel producant insensibilem, ut volunt Authores secundæ sententiæ.

Hæc eadem asphyxia tres habet gradus. In primo spiritus sunt separati seu disgregati, sed non extincti: sicque homo in ea ad vitæ usum ex se, & absque ullo medicæ artis auxilio, revertere potest. In secundo, spiritus partim separantur, seu disgregantur, & partim extinguuntur: sicque in ea homo exterioribus auxiliis per duas, tres, & quatuor horas perseveranter continuatis, ut ad sensus redeat, indiget. In tertio tandem sunt spiritus in tam grandi numero confumti; ut anima, licet corpori sit adhuc unita ob portionem spirituum, qui supersunt; tamen statim ac illud vitale principium extinguetur, exhibit, & mors, licet fatalem ictum non adhuc vibraverit, manum tamen ad vibran-

vibrandum crexit : ideoque imminet, & omnibus medicæ artis conatibus arceri non potest.

Novum non est, hominem adultum licet, & viribus pollentem, sub gravi aliquo deliquio, ex maximo præsertim labore exorto, creditum fuisse vita functum; & aliquando etiam sepulturæ mandatum, anima nondum a corpore separata. Quod etiam fulmine percussis, laqueo, carbonum fumo, aut aqua subfocatis accidisse, compertum est. Submersos item non semel sub aquis, sub mortuorum specie vixisse, nedum per horas, sed etiam per dies; præter illos, qui sensibus integris, & sub viventium forma, sub aquis vitam servarunt; ætatis nostræ Medici in suis libris testantur. Hoc autem nostræ considerationis in præsentiarum non est.

Quod autem ad infantium nascentium asphyxiam attinet, ea est ipsis frequens, & ob virium tenuitatem, & ob nimium laborem, quem in nascendo substinent; nec non ob commotam maternorum humorum sentinam, ac fœtorem. Hæc quippe tam in abortibus, quam in Cæsareis partibus defunctarum adspicitur; in quibus maternorum spirituum affluxus deest. Sæpe etiam in partibus difficillimis; præsertim si ferrea instrumenta adhibentur; nec non in partu Cæsareo viventium, qui non nisi in partu impossibili fit, ea occurrit. Sed quod majus est, observatur etiam in partibus naturalibus, & facillimis; in quibus nascentis conatus, qui partum facilem reddidit, majori labore nascentem ipsum affecit. Et quamvis ante vegetus erat; statim deinde ob spirituum consumptionem, non quidem vita functum (non enim ab uno ad aliud extremum, sine medio, dantur transitus) sed certe ob asphyxiam, mortuo similis videtur. Interim

autem sub mortis larva vivit: & tanto facilius hoc in deliquio perseverant tam nascentes, quam adulti; quanto certius est, fœtum in matris utero aut non respirare omnino, aut nimis lente. Sanguis etenim, ut in nonnatis blande circumbeat, pulmonum ope non indiget; sed ejus pars a dextero cordis ventriculo ad sinistrum per foramen ovale; & pars per tubum, seu canaliculum arterialem in aortam excurrit. Quod quidem foramen ovale, & tubus sunt in nonnatis aperta, & in natis solum clauduntur, quando fortior respiratio incipit. Sanguis itaque in nonnatis fluet, quin pulmones expandantur, & restringantur vi aëris introeuntis: ideoque, postquam nati sunt, vitam protrahent sine illa respiratione: ac proinde nobis non cognoscentibus, ipsos sensibile aliquod vitæ signum habere.

Hinc sequitur, infantes statim ac eduntur in lucem, si nullum vitæ signum habeant, nec corrupti sint, aut corruptionis initium præ se ferant (quod in ipsis est unicum solum indubitatae mortis indicium) nec aliquod aliud mortis signum in ipsis appareat, esse sub conditione baptizandos, juxta quam plurimum (a) Authorum doctrinam, ac cautarum obstetricum morem. Deinde eos adjuvari longanimi trium, ac quatuor horarum cura procurandum est. Ipsis præsertim humanus halitus in eorum os insuffletur; mammarum præcipue sinistrae, papillæ sugantur: pedum plantæ setarum

(a) Bruhier Dell'incertezza de segn. t. 1. c. 9. fol. 155. Florentinius de Homin. dub. disp. 2. sect. 6. n. 5. fol. 124. & disp. 4. sect. 14. n. 9. & 2. Roncaglia Theol. Mor. t. 2. tr. 17. de baptis. c. 4. q. 4. resp. 3. Caramuel Theol. Mor. fund. 66. p. 541. n. 14. La Croix l. 6. p. 2. n. 1164. Feifous Theatr. Crit. t. 5. de sign. mort. & disc. 6. p. 9. & seq. Deodatus a Cuneo, & praxis Prælatorum Siciliae & Cremonæ in eorum Adiectis.

penicillo titillentur : in calido aromatico balneo laventur , aut aliquando aqua aspergantur gelida : propriæ infantis secundæ & placenta , præcipue si umbilicalis funiculus non est adhuc recisus , prope natum aut cumentur , aut in ferventem aquam immergantur , ut eorum fumus , seu vapor in nares infantis insinuetur : Tabacci fumus per fistulam , vulgo pippa , illam præsertim Bartolini in intestinum rectum per anum immittatur , aut saltem viventis gallinæ rostrum iterum , atque iterum in ejusdem anum immittatur : ab his enim remediis effectus mirabiles provenerunt. Ex hucusque dictis clarissime patet , nonnatos nullum certæ mortis habere indicium , nisi solam manifestam putrefactionem. Hinc juste Protomedicus Siciliæ in suo Edicto 2. die Octobris 1761. publicato , hæc mandavit , videlicet : „ Quod si ipsi infantes „ nati sæpe mortui videntur , licet non sint ; quam facillime „ decipi poterunt obstetrices , si nonnatos mortuos credant. „ Ideoque non facile eos vita functos existiment ; & fallaci „ hac præsumptione eos in frustra extra uterum trahere , aut „ Chirurgum ad eam carnificinam peragendam inducere ; „ aut partum Cæsareum post matris mortem dissuadere , aut „ negligere præsumant.

Hac de re fusius in meæ Embryologiæ latince lib. 2. cap. 13. & lib. 3. a cap. 10. & deinceps , agitur. At in confirmationem eorum , quæ ibi notavimus , sequens inscribitur relatio ; ex qua clare patet , quam frequenter infantes nascentes asphyxiæ subjiciantur ; atque ideo quam vigilantè a Parochis monendæ sunt obstetrices non solum , sed etiam populus ; ne pereant tot infantes nascentes , qui auxilium recipere possunt , & salvi fieri.

RELAT.

RELATIO

Ad Excellentissimum Dominum Proregem per piam projectorum Deputationem Bideni, vulgo Bizzini, exscriptam die 13. Januarii 1762.

De infantibus, qui sub mortuorum specie nascuntur, & sæpe viventes inveniuntur. Ab Rev. Domino Ignatio Gandolfo civitatis ejusdem Archipresbytero; & olim Liparenfis Episcopatus Vicario Generali.

Daturus Excell. Vestrae, ac toti projectorum Illustri Deputationi, quæ id in mandatis mihi dedit, relationem distinctiorem iis, quas hucusque dedi de infantibus, qui sub mortuorum forma nascuntur; eo quod mortali asphyxia deliquio oppressi eduntur in lucem; certis tamen remediis, & fomentis vivere comperti sunt: arbitratus sum Exc. Vestrae referre, quod in partibus etiam naturalibus, seu facilioribus solers hic cura adhibetur, ut infantes, qui mortui in nascendo apparent, sintne vere mortui, an apparenter, observetur.

Ab nostratibus obstetricibus accepi, quod inter infantes, qui nascuntur, nonnulli certe vivunt, sed sunt deliquio oppressi; ostendunt enim aliquod vitæ indicium tenui respiratione, aut pulsu, aut alio aliquo vitali motu; & hi absolute baptizantur, ac solitis fomentis restaurantur. Alii sunt certe mortui, nedum enim vitæ signum habent, verum etiam aut sunt corrupti, aut corrumpi incipiunt; atque hi nec ullo modo baptizantur, nec aliquo remedio adjuvantur. Alii denique sunt dubie vita functi: quamvis enim nullum vitæ signum ostendant, ac proinde omnino mortui appa-

appareant; nihilominus cum nullam habeant corruptionem,
nec corruptionis indicium, quod est ordinarium mortis in-
fallibile signum, ~~unacumque~~ ^{utrum} mortui vere sint, vel an vi-
vant. Obstetrices igitur nostrates ob plurimum ~~imperitiam~~ ^{imperitiam}
ta passim hic habita, infantulos, qui in nascendo mortui
prorsus videntur, non derelinquunt; sed erectis animis quæ-
dam adhibent medicamenta, quibus eorum aliqui pedeten-
tim aliquod vitæ signum ostendunt: alii vero post plurimum
horarum laborem ita perfecte ad sensus redeunt, ut deinde
longius vitam producant. Hoc autem non raro, sed quo-
tidie accidit; imo numerus infantium, qui in nascendo vi-
tam dubiam ostendunt, deinde adjuti, eos certe vivere de-
monstrant, est major iis, qui vere sunt vita destituti, ut
hoc in loco diligentiori cura duorum præcedentium anno-
rum spatio observatum est; & ego singulis semestribus
spatiis ad Illustr. Projectorum Deputationem relationes trans-
misi. Verum enim vero a Calendis Januarii 1760.
ad ultimam usque diem Decembris 1761. præter ma-
gnum infantium numerum, sub deliquio natorum, qui ta-
men vitam habere aliquo indicio ostendebant, ideoque sine
aliqua conditione sunt baptizati: nati sunt alii quinqu-
aginta duo infantuli, qui mortui videbantur. Ex
his viginti sex certo mortui prodierunt, qui aut-
jam corrupti erant, aut corrumpi incipiebant; & hi nec ba-
ptismo abluti, nec remediis sunt adjuti. Reliqui vero vi-
ginti sex videbantur mortui, nullum enim vitæ signum ha-
bebant: sed nec corrupti erant; nec certum aliquod mortis
indicium pro se ferebant: atque hi sub conditione baptizati
sunt, ac fomentis adjuti. Ex his igitur viginti sex, soli-
tis

tis adhibitis remediis decem & septem ad sensus redierunt; cæteri vero novem sub mortuorum figura remanserunt. An autem hi novem nati sint mortui: an vero, dum ipsi in media ætate fuerint, acciderint, etiam obstetricibus ipsis incertum est; cum in eis nullum observaverint vitæ indicium.

Remedia, quibus uti solent obstetrices nostrates, sunt, quæ sequuntur.

1. Sugunt infantulis fontem pulsatilem in capite situm; scilicet locum, in quo arteriarum nodus existit. Sugunt autem iteratio, & per intervalla: & interdum solam frontem sugunt. Insuper si funiculus umbilicalis sit fractus, umbilicum ligant.

2. Funiculum umbilicalem, & secundas in ferventem aquam immittunt, & juxta infantem ponunt; ut vapores illi, spiritibus ejusdem infantis oppleti, eum excitent.

3. Unius, aut plurium gallinarum viventium rostrum in infantis anum immittunt alternatim. Atque hæc sunt tria fomenta, quibus obstetrices nostrates utuntur.

In his igitur semestribus spatiis, quæ a Calendis Januarii 1760. ad ultimum usque diem Decembris 1761. decurrunt, decem & septem infantes, sub mortuorum specie ad lucem orti, salvi facti sunt.

Cum autem hæc de infantibus natis narro, non mihi sermo est de illo deliquio, quod prima facie infantes mortuos credendos efficeret; sed de illo, quod eos in totali mortis specie, etiam obstetricibus ipsis, quæ diligenter eos perscrutabantur, constitueret. Siquidem ipsæ minutatim a me interrogatæ, asserunt adfirmantque, eos infantes nullam habuisse respirationem, nequidem tenuissimam; nec ullum omnino motum

tum in pulsibus, in corde, in temporibus, & in fonte pulsatili, nec ullum dabant vitæ indicium adeo, ut prorsus mortui viderentur.

Ex his autem nonnulli, remediis adhibitis, aliquod vitæ signum dederunt post dimidium horæ; post horam alii, alii denique post duas, aut tres horas. Deinde ad vitæ officia ita perfectissime redierunt, ut potuerint ad fontem baptismalem transferri; ac quidam plures dies; nonnulli plures menses vixere; deinde decesserunt: alii vero adhuc supervivunt.

Ponam hic ego illos tantum, de quibus in mea Parœcia, ejusque adnexis, quæ totam plane civitatem efficiunt, habui notitiam: nam alia Parœcia, Sancto Evangelistæ Joanni dicata, vix quadringentos continet cives. Mea vero, quæ Ecclesia mater est, & duas habet filiales Ecclesias; sanctam Agatham scilicet, & S. Joannem Baptistam, septem milium civium numerum habet.

Primum semestre spatium a Calendis Januarii 1760. ad ultimam usque diem Junii anni ejusdem.

Die 9. Februarii 1760. Anna Giordano, uxor Antoni, nono prægnationis mense partum habuit difficilem horarum octo: infans enim caput porrexit, & brachium. Tunc obstetrix nomine Carmela Blangiardo eum sub conditione baptizavit. Post horam deinde natus est absque aliquo vitæ signo. At cum obstetrix fomenta superius recensita adhibuisset per horam cum dimidia, ad vitæ usum infans rediit, & ad fontem baptismalem deductus, post tres dies, quia lac sugere non potuit, mortuus est.

Die 15. Februarii 1760. Cajetana Ferraro, uxor Cajetani, puellulam peperit, quæ omnino mortua videbatur. At postquam obstetrix tria solita fomenta per tres circiter horas adhibuisset, ad vitæ functiones rediit, ac baptizata est. Post dies vero viginti novem vivere desiit.

Die 27. Martii 1760. alius natus est infans partu quidem naturali, sed sub specie mortui; sicque per horam cum dimidia moratus est. Adhibitis interea ab obstetrice tribus recensitis fomentis, ad sensuum munia rediit, & ad nonam usque diem Julii vivebat adhuc.

Circa ejusdem Martii finem Ignatia de Aparo, uxor Antonini post nonum graviditatis mensem partum habuit difficilem per horas decem & octo. Fœmella enim exire conata est præpostere porrigens scilicet posteriora. Interim Maria li Volti obstetrix eam sub conditione baptizavit; ac post horæ dimidium, in eodem situ manens, venit ad lucem; absque tamen ullo vitæ signo. Obstetrix umbilicum puellulæ ligavit; ac fontem pulsatilem suxit; & sic paulatim vitæ indicia præbere cepit: deinde viventis gallinæ rostrum in ejus anum immisit; & post horam cum dimidia ad vitæ usum rediit, ad fontem baptismalem perlata est, & adhuc vivit.

Die 14. Aprilis 1760. Carmela Blangiardo obstetrix partum Archangelæ Costa, uxoris Antonini, post nonum ejusdem graviditatis mensem, adjuvit. Partus multum difficilis fuit. Infans enim præposteras partes porrexit; ideoque sub conditione baptizatus fuit. Exiit tandem ex utero, sed monstruosus & veluti mortuus, nullum vitæ indicium habens. Adhibitis ab obstetrice solitis remediis per
duas

duas horas cum dimidia, imo amplius; tandem ad vitæ officia reversus est; & ad fontem baptismalem adductus, vixit ad ultimam usque diem Novembris hujus anni.

Die 9. Junii 1760. Anna Cutrona, uxor Michaelis Angeli, nono prægnationis mense in partu difficili per horas quatuor, & viginti laboravit; post quas pedes primum, deinde manum præbuit infans; & sic a Maria li Volti obstetrice baptizatus sub conditione fuit. Per aliam horam cum dimidia in situ eodem permansit; & tandem nascitur absque ullo vitæ signo. Adhibuit obstetrix tria solita fomenta; & dum ea adhibebantur, cæpit infans vitæ indicia præbere; & post tres horas ita perfecte ad vitam rediit, ut ad fontem baptismalem perducere potuerit: & post mensem circiter mortuus est.

Hoc in eodem semestri spatio præter enarratos partus, acciderunt duo alii; in quibus infantes sub mortis larva nati sunt; & per solita remedia revixere. Notam de his scriptam invenire non potui; vel quia id adnotare neglexi, vel quia schedula deperdita est.

Secundum semestre spatium a prima die Julii ad ultimam usque diem Decembris 1760.

Calendis Augusti 1760. Gratia de Blasi, uxor Michaelis Angeli, septimo graviditatis mense septem horas in partu difficili laboravit; post quas infantis pedes apparuerunt, & obstetrix Maria li Volti statim conditionate eum baptizavit. Post horæ dimidium editus absque ullo vitæ indicio ita, ut mortuus putaretur.

Obstetrix ejus umbilicum ligavit; ac fontem pulsatilem suxit; & infans paulatim tenue vitæ signum dare cepit, donec post horam circiter ad vitæ usum rediit; & ad fontem baptismalem perductus, domum reversus obiit.

Die 9. Augusti 1760. Concepta li Inguanti, uxor Philippi, multum in partu difficiliore passa est. Infans enim brachium, & pedem porrexit; sicque per quatuor, vel quinque horas circiter moratus est. Interim Carmela Blangiardo obstetrix dubitavit, an infans viveret, cum nulum in eo motum deprehendisset; ideoque sub conditione eum baptizavit. Deinde puerulus natus est sine ullo vitæ signo: obstetrix tamen duarum viventium gallinarum rostro vicissim usa est: infantis secundas in ferventem aquam immerisit; assidue ejusdem fontem pulsatilem sugendo. Post tres horas revixit puer, & ad fontem baptismalem perductus, ubi nomine Viti donatus est, quintum post diem mortuus est.

Die 7. Decembris 1760. ex Anna Amato, uxore Gregorii, natus est infans, cujus collo funiculus umbilicalis erat circumligatus; & mortuus videbatur. At tamen Joana Russa obstetrix eum sub conditione baptizavit, & fomenta solita adhibuit; quibus post horam ad sensus rediit, & ad fontem baptismalem perlatus est, & adhuc felicissime vivit.

Die 28. Decembris 1760. in quodam partu difficillimo infans, antequam nasceretur, fuit baptizatus sub conditione. Ut autem editus fuit, mortuus visus est. Joana Russa obstetrix solita adhibuit remedia, quibus puer revixit, & ad fontem baptismalem deductus fuit. At dum domum reverteretur, occubuit.

Tertium semestre spatium a Calendis Januarii ad ultimam usque diem Junii 1761.

Calendis Aprilis 1761. Anna Ferro, uxor Antonini, nono praeagnationis mense parturit partu inverso difficillimo, labore ac periculis pleno infantem sine ullo vitae indicio, imo adeo denigratum, ut adstantes derelinquendum putarent. Angela tamen Blangiardo obstetrix pluribus experimentis edocta, dubitans, an viveret, eum prius sub conditione baptizavit; deinde solita tria fomenta incassum per tres horas adhibuit. Sed non multo post vitae signum dare cepit vocula ita infirma, ac tenui, ut vix ab adstantibus audiretur. Paulatim deinde nigredinem in album colorem mutans, ejus labia rubedine colorantur, inde aperuit oculos, & ad sensus rediit. Fuit proinde ad fontem baptismalem perductus, & adhuc vivit, infirma tamen valetudine.

Die 6. Junii 1761. Anna Brugliere, uxor Conradi, post nonum graviditatis mensem partu difficillimo peperit infantem funiculo umbilicali ad colium alligato, ac sine ullo vitae indicio. Joana Russa obstetrix dubitans, an viveret, eum sub conditione baptizavit. Deinde manum ad ejus anum applicuit, quo remedio ad vitam restitutus est, & adhuc vivit.

Quartum semestre spatium a Calendis Julii ad ultimam usque diem Decembris 1762.

Die 11. Novembris 1761. Cajetana Luccala, uxor Michaelis multum laboravit in partu. At Carmela Blangiardo obstetrix videns foetum partui proximum, nec noscere valens, an viveret, sub conditione baptizavit. Cum autem postea peperisset femellam sine ullo vitae indicio, imo
sub

sub mortis figura; solita ab obstetrice præstata sunt fomenta, quibus post tertium circiter horæ quadrantem, ad sensus rediit. Iterum ab obstetrice baptizata sub conditione est, scilicet -- si non es baptizata &c. & post horæ dimidium obiit.

Die 21. Decembris 1761. Ex Matthæa Fonte, uxore Lucii, post duos dies difficilis, ac laboriosi partus natus est infans absque ullo motu, ita ut ab omnibus visus sit omnino mortuus. Attamen Joanna Russa obstetrix, eo sub conditione baptizato, viventis gallinæ rostrum ejus ano applicuit; frontem suxit; ejus secundas in ferventem aquam infudit: quibus remediis post horæ dimidium infans paulatim ad vitæ munia rediit; & ad fontem baptismalem perductus est, ubi Michael Angelus vocatus est: sed post dies quindecim occubuit.

Die 26. Decembris 1761. Ex Joanna Russo, uxore Gregorii post diem naturalem partus difficillimi, natus est infans, qui penitus extinctus videbatur. Joanna Russa obstetrix experimentis instructa, dubitans, an viveret, eum sub conditione baptizavit. Deinde gallinæ viventis rostrum in ejus anum immisit; & frontem fortiter suxit; sicque post horæ quadrantem revixit; & perductus ad fontem baptismalem, ubi Paulus nominatus fuit, feliciter ad præsens vivit.

Hæc sunt, quæ in hoc genere distinctius adnotare potui in executionem Mandatorum Illustrissimæ Projectorum Deputationis. De reliquis vero, quæ ad existentiam capsæ rotabilis, ejusque custodiam, ac personam, quæ ipsi adstipit pro excipiendis projectis; quæ ad auxilia ipsis impensa; quæ ad abortus impeditos, ac abortivos quæsitos, an scilicet baptismo capaces sint; quæque ad partus cæsareos, & monstra pertinent; remitto me ad ea, quæ in meis aliis relationibus quolibet semestri spatio scripsi, aut scribam. Interim Excellentiae Vestrae meam exhibeo servitutem; & me honoribus auctum credo, cum me subscribo

EXCELL. VESTRÆ

Datum Bideni Idibus Januariis 1762.

*Humillimus Famulus
Ignatius Gandolfo Archipresbyter.*

LIBER




LIBER PRIMUS

De Parochi, aliorumque Sacerdotum sollicitudine pro mulieribus prægnantibus: deque industriis ad Abortus impediendos & de Baptismo Abortivorum.

CAPUT I.

De Abortu Involuntario.



ÆTERNAE parvulorum salutis maximam prorsus habendam esse rationem, cordatorum

nemo ignoraverit. Inclytus quidem ille Indiarum Apostolus Xaverius, eorum Christo lucratorum sitientissimus fuit: ac de eorum Baptismate a se per infinitos labores, ærumnas, atque pericula toto Oriente ministrato, mire exultabundus, Alumnis suis, & Sociis eundem erga illos præcellentissimi

A

lentissimi zeli ardorem afflare fœpissime conabatur (a). Imo cum ipforum plurimi a se baptizati, ante usum rationis in Cœlum evolerent, non solum sibi eorum expe- tebat patrociniū; sed etiam Societatem ipsam Romæ commoran- tem ut eorum auxilium invocaret invitabat. (b) Et profecto sapien- ter: Ecclesia enim de hujusmodi parvulorum beatitudine certa, non solum eos cum pompa, & læti- tiæ signis, ac summæ Trinitatis glorificatione ad sepulcrum a cæ- teris distinctum deducit; sed & in eorum funeris officio ipforum in communi opem una cum Beato- rum Angelorum præsidio expo- scit; quorum consortio aggregan- tur (c).

2. Quæ cum ita sint, quis un- quam negare audebit, etiam non- natorum infantulorum æternæ fe- licitati summa cura prospiciendum? Admiranda solis beneficentia ad omnia viventia sese extendit, et- iam minima insecta, aliaque te-

nuissima animalia, quæ sub hu- mo vivunt, ac terræ latibula inha- bitant; nec est, qui se abscondat a calore ejus. Simili ergo ratio- ne Sacerdotum Christi charitas omnibus hominum generibus con- sulere debet, quamvis lucem istam nondum aspicientium, sed mater- nis visceribus inclusorum. Hoc autem præ cunctis aliis de anima- rum Pastoribus dicendum est: imo vero una e majoribus curis, quæ Parochi animo, qui vere Paro- chus sit, insidere consuevit, cir- ca nonnatorum salutem versatur. Neque id mirandum: Tridenti- num enim docet: (d) Parochos *pauperum, & miserabilium perso- narum curam paternam gerere di- vino jure teneri*. Porro quis un- quam nonnatis pauperior, aut miserabilior? Hi enim non solum exterioribus bonis, sed & ipso ra- tionis, & sensuum usu omnino ca- rent. Imo divinæ gratiæ expertes, ad eam consequendam non modo actibus suis cooperari penitus ne- queunt:

(a) Sanctus Franciscus Xaverius *passim in suis Epistolis*. Item Tur- sellinus *in ejus vita*.

(b) *Idem Xaverius lib. 1. Epist. 5.*

(c) *Rit. Rom. de exeq. Parvul.*

(d) *Trident. sess. 23. de Reform. cap. 1.*

queunt: sed nec ab aliis in statu illo Sacramentorum incapaci auxilium petere, vel accipere possunt.

Quo fit ut eorum in Spiritualibus præsertim indigentia extrema sit ac plane singularis. At diligit Christus pueros hosce, si non complacentiæ amore, utpote inimicos; intimæ tamen benevolentiae, quia divino sanguine suo redemptos, ac vere paterna miseratione erga illos afficitur, cum nulla eos actualis, ac proprii ipsorum peccati macula videat inquinatos.

3. Controvertitur sane inter Theologos, utrum Nonnati proprio gaudeant Angelo tutelari: Sancti Anselmus, Thomas, Bonaventura, & Franciscus Salesius cum Suarezio affirmant: negant vero cum Sancto Hilario Zumel, Valentia, Vasquezius, alique: eosdem usque ad nativitatem materni Angeli custodiæ attribuentes. Illud indubitatum, eos peculiarem alium Sacerdotem, cuius curæ, ac sollicitudini præcipue commissi sint, non habere quam matris Pastorem, qui eorum visibilis & tutelaris est Angelus, ad quem tempore debito spe-

ctabit illorum Baptismatis ministratio. Ipse igitur eos inter suos quodammodo Catechumenos a divina Providentia sibi creditos, ac futuros olim spirituales filios, computabit. Hæc autem sollicita cura in tribus præsertim capitibus continetur. Primum erit abortus præcavere, qui vitæ corporali puerili semper noxii, frequenter etiam spirituali funesti sunt: cum facile infans, vel ante abortum ipsum in ventre, vel statim post illam, & ante Baptismum, extingui soleat: invigilare insuper ut abortivi rite baptizentur, ne originali peccato maculati decedant. Secundum est Matre gravida quacumque ex causa moriente, diligentissime satagere, ne Puer in illius ventre cum ea sepeliendus derelinquatur, sed partu Cæsareo quamprimum extrahatur, ut vivere possit, aut saltem Baptizari. Tertium erit, instare, & efficere, ut in partu difficili Medici opportunis remediis, & ipso partu Cæsareo, si expediat, periclitanti fœtui succurrant.

4. Et quod ad primum attinet, scilicet ad curam pro impediendis abortibus; ii duplicis sunt speciei, A 2 involun-

involuntarii, & voluntarii. Causæ a quibus oriuntur involuntarii, sunt fere sequentes.

I. Mariti in percutienda, vel vexanda uxore sævitia.

II. Mulierum imprudentia, ac temeritas in arripiendis itineribus, vel elevandis ponderibus, quæ vires pro statu saltem graviditatis, excedant.

III. Non degustati cibi, vel potiones, quorum libentio-rem appetitum phantasia excitaverit. Sæpe enim gravidas importuna verecundia, aliæque vanæ rationes a postulanda hujusmodi alimentorum delibatione cum maximo prolis ipsarumque damno retraxerunt.

IV. Intemperantia, & vecordia, qua illæ propriæ sanitatis, & virium conservationem non raro contemnunt.

V. Rixæ, a quibus tristitiæ, terrores, iræ, persecutiones, aliæque infortunia oriuntur.

VI. Immoderata jejunia. Quocirca notandum: Prægnantes, expleto tertio mense, jejunii one-

re non teneri: nam loco illius sesquilibrium sanguinis, quæ in tributis lunaribus, jam conquiescentibus, emitti solebat; tantundem chylosæ substantiæ ad fætum dirigitur in ejus alimoniam cessurum. Post tertium vero mensem, fætui grandiusculo & abundantiori nutritione jam indigenti, non sufficit amplius: quapropter ut matres copiosius alimentum communicent, jejunii lege solvuntur: eximendæ etiam vel ab ipsis graviditatis initiis, ubi illud molestæ ferant.

VII. Saltationes, seu choreæ.

VIII. Vestes ad elegantiam affectandam nimis angustæ.

Hæc plerique (a) adnotarunt cum Scipione Mercurio (b) qui alia etiam a gravidis vitanda recenset. Porro Parochus, cæterique Sacerdotes, qui zelo pro puerulis flagrant, prædicare non omittent, maritum, & uxorem respective peccare, si prædicta mala, causas, & occasiones abortuum non evitent: imo si contra non satagant apta media adhibere, ne

(a) Nider in 5. præcept. decal. c. 1. lit. f.

(b) Mercurial. de morb. Mulier. lib. 1. cap. 4. & lib. 2. cap. 1. & alii.

ne sequatur abortus: & coram Deo parricidas esse non minus animarum, quam corporum filiorum: atque hoc sæpius inculcabit: frequenter enim Christiani ipsi peccatorum istorum gravitatem, & consequentia mala non perpendunt, eorum immane pondus tantum admiraturi, cum illud in statera divini, tremendique iudicii periculo suo librari conspicient, ac eo propriam conscientiam opprimi experientur. *Indubitatum est*, inquit Theophilus Rainaudus (a), *teneri prægnantem omnia illa præstare, & omittere jure naturæ quæ ad fœtus, sive animati, sive inanimati jam tamen concepti, debitam curam præstanda, vel omittenda videbuntur.* Idem de Patre sentiendum. Quocirca Sancti Ambrosius, Hieronymus, Augustinus, & Isidorus cum Clemente Alexandrino,

Origene, Burchardo, & aliis (b) docent: Parentes primis septem a conceptione diebus, ac tempore partui proximo ad abstinendum a maritali congressu obligari propter abortus timorem. Rainaudus quidem illos a tam gravi onere censet eximendos, cæterum illud in concussum est apud omnes, concubitum, ubi verum abortus periculum accesserit, esse semper illicitum (c). Notavit autem Bianchius (d) ex variis in usu conjugii inordinationibus, ac effræni conjugum libidine, quas Moralistæ, nunc mortalis, nunc saltem venialis peccati damnant; non solum abortus frequenter manare, sed & vitiosas generationes partuum difficillimorum, imo desperatorum, & cum Matris morte conjunctorum origines.

5. Illud etiam a Parochis, aliisque
A 3 que

(a) Theophil. Rainaud. tom. 14. tract. de ortu Infantium per sect. cæsar. c. 11.

(b) S. Ambros. lib. 1. in Lucam in fine. S. Hieronym. lib. 1. contra Jovinianum. S. August. serm. 144. de temp. S. Isidor. de summo bono l. 2. c. 39.

Clement. Alex. l. 3. Strom. & Pedagog. c. 10. Origen. tom. 3. in Genes. Burchard. 2. Decret. c. 5.

(c) S. Antonin. in Summa p. 1. interrog. de c. præcept. C. unico. Tiracquel. l. 15. convab. n. 141.

(d) Bianch. de natural. & vitios. generat. p. 2. pag. 76.

que Sacerdotibus animadvertendum: sæpe mulieres abortum pati propter inopiam, qua vel congruo alimento, si famelicæ, vel opportunomedicamine, si infirmæ, nequeunt adjuvari, vel a laboribus immodicis, si sanitate gaudent, sese subducere. Moneant ergo populum, si nos ullo umquam tempore ad eleemosynam teneamur, in iis præcipue circumstantiis obstringi, ne fætus scilicet, & anima, & corpore pereat: piis proinde largitionibus, & matri, & fætui periclitanti summo charitatis ardore subveniendum. Sed heu quam quotidiani pauperularum abortus! quamque rari homines, qui propriæ immisericordiæ tantum malum adscribant! Demum prægnantibus inservire, favore præsertim prolis, nobile misericordiæ opus est, a Sancto Ambrosio (a) exemplo B. Mariæ Virginis commendatum: quæ cum cæteroqui propriæ domus solitudine maxi-

me delectaretur; tamen ad Elisabeth festinavit.

6. Involuntarii abortus ut & pariendi difficultas, vel impossibilitas ex diabolica operatione interdum, a fortilegorum nequitia proveniunt (b). Magus Castri Bottingensis in Laufana Diæcesi fassus est judici, effecisse se, ut septem successive cujusdam mulieris filiohi, ac omnes brutorum fætus ejus domus, qui spatio annorum octo concepti fuerant, in utero interirent, & per abortum emitterentur. Contra hos abortus cereæ Icones Agnus Dei nuncupatæ, & similia vere sacra Amuleta, a prægnante gestanda, laudantur (c). Maxime autem indeficiens oratio, ac solida parentum pietas, quæ remedia sunt suprema.

Cæterum Latina Ecclesia tres olim quadragesimas fæminis involuntarie abortientibus imposuit. Græca vero nostris quoque temporibus hujusmodi plectit abortus

(a) S. Ambros. l. 2. in *Lucam* c. 1.

(b) Grilland Jo. Nider. & Martinus del Rio *Disquisit. mag.* l. 3. p. 1. q. 3.

(c) *Ex Cerem. Rom.* l. 1. sect. 7. c. 8.

tus, faltem propter præsumptionem causæ remotæ aliorum, scilicet peccatorum, in quorum ultionem Deus fætus ruinam permiserit. Et sane expediret, ut Parochi etiam nostri, abortus involuntarios ali-

qua moderata castigatione mulcerent: id certe prodesset in posterum ad mulieres ab abortibus absterrendas earumque negligentiam aliquo pacto curandam.

C A P U T II.

Quomodo Parochus voluntarios abortus impediat.

1. **A**BORTUS autem voluntarii a mulieribus inhoneste, ac furtive concipientibus attentantur: maxime a puellis ob verecundiam, ac propinquorum formidinem. Etnici, & Manichæi videntur hæc scelera tamquam licita ex professo exercuisse. Primis id exprobrat Minutius (a): *Et hæc utique de Deorum vestrorum disciplina descendunt.* Secundis vero Augustinus (b). Imo quod magis miraberis, Aristoteles ipse abortum ante fætus animationem concedit (c); propterea a Patribus, aliisque, præsertim Tertulliano (d) reprehensus.

2. Christiana tamen Philosophia, siue fætus sit animatus, siue non, abortum & ipsam conceptionis impeditionem damnat, quomodocumque illa fiat: cum nequaquam liceat, naturam ad dandam Homini vitam sese accingentem disturbare. Nihilominus non raro tanta flagitia inter ipsos Christianos emergunt: atque hæc & sacrilegæ Sacramentorum perceptiones amarissimi sunt fructus impudicitiae: quæ si a nimia, & licentiosa familiaritate foveatur; mali graminis instar ubicumque germinare potis est, inter ipsos etiam necessarios, fratres quo-

que

(a) Minut. Felix in Octav. adv. Gentil. n. 53.

(b) S. August. adv. Manich. de morib. eorum c. 18. & serm. 144.

(c) Aristot. 7. Politic. cap. 16.

(d) Tertullian. lib. de exhort. ad castit. & Apolog. c. 9.

que, ac sorores, imo parentes, & filios: quod utinam nunquam evenisset!

3. Sanctus Hieronymus, qui fæmineæ fragilitatis domesticum vidit experimentum, enormia mala deplorat, quæ in Ecclesiam ipsiusmet sæculo invehebat, sacrarum etiam virginum damno, luxuriæ pestis exitialis, atque vastatrix: en acerbissima ipsius verba (a). *Ne quis sibi de sanguinis propinquitate confideret; in illicitum sororis Amnon frater arsit incendium. Piget dicere, quot quotidie Virgines ruant: quantas de suo gremio Mater perdat Ecclesia: super quæ sidera inimicus superbus ponat thronum suum. Videas plerumque viduas antequam nuptas infelicem conscientiam, mentitum larva protegere: quas nisi tumor uteri, & infantium proderit vagitus; sanctas & castas esse gloriantur, & erecta cervice, & audentibus pedibus incedunt. Alice sterilitatem præbunt, & nec dum sati hominis homicidium faciunt. Nonnullæ cum senserint concepisse*

de scelere; abortui venena meditantur; & frequenter ipsæ commortuæ trium criminum reæ ad inferos perducuntur, homicidæ sui, Christi adulteræ, nec dum nati filii parricidæ. Simili plane modo conqueritur Tertullianus (b) citati Minutii coætaneus. Quantum autem plures de pluribus sceleribus suspectas habebis? Dicam, licet nolim. Difficile mulier semel fit, quæ timet fieri, quæ jam facta, potest virginem mentiri sub Deo: quanta iterum circa uterum suum audebit, ne etiam Mater detegatur? Scit Deus, quot jam infantes & perfici, & perducere ad partum integros duxerit, debellatos aliquandiu a matribus & hæc admittit flagitia coacta, & invita Virginitas. Atque de his sacri legiorum, & abortuum speciebus loquitur, ut Rainaudo videtur; Toletanum Concilium.

4. Si talia ergo crimina pietate olim nitidius florente contingebant; possunt etiam procul dubio hac nostra ætate rationabilius formidari. Celeberrimus Antistes Joannes a Palafox

(a) S. Hieronym. ad Eustoch. de Custod. Virgin.

(b) Tertullian. de velam. Virg. c. 14.

Palafox enarrat (a): se matrem habuisse a pueritia honestam, ac virtuosam; sed aliquando lapsam: quæ tamen, ad Deum postea conversa, rigidissimum fundavit rexitque monasterium, & eximiis vitæ sanctioris exemplis illustravit. Hæc in sæculo Joannem occulte concepit: quapropter dedecus, & indignationem parentum, & consanguineorum fortunæ bonis præstantium pertimescens; fætum in utero disperdere conata est: sed infans vivus, ipsa frustra nitente, cum ortus esset; in cista multis panis cooperta inclusus, ruri inter herbas, & virgulta per notabile spatium temporis jacuit derelictus. Jamque eum inde sublatum, & quamquam non baptizatum in fluminis gurgitem projiciendum ancilla ad ripam usque perduxerat; cum Dei providentia villici senis curiositatem excitavit. Is inspicere omnino voluit, quid forte in cista illa asportaretur. Infante igitur detecto, eum a Diabolo faucibus eripuit, sacro Baptismate ablui curavit, & in sua domuncula charitate vere Christiana enutrivit.

5. Utinam vero sola luxuria ad abortus voluntarius impellere posset, neque eis sese immisceret quandoque paupertas, quæ mulieres & in abortum, & in similia facinora præcipites agit.

Sancti Germani Augustudonensis Episcopi Parisiensis Mater, quamvis Viro nupta & genere conspicua, attamen multitudinis filiorum, & egestatis impatentia, ut creditur, nihil intentatum reliquit, quo illum de ventre exturbaret: Deus autem contra impiam genitricis pervicaciam, puerum, ut ex ejusdem actis habemus, tutatus est, atque servavit. Quid autem dicendum de Juvenulis illis, præsertim nobilibus, quæ, vel ut suorum blandimenta captent, vel ut futuros partus dolores evitent, vel insana quadam levitate percitæ, abortum peramant, choreis, similibusque mediis procurant, eoque obtento gaudent, ac stultissime gloriantur? Quis hæc reputaret possibile? At frequentissima sunt: ut certissima experientia compertum habeo.

B

O

(a) Joann. a Palafox in *vita interiore* cap. 3.

O rem detestabilem, & divina maledictione dignissimam!

6. Oportet igitur, ut Parochi apertissimis oculis vigilant, hujusmodi attentata coerceant, ac sæpiissime præsertim in concionibus doceant: nunquam esse licitam procurationem abortus, etiam fætus inanimati: quamvis mater non solum sibi ignominiam, sed etiam necem ipsam prævideret: quia actio cum ab intrinseco pessima sit, cohonestari non potest: quare oppositam opinionem Innocentius Undecimus sub excommunicationis Summo Pontifici reservatæ poena damnavit (a). Quod si fætus anima sit informatus; id erit verum, ac voluntarium parricidium, cum enormi qualitate proditorii copulatum: indignum propterea, etiam ex veteri jure, Ecclesiastica immunitate: ac præsceleribus aliis, quæ contra proximos, a matre præsertim, committi possint, horrendum: cum innocenti filio vitam temporalem

simul auferat, & æternam: cæteroqui etiam sæpe cum ipsius parricidæ perniciæ conjunctum. Abortus enim non solum fætum, sed abortientem quoque perimere consuevit. Addent: Sixtum Quintum (b), eos, qui quocumque modo abortum, etiam ante animationem procurant, vel ad eum cooperantur, excommunicationi Summo Pontifici reservatæ, aliisque gravissimis pænis subjecisse. Quamvis autem hæc excommunicatio ex Gregorii Decimi-quarti indulgentia (c) ad abortum fætus animati restricta fuerit, ejusque absolutio Episcopis permessa; reliquæ nihilominus poenæ per Sixtum inflictæ, etiam pro casu fætus inanimati, a Gregorio ipso confirmatæ in suo robore permanferunt. Propterea delinquentes pro veris homicidis habentur, ac si ecclesiastici sunt ordinis; omnibus dignitatibus, & beneficiis acquisitis, & acquirendis perpetuo privati, degradationis rei constituuntur, ut sæcula-

(a) Innoc. prop. damn. 34.

(b) Sixt. Quint. const. 87. *Æffrenatam*.

(c) Gregor. XIV. const. 8. *Sedes*.

ri brachio tradantur, capitali sententia puniendi.

7. Sixti autem severitas nimia dicenda non est: ea enim multo prius Orientali Ecclesiæ, auctore Sancto Basilio, placuerat, qui in sua celebri ad Amphilochem canonica epistola edixit, ut Sixtus: nullum inter abortus fœtus animati, & inanimati, quo ad pœnas canonicas, faciendum esse discrimen; sed æquo jure censendos.

Quæ de industria fœtum corrumpit, homicidii pœnam luet. Formati autem, vel informis subtilitas a nobis non attenditur. Admonebunt insuper, non deesse insignes auctores, qui doceant Embryonem animam accipere primis a conceptione diebus, de qua sententia fusius infra differemus. Adeo ut qui abortum sollicitat, semper manifesto sese exponat periculo, infantis animam in Limbum detrudendi, imo etiam forte plures juxta numerum Embryonum.

8. Olim vero antiqua Ecclesiæ disciplina impudicam mulierem,

ex proposito abortientem, ad publicam, & perpetuam pœnitentiam compellebat, vetabatque simul, ne ea unquam, nisi in mortis articulo absolveretur: quod tamen Anciranum Concilium (a) sub Melchiade ad decennium temperavit. Verum multi autumant (b) Concilium Eliberitanum (c) paulo antea celebratum, Adulteram abortum procurantem, etiam in mortis articulo absolutione privasse, ejus salutem efficaciam tantum contritionis, & divinæ misericordiæ committens: quæ severitate neque in ipsos hæreticos animadvertimus.

9. Quanta autem debeat esse matrum charitas erga nonnatos, ex eo sane colligi potest, quod gravissimi Auctores propugnant; gravidam scilicet, quæ parere nequeat, teneri aliquando, ne fœtus in utero absque Baptismate pereat, non tantum speculi matricis remedium, sed ipsam Cæsarei partus incisionem, cum aliquo propriæ vitæ periculo sufferre: dummo-

B 2

(a) Concil. Anciran. Canon. 21.

(b) Mendoza & Gonzales in Comment. ad Concil. Eliberit.

(c) Concil. Eliberit. Canon. 63.

dummodo mors quasi certa non inde sequutura sit. Hæc Pastores animarum explicabunt, nec admonere omittent: Juvenclas, quæ forte illegitime conceperint, & parentes, aliosque necessarios metuant, ad Parochos tamquam ad patres debere confugere, ut earum vitæ prætrociniū in se suscipiant: ac si circumstantiæ ferant; eas apud honestas matronas in tuto reponant, aut alio pacto provideant, ne ipsæ cum earum fœtu in ultimum discrimen adducantur. Quod si parentes, & consanguinei ob diffamationis metum aliamve justam causam, puellam extradomum propriam commorari nolent, & Parochi existimarent eorum curæ, ac fidei in conservanda infelici illa prægnante, ejusque fœtu, non esse acquiescendum; ac multo magis si probabilibus rationibus adducti vindictam timerent: eo casu rem ad magistratum laicum deferant: ut is aliqua secreta, judiciali tamen & comminatoria injunctiōe, consanguineis ipsis imponat onus, ut partus tempore de fœtu exactissime reddant rationem. Magistratum sæcularem proposui: nam, ut

ipsa experientia me docuit, his in casibus plerumque magis ille reformatur, ob pænas nempe corporales atrociores, quas delinquentibus infligere posset. In clandestinis omnibus graviditatibus, quæ in numerosa Palmenfi Parcæcia spatio duodecim annorum circiter contigerunt, ubi periculum sæculari potestati delatum est, præservati sunt semper infantes: non ita tamen A. 1737. cum Vicarius Foraneus damnum avertere satégisset: nam impia prægnans, matre adjuvante contemptis Vicarii minis, natum filiolum, etsi non baptizatum, occidit, ac in sterquilinio sepelivit; de tanto scelere deinde convicta, atque confessa. Verum quia non raro hujusmodi matres viventem adhuc prolem terræ mandant; ubi sceleris habeatur notitia, semper effodiendi sunt quantocius Infantes: nam Bruhierius duos ex eis illegitimos, & juvenem ex vulnere mortuum creditum perhibet sepultos, ac terra obrutos: quorum secundus post septem a sepelitione horas, tertius post totidem cum dimidia, primus autem fortasse post majus temporis spatium vivi tandem eruti sunt (a).

Adsti-

(a) Bruhier de Incert. sign. mort. l. 1. c. 1. §. 10. & c. 3. §. 2.

Adstipulatur Majerius apud Muratorium, qui in tertia ex literis Indicis confimile de puerulo recens nato, & sepulto enarrat exemplum: alteriusque infantis meminit, quem inhumana mater occidere modis omnibus conata fuerat, ac pro vero mortuo dereliquerat. Is quamvis omnino jam gelidus, ac sine ullo prorsus vitæ indicio, repertus, tandem se vivere ostendit, ac baptizatus, & recreatus, vitam retinuit, & cæterorum more adolevit (a). Demum Parochus, ubi consideratis circumstantiis expedire judicaverit, efficiet etiam, ut aliqua obstetrix gravidæ curam secreto suscipiat, eam noctu interdum, nec raro visitando. Profecto nisi misericors, & sedula parochi industria talibus cautelis utatur; fætus in evidenti perditionis periculo versabitur. Et vero in eadem parochia Anno 1732. cum quædam mulier illegitime peperisset; infantem in cloacam projecerat: at malum opportune suspicatus Parochi Administer, cloacæ parietem cito disjiciendum

imperavit, ac vivum puerulum felicissime extraxit.

9. Commonefaciendus etiam est populus: omnes in universum, quantumvis extraneos, quibus innotuerit, mulierem abortum procurare, aut alios illam ad abortum cogere medicinis, itineribus, ponderibus, laboribus, verberibus, aut alio excogitabili medio: si per se ipsos crimen impedire non possint; teneri saltem quantocius parochus denunciare, ut ille provideat.

10. Quod ad medicos attinet, pharmacopolas, ac similes medicamentorum venditores; gravissime peccant, si quando remedia præscribant, aut vendant ad abortum ciendum: aut cum suspicantur, mulieres, præsertim clandestino prægnantes, aut alios pro eis illa tam pravo fine postulare. Idem dicendum de Barbitonforibus veram secantibus absque medici præcepto & in circumstantiis, ubi timeri potest, fætus ruinam intendi. Ut plurimum antedicti ad hæc vitanda sese obligari non utique ignorant:

B 3

(a) Murator. *Crist felic. del Paraguai.*

rant: ea enim omnia solent in ipsis prothomedicorum statutis, ut in Sicilia factum est, expresse prohiberi. Ceterum impossibile non est, in hæc delicta prolabi aliquos, maxime tyrones: eoque fortius in oppidulis, vel ob inscitiam, vel quia non semper homines juxta conscientiae dictamen operantur. Quo circa non inutile erit, etiam prædicta populo explicare, cum is præsertim juxta superius præmissa monendus erit, procuratio- nem abortus, etiam fætus inanimati, esse prorsus illicitam.

11. Inveniet certe Parochus in prædictis, qui putent licere saltem abortum, fætus inanimati, ad puellam, ejusque familiam ab imminenti perniciæ liberandam: neque id mirum cum & Aristoteles errorem istum admiserit: & Hippocrates in praxim deduxerit (a). Maxime vero quia ex moralistis, quorum libri omnium manibus proteruntur, ipsum olim nonnulli docuerunt; ejusque erroris damnatio non æque omnibus medicis, ac similibus, qui laici sunt, nec Theologiam profitentur, innotuit. Sic-

ut ergo facile nimis est, mulierculas, aliosque ex indocto vulgo in eadem opinione permanere, ita non impossibile est, in eam aliquando Medicos ipsos impingere.

12. Quod autem deterius est, forte Parochus inveniet, qui ex professo, & quasi ex charitate munus exerceant medicamina vendendi, ad fætus sive inanimatos, sive animatos disperdendos. Hoc scelus frequentatur ab inhonestis mulieribus, lenis, ac superstitiosis: item ab obstetricibus, ad quas juvenculæ, earumque matres, aut vicinæ confugiunt: ut in hoc immani proposito adjuventur. Jam dudum plures ex his divina providentia detectæ in diversis Siciliae civitatibus & oppidis, Parochis operam suam præstantibus, in ordinem sunt redactæ. Sed heu quam multo plures adhuc delitescunt! Parochus ergo, ubi easprehenderit, diligenter attendat, ne solis privatis correctionibus sit contentus: etenim diabolicæ istæ mulieres ad vomitum redeunt, & numquam emendantur. Magistratum igitur sæcularem imploret, ut

(a) Hippocr. *Lib. de Nat. Puer.*

ut efficaciter ejusdem auctoritate coerceantur. Nolo per hoc, ut illas morte, aut mutilatione plectendas curet: unde ipse irregularis evaderet: solum suadeo, ut debitis protestationibus non præteritorum criminum ultionem petat, sed efficax impedimentum, & quasi aggerem futurorum. In Monteregalensi Metropolitano Tribunali A. 1732. Francisco Antonio Brù Cardinalis Cenfuegos Archiepiscopi Vicario ob egregias virtutes paulo post apostolicæ legationis iudice; patre meo Assessore, meque promotore Fiscali, hujus criminis postulata fuit muliercula pseudomedica, puella, quæ medicamen assumpserat, ejusque mater, ac soror, quæ illud ipsi procuraverant. Carceribus ergo mancipatæ, scelerisque convictæ, solemniter excommunicatione majori notatæ sunt: neque deinde nisi in platea cathedralis ecclesiæ supra suggestum, populo inspectante, ac tota curia assistente absolutionem impetrarunt. Imposita reis præter alias, diuturni carceris pæna, quæ a similibus perpetrandis cæteros refrænaret.

Verum expedit, ut magistratus civiles ex juris communis auctoritate (a) ad pænas duriores, & nonnumquam ad ipsum ultimum supplicium devenirent; quo tantum nefas, ad quod expiandum mors una non sufficit, ab orbe terrarum exterminaretur. In Sicilia ut homicidæ non solum abortum procurantes, sed & ei quomodocumque cooperantes, quacumque fori exceptione posthabita nova lege puniuntur. Episcopi saltem Monteregalensis curiæ in solemni censurarum irrogatione amplectantur exemplum: ita enim non solum abortus, sed interdum etiam stupra, & similia crimina, quæ sub spe abortus tentandi committi solent; vitabuntur. Secus vero constitutiones Sixti V. & Gregorii XIV. magna ex parte optato fine carebunt: excommunicatio enim ab his vibrata, in foro interno non nisi scientes impositam ferit, & plerumque ignoratur: ubi vero Cruciatae Bulla viget, ut in Sicilia, rei ab illa per approbatum Sacerdotem toties quoties absolvi possunt: casus enim non amplius est Papalis, sed Episcopalis evasit.

13. Ve-

(a) *L. Cicero D. D. de pænis.*

13. Verum si puella sese in confessione de illicito commercio accusaret; solerter, atque prudenter ab ea indagandum, an forte sit gravida: si autem affirmet, confessarius excommunicationis, aliarumque pænarum in præfatis con-

stitutionibus contentarum comminatione eam ab abortu deterreat: nam nimis proclive erit prægnanti juvenculæ, ut a dedecore & forte etiam a nece sibi caveat, abortum cogitare.

C A P U T III.

De medicorum in curandis gravidis cautela, ne fætui noceatur.

I QUID autem si prægnantibus periculum mortis non quidem ab extrinseco, sed ab intrinseco, hoc est, ab aliquo gravi morbo proveniat? Poteritne medicus remedium præscribere, & medicinam præbere, quæ vel abortum, vel pueri mortem, vel saltem proximum periculum trahat alterutrius?

Duo sunt scopuli a Medico in similibus evitandi. Primus est homicidium corporale miseri, innocentisque fætus. Secundus est ejusdem spirituale homicidium: nam si antequam enascatur, intereat; baptizari nequit, & in æternum peribit. His ergo prælibatis, diversa oportet remediorum

genera, de quorum licito usu medicus dubitare poterit, accurate distinguere.

3. Primum genus eorum est, quæ matri favorabilia, non tamen fætui natura sua nociva sunt, sed tantum periculosa: uti purgatio, quæ positive ut ajunt, nocere valet fætui: quatenus in matre stimulum producendo, abortus occasio esse potest. Item phlebotomia, seu sanguinis missio, quæ illi damnum negative solet afferre, alimentum scilicet subtrahendo.

Secundum genus ea comprehendit, quæ propter diversas qualitates per se ipsa & matri sunt utilia, & simul graviter nociva proli, eam scilicet occidendo: aut ex utero per abortum

abortum exturbando. Talia sunt medicamina lunaria tributa moventia, quæ tum matri sublevandæ, tum foetui suffocando, vel etiam a ventre expellendo sunt apta. Tertium denique dicitur illorum, quæ natura sua ad fætus perditionem diriguntur, & solum indirecte, & per accidens matri opitulantur; uti violenta infantis extractio in frustra per ferramenta, partu jam desperato.

4. Sane considerato hic promodo solo corporali fætus detrimento, ac ipsius temporalem tantum vitam cum vita matris comparando: hæc illi merito præferretur: quocirca si mater in extrema, vel etiam gravi necessitate aliquo indigeat remedio: licite illud assumeret, ac proinde medici, & obstetrices licite ipsum ministrarent: dummodo ad primum, aut secundum genus pertineat; quamquam puero sive negative, sive positive, sive probabiliter, sive certo nociturum: quapropter posset mater proprio sanguine sibi noxio uti, eum extrahendo, quamvis miser puerulus nutrimentum exinde amitteret: dummodo semper hæc medicamenta ex solo fine matrem

adjuvandi tribuerentur, qualitate qua præstant ipsi favorabili; licet alia etiam polleant, fætui perniciofa. Quæ vero ad tertium genus spectant, omnino damnantur. Quomodo enim licebit matri vitam propriam conservare innocentem, ac filium trucidando? Hoc est malum ab intrinseco, ac propterea cohonestari nequibit. Imo fatentur omnes, illicitum etiam esse directe simplicem abortum procurare, ubi fætus est animatus, ac de animatione dubitatur. Quod Vasquez, Navarrus, Filiuccius, & Amicus extendunt ad casum, quo constaret fætum non esse animatum: directe enim abortum intendere opponitur naturæ, ac fini generationis. Viva quidem cum aliis aliter sensit: perpendit enim matrem moriente, cujus vitæ veluti aggressorem eum reputat; jam amplius animari non posse: hoc autem ille cum suis se docere protestatur, ubi probabile non sit, fætum esse animatum: verum hoc opus, hic labor est: nam hodie maxime de animationis tempore dubitatur, eamque multi statim post conceptionem nulla que mora interposita evenire opinantur. A for-

tiori ergo chirurgica pueri extractionis erit rejicienda.

5. Inquiramus autem (inspecto solo corporali homicidio uti supra animadvertimus,) utrum possimus chirurgicam extractionem in partibus desperatis aggredi, si certi moraliter essemus neque filio ipsi ullam vitæ spem superesse? Videturque prima facie posse gravidam procurare, ut ille cum moderamine inculpatae tutelæ tamquam maternæ vitæ manifestus inuasor, & parricida occidatur; cum enim nati conetur, neque ob viæ angustiam valeat; matrem interimit, estque illi vera mortis, & inevitabilis causa. Nec desunt, qui cum Heistero ita sentiant. Alii hoc esse illicitum docent. Infans enim eo casu non est inuasor injustus, sed a natura coactus, cujus auctor est Deus: & inhumanum ac ferum videtur matrem velle filiolo tam crudeliter inferri mortem, ut vitæ suæ consulatur. Perpendendum est etiam attentius, quod admissa tamquam licita in praxi hac actione innumeris infanticidiis via aperiretur: facillime namque matres,

obstetrices, chirurgi, baptizato quomodocumque infante, sibi persuaderent, hujus vitam non minus, quam matris esse desperatam, eumque censendum parricidam & inuasorem: quocirca prima opinio saltem in praxi locum habere non debet; Sancto Ambrosio dicente (a): *Si non potest subveniri alteri, nisi alter lædatur; commodius est neutrum juvari, quam gravari alterum.* Non autem improbarem, si chirurgus peritiam suam experiretur in infante a matre etiam ferramentis evellendo, ubi cum spe utrumque liberandi, quamvis cum aliquo filioli periculo, id fieri queat. Præstat in hoc genere Instrumentum Palfinianum a Gregorio emendatum, de quo libro tertio capite primo dicturi sumus: hoc enim sæpissime salutare fuit puerulis: neque enim ad eos discerpandos, sed ad vivos extrahendos adhibetur.

6. Hactenus de solo corporali homicidio disceptavimus: verum si spirituale etiam præ oculis habeamus, quod cum corporali so-

(a) S. Ambros. lib. 3. de offic. c. 9. relat. in Can. Denique 14. q. 5.

let esse connexum; Theologi pronuntiabunt communiter matrem ad æternam Filioli vitam temporali sui ipsius longo intervallo præferendam obligari. Proinde ubi de periculo æternæ salutis infantis agatur; infinita circumspeditione incedendum est. Et sane expresse præcipit Christus, ut eo modo proximum diligamus, quo ipse dilexit nos, spiritualement scilicet hominum vitam suæ corporali anteferendo (a). *Hoc est mandatum meum, ut diligatis invicem, sicut dilexi vos: majorem hac charitatem nemo habet, ut animam suam ponat quis pro amicis suis.* Atque idem repetitur a Divo Joanne (b): *in hoc cognovimus charitatem Dei, quoniam animam suam pro nobis posuit, & nos debemus pro fratribus animas ponere.* Hoc ergo præceptum ne sit inutiliter datum, oportet, ut in aliquo saltem casu vigeat: si autem in hac extrema spirituali miserrimi infantuli necessitate, ne-

que ipsa mater eo adstringeretur, equidem non video, ubi d m m possit vim suam exerere. Vaquez contendit: Matrem huic oneri non subesse, nam dubia est de sua æterna salute, nec incumbit ipsi ex officio aliena. At si maternum officium ad hoc non obligat, quale aliud munus obligaret? Itaque si illa de futura animæ suæ sorte dubitationem patitur; Sacramentis sibi consulat, ac salutaribus actibus magis, magisque satagat, ut electionem suam certam faciat; aliter unusquisque eorum, quos Vaquez ex officio supponit adstrictos, eadem excusatione gaudebit: quam obrem ipse Diana, tam benignus alioqui Doctor, communem appellat sententiam, quæ saltem adstringit matrem, ubi valde probabile sit, fætum extrahi posse vivum, & baptizari (c).

7. In dubio autem, utrum fœtus animatus sit, an non; insignes Theologi docent: matrem teneri ita

C 2

le

(a) Joann. 15. 12.

(b) 1. Joann. 3. 16.

(c) Dian. coord. t. 5. tract. 6. resol. 41. Laiman. Theol. mor. l. 3. p. 3. c. 4. n. 4. Less. l. 1. c. 9. dub. 9. n. 63. Sanchez de matr. l. 9. disp. 20. Dicastill. de just. l. 2. tract. 5. disp. 10. dub. 13. n. 168.

se gerere, ac si ille certo esset animatus. Quare siue medicamina sint tertii generis, siue secundi, siue etiam primi, licet fœtui damnum afferant solum negativum, semper illis erit abstinendum (a). Idem dico, si de fœtu jam grandiusculo, utrum mortuus sit, ambigatur. Sed heu quanta circa hæc quorundam medicorum ignavia, vel etiam erga matronas adulatio! Emmanuel Aguilera clarissimus Societatis Jesu historicus hæc de Josepho Scammacca viro piissimo scribit (b): *Vaticiniorum potestate maxime claruit: reliquis prætermisissis, unum referam. Jo-anna Moncada ducis Montisalti uxor, sexto jam mense gerebat uterum; quum fœtus moveri desiit: quæ res in causa fuit, ut medici pronunciarent, partum in utero extinctum remediis abigi oportere. Jo-anna Josephum periculi admoneri jubet, & ad se quamprimum venire. Ille statim accurrit, & prægnantem reperit metu perculsam, quæ*

*poculum manu tenens ori admove-
re parabat, ut medicinam sorberet. Eminus exclamat Josephus „quid
„agis? sine, quæso te; tum pro-
„perans poculum e manibus eripit,
„atque vivit Proles, ait, & ma-
„scula est, & maturo partu
„nascitura, & Ignatii nomine nun-
„cupabitur: quoniam B. Ignatii
„patrocinio, & vitam retinet, &
„lucem aspiciet., Quorum ni-
hil excidisse eventus declaravit.* Profecto si partu instante, ubi ute-
rus patet, & infans contrectari
potest, nihilominus impossibile fe-
re est, infantem certe mortuum ju-
dicare, nisi vere putrefactio appa-
reat, uti experimentis comprobant
Hildanus, Guillemæus, Heiste-
rus, aliique celeberrimi Chirur-
gi, & nos alibi demonstrabimus (c)
quantomagis ante pariendi tem-
pus nihil de fœtus morte statuere
possumus?

8. Cæterum in praxi mater ad
sefe a remediis abstinendum raro
cogetur: non quidem propter Va-
squezii

(a) S. Antonin. in Summ. Natal. ab Alex. Theolog. Dogm. l. 4. Dec.
reg. 14. Pontas Diction. cas. consc. v. abortus. Genett. de 5. præc.
Decal. c. 1. q. 12.

(b) Aguilera Prov. Sicul. hist. t. 2. c. 5, ad Annum 1627. n. 17.

(c) Infra l. 3. a cap. 10.

fquezii rationem, sed quia regulariter modus in promptu est, quo & illi subveniatur, & pueruli damnum arceatur. Aliam a Vasquezio terit viam Sanchez (a). Afferit is matrem tunc teneri a similibus medicamentis cavere, cum spes haberetur probabilissima, quod illis non adhibitis, ubi deinde ipsa fato cederet, parvulus in lucem vivus educi posset. Verum subjungit: *Existimo tamen casum hunc rarissimum esse; ac moraliter impossibilem. Matris enim morbo laborantis læthali corrupti humores alimentum, quo puer nutriendus est, inficiunt, ut pene miraculum sit, matre pereunte, fœtum evadere incolumem.* Hæc opinio placet Roncagliæ, ac fortassis etiam aliis. At pace tantorum auctorum aliud est dicere, *matre pereunte miraculum pene est, fœtum evadere incolumem:* hoc est absque læsione (nam hoc rigorose denotat illud *evadere incolumem*) nimirum, ut quemadmodum cæteri naturaliter orti, diutius vivere, & adolescere valeant, & ad ætatem perfectam pervenire: aliud est polle matri tanto tempore supersti-

tem esse, quantum extractioni, ac baptismo sufficiat. Primum certe difficile est, vel quia infantes læsionem aliquam ex morbo matris contrahere solent, vel quia immaturi evelluntur. Difficile dixi, non impossibile: cum ex historiis habeamus quamplurimos, partu Cæsareo extractos in celebres Eroes evasisse. Secundum vero facillimum est, nec video, quomodo appellari queat impossibile, quod innumeris experimentis revera quotidie evenire comprobatur: uti suo loco luce meridiana clarius demonstrabo.

9. Si autem in talibus versaremur circumstantiis, in quibus nulla spes probabilis effulgeret, fore ut fœtus matre mortua vivus eruat, tunc præberi posset medicina matri utilis, etsi per accidens ab ea abortus, vel etiam mors infantuli timeatur. Attamen in praxi non solum difficile, sed fere omnino impossibile est, absque temeritate judicare, nullam spem fœtui superesse, ut matri supervivat, saltem quousque media incisione ab utero extrahatur, & baptizetur. Præter-

quam

(a) Loc. cit. n. 17.

quam quod dubium sæpe est, utrum mater medicamine illo fœtui periculoso revera liberanda sit; sicuti dubium, aut saltem non certum erit, in morbis acutis liquidorum, utrum ægrota moritura sit, si eo-

dem abstinuerit: etenim quam sæpe quos medici capitis damnaverant, a natura sunt absoluti? Quapropter doctrina ista, quantum ad praxim attinet, fere inutilis est.

C A P U T IV.

Juxta hodiernam Medicorum prudentissimam consuetudinem remedia plerumque matri propinata fœtui non nocere.

I. **Q**uamvis difficile non sit, nec moraliter impossibile, nec pene miraculum, uti putavit Sanchez, fœtum sive grandiusculum, sive minusculum, aut minimum tandem posse matri defunctæ superesse, donec in lucem educatur, & Baptismate abluatur, quod supra indicavimus: nihilominus raro in praxi occurrere arbitror, ut peccent, & medici medicamina fœtui noxia præscribendo, & gravidæ illis utendo. Quocirca supponendum, quod Theologi, asserentes, prægnantem teneri potius mori, quam remedia abortum cedere valentia admittere, loquuntur de periculo abortus, conjuncto cum periculo mortis fœtus in utero

sine baptismate. Tunc enim solummodo mater tenebitur suæ temporali æternam filii vitam præferre: verum si daretur casus, quo securi essemus, periculum subesse tantummodo circa abortum; non vero circa illius mortem in utero, antequam exeat, & baptizetur: qui casus non est impossibilis, ubi fœtus esset maturior, ac tempus pariendi propinquum; tunc mater non teneretur pro conservanda sola temporali filii vita, profundere propriam. Suppono etiam, quod quando in hac materia de mortis, vel abortus periculo sermo est; intelligatur semper de proximo, non vero tantum de remoto: non enim æquum est, propter

pter secundum gravidæ tam grave onus imponi.

2. His igitur præmissis, duo sunt remedia medicis in curandis prægnantibus usitatoria, de quibus etiam ut plurimum loquuntur moralistæ: Phlebotomia scilicet, seu sanguinis emissio, & purgatio: utrumque autem juxta superiorem divisionem, proprie ad primum medicamentorum genus pertinet: hoc est natura sua matri favorabilia sunt, fætui vero non mortifera, sed periculosa: ac neutrum ex illis regulariter secum affert periculum proximum abortus, conjunctum cum periculo mortis fætus antequam baptizetur. Fateor equidem, Hippocratem dixisse de primo (a): *Mulier utero gerens sanguine e vena misso abortit.* Et de secundo (b): *Prægnantes medicamentis purgare oportet, si turgent humor a quarto mense ad septimum: sed has minus: Juniores autem fætus, & seniores vereri oportet.* Nam quo magis tener,

vel maturus est fructus, eo facilius, ut Galenus ait (c), ab arbore decedit. Nihilominus Hippocrates hæc scripsit præ oculis habens antiquam medicorum consuetudinem, qua sanguinem auferebant ad libras, ac totum simul: quod idem erat, ac ægrotas exangues reddere: quare prægnanti solida relaxabantur, & ligamenta fætus cum utero solvebantur, cum interea alimentum puerulo deficeret: & ecce inde vel abortus, vel etiam mors ipsius in utero: sicuti accidit in copiosis gravidarum hæmorrhagiis. Hodie vero sanguis non nisi ad uncias, vel ad summum ad semilibram aufertur; adeo ut præfata damna non facile oriri possint. Si autem oporteat in majori quantitate illum extrahere; id fieri solet per intervalla. Quamobrem innumeris jam experimentis constat, sanguinis missionem quæ cæteroqui gestantibus numquam præscribitur in pede, ubi periculosior foret, non esse

ut

(a) Hippocr. *Aph.* 30. *sect.* 5.

(b) *Ibid.* *Aph.* 29.

(c) Galen. in *Aphor.* 5. Hipp. *sect.* 4. Lazar. River. *Instit. Medic.* l. 5. p. 1. *sect.* 2. c. 4.

ut plurimum adeo noxiam fœtibus: imo sæpe accidere salutarem: ac maxime primis mensibus, in quibus adeo abundat alimentum, ut ipsum fœtum suffocare valeat, si per venæ sectionem huic malo non occurramus: unde scripsit Riverius (a) *a primo mense usque ad quartum venæ sectio tuto administrari potest.*

3. Quod vero ad purgationes attinet, veteres purgantibus fortioribus, & eradicativis utebantur: præsertim helleboro, uti ex Hippocrate ipso videre est. Quamobrem orgasmo in spiritibus, ac liquidis concitato magna laudibulum humorum copia peccantibus admistorum exhibat. Solida interea valide constringebantur, & uterum premendo, fœtum expellebant: qui propter illatam vim, quo delicatior, eo majus incurrebat periculum non tantum abortus, sed etiam mortis in utero ipso. Nostra vero ætate ars medica pur-

gantium benigniorum satis est dives: puta succi rosarum priscis ignoti, Cassiæ, Mannæ, ac similia, violenta vero obsoleverunt. Audiamus Riverium (b). *Si autem aliter sensisse videtur Hippocrates; animadvertatur, quod modo longe diverso nos venam secamus, ac antiqui faciebant, qui ad libras, nos vero ad uncias sanguinem mittimus Audaciores in hac parte medicos fecerunt blanda, & innoxia medicamenta, quibus hodie utimur, ut sunt Rhabarbarum, Mirabolani, Cassia, Senna, Agaricus, & similia: attamen perpetuo habenda ratio sententiæ Hippocratis, tutiusque mediis mensibus, non vero primis, & ultimis, purgantia medicamenta erant adhibenda.*

4. Medicus ergo juxta hodiernum morem sapienti œconomia, & matri sanguinis missione, vel purgatione succurrit, & fœtui prospicit, ne in proximum abortus aut mortis periculum conjiciatur (c):
imo

(a) *Idem River. prax. medic. l. 15. c. 16.*

(b) *River. prax. medic. loco citato Francisc. Calmette in River. reform.*

(c) *V. Etmuller. t. 2. l. 4. sect. 6. c. 3. art. 2 & 3. cum Zaccuto, & Amato Lusitanis, Panarollo, Castro, Sennerto, Scoultio, & aliis recentioribus in Celsi doctrina fundatis l. 1. c. 10.*

imo facillime remotius reddere potest periculum ipsum; si nimirum in sanguinis missione ministret simul cordialia, utatur adstringentibus, & corroborantibus; ac ubi casus exposcit, novam substantiam prægnanti elargiatur. Quo vero ad purgantia, præterquam quod ea porrigit quantitate, & qualitate leviora, scit etiam illa diluentibus, & dulcificantibus sociare, ac si orgasinus aliquis inde enascatur, eum compescere (caute tamen) opiatis; atque ita videmus absque gravi damno a veteribus formidato in praxi factitari a peritissimis medicorum. Scilicet non omnis sanguinis emissio, vel purgatio abortum inducit: Secus enim in omnium gravidarum manu positum esset fœtum pro libito disperdere; cum cæteroqui experientia ostenderit, & bene adnotavit Calmetus Medicus Montepessulanus, quasdam in procurando abortu obstinatissimas numquam eum consequi potuisse: quanto magis ergo illum vitatum iri sperandum est, ubi tot cautelæ adhibeantur? Sed adhuc majora supersunt dicenda: Sanguinis missio, & purgatio prudenter imperatæ, si vere ma-

ter iis indigeat, erunt etiam fœtui salutares, ita ut potius earum omissione sit ille periturus: etenim si vera plethora, vel apparenti, seu spuria laboret prægnans, nonne etiam fœtus tenellus ea facillime suffocabitur? Item si humoribus peccantibus, & turgescentibus abundet ipsa, vel etiam excrementitiis (etsi coctis) qui tamen corpore non expellantur; nonne isti nutrimentum etiam filio corrumpent, eumque enecabunt? Uno verbo ut plurimum ea omnia, quæ ad matris ægritudinem sanandam idonea sunt remedia; illa eadem etiam fœtui solent esse salubria: maxime si maternus morbus etiam fœtum invaserit: saltem proderunt indirecte, quatenus vita prægnantis conservata, major liquido spes concipitur, puerulum fore victurum, ac suo tempore nascendo, Baptismum suscepturum.

5. Quod autem de sanguinis missione, atque purgantibus moderate præscriptis diximus, prodesse scilicet potius infanti, quam obesse; id etiam similibus aliis remediis æqua proportionem aptandum est, etiam diureticis; quæ
D tamen

tamen cum sint periculosiora purgantibus, majori cautela indigent: damnatis tamen emeticis violentis, ac cæteris, quæ tributa lunaria promovent: ad expellendam enim, aut suffocandam prolem nimis idonea reputantur: imo etiam damnata ipsa sanguinis missione, vel etiam purgatione, ubi perperis omnibus, proximum periculum subesset, ne puer in utero sine Baptismo interiret: tunc enim neque ad abortum provocandum, neque ad maternos humores minuendos, vel corrigendos, quamvis ex solo fine liberandi matrem, præberi possunt: id charitatis, imo etiam iustitiæ lege vetante. Mater enim conjugale statum eligens omnibus ejus oneribus voluntarie se subjecit: quamobrem rigoroſe ad specialem filiorum curam adstringitur, qui status ejusdem sunt fructus, & ex D. Thoma conjugii finis omnino essentialis: nihil autem magis interest filiorum, quam salus æterna.

6. Verum quo se vertet Medicus in extrema necessitate matris, quando ex circumstantiis medicamen propinans fætum exponeret proximo, ac manifesto periculo

moriendi in utero, & deinde per abortum exeundi? Et nihilominus ubi illud non propinaret, idem fætus in æquali remaneret ruinæ discrimine, quam scilicet illi morbus ipse maternus minitatur; a quo facile in utero extinguí posset? Respondeo, si remedium natura sua prægnanti esset salutare, quamvis per accidens detrimentum pueri ab eo timeatur, licite ministrabitur: at si natura sua æque sit aptum, & matri juvandæ, & filio disperdendo; res controversatur. Negat Sylvius posse admo-
veri. Alii cum Roncaglia concedunt: dummodo non directè ad fætus perniciem; sed ad matris revera salutem tribuatur: sic enim conditio infantis in periculo ex utroque latere æquali eo medicamento non efficitur deterior; maxime si spes affulgeat gravidam posse per illum sanari, absque filii læsione: tunc enim iste conditio-
ne meliorabitur: quoniam vita matris conservata, congruo tempore incolumis nasciturus præsumeretur. At contrarium dicendum est, si remedio prætermisso, spes probabilis infanti superesset, fore ut ipse, matre mortua, baptismum
per

per Cæsareum partum consequeretur, quæ spes remedium dando, evanesceret. Quapropter in gravidarum morbis curandis nulla cautela, nulla circumscriptio superflua credenda est.

7. At dicet aliquis; nimis durum esset prægnanti sese morientem agnoscere omni auxilio destitutam, cum tamen suppetat adhuc salutaris medicina, ipsi vero juxta traditas regulas deneganda. Casus, ut fateor, arduus est: at non propterea animum illa despondeat: nam si ægrotis omnibus ait Spiritus Sanctus (a): *Fili, in tua infirmitate ne despicias te ipsum: sed ora Dominum, & ipse curabit te*: quanto magis hoc veluti sibi specialibus dictum reputare debet gravida; quæ a præsidiis eidem forte profuturis divinæ legis amore, & charitatis imperio se abstinet? quod innumeris certe posset exemplis confirmari. Contra vero timendum valde esset, ne si ea fiduciam suam in pharmacis reponat, iis ne utiquam suffragantibus, pereat propter id ipsum, ut Asa Judeorum

Rex, qui *nec in infirmitate sua quæsit Dominum: sed magis in medicorum arte confusus est* (b). Se ergo amantissimæ Dei providentiæ committat, quæ vel protectione sua vitam, ubi expedierit, ipsi tuebitur; quia in omnipotenti speravit: vel cum æterna, & in immensum præstantiore, commutabit.

8. Nolui autem hic distincte enucleare, quæ sint medicamina magis, vel minus fœtui nocentia: & quando conveniat, vel formidolosum sit ipsa præscribere, aut quando ea propinata, vel adhibita illi proximum abortus, vel etiam mortis discrimen creare consueverint; hoc enim nimis longum fuisset: cum cæteroqui mei non sit instituti de morbis, & curatione gravidarum pertractare: non desunt quidem in hoc genere insignes libri, ac notissimi: præterquamquod fere omnia in hac materia a circumstantiis morbi, ac prægnantis ipsius, tum etiam climatis, aerisque dependent. Mihi sufficiat innuisse, quæ magis necessaria

D 2

scitu

(a) Eccl. 38. 9.

(b) 2. Paral. 16. 12.

scitu sunt Sacerdotibus, præsertim Parochis, ut regulas theoreticas a Theologis traditas, praxi commode aptare noverint: quæque plerumque a Moralistis tacentur. Ad ipsos enim pertinet populum edocere, quanta sit mulierum erga prolem obligatio charitatis, atque iustitiæ.

9. Inter officia vero materna illud quoque numeratur: nimirum natæ prolis enutritio. Et hic notandum pauperulas interdum lacte afflatim propinato infantes malitiose præfocare. Hoc autem rarius. Illud vero quotidianum: ditiores nimirum puerperæ ne, ut ipsæ timent, formæ jacturam subeant, pueros aliis committunt nutriendos; quod sæpe matribus ipsis non minus quam filiis perniciosum. Et filiis quidem, quia initiis fraudat honestioris, ac sanctioris educationis. Deinde quia materno prohibet lacte, quod nutriendis magis est homogeneum, magisque salutare. Colostrum ipsum utpote serosum, tenue, minus oleosum, & aliquanto stimulans,

est saluberrimum: præsertim quia pueros a meconio purgat, cujus retentio multa generat mala: quo sane beneficio Principum Filii destituuntur. Præterea nutricum intemperantia, præsertim in vino bibendo, lethalis est parvulis. Lac denique pro circumstantiarum varietate in oras nunc optimum, nunc venenosum evadit, illas autem solus maternus amor attente circumspicit, nutricum vero, præsertim rusticarum, & rudium non rara socordia parvipendit.

Cæterum vice versa filios lactare matribus utilissimum. Eas enim ab inflammationibus uteri, funestis febribus puerperalibus, aliisque malis, & incommodis egregie præservat. Natura enim voluit, ut quod filiis proficuum esset, vel damnosum, id etiam regulariter matribus ipsis quasi pro præcio, vel pæna simili ratione proficeret, aut noceret: statuitque simul ut hujusmodi legibus plebejæ mulierculæ, principesque matronæ pari modo subjicerentur (a).

CAPUT

(a) Boerhav. de Concept. n. 689. & 690. ubi Haller, aliique apud ipsum.

CAPUT V.

De inspectione in omnibus abortibus facienda, ut dignoscatur, an fœtus vivat ac de opinionum circa tempus animationis varietate.

I. **M**ulier vero, quæ prægnans est, & esse dolet, ubi concepisse animadvertit, abortum sæpe meditatur: cum vero hoc accidat circa prima conceptionis tempora, in quibus ea sibi suadet fœtum nondum esse animatum; mirum, quam facile in tantum nefas prolabatur. Imo in universum mulieres, etsi tam pravum finem sibi non proponant; nihilominus putantes primis temporibus fœtum anima carere, præcautiones ad illum custodiendum, & conservandum opportunas, ac si unquam alias, tum maxime necessarias, non solum persæpe negligunt, sed & aperte contemnunt. Quo fit ut primo mense, ut quotidiana docet experientia, frequentissimi sint abortus. Malum hoc ab ea firma credulitate procedit, quod scilicet ante quadragesimum diem masculi non animentur, fœmellæ vero fortasse non ante octogesi-

mum, aut nonagesimum. Ex hoc etiam aliud notabile malum oriri comperiet Parochus: nimirum abortu eveniente, qui matri assistunt, ac famulantur, fœtui nequaquam attendunt, qui tamen sæpe vivit, sed illum interire sinunt absque baptismo, quandoque in latrinas projicientes: vel in sterquilinia a suis, ut fit, canibusque devorandum. Quis hæc non fabulas crederet? Attamen historiae sunt heu nimis verissimæ! Imo nuper matronæ sublimioribus tertio prægnationis mense abortum fecit: at neque medici, neque obstetrices, neque necessarii dignati sunt inquirere de fœtus vita, sed eum perire permiserunt.

Vigesimo Maji A. 1745. dum scilicet postremum indicis hujus libri folium italice formis excudetur; Angela uxor Salvatoris Jeracii propter immanes labores, ad quos eam paupertas adegerat, abort-

abortum passa est: fœtus minimus, & non bene observatus, creditus est sanguis grumefactus; propterea sepositus, & derelictus. Interim accurrit Catharina uxor Ignatii Cavaretta, qui typographo dabat operam: hæc editionis libri occasione, de diligenti inquisitione faciendâ in abortibus, etiam fœtum minimorum audiverat: igitur ejus tamenta scrutari voluit, ac apertissime deprehendit masculinum fœtum completum, & vivum, eumque baptizavit. Is quatuor horaria minuta supervixit, & mortuus ad me ab eodem Ignatio, ut lætitiæ particeps fierem, delatus, deinde in Sancti Joannis Tartarorum Parœcia sepultus est. Alia nuper abortiit, nec curavit inspicere, quid esset enixa; tertia demum die infantem fuisse animadvertit; cum scilicet secundinas emisit vacuatas fœtu, quem sive vivum, sive mortuum in immundiciarum locum projecerat.

Perniciosæ autem hujusmodi stultitiæ ubique terrarum grassari videntur. *Quot non fœtus abortivos, quærela est eruditissimi viri*

(a) *ex ignorantia obstetricum, & matrum excipit latrina, quorum anima, si baptismo non fraudaretur, Deum in æternum videret, & licet corpus informe, esset decentius tumulandum? sed quibus potissimum sub gravi culpa competit hanc expellere ignorantiam; nonne Parochis?*

2. Oportet ergo Pastorem animarum accurate populum suum admonere, satis probabile esse, fœtus animationem fieri primis diebus: forte etiam temporis momento conceptionem sequente: ac proinde ubi abortus evenerit; in eo principalem curam esse statuendam: scilicet in observando quam attentissime, utrum embryo, quamvis mole minimus; moveatur, adeoque vita donatus appareat, ut de baptismo cogitetur: insuper numquam licere, illum, etsi monstruosum, occidere.

3. Dixi quamvis fœtus sit mole minimus: non solum enim juxta doctissimorum medicorum sententiam, potest multo ante quadragesimum diem esse animatus, quamvis adhuc imperfectissime figuratus; sed etiam, uti fert multo-

(a) Roncaglia t. 2. tract. 17. c. 4. in reg. pro Praxi.

multorum opinio, potuit animam illico post conceptionem recipere. Ut autem plenius hujus admonitionis necessitas mente comprehendatur; opere pretium est in hoc capitulo de animationis tempore disceptare.

4. Satis difficile profecto est in physicis quæstionibus veritatem investigare, ac rara sunt, quæ in hoc genere certo cognoscere valeamus. Deus ipse hoc expresse testatus est, dicens: homines vix aliquam, eamque minimam partem illius admirabilis œconomiae, qua universam naturam disposuit, atque gubernat, assequi posse: *Mundum tradidit disputationibus eorum, hominum, ut non inveniat homo opus, quod operatus est Deus (a)*. Voluit enim Adæ filios ut plurimum divini operis sui admiratores, ejus utilitatem solummodo persentire, non autem artificium intime perlustrare, ac dignoscere. Peripatetici, etiam Arabes, naturæ arcana, quorum pleraque, utpote minus recondita, invenire potuissent, rimari negle-

xerunt, omnia suis occultis qualitatibus attribuisse contenti; & cum fere numquam ad experimenta descenderent, in indaganda tantum Aristotelis mente laborarunt. At si merito culpantur isti: deteriorem sane viam quidam e recentioribus arripuerunt, omnia per multiformes, ac imaginarias suppositiones ausi fidentius explicare. Erunt certe veritates quamplurimæ ad physicam spectantes, usque ad mundi finem prorsus absconditæ: quod vero ad reliquas, divinæ est providentiæ statuere tempora, quibus, tamquam ex gratia, humano ingenio indulgeat, jam una, jam altera nobilissima notitia ditescere: postquam per plura sæcula ad illud humiliandum, delassari permiserit. Etenim nisi Deus veluti manu studiosos apprehendens in hos thesauros suos illos introducat, cæcutiens mortaliū oculus, ac tenebris circumseptus numquam eorum ostium reperire potis erit: imo tanto magis ab eo desleget, quanto curiosius inquirere satagebit. *Intellexi, agebat*

(a) *Ecclesiasta 3. 11.*

ajebat sapientissimus Salomon (a), quod omnium operum Dei nullam possit homo invenire rationem eorum, quæ fiunt sub sole: Et quanto plus laboraverit ad quærendum: tanto minus inveniet: etiam si dixerit sapiens se nosse; non poterit reperire.

5. Quid autem de formatione hominis in utero dicam, quæ, & a priscis, & a junioribus omnibus inter involutiora, & abstrusiora naturæ arcana recensetur? Nescio, ajebat illustris Machabæorum mater sanctis, & fortissimis filiis suis (b), qualiter in utero meo apparuistis. Cæterum si de tanta re Philosophos interrogasset, eos parum se ipsa doctiores procul dubio deprehendisset. Id evidentissime comprobatur experientia: Carolus Drelincurtius celebris antea acti sæculi medicus, ac tremendus medicorum censor, auctorum etiam insignium in doctrina generationis delibaturus errores, non minus trecentis quadraginta tribus

enumeravit, quorum pauci istam censuram non merentur: verum neque ipse Drelincurtius, cæteroqui ex accuratioribus (nisi mea me fallit opinio) est immunis a forte. Catalogum præterea texuit ille sexaginta novem quæstionum, quæ in hac materia Anatomicorum conatus & studia frustrarunt. Scitissime ergo David sapientiam divinam admiratus, eamque exaltaturus, Deo attribuit nobilissimi hujus opificii scientiam, quod Sancti Basilus, & Nazianzenus adnotarunt (c). Imperfectum meum, hoc est Embryonem, uti legitur in Hebræo textu, viderunt oculi tui, Et in libro tuo omnes scribentur. Et clarius Ecclesiastes (d): Quomodo ignoras, quæ sit via Spiritus, Et quomodo compingantur ossa in ventre prægnantis, sic nescis opera Dei, qui fabricator est omnium. Spiritus iste juxta Caldaicam versionem, atque Vatabli est anima fætum intrans; adstipulaturque Sanctus

(a) Eccl. 8. 17.

(b) 2. Machab. 7. 22.

(c) S. Basil. homil. 9. in Exam. Naziazæ. orat. de Theolog. Psalm. 139. 16.

(d) Eccles. 11. 5.

Sanctus Hieronymus: nam ita interpretatur: *Sicut nescis viam spiritus, & animæ ingredientis in parvulum.* Via autem hujus Spiritus est ejus ingressus in foetum, cujus tempus delitescit. *Ignoratur tamen via ejus,* ait Salmeron, *quia nemo certe statuere valet momentum, quo creatur, & infunditur.* Idem, citato Sancto Hieronymo, sentit auctor Dialogi de origine animæ, Hugo, Cajetanus, Tirinus, & alii.

6. Inde factum est, ut excellentiores Philosophi, dum hujus pelagi fundum explorarent; animo, & spe omnino defecerint: propterea sapienter Augustinus (a). *Scrupulosissime quidem inter doctissimos quæri potest, ac disputari, quod utrum ab homine inveniri possit, ignoro: quando incipiat homo in utero vivere.* Et alibi (b): *Infantiam suam quisque non recolit, & putas hominem, nisi Deo donante, posse cognoscere: unde in matris utero vivere ceperit?*

Verum non ea solum quæstio, scilicet quo tempore vitam exordiat homo? Augustino, Hie-

ronymo, æterisque veteribus inextricabilis visa est, sed & alia: quæ sit origo animæ? Nimirum per creationem, an per productionem? Atque duplex hæc dubitatio mire illorum defatigavit, ac torfit ingenia. Verum etsi utraque controversia multum apud antiquos fuerit disceptata; attamen hodie constat, animas non educi, sed ex nihilo creari: incertum solummodo est tempus creationis istius: non enim illud usque modo manifestare dignatus est Deus. Igitur postquam varias, quæ de animarum origine viguerunt opiniones, exposuero; ea, quæ de tempore hujus originis, a recentioribus præsertim adducuntur, subnectam: quamvis enim adhuc obscura, nihilominus utilissima erunt Parocho, ut & abortus arcere queat, & in abortibus quid sibi sit faciendum, intelligat.

7. Profecto e veteribus plurimi animam saltem in ejus radice, corpore proprio posuerunt valde antiquiorem. Manes Manichæorum auctor, qui duo principia, bonum
E unum

(a) S. August. in Enchirid. c. 85.

(b) Idem de Orig. animæ l. 4. c. 4. ad Vincent. Victor.

unum, malum alterum, statuebat, præ cæteris animæ antiquitatem extulit: Augustino enim teste (a), somniavit, duas quoque nobis inesse animas, in unam implexas, bonam scilicet divinæ substantiæ coæternam, imo ejus particulam; & malam coæternam similiter Deo, sed a tenebrarum principio exortam. Addebat: olim inter bonas animas, & malas seu genus tenebrarum obstinatissime dimicatum, & in mira illa conflictus perturbatione bonas malis inexplicabiliter fuisse commixtas: ita ut hodie duas unusquisque animas habeamus. Pythagoras autem, quem sui sequuti sunt, nobilissimam animæ originem commentus est, quippe qui eam divinæ substantiæ scintillam credidit, atque ab uno in alterum corpus transire, quod metempsychosim, seu transmigrationem appellabat. Metempsychosim admiserunt etiam antiqui Druidæ, & ex Hebræis Saducæi, hodierni quoque Indiarum Bonzii & Talapoi, qui malorum animas in bestias, quando-

que etiam in arbores amandant. Pythagorici tamen sua numerorum mysteria proferentes dicebant, ubi partus est septimestris, transmigrationem, seu animæ ingressum decima septima die, ubi decimestris decima nona contingere: aliqui tamen ejusdem scholæ in septimestri partu quinto septenario, sexto vero in nonimestri.

8. Nec longe a Pythagora discessit Plato, siquidem autumavit, animas a Dei substantia provenire: verum antequam in hæc corpora nostra descendant, cœlestes orbis inhabitare atque planetas. Stoici, & Priscilianistæ Platoni assentiuntur. Idem fecit Origenes, addens in poenam peccatorum olim in cælo commissorum, corporibus alligari, quasi carceribus, quo naturali, ac perfecta libertate priventur. Is commentum suum Davidica fulciebat sententia: *priusquam humiliarer, ego deliqui* (b); quæ autem non de peccato ante generationem, sed ante punitionem perpetrato, venit intelligenda. Quod ad Rabbinos attinet

(a) S. August. *lib. de Hæres. & lib. de duab. Anim. c. 1. & lib. 1. retract. c. 15.*

(b) *Psal. 118.*

net (a), animas omnes creatas quidem asserunt: sed multo ante corpora extitisse fabulantur: atque in monte Sinai ad legis promulgationem collectas, sine qua ad præcepta fervanda non tenerentur. At si legis naturalis indictio, quæ per lumen rationis, atque synderesim omnibus fit hominibus, non sufficeret: quomodo ante promulgationem legis in Sinai tot infelices aquis diluvii Deo vindice obruti essent?

9. Sed missis hisce non solum erroribus, sed manifestis deliramentis, ad opinionem traducianorum veniamus, in quam propendit Augustinus. Celebris erat eo tempore controversia, utrum omnes animæ a Deo crearentur ex nihilo, an vero ex Adæ anima, tamquam a stipite per semen, uti vites propagarentur ex traduce. Occidentales, teste Sancto Hieronymo, maxima ex parte Tertullianum sequuti, per traducem derivari, & ideo corpori vel ab initio formationis ejus inesse opinabantur.

Orientales vero communius docebant, singulas a Deo, ut olim Adami anima, ex nihilo creari; quamvis in assignando creationis tempore dissiderent: quidam enim in ipso principio generationis, alii primis diebus, alii cum Aristotele quadragesimo, vel octogesimo die arbitrabantur infundi. Sanctus Augustinus, Sanctus Hieronymus, & Ruffinus in hac questione ancipites certe fuerunt. At primus postquam rem diutius investigasset; contra Pelagium peccati originalis transfusionem in Adami posteros defendere, & explicare coactus; ad sustinendum animam per semen communicari inclinasse visus est: ita enim Spiritus nostri tamquam Adami peccatricis animæ palmites, ejusdem peccati participes necessario videntur. Hic tam magni doctoris sensus controversiam de origine animæ involutiorem, & obscuriorem reddidit: quamobrem posteriores patres, uti fuse ostendunt Cardinalis Norisius, & Natus

E 2

(a) Calmet. in supplem. ad Diction. v. Anima. Corsin. t. 4. Physic. tract. 2. disp. 4. c. 1. n. 10.

talis ab Alexandro (a), maxima ex parte circa illam dubii, & perplexi remanserunt, insolubilem esse pronunciantes. Ita Sanctus Eucherius, Pomerius, Sanctus Fulgentius, Episcopi Africani in Sardinia exules in sua Synodica Epistola, Cassiodorus, Sanctus Prudentius Tricassinus, Ugo Victorinus: quodque magis notandum est, Sanctus Gregorius Magnus de tam celebri quæstione consultus: quin imo Sanctus Isidorus Hispalensis ultra processit, inter fidei articulos hoc ipsum accensens; eam scilicet quæstionem decidi non posse.

10. At nihilominus opinio, in quam proclivior fuit Augustinus, post Petrum Lombardum, & Lateranensis Concilii decreta obsolevit: quamvis Cardinalis Norisius, & eruditissimus Carattinius sentiant, eam non propterea hæreticam evasisse, dummodo animæ spiritualitas, & immortalitas admittatur. Idem docet Estius: etsi Carattinius, nescio qua de re, ipsum quasi

contrarium admirabundus citaverit.

11. Hodie ergo animam vere ex nihilo creari non amplius ambigitur, postquam Theologi omnes Scholastici tum spiritualitatem animæ, ejusque creationem, tum originale peccatum, ejusque transfusionem magis illustrarunt. Hæc enim declaratur, legem seu pactum supponendo, cujus virtute non physice, sed moraliter voluntates nostræ in Adami voluntate inclusæ fuerint: atque ita reatus in casu ejus in obedientiæ participes esse debuerunt, sicuti Adami gratiæ in casu obedientiæ ipsius participes esse debuissent. Contra vero sine hac lege, seu pacto nequit in rigore salvari hujusce peccati propagatio per animæ propagationem ex traduce. Cum enim Adam longe prius quam gigneret Sethum, per quem ab illo originem ducimus, in Dei gratiam rediisset; anima gaudebat denuo sanctificata: quapropter si nostræ ejusdem non nisi palmites sunt, intelligi non potest, quomodo peccatrices inde,

(a) Cardinal. Noris. t. 1. vindic. August. c. 4. §. 3. Natal. ab Alex. Hist. Eccles. sæcul. 5. c. 4. §. 10.

inde, ac non potius sanctæ, & Deo amicæ processerint. Itaque nullo modo oportet ob originale peccatum salvandum, ad systema con-

fugere, quod nec illud explicare valet, neque cum animæ spiritualitate, & immortalitate cohærere.

C A P U T VI.

Recentiores quidam, animas cum corporibus in Adamo creatas fuisse docentes, impugnantur.

I. **Q**uamquam hodie philosophi omnes in eo conveniant, animam scilicet proprio corpore non esse antiquiorem, nec ex traduce derivari: attamen recentiores aliqui postquam, uti dicemus, deprehensum est hominem, omniaque alia Vivipera animali non secus, ac Ovipera ex ovo fæmineo fæcundato originem trahere, dixerunt, marem ad ovum fæcundandum, quemdam ei vermiculum animatum tribuere: & hunc esse generationis principium putaverunt: ita Leibnizius, Wolffius, & Duvigierius (a). Existi-
mant ergo, spirituales animas omnes

cum suis intellectuum, & volitionum actibus, organicisque corporibus jam inde a mundi exordio fuisse creatas, ac in Adami lumbis inclusas, singulis corpusculis alia intra se minora, & minora ordinata serie continentibus. Item sicuti corpus in matris utero complicatum procedente tempore evoluitur; ita etiam animam cum propriis actibus tempore debito emergere ac manifestari. Leibnizius ait: animas istas interea vita animali vivere, usque quo Deus illas ratione donaverit, quod transcreationem appellat. Wolffius inquit, manere in statu idearum confusarum. Du-

E 3

vigerius

(a) Leibniz. *Essais de Theodicée sur la bonté de Dieu, la liberté de l'Homme, & l'origine du mal.* p. 1. n. 91. Christ. Wolph. *Psycholog. ration. sect. 4. c. 2. §. 719.* & *Theolog. nat. p. 1. c. 5. §. 780.* Rasse-
els Duvigier. *tract. de l'Esprit. de l'Homme c. 14.*

vigerius ultra progreditur: existimat enim omnes animas in Adami lumbis ejus peccato aliquem præstitisse consensum, etsi non plene deliberatum: putatque in hoc novo systemate peccati originalis transfusionem valde clarescere.

2. Ad eam opinionem viam straverunt quidam anteacti sæculi philosophi. Antonius Leuvenoechius, Collegii Londinensis Professor, & Nicolaus Hartzoecher Belgæ (a) primi & eodem fere tempore, ope nobilioris Microscopii: detexerunt in femine volatilium & quadrupedum infinitos natate vermiculos, sive insecta, quæ spermatica nuncupantur, adeo tamen exilia, ut vix eorum centies mille arenæ granulum mole adæquarent. Leuvenoechius ait: Europam universam tot homines non sustinere, quot ex his vermiculis ipse in femine trium ostrearumprehenderit: ac similia plane admiranda se in quadrupedibus, & volatilibus vidisse testatur. Atque eadem omnino prædictus

Hartzoecher sese comperisse narravit: quo factum est, ut nonnulli cum Leuvenoechio verisimile putantes, hæc insecta esse ejusdem speciei, ac principale animal, in quo vivunt; illa esse verum generationis principium a femine masculino ovo foemineo participatum crediderint: quæ postea in eodem ovo satis aucta, & ad maturitatem perducta, in magna prorsus animalia evadant: ac proinde quæ virile semen inhabitant esse hominum originem: quamquam reclamaverit præclara dissertatione Listerus (b).

3. Post Leuvenoechium, & Hartzoecherum Andryus easdem observationes habuit: scripsitque, hæc insecta, quamvis in mulieris utero gradatim in infantes transmutentur; attamen dum adhuc virile femine insunt, nonnisi simplices esse vermes: idemque sentiendum de iis, quæ in aliis animalibus inveniuntur. Delemptius interea dixit, se deprehendisse, illa, primo intuitu vermes, revera ejusdem esse speciei, ac animal

(a) *Actus Philosophici* n. 141. p. 1150. *Diav. Eruditor.* A. 1678.

(b) *Vide etiam eundem Lister. in tract. de Humor.*

mal principale: imo cum unum ex his grandiusculum, dum exuvias deponeret in humano semine perscrutaretur; plane in eodem crura cum tibiis, pectus, & brachia, qualia in cæteris hominibus, vidisse: caput enim tegumento ad instar cucullæ coopertum, caudam vero quartum vel quinquies toto corpore majorem: denique illud ut alia consimilia mirabili agilitate lusitare, & caude ministerio liquidorum undas percutiendo velocissime pernatere.

4. Omnes vero ut lepide Caratinius, invident oculis, & microscopio Delempatii: ut enim nemo ante ipsum, ita nemo post, perquisitionibus quamvis accuratissimis potuit unquam aliud, quam meros vermiculos conspiciari. Porro Delempatius, etsi propria phantasia deceptus: numquam tamen ausus est dicere, suos hujusmodi homunculos anima rationali jam præditos. Quod autem omisit ille, præstitit Wolphius, & cum eo nonnemo, superaddentes cuncta hæc minutissima animalia humanum semen incolentia olim in Adamo creata. Scio celebres Danielelem Clericum, & Jacobum

Mangeti de ipsorum vermium existentia dubitasse, nimirum suspicatos aliud non esse, quam viscidas ramosasque feminis particulas diversimode configuratas, & inter se complicatas, quæ a vario liquidorum, quibus insunt, perpetuoque motu agitentur: illudi tamen oculum res adeo exiles microscopio intuentem. Verum Vallisnerius, qui etiam vermiculos istos primo negavit: cum eos deinde excellentiori microscopio, a Paulo Beni commodato pervidisset; eorum veritatem confessus est, & ipsorum delineationem exhibuit.

5. Admissis ergo tamquam indubitatis animalibus his, cum de ipsis tot celeberrimi anatomici observatores mire consentiant: novum tamen systema Wolphianum communiter exploditur. Vermes enim feminales nec homines sunt, nec humanæ generationis initium: quod multis, clarisque rationibus comprobatur.

Primo illi non solum natare conspiciuntur in virili spermate, sed etiam in muliebri illa limpha, quam ad unum veteres foemina-

rum

rum semen putaverunt (a) imo infiniti vermes in ipso sanguine, ac in omnibus humani corporis liquidis, ac membris apparent. Scatet etiam eisdem & aqua, & aer: ubique denique inveniuntur. Bianchi de naturali, vitiosa, & morbosa generatione integrum, qui tertius est operis ejus, tractatum de his vermibus conscripsit, qui unaquaque corporis parte generantur, idemque nonnulli alii effecerunt. Si igitur in virili etiam femine existunt, non propterea aliquid cum generatione commune habent; sed a Deo creati sunt, ut semen depurent, illud nimirum suis motionibus attenuantes, ejusque impuritates depascentes: quo munere similes vermiculi funguntur in sanguine, anguillæ vero in aquis vivariorum. Bianchi cum Missembrucchio arbitratur (b): *Incitamento esse, coeundique, seu semen ejiciendi appetentiam, seu naturalem orgasmum ciere.* Non prætermittendum autem Missembrucchium ipsum in femine humano diverforum generum insecta

comperisse; idque exemplo spermatici vermis asperi, multisque pedibus celeriter ambulantis, a Plutarcho memorati (c), confirmari: ex quo clarum fit, hæc insecta non ad hominis originem, sed ad microcosmi perfectionem, & nobilitatem pertinere. Quod si hujusmodi vermes principium essent generationis, nequaquam ad eam necessario masculinum semen requireretur; cum enim illis etiam fæmina abundet: facile ex ejus liquidis in ipsius ova ingredi possent, eaque fœcundare.

6. Secundo si essent humani fœtus, semper fœcundo in femine, numquam tamen in infoecundo invenirentur: & tamen Benius observavit oppositum, aliqua scilicet juvenum femina fœcunda carere vermiculis; e contra scatere ipsis eorumdem femina postquam illi senuerint, & infoecundi effecti sint. Bianchi etiam testatur, eos non solum in fœminis, sed etiam in castratis, atque spadonibus perspicui solitos.

7. Tertiò si hæc insecta homunciones

(a) Bianch. de morbos. generat. fol. 334.

(b) Ibid.

(c) Plutarch. in Sympotac. l. 8. q. 8.

munciones essent jam bene formati, ut imaginatus est Delempatius; nihil aliud ipsis in utero reliquum esset, quam crescere: & nihilominus ex innumeris experimentis contrarium constat: nam Embryo quamquam præcipuas partes habeat, vel ab initio, ut infra ostendemus; attamen hæc primo confusæ sunt, & involutæ, neque recte organizatæ, atque dispositæ. Quapropter foetus gradatim primis præsertim duobus mensibus a natura formatur, non secus ac simulacrum, vel imago delineata, quæ in dies figuram, & perfectionem sensibili mutatione adipiscitur: quinimo vegetabilia imitatur, in quibus paulatim ramorum extremitates cum foliis sese produnt, partesque explicantur. Si tamen ad eludendam objectionem dicant adversarii ab initio meros esse vermes, verum postea in ovulo humanam formam assumere, & in homines verti contendant; consequens erit, eos, dum in patris lumbis versantur, anima rationali non esse ditatos, sed tantum sensitiva, qua abeunte succedat illa: vermiculi scilicet organis, at-

que structura jam deletis, eoque in hominem plane commutato.

8. Quarto & hoc ipsum creditu difficile est; ita enim homo pluries gigneretur; primo vermis ex ovulo proprio in lumbis paternis, homo deinde maternis in visceribus. Quæ duplex genesis non est temere adstruenda: nam cum nulla alterius animalis generatione congrueret. Quidam dixerunt, convenire cum generatione ranarum: quod, Vallisnerio teste, reputandum est falsum. Discrepat etiam a productione insectorum, quæ transmutantur: puta muscarum, vesparum, apum, papilionum, atque similium. Nam primo in his constanti observatione conspicitur: vermem in nympham, seu chrysalidem transire; in statu autem nymphæ diu perdurare; ejusque conversionem non nisi paulatim fieri: non enim est miraculosa resurrectio, sed naturalis metamorphosis, quæ tempus exigit, si non longius, æquale saltem illi, quod in primaria generatione infumi solet. Quamobrem videmus aliqua ex insectis integros annos in statu nympharum permanere, ipsaque vespa, cujus

F
vita

vita paucis mensibus concluditur, nihilominus nymphæ conditionem ad quindecim dies producit. Quantum ergo temporis infumendum esset homini, cujus tam major est perfectio, & vita diuturnior?

9. Quinto, quis umquam aspexit humano in ovo, vel etiam in ovis quadrupedum, aut volatilium chrysalides istas? Certe Leuvenoeccius ipse fatetur, se post infinitas, accuratasque investigationes in ovo foecundato ipsorum animalium irrationabilium, nec vermem umquam reperire potuisse. Initio enim graviditatis Anatomici hoc tantum observant, scilicet quod macula illa obscura, quæ prius in ovulo non foecundato per solum microscopium cernebatur; quæque est prima, & informis hominis figuratio, incipit paulatim augescere, atque distingui, ac non multo post tempore motum ostendit. Contra vero cum Embryo jam quoquomodo formatus fuerit, apparet quadantenus vermi similis, quatenus brachia, & crura, aliæque partes nondum sunt evolutæ, atque explicatæ, at per microscopium sufficienter facies aliquid humani sese habere

demonstrat. Nemo tamen dixit sub his initiis nympham se animadvertisse, aut verum vermem, qui deinde ad nymphæ gradum pervenire sit existimandus.

10. Sexto, hæc insecta in omnium animalium feminibus æquali sunt mole, cum tamen si foetus essent, necessario principalis animantis magnitudini responderent.

11. Septimo, in hoc systemate vix matris phantasia in foetum agere posset, is enim pene totaliter a patre dependeret vermem tribuente.

12. Octavo, partus numerosi frequentissime provenirent, nam infiniti ex hujusmodi vermibus virile semen inhabitant: & facillime complures idem ovulum subire, illudque foecundare possent: cum cæteroqui Gemelli sub ipsis membranulis progigni queant. At contrarium accidit: imo, fatente ipso Leuvenoeccio, animalia, quæ majori vermium numero abundant, unipara sunt; & e converso, quæ minori, multipara.

13. Nono, hujusmodi insecta diversi sunt sexus. Quare ergo perpetuo veluti ritu, columbæ

ex uno ovulorum masculum, ex alio feminam excludunt? Porro ex fortuita, & perpetua tot vermium agitatione sæpenumero duo ex illis, ambo mares, vel feminae ovula ingredi deberent, ac deinde in duos pullos ejusdem sexus evadere.

14. Verum si ex dictis recta Philosophia ab hoc systemate evidenter abhorret; luculentius ex dicendis idem avertatur sana Theologia.

Nam primo contra Origenem, & Priscillianum semper credidit Ecclesia: rationales animas, antequam corpora procreentur, non existere. Conatur Wolphius sese tegere dicendo: Ecclesiam Origenem damnasse, quod is creationem animarum sine corporibus asfereret, qui error in novo systemate evitatur. Animæ enim in eo dicuntur quidem a principio in Adamo creatæ, sed non sine propriis corporibus. Hoc tamen effugium ad Wolphium liberandum non est satis: nam ex sanctissimis Pontificibus Leone, Gregorio, & Gelasio, imo ex tota antiquitate clarum est, errorem in fide reputatum fuisse, opinari, animas alium statum & existentiam ante suo-

rum corporum in utero materno generationem habuisse. Apparet etiam ex patribus parvulos originali peccato per ipsam generationem implicari, & ante eam nequaquam existere supponuntur.

15. Secundo, si vermiculi essent homines, nuptiæ essent præceptæ; illicitum vero, & peccaminosum votum virginitatis, & continentiae: cælibatus enim impediret, quo minus ii in lucem venire possent: adeoque innumeros perderet innocentes; qui in lumbis inclusi tempore, quo nasci exigent, brevi ad mortem adigerentur, & in æternum perirent. Imo consequenter uxores quoque steriles repudiari deberent, & matrimonii vinculum omnino dissolvi; ut vir de fecunda conjuge, quæ misellos pareret, sibi provideret. Esset denique lege naturali præcepta ipsa polygamia, tanquam necessaria: nec tamen illa sufficeret, nam neque pro singulis viris sexcenta millia feminarum, & ultra ullo modo satis essent, ut innumerabiles illi homunciones nascerentur.

16. Tertio, divinæ repugnat providentiæ (quæ oculatissima est,

& ad occurrendum necessitatibus paratissima) tot millia miriadum, miriadesque millium rationalium creaturarum sine medio ad vitæ usuram prodeundi, adeoque sine salutis æternæ spe, dereliquisse.

17. Quarto ut de insectis taceam quibus, ut supradictum est, mulieres in universum abundant: hoc dato systemate, cum plurimi vermes e virili spermate procedentes multo tempore in utero, atque ovario mulieris deliteant; quid sane obstaret, quominus aliquis ex istis post diuturnam mariti absentiam, vel mortem in aliquod ovulum penetraret, ipsumque redderet plane foecundum? Hoc tamen ab experientia est omnino alienum: impossibile enim erat, divinam sapientiam generationis ordinem ita disponere, ut sub specioso vermium olim relictorum prætextu conjugatarum omnium adulteria, & viduarum impudicitæ tegerentur. Innuptæ ipsæ licet parientes contenderent sese esse castissimas: dicerent enim paterni seminis vermes ovo, ex quo genitæ fuerunt, communica-

tos, & in earum corporibus manentes, alios ejusdem speciei produxisse, qui maturis jam post pubertatem ovis, in ea subingressi germinarint. Et quidem seminales vermes sese multiplicant: nam Leuvenoeccius ipse alios masculini sexus, alios feminini reputat, cum eos duplicis formæ observaverit.

18. Scimus a Senatu Gratianopolitano seu Grenoble absolutam mulierem illustri loco natam, quæ cum post quartum a mariti absentia annum peperisset, de adulterio accusata sanctissime juravit, se thalami fidem omnino servasse, tantummodo in somnio cum absente conjuge congregi imaginatam. De qua re consulti medici Montepessulani, inter quos Hieronymus de Revelin, & Eleonorus de Belval, Senatui Gratianopolitano responderunt, id esse possibile. Rem plures enarrant, & Senatusconsultum typis Parisiensibus A. 1631. editum est. Hoc tamen judicium a quibusdam politicum potius, quam philosophicum reputatur (a) Utut fuerit, nemo ex Medicis Consultoribus ad semi-

na-

(a) Bartholin. *Epist. medic.* 16. cent. 1. Carittin. *de origin. & præexist. Anim. c.* 17. fol. 145.

nales vermes confugit: creditum porro fuit, graviditatem jam diu coeptam & a marito proveniente ac naturali causa retardatam, lente processisse. Non enim defunt exempla partuum post diuturnum graviditatis tempus. Sane si vermibus feminalibus supradictam prægationem tribueremus, major insurgeret difficultas: cum enim innumeri vermes soleant cum semine in uterum commigrare, hique vivere pergant, imo sese multiplicent; cur semel tantum casus ille contingerit, qui necessario deberet esse quotidianus?

19. Alia brevitatis gratia præmitto, solum addens novum hoc systema pro eo ut originalis peccati propagationem explicet, illam mirabiliter involvere. Porro si Deus omnes animas in Adamo creavit: illas etiam non secus ac Adamum gratia sanctificante donaverit; quare ergo tantum, quod possidebant, bonum alieno peccato amiserunt? Duvigerius ait, ipsas insimul cum Adamo præcepti notitiam habuisse: cum enim in ejus cerebro spiritus animales ad præcepti auditionem moverentur; necesse erat moveri etiam per con-

sensum animales spiritus parvulorum: quapropter etiam in eis obfibrarum teneritudinem ideam præcepti oportuit suscitari: ac similiter ubi ille diabolicæ suggestioni assensum præbuit, etiam ipsi homunculi ex prænotata ratione ad consensum commoti sunt, quamvis quia in statu idearum confusarum viventes, actum non elicuerint plane deliberatum, sed ex eorum numero, quos Theologi secundoprinos appellant. At peccatum istud non amplius originale dicendum esset, quod juxta theologicam notionum culpam denotat, quæ non ex propria voluntate, sed generatione a filiis Adæ contrahitur. Deinde quid ad infantes pertinuisset vetiti pomi comestioni assentiri? Non erat ejus suavitas ad eos perventura: nec ipsi in statu illo similitudinem cum Deo, quam diabolus proponebat, mente comprehendere, & appetere potuissent: nec illa, qua primus homo erga uxorem affectus erat proclivitas, eos in ruinam compulisset: quare ergo (mirabile dictu!) omnes pari modo assensi sunt? Si vero id ita factum est: quia puerorum spiritus cum spiritibus Adami,

mi, tamquam ad unisonum temperati, & concordēs pari modo commovebantur: cur ergo cum Adam peccatum suum amarissima contritione deflevit, non illos quoque poenituerit? tanto facilius gratiam amissam recuperaturos, quanto minus protoparente culpabiles?

20. Mitto quod si omnes animæ cum suis corpusculis, unoquoque eorum alia includente, creatæ olim fuissent; jam inde ab initio scirent dæmones, quot homines nascituri essent, quotque generationibus a mundi fine distaremus: quæ tamen cognitio in Evangelio Divinæ sapientiæ reservatur. Uno verbo opinio, de qua agitur

adeo exotica est: ut nequidem uti mera hypothesis venditari queat: cum enim oporteret, ut ea saltem rem declararet, ac perceptibilem redderet, contrario successu omnia confundit, & obscurat: quapropter non solum illam rejiciunt Vallisnerius, & Bianchi (a), eamque ex omnibus theologicis locis validissime oppugnat laudatus Carattinius; sed Zwingerius nimis verminosam dicit (b); eos vero, qui in illa defendenda laborarunt; *vermiculoso conatu id sategisse*. Alii autem ridiculam appellant. Demum Wolphius ipse, qui modestia, & docilitate gloriatur; eandem e suis libris in Veronensi editione Ramanziniana expungi permisit.

C A P U T VII.

De opinionibus Joannis Marci, & Aristotelis quoad tempus animationis.

1. Indubitabile igitur censendum est, unicuique nostrum corpori, dum in materno utero existit, creari animam. Illud restat discutiendum, quò nimirum tempore id fiat. Quatuor autem status in fœtu, antequam oriatur, attenduntur.

Primus

(a) Vallisner *p. 1. Hist. Generat. & p. 1. oper. diver. de verm. sperm.*
c. 13. Bianch. *de morbof. Generat. fol. 323.*

(b) Zwinger. *in Physiolog.*

Primus est cum, facta conceptione, formari incipit.

Secundus, cum ejus cor, & cerebrum, præcipua vitæ organa, perfecta sunt.

Tertius, cum partes suas omnes jam habet distinctas, atque formatas.

Quartus, cum non tantum formatus est foetus, sed taliter adauctus, & corroboratus, ut aeris impressioni resistere, atque e materno utero exire possit.

Philosophi ergo, ac Theologi aliquem dictorum statuum eligentes eidem tempus animationis tribuerunt: nam nihil hic immorandum in explicando systemate aereo Astrologorum ex Ptolomæi fabulis decimam diem animationi assignantium (a).

2. Joannes vero Marcus Protomedicus Pragensis probabile existimavit, foetus omnes dum adhuc maternis visceribus continentur, anima rationali carere: cum neque sensuum usum, neque organa ad ratiocinandi officium completa possideant: ex quo sequeretur in nullo abortu verum committi ho-

micidium, nec in censuras, vel irregularitatem incursum iri. Hæc opinio duces habebat Platonem, & Asclepiadem, a Galeno relatos; Protagoram, & nonnullos e Stoicis, dicentes, animam puero infundi, cum nascitur, & respirare incipit. Non defuere tamen e recentioribus theologi, qui eam probarent, neque Universitati Lovanienfi displicuit. Verum aperte opponitur Sacris Scripturis enarrantibus, Sanctum Joannem Baptistam adhuc semestrem *exultasse in utero*: quod evidens argumentum est, multo ante nativitatem anima sanctificantis gratiæ capaci fuisse præditum. Si vero ad animæ rationalis immissionem prærequiratur completissima organorum & sensationibus, & ratiocinio intervientium perfectio; ut Marcus cum suis opinabatur; expectandus ad animationem septimus annus foret, quod nemo ridiculum esse non videt. Sane a Plutarcho, atque Tertulliano memoriæ proditum est, Heraclitum, ipsumque Asclepiadem cum quibusdam Stoicis, falso illo principio ductos, eousque

(a) Ex Richæo lib. *Gynæc. de morb. Mulier. c. 21. & Proposit. 51. Centiloq. Ptolomæi,*

que tandem devenisse, ut adventum animæ rationalis in hominem ad pubertatem ipsam rejecerint. Itaque Joannis Marci propositio inter proscriptas ab Innocentio undecimo vigesimum quartum locum obtinuit.

3. Secunda sententia est Aristotelis. Docet is venire animam, toto Embryone cum suis partibus distincto, atque formato, etsi non adaucto, corroborato, & ad natiuitatem idoneo. Verum de tempore, quo plena formatio contingat, non convenit inter Aristotelis sectatores: aliis tardius, aliis citius perfici putantibus propter observationum varietatem. Nam neque foetus omnes æquali tempore maturescunt, neque semper mulieres in designando vero suæ graviditatis initio veritatem assequuntur: quapropter ex Aristotelicis quidam formationem, & consequenter animationem octogesimo die posuerunt: alii vero septuagesimo, sexagesimo, quadragesimo tertio, quadragesimo secundo, quadragesimo, trigesimo tertio, trigesimo, quod ex Cardenas, aliisque peripateticis patet.

4. Aristoteles tamen, qui hu-

jus sententiæ princeps est, id accidere putat in maribus quadragesimo die, in femellis octogesimo, vel nonagesimo, prope finem tertii mensis, & initium quarti: atque deinde feminas tarditatem propriæ organizationis, & animationis cum celeritate crescendi, florendi, in veterandi, & marcescendi præ maribus compensare. Hujus Philosophi placitum post Petrum Lombardum Scholasticorum Coryphæum, evasit commune: etenim cum circa eam ætatem jam Theologi consenserint animas non ex traduce provenire, sed singillatim unamquamque creari: cumque fere simul introducta in scholas fuerit lectio, & explicatio librorum Aristotelis, qui pene unus audiebatur, ejus opinionem de adeo tarda animatione cum Divo Thoma Scholastici omnes amplexi sunt. Sed ad hæc maxime contulere libri tum de spiritu, & anima, tum de ecclesiasticis dogmatibus, qui eo tempore sub Augustini nomine circumferebantur. In his enim docetur animam in organizata jam corpora infundi. Aristotelis etiam sententiam sequuta est

Glossa

glossa cum Juristis, omnes denique Medici, ita ut fere universalis effecta sit, ac in eodem gradu permanerit usque ad annum 1640. quo Thomas Fienus ipsi bellum indixit. Quamquam, ut verius dicam, Medici plerumque nil aliud asserebant, nisi foetum quadragesimo die, vel tardius conformari, de animatione silentes, utpote quos corporum cura, non vero animarum haberet sollicitos. Peripatetici tamen, qui animationem conformationis tempori alligaverant, Medicos laudabant, quasi in praesenti controversia sibi consentientes. Verum ad Aristotelem redeamus. Scribit ipse, masculinum foetum quadragesimo die, femineum octogesimo reperiri formatum, & narrat eum discerptis membranulis magnitudine majorem formicam aequare, oculis grandibus, ac genitalibus, caeterisque membris distinctum: itemque ubi in aliquem liquorem immergatur dissolvi, & liquefcere, in aqua vero frigida condensari.

5. At summi hujus Philosophi

dictum difficultatibus ex omni latere iisque molestissimis premitur.

Nam primo innumera experimenta demonstrant, foetum non ita sero ad magnitudinem formicae majoris ascendere. Petrus Gassendus (a) quinque retulit abortivos, eorumque mensuras. Primus dierum certo duodecim formatus erat a summo capite usque ad pedum digitos; moles tamen tertiae parti unius Parisiensis digiti respondebat. Secundus vigintiquinque dierum erat dodranti, seu novem partibus, vel unciiis digiti Parisiensis aequalis. Tertius, qui quadraginta dierum, duobus digitis, & unciiis octo. Quartus erat merum scheletrum dierum quadraginta duorum duos digitos cum dimidio habens longitudinis. Quintus trimestris, longitudine potitus erat quinque digitorum, unciarum octo, & amplius; nimirum quasi pedis dimidii: ita ut quadragesimo die solum Embryonis caput, saltem ciceris molem aequare necesse sit. Cum Gassendianis concordant Theodori Kerkringii

G

(a) Petr. Gassend. t. 2. *Physic. de Generat. Anim. c. de animat. foetus.*

kringii experimenta; quamvis Drelincurtius (a) nimium severa censura putet, ea ex Paræo Chirurgo, qui anno 1598. floruit, exscripta fuisse. Insuper Joannes Baptista Bianchi primus in Taurinensi Universitate Anatomicus innumeros ex omni pene graviditatis die abortivos in suo mulæo collocavit, & complurium ex illis exactissimam figuram exhibuit (b). Is igitur affirmat foetum a principio usque ad trigessimum crescere in ratione adaucta; ideoque mensura motus accelerationis gravium erga centrum: id est unum, tria, quinque, septem &c. exinde usque ad finem tertii mensis, crescere in ratione integra: scilicet unum, duo, tria, quatuor &c. Postea usque ad septimum completum in ratione adaucta, sed non æquabiliter, ut in principio: demum usque ad finem graviditatis in ratione imminuta: ita ut si antea trium dierum spatium duos gradus magnitudinis allequebatur; nunc sex diebus tres tantummodo, vel etiam minus acquirat. Ex deducitur,

foetum trigesimo die esse quinquagesies novies majorem, quam primo die visus sit. Porro idem Bianchi, triginta duorum admodum dierum Embryonem, de cuius ætate dubitari non poterat, fere ovo gallinaceo parem ostendebat. Quapropter foetus ab Aristotele visus paucos fortasse dies, non vero quadraginta numerabat: sed error verisimiliter in calculo temporis intercesserat: & nihilominus humana configuratione jam prædituserat. Ex hac ergo Aristotelis hallucinatione illius Sectatores putaverunt perfectam organizationem compleri in maribus quadagesimo, in feminis octogesimo, vel etiam nonagesimo: at res aliter omnino se habet. Sane præter superius allata, Joannes Riolanus celebris Anatomicus Gallus tres foetus abortivos refert a se perspectos: primus erat mensis unius, partesque omnes descriptas, atque constructas habebat: ex duobus aliis æque bimestribus, unus plene conformatus, alter vero non ita: adeo verum est, non omnes

(a) Drelincurt *de ovis* n. 23.

(b) Bianch. *in tract. de nat. Generat.*

omnes foetus eodem non tempore, nec simili ratione perfectionem adipisci.

6. Secundo magna illa temporis differentia, quam statuit Aristoteles inter animationem masculi, & femellæ, peripatus etiam discipulis, e quorum numero Diana, fabulosa videtur. Diogenes Apolloniates, qui masculos quarto mense formari dicebat, feminis, Censorino referente, non nisi mensem alium addebat: sed hoc ipsum rejiciendum: enim vero quis nesciat a muliere gemellos diversi sexus eodem partu in lucem effundi? Si autem simul maturuerunt, ut una orirentur; cur non æque simul ad animationem idonei effecti sint? Maxime cum id non solum in mulieribus, canibus, felibus, suibus, similibusque multiparis, sed etiam in oviparis perpetuo ritu observetur: nam cuiuscumque sexus fuerint pulli in ovo inclusi, mares, vel feminae, pari tempore perficiuntur, & simul excluduntur. Quod si forte prius in foetu masculino sentia-
tur motus, quam in femineo, id

majori vivacitati spirituum tribuendum. Sic etiam si quandoque feminilis Embryo nimis tarde compleri visus fuerit: vel in temporum supputatione erratum est; vel mora ipsa a particulari causa, in generalem regulam non evehenda, originem traxit. Pubescunt quidem feminae ante, quam mares: at ex hoc potius deduceretur, etiam ante organizari. Neque dicas, puerperas juxta Leviticum (a) præter gravem immunditiam, quæ in partu masculino propter sanguinis fluxum septem diebus, in feminino vero quatuordecim durabat; ob ejusdem fluxus reliquias, in primo casu usque ad trigessimum secundum, in secundo usque ad sexagesimum sextum leviter immundas remansisse: nam nihil commune habet terminus durationis hæmorrhagiæ post partum, cum termino formationis, ac multo minus animationis. Enim vero nascitur illa ex parturiendi conatu, qui sanguinem ad iufimas regiones per vasa distenta, & aperta propellit: forte etiam, ut suspicatur Ettmullerus, oritur eo
G 2 tempore

(a) Levit. 22. Valdes de Sacr. Philos. c. 13.

tempore fermentatio similis illi, quæ in menstruatione contingit: notavit enim Deusingius similia plane conspici symptomata. Cæterum sicuti fluxus causæ non raro sunt diversæ, ac propterea duratio, copia, affluentia, & lentitudo varia deprehenditur, etiam in partibus foetuum ejusdem sexus, quod medicis est indubitatum: ita nullo modo ad inveniendum animationis tempus facem præbere possunt, id enim ab aliis principiis est repetendum.

7. Sed validissima contra Aristotelem est objectio desumpta ex motu, qui, teste Hippocrate, etiam sexta die in Embryonibus reperitur, imo etiam ante, si recentioribus fidem habeamus. Verum quidem est, Aristotelem, quem Divus Thomas sequitur, contendere, Embryonem prius anima vegetante informari, ac vitæ plantæ vivere: illaque corrupta, sentientem acquirere, ut vita vivat animali: & hac destructa, rationabilem consequi: quamobrem dici posset, motum primis diebus ab anima sentiente procedere. Sed hoc Aristotelis ingeniosum inventum nullo modo usque adhuc ma-

jori philosophorum numero placuit. Sicuti enim tres animas coexistentes non habemus (etsi non defuerint Aristotelici, qui hoc docuerint) sed unam tantum, quæ omnia simul & vegetantis, & sentientis, & rationalis munera adimplet; ita dicendum est, hanc solam animam, quæ rationalis est, in Embryonem eo tempore saltem infundi, quo is incipit propriam animantis vitam habere, ut functiones omnes, quas juxta præsentem organorum majorem, vel minorem perfectionem exercere valet, exsequatur. Sedulo enim perpendere oportet, hæc duo valde inter se discrepare; nimirum animam præsentem esse rationalem, & animam præsentem ut rationalem operari: secus dici posset, animam sentientem usque ad septimum annum, vel saltem usque ad nativitatem, perdurare: foetus enim in utero semper dormit: nec solum organa ad ratiocinium perfecta non habet, sed neque objecta exteriora sensibus percipere potest. Quo circa omnes, una excepta Conimbricensi, Academiae Aristotelicam animarum successionem oppugnant: quinimo narrat Vigerius, Oxo-

Oxonienſem auctoritate Cantaurienſis Archiepiſcopi eouſque proceſſiſſe, ut illam proſcripſerit, & a magiſtris ſuis doceri vetuerit.

8. Hodie igitur Ariſtotelici, reſecta communiter anima ſentiente, docent, Embryonem ante animæ rationalis adventum, ab ipſa matris anima informari: (quod tamen aliunde verum eſſe non poteſt, cum in principio prægnationis liber ille ſit, neque adhuc utero matris media placenta alligatus) vel forma volunt inſtructum, quam

vocant Embryonalem, vel platiſtica, ſeu formatrice virilis ſeminis virtute, quod Alexandro Alenſi arritiſit, vel anima vegetante, quam Galliegus Philippi Tertii, & Quarti medicus propugnabat, quæ omnes, reſpectively nimirum, rationali animæ venienti cedant, & evaneſcant. Atque hi tres ultimi rem explicandi modi recte intellecti, ſunt revera valde probabiles, & peripatetico ſyſtemati, ut etiam infra dicturi ſumus, optime cohærentes.

C A P U T VIII.

De ſententia, docente animationem fieri dum membra principalia formantur, vel poſtquam formata fuerint.

Deque ſententia Zacchiaæ animationem, ſtatim, & nulla interpoſita mora poſt conceptionem admittentis.

1. **A**nimæ infuſionem uſque ad totalem foetus formationem non differri, ſed ad ſummum perfectis principalioribus organis contingere, Petrus Gaſſendus atque alii præſertim recentiores opinantur; nec pauci favent ex Galenicis, & peripateticis ipſis. Namque iſti ſupponunt poſt paucos a

conceptu dies organizationem accidentalem compleri: ſcilicet cum juxta eorum loquendi modum, virtus platiſtica, ſeu formatrix præparationem explet materiæ ſeminalis, eam diverſis qualitatibus, & accidentibus, ad conflandas tam multas, eaſque heterogeneas corporis partes idoneis, perficiendo;

do: nam, ut ajunt, calidum temperamentum necessarium est cordi, frigidum cerebro, ficcum ossibus, humidum sanguini, & carni. Organizatione accidentali completa, natura substantialem aggreditur, id est, membrorum foetus formationem: ac primo principalium, scilicet cordis, cerebri & hepatis; deinde reliquorum. Atque hæc divisio organizationis in accidentalem, & substantialem apud Peripateticos, præsertim Scotum, Suarezium, & Hurdatum celebris evasit.

2. Itaque non pauci animationem evenire docent circa finem organizationis accidentalis, quæ coincidit cum initio substantialis: vel saltem quando formati jam principalibus membris, motus systolicus, & diastolicus inchoatur. Pro hac opinione laudantur ex antiquis Avicenna, Philoponus, Hugo Victorinus, & Albertus Magnus: ex recentioribus Rainaudus, Martianus, Cararius, Mercurialis, Garzias, Menas, Mirindolus, alique a Dandino relati. Quod vero ad tempus, quo dicta organa formata jam sint, vel saltem præparata materia earum for-

matio incipiat, auctores ad invicem distrahuntur: proinde Thomas Fienus celebris Antuerpiensis Medicus, qui, teste Caramuele, ingentes thesauros ob singularem in arte peritiam sibi comparaverat, animationem statuit die tertio, rem tribus integris tractatibus prosequens.

Primus inscribitur, de formatrice foetus liber, in quo ostenditur, animam rationalem infundi tertia die. A. 1620.

Secundus de formatione foetus liber secundus, in quo prioris doctrina plenius examinatur, & defenditur. A. 1624.

Tertius pro sua de animatione foetus sententia, apologia adversus Antonium Ponce Sancta Crux. A. 1629.

Mirindolus septimo die animationem fieri putavit. Tomai decimo quinto, quanto foetus, ut ipse ait, respirat. Albertus Magnus, vigesimo quinto. Cæteris vero satis fuit dicere a septimo supra. Horum philosophorum sententia quibusdam Aristotelis verbis innititur: multo magis vero Hippocratis auctoritati; nimirum
tam

tam in libro *de natura pueri*, quam in alio *de carnibus*.

3. Profecto quod attinet ad librum *de natura pueri*, in eo narrat auctor, se Embryonem abortivum puellæ observasse, quæ fidi- cinæ famulabatur, quæque ipso Hippocrate consilium dante, foetum saltationibus abjecerat: & quamvis foetum appellet *futurum animal*, quatenus ad omnes humanæ præsertim naturæ, seu speciei functiones exercendas non adhuc aptum; nihilominus refert, eum reperisse membranis ad instar ovi involutum, quod recentiorum consonat experimentis: additque ipsum jam respirationis usum habuisse: ergo vivus erat, quamquam abortus sexto die a prægnatione contigerit: en ejus verba fideliter e Græco idiomate translata: *In cujus medio tenue quiddam extabat, quod mihi umbilicus esse videbatur; Et sane per illum primo spiritum intus, Et extra ducere*: hoc est inspirare, & respirare: quod quidem non sine motu Systoles, atque Diastoles, & consequenter non sine manifesta vita in Embryone fiebat.

4. Nec obstat, bis Hippocra-

tem ipsum in libro *de carnibus* dicere perfectam organizationem in masculis ad summum trigesimo, in feminis item ad summum quadragesimo secundo compleri: quia in quibusdam puerperis notaverat sanguinis plerumque fluxum non ultra trigesimum a partu masculino extendi, nec a feminino ultra quadragesimum secundum. Hoc inquam non obstat: nam hujus fluxus duratio non respondet, uti diximus, mensuræ temporis, quod a natura in formatione foetus insumitur, ac multo minus ipsius finis tempori animationis. Quo circa perperam aliqui citant Hippocratem quasi docuerit, hanc solum ante trigesimum, vel quadragesimum secundum evenire. Aliud est enim asserere foetum, ut tardius, perfecte organizari trigesimo; aliud vero animari trigesimo. Primum lego in Hippocrate, non vero secundum: imo potius oppositum: narrat enim in libro *de natura pueri*, uti diximus, foetum jam inde a sexto die motu potitum, quo satis indicat, fuisse animatum. Itaque in ejus sententia non est necessarium pro animatione foetum esse completum, sed sufficit membra
magis

magis præcipua esse formata. Sane Bianchius (a), quamvis, ut ipse observaverat, conformationem tarde perfici dicat; nihilominus animationem statuit illico, & prorsus immediate post conceptum & in principio motus Systolici, & Diaastolici, opinionem de trigesimo, vel quadragesimo secundo die, falso Hippocrati afflictam omnino rejiciens. *Theologi, Canonistæ, Jurisperiti, nec Medicorum, præterquam vere scientium, & revera Anatomicorum sententiis fidant; nisi velint res sibi imponi, vel ineptiores illis, quæ de ingressu animæ in masculinum humanum corpus post triginta a conceptu dies, in femineum post quadraginta, & de intima, atque ideo nobiliori obtenta in utero sede ab illo ex Gemellis fratribus, qui postremus in lucem prodierit, sunt creditæ.*

5. Non tamen hic negaverim, Becherum dubitare utrum Liber de natura pueri vere sit Hippocraticus, & Andream Caisalpinum Alcmeoni Pythagoræ discipulo

eundem tribuere: quod in eo quædam sententia doceatur, quam Aristoteles Alcmeonem refert tradidisse: at conjectura plane debilis est. Majori subnixus fundamento Augenius opinatus est, librum esse Polybi celeberrimi discipulorum Hippocratis: primo enim stilius luxuriatur, nec redollet magistri sobrietatem: secundo Hippocrates in suo jurejurando promiserat, abortibus se non cooperaturum: auctor vero narrat se ancillæ, de qua supra, ad abortum dedisse modum: tertio quia Galenus dubitat, utrum sit Hippocratis an Polybi (b). Respondetur tamen, librum verisimiliter ab Hippocrate adhuc juniore conscriptum fuisse stilo vivaciori, & ante juramentum: forte etiam jurantis intentio non nisi foetuum animatorum favorem respiciebat: cum Aristoteles, aliique per id tempus abortum foetus inanimati licitum arbitrarentur: potuitque Hippocrates ante hoc experimentum credere, foetum tam recentem anima non adhuc informatum.

Rejes

(a) Bianch. de vitios. generat. fol. 221.

(b) Galen. lib. de format. fœtus.

Rejes, qui Librum vere putat Hippocratis, hunc suspicatur saltationis quidem consilium præbuisse, ut prægnantem falsa spe delusam a se dimitteret, saltationem reputans ad abortum junioris robustæ non suffecturam: sed illam aliis medicamentis sibi ipsi efficacius consulentem rem confecisse. Cæterum Polybus idem jusjurandum præstiterat, sine quo Hippocrates ad medicam artem juraverat se discipulos non admittendum. Si ergo Polybus juramentum effringere potuit, cur non potuerit Hippocrates? qui tandem homo non minus quam Polybus erat. Quod vero ad Galenum (a), hic forte dubium suum deposuit, nam pluries librum sub nomine Hippocratis, non Polybi laudavit: forte etiam primus conscripserat, at secundus cum aliqua eliminatione, & additione vulgaverat: vel secundus conscripserat sub primi tamen directione, ac magisterio. Macrobius vero, Erotianus, ac prisce omnes Hippocraticum, & Hippocrate dignum existimarunt. Fesius egregius operum hujus medicorum

principis, interpretes & illustratores judicat Hippocraticum, & certe continuationem Libri de natura hominis, cui in vetustis quibusdam exemplaribus connectitur: addens Librum de natura hominis propter Platonis in Phædro testimonium esse legitimum, atque indubitabile opus Hippocratis. Denique miratur Drelincurtius rem adeo claram in dubium verti: Nam Hippocrates ipse non semel, sed bis in libro de morbis mulierum tamquam suum citat alterum de natura pueri: atque ego ipse viceversa in libro de natura pueri animadverti Hippocratem tractatum de morbis mulierum promississe.

6. In libro autem de carnibus, quem communiter quoque Hippocrati adscribunt, ita legitur: *Porro vita hominis septem dierum est, & in septem diebus habet, quæcumque corpus habere debet.* Adducitque auctor experimenta a se facta in abortivis meretricum. *Si moleculam, inquit ille, in aquam injeceris: re attentius conspecta, deprehendes oculorum regiones,*

H

nes,

(a) Galen. lib. Aphor. & lib. de sem. ac de facult. nat.

nes, & aures, & digitos manuum, & crura, & pedes, & digitos pedum, & pudendum: & reliquum totum corpus in conspicuo est.

Id autem ratione confirmans, ait, propterea septimum diem criticum esse in morbis acutissimis, atque vulneribus. Idem quoque propter Hippocratis auctoritatem alii docuere. Attamen hujus libri doctrina ei, quam in alio de natura pueri tradiderat, adversari videtur. Ibi enim dixit articulationem nunquam in maribus ante vigesimum, nec in femellis ante vigesimum quintum perfici: ex quo etiam patet, foetum sex dierum, de quo Liber de natura pueri loquitur, non fuisse articulatum. Aliqui respondent Embryones non omnes æquali spatio temporis in omnibus regionibus formari, Hippocratem vero complures provincias peragrasse, ac forte operam variis experimentis in tota sua longævitate navasse: quam quidam ad Annum 85. alii ad 90., 104. 109. extendunt: atque ita sententiam variare potuisse. Inde Prosper Martianus Com-

mentariis in Hippocratem illustris autumat (a) Librum de natura pueri editum in juventute, de carnibus vero in senectute, uti etiam stilus utriusque declarat.

7. Alii plane dicunt Tractatum de carnibus esse Polybi: at videtur etiam difficile, Polybum ipsum potuisse foetus dierum septem discernere completos: nisi dicamus foetus ejus regionis præmaturius perfici, aut saltem citius perfectos fuisse, quos Polybus aspexit: sicuti etiam ubique inveniuntur, qui septimo mense nascantur absolutissimi. Credendum tamen, Hippocratem in hoc libro de carnibus nequaquam perfectam articulationem concedere foetui hebdomadali, quam eidem in libro de natura pueri negaverat, sed imperfectam, ac veluti quædam articulationis primordia. His adde aliquem forte errorem in computo prægnationis irrepsisse, quod est valde verisimile. Utut sit, cum ex mole non apparuerint septimo die majores Medico tam insigni: non multum ab eo termino

(a) Prosp. Martian. in not. ad Hippocr. lib. de Carn. n. 216. fol. 50. & seq. edit. Bon. 1626.

mino distare potuerint: maxime cum Petrus Gassendus fidem suam de foetu interponat, qui certe diem duodecimum non excedebat, quamquam, uti capite antecedenti diximus, articulatus. Porro Polybus non circulator erat, sed dilectissimus auditorum Hippocratis, ejusque gener, & sapientiæ hæres.

8. Hoc autem extra dubium est, sententiam, quæ foetum animari defendit septimo die, quia jam inde sufficienti gaudeat formatione, hodie longe magis amari, quam Aristotelicam, pene apud Medicos antiquatam, uti Gassendus ipse adnotavit. Cum autem hic inter præcellentiores omnium ætatum Philosophos merito sit recensendus: non hic omitam, eum philosophicis rationibus adactum in id propendere, ut credat, animam a primo instanti conceptionis infundi; (a) quæ sententia, ut ipse ait, *longe planior est; quippe nullum invenitur commodius momentum, cum assumpto quolibet alio, incredibile fiat, cur non tantisper expectari debue-*

rit. Hoc non obstante, propter legum auctoritatem, quæ inter foetum animatum, & inanimatum distinguunt, sat illi est dicere: Animam probabiliter infundi septimo die, at incertam esse adhuc rei veritatem, ac soli creatori perspectam.

9. Sententiæ autem illi, ad quam ita inclinavit Gassendus, libentissime, firmissimeque adhæsit Paulus Zacchias Medicus, & Jurisconsultus Romanus. Hic in primo sui Operis tomo opinionem eorum amplexus fuerat, qui ex male intellecto Hippocrate animationem foetus masculini usque ad trigesimum, feminini vero usque ad quadragesimum secundum ampliabant. At in tomo secundo, qui posthumus est, Alexandro Septimo dicatus, & An. 1661. typis editus, primo dicta revocavit, & multiplici eruditione, ac philosophicis rationibus adstruxit: Deum post conceptionem creare immediate animas, cum scilicet juxta Peripateticorum scholam, quam ille sequitur, virile semen, atque femineum commista jam sunt.

H 2

(a) Gassend. t. 2. *Physic. de Generat. Animal. cap. de Anim. Fœtus.*

sunt. Nondum ejus tempore vulgata, & accepta erat Philosophis, & Medicis ovarii muliebris doctrina: quapropter juxta antiquum committionis utriusque feminis systema philosophatur. Nihilominus integro tractatu defendit, non propagari cum semine paterno animam, sed tantum spiritus animales, ut massam foveant, & animæ pro mero instrumento deserviant: Animam vero nulla temporis intercapedine post conceptionem materiale infundi: ut præsentia sua, vitalique influxu cooperetur non solum vegetationi, & augmento, quod per interiorem fit alimenti sumptionem, sed & formationi, ac perfectæ organizationi Embryonis, qui gradatim, ut constat, vel ab ipso principio succrescit: ac denique animam hanc non aliam esse a rationali, ut plura, atque gravissima absurda evitentur, maxime vero successio trium animarum, quæ secus absque necessitate multiplicarentur. Quamvis autem ad libri finem protestetur, se probabili

tantum ratiocinio ductum scribere, & Ecclesiæ judicio cuncta submittere (a): nihilominus in ipsa posthuma editione, ita gravia credit rationum momenta, quibus ejus sententia statuitur, ut sibi persuadeat, de eadem non amplius esse ambigendum.

10. Id autem argumento, procul dubio non contemnendo, confirmat. Celebrat Catholica Ecclesia Beatæ Mariæ Virginis Conceptionem, intenditque, ut Alexander Septimus declaravit (b), de ejus conceptione formali, hoc est, de primæ animationis instanti, festum agere, non de materiali, quæ sola, uti Theologi dicunt, non esset festi Ecclesiastici objectum. Solemnitas cadit in octavum diem Decembris ex divina revelatione a Divo Anselmo examinata, atque probata, a qua etiam festum ipsum in Anglia originem sortitum est; quam Piazza ab oppositionibus Gerberoni, & Natalis ab Alexandro præclare vindicavit. (c) Si ergo Nativitas Virginis

(a) Zacchias *quæst. Medicolegal* t. 1. lib. 2. q. 9. n. 2.

(b) Alex. VII. *constitut. Sollicitudo*.

(c) Piazza *Causa Immacul. Concept. Act. 2. art. 3. a n. 56. ad 78.*

ginis contigit octavo Septembris, ut ex antiquissima Ecclesiae traditione consentiunt omnes: sequitur Virginem, quæ novem mensium spatio in materno utero mansit, animam semper sanctissimam, & omni macula immunem, eodem Conceptionis suæ corporeæ die accepisse: quod cum ipso Anselmo una voce dicunt auctores alii, a Piazza, & Alberto citati. (a) Neque potest hoc ipsum miraculo deputari, sicut in Christi Conceptu. Redemptoris enim generatio, utpote Divinissimi Spiritus opus, prodigiosa fuit in omnibus (b); at Mariæ generatio naturæ ordinem sequuta est. Adde quod in hac ultima oporteret miraculum istud ratiociniis adstruere, non vero tantum supponere ad vim argumenti eludendam. Profecto Tyrsus Gonzalez opinatur, animationem die Sabbati, ac septimo die a conceptione materiali, quæ in Dominicam inciderit, contigisse. Sicuti etiam Deus mundi opificium die primo hebdomadæ incepit; septimo vero quievit.

Verum præterquam quod hoc ipsum evinceret quoque, animam non expectare nonagesimum, neque sexagesimum, neque quadragessimum diem: sed multo citius advenire; fatendum est etiam Tyrsi cogitationem, quamvis piam, in mera congruentia fundari, & ideo utpote minus firmam ad dissipandam difficultatem minime valere.

II. Martyrologia etiam, & Patres conceptionem Sancti Joannis Baptistæ diei vigesimo tertio Septembris affigunt, quo aliquas Ecclesias de ea festum agere certum est. Sed responderi posset; in Baptista non animationem, sed materiales tantum conceptionem, quæ sola miraculosa fuit, celebrari. Quod si etiam de animatione festum agi debuisset; cum propter controversiam de tempore, quo ea contingat in homine resciri nequiret, quando nam baptistæ anima immissa fuerit, prudenter festum diei illi assignaretur, qua verisimiliter materialis conceptio facta est: quæ responsio festo Con-

(a) Piazza *dict. tract. Act. 3. art. 2. n. 325.*

(b) Basil. *Hom. de Human. Christi generat.* S. Joan. Damasc. *de fid. orthodox. c. 2.*

ceptionis Beatæ Virginis aptari non potest. Id enim animationem ipsam respicit, celebraturque eo die, non ex hominum prudenti arbitrio, sed ex Dei revelatione, diem, & instans illius exactissime pernoscentis.

12. Huic tamen Zacchiæ sententiæ paucis quidem ante annis præluferat Thomas Fienus, cæterum nullo modo recens erat. Etenim ultra rationes ab intrinseco ductas, innumeros habebat Suffragatores, & Patres, & antiquos Philosophos, ac Medicos, ut illos taceam, qui, ut supra innuimus, animam corpore valde antiquiorem autumarunt. Adeo ut dicendum sit Aristotelis potius opinionem, quæ nimis a conceptu animationem elongabat, minus olim fuisse cognitam minusque receptam.

13. Profecto Sanctus Basilius, (a) quod ante notavimus, nolebat inter foetum animatum, & inani-

matum distingui. Unde hoc autem? Nisi quia verissimillime a principio animam infundi credebatur, quamvis aliter aliqui sentirent? Id ex Balsamone Antiocheno Patriarcha sæculo duodecimo exeunte colligitur: *Hoc, ait ille, dictum est propter eos, qui docent, quod quando semenatrici advenit, non statim formatur in hominem; sed prius quidem fit sanguis, deinde in carnem humanam concrevit, deinde efficitur &c.* Ex quo apparet, eo tempore paucis opinionem de serius contingente animatione placuisse: quod autem ea fuerit Magni Basilii sententia ex Sancto Gregorio Nisseno ejus fratre, atque discipulo, intelligi potest, qui cæteroqui animas creari, non ex traduce propagari judicabat: is enim erat Norisio teste (b), Græcorum omnium sensus. *Enim vero, ait, (c) posteriorem esse originem animarum, ipsasque recentiores esse corporum compositione, nemo sana mente præditus in animatum*

(a) Basil. *Epist. Canonic. c. 2. ubi Balsamon.*

(b) Noris. *in vindic. August. c. 4. §. 3.*

(c) Gregor. Nissen. *in Dialog. de Anim. & resurrect. vers. fin. in tom. 2. edit. Parisiens. Græcolat. An. 1615. pag. 673. & lib. de Human. opif. c. 29.*

mum induxerit : cum manifestum, & perspicuum sit, quod nihil ex inanimis habeat in sese vim movendi, pariter atque crescendi : at eorum, qui in utero nutriuntur, neque augmentum, & incrementum, neque de loco ad locum motus controversus, & ambiguus est. Relinquitur ergo, ut putemus unum, & idem animæ, & corporis constitutionis principium esse. Quemadmodum in nascentibus seminibus incrementum paulatim ad perfectionem progreditur : eodem modo in hominum quoque formatione, atque constitutione pro ratione, ac proportionem corporeæ magnitudinis, animæ quoque potentia apparet, & elucet : primum quidem per vim alendi simul, utque augendi iis, quæ in utero sunt, sese insinuans, atque innascens : post hæc vero donum sentiendi in lucem productis inducens : atque ita deinceps quasi fructum quemdam, aucta jam planta, mediocriter exerens, ac prodens ratione præditam vim &c.

14. Sanctus vero Cæsarius (a), *Longe etiam mihi velis ab illa resiliâs opinione, quod corpore posterior sit anima.* Citantur etiam pro hac sententia Sanctus Cyrillus Alexandrinus (b), & Sanctus Gelasius Papa (c), quatenus asserunt, ubi corpus vitæ capax fuerit, illico a Deo animam accipere : cum constet cæteroqui ex ipso Aristotele, Embryonem vivere etiam a principio ; quod & Divus Thomas admittit : sed de Gelasio, & Cyrillo redibit sermo. Apertius plerique veteres Theologi, aliique Scriptores tum Græci, tum Latini loquuti sunt, præter eos, qui propagationem ex traduce docuerunt, vel ut problematicam putaverunt.

15. Siquidem M. Aurelius Cassiodorus (d), qui An. 530. floruit, hæc habet : *Hoc nonnulli sequuti dixerunt, mox ut semen humanum coagulatum fuerit in vitalem substantiam ; illico creatas animas*

(a) S. Cæsar. lib. 6. Dialog. 3. in respons. ad interrog. 115.

(b) S. Cyrill. Alex. l. 1. in Joann. c. 9.

(c) S. Gelasius Papa lib. de duab. nat. contr. Eutich. & Nestor.

(d) Cassiod. lib. de Anim. c. 14.

animas corporibus dari discretas, atque perfectas.

16. Similia dixit Nicetas Choniates Græcus, qui sæculo decimo tertio claruit; ait enim (a): *Nullum commune dogma super quaestione ista vel ab Apostolis, vel ab ullis aliis Sanctis Patribus accepimus. Subjungens aliquos Patres putavisse: Semen animari cum primum in uterum venit: ita ut partium neutra, scilicet anima, & corpus, compositionem, aut præcedat, aut subsequatur. Philosophos insuper addit non deesse, qui idem existimaverint. Græcorum sapientum nonnullis, Embryones, seu imperfectos in utero factus, statim ab illa informi sua forma placuit animari.*

17. Et vero ex Philosophis cum Zacchia sentiere Alexander Aphrodisæus, celebris Aristotelis Commentator, Themistius, atque Galenus. (b) *Nam, ait hic, sicuti incredibile est, nullum in tanta partium multitudine a fortuita*

commixtione errorem committi: ita consequutionem motus artificiosam ab aliqua irrationali substantia effici, perinde ac ipsi dicunt, nimis audax est. Idem docet antiquus Auctor Libri, Galeni nomen præferentis, cui titulus: *An animal sit, quod in utero est: (c) Eo perspicuum est, una cum jactō in utrum semine insitam a Creatore universi esse animam, ut gubernandi vim corporis habeat.* Quamquam Auctor hic animam cum semine participari existimaverit. Demum ex Zacchiæ coætaneis ipsius sententiam amplexi sunt Fortunatus Fidelis, Bartholomæus Corte (d), Gaspar Bravo, aliique innumeri eosdem sequuti, quos alibi dabimus. Itaque huic sententiæ, neque momenta intrinsecarum rationum, neque extrinsecarum auctoritatum fulcimenta, neque aliquid aliud deest, quo minus, (licet contrarium Viva, & Milante scripserint;) solide probabilis habeatur.

CAPUT

(a) Nicetas Choniat. in *Thesauro Orthodoxæ Fidei* lib. 2. c. 74. p. 91. t. 25. *Bibliot. M. M. P. P.*

(b) Themist. lib. de *Anima* c. 12. Galen. lib. de *Format. Fæt.* c. 6.

(c) Lib. an *Animal sit id, quod in utero est.* c. 4.

(d) Fidel. relat. *Medic.* lib. 3. sect. 5. c. 2. Corte in *Epist. de temp. quo infunditur anima.*

CAPUT IX.

Non esse in Jure Canonico decifum, prius perfici foetum
deinde vero creari animam.

I. Quod autem Zacchias ejus-
que affectu ædificare co-
nati sunt, ab Innocentii Tertii de-
cretali, variisque Pontificum Bul-
lis, ac sacrae Pœnitentiariæ stilo,
pluribusque Canonibus videtur
everti. Eminent in his capitulum
Moyfes in hac materia celeberrim-
um: En ejus verba.

*Ex S. August. quæst. vet. &
nov. Testam. c. 23.*

Moyfes (a) tradidit, si quis per-
cussit mulierem in utero haben-
tem, & abortiverit; si formatum
fuerit, det animam pro anima; si
autem informatum fuerit; mulcte-
tur pecunia; ut probaret, non esse
animam ante formam. Itaque si
jam formato corpori datur anima;
non in conceptu corporis nascitur
ex semine derivata: nam si cum se-
mine, & anima exierit ex anima;
multæ animæ quotidie pereunt, cum
semen fluxu quodam non proficit
nativitati. Sed si propius respi-

ciamus; videbimus quid sequi de-
beamus. Contemplemur facturam
Adæ. In Adam enim exemplum
datum est, ut ex eo intelligatur,
quia jam formatum corpus accipit
animam: nam poterat limo terræ
admisceri, & sic formare corpus;
sed ratione informabatur: quia
primum oportebat domum compa-
ginari, & sic habitatorem induci.
Anima certe, quia spiritus est, in
sicco habitare non potest, ideo in
sanguine fertur. Cum ergo cor-
poris lineamenta compacta non fue-
rint; ubi erit anima?

2. At primo capitulum hoc re-
vera non est Canon, neque enim
a Conciliis, vel a Pontificibus edi-
tum est: omnesque norunt simi-
lia documenta a Gratiano decreto
suo inserta, vim Legis non habe-
re, cum ipse auctoritate Canonis
condendi caruerit. Dices, at
aperte in Scriptura, ipsorum Ca-
nonum firmissima regula funda-
tur,

(a) Exod. 21, 22.

tur, quod satis superque censendum erit. Verum respondetur, textum Exodi 21, 22. cui juxta versionem Septuaginta Interpretum innititur Auctor a Gratiano relatus, aliter sonare in nostra vulgata: neque ista discrepat ab Hebraico, uti notavit Calmet: igitur loco verborum illorum *si formatum fuerit*, scilicet abortivum, *det anima pro anima: si autem informatum fuerit, mulctetur pecunia*; in vulgata legitur ita: *Si abortivum quidem fecerit, sed ipsa vixerit; subjacebit damno, quantum maritus mulieris voluerit, & arbitri judicaverint. Si autem mors ejus fuerit subsequuta; reddet animam pro anima.* Ubi non distinguitur inter abortivum animatum, & inanimatum: sed solum inter prægnantem verberibus occisam, vel superstitem. Insuper formatum, vel informatum, quod apud Septuaginta legitur, non significat animatum, & inanimatum; sed tantum perfectum, & imperfectum; uti ex eorum textu videre licet: nam τὸ εἰκονισμένον valet figuratum, seu formatum ab

εἶκον, quod figuram denotat. Abortivi tamen etsi jam animati, imo & quadrimestres, recte appellari possunt non conformati, utpote non perfecte absoluti; ac propterea si exierint, non vitales. Ubi autem hujusmodi sint, auctori abortus minor imponitur poena: ut dissimili modo plectatur, qui hominis plene ac omnino formati, atque verisimilius diu victuri occisor est, quam, qui vitam suborientem parvulis minimis aufert: hi enim tanquam non bene accensæ lucernæ ad omnem exilem auram, levemque motum extingui possunt: ita ut, etsi vivi, tamen vitam suam precario possidere videantur: ac multo magis ante quadragesimum, quando & abortus frequentiores accidunt, ac foetus magna ex parte plane mortui emittuntur. Atque ea ratione multi quidem ex Juristis tradidere, non inferendam esse capitis poenam propter abortus foetuum quinto mense minorum, quamvis certo animatorum, uti Michael Bodovingerius animadvertit. (a) *Fura autem in foro fori, sicut explicat*

(a) Bodouv. *Ventilabr. Medic. Theol.* p. 1. q. 26.

cat *Franciscus Torreblanca*; de tam tenui animatione non loquuntur, hoc est de instanti, quo anima infunditur; ut quis pro homicida puniatur: sed animatione perfecta, qua infans maturus est ad nascendum: uti tradunt *Thesaurus, Suarez, Piazza, Menochius, Gomez*. Id etiam placuit *Rejez, & Villalpando* cum aliis. *Zacchias* (a) autem hanc addit rationem: primis nimirum temporibus prægnationem existimari dubiam, foetu vero jam adulto non solum fieri certam: sed & ipsam matris vitam in abortu periclitari: quapropter eum veluti duplex homicidium esse reputandum. In *Sicilia* quamvis ex nova *Pragmatica* abortus omnes indistincte homicidia censeantur: attamen majori poenæ rei subjiciuntur, si foetus est formatus, & consequenter certo animatus: ut etiam in recenti ritus praxi notatur. (b)

3. Quocirca sequens Canon *Sicuti* (c), cujus verba a Sancto

Hieronymo sunt mutuata, male a *Conimbricensibus* pro *Aristotelica* sententia laudatur: non enim ibi dicitur: imperfectum foetum carere anima, sed hominem non reputari.

4. Sed ut ad canonem *Moyſes* redeamus: nec dici potest, eum saltem auctoritate *S. Augustini* pollere, a quo decerptus fuerit: nam hodie indubitatum est, auctorem quæstionum veteris, & *Novi Testamenti* non esse *Augustinum*. Ita sane *Maurini Patres* monuerunt. Enim vero auctor ait, se scribere trecentesimo anno post *Hierosolymitanum excidium*: cum *Augustinus* eo tempore non nisi annum decimum sextum ætatis numeraret: & pro comperto habeatur, eum tractatus *Ecclesiasticos* ante *Baptismum*, quod annos natus 33. matura juventute suscepit, non conscripsisse. Insuper neque *Possidius* in *Indice Librorum Præceptoris sui* de illo meminit: neque *Augustinus ipse*

I 2

in

(a) *Zacch. lib. 9. tit. 1. q. ult. n. 118.*

(b) *Prax Constr Proces.*

(c) *Canon Sicuti 32. q. 2.*

in Libris retractationum : neque in eo elucet singularis illa sapientia, excelsumque illud tanti Doctoris ingenium : imo in permultis quæstionibus opiniones expromuntur cum Augustini doctrina, in aliis ejus legitimis operibus tradita, manifesto pugnantes. Porro Augustinus numquam dixit corpori, jam perfecte formato animam tribui : potius proclivis fuit ad opinandum, eam ex traduce propagari : imo cum sibi ipsi objiceret citatum textum ex Exodo, juxta ipsam Septuaginta Interpretum versionem : respondit, performatum, & informe non intelligendum esse animatum, & non animatum, sed perfectum, & imperfectum : en ejus verba in quæstionibus in Exodum (a), opere sine dubio Augustiniano, & An. 419. conscripto, quæ verba cum Gratianus ipse suo decreto immediate ante Capitulum *Moyſes* inseruerit, non minoris certe sunt usus.

Si ergo illud informe puerperum jam quidem fuit, sed adhuc

*quodammodo informiter animatum; quoniam magna de anima quæstio, hoc est utrum ex traduce propagetur, non est præcipitanda indiscussæ temeritate sententiæ, ideo lex noluit ad homicidium pertinere; quia nondum dici potest anima viva in eo corpore, quod sensu caret, si talis est in carne nondum formata, & ideo nondum sensibus prædita. Itaque nequit Augustinus auctor esse eorum, quæ in Capitulo *Moyſes* edocentur. Nec prætermittendum, (etiam si versioni Septuaginta, a qua vulgata recedit, inhærere velimus) Gratianum ipsum utramque textus Exodi explicationem aptam probabilemque arbitrari, & illam scilicet quam Augustinianam credens in Capitulo *Moyſes* collocavit : & alteram, quam antecedenti capitulo retulit, quæque vere est Sancti Doctoris interpretatio. Quapropter nullo modo Capitulo *Moyſes* inniti possumus; multoque minus illud tamquam authenticam controversiæ de tempore animationis decisionem existimare. Insuper auctori quæstionum veteris,*

(a) S. August. in Exod q. 80.

ris, & novi Testamenti multi contra sanam doctrinam errores exciderunt: quos inter Melchisedechum esse Spiritum Sanctum asseruit: aliaque habet, Alexandro teste, barbara, & dura; quapropter Bellarminus asserere non dubitavit (a): *Librum quaestionum Veteris & Novi Testamenti non esse Augustini, sed alicujus hæretici.* A stilo, & circumstantia temporis, quo scriptus est, Hilario Diacono, Luciferani schismatis olim propagatori adscribendum esse conjiciens.

5. Fateor in Libris de spiritu, & anima, & de Ecclesiasticis Dogmatibus, qui olim Augustini operibus immixti erant, doceri quoque, animam organizato jam corpori advenire: quod ad corroborandam opinionem Aristotelicam maximopere valuit. At Critici omnes cum Bellarmino, hunc secundum Gemadio esse tribuendum, neutrum esse Augustini demonstraverunt. Demum ratio,

quam profert auctor Capituli *Moy-ses*, nimirum Adami animam non nisi corpori jam organizato infusam, nihil evincit. Formatio illa miraculosa fuit, & ex materia indisposita, ac ad componendum humanum corpus inepta: quo circa præparari prius oportuit: naturalis vero aliorum hominum generatio a materia satis idonea pendet, ac propterea vel ab initio ab anima ipsa jam informabili. Nec efficacior est alia ratio, quam subjungit, scilicet cum anima spiritus quidem sit, in sicco manere non posse, sed oportere, quod in humido sanguinis insideat: de qua ratione festive Glossa valere dixit apud septentrionales populos, qui potationibus delectantur.

6. Nunc vero ad Bullas, & Decretales progrediamur. Innocentius Tertius in Capitulo *Sicut* de homicidio; distinguit inter poenam abortus foetus animati, & inanimati. Sixtus Quintus statuit adversus utrumque excommunicationem

I 3

(a) Bellarmin. *de script. Eccles. in Ambros. & in August. Natal. Alex. sect. 4. c. 6. art. 14. Vide etiam PP. S. Mauri in Monit. & censur. Doct. Lovan. præfix. l. 4. op. S. Aug.*

tionem. Gregorius Decimus quartus Sixti Bullam mitigaturus, excommunicationem contra procurantes abortum foetus nondum animati abrogavit. Clemens denique Octavus eadem distinctione usus est.

7. Profecto animadvertendum primo, objectionem istam ferire tantum posse Pauli Zacchiae, ejusque sectatorum opinionem, qui dicunt, nunquam dari foetum, qui anima careat: non vero aliorum systema, qui volunt animam infundi, perfecta jam accidentali, ut ajunt, sive partiali organizatione, cordis nimirum cerebri, & hepatis; quod vel septimo, vel quarto, vel tertio die nonnulli evenire arbitrantur. In hac enim sententia vera etiam esset inter foetum animatum, & inanimatum distinctio; nec antedicti Pontifices, ut ex eorum verbis est evidens, unquam explicarunt, utrum transitio foetus ab inanimato ad animatum cito, vel tarde contingat. Sed loquendo etiam de Zacchiae systemate; Pontificum intentio non fuit contra ejus opinionem definire, animam non immediate

post conceptionem infundi, sed tantum illi supponunt dari foetum, qui non sit animatus. Leges enim solent in rebus ad Philosophiam, vel Medicinam, aliasque humanas facultates pertinentibus, communi sensui Doctorum, qui eas profitentur, sese accommodare. Cum vero praedictae Bullae manarent, Medici, ac Philosophi pene omnes Aristotelici erant; proindeque docebant animas non immitti, sed quadragesimum diem in maribus, in femellis diuturnius tempus ad hoc expectari: nam Zacchias, & Fienus, qui controversiam exsuscitarunt, sunt omnibus illis constitutionibus revera posteriores. Inde factum est, quod iidem Pontifices, excepto Sixto, Legum imperialium clementiae de more deferentes, majores, gravioresque procurati abortus poenas non decrevere infligendas; ubi foetus adeo tenelli essent, ut communiter nondum animati censerentur; vel saltem certo animati dici non possent; maxime cum interdum ante praegnationis progressum de ipsa non immerito dubitandum sit.

8. Hac laudabili æquitate ducta Sacra Pœnitentiaria veterem sane Medicorum opinionem in praxi non dimisit: ea enim foetum, dummodo non constet esse completum, si ad quadragesimum diem non pervenerat, præsumit inanimem: qui stilus a Gregorii Decimi quarti ætate originem repetit, ac prudenti quidem consilio non immutatus perseverat: nam ubi de pœnis agitur, lex inquit: *In dubiis quod minimum est, sequimur.* Gravissima porro est pœna excommunicationis, & irregularitatis: quæ sicuti jure positivo contra procurantes abortum inflictæ fuit; ita mirum esse non debet, si ea in praxi ex rationibus supradictis, ubi graviditas non multum processerat, aliquod suscipiat lenitatis temperamentum. Itaque præfatæ Bullæ, ac sacre Pœnitentiariæ stilus, etsi æquitate commendabiles, Philosophis tamen veritatis accuratius investigandæ viam non præcluserunt; ac multo minus quidem Sixti V.

constitutio: Etenim eandem ipse decernens pœnam five animatus fuerit foetus, five inanimatus; hanc celebrem controversiam præ oculis videtur habuisse, ac tutiorem partem elegisse, excommunicationem contra omnes procurantes abortum five animati, five inanimati foetus intorquens, iniquis nimirum effugium omne intercepturus; quod & Magnus Basilius fecerat: forte etiam Sixtus ad ipsam Sancti Basilii, & Zacchiæ sententiam propendebat. Rem ergo intime consideranti ejus Bulla sopinantibus, animationem celerissime fieri, magis prodesse, quam obesse videtur. Cæterum, uti Doctores animadvertunt, non idem est, quærere de animationis tempore ad abortus puniendos, ac de eodem quærere ad abortivos baptizandos. Æquitas enim, quæ in primo casu ad præsumendum, foetus non esse animatos invitat; in secundo ad rem subtilius indagandam perurget: ne forte sint animati, & baptismo arceantur. (a)

CAPUT

(a) Thesaur. decis. Pedem. 12. n. 1. Menoch. de arbitr. casu 357. n. 7. Florent. de Homin. dub.

CAPUT X.

Utrum abortivis primorum graviditatis
dierum Baptismus possit
ministrari.

I. **P**ostquam de Aristotelis opinionione propter Fieni objectiones, ac nova experimenta ceptum est dubitari; plerique Theologi docuerunt: nullum abortivum, etsi imperfectissime figuratum, esse derelinquendum, sed perquirendum, utrum aliquis in eo insit motus, ut saltem sub conditione baptizetur: Si Dei Vicarius Paulus V. ait Maximilianus Dezza (a), in Rituali Romano baptizari præcipit foetum, si vivat, si vitalem indicet motum: solere autem moveri præcipuis membris circa tertium, jam non tam suadetur, quam ostenditur:

erit ne trigesimus dies expectandus nobis, ut de baptismo deliberemus? Horum Doctorum meminit quoque Lacroix. (b) Authores gravissimi cum Cardenas dicunt: foetus abortivos mulierum, etiam imperfectissime figuratos, esse baptizandos, si dent signum vitæ per motum: quia putant aliqui Medici, quod foetus humani post paucos v. g. tres, aut quatuor dies a conceptione, statim animentur anima rationali. Cardenas vero Dezzæ sententiam doctissimo, & stabilissimo fundamento superstructam appellat.

Sed

(a) Dezza in opusc. in Calce Apolog. Francisci Verde pro Joann. Caramuel.

(b) Lacroix lib. 6. p. 1. de Bapt. dub. 4. n. 294. Cardenas in prima Chrysi disp. 14. c. 3.

Sed ultra omnes Hieronymus Florentinus Congregationis Lucensis a Matre Dei, vir æque doctus, & zelo animarum incensus progressus est. Hic Zacchiæ dissertationem posthumam, pro festina foetus animatione, quæ non nisi An. 1660. Lugduni imprimi cepta est, adhuc præ manibus non habuerat: nihilominus An. 1658. Lugduni etiam typis dedit celeberrimum *de hominibus dubiis, sive de Baptismo abortivorum* opusculum. Firmat in eo, tum speculative, tum practice incertum esse verum animationis tempus: probabile tamen esse, animam, nempe rationalem, ab ipso principio immediate scilicet post conceptum infundi. Quare docet, sub peccati mortalis reatu abortivos omnes, quantumvis minimos, etsi phaseolo, vel grano hordaceo non majores, esse baptizandos, quantumcumque breve fuerit tempus a conceptione dilapsum: quamvis etiam vitæ signum per motum non præbeant: dummodo corrupti, vel detriti, seu manifeste mortui non dignoscantur. Et sane accidere potest, ut internum sanguinis motum vitæ necessarium

habeant, non autem externum, & progressivum defectu instrumentorum, brachiorum scilicet, coxendicum, & crurum; vel etiam vehementiori deliquio sint defixi. Admonet autem baptismum non nisi conditionate administrandum: tum quia philosophice dubium est, utrum animati sint, an non: tum quia cum adhuc secundinulis involvantur, incertum est, an illæ nec ne validitati baptismatis obstant.

2. Nemo antea rem ex professo pertractaverat: nemo tam longe processerat: attamen liber a pluribus tam Theologorum, quam Medicorum Academiis, insignibusque doctoribus, summo plausu exceptus est, uti ex censuris liquet, ab unoquoque eorum singillatim clareque conscriptis. Facultates autem Theologicæ sunt Parisiensis, Viennensis & Pragensis: & quamvis hæc ultima cum quadam limitatione loquatur: Parisiensis tamen Florentinii doctrinam indubitata appellat, ac ad pravas mulieres ab abortu deterrendas, quæ illum prætextu nondum factæ animationis facillime procurant, utilissimam. Facultates deinde medicæ sunt Viennensis,

nenfis, & Pragensis: accedit Rector Universitatis Remensis, ac duo celebres Episcopi Caramuel, & Crespus, item Stephanus Luvinschlag, Episcopi Viennensis Generalis Vicarius, & magno numero alii, præsertim, e Collegiis Salmanticensibus (a): eaque occasione in Pragensi Universitate, ut in censura Medicæ facultatis aperte legitur, publica disputatio instituta est, in qua propugnatum, intrare statim rationales animas post conceptionem.

3. Quoniam vero nemo, uti

diximus, eousque obligationem baptizandi foetus omnes extulerat; liber nonnullorum subiit offensionem. Cæteroqui Auctor, cum ante Ovarii systema vulgatum scriberet, juxta opinionem suo tempore communem, dicebat, hominem generari ex mixtione duorum seminum a plastica peripate-
ticorum virtute foecundatorum atque agitatorum. Notabat etiam, Harveum, propriis experimentis edoctum, narrasse, nihil primis diebus prægnationis in utero quadrupedum apparere, quod Embryo

(a) *Qui sunt octo e Societate Jesu Theologi, scilicet* Bernardus Gejer, Michael Heinz, Maximilianus Reichemberger, Albertus de Albertis, Antonius Casilius, Michael Bassanus, Nicolaus Martinez, & Joannes Tribault. *Quatuor ex Ordine Prædicatorum Magistri:* Rainaudus Pinsger, Christophorus Spies, Vincentius Geitter, & Jacobus Philippus Polini. *E Salmanticensibus ex Ordine Clericali* Petrus Carusus. *E Societate* Joannes Barbianus, & Riccardus Linceus. *Ex Collegio Salmanticensi Divi Bernardi* Magistri Antonius a S. Petro, Franciscus Roys, Petrus ab Ovetto, Michael de Fuentes & Ildephonfus Herbas. *Ex Collegio Benedictino* Magistri Maurus Semocoi, Placidus de Puga, Antonius de Castillo, Joseph Gomez, Philippus Raamonde. *Ex Collegio Ordinis de Mercede* Magistri Joannes Baptista de Candanedo, Didacus Villaviciniero, Ferdinandus de Caravajal, Ildephonfus Gondinsalvi. *Ex Collegio Pramonstratensium* Magister Joseph Bravo. *E Luca* Joannes Baptista Cittadella Prior Ss. Joannis, & Reparatae Theologus. *E Janua* Joannes Baptista Solerius Medicus.

bryo credi possit (a), quod ex eo provenire deinde compertum est, quia ovulum foecundatum non adhuc in uterum ab ovario per tubas, id est, cornua pervenerat. Liber ergo apud Sacram Indicis Congregationem novitatis est accusatus. Ejus igitur examine tribus consultoribus commisso, cum ii doctrinam esse probabilem retulissent, Purpurati Patres censuerunt: librum præfixa sequenti protestatione a Magistro Fano Congregationis Secretario ex condicito cum auctore composita typis esse recudendum.

*Auctoris de ordine Superiorum
Declaratio.*

Hanc ergo sententiam de baptismo abortivorum tota hac disputatione comprehensam, & præsertim sectione undecima expressam, ab Eminentissimis Patribus Sacræ Congregationis jussus explicare, libens, volensque gravissimo, prudentissimoque doctissimorum principum judicio, & imperio pareo: & in primis assero, me nihil in præsenti materia definiendo dicere, sed uti rem probabilem, & per modum

problematis proponere: deinde ad-
verto, me neminem, quod ad pra-
xim attinet, sub mortali obligare:
sed tantum rationes speculativas,
id suadentes, exponere, ac in su-
spenso relinquere: sicuti nec induce-
re novum aliquem ritum in Eccle-
siam, cum id ad Sacram Rituum
Congregationem, Summumque
Pontificem spectet. Ita sentio, ita
scripsi, & ita me scribere, & sen-
tire protestor, ut æquum est, humi-
lem, ac devotum S. Romanæ Ec-
clesiæ filium, qualem me esse, &
fuisse hætenus, & futurum in poste-
rum sancte profiteor.

4. Præceptum est insuper Florentinio (quod & opportuno loco ille præstitit,) ut explicaret, se de iis loqui abortivis, qui omnino sensibiles essent; ac prima saltem ostenderent humani corporis lineamenta: qui enim Baptismum suscipit, oportet, ut sit non minus ipse sensibilis, quam sacra ipsa lotio suscipienda. His adde, quod foetus baptizandus est, nequaquam vero semen, neque mola, aut caro excrementitia.

5. Quæ sapientissime statuerat
K 2 congre-

(a) Harveus de *Generat. anim. exercit.* 66. 67. 68.

congregatio, ea omnia fideliter exequutus est Florentinius, opusculum Lucae, denuo typis apud Jacobum Pacium evulgans: imo primae disputationi tres alias adjunxit. In secunda, quam ipse Romae quoque, se instante, a viris doctissimis, & praecipuis Pontificiae Curiae Administris examinatum, atque probatum, publici juris fecerat, iterum urget, & amplificat majora suarum rationum momenta. In tertia argumentum illud a Matris Dei conceptione petatum, inenecat: narratque Alexandrum Septimum, cum declararet, Ecclesiam de tempore, quo Beata Virgo primum animata fuerit, festum agere, expresse judicasse, non oportere, ut dies octavus Decembris immutaretur; solemnitatem ad alium posteriorem puta quadragessimum, vel octogesimum diem transferendo, quod Adversarii fieri debere contendebant, si vere Ecclesia Mariae animationem celebraret: imo Episcopo Crespos Regis Hispaniarum Legato ipsum Florentinii Librum laudasse, ubi & ab intrinseco, & ab extrinseco

probabile satis esse adstruebatur, facta semel materiali conceptione, statim & illico, a Deo immiti animam. In quarta disputatione argumenta omnia sive theologica, sive philosophica, quae contra doctrinam suam objici possent, dissolvit. Validius erat illud a Rituali Romano depromendum: in hoc enim nulla occurrit mentio baptismi abortivis adeo minimis conferendi. Huic ipse diversis in locis ita respondet: Rituale ne quidem hujusmodi parvulis baptismum denegare: imo aperte praecipere, baptizandos esse foetus, qui vivi sint: Philosophiae, ac Medicinae discernendum relinquens, quinam eorum viventes, qui vero non, sint reputandi: itaque argumentum retorquendo subjungit (a). Imo, quod est valde notandum, Rituale Romanum Pauli V. praecipit, ut si quando contingat, matrem praegnantem mori, vivo foetus intra viscera remanente; extractum ab utero esse baptizandum: non tamen obligat ministerum ad baptizandum post triginta dies tantum, sed tunc quaecumque sit tempus

(a) Florentin. de Hom. dub. disp. i. sect. 4. n. 12.

tempus periculi, quod prudenti ministrorum judicio determinandum reliquit: quare nostræ intentioni favet ordo ecclesiæ, quatenus mortua matre prægnante, eaque secta, statuit, ut sine aliquo respectu ad tempus, baptizaretur fœtus, si sit vivus. Et alibi (a), Ponamus igitur argumentandi gratia, hanc matrem mortuam gestare in utero fœtum v. g. septem dierum: ex hoc Ecclesiæ ritu fœtus iste septem dierum statim ab utero extrahendus est, & baptizandus. Sed supposita sententia probabili prudenti ju-

dicio existimandus est vivus, nisi per accidens, & ex causa alicujus compressionis, aut contusionis evidenter appareat mortuus; ergo juxta Ecclesiæ Ritus fœtus septem dierum baptizandus est. At hæc alibi commodiori loco tractabimus.

6. Recuso ergo libro jam ad mentem Sacræ Congregationis correcto; hæc paulo post nimirum 1. Aprilis 1666. decrevit. *Disputatio de hominibus dubiis non permittitur, nisi correctæ juxta impressionem Lucæ ex Typographia Hyacinthi Pacii.*

C A P U T XI.

Nova circa generationem philosophica inventa indicare, animam citius infundi, olim quam crederetur. At verum infusionis tempus incertum esse.

1. Quamquam Zacchias, alique animam sine aliquo temporis intervallo, statim post conceptum creari sustinuerint: attamen si scripserunt, dum adhuc fane communiter putabatur, animalia vivipara, proindeque ipsum hominem ex commixtione tantum

virilis feminis, atque feminei, actione virtutis plasticæ, sive fecundantis, & in masculino femine residentis effingi. Ea res Aristotelem disuadet, ne citius in humano fœtu rationalem animam admitteret: quoniam concedendum esset virtuti plasticæ virili tempus,

K 3

(a) Idem disp. 2. sect. 6. n. 8.

pus, quo transmutationem formationemque moliretur; quare abortus priorum dierum ipse non abortus, sed fluxiones denominat (a).

2. Verum recentiores infinitis observationibus in cuniculis, cervis, similibusque quadrupedibus, demum præterito sæculo deprehenderunt, quod veteres microscopiorum, aliorumque instrumentorum defectu Anatomiae non valde dediti, assequi non potuerant. Steno ergo primus, deinde Hornius, Drelincurtius (b), Gressius, Kerkringius, Malpighius, alique innumerales in apertissimam lucem posuere: semen mulierum, & vivipararum quadrupedum illud non esse, quod a Priscis femineum sperma credebatur; quodque re ipsa non nisi verissima limpha est: sed esse ovulum quoddam: illasque proprium habere ovarium non secus, ac volatiles, pisces, ac cæteræ oviparæ: proindeque viviparas non minus, quam oviparas, ex ovo & per ovum & gi-

gni & gignere. Hoc autem ovarium nihil est aliud, quam duo Dydimi seu Gemelli, propriumque situm retinet sub abdomine, sed supra, & extra uterum: communicat vero cum utero mediis Tubis, a Fallopio inventore Fallopianis, quæ in quadrupedibus cornua uterina dicuntur: estque totum minutissimis ovis, quibusdam quasi vesiculis, refertum. In his ergo ovis, quæ analogæ sunt vegetabilium seminibus, omnes Embryonis partes præexistunt, quamvis, quodammodo in se ipsis involutæ: clauditur etiam in illis foecundans ac seminalis feminae spiritus, & tamquam in centro delitescit: qui tamen a virili semine non excitatus ad ovi germinationem, & prædictarum Embryonis partium explicationem se solo non sufficit. Vallisnerius (c) ab ovarii inventoribus circa locum, ubi Embryonis principium, seu punctum saliens vere situm sit, non nihil dissentit: arbitratur enim non in vesicula, sed in corpore

(a) *Lib. 2. c. 8. a n. 1.*

(b) Carol Drelincurt. *de Feminar. ovīs Historic. & Philosophic. lucubrat.*

(c) Vallisner. *in Hist. Gener. Animal.*

pore luteo, seu glanduloso contineri: convenit autem cum eis, uti ipse protestatur, in rei substantia: docens animalia omnia, incluso homine, ex ovo in ovario sedem habente generari. At Valisnerium tacito nomine modeste confutat Bianchius (a), qui ait, de contraria opinione uti de re jam explorata hodie nullatenus ambigendum.

3. Itaque necessarium est, virile semen, quod spiritibus animalibus turget, & particulis variis ex toto corpore derivatis, Embryonisque partibus respective aptabilibus, abundat, ut istis intime conjunctum Embryonem ipsum ad germinandum, atque succrescendum complere possit (b). Hoc autem se ipso exequitur semen per Tubas ascendens, ac poros ovarii penetrans: quandoque etiam sola sua aura efficacissima, parte scilicet sui ipsius nobilissima ventisque omnibus velociori (c):

quotque invenit ova jam matura, atque disposita, cum partibus videlicet foetus debito modo elaboratis; atque spiritu foecundanti femineo affluentibus, qui videtur sit homogeneus; tot etiam sua virtute foecundat. Foecundata jam ova per cornua, seu tubas descendunt, aperiente sese ovario ex eo latere, ubi forte continebantur illa: ita Malapunica, propter distentionem granulorum jam maturorum hiatu modico discinduntur: ita etiam gummi exudat e cortice plantarum dilatato. Ubi exierit ovulum, occluditur ovarium, non secus ac haemorrhoidales venae, quae apertae prius, ut turgescenti sanguini egressum pararent, illo jam emissio, iterum contractae obstruuntur. Gauterius contra aliorum omnium experimenta Embryones in virili semine, & in forma liquida se vidisse gloriatur. Verum si in forma liquida, quomodo Embryones fuisse dignovit? Verisimile est igitur

(a) Bianch. de natural. &c. generat. fol. 49. & seq. & in explic. Tab. I. fol. 418.

(b) Campailla de mot. Anim. n. 320. & in Adam. cont. 15.

(c) Vide Schurig. Spermalog. c. 10. q. I. §. 19. & 20.

igitur Gauterianos istos foetus nil aliud esse, quam humani feminis moleculas, forte quodammodo coagulatas, & inter se colligatas.

4. Insecta autem, in quibus propter structuram plane admirabilem natura magis artificiosam, quam in grandioribus quadrupedibus, sese ostendit, Peripatetici putabant, ex putri materia procreari: maxime ex putrescentibus carnibus majorum animalium: at cum misti corruptio non sit aliud, quam ejus partium inordinata confusio, uti ex foetore, aliisque accidentibus patet; alterius animantis generatio esse non potest. Hæc enim nequaquam importat comminutarum, ut ita dicam, maceriarum fortuito sibi occurrentium congeriem, sed ædificium, juxta Archetypum, eleganti ordine confurgens, atque perfectum. Porro si Aristotelica sententia de insectorum generatione subsisteret; dici etiam posset liberculos, etsi doctissimos, non æque ac majores ab auctoribus componi: verum cum post grandiorum librorum impressionem, ærei characteres ab invicem dissolvuntur, si dein in propriis

cellulis non repositi temere, & inordinate projiciantur, a confusa illa mixtione prodire, ac resultare. Recentiores autem evidenter ostenderunt, etiam insecta ab ovo nasci, quamvis ita minimo, ut in aqua supernatet, & per aerem volitet, ac ita insensibili, ut ne ipsis quidem lynceis oculis conspici valeat. Igitur etsi in putredine nascantur, non tamen propterea originem suam a putredini debent, quæ solum fermentationem germinationi prorsus necessariam promovet. Ova quoque gallinacea in fimo germinant: at quis unquam dixerit, pullos in fimo excludos, ex eodem revera generari?

5. Post experimenta in animalibus irrationabilibus iterata, idem omnino in mulieribus compertum est. Habent hæc suum ovarium, Dydimos scilicet, quorum quisque nunc duodecim, nunc viginti, vel triginta complectitur ova magnitudinis pisi majoris; figuræ rotundæ, quorum singula ex uno latere placentam ostendunt, quæ medietatem illorum cooperit, more pileoli glandium, & nucum avellanarum. Ovum quodlibet

in

in ovario media placenta suo calici adnectitur; manetque in eo situm, & colligatum, non secus ac malipunici granula suis sedibus commissa, indeque liquidorum rivulos haurit, quibus enutritur. In ovo autem innatat Embryo, qui eo non dum foecundato, vix quidem per Microscopium apparet veluti macula semilunaris figuræ, pene centies ovo ipso minor: nihilominus recentioribus omnibus certum est, Embryonem ipsum, vel ante foecundationem dummodo maturum sit ovum, omnes in se humani corporis partes, etsi mole perexiguas, possidere, quæ plantarum instar in semine abbreviatarum, post foecundationem distendantur, atque succrescant: *Cum vero*, ait Bianchi, (a) *in puncto antea oculis omnium inaccesso, singulæ, distinctæque Embryonis partes revera fuerint comprehensæ; quæ tamen deinde explicentur, conspicuæ fiant, atque in molem amplificari valeant; an erit adhuc dubitandi locus, nascendorum hominum ova, atque germina, non quidem in generatio-*

ne construi, & formari; sed jam demum elaborata, vegetabilium ad instar, explicari, & evolvi?

6. Porro Bianchius in suo Museo plurimos abortivos ex omni pene graviditatis die solertissima exquisitione adunaverat, & An. 1734. illorum historiam conscripserat, differentiam in foetibus quinto quoque die observatam, pro diversa eorum ætate, demonstrans. Igitur tam illustris Anatomici labore, ac diligentia hic utar, & nonnullorum subjiciam abortivorum figuras ab eodem exactissime delineatas, atque declaratas. (b)

Quocirca ovum non adhuc foecundatum, sed immaturum prima figura indicatur: in ejus parte inferiori A. conspicitur ipsius ovi hemispherium ubi existit placenta, illamque tegit pileoli ad instar. In superiori B. altera medietas a placenta non tecta, sed libera. Ovum non foecundatum, jam vero maturum designatur figura secunda: cernis in ea membranam

L

cho-

(a) Bianch de natural. Generat.

(b) Idem ibid.

chorion in quatuor partes dissectam, & super aliam membranam, quæ dicitur amnios revolutam: ovum tamen ostenditur hic a parte lucida, quæ placenta non cingitur.

Figura per Asteriscum notata repræsentat ovarii calicem, in quo maturum ovum ante fœcundationem locatum erat: a lateribus vero designat substantiæ vascularis ipsius ovarii portionem.

In tertia habes ovum maturum non fœcundatum, simplici lente, seu vitro optico inspectum: in eo videtur quidem Embryo sed ad modum semilunaris maculæ, vel corpusculi obscuri, incerti, & complicati, mole centies fortasse minori eodem ovo.

7. Igitur humana hæc ova modo superius exposito fœcundantur per Tubas Fallopianas, ovario non continuas, sed tantum contiguas, & cornibus uterinis quadrupedum similes. A Tubis in uterum prolabuntur nunc unum, nunc plura, prout unum, vel plura fœcundationem sortita sunt:

unde gemelli, trigemini, & ultiores proveniunt. . . . Si duo sub ipsis membranulis ova præexistunt, quod interdum etiam in gallinis videmus accidere; tunc gemelli sub eisdem secundinulis formabuntur: si secus, quod regulariter fit, unusquisque gaudebit propriis. Notandum tamen hic est, quod sicuti, Ettmullero narrante (a), gallina olim non ovum, sed pulum enixa est: quamquam hic parienti mortem attulerit: ita ex Bartholini testimonio, (b) Hafnienſis mulier verum edidit ovum, at verita ne vulgi fabula efficere-tur; confregit illud, & confestim abjecit. Adeo verum est & ovipara animalia, & vivipara æque per ovum gignere: atque in eo solum discrepare, quod prima illud extra uterum foveant, ut ex eo foetus excludatur; secunda vero id ipsum præstent, sed in utero ipso.

8. Quidam existimant auram virilis seminis mirabili vi, & efficacia in instanti ovarium aperire, & ad ovum fœcundatum illico emittendum stimulare: non secus ac fieri constat in elaterio, seu sylvestri cucumero,

(a) Ettmuller. in *Physiolog.*

(b) Bartholin. de *Insol. Pert.*

cumero, qui statim diffilit, si tangatur, ac propterea ovum citissime descendere in uterum: alii vero contra istud non sine mora contingere, naturamque tres dies in hac demissione infumere arbitrantur; certe plerumque observatur virile semen maxima ex parte post tertiam diem ab utero foras emitti. Bianchi primam amplectitur opinionem, additque ovum in matricem delapsum ibi tempore brevissimo per plurimos canaliculos novum alimentum recipere: indeque Embryonis liquida novum etiam, vitalemque motum adipisci; ita ut sanguine ad cordis bullam perveniente, hæc in continenti punctum saliens fiat, & conspicua reddatur; incipit scilicet motus cordis in Embryone, cursusque sanguinis per cor, & ex corde propulsio, ex propulsione autem progressus ipsius in partes reliquas, reditusque ex eisdem partibus ad cor; qua propter in eo temporis puncto Embryo, vitam acquirens, jam foetus evadit. Drelincurtius

(a) contendit generationis tempore ovum, primo ex ovario in uterum descendere, ac deinde in illo

foecundari: communis vero sententia ovi foecundationem in ovario ipso fieri docet, idque Mangerus asserit demonstratum. Ovum ergo post foecundationem, intumescit illico: idemque aliquoties in tubis, nonnunquam etiam in ovario ipso repertum est, ab eo nondum penitus divulsum, magnitudine nucis avellanæ, & die tertio, vel quarto ad ovalem figuram propendens. Hoc tempore quamquam sine microscopio apparet Embryo solutus, liquoribusque innatans, in amnio congregatis: eoque in statu similis est vermi, quatenus caput habet, & truncum oblongum, & in caudam veluti desinens; brachiis tamen, cruribus, & coxendicibus caret. Hæc autem ex quarta figura patescunt; abortivum enim repræsentat, a quadam matrona Bianchio traditum, quæ non nisi tertium, vel quartum diem a prægnatione numerabat: nam ante quatuor dies restiterant lunaria tributa. Kerkringius etiam in abortivo trium, vel quatuor dierum adnotaverat: *Caput clare a corporis mole distinctum, & in capite quasi per nebulam ad-*

L 2

notata

(a) Vide Theatr. anat. l. 2. p. 2. c. 3. in not. ad advers. Drelincurt.

notata organorum puncta; corporis autem reliqui rudis adhuc erat, indigestaque moles. Postquam vero in uterum descenderit ovum, illi media placenta connectitur; eo plane modo, quo vegetabilium semina radiculis suis terræ defiguntur. Quod quidem Bianchi putat citius, alii tardius evenire, nimirum circa tempora organizationis perfectæ.

9. Humanum foetum septimo post conceptum die commodiori obtutu sub vermibus figura longum, levigatum, & acuta cauda finitum intuebimur. Ejus jam collo, & cranio, totoque capite aliquanto grandioribus: ac inspecta facie satis humanus esse discernitur; ut figura quinta demonstrat. Ea est abortivi septem tantum dierum: castissimæ nimirum, & illustris Matronæ Taurinensis, quæ illum septimo admodum die a nuptiis effuderat: in figura tamen sexta idem proponitur foetus, at optica lente amplificatus, qua media humanæ conformationis indicia in ejus vultu luculentius observantur.

10. Circa duodecimum diem vermibus hic humanus more nymphaeum, seu chrysalidum insecto-

rum, vel vermiculis pulicis, qui crura explicat, & caudam retrahit; partes, quæ antea in se ipso claudebant, foras emittit, duas nimirum papillas, quæ sunt veluti brachiorum radices, ad summi trunci latera; totidemque ad ejusdem trunci caudam adhuc retinentis latera inferiora: ea vero sunt coxendicum, crurum, & pedum primordia: cauda tamen gradatim excicata restringitur, donec omnino dispareat, quæ omnia ex figura septima patefiunt.

11. Foetus decimo sexto die ut in figura octava, prorsus figuram vermibus amittit, & ad humanam accedit. Truncus crassior, & brevior est, initia brachiorum, & crurum plane longiora, & magis acuminata, cauda jam absumpta, & facies ad humanam composita.

12. Vigesimo die, nona figura testante, vultus humanus est manifestior, mandibula tamen inferior adhuc valde deformis: brachia, & crura longiora quidem, sed sine manuum, & pedum extremorum vestigio, & in figuram conicam terminata.

13. Die

Litt. L. pag. 84. N^{ro} 9.



G. S. Rösch. S. El. Bav. Cal. Aul. sc. Mon.

13. Die vigesimoquinto ex figura decima satis clara est conformatio manuum, & pedum, ac primadigitorum rudimenta. Truncus patenter humanus, videnturque in eo & lumbi, & ilia, & partes posteriores: Kerkringius Anglus foetum affert brachiis, cruribus, digitis, cæterisque aliis partibus jam completum, qui vigesimum primum diem non excedebat: ex quo aliqui forte suspicari possent in septentrionalibus regionibus velocius perfici Embryones. Bidlous quoque figuram exhibet foetus vigesimi quinti diei, in quo non solum omnia membra, licet non dum absoluta, sed etiam plurimum ossium initia, & facies egregie venusta cernuntur (a). Verum hanc foetus iste pulchritudinem non a natura, sed ab imprudentia potius coelatorum accepit.

14. Trigesimo secundo die digiti non apparent perfecte completi: brachia, & crura sunt adhuc manca. Figura quidem undecima abortum ostendit magnitu-

dine ovi gallinacei, quamquam exigui, foetum decumbentem, & nonnihil inclinatum continentis. Certe is triginta duos admodum dies habebat: erat enim honestissimæ, & primariæ Taurinensis matronæ, cujus vir, & ante, & postea Taurino abfuerat per longatemporum intervalla. Membrana chorion, atque placenta præternaturalem dispositionem præseferiebant, quod fortasse huius abortionis extitit causa: prima enim designata per literam A. omnino sejuncta erat ab amnio, in se ipsa tamen involuta, & corrugata; secunda vero B. B. B. in plures lobos manifeste divisa.

15. In figura duodecima videre licet foetum triginta sex dierum, cujus brachia, crura, atque digiti non bene adaucti perspiciuntur.

16. Decima tertia abortivum perhibet, quadraginta dierum, in quo partes antedictæ, illarumque extremitates, nondum satis erant adultæ, atque completæ.

L 3

17. Im

(a) Tabul. 79. apud Manget. Theatr. Anatom.

17. In decima quarta duos habes gemellos quinquagesimo die, tum capite, ac trunco, tum brachiis, & cruribus probe formatos.

18. Decimæ quintæ fœtus bimestris est, ac tertia parte præcedentibus grandior, non minus mole, quam tempore: vasaque ejus umbilicalia in funiculum contorta, spectantur.

19. In fœtu decimæ sextæ figuræ menses tres, totidemque computabantur hebdomadæ: repertus ille in situ nonnatis naturali, ac funiculo umbilicali, ut sæpe fit ad collum convoluto.

20. Ex figura tandem decima septima fœtus, habetur in caput revolutus & a matre mortua extractus, qui dimidium graviditatis cursum excesserat.

Hæc est series incrementorum in fœtibus, quæ fortè in aliis, etiam Ruifchianis, tam exacta propter cœlatorum ignaviam obtineri non potuit: maxime cum in ista omnia in proprio schemate juxta veram sui magnitudinem sint delineata. Sicubi vero quid-

quam deest, scilicet vel placenta, vel vasa umbilicalia, ea moli fœtus respondentia subintelligenda sunt, cum quo etiam æqua proportionem concrefcunt.

21. Postquam ergo in apertam lucem deductus est verus, admirandusque naturæ modus, & ordo, quo ipsa in hominis generatione procedit; Zacchiæ sententia nostris temporibus crevit probabilitate: non solum quia videtur anima illico debere infundi post conceptum, ut corporis sui formationi subsidium ferat, quæ ratio Zacchiam promoverat; sed etiam quia corpus ipsum reperit sufficientissime præparatum, ut in eo jam inde ab initio sedem suam figere possit.

Id etiam ordini omnino cohæret a natura in aliorum animalium, & vegetabilium generatione servato. Plantæ enim omnes, ut ita dicam, hermaphroditæ sunt: semina continent in cistulis, more ovorum in feminarum ovario conclusorum: flores vero marium officio quodammodo funguntur: pulvis enim granulorum, dispersus

sus a ventis, ac poros eorundem feminum ingrediens, aut saltem ejus aura vivificans, femina ipsa foecundat. Quod si pluviae pulverem, antequam ad maturitatem perveniat, magna ex parte discusserint, vel frigus immane feminum poros occluserit; hæc sterilia remanebunt, futuraque messis erit exigua: copiosissima vero, si femina omnia ab eodem pulvere, vel aura foecundationem acceperint (a). Vivere autem incipit planta cum femine in terram cadente, hujus vaporoso calore gemmula excitata germinationem exorditur.

22. Eadem methodo natura in omnibus animantibus uti consuevit. Aristoteles ipse testatur (b). Pullum ad tertiam diem, & noctem a gallinae incubatione, utpote corde, tanquam puncto sanguineo saliente jam praeditum, moveri ut animal. Harveus autem expertus est idem punctum quarto incubationis die, etsi vasa pulli adhuc discerni oculis neque-

ant; nihilominus indubie sensum habere, nam ad omnem, vel minimum tactum, vario sane modo commovebatur, quasi stimulo quodam irritatus: ritu propterea systoles, atque diastoles perturbato. Ubi igitur acu tangeretur, aut digito, sive ad ipsum aliquid nimis frigidum, aut nimis calidum, aut quoquo modo molestum, accederet; varias illico subibat mutationes, ejusque pulsatio frequentior, & validior elucebat: cumque actiones hujusmodi propriae sint animae sentientis, procul dubio ex Aristotelis ipsius doctrina (c) consequens erit, ipsam adesse praesentem, & in actu, utpote illarum causam, verumque principium.

23. Quamvis autem quarta dies incubationis gallinarum, quartae diei praegnationis mulierum non apte respondeat; attamen pullus revera, ut Malpighius animadvertit, etiam ante ipsam incubationem creditur animatus: nam & ante illam pulli organa moveri

(a) Bianch. de human. generat. Plusc. Spect. natur. t. 2. dial. 14.

(b) Aristot. Hist. Anim. lib. 6. c. 3.

(c) Idem lib. de Animal.

moveri conspiciuntur. Cæterum paritas consistit in hoc: Pullus vivit ab eo usque tempore, quo cor ejus formatum dici potest; quod ipsis initiis juxta præmissa contingit. Idem ergo de homine sentiendum. Et sane si cor in humano Embryone præexistit, & aura virilis feminis omnia illius liquida concitatissimo agitat motu; ac propterea cor ipsum propriam alternare incipit systolem, atque diastolem: verisimillimum est, eodem tempore Deum animam rationalem infundere, ut ipsa præsentia sua motum ab eadem aura inchoatum ordinate prosequatur, atque ad perfectam corporis sui nutritionem, formationemque concurrat: non secus ac anima ipsa in natis, & adultis, quamvis ne cogitans quidem, imo & quandoque nolens, digestionem, sanguificationem, augmento, totque aliis functionibus, ignota nobis actione, cooperatur, quæ functiones in humano corpore dummodo illi conjuncta sit anima, illudque vivificet, naturæ ipsius magisterio peraguntur. Foetus ergo accepta jam ab anima vita, sese distendere incipit plantarum

ad instar, quæ animæ vegetantis virtute, quæcumque tandem illa sit, e cordicibus ramos suos emittunt: non enim proprie foetus per modum compaginationis, sed potius uti supra dictum est, per modum distensionis, & expansionis augetur, & crescit. Ac sicuti cum ferrum magnete jam tactum fuerit, acus omnes, alique ejusdem metalli fragmenta, illi proxima, insigni, & inexplicabili sympathiæ vi cum ipso unionem affectant: ita infusa jam a Deo anima in membra, quæ delineata in puncto humano salienti existerant; confestim innumeræ illæ & tenuissimæ particulæ, e quibus nervi, ossa, fluida, caro, totumque corpus constare debet, quibusque totum ovum copiose refertum est; a spiritu virili cum femineo inter se foederatis, agitatae, moveri incipiunt, & per varios canaliculos Embryonem sensim ingrediuntur, eumque, quamvis communibus nutritionis organis adhuc imperfectis, admirando prorsus ordine gradatim enutrient, atque ita in dies extollitur ædificium, anima quidem, quasi fabro modo nobis occulto,

culto, cooperante, a Deo, tamquam primaria causa, omnipotentis dextera sua motum omnem, & actionem tribuente, ac veluti architecto insigne opus dirigente.

24. In hoc recentiorum systemate, magis quam in aliis, perspicuum est, filios non esse nisi verissima cœli dona, imo neque qui plantat esse aliquid, neque qui rigat, sed qui incrementum dat Deus (a): etenim juxta illud non infunditur a Deo Spiritus, cum foetus fuerit revera completus, sed inde ab initio ad hoc ipsum creatur, ut eo agente humani corporis mira formatio confurgat. At si Deus hoc nolit, quod profecto non solet, ubi secundæ causæ ad generationem dispositæ reperiantur; prima illa fermentatio, quam in ovum aura seminis virilis

invexit, sistitur, imo citissime extinguitur, & evanescit.

25. His rationibus, & experimentis adducti recentiores philosophi, atque medici maximo numero Zacchiæ sententiam sectati sunt, quos inter Vaterus (b). *Fœtus humanus, inquit, a primo conceptionis momento animam suam humanam accipit.* Et Michael Alberti Berussiae Regis medicus non dubitavit inferre (c). *Æquidem id firmiter assero, quod a primis conceptionis initiis anima rationalis in fœtu adsit, eo quod sine anima illa conceptio fieri nequeat, quæ tamquam artifex, & architecta sui corporis præsto est; a qua deinde actus formationis dependet.* Citatque longum auctorum catalogum, qui similia dixerunt (d), integrisque tractatibus confirmarunt.

(a) I. Cor. 3. 7.

(b) Vater. *disp. th. p. 9. & disputat. de Infanticid.*

(c) Albert. *in Physiolog. cap. de Generat. & in Jurispr. Medic. c. 7. de animat. fœtus.*

(d) Horstius, Hasseneffer, Museus, Chaventeuer Leschivit Joann. Thomasius, Planerus, Braune, Sperlingius, Stahl, Thomasius *in not. ad Lancellot.* Detardig Gensel. Ammann. Ziegler. Channoboc. Durrius, Daniel Stahl, Scalger, Sennert. Bohnius, Spenerius, Spenerus & alii.

runt. Horum sane multi, qui sunt e protestantium numero, Tertulliani sensum amplectuntur: Animam scilicet ex traduce propagari: Verum hoc non ad præsentem, sed ad aliam controversiam pertinet: interim vero innumeris e nostris Catholicæ Scholæ Philosophis consentiunt, dum asserunt corpus sine anima formari non posse. Nec tamen solis Philosophis, & Medicis Zacchiæ sententia placuit; sed plerisque etiam e Theologis nostris, maxime vero celeberrimo Christiano Lupo: Piazza quoque, Corsinus (a) aliique in eam non obscure propenderunt.

26. Magis autem illi faverat Florentinus, ab eo ipso tempore, quo primam edidit disputationem: quamquam novæ intentionis ovarii adhuc nescius, de antiquo tantum systemate mixtionis seminum, plasticæque virtutis meminerit. Videtur is quidem in editione quatuor disputationum facta An.

1675. aliquam jam femineorum ovarum cognitionem adeptus; non solum enim citat Kerkringium, sed & relationem Academiæ Parisiensis An. 1672. nihilominus in ea re non immoratur; ovarii enim inventio nondum satis erat evulgata, & illustrata: multoque minus a philosophis animadversum Embryonis partes omnes non post conceptum primo formari, sed generationem præcedere, quamvis post eam evolendas gradatim, atque perficiendas. Quapropter si Florentinus hac nostra ætate vixisset; nullatenus dubito, quin acerrimus inter omnes Zacchiæ sectatores evasisset. Suffragatur etiam quodammodo S. Isidorus; qui docuerat: *Animam creari cum creatur corpus, cui videtur admisceri*. Si enim nupera experimenta novisset, ex quibus ostenditur effici corpus, ante generationem, & in ovo reperiri: credibile est illum post conceptum valde festinam animationem fuisse aperte admissurum.

27. At-

(a) Lup. t. 12. in *Apol. de ov. fac. & exam. fortal.* Piazza lib. cit. Act. 3. art. 2. a n. 339. Corsin. *Instit. t. Philos. to. 4. tract. 2. disp. 3. c. 9. n. 9.*

27. Attamen id ingenue fateri oportet; scilicet postremis experimentis non obstantibus, adhuc certo cognosci non posse, utrum anima nulla mora interposita post conceptionem infundatur. Nam ut de systemate peripatetico taceam, quod media vegetante anima, vel plastica, seu formatrice virtute, vel forma Embryonali, ac satis juxta propriæ scholæ principia congruenter, vegetationem salvere contendit; retenta etiam hodiernæ philosophiæ doctrina, facile potest Embryo in ovo contentus usque dum apte præcipua membra construantur; a spiritibus seminalibus vegetari; facile quoque possunt iidem spiritus Embryonis liquida movere, quousque in eum anima rationalis immittatur. Videmus certe crescere plantas, earum nutritivum succum circuire, & animæ vegetantis vi propelli: quæ in plantis, juxta recentiores, nihil est aliud, quam ejusdem succi vivacior pars a materia ætherea agitata. Imo quam multi ex ipsis autumant, irrationabilia animalia sentiente principio carere, nec nisi organa esse a spiritibus mota, qui totum

sanguinem irradiant, & animæ nomen, munusque fortiantur?

28. Potest ergo non difficulter, etiam primis diebus deprehendi motus in Embryone, nobis interea incertis, utrum anima rationalis advenerit: poterit saltem non prius hæc ingredi quam perfecta sint organa principalia, & motus cordis systolicus, & diastolicus jam inceptus. Et sane oportet haberi non solum certa, sed magno numero experimenta in Embryonibus humanis, ut hujusmodi motus epoca liquido stabiliri valeat. Quamvis ergo Zacchiæ sententiæ multum hodie probabilitatis accesserit, ac præ aliis longe verosimilior, atque acceptabilior effecta sit: maxime quia dato motu in Embryone, videtur hic reputandus esse animatus: nihilominus dubium remanet, utrum Deus animam creet statim ac aura seminalis fermentationis motum in Embryonis liquidis excitaverit; an potius quando in ipsius corde motus periodicus, nimirum systolicus, & diastolicus inchoatur? Item quo tempore is incipiat, & an hoc ipsum tempus idem omni-

no sit, aut fere idem in omnibus Embryonibus? An denique ad completam articulationem animæ differatur ingressus? Quapropter hodie quoque verissimum judicatur animationis tempus occultum esse, ejusque scientiam creatori Deo, spiritibusque reservari.

C A P U T XII.

Monita quædam ad Parochos pro praxi Baptismatis Abortivorum.

I. Quamquam abortus frequentissime contingant: non tamen semper in hujusmodi casibus præsto sunt sacerdotes: quare Parochos monet Romanus Catechismus, ut non tantum obstetrices, sed & fideles omnes baptizandi modum perdoceant; idque per totam Siciliam christianæ doctrinæ congregationes in morem induxerunt. Quoniam vero ex Rituali (a) ad matrimonium admittendi non sunt sponsi, nisi uterque rudimenta fidei didicerit; cum ea deinde filiis suis tradere debeant; exaniment parochi num illi baptizandi quoque ritum calleant: sæpe enim fit, ut propter absentiam ministrorum ecclesiæ, parentes ipsi ab abortivos filios hoc salutari lavacro abluendos adstringantur. Duobus ab hinc annis (uti mihi dolens parochus Lercarensis enarravit) accidit abortus: mulier, quæ forte aderat, infantem baptizavit, sed invalide: omisit enim verba illa: *Ego te baptizo*: quæ, ut ex decreto Alexandri Octavi oppositam propositionem damnantis habemus, erant prorsus necessaria. Infelix ergo puer, qui paulo post expiravit, æterna beatitudine fraudatus est. Errores isti familiarissimi sunt plebi hujusmodi præsertim in angustiis, atque pressuris perturbatæ, & festinanti; rudes namque animi, quid sibi faciendum sit ignorantes,

(a) Ritual. Roman. de Sacram. Matrim. & Clement. XII. Epist. Encicl. ad Episc. Ital.

rantes ipsa quoque substantialia variant, vel prætermittunt.

Abortivi autem duplicis sunt speciei, aliqui non solum primariis membris instructi, sed toto etiam corpusculo completi, quod circa quadragesimum diem evenire putatur: alii non completi, nimirum ætate minores. Completi, si vitæ indicium motu præbent, absolute baptizantur, si vero motum non præseferunt, at nihilominus non sunt corrupti, aut laceri, aut contusi (conf. p. 96. col. poster. lin. II.) quamvis lividi, ac sine pulsu, respiratione, motu, atque sensu, dubium est utrum revera obierint an non. Sæpe enim detectum fuit, eos propter abortus violentiam in immane deliquium incidere, ita ut quamvis re ipsa vivant, omnino tamen mortui videantur (a). De foetibus autem non completis dubium profecto censetur, utrum rationalem animam jam acceperint: incertum est enim tempus animationis: æquitas nihilominus opinionem benigniorem ipsisque favora-

bilem pro baptismo conditionate ministrando suadet esse amplectendam. Necessarium est igitur in quocumque abortu ante omnia parentes, aliosque adstantes summam adhibere diligentiam in investigando utrum foetus per motum vitæ prodat indicia, ut saltem sub conditione baptizetur. Facillimum est in Embryonibus motum circa vigesimum diem perspicere. Hippolyti Pagnotta Chirurgi Monteregalensis uxor An. 1727. abortiit, quæ tam brevi tempore utero gestaverat, ut ne quidem se antea prægnantem cognovisset; cum autem sedulo perquireretur quidnam effusum esset; inventus est foetus minimus a secundinis jam solutus magnitudine apis, id eoque juxta tabulas Embryonum a Bianchio observatorum, die vigesimo nono non major; quinimo juxta tabulas Kerkringianas fortasse minor (b). Satis formatus erat pro ætatis ratione: totusque movebatur, vitam ostentans; eum, Susanna Pagnotta, rationali spiritu certo informatum reputans, absolute baptizavit: qui deinde post decem

M 3

hora-

(a) Vide infra l. 3. a cap. 10. p. 226.

(b) Kerkring. *Antropogeniæ* c. 3. & 4. & Tab. 75. fig. 3. & 4.

horaria minuta mortuus, in collegiata crucifixi ecclesia sepultus est. Idem omnino matri suæ contigisse narravit mihi amicus Canonicus Acienfis. Et nuper ego ipse alterum vidi Embryonem, fere dierum sexdecim, vel paulo majorem extinctum quidem, sed qui antea motu se vivum exhibuerat, propterea sub conditione baptizatum. Sed heu quanta in abortibus, prætextu non factæ verisimiliter animationis, parentum, & domesticorum socordia, & intolerabilis stultitia! Profecto pene supra fidem videtur, quod Panormi evenit obstetrici cognomento græcæ. Mulier mane cum abortiret, se menstruum fluxum, etsi abundantio-rem, pati credidit, nec quid exiret, inspexit: se enim prægnantem nesciebat. Postridie cum obstetrix eam fortuna inviseret, atque de fluxu audiret; pulsu tentato pronunciat, illam abortisse: quo circa indagine facta folliculum secundinarum, certissime nonnisi præcedenti die emissum, quærit, repertum discindit, foetumque in ipso post viginti quatuor horas, ac forte amplius, vivum deprehendit, atque baptizat: ni-

nor hic erat die quadragesimo, nam Cammari molem non excedebat: eumque mortuum ecclesiæ intulerunt.

3. Dixi genitores, aliosque adstantes summa vigilantia pericrutarī debere utrum foetus vitæ det signa: nam de facili poterit esse vivus, imo & sese movere, quin tamen ipsi hoc animadvertant. Panormi An. 1717. æstivo tempore hora quarta a solis occasu, seu circa mediam noctem abortum fecit Ursula uxor Philippi Pedemontii Remigum Tiremis Præfecti. Fætus exiit trimestris a secundinis exclusus, & in speciem omnino exanimatus. Itaque domestici in fenestræ limine aeri frigido, & humido expositum (nam locus erat mari propinquus in suburbio) dereliquerunt. Sequenti die, hora circiter undecima seu septima matutina consanguinei cum ad mulierem solandam venissent, curiositate ducti abortivum inspicere voluerunt: & ecce ex umbilici nunc sese attollentis, nunc deprimentis, oscillatione cognoscunt ipsum vita non adhuc destitutum, quamquam hora septima post abortum. Eum ergo ad parochialem eccle-

ecclesiam deferunt; ibique baptizatum, ac deinde post duo minuta horaria defunctum capsulae includunt, atque sepeliunt. Cathanae illustris matrona circa quadragesimum praegnationis diem gemellos duos ejecerat. Unus jam putruebat, alter ita certo mortuus apparebat, ut Archiater Tezzana Comes Palatinus cultro ipsum dissecuerit: sed aperto pectore, ex motu cordis periodico viventem comperit, & illico baptizavit.

4. Existimandum tamen est haec eventa non esse adeo rara. Profecto Mabillonius sub Eusebii monachi nomine conqueritur: nimis frequenter vulgus credere, abortivos ad aliquorum sanctorum, ab universali ecclesia non canonizatorum, invocationem, a Deo baptismi suscipiendi gratia in vitam revocari. *Quot abortivi, inquit ille (a), excitati ad percipiendum baptismum? Verum illa miracula velim nobis a testibus fide dignis comprobari: nec in ea inquirere mihi privato homini convenit: Episcoporum id officium est, ea auctoritas.* Et quidem sicuti indubium

est innumerabiles pueros sanctorum precibus ad baptismi donum recipiendum vitae restitutos: ut plurimae testantur historiae, & nos alibi expendemus; ita credibile est, non raro infantes a mulierculis, vel etiam a viris credulis ac vecordibus mortuos reputatos, qui tamen mortui re ipsa non erant: quorum vita aliquo forte deliquio tantum oppressa, non prorsus extincta subinde in manifestum prodierit.

5. Ubi vero brevissima fuerat praegnatio, multo fallacius mortis indicium erit privatio motus in Embryunculo. Primo propter aliquam syncopem seu spirituum lassitudinem, uti expertus docuit Harvens: secundo quia in eorum sententia, qui arbitrantur animam illico post conceptionem infundi, statimque vitam inchoari, ubi nimirum spiritus fermentationis motum exordiuntur: forte jam vivit Embryo, quamvis motu systolico, & diastolico non incepto: quia nondum cor, aliaque vasa ad sanguinis circuitum necessaria sunt probe constructa: verum anima jam

(a) Mabill. in tom. 5. oper. in Epist. Euseb. Monach. Rom. ad Theoph. Gall. de Cultu Ss. Ignoror. n. 18.

jam corpusculum possidet: ut præsentia sua ejus partium interviat perfectioni, quæ deinde ad motum periodicum instituendum ipsius organa sunt futuræ: & hujusmodi ergo Embryoni conditio-
natum baptismum non denegabimus; dum modo Embryo esse dignoscatur, habeatque prima foetus lineamenta: nec laceratione, contusione, vel corruptione constet ipsum vita carere. Medici tamen præteriti sæculi, olim senserunt, Embryunculum, etsi animatum, primis diebus non esse sensibilem: namque, ut supra innuimus; (in utero nisi semen inveniebant, quod maxima ex parte post tres dies emittitur) cum foetus interim, vel in ovario lateret, vel per fallopianas tubas adhuc descensum suum prosequeretur, nec at uterum pervenisset. Nihilominus postquam demonstratum est generationem fieri non ex mixtione virilis feminis cum muliebri quadam limpha: sed ex ovo, quod verum est femineum semen, per virile semen foecundato: compertum est etiam Embryonem ipsi foecundationi cum membris suis præexistere: quamvis obscure,

& solo microscopio videndum: post foecundationem vero semper esse in ovo sensibilem. Hæc autem omnia, quia nondum perspecta filuit quidem olim Florentinius, hodie vero sunt omnibus explorata. Manifestum insuper est die tertio non solum absque microscopio foetum, vermis instar, insipientibus apparere; sed & caput ipsius, quod sedes est animæ præcipua, discerni. Cæterum etsi sensibilis in se ipso non esset; sensibile saltem esset ovum; quo concluditur hoc vero nihil est aliud, quam secundinæ, quæ non solum cum foetu continuantur, verum etiam corporis ipsius dicendæ sunt partes, ad vitam, quousque in lucem prodeat, omnino necessariae.

7. At dispiciamus hic, utrum casus dari possit, quo Embryo v. g. quatuor, vel trium dierum; vel etiam ætate minor, dato quod anima rationali sit præditus, vivus per abortum egredietur, & non potius ante egressionem, ipsum in materno utero mori necesse sit, aut saltem ac egressus, externum aerem senserit? Equidem censeo casum non esse

esse impossibile : quamvis enim gravis ille tumultus ab abortu fuscitatus, facile possit foetum adeo tenellum perimere ; considerandum tamen est etiam, horologia, similesque machinas quo pauciori constant numero instrumentorum, eo difficilius labefactari. Et quidem puncta salientia pullorum, tametsi ab ovis extracta, eo ipso tempore, quo necdum aliqua distinctio vasorum in eis valet esse conspicua ; nimirum quarto die, vel in fine ipsius, aut sub initium quinti, diutius vivunt ; ut infinitis a se factis experimentis asseverat Harveus ; imo si quandoque jam mortua videbantur, quia motu carentia ; subinde aliquo fomento recreata, vitam denuo manifestabant ; en ejus verba (a) : *Vidi, inquam, sæpissime, aliquæ, qui una mecum aderant, ab acus, stili, aut digiti contactu ; imo vero a calore, vel frigore vehementiore ad motu, aut cujuslibet rei molestantis occursum, punctum hoc varia sensus indicia, pulsuum nempe varias permutationes, ictus validiores, ac frequentiores edidisse : ut dubitandum non*

fit, quin punctum hoc, animalis instar, vivat, moveantur, & sentiat : ovo insuper aeri frigidiori diutius exposito, punctum saliens rarius pulsat, & languidius agitatur : admoto autem digito calente, aut alio blando fœtu, vires statim, vigoremque recuperat : quin etiam postquam punctum hoc sensim elanguisset, & sanguine plenum a motu omni cessans, nullumque vitæ specimen exhibens, morti penitus succubuisse visum esset ; imposito digito meo tepente, spatium viginti arteriæ meæ pulsuum, ecce corculum denuo erectum revixit, & tamquam postliminio ab orco redux, pristinam choream redintegravit. Idque alio quolibet leni calore, ignis nempe, aut aquæ tepidæ, iterum, iterumque a me, atque aliis factitatum est : ut pro libito misellam animam, vel morti tradere, vel in lucem revocare in nostra potestate fuerit.

7. Similia tradit Christophorus Guarinonius, Rudolphi II. Imperatoris Medicus. (b) Hic non solum enarrat in puncto salienti, quamvis membrana incluso, conspici pulsationes ; sed addit eo

N

moro.

(a) Harveus de generat. anim. exercit. 17. in 3. ovi inspectione.

(b) Guarinon. Opusc. de nat. human. serm. 2. fol. 58.

morosius Embryonem vita destitui, quo imperfectior est. Præterea illud indicio certissimum esse quod vivat cor, quoniam avulsum a corpore, & ab omnibus venis abscissum adhuc vivit, & pulsat: quod in adultis jam animalibus videmus, si viventia aperiantur, & cor eximatur: & tamen diutius vivit, quo tene-riora, recentiusque nata animalia fuerint, ut expertus sum. In pul-
lis proprie avulsum cor, venis spo-
liatum, tota fere hora sese movet
inæqualibus pulsibus, modo vario-
ribus, modo crebrioribus &c. Cum
vero cor jam moriturum est, per
quartam partem horæ, solo altero
laterum movetur, & ad finem vitæ
solus ventriculus, non etiam cuspis
contrahitur, dilataturque. Nona
die, qua jam corpusculum pulli ob-
firmatum consistit, vel propter se-
ctiorem duriorē, graviolemque,
vel quamvis aliam causam; sæpe vi-
di, quod cor avulsum non retinet
vitam, quin interdum aperto tho-
race motum amittit. Quod certe
eo minus diu vivat, quo grandius,
& perfectius factum animal est,
habeo exploratissimum, & ratio ea
esse potest, quoniam vitæ, & ani-
mantis vis primum in sui initio tota

comprehenditur. In puncto enim
temporis animantis generatio est:
postea vero partibus reliquis ex-
pressis, ipsa in eas distributa, ut
jam illis egens, & sanguine, jam
sese in solo corde sustinere non
potest &c.

8. Sed ad modum baptizandi
abortivos minimos convertamur.
Foetus primorum dierum bapti-
zandus est sub conditione, si es ca-
pax, quamvis adhuc secundinis in-
volutus, ne tempus absumamus
cum periculo ejus mortis, ubi aeri
exponeretur: quæ conditio, si es
capax, respicit æque tam dubium
animationis, & vitæ, quam du-
bium ne baptismatis validitati ob-
stent secundinæ: quo facto ape-
riantur secundinæ ipsæ, & iterum
baptizetur ille sub duplici condi-
tione, si es capax, & si non es ba-
ptizatus, & hoc sive motus in eo
observetur, sive non: dummodo,
uti supra explicavimus, illum evi-
denter jam vita spoliatum esse non
cognoscamus.

9. Hujusmodi autem abortivi
per immersionem in aliqua patina,
vel cyatho aqua pleno baptizan-
tur: nec timeat Sacerdos irregu-
laritatem propter mortem ipsis
matu-

maturatam, quamvis essent secundinis exuti: nam, ut ostendemus infra, mos est Embryonibus in quodam liquore, quo altera secundinarum, amnios appellata, plena est, sine respirationis indigentia natare. Itaque propter immersionem Embryo non suffocabitur: quod si casu fortasse id aliquando eveniret; vita ipsius adeo tenuis est, & conservatu prorsus impossibilis; ut in talibus circumstantiis propter formidinem ne mors eidem per paucula momenta acceleretur, baptismus omitti non debeat.

10. Cæterum illud etiam de omnibus abortivis Parochi populos admoneant, eos nimirum, etsi baptizatos, quamvis deformes, aut monstrosos, non esse eo prætextu occidendos, quod vivere, & adolescere nequeant, vel non expediat. (a)

11. Restat adhuc, ut cuidam petitioni faciam satis; nimirum discernere facile possit, utrum quod per abortum in principio prægnationis ejectum est, vere sit Embryo, an mola, vel sanguis grumefactus, aut aliquid simile? Flo-

rentinius in secunda disputatione examinata, & edita Romæ ita respondet (b): *Sive igitur primis diebus, sive aliis insequentibus intra trigesimum, aut etiam quadagesimum diem, discernendum sit, quidquid immature ab utero effusum est; sive grani hordeacei, aut minoris phaseoli, sive majoris formicæ, aut nucis avellaneæ, sive apis, aut grandioris muscæ, sive etiam minimi digiti magnitudinem exæquet; (hujusmodi enim metaphoris auctores recentem fœtum metiuntur) hanc esse regulam statuo: ut quando internus homunculus ob sui teneritudinem membranam nequivit abrumpere, & seipsum prodere; si involucri illud effusum appareat membrana circumdatum, quæ sit subalbi coloris, similis intestinis, figuræ ovalis, & quæ digito tacta mollescat, & cedat: quia peritorum observationes, & documenta veri fœtus notas esse contestantur; tunc prudenti judicio pronuntiandum est, fœtum esse, non molam: & quia hoc prudens judicium morali cum certitudine conjunctum est; de subiecto sensibili, & digito demonstrabili,*

N 2

(a) Vide etiam lib. 2. c. 9.

(b) Florentin. de Hom. dub. disp. 2. sect. 7. n. 8.

strabili, atque ideo de subiecto Sacri Baptismi capaci jam constat: quia ex huiusmodi signis cognoscimus foetum esse talem, ut in eo prima rudimenta vitae intus existant.

12. Si vero illud, quod ex utero mulieris abortientis egressum est; sit caro informis, nigris venis, & sanguineis intexta, ad aspectum scabra, ad tactum dura, vel etiam vario colore infecta, procul dubio molam esse, & frustraneam genituram, non foetum judicabimus; & nullatenus baptizari oportet, & multo magis si ex utero sanguinis grumi, seu carunculæ exierint; molas esse non foetus humanos, est asserendum: nam etiam huiusmodi frustula carnis, & sanguinis ad molæ substantiam pertinere iudicavit Hippocrates loco citato: & molæ speciem esse cum Avicenna scripsit Andr. Christ. c. 29.

13. Ad argumentum igitur dico, quod si supradictam regulam explicent Parochi, eamque edoceant mulieres, etiam montanas, quas de materia, & forma baptismi alioquin oportet esse instructas, licet de istis sine dubio sint magis incapaces, cum sint a natura remotiora:

illa vero signa sint omnino naturalia; & sensibilia: sequitur non esse valde difficile, atque adeo nec in iure impossibile, molas a foetibus dijudicare. Quare ad Excellentissimum Dominum meum dico: monendas esse omnes mulieres nuptas, & innuptas, imo & quascumque personas, quæ in casu necessitatis privatum baptismum tenentur administrare: & Parochos posse uno verbo absque Medicorum consultatione prædicta signa, & notas ad utrumque, foetum inquam, & molam, nec non ad alia excrementa dignoscenda inculcare, & ut veros foetus sub conditione baptizent admonere. Illud vero quod additur de sanguineis excrementis, nescio an secundum conscientiam ab aliquibus contra me objiciatur. Si quidem obstetrices, quantumvis rudes, & imperitæ, nisi cæcutire voluerint; optime discernunt monstruum humorem ab humanis foetibus. Hactenus Florentinius. Hæc eadem distinctionis indicia similiter afferuntur a Bianchio. (a)

14. Equidem notatu dignissimum cenleo, molam a vitio, quo secundinæ, & foetus inæqualiter nutriun-

(a) Bianch. de vitiosa generat. fol. 118. ad 132.

nutriuntur, provenire: hic enim extenuatur, illæ contra immaniter excrescunt: falsum vero germen vitium supponit in foetu ipso, quod eundem paulatim interimit, & extinguit. Quapropter cum tandem, foetu penitus abolito, secundinæ solæ nutriantur; hæ in molam convertuntur. Porro oportet sufficiens tempus interlabi, ut magna hujusmodi mala perfici possint: quocirca primis graviditatis diebus involucrum, quod exit, verum foetum continebit: quamquam illud ipsum, in utero si retineretur: forte cursu temporis vero foetu primum exanimato, deindeque deleto, in molam, vel falsum germen esset degeneraturum. Primis diebus prægnationis propterea, de quibus, & pro quibus hic sermo est; vix casus dari poterit, in quo dubium istud, cæteroque extricatu facile, utrum nempe foetus an mola sit; locum sibi vendicet. Nam in progressu graviditatis, adulto jam volumine, quod per abortum emittitur, quisnam, etsi stolidus, foetum a mola non

commodissime discerneret? Expedi autem & ipsas molas dissecare, & inspicere, num aliquis forte in eis lateat infantulus, quod non semel accidisse inferius ostendemus. (a)

15. Hoc ergo capitulum verba claudant Constantini Roncaglia (b) magna ex parte traditam doctrinam confirmantis. *Filii abortivi, si non constet mortuos esse, sunt sub conditione baptizandi. Quamvis igitur diu viguerit Aristotelis opinio, masculos non animari anima rationali, nisi post quadraginta dies a conceptione, & femellas post octoginta; jam ab aliquo tempore non sine plausa recepta est opinio; ab initio conceptionis factum anima rationali informari, & ex virili generatione statim concipi hominem, non brutum. Videatur P. Hieronymus Florentinius, nostræ Congregationis non exiguum decus, in suo percelebri opere de Baptismo abortivorum &c. Ex hac igitur, non sine fundamento a pluribus opinione recepta, sequens formatur ratiocinium. Probabile saltem est, ab*

initio

N 3

(a) Lib. 2. cap. 4. n. 12.

(b) Roncaglia t. 2. tract. 17. de Bapt. cap. 4. quest. 4. resp. 3. & tom. 1. tract. 11. de v. Decal. Præcept. c. 2. q. 3. resp. 1.

initio conceptionis fœtum anima rationali informari: si autem est probabile, fœtus est sub conditione baptizandus: cum Christus Sacramenta instituerit in remedium animæ, & aliunde apposita conditione consulatur reverentiæ Sacramenti. Triplicem autem accidere potest, aliquando apponendam esse conditionem, nempe si es capax Baptismi; si non obſtent ſeu admittant ſecundinæ; dum ſecundinis eſt involutus: ſi es vivus: dum dubitatur, an fœtus ſit vivus, vel mortuus; Ego te baptizo &c. Ne autem toties conditionalis forma repetatur, animadvertendum quod ſuperius indicavi: ſcilicet conditionem, ſi es capax, plura ſimul poſſe reſpicere; nimirum animationis, & vi-

tæ incertitudinem, & circumſtantiam quandoque adjunctam ſecundinarum: ideoque hunc ſenſum habere: Si actu es animatus, & ſecundinæ non obſtent.

16. Cæterum videntur Theologi Religioſiſſimæ Congregationis a Matre Dei, ad quorum numerum pertinet non minus Roncaglia, quam Florentinius, ac Dezza, ſemper cauſæ abortivorum ſtudioſe, ac impenſe faviſſe: favet etiam doctiſſimus Benedictus Piazza e clariffima Societate Jeſu, in ſuo vere inſigni Opere de Immaculata Virginis Conceptione, Panormi anno 1747. edito, ubi Florentinii ſententiam ſequitur, & ſtrenuiſſime tuetur.

PRIMI LIBRI FINIS.





LIBER SECUNDUS.

De auxilio infanti nonnato præstando matre defuncta.

CAPUT I.

Prægnante mortua succurrendum foetui partu Cæsareo. Præcautiones ut prospere succedant.

I. **Q**uemadmodum fructus quousque ab arbore pendet, arboris ipsius pars non immerito appellaretur: ita & nonnatus infans dum utero clausus, & maternis visceribus manet annexus, matris quodammodo portio dicendus est: imo in jure cum illa pro una eademque persona reputatur. Quamvis enim vita matris reipsa non vivat, communem tamen cum ea aleam frequentissime subit. Profecto prægnantis mors, ubi christiana charitas ad opitulandum non accurrat; erit etiam foetui sine ulla dubitatione exitialis. Postquam igitur satis de abortibus arcendis, abortivisque juvandis differuimus; exponendum est etiam quid pro filiolo

filiolo agendum sit, ubi mater ante partum occumbat: qua ratione scilicet naturalis pueri nativitas per artificialem; quæ partus Cæsareus dicitur, felicissime suppleatur.

2. Itaque ante omnia necesse est Sacerdotes, Parochos præferim, sedulo in Concionibus, & Catechesibus populos edocere, quod ubi mulier certo, vel probabiliter prægnans, vita periclitatur; ejus domestici, parentes, consanguinei, affines ipsius morte non expectata rem paracho citius denunciare teneantur, quo ipsa decedente statim, & commode partus Cæsareus ventris incisione peragatur: ad infantem scilicet ab utero extrahendum, & baptizandum: imo ubi sit ille maturus, vel nativitati jam proximus, qualis interdum erit septimestris; ad ipsius corporalem vitam conservandam: cum in hisce casibus non secus ac alii, & vivere, & adolescere possit; expedit autem parochum accersere, quamvis forte non de-

sint alii Sacerdotes, qui moribundæ diligenter assistant.

3. Incisionem istam expresse præcipit Rituale Romanum (a): *Si mater prægnans mortua fuerit; fœtus quamprimum caute extrahatur: ac si vivus fuerit, baptizetur.* Idem statuit D. Carolus Borromæus in Instructione pro Baptismo. Idem Synodus Coloniensis A. 1280. cap. 4. & Lingonensis A. 1404. quibus consonant vetusta Decreta Cameracensia, in Synodo A. 1550. renovata, ac Synodus Parisiensis A. 1557. Senonensis quoque A. 1524. Idipsum denique docet Divus Thomas (a), ac cæteri summo consensu Theologi.

4. At prægnantis mortuæ sectio non a jure tantum Canonico, sed etiam Civili decernitur in Libris Digestorum: imo & a Lege ipsa Regia, ab antiquis nimirum Romanorum Regibus lata, & verisimiliter a Numa. *Negat Lex Regia mulierem, quæ prægnans mortua sit, humari, antequam partus ei excidatur: qui contra fece-*

(a) Rit. Rom. tit. de Bapt. parvul.

(b) D. Thom. 3. p. q. 68. art. 3.

fecerit, spem animantis cum gravis peremisse videtur (a). Cæterum Numa forte non hujusce sectionis inventor fuit, sed pœnam tantummodo sanxit in eos, qui illam negligenter: nam Tertullianus (b) Baccum Cæsonem fuisse perhibuit: certe natura ipsa hunc partum insinuasse videtur, cum, sola ejus operante virtute, plures, matre mortua, foetus aliquando sponte, ac sine alterius adjumento egressi sint. Frequenter autem in Romanorum Legibus ejus mentio recolitur (c). Innumeri etiam traduntur ab historicis hoc remedio a morte vindicati adolevisse, ac magno demum tum ecclesiæ, tum reipublicæ bono illustres evasisse. Nam Sancti Lambertus Vinciennensis Episco-

pus, (d) Drogo, atque Raimundus Nonnatus: item Gregorius XIV. aliique insignes viri, quorum meminit Rainaudus (e), hoc modo nati ad lucis usuram prodire. Id ipsum alii de Scipione Africano dixerunt, qui propterea Cæsar appellatus, Cæsarum cognomen posteris suis transmiserit, a quo nonnulli partus Cæsarei nomenclaturam emanasse opinantur (f). Profecto Deus Cæsones istos adeo protegere solitus est, ut inde veterum celebris persuasio ortum habuerit, illos nimirum fore fortunatos (g).

5. Hæc reputans Synodus Lingoniensis, de qua supra, quadraginta dierum indulgentiam omnibus partum Cæsareum suadentibus,

(a) *L. Negat. DD. de mort. inferend.*

(b) *Tertullian. de Anim. c. 25.*

(c) *L. Posthumus DD. de inoffic. testam. L. Si Ego DD. de Publician. L. Anniculus, & L. Etiam ea DD. de verb. signif. L. Quod dicitur DD. de Lib. & posth.*

(d) *Acta S. Lamberti An. 1154.*

(e) *Theoph. Rainaud. t. 14. tract. de ort. Infant. per sect. Cæsar. c. 1.*

(f) *Plin. Hist. nat. l. 7. c. 9. Solin. l. 4.*

(g) *Plin. ibid. Cornel. a Lapid. in Genes. c. 35. n. 18.*

bus, vel ad illum quoquomodo cooperantibus est elargita: quod etiam plerique e Siculis Episcopis præstiterunt.

6. At si propinqui, & domestici Parochum de prægnatione moribundæ monere prætermittent; ad illam sub gravi peccato denunciandam vicini, & extranei quicumque, de re forte conficii, tenebuntur: cum, ut optime adnotavere doctores (a), cæteri non minus, quam Parochus ipse, ad infantem in extrema illa necessitate adjuvandum, præsertim ut illi baptismus conferatur, charitatis jure adstringantur. Si autem huic officio defint propinqui, ac domestici, vel extranei, eorumque ignavia foetus absque regenerationis sacramento periret; ii non levi poena essent certissime puniendi.

7. Sed parochi ipsi numquam in propinquorum prægnantis fide

conquiescent, ab illis graviditatis notitiam expectantes: verum præveniendo, solerter, atque sollicitè sciscitabuntur, utrum conjugatæ mulieres, quæ sacro viatico, aut poenitentiae sacramento in periculosis morbis muniendæ sint, forte utero gerant: monente Mussartio (b): *Tibi Parocho ex singulari causa incumbit.* Atque hæc inquisitio multo magis adhibenda, ubi prudens metus, vel suspicio oriatur occultæ, ac præsertim illegitimæ prægnationis. Ubi vero mulier quamquam soluta, & maxime juvencula, sese in sacra confessione de carnalibus lapsibus accusaret; dextere tali casu, & caute interrogari oportebit: atque si graviditatem falsa fuerit, inducenda erit ad rem extra confessionem detegendam, ut in mortis eventu æterna pueri perditio impediatur; hæc enim infinite, & extra omnem dubitationem cuicumque matris infamiae præponderat; ita ut si spiritali filioli

(a) Possevin. *de offic. Cur.* c. 6. q. 10. Mussart. *in Manual. Paroch.* p. 2. c. 2. n. 2.

(b) Mussart. *in Manual. loc. cit.* Gobat. *tract. 2. de Bapt.* c. 8. n. 260. *in Append. ad casum 8. §. Lucæ.*

filioli salutem sufficienter providere illa recusaret, in statum damnationis sese conjiceret, nulloque modo esset absolvenda; uti discrete Sylvius, Pontas (a), aliique Theologi docuerunt. Si contumaciter filia persistat, ait Sylvius, (b), nolitque ulli extra confessionem aperire; denegat ipsi (Confessarius) absolutionem, tamquam ea indigna prorsus, & indisposita: cum nolit hoc facere, ad quod sub reatu peccati mortalis obligatur.

8. Dixi extra confessionem: non expedit enim, quod parochus, seu confessorius facultatem tantummodo obtineat a muliere hujus rei notitiam in confessione habitam illius propinquis, obstetrici, & chirurgo communicandi. Nam in decursu negotii, & ubi ad incisionem veniendum esset, facile ob supervenientes, improvisasque circumstantias, & obstacula inextricabiliter implicatum se sentiet, cum respectu aliorum sacramentali silentio irretiatur.

Curandum igitur, ut infirma factum confessario sub solo naturali sigillo, & prorsus extra confessionem revelet: sic enim cuicumque dubitationi, quæ occurrere poterit, via opportune præcluderetur. Pollicebitur tamen ille, sese extra indeclinabilem necessitatem, non nisi poenitentis morte jam sequuta, propinquis vel domesticis ejus gravitatem indicaturum.

9. Parochus ergo ubi alicujus infirmæ certam, vel probabilem prægnationem resciverit; illam ante obitum ipsum invisat, ejusque consanguineos, & familiares hortetur, ut ea mortua partum Cæsareum adhiberi fatagant: omnia interim docens ad felicem exitum assequendum necessaria. Jam vero ad ea, quæ pro partu Cæsareo paranda erunt, veniamus.

In primis diligenter curabit pa-
rochus, chirurgum opportune ac-
cerfiri, ut fecum usque ad præ-
gnantis mortem affistat: si autem
chirurgus haberi non poterit; ejus
O 2 vicem

(a) Pontas dict. cas. consc. t. 2. Confess 2. casu 10.

(b) Sylvius *resolut. variar.* v. *sigillum* 1. Decembris 1641.

vicem suppleat barbitonfor, vel obstetrix: qui si non sint incisionis cæsareæ periti; signabit eis Physicus, cum tempus advenerit, partem corporis incidendam, vel ipse per se præstabit incisionem. In diœcesi Catanensi ex edicto Petri Galletti Episcopi (a), Parochis sub excommunicationis majoris latæ sententiæ poena onus incumbit curandi, ut omnino peritus advocetur, vel in ejus defectu quivis alius, qui quoquomodo incisionem instituat. Equidem ex obstetricibus vidi peritissimas, novacula utentes, & chirurgis ipsis dexteriores: quare optima erit cautio, ut experientia me docuit, si novaculam illæ apud se domi retineant, quam necessitate urgente illico habere præ manibus possint. Oportet autem, ut barbitonfores, & eo fortius obstetrices aliquam de partu cæsareo faciendo scientiam a medicis, vel chirurgis addiscant, experimenta præsertim in quadrupedibus puta mortuis, canibus, porcisque captantes. Nam in civitatibus populosis difficile quandoque est

promptum reperire chirurgum cum volueris. In oppidulis vero, ac pagis persæpe stationarius chirurgus desideratur: obstetrices autem frequenter cum gravidis amicitia, interdum etiam sanguinis necessitudine sunt conjunctæ: atque ita in prægnationibus oculis illis assistere, ac tempore debito eas incidere sine arcanæ graviditatis revelatione valebunt. Adde, quod commodius esset incisionem obstetrici committere: etenim prægnans non solum chirurgi aspectum sui veluti futuri carnificis, sed ipsum nomen exhorret: quapropter cavendum est semper, ac præsertim dum illa sensibus utitur, ne in ejus conspectum veniat, vel cubiculum introeat: sed ut in alio vicino commoretur. Obstetricis autem præsentia morienti non erit æque molesta, cum ob alios etiam fines ad gravidarum, præsertim infirmarum, domum ventitare consueverit: quod si prægnans de futura cogitet sectione, minus tamen dolebit, sciens se a muliere, cui se ipsam fidere solita sit, non ab extraneo viro incidendam

(a) *Edict. Catanense 1. Junii 1743. n. 3.*

dam: minus quoque maritus, & consanguinei repugnarent. Uno verbo, ex omni parte res & in se ipsa decentior, & prægñanti, ejusque necessariis acceptior esset, & chirurgis ipsis propter honestatem optabilior.

10. Nihilominus, ubi circumstantiæ aliud non exposcant, operatio, ut plurimum chirurgus tamquam tutiori ministro reservabitur. Quicumque vero sit ille, qui secet; infantis consanguinei, hæredesque defunctæ ad mercedem retribuendam tenebuntur: nec nisi perutile esset, si, quemadmodum in Sicilia per Protomedici constitutiones factum est; ii, ad quos ea jurisdictio pertinet, stipendium dilucidissime taxarent, ut in morte gravidarum, omnis altercationis occasio, vel incisionis retardandæ, aut etiam omit- tendæ periculum amoveatur. Cæterum peritus nequit rem tantam deferere, vel differre propter mercedis defectum, sive prædicti hæredes, atque propinqui egeni

sint, sive divites. In primo enim casu patet ex innato charitatis onere ad officium suum sub læthali-ssima culpa obeundum teneri: & multo magis, ubi jusjurandum præstiterit de adjuvandis pauperibus. In secundo vero adstringeret eum gravissima ejusdem charitatis obligatio erga puerum in extrema tam spiritali, quam temporali necessitate constitutum, & nullo modo consanguineorum avaritiæ participem: qui cæteroqui poterunt ad mercedem exsolvendam congruo tempore compelli. Imo vero cum infantes hi omnium pauperrimi sint; chirurgus interea ad eos extrahendos cogetur ex ipsa indeclinabili obligatione succurrendi pauperibus, etiam præciso juramento: eoque fortius, ubi juramentum præcesserit. Quod autem magis notandum est, peccaret insuper, ubi operam suam sponte non offerret, quamvis non requisitus, tum divitibus, tum egenis, etiam in solo dubio, an foetus adhuc vivat, uti aperte docet cum Rainaudo Gobatus (a):

O 3

imo

(a) Theoph. Rainaud. *de Ortu Infant. &c.* c. 6. n. 22. & 23. Gobat. *Append. ad tract. 2. de Bapt. casu 8. §. Ita quidem & J. Sed & alius.*

imo impium, & detestabile scelus committeret; si decoris sui nimius amator, & gravitatis affectator; ultro se promptum non exhiberet ad fervendam infantuli animam; quamvis hic filius esset acerrimi cujuslibet, infestissimique inimici, qui ipsius operam implorare dedignaretur, vel quia repulsam timeret, vel quia obstinata superbia refugeret auxilium petere ab adversario. Hic enim cum de æterna salute miserrimi infantis agatur, christiana charitas, & Divinæ Gloriæ zelus debent de omni prorsus obstaculo triumphare. Cæterum etsi partus cæsareus viventium peritiam requirat, qui tamen fit in defunctis, cuique facillimus est ad peragendum, & penitus ridiculum esset, credere ad ipsum omnino necessarium esse chirurgiæ Professore, vel saltem barbitonforem, sive obstetricem: maxima enim ratio, propter quam illis regulariter utimur, ea est, quia scilicet alii chirurgicam hanc operationem abhorrent: sed in eorum absentia omnes commode possent

adhiberi, si vellent: aliquantulum enim prudentiæ, atque solertiæ tum theoreticæ scientiæ, tum praxis etiam vices facillime supplerent. Si autem chirurgus, vel alius gravidam incidere absque stipendio, vel ii ad quos spectat illud solvere, obstinate recusent; certissimum est, teneri Parochos ad erogandum de proprio: cum nulla prorsus eleemosyna sit, unquam magis præcepta. Si enim hæc pueri necessitas est præ quibuscumque aliis extrema: & in extremis necessitatibus omnes ad subveniendum adiguntur; quanto magis animarum curator? *Et quidem*, ait Roncaglia (a), *si in ulla re, in hac maxime diligentissimi esse deberent Parochi, cum agatur de succurrendo proximo in extrema spiritali necessitate laboranti: adeoque nullis etiam parcere debent impensis, maxime si parentes inopia laborent.* Profecto Sanctus Paulus ad Corinthios dicit (b). *Ego autem libentissime impendam, & superimpendar ipse pro animabus vestris, licet plus vos diligens; minus*

(a) Roncaglia in Theol. mor. t. 2. tract. 17. de Bapt. c. 4. in reg. pro praxi.

(b) 2. Cor. 12. 14.

aus diligar. Si tanta erat Apostoli charitas erga ingratos; quanta esse debebit in pastoribus erga hujusmodi infantes? Id sane præclare intelligebat Sebastianus Valfre Taurinensis Oratorii Presbyter, cujus Apotheosis causa discutitur: mira enim sollicitudine ad prægnantes post fatum secandas præmature chirurgos acciri satagebat. Nec solum Parochos, ut eorum expensis tantum misericordiæ opus urgerent, eique cum ministris maxime infudarent, hortabatur; sed & proprias ad hoc pecunias liberalissime, & libentissime suppeditabat: ita ut Deus plurimorum infantulorum salutem, ejus zelo concessisse visus sit (a).

II. Ægyptiæ leges prægnantes morti dari non expectato partu vetabant. Ab Ægyptiis hanc humanitatem Areopagitæ cum reliquis Græcis didicerunt, ab iisque Romani (b): quamobrem ex jure communi prægnans capitalium

facinorum rea, neque tormentis subjici, ut fateatur illa, neque si convicta fuerit, & ad mortem damnata, supplicio affici poterit ante partum: ne scilicet innocens foetus manifesto mortis periculo exponatur (c). *Et sancte quidem,* inquit Chrysostomus (d), *neque enim juste legislatores tolli cum peccatrice simul foetum judicassent.* Hæc scire oportet Parochum, qui vigilabit proinde, ut salutaris hujus legis providentia ad amissum fervetur. Excepto tamen ex Suario (e) dumtaxat casu, ubi periculum esset, ne expectato naturali partu, infans interea moreretur: tunc enim propter epichejam, ut matre incisa foetus extrahatur, & baptizetur, supplicium erit anticipandum.

Ethnici ipsi Christianorum persecutores, quamvis in solam temporalem parvuli vitam intenti, cavebant ut plurimum, quod Acta sanctæ Felicitatis ostendunt, ne mortis

(a) *Vita Venerab. Sebast. Valfre l. 2. c. 4.*

(b) *Plutarchi de sev. Num vind. Ælian. lib. var. hist. 5. c. 18.*

(c) *L. Prægnantem: DD. de pœnis.*

(d) *S. Joann. Chrysost. c. 1. homil. 55. de Pœnit. v. fol. 594.*

(e) *Suarez in 3. p. q. 68. art. 1.*

mortis sententia ante partum executioni mandaretur: Cum jam octo menses suum ventrem haberet, instante spectaculi die, in magno erat luctu Felicitas, ne propter ventrem differretur; quia non licet prægnantes pœnæ repræsentare. Sed & Commartyres graviter contristabantur, ne tam bonam sociam, quasi comitem solam in via ejusdem spei relinquerent. Conjunctio itaque unito gemitu ad Dominum orationem fuderunt ante tertium diem muneris: statim post orationem dolores invaserunt. Itaque puellam enixa est, quam sibi christiana mulier veluti filiam educandam suscepit.

Idem habemus ex Actis SS. Agapis, & Sociarum. Ait autem Holstenius apud Ruinart (a): Moysen quoque æquissimam hanc legem a sua Republica adeo non exclusisse testatur Philo (b), ut eam ad bruta etiam animalia extenderit, inquiens: (Lex foeta animantia templo arcet, neque ma-

ctari permittit, priusquam peperint.) *Fœtum utero conclusum eodem loco habens quo editum.* At tamen quod olim religiose tot populi tuebantur, hodie quandoque negligunt Christiani. Narrat Eber in suo Calendario cum Horstio, & aliis; die 14. Junii 1567. inter Deventriam, & Zeufraniam addictam suspendio mulierem cum viro suo, quamquam prægnantem, ex qua post quatuor a morte horas duo Gemelli vivi egressi sint. Illicitum est etiam gravidas fustigare, ad ostentum circumducere aliisve pœnis vexare, quæ abortum inducere queant.

12. Quid autem si agatur de extrahendo, ac baptizando filio infidelium puta Mahumedanorum, vel Hebræorum? Debet ne incidi mater, etiam patre recusante? Debebit sane in regnis fidelium. Debebit quoque in regnis infidelium, saltem si occulte fieri poterit. In extrema enim æternæ salutis necessitate licitum est ex-

com-

(a) *Acta SS. Perpetua, & Felicit. & Acta SS. Agap. Chion. & Iren.*
apud Ruinart.

(b) Philo lib. Philantrop.

communissimo doctorum sensu baptizare ubique filios infidelium, parentibus quantumvis invitis (a).

13. In universum ergo in quocumque mortis genere, siue naturalis, siue violentæ; siue infirmitas longa, siue brevis præcesserit; siue mater suffocata fuerit manibus, vel aquis, aut veneno, vel etiam fulmine sublatâ, numquam omittatur incisio. Vivebat adhuc, dum hæc scriberem, a matre veneno perempta puer extractus. Supponere videtur Viva (b), matre fulmine occisa, statim interire foetum: at contrarium ab experientia edocemur. Anna enim Ribauda Montereagalensis,

famulæ meæ Neptis, utero gereus tertio nonas Septembris 1743. fulmine percussa est, & illico extincta. Puer autem post binas horas vivus eductus.

Demum quid agendum est Parocho, si prægnatio ipsi post gravidæ sepulturam innotescat? Eam e sepulchro educi præcipiet. Ita se gessit celebris Francisci Civile Pater, qui cum e longinquo, altera die ab uxoris humatione, domum rediisset; Franciscum partu cæsareo liberavit (c). Ita etiam nuper Montereicali se gessit Albertus Carolinus Parochus animarum zelo clarissimus.

C A P U T II.

De præparandis ad Partum Cæsareum, deque comprobatione mortis gravidarum.

I. **A**dveniente mortis tempore in moribundæ conclavi obstetrix cum duabus tantum, vel ad

summum tribus feminis prægnanti familiaribus consistent. Alias arcebit Parochus, ne multitudo
P confu-

(a) Clericat. de Bapt. decis. 42.

(b) Viva in propos. 4. & 5. damn. ab Alex. VIII. n. 16.

(c) Brubier, de Incert. sign. mort. t. I. c. I. §. 10. fol. 277.

confusionem pariat. Ipse indefessus ad fatale æternitatis vadum affidebit hortator, atque solator. Cæteri, præsertim chirurgus cum propinquis, in vicino cubiculo, rosarium, aliasve preces pro moriente, ejusque foetu recitantes, commorabuntur. Mulieres præparabunt vitream ampullam aqua plenam pro baptismo, quam convenit esse tepidam, ne infantis teneritudini noceat; Item ubi commodè haberi possint, spiritum vini, vel aquam Reginæ Hungaricæ, vel vinum calefactum: ac tantillum lanæ, vel lini, & candelam ceream accensam. Dixi, ubi commodè haberi possint: sola enim aqua erit omnino, & absolute necessaria. Si chirurgus aut alius operationem peracturus, abest; expedit etiam ignem accendere; eo enim casu curandum est maxime, ut prægnante mortua lineis pannis ad ignem calefactis uteri calor foveatur, usque dum chirurgus accurrat: Alii monent etiam parandam fistulam, seu tubulum arundineum, utroque nodo resecto, ad finem de quo infra.

2. Verum hic oportet scire,

quod sæpe gravidæ, dum extremum agunt spiritum, pariunt propter naturæ convulsiones: Infante autem exorto, illico expirant. Cum Sambucæ in Dioecesi Agrigentina 13. Novembris 1746. quinto gestationis mense dissecta post mortem fuisset Alberta Cacioppa; uterus repertus est vacuus: quæ res ob prægnationis certitudinem magnæ admirationi adstantibus fuit. Verum deinde foetus inventus est sub lecti stragulis de se quidem natus, at ex indicis paulo ante defunctus. Idem accidit Montevagi ejusdem Dioecesis oppido sub Parocho Periconio. Verisimillimum est, infantes hosce propriæ nativitati fuisse cooperatos, ideoque vita comite ortos, deinde tamen operimentis oppressos. Quapropter antequam ad matrem incidendam procedat chirurgus, inquiret semper, utrum forte puerulus in ultimo illius vitæ anhelitu foras eruperit. Imo cura erit obstetricis vel alterius feminae, interdum postremi agonis tempore dextere per lectum investigare, utrum prodierit infans: quem si negligimus, poterit facillime subfocari. Nec muneri suo deerit in

deerit obstetrix, si forte ille in ipso exitu aliquo indigeat adiutorio, quod ipsa opportune conferre posse videatur.

3. Synodus Colonienſis An. 1528. & Cameracenſis An. 1550. & Mercatus (a) jubent mortuæ prægnantis ori ſtatim, & ante ſectionem immitti fiſtulam arundineam, de qua ſupra: at negant eam eſſe neceſſariam, & quidem rectiſſime Paræus; & Heiſterus (b): Infans enim in utero vel non reſpirat, vel ſolummodo aerem ſecundinis clauſum reſpirat: vel ad ſummum, ſi laceratæ ſint illæ; aerem qui utero continetur. Uterus autem, & ſecundinæ, nullam habent communicationem cum matris ore, atque trachea. In Edicto Agrigentino (c) probatur fiſtula, ſed tantum ut aer nitidior in maternum corpus admittatur, & viscera effluvia cadaverica exhalent, quæ tenuem in pueri vitæ flammulam, chirurgus

ſcilicet moram faciente, reſtinguere poſſent. Guillelmeus tamen, Carolus Stephanus, & Schenchiuſ Mercati doctrinam ſequuntur, imo præcipiunt non ſolum ut os gravidæ, ſed etiam ut ſimili modo patula uteri vagina ſervetur. Hæc ſane ultima de vagina monitio valde ſalutaris erit, ubi abſente chirurgo, & naturali partu jam inſtante, uterus eſſet apertus.

4. Quod vero ad tempus partus Cæſarei adoriendi; *Si mulier prægnans*, inquit Rituale Romanum, *mortua fuerit, fœtus quamprimum caute extrahatur*. Ex quo liquet ad huiusmodi ſectionem expectandum eſſe, ut gravis ex ſe ipſa prius occumbat. Sed heu plures inveni Parochos falſo putantes, inciſionem faciendam antequam illa ultimum vitæ ſpiritum reddat; prout olim falſo docuit Rodericus a Caſtro (d). Nonne-
mo etiam falſus eſt mihi id ipſum in praxim deduxiſſe. Oportet ergo
P 2 me

(a) Ludovic. Mercat. *de Mulier affect.* c. 3. in fine.

(b) Paræus *lib.* 23. c. 31. Heiſter. *p.* 2. ſect. 5. cap. 113. in not. lit. c.

(c) *Infra in Append.*

(d) Caſtro *de morb. Mulier.* l. 4. c. 3.

me alta voce hic exclamare, ne tantum flagitium perpetrare audeant: ea enim barbara carnificina & graviter peccarent, & irregularitatem incurrerent. Dissimilis est casus, ut infra ostendemus, ubi, desperato naturali partu, incisio ad matris non minus, quam foetus liberationem dirigetur.

5. Mortua vero prægnante quantocitius partus cæsareus faciendus est: nam ubi illa e vivis excedit, infantulus non raro cum morte confligit, saltem in gravi periculo versatur cito moriendi. Primo quia ob teneritudinem facile genitricis morbum contrahere potuit. Secundo quia solitæ carceris molestiæ adduntur; foetor, & noxii vapores materni cadaveris. Tertio quia in eo statu ipsi jam incommodo arctus jactitat, & omni vi sese extricare, & egredi conatur, quod illum fatigat. Quarto quia et si matris respiratione non vivat, attamen hac deficiente aeris subfrigidi, ac nitidi in maternum corpus ingressio prohibetur, & consequens inde refrigeratio filiolo adimitur. Quinto

quia minuitur ipsi alimentum. Inde est, quod Possevinus, & Rainaudus dixerunt, foetus non supervivere matris fato, nisi unius horæ spatio, aliquando tamen horæ dimidio, quandoque etiam breviori tempore: quamquam, ut infra demonstrabimus, interdum longe diutius vivant.

6. At hic vitandus erit scopulus: poterit enim gravida videri mortua, quamvis vivat adhuc. Palmæ decimo anno ante Parochi officium a me susceptum, pia mulier Vizzinia dicta, sponte institit, ut sibi, statim ac moreretur, partus cæsareus fieret. Verum cum ante probationem ejus mortis chirurgus eam incidere sit aggressus, ex illius oris contorsione, dentiumque stridore cognovit, eam nondum expirasse. Idemque contigit Pauco, & Meryo in arte chirurgica insignibus.

7. Ut ergo similia damna vitentur, disquirendum semper erit, utrum gravida revera decesserit. Quapropter ante omnia sciendum est, hominis vitam tamquam animati Horologii sine motu, seu circula-

ulatione sanguinis, aut aliquo saltem juxta plerosque intestino ejusdem leviori motu, non posse consistere; ubi enim quieverit omnino sanguis, ac in eam dispositionem devenerit, ut amplius ad pristinam circulationem resurgere nequeat; ecce naturæ lege subita, & inevitabilis in instanti mors.

8. His positis, tribus causarum generibus ea tribui valet, morbis scilicet chronicis, acutis, ac repentinis. Qua sub ultima classe comprehenduntur casus, vulnera; fulminis ictus, apoplexiæ, strangulationes tum ex laqueo, tum ex fumo carbonum, ac similium, submersiones, histeriæ &c.

In morbis chronicis observanda sunt signa mortis antecedentia, comitantia, ac subsequencia. Si igitur ægrotus per solitos morbi gradus ad extremum agonem, similemve statum pervenerit, ac deinde prorsus quiescere visus est cum signis regularibus, quæ mortem comitari solent, ac deinde sine pulsu, sine respiratione, aliove mo-

tu, ac sine sensu remansit; credendus est mortuus: pristina enim circulatio sanguinis cessavit, & amplius redintegrari nequibit. Mobile namque, scilicet sanguis paulatim in his morbis corrumpitur: viæ, per quas moveri solet, notabiliter alterantur: movens denique ipsum, nimirum spiritus animales, omnino tandem extinguuntur. Quocirca post prædicta signa motum omnem in sanguine tum circulatorium, tum etiam intestinum omnino quiescere necesse est, & inde mortem indeclinabiliter induci, cujus quidem quietis non obscura censentur indicia frigiditas, rigiditasque membrorum. Neque suspicari licet ea fatalia signa, in ultimo agone ab aliqua syncope, vel apoplexia, non tamen a morte provenire; clarum est enim perniciosissimos hujusmodi affectus infirmis adeo labefactatis vitam labentem conservare, ac retinere nequaquam posse; imo potius illam ad celeriore ruinam impelluros.

9. Idem dicendum de morientibus ex morbis acutis, & gradatim

im procedentibus, quamquam propter varia mali symptomata, naturæque motus in iis majori sit opus cautela, quam in chronicis. Indicia vero mortem antecedentia, & comitantia in utrisque habemus ex Verulamio (a). Duo sunt, ait, magni præcursores mortis, alter a capite, alter a corde missus. Nam etiam singultus ille læthalis est genus quoddam convulsionis. Labor autem pulsus læthalis habet velocitatem insignem, quandoquidem cor sub ipsa morte ita trepidat, ut systole & diastole fere confundantur. Habet etiam conjunctam debilitatem, & humilitatem, & sæpius intermissionem magnam, labescente motu cordis, nec fortiter, aut constanter insurgere valente. Præcedunt etiam mortem in propinquo summa inquietudo, & jactatio, motus manuum tamquam floccos colligendo, nisus fortiterprehendendi, ac detinendi, dentes etiam fortiter comprimere, glutire vocem, tremor labii inferioris, pallor oris, memoria confusa, sermonis privatio, sudores

frigidi, corporis elongatio, sublatio albuginis oculorum, faciei totius alteratio, nasu acuto, oculis concavis, genis labantibus, linguæ contractio, & convolutio, frigus extremitatum, in aliquibus emissio sanguinis, clamor acutus, inferioris maxillæ lapsus.

10. His addi possunt visus, auditus, aliorumque sensuum amissio, spiritibus animalibus ecliptim patientibus, & fuligo in naribus. Ubi ergo post hæc signa, aut saltem pleraque, ut evenire solet, videbimus ultimum spiritum exhalare ægrotos, una, vel altera lacryma ex oculis, vel spuma ex ore profluente; quæ signa sunt comitantia, statimque sine pulsu, sine respiratione, ac sine omni motu, & sensu illos conquiescere; quæ maxima sunt signa sequentia; pro morte pronuntiandum est. Verum cum de sectione agitur, sive cæsarea, sive anatomica, sive ad cadavera balsamis condienda, ut tutius procedamus, observandum diligentius, utrum vere pul-

(a) Franc. Bacon. a Verulam. *Hist. vit. & mor. in atriol. mort. n.*
29. 30. 31.

pulsus omnis, respiratio, sensusque cessaverit. Igitur quod ad primum in utroque carpo exploretur: fortasse tamen vibratio, quæ in recto, vel declinato carpo delitescit, sese prodet in eodem leniter incurvato. Quandoque illam sentiemus inter pollicem, & os metacarpii, dummodo non valide arteria prematur: cavendum interim, ne arteriolarum in nostris digitis motum arteriis defunctorum attribuamus. Investigandæ etiã arteriæ axillares, temporales, atque carotides, utpote ampliores, ac recto impetu motæ: pressione tamen profundiore.

Tentandum est etiam cor ipsum tum a latere sinistro, tum dextero: nam a dextero in quibusdam pulsare deprehensum est. Corpus tamen in alterutrum latus declinare oportet: ubi enim supinum statuitur, languidus ejus motus percipi non potest.

Investiganda est etiam respiratio. Plerique filum, seu flocculum lini, gossypii, aut lanæ te-

nuissime carminatæ naribus, ori-que suspensum adhibent, vel flammulam cereæ candelæ: ut videant an ad aliquam respirationis auram deflectant, ac tremula fiant: vel speculum limpidissimum antea bene abstersum, vel conspiciillum naribus, & ori admovent: maculantur enim in viventibus. Alii ciathum aqua plenum cartilagini ensiformi inter pectus, & umbilicum collocant: diaphragmatis namque motus, si quis forte reliquus erit, costis spuris communicatus, aquam quoquomodo versabit (a).

Winslovius ait, consultius fore si corpus in alterutrum latus convertatur, ita ut extrema costæ antipenultimæ cartilago supremum situm obtineat, eique ciathus imponatur.

II. At hæc experimenta non semper fidelia in mortis certitudine detegenda inveniuntur: quandoque enim respiratio ita lenis est, ut nulla certe ratione innotescat: quandoque etiam vapores ex veris cadaveribus emanantes specula
comma-

(a) Lancis. de mort. subit. l. 2. c. 13. & 16. aliique passim.

commaculant. Humores etiam in mortuorum abdomen descendentes fallaci motu decipiunt.

Ut igitur firmitus evadat iudicium, alia hic indicia prædictis addenda, & explicanda sunt, quorum pleraque tutiora existimantur. Præcipuum, ac tutissimum esset putrefactio, saltem partialis, vel ipsius initium: nimirum foetor cadavericus, qui saltem aperto ore sentiatur, e visceribus corrumpi incipientibus ascendens. Livor item, vel lividæ maculæ, aut nigredo in corpore, ac ejusdem extumescencia. Cæterum cum putrefactio aliquando moram faciat, partus autem cæsareus celeritatem postulet, cætera signa tum ab aliis, tum a Lovisio in opere de certitudine signorum mortis allata, investiganda sunt.

Primum est faciei immutatio. In morte apparente faciei forma consistit, in vera labefactatur, & colorem pallidum, plumbeum, vel croceum induit. Si diuturnæ ægritudini syncope superveniat,

squalor erit cadavericus, at membra non erunt inflexibilia. Quod si talia evaderent, necesse erit juxta mox tradendam regulam disquirere, utrum inflexibilitas cadaverica sit, an convulsiva.

Secundum est corporis pondus nimium, evanescentibus spiritibus, qui prius illud mobilius, leviusque reddebant.

Tertium, licet non omnino necessarium, est frigiditas cadaveris, quæ tanta ex Feifoo sit, ut illam rami ab arboris trunco recenter excisi, & in eodem aere, quo mortuus jacet, collocati exactissime indagatam (a) coæquet.

12. Quartum, profecto validissimum, est membrorum rigiditas, & inflexibilitas etiam ante calorem deperditum; ita ut nisi defunctus quamprimum indusio, cæterisque mortuariis vestibus de more induatur; ejusque oculi ab adstantibus claudantur; hæc omnia deinde non facile peragi queant. Quoniam vero datur syncope convulsiva,

(a) Feif. *Theatr. Crit.* t. 5. disc. 6. §. 8. n. 27.

vulsiva, quæ membrorum etiam inflexibilitatem præsefert; sciendum est, ipsam tunc pro signo mortis haberi, cum mortem subsequitur: si enim cum putata morte pari passu venerit, symptoma erit convulsivum. Convulsio autem est involuntaria ac permanens contra naturam contractio: unde in statu convulsivo, si e. g. anteriora brachii sunt laxa; muscoli bicipites duritie laborant, quæ non observabitur in antagonistis. At in casu veræ mortis muscoli, qui ad contrarias actiones a natura destinantur, in statu consimili perseverant, nullumque argumentum elucet, eorum alterutrum in statu violento reperiri.

Planius, & clarius: ubi rigiditas, & inflexibilitas ex convulsione orta sit, impossibile; vel pene impossibile erit, membrum cogere ad motum contrarium illi, ad quem fuit ab actione musculorum convulsiva determinatum: quod si forte compelleretur, nihilominus deinde sibi relictum ad locum pristinum magna vi subitoque redi-

ret. Contrarium accidit in cadaveribus: coacta enim articulatione membrum ad hunc, vel illum motum, quamquam inter se contrarios, more corporum inanimatorum, ostendet indifferentiam. Hoc præsertim in maxilla inferiori observabitur: si enim hæc in mortuis a superiore dividatur, sejuncta, & in eodem loci puncto, in quo posita fuerit, remanebit; quod si deinde ad naturalem situm appropinquet; id paulatim faciet, aliqua semper intercapedine inter se, ac superiorem maxillam relicta. Si vero, quæ mortua creditur, passione tantum hysterica, vel aliquo convulsivo morbo detinetur; inferior maxilla a superiori nonnisi illata vi disjungetur: attamen si postea dimittatur, sui juris facta iterum celerrime ad superiorem accedet (a). Porro ubi corporis pondus adest, maxime cum frigiditate conjunctum, & membrorum rigiditas; patet non solum sanguinis circulationem omnino cessasse, sed motum ipsum intestinum: ac proinde circulationem prædictam amplius redintegrari

Q

(a) Verdier & Caumant. ap. Bruhier. in præf. oper. de incert. sign. mort. Lovis. de cert. sign. mort. epist. 4.

grari non posse. Verum rigiditas, ac frigiditas non sufficit, ubi malum ex frigore processit. Oportet eo casu hominem in fimo deponere, aliisque præfidiis adjuvare: mox enim clarescet, utrum de eo sperandum, an desperandum sit.

13. Quintum & præ cæteris vehementissimum signum est pannus vitro similis, qui in ipso mortis agone incipit efformari, & in mortuo super oculorum corneam brevi coalescit, ita ut frequenter pupillam ipsam occultet. Is tenuissimus est, & in plures partes discinditur, si cornea, de qua exsudat, abstergatur, & ob illum defunctorum oculi nativum colorem, ac splendorem amittunt: quo fit, ut imaginem eorum, qui in illos adspiciunt, amplius non repræsentent, ut in vivis, quorum oculi pro speculo sunt. Signum tamen hoc fallere tantum posset in certis palpebrarum morbis: verum in istis, ut & in aliis, ubi mors intercesserit, oculi passi, ac flaccidi evadunt, quod nunquam in aliqua ægritudinum cir-

cumstantia, sed tantum in vera morte observatur; unde id semper juxta Lovisium (a) extinctæ jam vitæ signum reputandum est caracteristicum, & infallibile.

Cæterum ubi solita perspicimus mortis indicia, non necesse erit pannum vitreum esse perfectum, sed sufficiet formari jam cæptum. Itaque dum membra flexibilia sunt, ac oculus in statu naturali persistens propriam servat firmitatem, atque fulgorem; mors certa esse nequibit. Et contra si membra sunt inflexibilia, & simul oculus jam deformatus, ac mollis effectus est, aut saltem panno vitreo decolorari cepit; corruptione cadaveris non indigebimus, ut audacter pro morte pronunciemus. At nihilominus ad uberiores cautelam flammam supradictæ candelæ naribus extinctæ semper admovebimus, ut in adustione dignoscamus, an aliquem sensum ostendat: incisionem vero adoriemur leniter, & non in modum crucis, ut in sectionibus anatomicis, & condiendis balsa-

mo

(a) Lovil. *loc. cit.*

mo cadaveribus, sed per lineam longitudinalem, ut si forte, quod cavit Senatus Venetus, prægnans resiliat, ac se viventem subindiget, & chirurgus desistere, & illa sanari facilius queat (a).

14. Major est difficultas comprobandæ mortis ex causa repentina: in ea enim sæpe defunt signa antecedentia, & non raro etiam comitantia, quapropter sola inferviunt, quæ mortem sequi solent. In his ergo casibus, si capitis abscissionem, truncique dissectionem, ac similes mortis causas omnino invincibiles excipias; maxima cautela incedere oportebit. Et ante omnia semper, & sine limitatione mora aliqua prudentum arbitrio & pro variatione circumstantiarum ex Lancisio erit necessaria (b).

In histericis, aliisque similibus plerique tradunt, expectandum esse, ut 72. horæ præterlabantur,

si certa mortis signa non appareant, ac multo magis ubi signa extent æquivoca vitæ. Idemque alii docent de submersis, ut alibi diligentius expendemus. Reliquas repentinæ mortis origines jam supra indicavimus. Mors autem præsumitur ex repentino malo provenisse, ubi chronicus ipse morbus, vel acutus non usque ad agonem, similemve statum morti proximum processerat: unde infirmi extinctio non adeo imminens timeri poterat (c). Nihilominus in causis ipsis subitaneis, ubi naturalia signa jam existentis mortis, videlicet corporis pondus, membrorumque rigiditas, & inflexibilitas adest cum panno super coroneam extenso, de morte non dubitandum.

Igitur si oculi non sunt deformati, & membra sunt flexibilia, hæc vel ideo accidunt, quia qui mortuus creditur, vivit adhuc, vel quia mors nondum mala illa

Q 2 pepe-

(a) Melli *de art. Obstetric. Cap. de Part. Cæs.* Heister. *Chirurg. t. 2. sect. 5. c. 113. n. 2. in addit.*

(b) Lancis. *de mort. sub. lib. I. c. 13. & 16.*

(c) Feif. *loc. cit. §. 6. n. 22. & §. 11.* Bruhier. *dict. tract.*

peperit, quæ gignere confuevit. Cum autem nesciamus, quænam ex his vera sit causa; omnino superfedendum est: & interim omnia tentanda sunt remedia, quibus homo, si forte vivus, ad vitæ munia revocetur. Profecto in aliquo e tribus statibus, qui repentino fato mortuus videtur, constitutus credi potest, vel enim revera mortuus est; vel vivit cum aliqua futuræ incolumitatis spe; vel vivit quidem, sed, desperata salute, mortem habet præ foribus. In primo casu mortis signa solita, & caracteristica moram non facient, sed mox necessario prodibunt. In secundo adhibita auxilia vel salutem infirmo restituent, vel saltem latentem ejus vitam in apertum proferent, ipsum ad sensuum officia reducendo. In tertio remedia carebunt effectu; & mors apparens in veram cito commutabitur: quo facto solita, & caracteristica signa mortis brevi consurgent.

15. Intentio autem curationis in similibus erit spiritus oppressos, & consopitos exsuscitare, motum liquidis restituere, solida ad pristinam functionem liquida propel-

lendi redintegrare. Ad primum conducunt vel maxime spirituosa: ad secundum discoagulantia, & sanguinis emissio: ad tertium cujuscumque generis motiones.

Porro ut spiritus languentes exsuscitentur, sensus omnes percellendi sunt, oculi lumine, aures vocibus, mortuum putatum proprio nomine nunc voce leniori, nunc elatiori compellando, cantu etiam, & sono pertentandæ. Nares acutioribus sternutatoriis; ac spiritu Salis Ammoniaci, vel Sale Ammoniaci volatili, aliisque similibus, maxime vero penicillo ipsis illito irritandæ: os etiam, ac præsertim gingivæ, sæpius ejusdem salibus perfricandæ: organa tactus, nimirum plantæ pedum, volæ manuum, & digitorum extremitates, stimulanda, atque pungenda. Demum summo capiti, vel plantis pedum ferrum candens, vel per instrumentum ignitæ laminæ applicandæ; aliquo interim perito pulsus & cordis motum indagante: in vivis enim aliquem subsultum ille percipiet. Ad motum liquidorum in primis (ubi competit phlebotomia, præsertim in apoplecticiis, strangulatis laqueo, carbone, ac

ac similibus, itemque submersis) vena jugularis, vel respective manus aperienda est, ut sanguis majori acquisito spatio, facilius circulare valeat per oppletum caput, five pulmones. Vesicantia applicanda, vel potius lapis ad cauteria; nam ultra virtutem sanguinem dissolvendi, sunt Prevotio maximum experimentum ad vitæ dubium extricandum: in vivis enim tantum, non autem in mortuis pustulam excitabunt.

Demum ad solidorum motum succussiones, frictiones, verberationes plantarum, totiusque corporis, temperatæ tamen, dimotiones. Et hæc sane quasi externa remedia.

16. Calor autem, & principia elastica in corpus ipsum introducenda; proinde hoc aeri frigido illico subductum pannis calefactis, & copioso aromatico spiritu gravidatis foveatur; vel contra nive corpus ipsum obruemus, ut solidorum tonus intendatur, & internus calor torpescens ad adversarii frigoris præsentiam irritetur,

& convalescat. Verum si submersum fuerat, vel frigore afflictum; ad ignem, moderatum tamen admovebitur: si vero hypocaustum necessarium judicemus: hoc aromaticis effluviis complebimus.

Ingerendus quoque maxima dosi, paulatim tamen, atque guttatim, per os in ventrem, si fieri potest, Spiritus Ammoniaci Salis, aut similes. Inferiora etiam non deferenda. Competunt propterea clysteres acerrimi, Enemata, fumus Nicotianæ, seu Tabacci per instrumentum a Bartholino, ac Lovisio (a) delineatum: mirabilis enim est usus in submersis, & aliis ad motum peristalticum in intestinis, & consequenter sanguinis circulationem, & vitam instaurandam.

Nec si prædicta optatum exitum non cito fortiantur, propterea desperandum est Medico: curam ergo nihilominus strenue prosequatur: multoties enim nonnisi post remedia per duas, tres, imo

Q 3

qua-

(a) Lovis. loc. cit. in exam. rat. de Subm.

quatuor horas exercita se vita manifestavit (a).

17. Cæterum si post omnia tentamina per longum temporis spatium continuata, nihil omnino profectum est; qui jacet, vel vere jam e vivis excessit, vel saltem brevissime indubitanter excedet: quamobrem cito etiam signa mortem consequentia apparebunt. Quamvis enim concedamus, dari posse casum, quo respiratio omnis, omnisque circulus in sanguine, cæterisque liquidis conquiescat, & nihilominus infirmus vitam retineat, dum natura spem aliquam, ut ita dicamus, habeat, fore ut per intestinum saltem sanguinis motum respiratio, ac sanguinis circulatio redintegretur: hoc ipsum tamen doctrinæ traditæ nequaquam obstat: nam homo in tali statu suspensionis nonnisi brevi tempore manere poterit: cessante enim circulatorio sanguinis motu, non diu durabit intestinus; cessabunt etiam, uti optime notavit Offmannus, liquidorum secretiones, ac transpiratio: itaque non solum sanguis, ac alia liquida coagulum

facillime contrahent, sed etiam brevi coinquinabuntur, & ad motum, aliasque vitales functiones inepta reddentur. Unde propter hoc ipsum festina mors & indeclinabilis irruet. Quamquam enim dentur Naufragi per plurimos dies ab aquis erepti, & subsidiis antedictis ad vitæ officia reducti, id vel ex eo factum est, quod conservabant adhuc ex particulari corporis œconomia, licet sine respiratio- ne, aliquam saltem tenuem sanguinis circulationem, vel quia si hæc omnino intermissa cessaverat, non subjacebant tamen aeris actioni. Sed ex aquis educti diutius in suspensionis illo statu consistere non possunt: humores enim, aere jam in ipsos vim suam exercente, ob allatas rationes corrumpi necesse est.

Interim vero si defunctæ prægnantis membra sunt adhuc flexibilia, & oculi antedicto panno vitreo non cooperti, nec flaccidi, passi, aut dissoluti, nunquam ad sectionem deveniendum erit, quamvis plures dies ab apparente morte defluerint.

CAPUT

(a) *Idem loc. cit. Ep. 6. in Animad. Bruhier. de incert. sign. mort.*

CAPUT III.

Solvitur objectio, ex Bruhierii Opere de incertitudine signorum mortis desumpta.

1. Illud restat, ut cuidam hic objectioni occurramus. Clarissimus porro Winslowius Thesim Aprili mense A. 1740. in Scholis facultatis Parisiensis defendit, & edidit, in qua mortis signa non minus incerta a chirurgicis, quam ab aliis experimentis perdocuit. Hanc Thesim ingenti apparatu Bruhierius commentatus est in suo percelebri opere *de incertitudine signorum mortis*: ibique plusquam biscenta sexaginta refert exempla de vivis reputatis mortuis: imo etiam de sepultis: qui vitæ munia resumpserunt. Existimat propterea Bruhierius non dari certum, & indubitabile mortis signum, nisi solam putrefactionem: ideoque ante ipsam cadavera nec sepelienda, neque exenteranda, ut balsamis condiantur. Ex Bruhierii ergo doctrina tot exemplis confirmata, cui etiam favere videtur Feifous, possent

nonnulli deducere, gravidas non esse incidendas, maxime propter hysterici mali suspicionem, nisi post corruptionem, quæ cum per plures etiam dies tardare soleat; foetus interim necessario periret, tum propter moram, tum propter ipsam matris putredinem, quæ prius puerulum inficeret intus, quam foris erumperet.

2. Verum ad Bruhierii librum varia nonnulli respondent. Ac primo plurima ejusdem exempla esse a primis narratoribus, præsertim gentilibus ad suos Heroes celebrandos conficta; nonnulla ut ipse Feifous observavit (a) esse suspecta, aut saltem non authentica: quædam etiam non obscure comicam fabulam sapere, ab iis tamen vulgata, qui narrandorum portentorum pruritu laborabant, qui morbus & vixit semper, semperque vigeat. Sane quæ de

(a) Feifous *loc. cit.* §. 1. n. 11. & 14.

de Joanne Duns Scoto non pauci scripserunt, Wadingus commentitia ostendit (a). Quid, quod alia sunt forte duplicata, ut sit in similibus? Nimirum unoquoque ex narratoribus sese vidisse testante, quæ aliis locis, atque temporibus ab aliis visa sunt.

Quam facile autem hujusmodi narratiunculæ originem suam ducere possunt a vulgi rumore, mulierculis præsertim disseminantibus, ex aliquo dubio signo in cadaveribus animadverso, puta ex sudore a fronte, vel toto corpore dimanante, ex calore diu conservato, ex facie vivida, & rubicunda, ex capillis, unguibus, aut barbæ pilis crescentibus, ex fortuito motu cadaveris, vel saltem ejus capitis non bene collocati, & firmati, muribus præsertim dimoventibus, vel denique ex nimis incensa, & versatili adstantium phantasia?

His vero non obstantibus non negabo magnam Bruhierii exemplorum partem me veram reputa-

re: nam & in Sicilia interdum similia contigisse non dubia fama vulgavit.

3. Cæterum hæc, aliaque hujus generis facta ut plurimum ad casus repentinos, ac mala subitanea pertinent, puta, syncope, apoplexiam, submersionem &c. Nos vero supra monuimus in his diligentissimo examine investigandum, utrum revera prægnans mortua sit, nec eam incidendam, nisi postquam signa mortis characteristica illuxerint. Quod si apparentes aliquæ mortes, a Bruhierio narratæ, ex morbis periodicis processerant; regulariter, ut ex ipsa patet historia, in Nosocomiis, vel pestis, aut gravissimæ epidemiæ tempore, fefellerunt. Nemo tamen est, qui nesciat in hujusmodi circumstantiis omnia tumultuario geri, ac propter festinationem in sepeliendis mortuis facillime errari. Idemque de iis dicendum, qui in prælio ceciderant. Si qui vero in proprio lecto, & extra prædictas angustias visi sunt obiisse, ac postea

(a) Wading. *in vita Scoti*, quem Feifous, & alii sequuntur.

postea surrexerunt; id sane tribuendum imprudentiæ, atque ignaviæ domesticorum.

Cum enim isti ægrorum nonnisi mortem expectarent, ex aliquo ipsorum actu, motuque ac subsequente corporis totius externa quiete, primo illos extremum spiritum exhalare, deinde anima jam destitutos esse firma persuasione judicant: nihil aliud exinde curantes.

Quapropter neque ipsorum arterias, neque cor exploravere, nec sedulo indagavere, utrum tenui saltem respiratione uterentur. Uno verbo nullam industriam, quam potuissent, ad mortis veritatem per solita signa, & experimenta inquirendam contulere, atque ea fuit perniciosissimi erroris occasio.

4. Contra vero apertissime observari poterit in pluribus exemplis ab ipso Bruhierio relatis, ægrotos, qui deinde restituti sunt, quamquam primo intuitu spiritum emisisse viderentur, habuisse tamen quædam sive certa, sive dubia saltem vitæ signa: ob quæ non solum eorum sepultura ad plures dies dilata fuerat; sed omni ope, & Medici, & dome-

stici eos ad vitam revocare nixi erant: quod tandem felicissime obtinere. Alii profecto naturalem calorem conservabant: aliqui membrorum flexibilitatem, vel tenuem respirationem, aut pulsum; nonnulli etiam medicamenta deglutiebant: alii denique dormientibus similes potius, quam mortuis cernebantur.

5. Insuper aliud est, dicere, homines multoties errasse, illos reputando mortuos, qui vitam retinebant, aliud est dicere, vivos a mortuis internosci per signa non posse: sicuti etiam aliud est dicere, sæpe adulterinam expendi pecuniam pro incorrupta: aliud tamen adstruere, non dari modum ad discernendum in pecuniis aurum probum a vitioso: primum enim verum, secundum omnino falsum existimatur.

Id etiam addendum, in errores istos imperitos propter scientiæ, & experientiæ defectum, non vero Medicos impingere; quamquam, etsi Medici ipsi ob incuriam, imprudentiam, præcipationem, vel si mavis incitiam, propter
R quam

quam generales regulas particularebus circumstantiis aptare quandoque nesciant, fallerentur, id artis regulis, quæ certæ sunt, ac stabiles, fraudi esse non debet, ut aperte monuit Celsus Latinorum Hippocrates (a). *Adversus quos, ait, ne illud quidem dicam, quod notæ positæ non bonos, sed imperitos medicos decipiunt; quod Asclepiades funeri obvius intellexit, eum vivere, qui efferebatur: ne protinus crimen artis esset, quod Professoris sit.* Idem sentit Magnus Lancifius (b) idemque fatetur ipse Winslowius: *Sæpe numero incerta fallunt incertæ mortis signa non tam artis crimine, quam aut imperitia, aut negligentia artem profitentium, atque exercentium, ut & adstantium vel incuria, vel inopia, imo quandoque malitia.* Nam quale probrum esset medicinæ, si mortem, quam adventantem a longe subodorari gloriatur, præsentem jam, & ob oculos positam discernere non valeret?

6. Inde factum est, ut Bru-

hierii Librum, quamquam cæteroqui ob publici boni studium, ac eruditionem, valde laudandum, impugnaverint viri egregii Abbas de la Fontaine, atque Lovisius, ostendentes, non opus esse corruptione, ut mortem indubitanter agnoscamus. Lovisius quidem docet decolorationem, ac flacciditatem oculorum panno vitreo adnascente, maxime rigiditati, & inflexibilitati membrorum, modo supra explicato conjunctam, esse mortis characteristicum, ac tutissimum signum. Profecto nullum a Bruhierio exhibetur factum, in quo hæc oculorum deformatio aliquando deceperit. Verum præscindendo etiam a quæstione inter Bruhierium, & Lovisium agitata, utrum præter putrefactionem dentur signa mortis indubitata: imo dato etiam, & non concessio antedictam oculorum deformationem esse notam per se fallibilem; adhuc fidenter dicam omnes eos, qui cuncta mortis signa præ se ferunt, nullum vero quam-

(a) Celsus de re medic. l. 2. c. 6.

(b) Lancif. de mort. subit. l. 1. c. 16. Winslow. in Thesi An mort. incert. Apr. 1740.

quamvis æquivocum vitæ, si omnia facta sunt a peritis tentamina per competentem temporis moram, ut ad vitæ officia redeant, & nihilominus in eodem statu permanent, certissime defunctos esse; quamvis enim aliquando, etsi raro, hoc, vel illud signum singulariter consideratum fefellerit; ac similiter hoc, vel illud remedium ad suscitandum, qui mortuus videbatur, non suffecerit, quod tantummodo ex allatis a se exemplis ad summum contendere posset Bruhierius: attamen neque apud ipsum, neque apud alios reperiri queunt casus, ubi tota signorum mortis collectione suffragante sine ullo vitæ saltem dubiæ indicio: omnibus item remediis ad excitandum decumbentem serio per congruum temporis spatium adhibitis, Medico præsertim observante, & pro morte decidente, sit unquam erratum. Nam quo pacto falsa poterit esse mors tot naturalibus notis contestata? Quomodo autem vera vita, quæ nullo prorsus nequidem æquivoco signo sese indicaret? Quibus tandem abdita,

& retrusa penetralibus illa delitesceret? Cæterum quamquam his non obstantibus arbitraretur aliquis, mortem sine putrefactione non esse physice indubitata, nemo tamen negare poterit, eam saltem summum in hypothesei certitudinis moralis gradum attingere, tantoque clariorem ex ipsis Feifoi principiis futuram, quanto plura erunt indicia comprobantia (a). Profecto mentiuntur quandoque & mulieres, & viri non solum ignobiles, sed & sublimi loco nati, Philosophi quoque, vel pietatem profitentes. Quis autem pernegare auderet factum, quod omnes illi uno ore contestarentur? Quod enim singuli certum non facerent, certissimum redderent universi.

7. Si autem cum hac morali saltem certitudine mortuos incidere, vel sepelire non liceret, atque ad putrefactionem expectandam cogeremur; ut alia omittam, quomodo unquam ad anatomicas sectiones medicinæ, atque ideo salutis hominum tam necessarias devenire

R 2

(a) Feifous *loc. cit.* §. 8. n. 31.

venire fas esset? Cadavere enim corrupto neque chirurgus intolerabili foetore prohibitus posset incidere, neque incisio intentum obtineret: corporis nimirum vasis a putredine ipsa jam destructis, liquoribusque confusis: quodque deterius est, (ut ipse Feifous (a) ingenue fatetur) humationis retardatio periculosa esset viventibus: nam ex ea, & morbi, & lethales epidemiae, & pestilentiae in humani generis perniciem orirentur.

8. Quod si generaliter ex praedictis ad iudicium de morte ferendum non expectanda putrefactio est; in negotio, de quo agitur, eandem praevenire prorsus oportet; cum infantulo de vita non minus aeterna, quam temporali periclitanti succurrendum sit, cui tanta mora sine ullo dubio fatalis esset futura. Quapropter etsi supponeremus, non obstantibus quibuscumque mortis indiciis, evenire posse, ut aliqua praegnavis viva disseccaretur, nihilominus eo periculo neglecto, sub gravissimi

criminis reatu ad partum caesareum efficiendum omnino teneremur. Cum enim periculum illud esset remotissimum; non deberet chirurgos a sectione abstertere, vel eos tardiores reddere, quam par est: ac multominus sacerdotes quasi irregularitate irretiendos, ubi gravida forte vivens secaretur. Nam si putabat Heisterus (b), vix e centum millibus, quos prudens, vel etiam mediocre vulgus mortuos credidit, unum inventum esse; qui vere vivus extiterit: quid ille diceret, si in usum superius expositae cautelae, ac experimenta venirent?

Caeterum etsi aliquis aliquando subreperet error; dummodo illi prudenter se gesserint, non eis a Deo imputabitur matris infortunium, quod averfantur, sed pueri liberatio, quam intendunt. Prudenter autem sese gerunt, si prius ea signa in praegnavante perspexerint, quae communiter in mortuis observari solent, sique omnia simul praestiterint, quae ab arte medi-

(a) *Idem loc. cit. §. 7. n. 26.*

(b) Heister. *Chirurg. t. 2. sect. 5. c. 113.*

medica in his circumstantiis præscribuntur. Neque enim tandem in agilibus exigere semper possumus certitudinem metaphysicam, vel mathematicam: imo interdum nec physicam, sed ea ex Aristotelis monito (a) contenti erimus quam materia ipsa permittit. Corruerunt quandoque terræ motu furente firmissimi pontes cum morte viatorum, parietes etiam dormientes in cubiculis oppresserunt. At quis ab hoste impetitus per pontem fugere non festinaret? vel sub dio cubare vellet brumali tempore? Nimirum proxima pericula declinanda sunt: valde autem remota, & mere possibilia contemnenda: maxime si necessitas ad operandum urgeat, fecus irrationabiliter ageremus. Cum igitur cavenda sit spiritualis parvuli ruina, partum cæsareum imprudenter differre non licet, aliter enim innumeri infantes, priusquam ferum illis, & inutile adveniret auxilium, vita spoliarentur, & in æternum perirent. Porro si testimonium hominum, qui tam sæpe falli, & fallere possunt, ad pœnam capitis infligendam satis

est, quare consueta, & bene discussa finitæ jam vitæ signa, quorum testimonium, utpote a natura ipsa profectum, multo tutius est, ad liberandum per sectionem pueros non sufficere judicabimus?

9. Majorem esse oportet mortis certitudinem ad approbandum resurrectionis miraculum in Beatificatione, five Canonizatione Sanctorum; tum quia hujusmodi causæ sunt ex majoribus, & arduis: tum quia, si miraculum non approbetur, nulli damnum infertur, tum quia cum miraculum natura sua sit rarum, non præsumitur. Quare nisi clarissime, & evidenter probetur mors antecedens; credendum est potius hujusmodi mortem fuisse apparentem, quam resurrectionem fuisse veram. Et nihilominus adstrui poterit mors; imo & physice quoque certa vel ante corruptionem existimari per signa propria in ipsis Apoplecticis, Histericis, ac similibus, in quibus, qui expectandam esse quantam diem tradunt, intelligendi veniunt, uti Ss. Pater Benedictus XIV. R 3 docet,

(a) Aristot. I. *Ethic.* c. 5.

docet, ubi a signis, & experimentis præscindatur, & in solo temporis lapsu probatio consistat: quanto magis ergo probatio per signa, & experimenta in causa nostra erit admittenda, quæ revera e vulgaribus est, & moralem tantum expostit certitudinem? Profecto damnum infantis in dilatione Cæsarei Partus est summum, neque hic agitur de miraculo, sed tantum de morte adfirmanda; quæ cum non solum naturaliter sit possibilis; verum etiam tandem aliquando necessaria; si cautelæ omnes adhibitæ fuerint, & ejus characteristicæ signa intercesserint; non solum prudentissime præsumi, sed omnino pro certa haberi debet.

10. Illud tandem summopere animadvertendum est, Bruhierii Librum nihil aliud intendere, quam sepelitiones, & balsamationes, in quarum dilatione, ut ipse putat, nihil esset incommodi, vel ad summum alias non necessarias cæsuras ante putrefactionem esse vetandas: & nihilominus id ipsum Gallis popularibus suis nequa-

quam persuadere potuisse, non tamen docuit, partum Cæsareum, ad salvandos pueros profus necessarium, tanto tempore differendum. Hoc enim idem esset, ac illum absolute damnare. Contra vero eundem valde commendat, efficaciter probans, nonnatum filiolum extinctæ jam matri posse in utero supervivere, pluribusque rationibus, & exemplis firmat, nefas esse pueri extractionem omittere, conqueriturque maxime Romanorum de partu cæsareo sanctionem in Galliis parvipendi (a). Imo quod magis notandum est, porrecto libello in delinatione condendæ constitutionis apud Regem instat aperte, ut legem ille ferat, qua hujusmodi sectio in mores omnino inducatur: *Statutum*, ait, (b) *etiam obviare deberet crimini illi, quod Romanorum Leges inter homicidia computabant, quodque magis quotidianum experimur: nimirum ante cæsaream incisionem, saltem post mortem faciendam, sepelire prægnantes. Hæc prava consuetudo non minus naturali, quam positivo juri adversa-*

(a) Bruhier. *de Incert. sign. mort.* t. 2. cap. 4.

(b) Tom. 1. in fine fol. 581.

versatur, & ipse in mea dissertatione plura parvulorum attuli exempla, qui post plures a morte matrum dies adhuc vivi exorti sunt.

Exoptat denique, ut in partibus desperatis fiat incisio vivente matre: quo scilicet & ipsa, & foetus una liberentur: neque illius mortem expectemus, ne dilatio utriusque ruinam afferre valeat.

II. Ad hæc Bruhierius tres non exigui certe momenti errores merito reprehendit. (a)

Primus eorum est, qui charitate frigefcente domesticos suos ægros extrema unctione jam expiatis non amplius medicaminibus juvant: imo quod ipse olim interdum observavi, nec alimento reficiunt, sed prorsus derelinquunt veluti victimas indeclinabili morti devotas. Etenim si ex illis ipsis, qui falso mortui crediti sunt, non pauci ad se redierunt; quænam erit amabo te vecordia, atque stultitia, indubie adhuc viventes ita deferere?

Secundus aliorum est, qui hominem simul ac expirasse putatur, arcae mortuariæ includunt: ita enim si forte ille syncope opprimitur, aeris recentioris ingressu prohibito, necessario suffocabitur; aut saltem si deinde vitæ aliqua indicia præbeat; ab adstantibus ea percipi nequibunt.

Sed irrisione certe non minus, quam execratione dignus est tertius. Nosocomiorum leges vetant, ne defuncti, dum calorem adhuc retinent, sepulturæ mandentur, propter suspicionem scilicet vitæ latentis. At quid excogitarunt egregii quidam Nosocomiorum Præfecti? Cum calor ille diligentissime foveri potius deberet, quam data opera extinguui; utpote qui aliquoties vitam denuo accendisse perhibeatur; marmoream tabulam statuere, ubi mortui deponantur, quousque omnino frigescant: atque præclara ista legis interpretatione certissime occidendo (si qui forte sunt) vivos, revera cavent clientalis suis, ne calidi,

(a) Bruhier, *de Incert. sign. mortis* t. 1. c. 1. §. 6. *observ.* 2. fol. 146. & p. 13. fol. 313. & tom. 2. c. 1. fol. 77. & seq.

lidi, imo etiam ne vivi unquam sepeliantur. (a)

Alia etiam utilissima in hoc genere admonet Bruhierius: quorum sane plurima pro majori cautela in praxim deduci expediret;

ac præsertim in mortibus repentinis nequaquam omitti. Ea quidem ab instituto nostro aliena præterimus: at parochus in laudato auctore legere non dedignabitur, & quo ad ejus fieri poterit, in paræcia fervari curabit. (b)

C A P U T IV.

Praxis partus Cæsarei defunctorum.

Iam vero gravidæ, morte satis explorata, sectio sequenti modo instituenda est. Duæ ex astantibus feminis illico eam convenientiori situ supinam supra mensam, vel ipsum utique lectum collocabunt, eamque manibus firmiter, ne commoveatur, detinentes, commoditatem chirurgus præbebunt, ut munus suum exequatur. Incisionem is ergo præstabit non ad modum crucis, at linea longitudinali, ut si forte prægnans mortua non sit, ac sensum, ideoque vitam ostendat; facilius sana-

ri valeat. Antequam sectionem aggrediatur chirurgus, manu tentans diligenter inquirat, ubi sit fœtus, & utrum proximus periphereiæ, seu parti extimæ ventris inferioris, tum ut sciat prudenter se gerere circa majorem, vel minorem vulneris profunditatem, tum propter alia prope hujus capitis finem exponenda. Utitur autem scalpro chirurgico recurvo, dicto Gambaut, vel cultro, vel novacula, incipiens a parte, quæ substat cartilagini ensiformi, id est, paulo supra umbilicum, fed

(a) *Idem t. 1. c. 1. §. 12. fol. 292. & §. 13. fol. 312. & 322. & cap. 2. §. 3. tom. 2. cap. 2. fol. 26. & seq. & cap. 5. §. 3. fol. 526. & 544. & in memoria fol. 513. & in idea constit. faciendæ fol. 577.*

(b) *Idem t. 1. in memor. fol. 547. & in idea constit. faciendæ fol. 576.*

sed parumper a latere, ut umbilicus ipse, quia secatu difficilis, evitetur: descendetque inferius usque ad superiorem partem pubis, cæsura sufficienti ad discindendum non solum pellem, verum etiam musculos rectos, qui subtus latent, videlicet carnem. Pellis nomine intelliguntur tegumenta a Medicis appellata communia, nimirum cuticula, corpus reticulare, cutis, & membrana adiposa, seu cellulosa, sub quibus existunt muscoli recti, seu caro prædicta. Hæc omnia simul juncta profunditatem constituunt unius digiti cum dimidio: tegumenta namque simul unita ut plurimum paria sunt lato dorso cultri, muscoli vero uni digito circiter: quamvis non semper eandem servant mensuram, sed pro diversa magnitudine, ac pinguedine corporis uni, vel pluribus digitis interdum adæquantur. Exigit vero prudentia, ut Chirurgus crassitiem semper supponens esse minorem, in incidendo cautissime sese contineat.

2. Discissis ergo tegumentis, ac musculis, in conspectum sese dabit magna abdominis membrana, dicta peritonæum, quæ ex dua-

bus aliis membranulis coalescit, ut plurimum crassitiem habens vel firmioris, quo passim utimur ad cribrandum. Chirurgus illam leniter incidit, nam tenuis est; & digitum aliquem sinistræ manus introducit, ut eodem instrumento, vel etiam forcibus, peritonæi cæsuram dilatare commodius possit. His peractis, & intestinis manu a parte disseccanda tantisper amotis, apparet uterus: ejus vero situs est medius inter vesicam urinariam, & rectum intestinum, sed in gravidis magnitudine auctus distenditur, comprimitque vesicam, quare ad illum inveniendum non opus est eam discindere: quod si prægnatio non multum processerit, cura erit periti, vesicam pro utero non accipere, sed hunc in ante dicto situ invenire, & ad ipsius incisionem deinde pergere. Si autem sectioni matricis vesica, urina tumens, obstaret: aperienda primum hæc esset; ut urina diffluente subsidat, & impedimentum evanescat. Uterus nunc majori, nunc minori est longitudine, ac latitudine, pro graviditate magis, aut minus antiqua ipsum distendente, & pro numero, & magnitudine foetuum,

S

in

in eo contentorum. Mauriceaus advertit (a) ipsum esse tenuem, ac in fine prægnationis nunquam excedere crassitiem dorsi, quod est in cultro, sive monetæ argenteæ, quam *Piastra* vulgariter appellamus. Contrarium alii scribunt: ut ut autem sit, leviter, nec totus unico instrumenti ictu est incidendus, ne forte vulneretur infantulus. Itaque hic sese offert secundinis circumvestitum, quæ facile dignoscuntur: videntur enim ex confusa venarum suarum multitudine sanguinem veluti emittere, & manu ipsa lacerantur, vel si duriusculæ scalpro, vel forbicibus, aut alia ratione scinduntur. Non desunt vero Chirurghi, qui, postquam manu tractantes, ubi sit foetus, invenerint; longitudinali lineæ in Cæsareo partu faciendo latitudinalem præferant. Mauriceaus vero primam suadet, utpote commodiorem: in ea enim nonnisi muscoli recti, seu tendinosæ illorum extremitates inciduntur, in altera vero, seu laterali, persecari debet intima caro obliquorum, & transversalium

musculorum, quorum cum unus alio sit superstratus; crassitiem habent valde notabilem: atque inde cruor, qui majori copia exundat, impedimento erit, quominus chirurgus distincte, ut oportet, quid agat, inspiciat.

3. Nihil hic dicendum de omento, id est reticula, ea enim quamquam sub peritonæo, ut plurimum tamen in superiori parte abdominis latet, nec ad inferiorem usque nisi raro casu protenditur. (b) Quocirca opponere sese non solet, cum uterus est secandus: incidenda tamen & ipsa, ubi fortassis occurreret.

4. Infante igitur secundinis jam dilaceratis detecto; si Chirurgus morti proximum reperit, non illum extrahit, sed in ipso ventre adhuc existentem curat illico baptizari: at si vivacem agnoscit, resecto funiculo umbilicali ab utero tollit, & Parocho præsentat. Puerum baptizandum una ex mulieribus in eo situ detinet, quo ab aqua baptismatis ejus reipi-

(a) Mauriceaus *de morb. Gravid lib. 2. c. 33.*

(b) Heister. *in Compend. Anatom.*

respiratio turbari nequeat, scilicet primum, altera interim aquæ ampullam porrigente. Sacramento statim collato, Chirurgus funiculum ligat umbilicalem in distantia duorum digitorum ab umbilico: eundemque funiculum ad dimidium digiti supra ligaturam ipsam denuo recidit, ac diligentissime os parvuli aperit, nasumque detergit, ut respiratione utatur faciliori: eo interea prope ignem sustentato. Inde ipsum refovet, ori ejus, & naribus vinum, vel aquam vitæ, similemve liquorem admovendo: tum calefacit halitu suo, vel simplici; vel etiam vino, aut spiritu vini ore detentis roborato, illiusque faciem vino calido lavat: demum obstetrici, vel alteri expertæ mulieri tradit, mandans eum pannis calefactis involvi, & antedictis auxiliis confortari.

5. Si vero de infantulo jam extracto dubitetur, utrum vivat, an mortuus fuerit; manus capiti imponatur, ubi fontanella, seu fons pulsabilis reperitur, & arteriæ valde micant, vel sinistrae parti pe-

ctoris circa cor, vel temporibus, vel umbilico: ac si pulsatio percipitur, subito, & absolute baptizetur, utpote certe vivus: at si non sentiatur pulsatio, & nec respirationem, nec motum, neque sensum ostendat; attamen desit putrefactio, aliæque indubitabilia mortis signa; ejus exanimatio certa non erit, sed ambigua. Itaque ne temporis momentum amittatur, quo mors infantis apparens in veram commutari possit; illico sub conditione, uti mos est in dubiis, baptizetur: Foetus enim ex nimia debilitate sæpe mortuus omnino videtur, qui nonnisi æger est, vel ad summum moribundus. Et vero si hoc in ipsis adultis multoties accidit; a fortiori in infantibus abortivis, vel partu cæsareo, aut difficili editis, imo quocumque modo nascentibus, ut alibi clarissime probabo (a), remedia quoque proponens, quibus ad vitæ officia revocentur.

Cavendum tamen erit, ne matris ejusque sanguinis, aliorumque liquorum in utero putrescentium foetorem cum cadaverico
S 2 filioli

(a) Lib. 3. a cap. 10.

filioli foetore, ac ne gangrænam viventis foetus cum ejus putrefactione confundamus. Distinctionis vero signa dabimus alibi (a).

Porro si foetus certo vivus esset, monstrosus tamen, servanda erunt, quæ Romanum Rituale præscribit. Cum autem monstra facilius in partibus cæsareis viventium occurrant: dubia de illis baptizandis, vel non, ad caput nonum libri tertii rejicimus.

6. Diximus, Parochum debere statim baptizare infantulum: non enim expedit, eum ad ecclesiam deferre. Nam cum partus non fuerit naturalis, periculum subest, ne interea inopinato decedat.

7. Sed ut ad Chirurgum redeamus: animadvertat is, infantes non semper in utero inveniri: conceptio enim quandoque non naturalis est, sed vitiosa. Celebre quidem est factum Tolosanum. Prægnante nonimestri mortua, & a Chirurgo dissecta, visus est uterus gravidarum more grandis, verum scirrhusus, & crassitudine

quatuor digitorum transversorum: ejus tamen cavum exiguum, & sine ullo foetus vestigio, sed sanguine plenum grumoso, & nigricante. Chirurgus itaque jam in animum induxerat, graviditatem fuisse imaginariam: at cum defunctæ necessarii asseverarent, eam vere gravidam: totum abdomen aperuit, & in sinistro latere sub omento, seu reticula infantem adinvenit, atque Courtiali egregio medico, rem testanti, conspiciendum ostendit. Ubi ergo nota prægnatio est; si Chirurgus in utero infantem non reperit, ulterius inquirat, ventrem ampliori vulnere dissecando, ut illum deprehendat, vel in abdomine, in quem forte prolapsus fuerat, & creverat; vel in Tubis Fallopiæ, vel in ovario ipso, ubi foecundata ova quandoque subsistunt: etsi enim casus isti rariores dicendi sint, at tamen accidunt aliquando, uti recentiores omnes admittunt. Mangetus fuscus plures enarrat vitiosas conceptiones a celebrioribus antea sæculi scriptoribus oculatis testibus, cum earum circumstantiis

(b) *Loc. cit. cap. 15. n. 10. & seq.*

tiis relatas (a): nimirum tres in abdomine, quatuor in Tubis, ac tres etiam in ovario. Imo Ephimerides Germanæ, cum Heistero, (b) puerulum afferunt in vesica urinaria detectum.

8. Si vero pro foetu mola inveniatur, non ideo desperanda Chirurgo res est, & deferenda. Molam ipsam dissecet: fortassis enim in ea existit foetus. Id olim in Nobilis Venetæ sectione perspectum auctor est Alexander Benedictus (c). Simile quoque vidit exemplum Amstelodami v. Idus Februarii 1669. Kerkringius: (d) quod cum aliis etiam observationibus confirmari posset; omnes pariter molas existimo semper discindendas.

9. Item Chirurgos moneo, ut sedulo investigent, utrum alius

forte supersit in matre puer, sive Gemellus, sive ex superfoetatione extrahendus, vel etiam plures. Cæterum de hoc argumento postremo capite hujusce Libri copiosius differemus.

10. Denique si quando gravida in partu obierit, foetus autem baptizatus fuit in utero per syphunculum, aut sine illo; vel si baptizatus fuit in pede, manu, vel alio membro foras emisso, quod non sit caput: nihilominus partus Cæsareus in defuncta peragendus erit: Primo quia baptismi valor, nisi ministratus ille sit in capite jam ex utero egresso, apud nonnullos Theologos est dubius: quapropter nato deinde infanti a Rituali Romano sub conditione iterandum esse præcipitur.

Secundo, quia parvulus, quamvis

S 3

(a) Manget. *Theatr. Anatom.* p. 2. lib. 2. c. 3.

(b) Ephimer. *Germ. Nat. cur.* A. 3. observ. 318. Heister. in *Append. ad Comp. Anat. in Orat. de increment. anatom.* fol. 104.

(c) Alex. Benedict. *lib. 25. de morb. cur.* c. 29.

(d) Kerkring. *Anatom. observ.* 25. Bonet. *Medic. Septentr. t. 2. in Miscell. c. 7. in Schol. ad Bartholin.*

vis baptismum acceperit, educendus est, ut a corporis morte liberetur.

Tertio, quia forte alii sunt foetus in utero ex superfoetatione geniti, similiter etiam extrahendi, ac baptizandi.

C A P U T V.

Vitandas quidem esse moras in Cæsareo partu: eum vero, etsi notabile tempus a morte matris effluxerit, non esse omittendum, cum foetus etiam per dies integros supervivere possint.

1. **D**ictum est supra partum Cæsareum esse matre mortua quam citius adhibendum, ne forte infantis vita, tot obnoxia periculis, interim evanescat. Cæterum omnino falsum est, & ab universali experientia improbatum, quod scripsit Sanchez ab aliquo forte sui temporis Medico deceptus: maternos scilicet morbos adeo foetui in utero participari, ut prius ipsum præ teneritudine, quam matrem occidant: ita ut pene miraculum sit, foetum matre mortua vivum reperiri.

2. Falsum est etiam, quod do-

cuit Rodericus a Castro (d): Matre nimirum expirante, nullo temporis intervallo etiam puerum interire. Tribuit is vitalem infantis motum contractioni, & expansioni arteriarum umbilicalium, quem motum transpirationis appellat, a systole & diastole materni cordis dependentem, & consequenter necessario restitutum, quandocumque illæ restiterint: ac proinde autumat, matre deficiente, foetum illico, & inevitabiliter extinguendum. Qui motus, ait, *ubi cesset in matre, e vestigio cessat in infante: qui non ante umbilici scissionem spiritum per os trahit,*

(a) Roderic. de Castro l. 4. de morb. Mulier. c. 4.

*trahit, nec in utero per os respira-
re potest.* Idem sentit Varandæus
(a) aperte substinens, infantulum,
dum est in utero, non sua, sed ma-
tris vita vivere. Zacchias (b) ve-
ro, Castri, & Varandæi senten-
tiam valde emollivit: innumeros
enim fatetur foetus longe post ma-
tris obitum vivos repertos: &
partum Cæsareum docet esse fa-
ciendum: at cum quædam physi-
cæ veritates ejus ætate, non satis
essent elucidatæ; Castri, & Va-
randæi principium admittit, infan-
tem scilicet vivere vita matris:
quocirca putat foetus ad nascen-
dum non adhuc maturos, quales
ut plurimum sunt ante nonum men-
sem, si ad incisionem veniretur,
mortuos fore semper inveniendos:
quod omnino falso pronunciatum
esse inferius demonstrabo. Ad-
ditque Cæsareo partu extractos
omnes fuisse nonimestres, vel de-
cimestres: quod solum eorum robur
cum morte configere valeat,
quousque ad eos eruendos Chirur-
gus accurat. Verum quis crederet?
Castri, & Varandæi opinio foeti-
bus adeo perniciofa, & communi-

ter etiam Zacchiæ temporibus a
Medicis, Theologisque rejecta,
periculum est, ne hoc ipso præ-
senti sæculo, a quibusdam Paro-
chis in praxim deducatur. Por-
ro duos ex his novi. Primus
quamvis medicinam profiteretur,
illa tamen opinione delusus nul-
lam, ut mihi fassus est, de hujusmo-
di foetu liberando sollicitudinem
gerebat. Alter cæteroqui zelo
sine dubio insignis, nec indoctus
nonimestrem gravidam cum foetu
probabilissime adhuc vivente sepe-
li permisit: certo enim putabat, fo-
etus eodem temporis momento ma-
tribus morientibus commori: ac
proinde incisionem faciendam esse,
antequam gravidæ ultimum spiri-
tum emittant, quasi licitum sit,
matrem ad servandum filiolum im-
molare: omittendam vero exi-
stimabat incisionem, ubi casu ali-
quo ante gravidæ mortem nequif-
set adhiberi. Cum autem illi ejus
errorem detexerim, impossibile
dictu est, quem exinde animi an-
gorem, amaritudinemque de pue-
ri perditione conceperit.

3. Ut

(a) Varand. *de affect. Mulier. c. 7.*

(b) Zacch. *t. 2. l. 9. tit. 2. q. unic. n. 14. & seq.*

3. Ut ergo similia damna evitentur, operæ pretium duxi, rem in propatulo constituere, ac propterea Sanchezii, Castri, atque Zacchiæ opiniones. Romani Ritualis auctoritate satis de falsitate convictas, primo experientia, deinde etiam ratione profligare.

Et quod ad experientiam attinet; innumerabiles pueri a Romanorum saltem Regum ævo usque ad præsens e matribus defunctis vivi extracti sunt. Dicere autem omnes istas ad unam lethargo, vel hysterico morbo detentas, & oppressas, non vero mortuas contra fidem omnium Chirurgorum, & Medicorum, qui uti bene adnotavit Rainaudus, ad cæsuram devenire non solent, nisi de prægnantis morte sese reddiderint certiores; stulta esset cavillatio, ac temeritas manifesta: ita enim sub passionis hystericæ, vel lethargicæ prætextu possemus cunctas mortuorum resurrectiones ab ecclesiastica historia narratas perfricta fronte pernegare.

4. At illud contra Castrum, & Varandæum certe mirabilius: Fœtus nimirum multo post tempore genitricibus mortuis quandoque supervivere.

5. Profecto Sanctus Gildas Junior Tremorus etiam appellatus, virtute, & miraculorum gloria celebris, ut ex historia conjicere licet, post diem circiter a matris nece vivebat (a): Alium similiter puerum postera die a matris morte se moventem in utero, ac propterea vivum sese vidisse refert Dolæus (b). Infinita his accensere possem exempla, passim a scriptoribus narrata, quorum multa Scurigius adunavit (c). Dabo tamen recentiora, & a me examinata, quorum priora quatuor hic Panormi contigerunt.

6. Cum xv. Kalendas Julii A. 1732. honesta matrona mihi nota obiisset; accurrere confestim duo Medici, totidemque obstetrices, omnesque asseverarunt, omittendam esse incisionem, quod neque calor

(a) Bolland. 29. Januav. in S. Gildæ vita c. 4. & in not. ad lit. d.

(b) Dolæus in Encyclop. Chirurg. l. 4. cap. 5. in fin. fol. 370.

(c) Scurig. in Embryolog. a pag. 118. ad 147.

calor in uteri regione, neque motus in foetu, neque aliud vitæ signum in ipso cerneretur. Nilominus cum forte deinde supervenisset Chirurgus & reclamasset; post quindecim ferme horas incisio facta est: Puer tamen vivus extrahitur, & baptizatur: quidemum post quatuor horas defunctus, una cum matre ecclesiasticæ sepulturæ contraditur. Hæc autem a pluribus fide dignis tum voce, tum scriptis habeo comprobata.

7. Celeberrimus Panormitanus Archiater Augustinus Gervasius de Sicilia a Messanenſi peste servata optime meritis, cum audiisset gravidam, quæ Sanctæ Claræ Gynecæo famulabatur, ante viginti quatuor horas defunctam, Chirurgum ad illam adduxit, & obfirmato animo secari præcepit. Infantulus, ut ille mihi narravit, vivus repertus est: deindeque baptismo donatus.

8. Emmanuel Carusus nobilis ex Ordine Ministrantium infirmis concionator in domo erat mulieris

ante viginti tres horas defunctæ, cum, sicuti ex ore ipsius accepi, casu vidit illius ventrem commoveri: eam ergo esse prægnantem inclamans; incidi curavit. Puer vivebat, & sacram lotionem adeptus est.

9. Xaverius Henricus in Sancti Bartholomæi Nosocomio Chirurgus, mortuam prægnantem, ut ipso testante didici, post viginti quatuor horas dissecuit, & infantulam vivam extraxit, deinde baptismi gratia expiatam. Hæc exempla in prima editione retuleram; cæterum alia duo mirabiliora subnectam.

10. Neapoli Juvencula quatuordecim annos nata suspicionem graviditatis ingessit, quæ ut ipsa interrogata respondit, quadragesimo quarto die non erat antiquior: mortua deinde, nescio quo casu, non nisi post triginta novem horas incisa est. Foetus tamen vivus inventus, ejusque moles, figura & conformatio quadragesimum quartum diem non excedere confirmabant (a).

T

11. Mu-

(a) *Ex Relat. Gerlandi Fasuli Medici ad me missa nono Kal. Sept. 1746*

II. Mulier Calatahieronensis circa A. 1737. Caltanissetam cum viro suo profecta erat; is eam in itinere pluribus ficæ ictibus in mammis, & utero crudelissime interfecit. Post quadraginta octo horas filiulus adhuc vivus, quamvis in pede per uterum confossum vulneratus, inventus est; & horæ quadrantem extractioni supervixit (a). Nam

translatio cadaveris a territorio in civitatem, illius recognitio a magistratibus facta, aliaque impedimenta sepulturam retardaverant: quod foetui saluti fuit, matris interim graviditate animadversa. Nulla fuit circa mulieres istas de vera morte dubitatio: neque caldamenta ipsis ad uterum applicata.

C A P U T VI.

Fœtus remanere matre mortua quandoque tam vegetos, ut etiam sponte oriri possint.

I. Quamquam quæ diximus ad intentionem gravissima sint, majora tamen legimus hic recensenda: Infantulos nimirum non solum vivos post notabile tempus per incisionem erutos, sed etiam suis ipsorum conatibus ortos. Monet etenim cum Bartholino celeberrimus Bonetus (b) hujusmodi spontaneas nativitates etiam sepulta matre non raro ac-

cidisse; atque ex eis originem ducere popularem illum morem gravidas divaricatis cruribus quasi ad faciliorem prolis exitum sepeliendi, cum forbicibus tamen filo, & acubus: veluti matris anima istis indigeat ad recidendum, ligandumque puerulis umbilicum, si quando nascantur. Quorum rituum primus parum utilis, secundus verò superstitiosus, & stultus; in

(a) Ex Relat. Petri Cummarani Presbyteri. ac testis oculati xiii. Kal. Sept. 1748.

(b) Bonet. Medic. Septentr. t. 2. lib. 4. sect. 7. observ. 30. quæ est Bartholini.

in diligentissimam partus Cæsarei ante matris humationem faciendi curam commutari deberent.

Profecto Gorgiam Epirotam, auctore Valerio Maximo (a), novimus natum, dum defuncta mater in feretro ad sepulchrum deferretur: atque ad illius vagitus stetisse Vespillones.

Item ex florilegio epigrammatum, interprete Lublino (b) tres habemus Gemellos a matris cadavere egressos.

*E mortua matre vivus partus:
unus sane Deus
Ab hac vitam sustulit: his vero
dedit.*

2. Sed ut ad nostra tempora descendamus. In Saxonia, Salmutho narrante, duo Gemelli e matre abscisso penitus capite in campis derelicta, similiter vivi

prodierunt (c). Cum in Anglia gravida mulier occubuiisset; puer vivus ex Harvei testimonio postridie venit in lucem (d).

Vitam etiam retinebat in Olavia IX. Kal. April. A. 1665. secunda die a matris fato infans: itemque alius tertia die: uti Bonetus, & Germanæ Ephemerides meminerunt (e).

Alium dat infantem Riolanus (f) A. 1633. ortum Bruxellis, altero die a morte matris. - Eum quidem adstantes exanimem deprehenderunt: at certo vivus creditur fuisse, cum oriretur: quæ enim vi mortuus ex mortua prorumpere potuisset? Delassatus ergo a nascendi conatibus, post egressum vivendi finem fecisse dicendus est.

Tertia vero die natus erat pridie Kalen. Novemb. 1609. ac vi-

T 2

VUS

(a) Valer. Maxim. lib. 1. in Gorgia.

(b) Florileg. Varior. Epigram. lib. 3. c. 12. n. 42.

(c) Salmuth. cent. 2. observ. 1.

(d) Harv. de Generat. Anim. exercit. 72. de Partu.

(e) Bonet. Medic. Septentr. t. 2. l. 4. sect. 7. observ. 29. in Schol. Ephera. German. locis infra citandis.

(f) Riolan. in Antropol. ult. lib. 6. c. 8.

vus ex allata ratione parvulus, de quo Salmuthus, (a) quamquam deinde mortuum invenerint. Idemque omnino accidit alteri mense quoque Novemb. A. 1673. in Pago Tromingen, cui proxima erat Bartholini narrantis habitatio (b). Villica prægnans ex partu difficilimo, nil suffragante trium obstetricum auxilio, decesserat. Domestici nullam exinde de foetu septimestri curam susceperunt: qui totus in utero latens biduum supervixit, matris interea humatione dilata. Demum tertia die facto impetu exivit certo vivus, quamquam paulo post ingentibus nascendi laboribus fractus animam efflaverit: adhuc enim calorem conservabat. Quod quidem admiratione dignum existimo: quamvis enim secundinis laceratis, ac liquore, qui in eis continebatur, quique nutrimentum foetui præbebat, jam effuso; attamen ipse, ut auctor ait, *vitam propriam ut ante vixit, alimento antea per os in ventriculum congesto, sicuti co-*

chleæ suo succo victitant. Puerum etiam die tertia similiter natum ex Domina Annebergica, Vinclerus enarrat (c).

3. Feliciori tamen sorte usus est hispanus infans, de quo Rejes aliique (d). Segoviæ Francisci Arevallii longe absentis uxor diem supremum obierat: cum autem specialis tabellarius marito rem detulisset; ille Segoviam rediit, nimis tamen sero, conjuge nimirum sepulturæ jam tradita! sed amoris æstu impellente, rogat referari sibi sepulchrum, quo mortuæ saltem aspectu, dolorem aliquatenus temperaret. Dum igitur petitione impetrata, defunctam deploraret; ecce Deus novi, & insperati gaudii causam suppetitat: ex motu enim circa ventrem animadverso, atque vagitu intelligit defunctam parere: factaque inquisitione filiolum plane vivum caput e materno sinu emississeprehendit: qui propterea extractus, tandem procedente tempore Serisiam gubernavit.

4. Duos

(a) Salmuth. cent. 2. n. 36.

(b) Apud Bonet. Medic. Septentr. t. 2. l. 4. sect. 7. observ. 30.

(c) Vincler. apud. Bonet. Medic. Septentr. t. 2. l. 4. sect. 7. observ. 29.

(d) Rejes Elys. jucund. quæst. 79. n. 11.

4. Duos alios e matre mortua vivos ortos Bruhierius pariter subministrat (a).

Sed innumeri quidem his addi possent asseveranter, ac summo plane consensu relati ab auctoribus gravissimis ac nostri ævi celeberrimis Medicis, & Anatomicis, quo-

rum hic nomina saltem recensebo: (b) ut & res plurium auctoritate, ac testimonio firmata ad socordium pudorem indubitabilis ostendatur; & qui cæsaream incisionem prætextu longioris temporis elapsi turpissime negligunt, omnino redantur inexcusabiles.

CAPUT VII.

Fœtus quamquam decimo, vel nono mense minores vivos reperiri.

1. **E**xperientia ergo, contra fœtus matri morienti non commo-
quam sibi vulgus persua-
det, clare demonstrat, non solum posse. Porro eadem experientia
T 3 contra

(a) Bruhier *de Incert. sign. mort. tom. 1. c. 1. § 2. n. 5. & §. 10.*

(b) Marcell. Donat. l. 7. ubi Gregor. Horst. Paulus Eber in *Kalend Hist.* Cornar. *Hist. admirab.* 14. Hildan. in *lit. ad During*. Cornel. *Prog. de Generat. Hom. prope finem fol. 72.* Nimann. *de vita Fœtus in utero q. 29.* Rolfinc. *disput. Anatom. l. 6. c. 33. p. 1195.* Matth. in *quæst. medic.* Zuvinger. in *Theatr.* Ronscæus ep. 1. fol. 9. & seq. Bohnius *exercit. Physiol.* 26. §. 1. *Acta Hapbn. vol. 2. observ. 35 p. 91.* Vesling. *late observ. 7. 48 & seq.* Helmont. *tract. de concept.* §. 16. Ephem. German. *Curios. dec. 1. ubi duo exempla referuntur, & dec. 2. A. 3. cum Schol. Luca Schrecchii.* Deusing. in *Genes. Microcosm. p. 3. sect. 2. §. 83. fol. 257.* Riolan. *Antrop. l. 6. c. 6. p. 398.* Lucas Tozzi p. 1. *medic. tit. 1. de Partu n. 49.* Georg. Franch de Franchenau *Satyr. Medic. 2. n. 5.* Stephanus, Sennerius, Le Bruyn, Vincelius, Polifius, Hartmann. & Alii.

contra Zacchiam idem accidere docet (a), sive foetus jam partui sit maturus, decimo nimirum, vel nono mense, sive etiam immaturus: ut ipse in puero trimestri olim vidi, quem a matre ex pleuritide mortua extractum baptizavi Marci nomine imposito. Nec valet objectio illa Zacchiæ: scilicet auctores de partu Cæsareo agentes, ut Rouffetum, ac similes, semper de pueris nonimestribus non autem de minoribus mentionem facere. Oporteret enim, ut illi narrarent se, vel alios ante nonum mensem gravidas incidisse: atque adderent infantes exanimis repertos; aut saltem rei exitum præterirent: nunc vero cum tantum referant Berta, vel Paula nono mense dissecta vivum filiolum extractum; non inde legitime inferri poterit, eum necessario mortuum fuisse inveniendum, ubi ante nonum mensem dissectio contigisset. Deinde auctores isti fere de partu Cæsareo viventium loquuntur, qui nequaquam fit, nisi post septimum saltem mensem completum, naturali scilicet par-

tu jam desperato. Frustra ergo in eorum libris foetus immaturi a matribus viventibus eruti exquiruntur. Postremo non facile quidem perspexerit Zacchias in Heroum historiis virum illustrem ante nonum mensem partui Cæsareo exortum. Foetus enim immaturi, licet baptismi capaces, vitales nequaquam sunt, ut exinde adolescere possint & evadere insignes. Cæterum neque ipse ullibi præterquam in Zacchia legi, Cæsiones ante tempus partui destinatum extractos, necessario mortuos inveniri. Profecto Romanum Rituale sine distinctione maturæ, vel immaturæ graviditatis, in universum prægnantes præcipit incidendas.

2. Quod autem rariores accidunt Cæsareæ Sectiones in graviditatibus a partu remotis; non valde mirandum est.

Nam primo, hujusmodi graviditates Parochis, etiam diligentioribus, non facile innotescunt.

Secun-

(b) Zacchias t. 2. l. 9. tit. 2. q. unic. n. 14. & seq.

Secundo, quia si defunctæ necessarii tanta sunt socordia in providendo foetibus majoribus, ac nativitati jam proximis: quanta credendum est eos laborare stultitia in eruendis minoribus?

Tertio, quia quarto mense nondum incepto abortus frequentissimi sunt, ita ut lethali ægritudine afflicta mater ante obitum sæpe abortum faciat, atque adeo partus Cæsarei necessitas evanescat. Nam fructus adhuc tenerri- mi, atque floricommi ab arbore nullo negotio decidunt: robustiores tenacius, ac firmitus pediculo adhærent, usquequo sponte sua tandem exhilant maturitatem adepti.

Quarto, quia sæpe etiam vice versa Divina Providentia gravidas primis mensibus a morte præservat in gratiam tenelli foetus: quem secus domestici perire sinerent, sectione prætermissa. Postremo; quia facilius revera prægnantes a sexto mense ad finem graviditatis quam post hujus initia moriuntur: quamvis enim prægnatio effectus naturalis dicenda sit, non vero morbosus; attamen mulieres præ-

fertim in principio, & fine dive- xat. Et quidem sicut in principio mutato naturæ statu, & œcono- mia prægnantes variis incommodis afficiuntur; ita quo magis ad finem illa properat, eo magis ea- rum valetudo, ac robur debilita- tur, ac frangitur; eoque minus illæ supervenienti morbo resistunt: maxime cum non omnia remedia, scilicet ne foetui noceant, possint gravidis exhiberi.

3. Hæc omnia in causa sunt, cur numerosiores videantur Cæsa- rei defunctarum partus ultimis graviditatis mensibus, quam pri- mis: at non ideo Parochi tene- riores foetus negligere debent; imo erga eos peculiarem adhibere tenentur industriam propter hoc ipsum, quia nemo est, qui eorum extractionem sollicitet. Cum cæteroqui si qui per sectionem Cæsaream quæsitum sunt; vivi non minus ac robustiores inventi sint.

4. Illud vero Zacchiæ non fatis percipio, quomodo scilicet asserat, auctores non loqui de foetibus, qui vivi ante nonum mensem extrahantur? cum con- trarium

trarium pateat ex quæstione per illos instituta de successione Cæsonum. In qua quidem Juristæ sequuti Medicos ita distinguunt: Si enim Cæsones naturali jam partui sunt idonei (scilicet saltem septimestres) & ita validi, ut vitæ diu retinendæ spem præseferant; admittentur ad legata, & hæreditates tamquam vere nati, etsi tales grammaticæ non sint: secus nullo modo pro natis habebuntur. In Hispaniis vero, Carranza, & Rainaud testibus (a), necesse est etiam eos, & baptismum suscepisse, & per viginti horas extractioni supervixisse.

5. Certe obstetrices omnes uno ore testantur, plurimos abortivos circa 40. diem, imo & multo ante, uti superius dictum est, sese viventes ostendere. Medici autem scriptores non solum supponunt posse puerum etsi quinque-mestrem, aut etiam quatrime-

strem oriri vivum; sed & quandoque adolescere, & ad maturam ætatem pervenire; idque Rejes, & Schenchius pluribus exemplis fuisse comprobarunt (b): imo quod magis omnino miraberis, hoc ipsum, quinto saltem elapso mense, quamquam veluti rarum, ipsemet Zacchias admittit (c); auctoritate pressus Rotæ Romanæ, Avicennæ, Cardani, Vallesii, Augenii, & Torreblanca: Quibus, inquit, fidem derogare, cum magni alioquin, & veridici viri extiterint, piaculum fortasse esset. Cæterum non desunt recentiores historiæ foetuum minimorum, qui vivi partu Cæsareo in lucem venerint: nam præter Montereagalenses non paucos (d), unus Neapoli quadragesimo quarto a conceptu die uti supra (e), & alius Caltanissetæ quadragesimo, ut infra (f), educti sunt.

6. At relatu dignissimum cenfeo,

(a) Carranza lib. de Part. Natur. c. 1. 5. 6. n. 14. Rainaud. loc. cit. n. 2.

(b) Rejes Elys. Jucund. c. 90. Schench. t. 2. lib. 4. observ. 181.

(c) Zacch. t. 1. tit. 2. q. 2. a n. 6.

(d) Hoc lib. 2. c. 9. in fine Relat.

(e) Hoc lib. 2. c. 5. n. 10.

(f) C. 2. n. 3.

feo, quod mihi Marcellus Muscella vir clarissimus, & Civitatis Sanctæ Luciae nullius Dioecesis Abbas, & Præsul ordinarius enarravit. Hoc opere perlecto præceperat ipse Parochis, ut partum Cæsareum gravidarum pro re nata curarent. Cum ergo VIII. Kal. Sept. 1745. Cæsarea Schepisi Dominici uxor occumberet; hæc se prægnantem esse patefecit: currere autem vigesimum, vel vigesimum primum graviditatis diem, ut ex nausea carniū, solito ipsi gestationis indicio, aliisque adminiculis conjiciebat: ea igitur post mortem dissecta, inventus est foetus pro temporis ratione formatus; caput nimirum habens, oculosque bene distinctos, attamen in figuram conicam, prout hujusmodi ætatis Embryones, definebat (a). Illum ex motu jam animatum, & vivum Medici, & Presbyteri præsentis judicarunt. Baptizatus est ergo; deindeque extinctus, cum matre in Capuccinorum Ecclesia tumulatus. Rei novitas maxima lætitia civitatem affecit, & admiratio-

ne defixit; populus vero optare se, ut in posterum partus Cæsareus defunctorum prægnantium in morem abiret prompto, & alacri animo protestatus est: quod & sedulo factum: ipsis exinde gravidis moribundis ultro expetentibus.

Complures hac de re ejusdem Abbatis epistolas habeo, insuper testimonia juramento firmata Francisci Mariæ Rizzo Parochi, & Protomedici egregii, qui infantem baptizavit, Michaelis Angeli Sterrantini Chirurgi, qui gravidam secuit, & Francisci Merullæ ejus administri. Hæc autem omnia vera esse, & in sui præsentia contigisse Rainerius de Raineriis Archidiaconus, & Vicarius Generalis subscriptione sua comprobavit, & authentica reddidit Kalendis Octobris 1745. Testatus est etiam mihi pluries Rainerius, Protomedicum ex notatis conjecturis arbitratum, revera foetum ad vigesimum circiter diem pertinuisse, ut in Præsulis Epistolis adfirmatur: quamvis in documento infra trigesimum diem constitutum dice-

re

(a) Bianch. figura 9, relata supra lib. I. cap. II. n. 12.

re satis sibi duxerit: ne rem admirabilem ostentare, & legentibus velle obtrudere videretur.

7. Duo hic objici possent: nimirum vel foetus illum forte rationali spiritu nondum animatum fuisse, vel majori ætate potitum, quam tradatur.

At vero sive spiritu rationali animatus fuerit, sive non; certum tamen est, eum, etsi tenerimum, a materno morbo non fuisse corruptum. Ubi enim quis diceret illum anima sentiente solum, vel etiam simplici vegetante, juxta Aristotelicorum placita, informatum; si matris infirmitas, & subinde mors, vitam ipsi non abstulit, multo minus eidem ad quadragessimum diem perducto, magisque roborato abstulisset. Quamvis autem ex figura, & circumstantiis longe verosimilius sit, foetum istum vigesimum diem non prætergressum; supponamus nihilo minus fuisse quadragenarium, & solum ex errore in tempore graviditatis computando reputatum vicecenarium; longe tamen distabat a nono mense, quem Zacchias ad

matris incisionem requirit. Insuper admissio computationis errore, aperte consequitur, non multum in diminuenda Embryonum ætate fidendum esse relationibus gravidarum: nam juxta objectionem foetus hic multo major fuisset, quam parentes crediderant: sæpe ergo & vivi, & certo anima rationali jam præditi erunt foetus illi, qui per errorem perquam minusculi reputantur.

8. Zacchiæ igitur opinio falsa est, attamen cum rationi aliquatenus innitatur, quod scilicet foetus nono mense minores adeo sunt debiles, ut vix possint esse vitales: valebit quidem ad partum Cæsareum quantocitius accelerandum, non tamen ad ipsum propter feliciis eventus desperationem omittendum. Foetus enim quantumvis minimus, poterit saltem vitam retinere, quousque eruat, & baptizetur. Porro quoties ipsi miramur in moribundis vitam in longum protrahi, licet mente assequi non valeamus, quomodo in tot angustiis, tantaque lucta persistat? Videmus quoque in exanimi corpore viva diutius con-

conservari pleraque infecta; quorum vita exigui sane momenti est, & interim negabimus, Divinam Providentiam res humanas ita disposuisse, ut multi ex minimis his infantulis vivi remaneant, quantum ad eos extrahendos, ba-

ptizandosque sufficiat? Cura profecto a Deo creaturis suis ratione utentibus præ irrationabilibus impensa adeo præcellens est, ut comparatione facta, dicere non dubitarit Apostolus (a): *Numquid de bobus cura est Deo?*

CAPUT VIII.

Utrum incidendæ prægnantes graviditate incipiente, vel ubi ea solitum tempus excesserit.

1. Verum si probabile quidem est, Embryonem primis diebus esse animatum, peccati mortalis damnabimusne Parochum, qui negligeret matrem principio graviditatis mortuam disseccari? Et ex ratione, ac verbis Florentinii alibi allatis (b) videretur affirmandum: si enim Parocho satagendum est, ut innumeræ prægnantes, quarum graviditas in longum processerat, incidantur; quare illas excipiemus, quæ sub initium graviditatis intereunt? Præterquam quod cum casus iste sit rarus, parum oneris

Parocho videtur accedere, si tot gravidis absque dubio secandis unam, vel alteram prægnationis initio deficientem superaddamus. At nihilominus respondeo, me in praxi neminem ad partum Cæsareum sub graviditatis exordiis obligare.

2. Et primo, quia conceptio usque ad quadragesimum diem dubia esse consuevit, adeo ut in innumeros errores Medici, & obstetrices, ipsis ultro satentibus, prolabantur. Non enim certum signum, uti Zacchias docuit (c),

U 2

(a) 1. Cor. 9. 10.

(b) Supra lib. I. c. 10. n. 5.

(c) Zacch. t. 1. l. 1. tit. 2. §. 1. & 2.

haberi solet: imo ipsæ mulieres ante mensem raro aliquid circa propriam graviditatem indubitanter affirmant, exceptis quæ pluries illam expertæ sint, & hæc quoque fallibiliter: non enim prægnationis indicia, cognitu cæteroqui difficillima, semper exacte adnotarunt.

Secundo admissa etiam tamquam certa prægnatione; remanet adhuc dubium, utrum foetus animatus fuerit, an non: & utrum ad animationem necesse sit esse completum, atque perfectum, quod circa quadragesimum sane contingit.

Tertio etiam si supponeremus primis temporibus animationem fieri: dubium tamen esset, utrum genitrice mortua vivus remanserit adhuc foetus: cum enim sit adeo tener, ac delicatus fallacime potuit maternum morbum contrahere, illoque etiam ante matris obitum corrumpi: & hæc est causa, propter quam gravidæ lethaliter infirmæ, præsertim sub his initiis, antequam vita decedant sæpissime abortant.

Quarto primis diebus incertus est etiam locus, ubi foetus existit: scilicet utrum jam in uterum descenderit, an adhuc sit in tuba, vel in ovario; ac propterea minus faciliter invenitur.

Quinto dubitandum est, utrum in graviditatibus infamibus, & occultis mulieres incisioni, licet post mortem faciendæ, assentirentur: prudentia autem prohibet, ne morientium conscientia laqueos liberius injiciamus: timendum est enim, ne dum foetus animam liberare cupimus, matris animam incaute perdamus: imo & ejus etiam propinquorum, qui tot, tantisque dubiis perturbati, Parochum odio haberent, atque detestarentur: periculum quoque subesset, ne hac occasione ingentia alia mala subinde provenirent.

3. Porro si prægnans ipsa partum Cæsareum sponte mandasset, vel confanguinei postularent; poterit in praxim sine aliqua dubitatione deduci, maxime a vigesimo die graviditatis, & ultra: optarem vero, ut incisiones primis diebus graviditatis in Nosocomiis fierent,

ut

ut ita variis observationibus hujusmodi res plenius illustrarentur. Cæterum sicuti in abortibus conditionato baptismo libere utimur favore foetuum, quantulumcumque minimorum: quia nihil inde metuendum esset absurdum: ita ubi de partu Cæsareo sermo sit; usquequo Deus rem clariori luce non affundat, ac aliud ecclesia non præcipiat, curandæ incisiones obligatio ante quadragesimum diem imponenda non erit: rationes enim huc usque allatæ spernendæ non sunt: ita ut ad summum quis opinari posset, illam a vigesimo gestationis urgendam.

4. At si contra graviditas nonimestre spatium magno intervallo sit prætergressa, non propterea, mortua prægnante, partus Cæsareus omittendus est. Tarde enim quandoque structuram foetus natura molitur: ipse etiam interdum in utero satis capaci commorans, alimento abundans, & ab excrementorum propriorum

copia vel uteri contractione non molestatus egressum suum non sollicitat. Medici Montepessulani referunt graviditatem aliquando usque ad mensem duodecimum, vel decimum sextum, aut vigesimum quartum protractam. Schenchi multa recitat prægnationum exempla, quæ ad menses 13. 15. 23. & 24. imo & ad quatuor annos perdurarunt (a): quamquam hoc ultimum non admittat Mercurialis (b): saltem prægnantes facili negotio in temporum supputatione decipiuntur. Hippocrates, & Aristoteles adnotarunt flatus mulieribus sæpe illudere, graviditatem simulantes, multo antequam illæ revera concipiant: quocirca postea veram, recentemque prægnationem antiquiorem arbitrantur. Itaque si ea consuetos terminos præterlabitur; non ideo morbus existimanda est. Bouchardus, & ex eo Bonetus narrat (c) repertum præterrito sæculo in ventre foetum mortuum, ac penitus incorruptum

U 3

post

(a) Schench. t. 2. l. 4. de fœtib. ab observ. 155. ad 160.

(b) Mercurial. consult. 85.

(c) Bonet. Medic. Septentr. t. 2. lib 4. de Mulier. affect. sect. 6. observ. 10.

post sexdecim gestationis annos:
 alium dant memoriæ Academiæ
 Chirurgicæ Parisiensis post qua-
 draginta sex annos incorruptum,
 & integrum (a): & quamvis indu-
 bitatum sit, nequaquam eos tanto
 spatio vivos permansisse; attamen

quo tempore vere mortui fuerint,
 qui tamdiu servari absque corru-
 ptione potuerunt; quis unquam
 divinabit? Quis naturæ arcana
 comprehendere se posse gloriabi-
 tur?

C A P U T IX.

Raro foetus mortuos inveniri.

1. Satis usque adhuc ostendimus
 vivos posse reperiri foetus
 multo etiam prolapso tempore ab
 interitu gravidarum. Addendum
 hic experientia teste, eos, contra
 quam sibi persuaferat Riolanus (b),
 ut plurimum vivos, raro tamen
 mortuos educi, nimirum si tem-
 pus inutiliter non teratur. Ad
 hoc evincendum, ante omnia Igna-
 tii Amati Chirurgi Monteregealen-
 sis relationem ad me transmissam
 de partibus Cæsareis a se factis
 exscribam: ea igitur, in qua ple-
 rumque sub masculino genere
 utriusque sexus infantes indican-
 tur; ita se habet:

*Francisco Emanuelli Cangia-
 mila*

*Ignatius Amatus Chirurgus S.
 P. D. Mitto tibi Reverende Pater
 distinctam prægnantium a me dis-
 sectarum adnotationem, quibus
 nonnullas a collegis meis incisas ad-
 junxi. Ex hac porro intelligi pot-
 est, quam falsum sit, foetus nonnisi
 ultimo graviditatis mense vivos in-
 veniri. Equidem fateor, me ad
 paucas numero prægnantes ante
 quintum mensem mortuas accitum:
 sed ubi opera mea requisita est,
 Foetum semper deprehendi viven-
 tem: quo circa in ea sum sententia,*

me

(a) Memor. Acad. Reg. Chirurg. t. 2. in Hist. Acad. sol. 2.

(b) Riolan. Antrophol. l. 6. c. 8.

me vivos etiam alios fuisse inventurum. At in isto negotio propinqui non adeo sunt diligentes, ac perspicaces. Parochi vero facile primorum mensium graviditatem ignorant. Perquam igitur necessarium esset, ut ipsi occasione ministrationis extremorum sacramentorum, mulieres, quæ prægnantes esse possint, de graviditate sciscitarentur. Illud autem notatu dignissimum reputo: me nempe in tot incisionibus, tametsi non omnibus, illico post matris fatum peractis, nullum usque modo infantem vidisse præmortuum: atque id ipsum similiter Chirurgo Corleonensi in tredecim circiter incisionibus ab eo factis contigisse. Verum si in alio tibi me obsequi necessarium duxeris, liberrime præcipias, velim: nam præter voluptatem, qua in mandatis tuis exequendis afficior: ut etiam ipse ad animarum salutem aliquid conferre valeam, ardentem exopto. Itaque sacras tibi manus osculatus, me tuum perpetuo studiosissimeque profiteor.

Monteregali Idibus Maji 1744.

2. Gravidarum series quas ego Ignatius Amatus, vel Collegæ mei

Monteregali, eique adjacentibus campis dissecuimus: cum duratione prægnationis, nomine baptizantis, ac tempore, quo fœtus extractioni supervixerunt.

I. Tertio nonas Novembris 1719. Margarita Bruno uxor Francisci, septimestris. Canonicus Parochus D. Franciscus Turdo baptizavit infantem, qui vixit per horam circiter.

II. Decimo nono Kalendas Septembris 1724. Antonia Monte, seu Vignuzza Uxor Josephi, semestris. Canonicus D. Josephus Falcus baptizavit puellam, quæ vixit per horæ quadrantem.

III. Octavo Kal. Octob. 1724. Anna Maria Calcagno uxor Josephi, septimestris. Idem Canonicus Falcus baptizavit fœtum, qui post quadrantem extinctus est.

IV. Tertio nonas Martii 1725. Augustina Smiriglio uxor Damiani, quinquemestris. Idem Canonicus Falcus infantem baptizavit, qui per quadrantem in vita permansit.

V. Octa-

V. Octavo Idus Octobris 1725. Sancta Agnelli uxor Jacobi, octimestris. Antedictus Canonicus Turdus baptizavit foetum, qui vixit horas quinque cum quadrante.

VI. Decimo octavo Kalendas Februarii 1728. Antonina Mini uxor Antonini, octimestris. Idem Canonicus Turdus baptizavit puerum, qui vixit parumper.

VII. Quinto Idus Novembris 1728. Rosalia Mariscalca uxor Joannis, quinquemestris, vel semestris. Canonicus D. Dominicus Pupella baptizavit foetum, qui paululum vixit.

VIII. Sexto Kalendas Maji 1730. Julia Demetrii uxor Josephi, trimestris, quasi post horae spatium a morte incisa. D. Franciscus Emmanuel Cangiamila, inde Archipresbyter Palmensis baptizavit infantulum, cujus vita non ultra quadrantem duravit.

IX. Octavo Kalendas Decembris 1733. Laurea Augustini uxor Isidori, semestris circiter. Canonicus D. Xaverius Colelli baptizavit

puerulum, qui vixit horae dimidium.

X. Octavo Idus Augusti 1734. Heleonora Li Manni uxor Antonii, nonimestris. Praedictus Canonicus Turdus baptizavit foetum, qui aliquantulum vixit.

XI. Quarto nonas Octobris 1734. In pago Parci prope Montemregalem Vincentia Graeco uxor Nuntii, tertio mense cum paucis diebus transacto. Magister Antonius Paruta Prior Cisterciensis baptizavit infantem, qui vixit duabus horis.

XII. Eodem die quarto nonas Octobris 1734. Vincentia Vetrano uxor Francisci, septimestris. Canonicus D. Laurentius Carolinus baptizavit infantem, qui vixit paululum.

XIII. Eodem die quarto nonas Octobris 1734. Illustris D. Josephina Graffeo uxor Marchionis de Mira il Rio, semestris, incisa fuit a D. Josepho Calafato, me praesente. Canonicus D. Xaverius Colelli

Colelli baptizavit foetum, qui vixit non nihil.

XIV. Eodem die quarto nonas Octobris 1734. Rosaria a Iudice uxor Bartholomæi, nonimestris, incisa a Doctore D. Hippolyto Pagnotta. Sacerdos D. Philippus Seggio baptizavit infantem, qui vixit paululum.

XV. Septimo Kalendas Martii 1736. Rosaria Biondo uxor Georgii nonimestris. Canonicus D. Dominicus Pupella baptizavit puerulum, qui paulo post obiit.

XVI. Quarto Idus Januarii 1739. Joanna Daidone uxor Petri, septimestris. Canonicus D. Antonius Costarellus baptizavit infantem, qui vixit horis quasi duabus.

XVII. Decimo octavo Kalendas Octobris 1741. Agata Laurelli uxor Pauli, quinquemestris, a prædicto Doctore Pagnotta, me præfente, quasi post quinque dies, quibus egerat animam, incisa. Sacerdos D. Franciscus Maranus baptizavit puerulum, hujus vita per horæ quadrantem prorogata.

XVIII. 1722. N. N.

septimestris. Canonicus Parochus D. Albertus Carolinus baptizavit puerum per quadrantem deinde superstitem.

XIX. Decimo nono Kalendas Septembris 1743. Rosaria Bracco uxor Dominici, octimestris. Prædictus Canonicus Turdus baptizavit foetum, cujus vita quadrantis terminum non excessit.

XX. Tertio nonas Septembris 1743. Anna Ribauda uxor Petri, octimestris fulmine in campis prope Montemregalem percussa, & post tres horas cum dimidia incisa. Sacerdos D. Emmanuel Panormitanus baptizavit infantem, qui dimidia circiter hora supervixit.

XXI. N. N. trimestris circiter. Canonicus D. Dominicus Pupella infantulum baptizavit, qui paulo post migravit e vita. Cæterum etsi de hujusmodi minimis infantulis plures invenerim vivos, non tamen adnotavi. Hi baptizati & in matris utero a me repositi, & insuti, una cum ea sepulti sunt.

Monsregalis etsi Civitas Archiepiscopalis, rusticis computatis,
 X numerum

numerum circiter novem millium animarum non superat: nihilominus paucis annis tot ibi factæ incisiones, præter eas, quæ hic non describuntur: imo uti ex numero undecimo, duodecimo, decimo tertio, & decimo quarto videre licet, quatuor uno die contigerunt, ea nimirum computata, quæ Parci vicino in Pago peracta est. Quid ergo de illorum Parochorum diligentia judicandum, qui dicunt in suis civitatibus, vel oppidis nunquam sibi procurandi Cæsarei partus necessitatem occurrisse? O Parochos vere fortunatissimos, quos cœleste numen a tanta sollicitudine exempt. Huc usque Amatus, qui post evulgatum hunc librum mihi enarravit, se non multo post aliam fecuisse gravidam quinquemestrem, Antoniam nempe Venturellam uxorem Petri, Sacerdotem vero D. Castrensem Costa puerulum baptizasse.

Monendum hic tamen censeo, foetum a me baptizatum, de quo numero octavo fit mentio, multo minorem fuisse foetu illo trium mensium, totidemque hebdomadarum, quem dedit Bianchius nu-

mero suo decimo sexto. Itemque me olim Parcum, & Montemregalem adiisse, ut præsens incisiones numero undecimo, & vigesimo primo locatas discuterem. Putasse tamen earum foetus bimestribus minores, quod posset ex Bianchi decima quinta figura, & ex aliis foetibus a Bidloo, atque Gassendo relatis confirmari.

2. Chirurgus autem Corleonensis, de quo in Epistola, Doctor est Joseph Ciminus, qui humanissimis ad me decimo octavo Kalendas Decembris 1744. datis litteris testatus est, se tredecim incisiones usque ad eum diem perfecisse; easque omnes viventibus adhuc foetibus felicissimas. Nihilominus quinque dumtaxat cum circumstantiis exposuit: in quibus tamen & octimestres & septimestres, & quinquemestres inveniuntur.

3. At post primam hujus libri editionem Petrus Cummaranus Presbyter Caltanisectensis, cujus supra meminimus, quique zelo puerorum nonnatorum ab ipsa juventute fervebat, hæc mihi die tertio decimo Kalendas Septembris 1748. significavit:

I. Cal-

I. Caltanissetæ partum Cæsareum ab antiquo in moribus esse: ac propterea mulieres ipsum nullo modo abhorrere.

II. Se ab An. 1704. scilicet ante quadraginta quatuor annos, partus Cæsareos Caltanissetæ solerter procurasse, & calumnias ab Emulo sibi ea occasione intentatas, Anselmo la Pegna Episcopo Agrigentino protegente, & hortante, superasse, imo sprevisse.

III. Sexaginta partus Cæsareos a se promotos: ex his quinque tantum, vel ad summum sex, foetibus ante demortuis, fefellisse.

IV. Ex omni ætate vivos reperisse foetus, in his vero unum, qui quadragesimum diem non excedebat.

V. Demum inventionem narrat viventis pueruli, de quo supra(a), post horam octavam supra quadragesimam a prægnantis occisione.

4. Consonat hæc relatio alteri ab Henrico Ricca Victoriæ Ar-

chipresbytero, & Sicularum Parochorum ornamento, mihi communicatæ. Victoria civitas est Syracusanæ Diœcesis, septem millibus habitatoribus frequens: ibi a sexto Kalendas Octobris 1734. ad septimum Idus Septembris 1752. viginti partus Cæsarei visi sunt: in his sexdecim parvuli, quos inter duo gemelli, vivi omnes extracti, ac baptizati. Alius vivebat adhuc post matris mortem, at propter tonsoris incidentis, & rem extricare non valentis imperitiam interea defunctus baptizari non potuit. Quatuor vero duntaxat mortui, ex maligna epidemia matribus suis perniciofa.

Item Sambucæ Diœcesis Agrigentinæ, oppido fere decem millium animarum, novem annorum spatio, Mariano Panepinto egregio loci Parocho testante, viginti duæ gravidæ occubuerunt; ex totidem infantibus incisione erutis decem & octo vivi reperti, & baptizati: tres multo antea, quam mater, obierant: & revera jam corrupti cernebantur, & pessime olebant. Alius utero di-

X 2

scisso

(a) L. 2. c. 5. n. 7.

scilicet non comparuit, postea tamen exanimis sub lecti operimentis inventus est: itaque vivum verisimiliter in postremo genitricis agone ortum stragulæ suffocarunt.

C A P U T X.

Philosophice ostenditur, foetum gravidæ morienti non præmori.

1. Foetum genitrici præmoriturum ex eo nonnulli cum Sanchez (a) putaverunt, quod eidem maternus morbus necessario communicetur. At hanc morbi communicationem fieri semper, morbumque in æquali gradu filium, ac matrem inficere, a veritate est alienum. Etenim si prægnans aneurismate, vel apoplexia ex vasorum ruptura perimitur: quid hæc ad foetum? Item si pleuritide, peripneumonia, aut vesicæ, aliorumque viscerum inflammatione: aut internis ulceribus, abscessibus, ac similibus affligatur; non propterea iisdem malis vexabitur infans. Quod si vitium existat in liquidis; fateor in puerum facillime traduci, maxime si mutua detur sanguinis inter foetum, & matrem derivatio, & permixtio, ac alterna per utriusque vasa circulatio, quam tamen plerique negant. At circumeat, ut placet; ex hoc non sequitur humores necessario foetui tantum damni allaturos, quantum genitrici intulerunt: nam, ut videmus in natis, sanguis quantumvis vitiat, qui prava sua qualitate in aliqua nostri corporis parte solidi morbum induxit: etsi totum circumeat corpus; non ideo similem ubique morbum ingenerat: non enim loci sunt æque dispositi. Imo, quod magis notandum est, sæpissime liquida firmiores, atque robustiores lædunt ipsius corporis partes, debilioribus, at delicatioribus interea prorsus intactis.

2. De-

(a) Sanchez. *de Matr. l. 9. disp. 20. n. 17. & 18.*

2. Decumbunt nec raro duo eodem die, eadem febris, quamquam pestilentiali, iisdemque urgentur symptomatibus. Sorbent alii idem venenum, æquali dōsi ac iisdem remediis uterque munitur: & tamen alter ex his, vel illis salutem restituitur, dum alter occumbit: quod si ambo deficient, ob circumstantias tamen personales plane diversas non eodem temporis momento extinguuntur. Porro circumstantiæ matris, & foetus interdum toto cœlo distabunt: est quidem foetus tenerior, at non propterea magis a peccante humore contaminari necesse est: maxime cum multis ille naturæ privilegiis gaudeat, quæ matri denegantur.

3. Porro foetus aeris, tempestatisque molestiæ non eodem modo, quo mater subjicitur: usus alimentorum in eo exactissimus, & castigatissimus: nullos ipse admittit errores, in quos nati, vel ob arbitrii libertatem, vel ob morbi impatientiam prolabuntur. Liber ab animi passionibus, vita solum vivit animali, & in omnibus a natura, quæ deviare non potest, perpetua directione movetur. Ci-

bus, quo alitur, ad eum valde subactus, præparatus, & prope modum digestus deducitur: quare, ut Anatomici adnotarunt, cum vix egerat excrementa; præcipua illius excretoria, præterquam in extrema necessitate, otiantur. Sanguis insuper, qui forte a matre in ipsum derivatur, antequam ad vitalia ejus organa perveniat, per placentam primo, deinde per vasa umbilicalia permeando depuratur. Præterea membranas habet, in quas morbificum venenum, amandare, ac deponere consuevit.

Addatur his, flammulam, ut ita dicam, ejus vitæ esse vivaciorem, ejusque spiritus alacriores. Nihil ipse perfecti, ac nobilis, quod a principio cum femine sibi transmissum fuit, quodque jam natis in dies ad senectam, & mortem usque minuitur, hætenus amisit: & nihilominus liquidorum motus in ipso tardior, ac lenior est: cum ob defectum præsertim aeris exterioris minor in eo sit fermentatio, & minor agitatio.

4. Licet igitur possit infans e vivis cum matre simul proficisci,
vel

vel eandem præcedere; attamen regulariter illi superstitem observamus. Quod ex innumeris exemplis clarissime demonstravi, in quibus quamplurimi foetus per notabile temporis spatium post baptismum vivi perstiterunt: quamquam plerique nimis immaturi, & exteriori aeri expositi aliquid inde nocumenti necessario subierint: etsi etiam nemo eos foverit, aut quoquomodo recreaverit. Eadem in se in pluribus, me præcipiente, extractis infantibus perspexi, quamvis diverso lethi genere matres obiissent, uno scilicet dempto, cujus genitricis occisio non nisi post duodecim horas innotuerat: quo casu objectio Sanchez, quæ in gravidis interno morbo, non autem externa vi pereuntibus duntaxat locum habet, aptari non posset. Imo Sanchezii opinio neque in ipsis foetibus tertio mense minoribus, etsi tam exilibus, vera credenda est: præsertim si jam completi sint, nimirum circa quadragesimum diem: innumeræ namque feminae tertio, secundo, vel etiam primo gestationis mense ad extremum vitæ a febribus malignis, mortalibus, venenatis ad-

actæ, ac deinde sanitati redditæ, gravidæ nihilominus remanserunt, ac tempore debito foetum optime valentem ediderunt. Cum igitur possit ad extremum usque genitricis cum morte luctamen vitam retinere puerulus: quare non poterit aliquanto diutius vivere, quoad, illa jam defuncta, protinus extrahatur, & baptizetur? Nec mihi respondeas matris, & foetus liberationem in casibus antedictis, nonnisi medicamentis matri datis adscribendam: nam quod ista efficere valent, plerumque sola natura, etsi majori cum difficultate, præstare potis est. Porro quot prægnantes ob egestatem congruis præsidiis caruerunt? Quot ea cum haberent, obstinatissime respuerunt? Quot etiam accipere nequiverunt lethargo, vel phrenitide miserabiliter impeditæ? Quot aliis errore Medicorum remedia salutaria denegata, & propinata nociva? Et nihilominus tum ipsæ, tum foetus, etiam tennerrimi, prorsus incolumes evaserunt.

5. Cæterum, & si supponeremus metum, & spem de mortuo, vel

vel vivo foetum inveniendo, invicem collatas videri pares, & exitum ancipitem; bonum aeternae salutis filioli est ordinis tanto superioris prae vita matris corporali; ut cum ea aequis lancibus libratum, mirum quam longe praeponderet. Profecto in alio dubio, an foetus videlicet sit animatus, praecipiunt Doctores, matrem ab omni eo, quod foetui nocere valeat, eodem modo abstinere, ac si certo illum

animatum esse sciretur. Quanto magis ergo ubi dubitatio animationem non respicit, sed illa supposita, solummodo incerti sumus, utrum foetus post animationem obierit, vel etiam, antequam possit baptizari, si obiturus? Hic enim aperte possessio stat pro infantuli vita, quae propter hucusque dicta in ipsius favorem omnino erit praesumenda.

C A P U T XI.

Ex statu foetus in utero ostenditur, eum una cum Matre ob defectum respirationis non extingu.

1. Innuimus quidem supra Castrum, & Varandæum scripsisse, nonnatos infantes, matre mortua, una simul interire: quod ab ea motum, alimentum, inspirationem, & omnia mutuentur. Oportet ergo ad eos refellendos, quæ sit vita foetus in utero ex anatomicis observationibus magis, quam ex ratiocinio desumere, atque describere.

2. Sciendum igitur, Embryo-

nem duas inter membranas gradatim efformari, quarum prima exterior, & crassior Chorion, secunda interior, & delicatior, in qua ille sedem habet, Amnios appellatur. Nihil hic differendum de membrana Allentoyde, quæ in animalibus ruminantibus & cornigeris inspicitur. Habent ista Vracum, seu Caniculum in ipso umbilicali funiculo, qui tamen inter Amnium, & Chorion in quemdam expanditur veluti sacculus.

cum, Allentoydes dictum, & ab Heistero illustratum: qui faccus ad recipiendam urinæ foetus portionem, toti enim vesica non satis esset, inservit. Equidem scio aliquos etiam accuratissimos nostri temporis anatomicos: puta Joannem Munnicks, Van Horne, Graas, Littre, & Bidloo, quos Tauri sequitur clari nominis vir, in humano foetu Allentoydem sese observasse narrantes. Mangelus (a) quoque eam pluries Genevæ comperisse testatur, liquore plenam, ab eo, qui in Amnio residet, dissimili, quem Allentoydis liquorem ipse urinam putavit. Alii vero cum Drelincurtio, & Aldesio membranam illam nequaquam dari in homine docuerunt, quibus concinit Christophorus Jacobus Trew in erudito, quem Norimbergæ A. 1736. edidit, Libro de differentiis inter hominem natum & nascendum. Hic ex propriis experimentis concedit quidem Vracum, eumque describit veluti corpus rotundum, conicum crassitie calami palaris, & in

acum tenuissimum desinens: at addit se nescire, utrum per illud humor aliquis meare valeat: ejusque usum a natura intentum, neque ratiocinio, neque experimentis conjici usque modo potuisse. Ne igitur fallitatis tam insignes Anatomicos, Allentoydem adstruentes, vel negantes, arguamus; dicendum: Naturam quandoque ludere, & ab ordinario cursu deflectere: ita ut duo peritissimi observatores contraria interdum sine alterutrius mendacio asseverent. Quidquid igitur sit de Allentoyde; Chorioni adnascitur Placenta, substantia glandulosa, vel potius ut Ruyschio, aliisque recentioribus placet, vasculosa, & chyloso liquore abundans, a Veteribus Hepar uterinum appellata, quæ postquam Embryo pene formationem adeptus est; utero adnectitur. Hæc ab ipso initio cum ovo congenita, in hujus cordice reperitur, crescit autem sanguine per vasa umbilicalia foetus ad extremitatem Chorii propagato, ibidemque coagulato. In ea implan-

(a) Mangel. *Theatr. Anatom.* l. 2. p. 2. c. 3. in *Observat. ad Drelincurt.* n. 49.

implantatae conspiciuntur vena, & arteriae umbilicales, e quibus arteriis copiosi per Chorion, & Amnion rami derivantur, qui tandem versus cavum ab eisdem membranis efformatum, & humore limpidus, & lactiginosus plenus, cujus est veluti receptaculum, aperiuntur.

3. His praejactis, ratio, qua vulgo creditum est, praegnanter mortua, infantem subito interiturum, ea sane profertur, quia, matre non respirante, videtur etiam filiolo spiritus intercipi: ita ut necessario sit ille extinguendus: quare nonnulli fistulam arundineam, recisis nodis, parare festinant: eamque statim ori defunctae matris immittere, ut ipso patulo manente, aer libere introire, foetusque respirationem prosequi possit.

Ut sit, certum est, defectum hujusmodi respirationis foetui mortem non inferre. Etenim ille dum adhuc in utero vivit, ad sanguinis circuitum, contra quam in natis accidat, respiratione non indiget: neque inter foetum, & organa, quae respirationi matris in-

serviunt, vera intercedit communicatio. Profecto placenta duplici munere fungitur, primum est antedictae substantiae lactiginosae partem sorbere, eamque cum sanguine ab arteriis foetus umbilicalibus allato miscere, ut ipsam cum eodem sanguine ad cor demum redeunte transmittat. Aliud, ab antiquis ignoratum, at ex Majow, & Ettmullero maxime spectandum, est vices implere pulmonum: idem enim praestat in nonnatis ministerium, ac pulmones in natis: quare dicitur etiam pulmo uterinus. Et quidem cum plena sit albicante succo, particulis nitroaeris referto; istae illius nitri absentiam suppleant, qui cum aere media respiratione ingredi deberet in corpus: ac sanguinem probe attenuant, & incidunt: ac multo magis quia placenta ipsa organum absque dubio est circulationi sanguinis destinatum, quo foetus instructus respiratione non eget, sine qua vitam nati vix ad brevissimum tempus retinerent. Quod ut clarius intelligatur, oportet systema circulationis sanguinis, primo in natis, deinde etiam in nonnatis brevi delibare.

Y

4. Prisci

4. Prisci respirationem homini necessariam ad cordis refrigerationem, pulmonesque veluti flabella, putarunt. Deprehensum vero tandem, eos appellandos esse potius folles: præcipuum enim ipsorum munus in natis est, motum sanguinis perpetuum, & consequenter naturalem calorem promoveri (a). Admittebant sine dubio veteres motum in hoc liquorum nobilissimo, at simplicis fluctuationis ad maris utique similitudinem: sed errorem istum nupera experimenta undequaque explosere: patefactum est enim, sanguinem per totum corpus fluminum instar perenni fluxu circuire. Harveus, qui cum Coringio novum hoc systema evulgavit, principio ipsius auctor est habitus: postmodum vero detectum est, Paulum Sarpi Venetum Servitam, manuscriptum in Bibliotheca Sancti Marci librum reliquisse, ubi circulationem sanguinis, olim

quidem a Columbo, & Arantio subodoratam, & a Cesalpino confirmatam, demonstrabat: ejusque operis exemplum Harveo Hieronymum Fabritium ab Aquapendente (b) misisse.

5. Profecto recentiores experimentis, & rationibus edocti sentiunt communissime, plantas ipsas succi nutritii circulatione vigere, qui eis pro sanguine est: gaudere etiam juxta Malpighium propria inspiratione & respiratione tum trachæarum, & fistularum lignearum ministerio, tum etiam vasorum spiracularium, & pororum in frondibus. Id ipsum a fortiori de cunctis animalibus venit asserendum: etsi enim piscibus Aristoteles respirationem negaverit; attamen Plinius (c), quem multi sequuntur ætatis nostræ Philosophi, etiam ipsos tradidit per branchiarum organa respirare, quibus ad se, aquam simul, & aerem attrahunt (d), deinde rejecturi.

6. San-

(a) Pitcarn. *de caus. diu. mol.*

(b) Theodor. Zuinger. *Comp. Medic. univ. in Physiolog. c. II. n. 13.*

Purchot. *p. 3. Physic. sect. 4. c. 1.* Corsin. *t. 4. tract. 2. disp. 3. c. 5. n. 4.*

(c) Plin. *Hist. natur. l. 9. c. 7.*

(d) Purchot. *p. 3. Physic. sect. 2. c. 3.*

6. Sanguis ergo non solum agitur, ut aqua in lacubus, aut mari, sed motu progressionis, & æquabili per totum corpus excurrit; venis illud, arteriisque irrigans, & inundans fluminum instar, quæ deinde ad locum unde exeunt, revertuntur, ut iterum fluant (a). Quo magis etiam clarescit inter mundum parvum, & magnum admirabilis analogia. Et quidem sanguis a peripheria ad centrum, & a centro movetur ad peripheriam: imo potius ab omnibus humani corporis partibus ad unum cor magis, magisque perficiendus regulari gressu contendit; & vicissim ab uno corde ad omnes ejusdem corporis partes actus perfectione revertitur. Sicuti autem ex rivis dilabentibus, & subinde inter se unitis minora flumina, ex his vero collatis aquis majora coalescunt: ita sanguinis venulæ ab unaquaque corporis parte profectæ, aliisque consimilibus in decursu conjunctæ in venas postremo convertuntur. Totus igitur sanguis ex toto corpore ad venam cavam, quæ maxima

est, tandem aliquando pertingit. Porro qui a superioribus regionibus, tamquam a scaturigine profluit; in venæ cavæ superiorem truncum, seu descendentem ingreditur, & e contra qui ab inferioribus regionibus venit, per ejusdem venæ truncum inferiorem, five ascendentem infertur. Ex vena igitur cava in dexteram cordis auriculam irruit, & inde in ventriculum similiter dexterum: ex eo media pulmonari arteria ad pulmones usque commigrat, atque per illos dispergitur, novam ibi perfectionem acquisiturus. Verumtamen propter ingentem sui copiam, & canalium angustias ad cor iterum remeare nequiret, sed cum irreparabili, & subita hominis morte subsisteret; nisi pulmones per aeris, media respiratione, pressionem, cito eum tamquam duo torcularia exprimendo, sese illo exonerarent; eumque quamplurimis canaliculis in venam pulmonariam deponerent. Per hanc redit ad cor, sinistram auriculam intrans, indeque descendens in ventriculum pariter fini-

Y 2

strum

(a) Eccl. i. 7.

strum; quo facto in aortam, sive magnam arteriam transit, ut postea in hujus utrumque ramum, ascendentem scilicet, & descendentem derivetur, ab his subinde aliis atque aliis corporis arteriis mirabili œconomia distribuendus. Postquam ergo sanguis totum corpus ita irrigaverit; influit in venas, quæ motu cursui arteriarum contrario ipsum ad supradictam venam cavam ascendentem, & descendentem impleta circuitione reducunt. Hæc autem vena, quæ capacissima est, sanguinem, ut diximus, tum a superioribus, tum ab inferioribus partibus venientem, in se ipsa conjungit, ac totum dexteræ cordis auriculæ repræsentat, ut iterum perpetuo, celerrimoque motu circuitum jam absolutum instauret.

7. At in foetu, etsi sanguis æque circumeat, secus enim illius vita desineret; nihilominus hoc diverso ritu peragitur ac in natis: & ecce quomodo post innumeras, exactissimasque observationes communiter a recentioribus describatur. Primo, sanguis totus, ut in natis fit, sive e parti-

bus superioribus, sive ab inferioribus, proveniens in venam cavam descendentem, & ascendentem ingreditur: scilicet, qui sursum per ascendentem fertur, intrat foramen ovale, quod in solis nonnatis conspicitur, in natis tamen occluditur: atque per illud in pulmonariam venam excurrit, deinde in sinistrum cordis ventriculum transi-
turus. In hoc autem ovali foramine valvula observatur, quæ de more regressum sanguinis vetet. Qui vero a partibus superioribus per venam cavam descendentem deorsum labitur, ab ea per dexteram cordis auriculam in ventriculum cordis dexterum emanat: inde non totus, ut in natis, pulmones adit: sed arteriam pulmonariam inundans in tres alias deinde portiones, quasi rivos dividitur. Primus, & major in canalem intrat dictum arterialem, quo medio sese in ramum inferiorem Abortæ intromittit, qui in foetu amplior est, atque majorem continet sanguinis copiam, quam truncus ipse.

8. Alii duo rivuli utrumque ramum arteriæ pulmonaris ingressi
pulmones

pulmones petunt, qui rami quamvis conjunctim considerati, capacitatis aliquanto majoris existant præ solo canali arteriali; minus tamen sanguinis vehunt: forte quia cum pulmones adhuc sint graves, utpote non distenti, sanguifera comprimunt vasa: ita ut per eos sanguis tam magna copia permeare non possit. Porro Verheyenius prædicta vasa terræ meatibus assimilat, pressione aliorum corporum desuper corruentium semiobstructis: canalem vero arterialem dicit esse veluti aquæductum patentem, & liberum. Cum ergo prædicti duo rivuli ad pulmones pervenerint: ac per illos dispersi, eos irrorarint; sanguis, qui ob præcedentes binas diramationes non multus est; pulmonum pressione non eget, ut ejus impetu propellatur, atque, sicuti contingit in natis, transmittatur ad cor: sed ad circuitum suum prosequendum, suavi decursu innumeras penetrat venulas ad venam pulmonariam confluentes: deinde vero in sinistram cordis auriculam, & ex ea in sinistram pariter illius ventriculum trajicitur.

9. A cordis igitur sinistro ven-

triculo in Aortæ truncum progreditur. Ab Aorta denuo in totum corpus derivatur, ac præsertim non modico affluxu in ramum externum arteriæ Iliacæ ab Aorta provenientis: deinde ab umbilico in duas arterias dividitur, ut ad placentam, versus eam pulsando, discurrat, ibique nova perfectione potiatur.

10. Ad placentam cum venerit, in innumeros propemodum ramulos dispergitur, illam irrigantes: non secus ac in natis ex arteria pulmonari procedens, & in infinitos deinde rivulos divisus pulmones ipsos irrigare consuevit. Ab eadem quoque placenta, quamplurimæ, & variæ venarum ramificationes ad pulmonarium similitudinem oriuntur. Hæ porro venulæ sanguinem resumunt ab arteriolis allatum, & in venam umbilicalem unitæ deponunt, quæ solito venis more prope arterias pariter umbilicales, et si contrario motu, profluens, ad umbilicum usque contendit. Et hæc est ratio, quare mortui nasci soleant foetus, ubi multo prius placenta jam ab utero divulla egressa sit,

vel funiculus umbilicalis fuerit illis contortus: ita nempe sanguinis circuitus per vasa umbilicalia impeditur. Sanguis ergo ad umbilicum excurrit, indeque ad finem venæ portæ, a quo per canalem, qui foetui proprius est, (a) ad venam cavam commigrat; quæ, ut in natis consuevit, sanguinem totum ab arteriis, per omne corpus antea dispersum, restituit: illo nimirum, qui a partibus inferioribus provenit, per venam cavam ascendente saliente: contra vero eo, qui e superioribus per venam cavam descendente illabitur, descendente: ut ab eadem vena maxima cordi redditus novum deinde a corde circulum iterum, iterumque exordiat.

Atque hic a medicis putatur esse ordo perpetuæ sanguinis circulationis in foetu, recentibus in dies observationibus illustratus. Porro notandum est, in foetu sanguinem, qui a partibus superioribus per venam cavam descendente illabitur, & inde in canalem arterialem, eoque medio in Aortam

inferiorem discurrit, iter suum pariter ad corporis inferiora dirigere, e contra vero illum, qui a partibus inferioribus per venam cavam ascendente saliendo elevatur, (nimirum & qui ex ea immediate per foramen ovale in pulmonariam venam intraverit: & qui primo per pulmones circumfluens, ac deinde in dictam venam excurrens, totus in auriculam, & ventriculum sinistrum cordis ingreditur) majori ex parte ad superiores corporis regiones proficisci: Aorta enim descendens sanguine per canalem arterialem adducto præoccupata, non multum sanguinis capit.

II. A descripto communi systemate nonnihil discedit Meryus, docens foraminis ovalis officium esse potius, sanguinem ab auricula sinistra ad dexteram transmittere, quam vice versa: at sicuti hoc ipse contra omnes, qui se præcesserant, Anatomicos excogitavit, ita & ab omnibus, qui post eum scripserunt, oppugnatur; puta de Verney, Tauri, Sylvestre, Buffiere, Bernar-

(a) Heister in *Comp. Anatom. de foetu & in Præfat.*

Bernardo, Albino, Trew, Listero, & præ aliis Verheyenio. Winslovius vero media incedit via, (a) & valde naturæ consonum arbitratur sanguinem per foramen ovale in diastole auricularum a sinistra ad dexteram, & a dextera ad sinistram, ac si utraque unum sint, vicissim transire, ac ita reddi uniformem. In systole vero earundem auricularum in duos ventriculos pariter, ac si uterque sit unus, intromitti, quo deinde per pulmonarem arteriam, canalem arterialem, & aortam in totum corpus diffundi possit: valvulam etiam foraminis ovalis ante nativitatem nullius usus existimat: initium tamen esse muri illius intermedi, qui post nativitatem perficitur, ut ejus obstaculo sanguinis ab una in alteram auriculam transitio impediatur; pulmonum vero in nonnatis officium usque modo ignorari.

Cæterum five communis, five Mery, five media Winslovii sententia vera sit; indubitatum semper erit, sanguinem foetus proprium habere circuitum, & ab eo,

qui in natis conspicitur, plane diversum.

12. Illud autem notatu dignissimum ab Anatomicis traditur: nimirum, puero jam nato, pulmonesque ad validum respirationis motum adhibere incipiente, pressione aeris occludi ovale foramen: claudi etiam propter eandem pressionem canalem arterialem, ac tendinosum ligamentum evadere.

13. Ex his igitur manifeste patet, foetum in utero respiratione, natorum instar, non indigere: nam etsi Medici olim respirationem necessariam existimaverint, ad sanguinem nitro aereo pro fermentatione gravidandum, eumque purificandum, fibrasque motrices contrahendas: hodie compertum est, præcipuam saltem hujus necessitatis causam esse sanguinis circuitum, qui respiratione deficiente cessaret. Præterquam quod nonnatorum sanguis qui defæcatissima pascuntur alimonia, tanta non indiget fermentatione: ipsaque circuitio plane sufficit ad illam vel tenui, si quid forte insit, recremento purgandum: fibræ vero

(a) Vide Memor. Academ. Regiæ scient. An. 1717. & 1725.

vero motrices moderato prorsus, ac blando motu exercentur. Dices, respirationem saltem necessariam esse ad figenda sulphura, nimiumque calorem propter ipsum sanguinis circuitum æstuantem recenti aere compescendum. At hæc in foetu locum non habent: liquidorum enim in ipso motus omnino lenis est, ac maxime temperatus, ita ut sulphura in eo non exasperentur, nec figi requirant.

14. Nihilominus tamen valde probabile censeo, foetum modulo suo respirare: ita natura disponente, ut ille aeris reciprocationi aliquatenus assuescat, ipsa deinde validius usus, cum in lucem prodierit: cum scilicet necessitate ceperit premi respirationis liberioris: status enim infantis nati, ejusque corporis, jam per omnia perfecti œconomia perfectum exigit cum aeris elemento commercium; quæ causa fuerat, cur ille vim faceret ad nascendum; ut ita scilicet aere copiosiore frueretur.

15. Foetus insuper, uti dictum est, in utero manens liquori chy-

loso innatat, quo sine dubio nutritur. Hoc autem fieri omnino nequiret, nisi puer liquorem ipsum ore fugeret, ac sorberet; uti e recentioribus docent Vualterus, Carleton, Cornelius, Bahuinus, Ettmullerus, & alii. Eademque ex Hippocrate confirmantur, qui ait (a): *Fœtus in utero compri-mens labia alimentum, & spiritum cordi attrahit.* Porro is nec ortus illico mammas quæreret, nisi ad fugendum consuetus: neque statim se meconio egesto levaret, scilicet excrementis in intestina re-trusis: quorum utrumque similiter in brutis etiam observatur: atque hæc sunt ipsa plausibilia Hippocratis argumenta. Si autem parvulus in utero alimentum fugit, quomodo istud fieret absque pressione, & circumpulsione aeris uterini? Certum est etiam infantes non raro, imo & aliquando altius, materno in ventre vagire: vagitus autem fieri non posset sine aeris pressione, atque motu; ut puerulorum taceam expressas voces, & clare articulatas, quæ a quibusdam supernaturali causæ tribuuntur. Neque
aer

(b) Hippocr. lib. de Carnib.

aer ad respirandum infanti deest; membranæ enim, quas inhabitat, sufficienti abundant aere, ipsis ab utero communicato. Sane quamvis hic omnino sit clausus, non propterea est aeri impervius, qui si non alia via, per minimos ipsius uteri tubulos penetrabit: per eos enim uteri clausura non obstante, aura feminalis quandoque ingrediens, conceptionis in Atretis est causa, & forte superfoetationis in aliis: per eos descendunt etiam interdum liquores, ut patet in foeminis, quæ chylosi laborant: quanto magis ergo & ingredi, & egredi posse dicendus est aer, qui super cætera liquida subtilissimus est, quique poros ipsos Termometri permeare consuevit? Saltem sese insinuare non desinet æther, qui effluviis humorum terraqueorum in Amnio existentium adjunctus, jam aerem conflaret. Pulmones cæteroqui textura sua rari sunt, ac spongiosi, & infinitis vesiculis orbicularibus, & hexagonis, favorum mellis instar, ad continendum aerem aptissimis, insigni opificio compacti: quod Malpighius duabus epistolis Alphonso Borello conscriptis ostendit.

16. Porro aer uterum subiens, & ad placentam, quæ spongiosæ pariter est naturæ, perveniens, Amnio communicatur; deindeque in pulmonibus pueri propter naturalem calorem membranarum, & uteri, elatherem suum adauget, ac multo magis rarefcit: hic enim juxta Cartesii observationes per æolipilam factas, est naturalis propriusque caloris effectus. Boyle quidem expertus est aerem usque adeo rarefieri, ut spatium 14000. majus consueto requirat: insuper locum minimum, quem occupat in statu condensationis, respectu maximi in statu rarefactionis, habere proportionem ut unum ad 500000. Imo Stancarius cum Mariotte, Newtono, & aliis demonstrat, sphæram aeris nuci æqualem in tantum dilatari posse, ut regionem omnem planetariam impleat: dummodo raritatem illam adeptam sit, qua præstat aer spatium unius terrestris semidiametri a terra distans. Autumant enim spatia, in quibus continetur aer, esse ad spatia comprimementia reciproce proportionalia. Ut ut sit; Utero, & amnio nunquam deerit aer ad foetus respiranda.

spirationem plusquam sufficiens: quandoquidem hæc in illo nonnisi tenuis esse potest.

17. Positio quoque humani fœtus in utero faciliorem reddit respirationem: membranæ etenim, quibus illæ tamquam pullus in ovo concluditur, sitæ sunt ad instar sacco, vel vesicæ ab utero pendentes, & huic media placenta alligatæ: Parvulus vero in eis moratur genibus versus abdomen directis, cruribus in posteriora flexis, pedibus decussatis, manibus vel ante pectus item decussatis, vel ad caput applicitis, una scilicet ad alterutrum tempus, vel auriculam: altera tamen ad genam: sedetque supra internum uteri orificium, figuram exhibens quasi rotundam, quo minorem occupet locum; & albicanti substantiæ innatans: membranæ autem, quæ uteri fundo adnectuntur, quamvis per se figuræ sint orbicularis, propter pueri tamen pondus, eas in parte opposita prementis, ovalem induunt: ita ut superior amnii medietas, vel tertia pars ejusdem omni liquore sit vacua, & aere tantum plena.

Nam post aliquot incubationis dies obtusa ovorum extremitas e superiori parte magis magisque absumpto liquore sensim exinanitur: & ad usum respirationis pulli, ab aere ingrediente occupatur: ovum autem in superiori parte repleti aere, per poros, seu per canaliculos, in illius cortice sitos, admissio, celeberrimus Bellinius clarissime demonstravit. Dato itaque aere non videtur, cur eum ad respirandum pulli non adhibeant, cum respiratio præcipuus hujus elementi sit usus: & plane aere utuntur: pipiunt enim in ipso ovo: quod in anseribus præsertim, & anatibus, tertio vel quarto die, antequam illud rostro infringere ceperint, sæpius observatur.

18. Bianchius tamen docet, humanum fœtum, gravescente capite, gravitatis suæ centrum mutare, & in caput ipsum cadere sexto circiter mense, quandoque etiam tertio: idque illi nativitatem absque dubio faciliorem reddere: quæ frequentius, & commodius capite deorsum revoluta contingit. Communiter vero

Anato-

Anatomici revolutionem istam in ultima graviditatis tempora rejiciunt: parvulum vero tradunt ut plurimum sese in statu supra descripto continere: quod si aliquoties contrarium sit observatum; id evenisse dicunt, quia forte infans vita excesserat, ideoque in statu præternaturali manebat: vel insolitæ, & accidentali causæ tribuendum. Verum etsi cum Bianchio sentire vellemus; credendum nihilominus, foetum non semper inverso capite, positione scilicet homini tam incongrua, persistere, sed moveri saltem interdum, atque in tali situ se componere, quo respirare valeat, cum eum vagientem sæpe audiamus: quod facere non posset, si semper oseejus in liquore illo demissum permaneret: sic anates, & anseres in aquis confident, subinde vero caput attollunt, aeris, & respirationis beneficium captaturi. Utut sit, si tam magno tempore, ut opinatur Bianchius, infans capite revolutus, & in eum liquorem immerso duraret; facilius probaretur, eum, matre mortua, non ne-

cessario simul interiturum: etenim supponeretur, dum in utero existit, naturæ ipsius ordine in tali esse statu, ut non solum respiratione careat sine incommodo, sed eum etiam situm atque figuram affectet ac teneat, qui respirationi profus adversantur.

19. Ex hoc multo clarius pateret, quam male a natis ad nonnatos arguatur: quoniam si nati quidem infantis, & respirationi jam assueti, caput inversum in aliquem liquorem immitteremus, hoc illi mortem velociter inferret, & tamen hoc ipsum, quamquam diu continuatum, utpote naturale, prorsus innoxium, & amicum nonnati experirentur. Dixi respirationi assueti: nam si puer, tametsi ortus, persistat adhuc membranis inclusus, vitam, Scurigio testante (a), retinebit. Harveus quidem narrat, sese infantem hujusmodi vivum post aliquot horas perspexisse. Idemque probant bina alia exempla, quæ Bohnius subministravit (b). Equidem scio Ettmullerum, aliosque recentio-

Z 2

(a) Scurigius in *Embryo*. pag. 147.(b) Bohnius in *Circ. Anatom. Progr.* 3. p. 40.

recentiores tradere, pulmonem pueri ante nativitatem demortui, ubi in aquam demittatur, fundum petere solitum: si vero vivus ab utero exierit, vitamque deinde amiserit, supernatare: atque eo experimento detegenda esse infanticidia. Verum hoc indicium, præterquamquod interdum fallit, id solum evincit, puerum jam natum majori libertate respirare, ejusque pulmones post partum magis rarefieri. At ex eo non sequitur, pulmones latentis in utero prorsus otiosi: possunt enim, quamquam minori cum dilatatione, & rarefactione, respirationis munere fungi, ut sæpe fit in illis, qui Asphixia detinentur. Propterea supra dixi, nonnatos pueros pro modulo suo respirare. Atque ita ex celebrium auctorum sententia, (a) cum plausu docuit, & publicis disputationibus propugnavit Petrus Milatius Panormitanus Medicus in primis clarissimus.

20. Ex dictis evidens judicamus, nequaquam foetui lethalem

esse cessationem maternæ respirationis: nam sine illa sanguinis motus in eo perseverat: vel enim, dum in utero manet, respiratione penitus caret; vel si pro modulo suo respirat, hujusmodi ejus actio nil commune habet cum respiratione genitricis, ejusque systole, atque diastole: maxime cum foetus circulatione sanguinis gaudeat omnino speciali, & ab illa natorum clare diversa, quæque per peculiaria organa perficitur: nam præter cor vasa habet umbilicalia, atque placentam, quæ perpetuo sanguinis motui mirifice opitulantur. Hic autem motus incipit ab ipsis prægnationis initiis: ovo nimirum adhuc libero: neque a matre sanguini Embryonis impertiri potuit per placentam: hæc enim nondum erat utero alligata: sed originem trahit altiore a spiritu feminis virilis, qui scilicet in ovum primitus fermentationem invexit.

21. Cæterum etsi supponere velimus, motum hunc a matre olim

(a) Carleton de Oeconom. Anim. exercit. 8. de respirat. a n. 15. ad 22. & Alii.

olim impressum, (quod omnino negandum est) idipsum nihilominus parum refert: poterit enim deinde ab alterius moventis virtute, ab anima nempe foetus, animalium spirituum ministerio, continuari. Rivus quidem canali dirupto, motuque amisso, quem ei tribuerat aquæ subsequenter, & a fonte procedentis impulsio; poterit hoc non obstante cursum inceptum ulterius profequi motu ab alio principio, puta ab aere in ipsum inducto: aqua similiter fluminum propter naturalem gravium ad inferiora propensionem, in mare prolabitur, at mare jam ingressa, ejusque undis commixta, non ideo quasi in centro conquiescit, sed moveri nihilominus pergit, quamquam alia prorsus directione, a ventis nimirum, ab æstu marino, ab interioribus Euripis, aliisque causis agitata: pila denique ab unius manu projecta cursum suum non intermittit, si ab alterius litoris impetu interea propellatur. Idem naturæ ordo elucet in oviparis: Pullus enim vivit in ovo,

matre ad ejus respirationem non cooperante: sicuti ergo vivipera non minus, quam ovipera generantur ex ovo, & vivunt in ovo, cui membranæ Chorion, & Amnios pro cortice sunt, cum non alia inter ipsa, uti diximus, intercedat differentia, nisi quod illa in utero, hæc vero extra uterum foveantur: ita non magis secunda, quam prima respiratione matris indigebunt.

22. Negant propterea quidam e recentioribus materni sanguinis cum sanguine foetus mixtionem, & alternantem mutuo fluxu, & refluxu circulationem, veluti fabulosam (a): exemplo canum prægnantium, quæ multis, & justa interposita mora, factis venæ sectionibus, exangues, & mortuæ remanserunt: at nihilominus excisi earum catuli inventi sunt vivi, ac sanguine in propriis vasis de more abundantes. At circumeat nominatorum sanguis cum matrum sanguine, quod alii non inferioris subfellii Anatomici

Z 3

con-

(a) Bartholin. *de Ovar. Mulier. & generat. hist.* t. 1. *Biblioth. Anatom.*
Blanch. *de Nat. generat.*

contrariis experimentis instructi contendunt (a). Hoc nihil obstat: cum enim parvuli sanguis, quantum par est, modum habet in suomet corpusculo media placenda circuendi; matre mortua, breviorē sane cursum conficiet, ad se ipsum depurandum, ac perficiendum revera imparem, sed ad vitam foetui aliquandiu conser-

vandum sine ulla dubitatione suffecturum: praesertim cum praegnan- te mortua partus Cæsareus brevi perfici possit. Si enim Chirurghi pauculorum minutorum spatio sectionem ad calculum extrahendum absolvunt, quanto minori tempore defunctæ sectionem credimus absoluturos?

C A P U T XII.

Foetibus etiam matre mortua non deficere nutrimentum.

I. **Q**uemadmodum foetus, uti demonstratum est, non illico propter defectum maternæ respirationis occumbunt; ita neque necessario brevi ad mortem propter nutrimenti defectum adiguntur: quæ sane ratio est, cur sæpe post dies integros vivi reperi sint. Et veteres quidem Hippocratis dicto non attendentes, purissimum amnii liquorem, in quo foetus, in utero permanens, natat, urinam, aut sudorem esse crediderunt: ex eo decepti, quod

ruptis a foetu partus tempore fecundinis, aliis ignobilioribus commixtus egreditur, qui naturæ mirabili providentia, vias, per quas infans delabatur, humectant, atque ita exitum parant jamjam nascituro faciliorem. Profecto liquor is in eo statu nativam puritatem non servat, sed alteratus existit: sive quia tunc ad secundinarum diruptionem aquæ excrementitia diffluant forte inter Chorion, & Amnium congregatæ: sive quia ex foetus vesica relaxato sphinctere, ejus

(a) Heister. in *Comp. Anatom.* nota 36.

ejus urina decurrat: five quia urina pariter ab Allentoyde cadat, uti Allentoydis assertores opinantur: five quia denique humores alii a materno corpore in eo naturæ conflictu descendant. Ut ut sit, frequentibus, exactisque Anatomicorum observationibus certissimum est, substantiam, quæ in amnii cavo continetur, esse limpidam, nunc magis, nunc minus albicantem, lacteam, chylosam, saporisque suavis. Hic cibus est, succusque nutritius foetui in eo residenti ab amabili creatoris providentia præparatus, quæ pullis oviparorum simile alimentum in ovi ipsius vitello reposuit: hac sola differentia intercedente, quod cum incubatio, & exclusio pullorum in oviparis extra uterum fiant; cibus illis totus a principio adunatur. At in viviparis cum incubatio, & exclusio perficiendæ sint in utero ipso; ac propterea necesse non sit ibi totum cibum simul, & semel includi; mater eundem in dies recentem segregat, & subministrat. Quod autem dicta substantia per os in-

gesta foetus alatur, ex eo plane constat, quod ipsa tum in ore, tum etiam in ventriculo foetuum ad usum anatomicum incisorum reperiri soleat: quo circa patet etiam ex ea originem habere meconium. Et quidem narrat Heisterus (a): Althortii frigida in hyeme oblatum sibi foetum vaccinum membranis adhuc circumseptum, & utero inclusum: seque in eo inspexisse non solum amnium hoc liquore foetum circumdante, & jam congelato plenum; sed etiam ipsius congelati liquoris partem per os, totumque oesophagum, atque ventriculum, tamquam corpus continuum, crassitudine digiti unius extensam. Atque id ipsum in simili foetu hyeme pariter sæviente sese observasse testatur: quamobrem communicatio liquoris amnii cum eo qui in ventriculo inveniri solet, censeretur debet manifesta. Cum autem hæc albicans substantia perfectissimus vere sit chylus per tot canales antea præparatus, ac sanguini facillime assimilabilis; foetus nonnisi paucissima congerit excremen-

(a) Heister. in *Comp. Anatom. nota* 37. pag. 315.

excrementa, quæ propterea in intestinis absque ullo detrimento ad nativitatem usque retinentur. Deponit autem in antedictis membranis, quidquid forte impuritatis habuerit: quo fit, ut illæ in partu violacei coloris appareant: uti præsertim de Allentoyde ipsius defensores notavere: cum enim glandulosa dicatur; in ea sunt opinione, ramusculos nempe arteriæ umbilicalis lentorem aliquem excrementitium in eam demittere: eodem plane modo ac arteriæ meseraicæ faciunt in glandulas intestinorum Pejerianas.

2. Porro lactiginosus liquor, de quo paulo ante: juxta Hippocratem, & Carletonium foetui a matre per transfudationem suppeditatur, vel ab ipsis prægnationis initiis: pars enim ab illa in uterum distillat, & inde per membranas foetum involventes percolatur, ut isti per os ingesta cedat in alimoniam, pars vero eundem ingreditur per umbilicum: quandoquidem placenta jam formata, cum texturæ sit spongiosæ, non solum de eodem attrahit liquore,

qui aliunde in uterum distillaverat; sed præterea non modicam illius portionem immediate recipit a matre ipsa, nimirum per vasa uteri sibi coherentia.

3. A placenta ergo substantiæ hujus pars diffunditur in Chorium per canales forte Sigerianos: pars vero forbetur a vena umbilicali, & sanguini, eodem ab arteriis item umbilicalibus allato, commixtus, ad venam cavam decurrit, ut in perfectum sanguinem deinde convertatur. Ex hoc patescit veterum Arabum hallucinatio, qui credebant, foetum materno sanguine tantum, quem placenta exurgeret, enutriri. Error hic a plerisque insignibus recentioribus, quos inter Ettmullerus, aperte confutatur: is etiam docet, placentam, qua media foetus cum utero adnectitur, non formari, scilicet integre, nisi eodem foetu quasi per omnia completo; atque ideo Embryonem primis graviditatis diebus manere liberum, & a matrice solutum. Bianchi vero dicit, placentæ alligationem fieri ab eo ipso tempore, quo ovum descendit in uterum: quamquam fatea-

fateatur, in apris; equis, porcis, canibusque marinis eam non nisi circa ultimos prægnationis menses alligari: quod tamen Ettmulleri sententiæ suffragatur. Utut sit, pro certo habendum, in principio per aliquod saltem breve spatium temporis, ovum humanum manere liberum, foetumque non solo materno sanguine sustentari: idemque dicendum esse de brutis. Profecto ex propriis inspectionibus narrat Harveus (a), aliique cum eo, ex placentæ carunculis, ubi premantur, elici tamquam ab uberum orificiis lacteum liquorem ad cochlearis mensuram: cæterum etsi validissime constringantur, non inde tamen vel stillam sanguinis extorqueri: emunctas vero carunculas, & jam vacuatas desiccari, & more spongiarum commode comprimi posse: tum illas multis foraminulis undique perforatas conspici: quamobrem clare pateat, eas uterina ubera rectissime appellari. Adnotatum est etiam placentam, qua media prisca docebant sanguinem a matre in foetum derivari; ultimis

graviditatis temporibus, non solum illius vel guttam non emittere, sed etiam in duas veluti laminas discindi. Demum quod mater filio non sanguinem, sed chylosam substantiam largiatur, Ettmulleri experimentum facile confirmat. Si enim prægnans crocum comederit; statim eo tingitur foetus: quod indicat, crocum, cum a matre in illum transfret, nondum fuisse materno sanguini aggregatum, cujus nondum colorem induerat.

4. Ex his saltem indubitatum est, nonnatum infantem non solo sanguine, qui motu systolico, & diastolico matris ab ipsa per placentam in eum diffundi supponitur, enutriri: & ideo vitam tueri poterit, eundem liquorem, qui sibi usque ad obitum genitricis pro cibo fuerat, exsugendo; quique utpote nitro aereo gravidatus ad sanguinis motum in foetu ipso non parum forte conducit. Certum est etiam alimentum istud eidem non posse tam cito deficere. Primo, quia infans in eo natat circumfuso: deinde quia prægnanti;

Aa

mor-

(a) Harveus *exercit de Generat.* 72. *de uter. membran.*

morte non obſtante, poteſt illi a placenta ſuppeditari: Placenta etenim præterquamquod eo tota referta eſt, poterit & immediate ipſum ex canalibus uteri ſibi reſpondentibus imbibere, & ex aliis tubulis in uterum demiffum attrahere. Cæterum quod adhuc in uterum non pervenit, ſed in via deſcenſionis eſt, poterit, quamvis mortua prægnante, motum ſuum deſcendentem aliquandiu proſequi, ac ſic in uterum profluere a placenta ſorbendus.

5. Porro quo magis confectum, & debilem ſupponimus foetum; eo minori alimonia opus habet: quamdiu enim durant nec raro lucernæ, dum parciffimo illo oleo, quo ellychnium fuerit intinctum, nutriuntur: propter hoc ipſum, quod moribunda hujus flammula pabulo abundantiori non eget? Quanto magis ergo in foetu, qui natura ſua in omnibus liquidorum ſuorum motibus remiſſus, ac lentus eſt, id ſibi locum vendicabit? Hominem diu ſine cibo, & potu vivere divinæ virtuti regulariter eſt tribuendum: attamen quot adulti

etiam absque miraculo, ex prædicta, ſimilibusve cauſis menſes, & annos ſine potu, cibisque traxerunt? Certe id ex quamplurimis experimentis infiniti medici tradunt: quocirca Fortunius Licetus librum conſcripſit de his qui diu vivunt ſine alimento. Videnda etiam nobiliſſima Academicorum Bononiensium, præſertim Beccarii, & Bazani de eodem argumento diſſertatio celeberrimo operi de Canonizatione Sanctorum Benedicti decimiquarti nuper feliciffime regnantis inſerta (a). Nonnatus infans in eo manet ſtatu, in quo perſpicuum eſt, non ei tantam ex inſenſibili tranſpiratione ſpirituum, & ſubſtantiae diſſipationem eſſe ſubeundam: liquor enim, in quo verſatur, ſuo pondere, preſſione, & glutinoſa qualitate illam coercet, ac multo magis ſubſtantia illa caſeoſa, qua foetus idem totus inunctus, imo & incruſtatus apparet: quod autem per tranſpirationem emittit, id ipſum iterum ſorbet: quamobrem perpetuo circuitu, quod egreditur, iterum in corpusculum ejus perpe-

(a) Lambertin. *de Canonizat. Ss. in Append. ad l. 4. p. 1. c. 27.*

perpetua quadam circuitione regreditur. Hoc autem præter Bartholinum Clericus, ac Mangetus ex quibusdam Stenonis experimentis confirmarunt (a). Simili quidem rationi immortalem lucernarum perpetuarum vitam tribuere earundem Assertores. Præterquamquod cochleæ diutius nutrimento aliquando ingesto viventes, quæ multis huc usque defendimus, aperte demonstrant.

6. Profecto Joannes Schenchiſ, & Horatius Augenius (b) retulere, mulierem gravidam, & nono menſe, cum nempe foetus copioſiori indiget alimento, infirmam ex ventriculi ulcere interiiſſe. Hæc poſtremos viginti dies absque potu, & cibo tranſegerat: nam propter ulceris moleſtiam quidquid ſumeret, evomebat illico: nihilominus ea poſt mortem diſſecta, puer vivus, imo, & vitalis eductus eſt. Similem quoque hiftoriam dat Fernelius, in qua tamen matris inedia ex impedita deglutione bi-meſtris extiterat.

7. Mirandum eſt etiam, quod habet Fridericus Hoffmannus (c). Parvulum nempe vivum, atque perfectum exiſſe, toto tamen funiculo umbilicali a putredine corrupto. Porro impoſſibile ipſi fuiſſet vivere, ſi non aliunde quam a matre ac per huiusmodi funiculi ductum, alimentum recipere debuifſet. Ex hoc autem deſumitur, neque ad foetus vitam neceſſariam eſſe ſanguinis ipſius, cum materno circulationem: qua ſcilicet ille ſanguinem a matre per placentam, & deinde per venam funiculi umbilicalis accipiat, & vice verſa matri per arterias umbilicales media placentæ remittat: quoniam in allato caſu pueri ſanguis neque per matris venas, arteriaſque, neque per placentam, & vaſa umbilicalia, quæ cæteroqui propria ſunt foetui, circuibat. Quod tamen ab alio non diſſimili factò confirmatur: Petitus enim refert (d) vivum infantem, in cuius funiculo umbilicali nodus cernebatur: manifeſta vero indicia declarabant ipſum

Aa 2. jam

(a) Manget. *Biblioth. Anatom. t. 1. in obſervat. ad Bartholin.*

(b) Augen. *de Sanguin. miſſion. l. 6. c. 15.*

(c) Hoffmann. *d. ſſertat. de ſangued. p. 10.*

(d) Petit. *in Hiſtor. Acad. Reg. A. 1718. pag. 40.*

jam diu clausum, atque ligatum, sanguinis circuitioni obstitisse. Repertum denique tradunt alii, (a) quod multo mirabilius est, vivum foetum, etsi funiculo umbilicali omnino carentem.

8. Parvulus itaque ex recentioribus omnibus, etiam respiratione, ac nutritione spectatis, nequaquam genitricis vita, sed propria omnino vivit, ac fruitur. *Foetus*, ait Ettmullerus (b), *in utero non vivit vita matris, hauriendo ab eadem spiritus vitales, sanguinemque; sed propriam degit vitam, elaborando ex solo humore albugineo, seu succo suo nutritivo, intra conceptum concluso, sanguinem, & spiritus pro sui sustentatione: simili namque ratione, atque pullus in ovo propriam vitam eodem modo instituit, nec alio opus habet gallinae adjutorio, quam blando ejusdem fotu, & incubatu,*

ut caloris beneficio exsuscitetur vis genitalis in ovo latens: idem praestat mater foetui, dum etiam uterum fovet sinu suo, & foetum hoc modo servat & tuetur.

9. Ex huc usque dictis duæ factis firmæ conclusiones manifeste oriuntur.

Prima est: quamvis certo mortua prægnante, non idcirco mortuum credendum esse foetum, imo præsumendum potius vivum: ac propterea contra Castrum, & Varandæum matrem ad liberandum filiolum juxta communem Medicorum tum veterum, tum recentiorum sententiam esse omnino incidendam (c).

Secunda est: Foetum, etsi ut plurimum brevi, genitrice mortua, extinguatur; attamen posse non solum per horam, & amplius, sed

(a) *Acta Nat. Cur. Dec. 2. A. 7.*

(b) *Ettmuller. in Physiolog.*

(c) *Præter Auctores cap. 6. n. 4 hujus libri laudatos, Timæus, A Gundencee, Gefranus, Schelammerus, Mauriceau, Roonhuis, Albinus, Viardel, la Motte, Brundelius, Schaccherus, Guillemæus, Paræus, Sculterus, Peu, Voecherus, Deventerus, Melli, Heisterus, & alii innumeri.*

sed & per integros dies, infinitis etiam exemplis comprobantibus, manere superstitem. Ita ut quocumque demum tempore post matris obitum elapso, partus cæsareus nunquam sit omittendus. Varandæum olim partum Cæsareum viventium improbantem pie excusaverat Henricus Gras (a), di-

scipulus, ut Bartholinus ait (b), præceptore major: quod dies diem doceat: quis autem ejusdem Varandæi partum Cæsareum defunctarum negantis errorem, hoc tam illuminato sæculo undique profligatum, in coætaneis nostris aliquo pacto excusabit?

C A P U T XIII.

Quamvis obiisse foetum asseverent Medici, & obstetrices, attamen partum Cæsareum non esse prætermittendum.

I. Quid tamen agendum, si post longas profecto moras Medici, & obstetrices foetum ventre contentum jam plane mortuum contestentur? Adhibebitur, eo non obstante, Cæsarea sectio: nemo enim certo rescire poterit, illum revera decessisse. Et sane vel de foetu loquimur ante partus tempora extrahendo, vel de foetu instante puerperio & utero jam aperto. Si de primo, ejus

mortem dignoscere impossibile omnino est. Si de secundo plusquam difficillimum. In primo quidem casu defectus motus nimis leve signum, & fallax reputatur: quoties enim matres ipsæ usque ad septimum mensem in foetu motum non perceperunt? Id olim accidit matri meæ, dum utero gestaret infantem, quem deinde incolu- mem edidit. Bartholinus addit:

(c) Matronam, cum toto novem
Aa 3 men-

(a) In Præfat. novæ edition. ad Lectorem.

(b) Bartholin de insol. Part. cap. 19. n. 8.

(c) Bartholin. de insol. Part. cap. 2.

mensium spatio foetum moveri non sentiisset, graviditatem suam non agnovisse, nisi puerperii hora jam adveniente. Quam facilius autem obstetrix falli poterit, quæ ante partus horam infantes nonnisi mediate, & ad breve tempus attrectat?

Porro nati ipsi, & adulti dies totos quamquam vivi sine apparenti pulsu, sine motu, sine respirationis indicio perstiterunt. Quot autem ex illis propterea sepulchro illati sunt? Quanto ergo frequentius id in nonnatis evenire necesse est, qui vita fortasse destituti non sunt, etsi motu carere videantur? Quis enim eos manibus contrectare? Quis oculis perscrutari? Quis eorum pertentare arterias? Quis denique in eis vitæ mortisque indicia contemplari valebit? Et quidem quamvis maritus in regionem longinquam profectus, tamdiu perseveraverit absens, ut verisimiliter mortuus existimari debeat: solumque commercii defectum ejus mortis indubitatum nuncium impe-

dire; attamen Canonicae leges, (a) viventem præsumunt, semperque uxori secundas nuptias interdicunt. A fortiori ergo puerulos hosce præsumere debemus vivos, ut eos liberare tentemus. Quis ignorat divinam misericordiam in impertiendis ad hominum salutem copiosissimis, aptissimisque mediis præsertim elucere? Hæc sane misericordia mente captis, ut peccata confiteantur, lucida sub vitæ finem intervalla concedere consuevit. Hanc ipsam igitur misericordiam admirabili dispositione inferiores causas moderantem pie credendum est hujusmodi infantulorum vitam sæpissime tueri, quousque partu Cæsareo facillimo quidem remedio extracti, baptizari possint. Quanta sit autem in natis pueris hujus providentiæ celsitudo Sanctus Franciscus Xaverius olim sese observasse testatur. *Hic, scilicet in Insula Amboino, ait ille (b), oppida sunt Christianorum omnino septem, quæ ego circumiens infantes omnes, ac pueros nondum baptizatos rite lustra-*
vi,

(a) Cap. in præsentia de Sponsal.

(b) S. Franc. Xaver. l. 2. epist. 3.

vi, ex quorum numero complures sub baptismum excefferunt e vita: ut satis appareret, vitam illis suppeditatam divinitus usque eo, dum ad æternam vitam patefactus aditus esset. Profecto legimus in fide dignis historiis, Deum sæpius ad vitam, & infantes, & pueros, & adultos jam extinctos revocasse, ut baptismi salutaribus aquis abluerentur.

Historiis dixi, nam probe scio quamplures infantulorum abortivorum resurrectiones fuisse muliercularum inventa, quæ variis modis illos calefacere audebant, atque movere, ut vivos ostenderent, ac baptismate initiarent (a). At hæc fraudes fidem veris resurrectionibus non derogant. Si quidem Sancti Stephanus, (b) Martinus, Hilarius, Raimundus

Nonnatus, Ignatius Loyola, Franciscus Xaverius, Franciscus Salesius, Camillus de Lellis, ac Beati Benedictus a Sancto Philadelpho, & Marcus Bononiensis, & alii publicis Ecclesiæ honoribus celebres, mortuos pueros, ut hi baptismum fusciperent, ad vitam fuscitasse perhibentur. Ac Beatus quidem Benedictus tribus pueris; Sanctus vero Ignatius quatuor, aut quinque id beneficium contulisse (c). Addenda prædictis, quæ de Martino a Valentia, Josepho Anchieta, Aloysio la Nuza, Bernardo Corleonensi, aliisque innumeris Dei famulis tradit historia (d). Multos item pueros ab Abacuis in Brasiliam irruentibus crudelissime sagittis confossos, Joannes Almeida singillatim spiritu suo fovens, vitæ restituit, quousque baptismate mun-

(a) Euseb. Monach. Rom. in *Epist. de Cultu Ss. Ignotorum apud Mabilon. tom. 5. Præf. ad sæc. Benedict. Statuta Synod. Philipp. & Guidon. Episc. Lingon. A. 1452. & A. 1455.*

(b) Auctor Augustino Coævus de *mirac. Sancti Stephani inter oper. ejusdem Sancti Augustini tom. 7. & S. August. serm. de divers. 323. & 324.*

(c) Mariani *vita S. Ignatii l. 5. c. 7.*

(d) *Legantur Acta prædictorum Sanctorum, ac Servorum Dei.*

mundarentur: pluribus idoneisque testibus juramento adactis rem confirmantibus (a).

2. Mirabilis item in hac materia fuit Germani parvuli ad baptismum recipiendum vitæ redintegratio, aut saltem conservatio, a Justo Lipsio, veluti maxime authentica, descripta. Ille A. 1428. sine vita, saltem apparenti, natus, & defunctus post varia ab adstantibus facta experimenta judicatus; ac propterea sepultus, & humo compressus; post decimum quintum ab humatione diem Beatæ Mariæ Virginis ope, vivus erutus est; & aliorum quinque miraculorum auxilio, & ornamento baptizatus, in coelum evolavit (b). Aliud valde consimile miraculum refert Robertus Hautport (c) & ex eo Bagatta (c). A. 1582. *Elisabettæ Joannis de Ferin conjugis fœtus, quod mortuus ex alvo materno prodiiisset, in remoto horti margine defossus fuerat. Itaque*

dies septimus supra decimum agebatur; cum mater, dolore mitigato, id unum spe nova concepta extorsit a marito, ut infantis corpusculum effoderet, hac lege, ut si computruisset, relinquerent; sin restitisset integrum, assumeretur: forte spe haud dubia, ut B. Virgo vitam ei restituat. Paret ille Uxoris importunis precibus, incorruptum reperit, adfertque ad matrem. Hæc iter ad divam virginem Cerviensem ingreditur, cui a fonte nomen est, a fonte, inquam vitæ. Vix ibi dispositus infans jacuerat; cum roseo colore ingenis tingi, calere, respirare, aliaque vitæ signa præbere. Baptizatur ergo summa cum omnium lætitia; perstititque vivido formosus colore, donec Cerviensi ex ditione efferretur: tum enim sensim pallescere: prorsus, ut quo longius a vitæ fonte abiret; hoc propius morti esse videretur. Tandem inter mortales esse desit, cœlitibus convicturus.

3. Si

(a) Anton. Macedo. *in vita Joan. Almeid.* l. 1. c. 7.

(b) Hautport. c. 142. *de Mirac. B. Virginis Cerviensis.*

(c) Bagatt. *Admirand. Orb. Christ.* l. 8. c. 2. §. 1. n. 10.

(d) Just. Lips. *de Virg. Hallensi* c. 21.

3. Si autem de foetu instante jam partu sermo fit; negari non potest, rationes paulo ante allatas maxima ex parte pro ejus quoque mortis incertitudine militare & innumeris experimentis roborari. Heisterus enim, ut ipse fatetur, viventem puerum, quem extinctum putaverat ferramentis extraxit (a) in eundem omnino errorem incidit Peu, qui se in partu difficili quamplurimis enarrat signis delusum, non solum mortui, sed putrescentis foetus qui tamen vivebat: Illustrius ferme videtur exemplum, quod celeberrimus Fabritius Hildanus Bernensis, pridie nonas Septem. A. 1605. sibi contigisse testatur his verbis: (b) *Murati matrona quædam honesta, Judica nomine, per dies sex parturientium doloribus laboraverat, signaque nonnulla, foetum in utero mortuum esse, aderant. Præcedenti enim die cum rigore quodam matris, foetus moveri cessaverat: ita ut postea neque parturiens ipsa, neque obstetrix, &*

adstantes matronæ, motum ullum perceperint. Vertex quoque capitis hujus foetus, cum paulatim in conspectum sese dedisset; sphacelatus conspectus erat: foetor quoque aderat. Ex his, & nonnullis aliis signis, foetum mortuum esse conclusimus, sed male: vivum enim tandem eum extraxi. Sed quia caput per dies aliquot propter angustiam genitalium, (erat enim ea triginta annorum, ætatis constitutione corporis sicca, nec antea utero gestaverat) graviter compressum; atque ex illa compressione inflammatio, atque corruptio sequuta fuerat tertio post die e vita decessit.

Si infantis magnus, & irritus sex dierum labor, ut ex utero exiret, si motus cessatio cum matris rigore, si foetor, atque sphacelus ipse visu, & tactu cognitus in puero jam pene orto fefellerunt, quodnam erit signum illud, quo tuto partum Cæsareum defunctorum ommittamus?

Bb

4. Ca-

(a) Heister. p. 2. sect. 5. c. 113.

(b) Wilhelmus Fabrit. Hildan. cent. 1. Epist. 3. ad Amandum Polanum, & in Respon. ad Epist. Michael. Doring.

4. Casum non valde quidem dissimilem ipse vidi tertio nonas Octob. 1636. cum enim pauperima villica in mea Palmenfi Parœcia occubuisset; senior obstetrix cognomine Spina & Lucianus Talbi Chirurgus insignis, in Nosocomio Romano Sancti Spiritus pluribus annis eruditus, asseverabant, foetum ante duos dies obiisse; at ego nihilominus obfirmato animo omnino incidi foeminam jussi, & infantulam inveni viventem. Eam propterea baptizavi, Placidam appellans: dies enim erat Sancto Placido Martyri sacra: nec nisi post quadrantem discessit e vita. Igitur, ut cum pompa sepulchro inferretur, præcepi, & funebre officium ipse celebravi, ut his artibus rei fama evulgata, cuncti ad infirmarum graviditates mihi denunciandas inflammarentur: quod exinde semper felicissime sum consequutus. Incredibile enim est, quantam alacritatem, & spirituale gaudium inspirent fidelibus populis hæc publica de æterna no-

strorum parvulorum salute lætitiæ signa. Quamobrem Parochos moneo, ut in hujusmodi eventibus eadem præstent. Clerum scilicet invitent, ac in Ecclesiam, veluti cum quadam triumphi specie, fortunatos hosce Agniculos deducant, Boni Pastoris Evangelici exemplum imitando: qui recuperatam ovem, in humeros proprios impositam, tanta cum exultatione reportat (a).

5. Hæc a me scripta cum legisset Joseph Timpanellus Mazzarinensis Parochus, omnimodo incidi gravidam præcepit, frustra renitente Chirurgo; qui foetum esse mortuum judicabat. Is autem vivus inventus est: cumque paulo post baptismum obiisset; solemni pompa elatus fuit, populusque jucunditate maxima expectiit, ut jam imposterum partus Cæsareus, in eo oppido usque modo invisus, frequentaretur (b).

Cura

(a) Matth. 18. 12. & seq.

(b) Epistola Josephi Timpanelli ad Episc. Syracus.

Cum pompa etiam Dominicus Barberius Parochus Jojofensis infantem alium extractum sepelivit, rei fama vicina oppida complente, omnibusque plaudentibus. Quapropter foetus, etsi minimi, jam extracti & baptizati, non sunt denuo matris utero includendi, atque suendi: sed aperte ad populi undequaque intuentis lætitiā in ecclesiam deferendi: quo nimirum omnes perdiscant, defunctis gravidis, æternam parvulorum salutem esse incisione procurandam.

6. Verum nihil magis arguit Medicorum, & Chirurgorum in detrectanda quandoque sectione imprudentiam, quam sancti Raimund. nonnati, qui ad annum 1200. obtigit, mirabilis ortus (a). Raimundi mater post infelicitissimam graviditatem, cum partui proxima in lethale deliquium ex morbo incidisset; a Medicis per horas viginti quatuor acerrimis remediis divexata, & demum expergefacta, suprema sacramenta recepit, mandavitque sui corpo-

ris, postquam decederet, incisionem, ut foetus liberaretur. Ea igitur mortua, necessarii pro partu Cæsareo institerunt, sed incassum: nam Chirurgi, atque Medici obstinatissime sunt reluctati: statuebant enim matris morbum foetui communicatum utrumque certo extinguere debuisse, aut saltem violenta illa medicamina, quæ matri nequaquam profuerant, filiolum enecasse: magnisque clamoribus jactabant crudele, & impium esse, mortuam trucidare, cum conservatio vitæ in ejus foetu juxta omnem artis medicæ rationem omnino impossibilis videretur: neque sine divina revelatione miraculum expectandum, cujus nullum indicium, nequidem dubium appareret. Tribus itaque diebus integris hæc eorum resistantia perduravit, cum totidem diebus defuncta insepulta jacuerit: expectabatur enim Cardonæ Vicecomes, illi sanguine conjunctus, quem maritus, instante uxoris morte, advocaverat. Hic tandem cum venisset, & rem didicisset, Medicos, atque Chirur-

Bb 2

gos

(a) *Mirabilis vita S. Raimundi nonnati cap. 4.*

ges gravissime reprehendit: nulla iactura, inquit, in partu Cæsareo si puer mortuus est: creditis illum periisse? Cernamus oculis utrum revera ita sit. Maternæ ultimæ præces non sunt spernendæ: forte argumenta vestra valida sunt: verum providentiæ divinæ consilia non attingunt, quæ de tenebris lucem splendescere iubet. Cunctantibus illis pugionem exerit, ad cadaver accedit, & lateri vulnus infligit, ex quo infantulus vivus brachium actutum emittit: eum igitur educunt incolumem, atque jucundum, stupendibus omnibus, patre tamen præ gaudio vix credente. Raimundus autem adultus Cardonæ Vicecomite veluti altero, & sane amantissimo patre perpetuus usus est. Neque factum istud miraculo adscribas, nam primo gratis id faceres. Age vero sit illud miraculum; cum tamen ipsius nulla spes antea Medicis,

adstantibusque præluxerit; an non poterit Deus eodem consilio ad aliorum parvulorum salutem similia portenta patrare; quæ neque tu speras? Numquid abbreviata est manus Domini, vel exficcata forsan abyssus miserationum ipsius?

Concludendum est ergo nihil nos detrimenti subituros, ubi fiat incisio, quantumvis omnia signa foetum mortuum esse conclament: posse tamen contra spem omnem totum negotium lucrifacere; ut cum Heistero, Gobato, Alberto, Nymanno, admonet Hildanus (a). *Præstat itaque, is ait, centum cadavera prægnantium frustra incidere, quam semel permittere foetum vivum in utero materno tam misere perire, atque suffocari: hoc profecto esset crudelem, atque inhumanum sese erga proximum exhibere: imo & justissimam iram divinam in genus humanum provocare.*

CAPVT

(a) Hildan. in dicta respons. ad Michael Doring. Gobat. in Append. 3. ad tract. 2. de Bapt. 13. 30.

CAPUT XIV.

Parochus neque defunctæ necessariis, neque Chirurgis, neque suis adjutoribus, neque aliis fidere debet, si vere salutem cupit infantulorum.

I. **O**mnis curandi, ut partus Cæsareus administretur, procul dubio præcipue in marito defunctæ, ejusque consanguineis, hæredibus affinibus, atque domesticis residet. Nihilominus hi omnes, siue ne mercedem chirurgo debitam erogent, siue ne mortuam suam viventium extraneorum oculis subjiciant; opus adeo salutare non urgent, neque sollicitant illud potius difficultatibus involventes. Non diffiteor pios etiam, & prudentes propinquos interdum reperiri: at hi ipsi non raro sibi persuadent foetum in utero jam vita destitutum, & facile inveniunt ex obstetricibus, imo etiam ex Chirurgis adultores, qui eos in hac perniciosa opinione confirmant: siue quia & isti operationem Cæsarei partus, quæ in speciem fera est, & nauseam movet, aversentur: siue quia nimis timeant, ne ipsis infaulte cedat, & eorum existimatio minuatur:

siue quia mercedem sibi rependam fore desperent: siue quia tandem id ex humani generis hostis occulta instigatione procedat.

2. At pejora dicemus: non desunt magno numero propinqui, atque domestici, qui non solum partum Cæsareum negligunt, vel subdole declinare fatagunt, sed ei aperte, ac inhumane reluctantur. Deficiunt mihi verba ad exprimendam sceleris hujus atrocitatem: vere inimici hominis domestici ejus. Panormi circa Kalendas Augusti Anno 1743. Consanguinei gravidam sepelire festinarunt: ne scilicet ejus prægnatione a Parochi aures interea perveniente ipsi ad sectionem compellerentur. In Agrigentinæ Diœcesis oppido, mortua prægnante, animarum pastor (qui rem in Congregatione Parochorum Anno 1739. mihi narravit,) accurrerat, ut puerulo cæteroqui jam partui maturo

extractionem pararet; at a con-
fanguineis defunctæ repulsus est:
certe reprehensibilis, quia non
audacter, fortiterque se gessit,
neque, uti debebat, sæculare
brachium invocavit. Idem quo-
que me præfente contigisset Mon-
teregali, quæ tertia Siciliae Me-
tropolis est ecclesiastica pietate,
ac litteris florens: domestici enim
defunctæ Chirurgum rejecerant
nunquam admissuri, ni casu per-
transiens ad incisionem poenarum
metu compulsem. Grassus Ara-
goniæ Archipresbyter in eadem
Congregatione retulit, sibi olim
ignivomis armis obstatum, ne
defunctæ dissectionem curaret:
se autem divino fultum præsidio a
præclaro facinore non destitisse,
& infantem feliciter liberasse.

3. Verum hæ legitimæ præ-
gnationes erant: quid ergo augu-
randum de infamibus, & occultis?
In his absque mora, sine consulta-
tione propinqui foetum cum ma-
tre ad sepulchrum quam citissime
deducunt, rem totam altissimo

silentio prementes, neque pro-
pterea conscientia angore crucian-
tur. Sedulo igitur mala ista præ-
vertant Sacerdotes, maxime Paro-
chi: nam ex edicto Agrigenti-
no (a): *Quamvis in occultis gravidita-
tibus omnis, quantum fieri potest,
circumspectio, quam suggeret chri-
stiana prudentia in usum venire de-
beat; nihilominus nunquam æterna
infantis perditio erit permittenda.*
Idem onus ex charitatis lege qui-
buscumque graviditatis consiliis in-
cumbere, non est ambigendum.
Sed o casus vere deplorabiles,
& simul nimium, heu nimium fre-
quentes, qui zelum Sacerdotali
pectore vere dignum exposcunt!
Parochi administer fassus est, mihi
in ejus Parochia 24. millium inco-
larum, habita ratione infantium
tum abortivorum, tum etiam cum
matre sepultorum, viginti circi-
ter animas quotannis perire solitas.
Tam enormem vero circa Cæsa-
reum partum vecordiam plurimis
in regionibus grassari non dubito.
Bartholinus (b) eamdem in sua
Dania vigere deprædicat, memi-
nitque

(a) *Edictum Laurentii Jojenii Episc. in Append. buj. oper.*

(b) *Bartholin. de insol. Part. c. 12.*

nitque gravidæ Friburgi enectæ dolens de infantis, qui vivum sese motu indicabat, perditione, ac de homicidio negligentium culpa duplicato: detestatur inde funestum casum Olbeccæ, ubi carnifex gravidam occidit, ex qua dum sepeliretur, duo canes hinc inde binos geminos, quos ea gestabat utero, discerpserunt. Joseph Coppula, Episcopus Aquilanus (a) testatur in sua provincia, si civitates excipias; vel ipsum partus Cæsarei nomen ignorari. Mauriceus e Galliis scribit (b), se defunctam prægnantem incidere a patre illius impeditum. De Germaniæ incuria videndus Gobat (c), & Heisterus (d): hic autem jam a prægnantis viro, jam a fratre vel igneo tormento a sectione prohibitus, aperte dicit: scelus hoc vivos humani cum matre pueros longe, lateque in toto terrarum orbe dominari.

4. Verum quis crederet? nonnunquam Cæsareum partum impediunt illi ipsi magistratus, qui maxime urgere tenerentur. Instabat pro nonimestris gravidæ incisione Parochialis Oeconomus in Syracusana Diœcesi: at vetuit oppidi Gubernator, ne quid novi, ut ipse effutiebat, in loco fieret. Igitur foetum vivum cum mortua sepepserunt. Oportet ergo in his Parochum apostolica libertate Dei causam agere, nulli vero fidere neque Chirurgis, neque propriis adjutoribus, quamvis defunctæ consanguinei sectioni assentiantur. Chirurghi enim, ut verbo rem absolvam, non sunt animarum curatores: Parochorum vero administri (multorum venia dixerim) non semper eodem zelo, eademque scientia ornantur, quibus persæpe fulget primarius Pastor: certe nunquam eadem auctoritate pollebunt: quapropter semper minus obser-

(a) In Epist. ad clarissimum Georgium Guzzetta Orat. Panorm. Presbyt.

(b) Mauriceau observ. 345.

(c) Gobat. de Bapt. tract. 2. cap. 8. n. 260. & seq.

(d) Heister. p. 2. Chirurg. c. 113. n. 3. in not. ad litt. C. & c. 154. n. 1. in not. ad litt. A.

observantur, minusque timentur: ita ut periculum non raro sit, ne si res tanta eorum curæ permittatur, ob improvisum aliquod, & intempestivum obstaculum infelicissime succedat. Recta bene gubernandi ratio postulat, graviora negotia eorum tractari manibus, qui a domino sunt ad ea gerenda præcipue constituti, quibusque præ omnibus animarum onus incumbit. Cura autem Cæsarei partus, ut ipse post duodecim Parochatus annos videnter dicam: tum propter ipsam rei magnitudinem, & impedimenta, quæ passim interponuntur, tum propter celeritatem, quam exigit: non solum gravissima censenda est, sed longe cunctis aliis antecellit.

5. Antequam Parochus A. 1736. necessarium iter institueret, diligentissime commendavit Vicario suo, cæteroqui pio, de nonnatis sollicitudinem. Hic autem postquam moribundæ prægnanti cum Chirurgo astitisset; in domum suam, quæ non longe distabat, paululum quieturus discessit: admonens tamen illum, ut adveniente incisionis hora, se per nun-

tium revocaret. Muliere mortua, nuntium mittit Chirurgus: at Sacerdotis domestici non intelligentes quanta festinatione opus esset, eum a somno excitare neglexerunt. Chirurgus igitur ob Sacerdotis absentiam animo concidit, & re infecta recedit. Cum autem Vicarius tandem expergefactus Chirurgum alio digressum audiisset, credidit puerum repertum ab eo sine dubitatione defunctum. In summa negotium implicatur: mortua mater ad sepulchrum una cum foetu adhuc indubitate vivo deferitur: ut ex ventre sese nunc attollente, nunc deprimente quædam femina animadvertit: quæ tamen rem sibi reservans, Presbytero funeris officium celebranti non aperuit; nec nisi post biennium Parocho revelavit, eum insanabili animi vulnere faucians. Dolebat enim vehementissime, quod inter tot infantes a se liberatos, hic miser aliorum incuria, & stultitia periisset.

6. Parochus igitur aliis Sacerdotibus, præsertim qui moribundis auxiliari consueverunt, significabit, velle se ad gravidarum mortem,

mortem, & quidem præmature advocari: monens tamen, quod si forte se absente prægnans expiraverit: ad incisionem procedant, ne ipsum expectando tempus cum infantis periculo delabatur.

In Catanensi edicto sub excommunicationis poena præcipitur Parochis, ne morientem gravidam deferant, sed chirurgis præfentes ad finem usque operationis

immineant. Et profecto tamquam sibi dicta recogitare debent Davidica illa verba, quæ sæpe cordis sui auribus pro pueris innolari perſentiebat B. Joseph Calasancius. *Tibi derelictus est pauper, Orphano tu eris adjutor.* Nam in aliis, præſertim deſunctæ neceſſariis, fidem reponere, intolerabilis ignaviæ eſt, atque deſipientiæ.

CAPUT XV.

De officio Magistratuum Ecclesiasticorum, & Sæcularium in promovendo partu Cæſareo, cogendisque deſunctæ propinquis ad illum permittendum.

I. Cum certiffimum ſit, deſunctæ propinquos, ac domeſticos, ubi incisionem negligenter, vel prohiberent; peritos vero, ubi exequi recuſarent, vel differrent, peccare lethaliter, ac necis pueri tum temporalis, tum æternæ reatum incurrere (a):

Parocho omni ope nitendum eſt, ne mortua ante ſectionem ſepulturæ mandetur: ſecus agens, ubi ſaltem foetus potuerat eſſe vitalis; equidem non video, quomodo ab irregularitatis poena ſit eximendus: nimirum propter infantis mortem culpabilem, eſſi non intentam,

Cc

(a) Poſſevin. *de Offic. Curat. cap. 6. de Bapt. n. 10.* Manual. Paroch. par. 2. c. 2. n. 2. Gobat. *de Bapt. tract. 2. c. 8. n. 260. & ſeq.*

tentam, quam ex officio tamquam miserabilium pater impedire tenebatur. Inde est, quod in variis Sæculorum Episcoporum Edictis contra prædictos omnes excommunicationis latæ sententiæ poena statuitur.

Parochus ergo, si quando repugnantes offenderit domesticos, vel Chirurgo, primo Divini Judicii severitatem interminabitur, quo parvuli quidem baptismo non expiati perpetuo a cœlesti patria exilio mulctabuntur: qui vero eorum perditionis causa quomodolibet extiterint, in tartarum cum apostatis angelis sempiterno igne cruciandi tradentur. Secundo, si pertinaces viderit, ad episcopum, aliosque magistratus ecclesiasticos, aut sæculares confugiat illico (nam sæculares ipsi arctissima obligatione, ac sub peccato mortali, & syndicatus censura ad auxiliare brachium impertiendum adstringuntur;) quo tam conjunctos, quam Chirurgo, atque alios tempestive compellant. (a) Attamen, quod rei caput

est, interea lustralis aquæ aspersionem, quam ultimum vale appellamus, denegabit; ne qui licet regulares cadaver efferre audeant, certe gravissimas poenas alioquin subituri. Agrigenti vir primarius incisioni uxoris obstabat; verum civilis potestas, cujus brachium Vicarius Capitularis invocaverat, militum probatorum turmam immisit, quæ circumdatis ædibus, illum coërcuit. Deferet autem Parochus ad Episcopum contumaces, non solum ut hos ille re integra omni contentione cogat ad officium; sed ut poenis canonicis puniat, si propter ipsorum obstacula partus Cæsareus omissus fuerit: vel si forte peractus quidem, sed incassum, parvulo scilicet propter moram interea defuncto. Infra tamen indicabimus poenas alicubi statutas, vel quas statuere possit Episcopus, nimirum spirituale homicidium, ecclesiæ injuriam, & Christi sanguinem vindicaturus. Testes igitur sibi rogabit Parochus de diligentia, & exhortationibus a se adhibitis, uti Gobatus docuit ac

(a) *L. Negat. DD. de mort. inferend.*

ac Manuale Parochorum: *Quare si opus est, auctoritate Magistratus, aut comminatione delationis ad Episcopum, quoquomodo rem urge, hujusmodi diligentiae testes adhibe: ut de præstito tuo officio constet. Multa inquires mandas: verum est, sed tanti est infanti periclitanti Parochum non defuisse.* Parochi namque in his negligentes criminali judicio sistendi sunt, atque plectendi, tamquam in munere suo enormissime delinquentes.

3. Et hæc quidem animarum Pastores. Magistratus autem laici jure communi a priscis Romanorum Regibus emanante, eos, qui gravidam non facta prius excisione sepeliunt, veluti si matris simul, & foetus essent homicidæ, supplicio addicent: (a) *Spem enim animantis cum gravida peremisse videntur.* Quam legis profecto sententiam, cæteroqui juri naturali apprime consonam, Judices, qui parvipendunt, gravissime peccant.

4. Neque tantum ad foetum liberandum sæculari Potestati partus Cæsareus promovendus est: sed propter alia quoque bona sine dubio non contemnenda: nam (quod bene animadvertit Heisterus) multum proderit ille, ut Medici, Chirurghi, atque obstetrices figuram, magnitudinem, & constitutionem inspiciant abdominis, & uteri, situm quoque foetus in eo, secundinarum dispositionem, earumque cum utero ipso medio funiculo umbilicali, & placenta connexionem. Quæ notiones ad alias puerperas adjuvandas erunt utilissimæ. Deventerius addit, Cæsareis incisionibus deprehendi, utrum inepta obstetricis, vel Chirurghi manus causa fuerit mortis in parturiente: quo casu a Magistratibus mulctari possent, aut saltem ferio moneri, ut accuratius artem addiscant. Videndi etiam Jurisconsulti, præsertim Fæltmannus, (b) ac Wilduogelius in celebri dissertatione, quam An. 1716. Jenæ edidit de Jure Embryonum. Quæ tamen

Cc 2

ad

(a) *L. Negat. DD. de mort inferend*

(b) *Fæltmann. de non humanda muliere, quæ utero gerit. L. de Cadav. inspic.*

ad exeutiendam Magistratum, Cæsareo omittendo scripsit Heisterus, aureis litteris mererentur quos attinet, recordiam in partu exscribi.

C A P U T XVI.

Peritis, cæterisque deficientibus charitatem urgere quemlibet alium, etiam Sacerdotem, ac maxime Parochum, ad partus Cæsarei ministrationem.

1. **D**iximus eum, qui oculum, manum, & novaculam, vel simile aliquod habet instrumentum (perito absente, vel forte nolente) quamvis usu non edoctum, posse in extrema necessitate incisionem adoriri. At si potest, charitatis lege tenebitur. Quo circa in casibus his Magistratus eos cogere debent, quos aptiores huic operationi arbitrantur: puta solertem virum, vel mulierem animosam, & dexteram: publica namque auctoritas poterit etiam, uti Juristæ omnes monuere, ubi deesset carnifex, quamvis vel solum huiusmodi nomen ipsi naturæ horrificum sit, & abominabile, alium compellere carnificis vicem suppleturum. Et quidem id officii hodie lanionibus alicubi destinatur (a) Imo nobiles olim ipsi neutiquam dedecori ducebant, reipublicæ in tali quoque ministerio deservire: quod ex sacris ipsis Bibliis plane manifestum adnotavere eruditi. (b) Quanto magis ergo poterunt Magistra-

(a) Bartholus, Baldus, de Benedictis, Clarus, alique cum Muta in Pragm. Reg. Sicilia tom. 1. tit. 52. n. 7.

(b) 2. Reg. 1. 15. & 4. 14. Item 3. Reg. 2. 25. & 34. Cassaneus in consuet. Burgund. tit. de Rust. §. 7. n. 42.

gistratus quempiam adigere, qui misericors, & honorabile Chirurghi munus adimpleat, ad infantulum periclitantem a morte temporali, & æterna vindicandum? Publicæ tamen auctoritatis ad ejusmodi finem imploratio prægnantis mortem præveniat; ne forte dum tempus huc, illucque discurrendo, dilabatur; infans interea moriatur, & auxilium evadat serum, & inutile.

2. Si obierit ergo prægnans, & nemo reperiatur, qui incisionem exequi possit, vel exequi velit, non Chirurgus, non obstetrix, non Barbitonsor, non alius; quid tum consilii capturus erit Sacerdos, maxime Parochus? Sinetne foetum vivum, nec baptizatum cum matre sepeliri? Tanto erit ille animo, ut æternæ perditioni derelinquat puerum suæ charitati, & curæ commissum?

Tanta certe magnanimitate fuerunt nuper duo Parochi, Monteregalenfis quidem Dioecesis unus, Panormitanæ alter, qui mihi rem ingenue fassus est. Quid consilii capturus erit Sacerdos, præsertim Parochus? Ipse novacula armatus incisionem aggrediatur. Ita monent Edictum Catanense numero tertio, & Agrigentinum num. 4. & Pactense num. 9. quæ dabimus in Appendice. Hisque consonat Vanespen (a), cujus verba in Edicto Catanensi afferuntur.

3. Superfluum forte videri posset, quod in his Edictis Parochi admoneantur, ne propter scrupulos a facienda per se ipsos incisione desistant. Etenim quis nesciat, si de præcepto non exercendi Chirurgiam sermo sit; illud non obligare in tam extrema, & inevitabili animæ, corporisque necessitate.

C c 3

Tholosan. *Synagm.* p. 3. l. 31. c. 38. n. 3. & seq.

Bobadilla *Polit.* l. 2. c. 3. in fine.

Jo Hensler. in tom. 3. *Jur. Publ. var. Thes.* 49.

Latissime Ricciulli de Person. Reprob. l. 12. c. 7.

Didac. Perez *ordin. Castell.* l. 2. tit. 14. leg. 38. lit. A.

(b) Vanespen p. 2. tit. 2. de Bapt. c. 4. n. 25.

necessitate? si vero de irregularitate, quam ex defectu lenitatis appellamus; hanc non habere locum, nisi in occisionibus, vel mutilationibus vivorum corporum? Nihilominus prudens, atque laudabilis est monitio: suboriri enim facile poterat hic scrupulus ruralibus saltem Sacerdotibus. Equidem Parochum doctum, & zelo præditi novum, qui prægnante mortua cum Chirurgus non suppeteret, ejusque Vicarius sese promptum ad sectionem offerret; hunc a cæsiōe metu irregularitatis absterruit, foetu interim pereunte. Adeo verum est in improvisis, gravioribusque casibus, plerosque omnes navigantibus tempestate jactatis evadere similes, de quibus scriptum est: (a) *Turbati sunt, & moti sunt sicut ebrius, & omnis sapientia eorum devorata est.* Ea ipsa, quæ scimus, obliviscimur, & a subitaneis, contrariisque cogitationibus confusi, atque implicati pejora sæpe deligimus: quod viris

etiam doctissimis non raro contingit.

4. Verum ne quod edictis comprobantibus proposuimus, durum atque indecens aliquibus fortasse videatur; non abs re erit, id ipsum theologicis rationibus illustrare. Supponendum est itaque novum nullatenus esse: charitatis legem compellere nos, ut proximi vitam spiritualem nostræ corporali vitæ anteponamus. Id enim ex ipsius Christi Domini Redemptoris nostri doctrina, atque exemplo validissime firmatur. Propterea Augustinus (b): *Plus debemus, ait, diligere proximum, quam corpus proprium.* Id ipsum docuit cum schola sua Divus Thomas. (c) *Et ideo proximum, quantum ad salutem animæ, magis debemus diligere, quam proprium corpus.* Profecto sicuti divina quadam luce, ac subtilitate argumentatur Angelicus Doctor. Societas in plena beatitudine, quæ est ratio amandi animam proximi, cui,

(a) *Psal. 106. 27.*

(b) *S. August. de Doctr. Christ. l. 1. c. 27.*

(c) *S. Thom. 2. 2. q. 26. A. 5. per tot.*

cui focli destinamur; major est participatione beatitudinis per meram redundantiam, quæ ratio validissima est proprii corporis amandi. Quocirca etsi plerumque propriam vitam pro proximo contemnere, spectet solum ad perfectionem charitatis: ubi tamen casus eveniat, quo ad providendum salutis animæ ipsius teneamur; tunc ad indeclinabilem tam præclaræ virtutis necessitatem pertinebit.

5. His ergo præjactis, sciendum etiam, Doctores docere communiter, onus sese in mortis periculum conjiciendi, majus esse onere sese alicui molestæ, atque gravi tentationi exponendi: eo, quod primum insuperabile a nostro libero arbitrio supponatur; secundum vero ab eodem libero arbitrio cœlesti auxilio roborato satis vincibile sit. Quotiescumque igitur ad subeundum etiam mortis periculum Lege Divina tenebimur: a fortiori ad subeundum ingentis tentationis periculum te-

neri necesse est. Porro obligatio conferendi baptismum puerulo, qui in extremis existit, adeo urgentissima creditur; ut non solum illam Theologi imponant, etiam in conspectu vehementioris tentationis, quæ inde patenter immineat: sed eorum plurimi ipsam extendant ad casum, in quo Sacerdos, ut infantem moribundum in regionibus infidelium baptizet, propriæ occisionis manifesto discrimini subiacere cogeretur. Ita Bannez, Ochaga, Ledesma, Choninchus. Quamobrem Armilla, cum Thoma Sanchezio (a) docet, ut si parvulum morientem sum baptizaturus, inimici vero me interfecturi superveniunt, effugere ad evitandam mortem non possim. Quod etiam alii morales Theologi, cæteroque ex benignioribus Probabilistis, quos brevitas amore prætereo, voluere.

6. Fateor, Joannem Sanchez (b) opinari, non esse præceptum, adire mortis periculum, ut quis infan-

(a) Armilla v. *Defensio* n. 3.

Thom. Sanchez. *de Matrim.* l. 9. disp. 20. n. 17.

(b) Joan. Sanchez *in select. disp.* 10. n. 9.

infantem baptizet: at hoc non obstante concedit, præceptum ipsum urgere, ubi periculum tantum esset defectionis a fide: propter superius allatam scilicet rationem: primum enim discrimen humanæ voluntati erit insuperabile, superabile vero secundum: & hanc doctrinam ampliat, Chirurgum adstringens, ut nequidem cum peccati periculo a curatione mulierum verendorum possit excusari: quod certe notatu dignum existimo: comprobatur enim, eandem vigere obligationem in ipso ad obstetricis munus exercendum, ubi necessitas postularet. Imo nequaquam negat idem Sanchez, debitum istud ipsammet vitam contemnendi, ut parvuli sacra lotionem abluantur, habere locum in Parochis. *At licet, inquit, cum periculo amittendi fidem constrictus sit fidelis puerum baptizare, quando solum inductione, seu precibus metueret illam amittere: credo tamen non teneri, quando mors esset illi inferenda, nisi fidem negaret: quia in primo casu nulla infertur vis ad negandam fidem, & poterit fidelis*

illam non amittere absque detrimento: non sic in postero casu, unde credendum est Scoto, & Sà censentibus neminem cum periculo vitæ teneri infantem baptizare, nisi forte in casu, quo pactum intercessisset de non omittenda cura animæ proximi: qua ratione Parochos obnoxios reddi, sacramenta ministrare suis ovibus cum periculo vitæ, præcipue pœnitentiæ, cum ob id decimas, & cætera emolumenta percipiant; tenent Doctores. Eodem igitur modo vitam Mariæ erit adstrictus Joannes conservare, licet adsit periculum lapsus, & Chirurgus tenebitur verenda femine curare, licet cum periculo consensus in peccatum; & si in domo esset parvulus, qui sine baptismo moreretur; tenetur ingredi domum; etsi sequatur scandalum.

7. Hoc vero temperamentum non placet Gobato, Doctori cæteroqui blando, & duris opinionibus nequaquam assueto. Is quamvis (a) acutam laudet Sanchezii differentiam inter periculum peccati, quod est malum satis ab humano

(a) Gobat. tract. 2. de Bapt. casu 7. n. 237.

mano arbitrio evitabile, ac periculum mortis, malum nempe quod ab eodem arbitrio evitari non potest; nihilominus censet, non solum adesse obligationem baptizandi infantem cum periculo tantum peccandi, sed etiam vitam ipsam profundendi, cum ille baptizaturus ipse ad æternam parvuli salutem procurandam ex justitia teneatur, ut accidit in Parochis; tum etiam si solummodo ex charitate, uti contingit in aliis.

8. At nihil est in Gobato lectu dignius his, quæ de Constantiensi eventu perscripsit, quæque Stephanus a S. Paulo probavit, in eundem Auctorem cæteroqui non admodum propensus.

Casum alterum, ait ille (a), comprehendit resolutio notabilis quæstionis, propositæ mihi non ita pridem. An scilicet vir teneatur sub mortali fungi obstetricis officio tunc, quando nequit aliter salvari

mater, & foetus. Rationem quærendi dedit Sacerdos hujus Diœcesis defunctus ante plures annos, qui persæpe coram multis narravit, (& inter cæteros Sacerdoti alteri, ex cujus non bilingui ore habeo:) So. præter iter agnitionis fuisse a puerpera jacente non procul a semita conspectum, ac lamentabili voce rogatum, ut sibi adtutum ferret opem: cum accurrisset, dixisse illam: mi Domine, sævissimi dolores partus me obruerunt hic ex improvviso: nisi mihi obstetriceris, peribo ego, prolesque in utero meo. Te igitur per Deum rogo, & per extremum judicium, ut extremam necessitatem præsertim prolis præponas meo, tuoque pudori. Paruit ille precibus, atque utrumque servavit invitus in vita. An licite?

An necessario paritum? Et quid si ejusmodi eventus repeteretur; repetendumne foret hoc heteroclitum exemplum charitatis?

9. Respondi, factum illud necessario
Dd

(a) Stephanus a S. Paulo in edit. 3. Theolog. Moral. tract. 3. disp. 3. n. 5.

Gobat. dicto tract. 2. de Bapt. casu 5. n. 195. & seq. facit etiam Cupeiol. in defens. Guald. Bapt. infant. n. 9.

sario imitandum, si ferat occasio. Primo ratione prolis alioquin perituræ anima, & corpusculo: probabimus quippe casu sexto, vitam ipsam quoque esse discrimini exponendam pro illa. Secundo ratione

obstetricis. ut omnia pro conservatione

vitæ aliene subeundam esse nugusmodi molestiam, animo casto consideranti illud Apostoli, omnia munda mundis, gravissimam, haud difficulter conficies ex iis, quæ commentatores Sancti Thomæ 2. 2. q. 26. art. 4. & 5. edisserunt de obligatione succurrendi proximo versanti in extrema necessitate corporali. Suppono autem, Sacerdotem illum prudenter credidisse, imminere tale periculum. Vide doctrinam

adferendam num. 237. (estque omnino illa, qua Sanchezii distinctionem a nobis numero sexto capituli hujus allatam reprobavit.)

Et si forte obtingat tibi similis casui hic descripto, cogita, an non possis sine periculo parturientis, aut fœtus imitari quemdam eximia doctrina prudentiaque Parochum, qui prope pagum Wolmediungam, urbi huic Constantiensi vicinum,

cum incidisset in ejusmodi parturientem, rogareturque opem; respondit: se fortasse potius obfuturum, quam profuturum, si tentet; at vero celeri cursu perrecturum ad pagum, missurumque peritiores.

10. Ex his igitur omnibus clare patet, Gobatum juxta theologica principia, & maxime juxta divi Thomæ scholam a fortiori Sacerdotem, & multo magis Parochum ad partum Cæsareum defunctarum peragendum obligare. Quis enim non immaniter periculosius judicabit obstetricis officium exercere in vivente, quam mortuæ tantum incidere abdomen? Idque tum spectatis actionibus ipsis, tum etiam duplici spectato peccandi periculo præfenti scilicet ac futuro tam adjuvantis, quam adjunctæ: a quibus tamen periculis mortua erit procul dubio immunis.

Urraca Navarrensis Regina prægnans, confosso a Mauris per lanceam ventre in proelio ceciderat (a) ejusque cadaver a suis dereli-

(a) Roderic. Tolet. *Hist. Hisp.* l. 5. c. 22. Marineus *lib. 8. Rer. Hisp.* Vaseus in *Cbron. A.* 860.

relictum jacebat in sylva. Post aliquot nihilominus horas cum insignis Guevara gentilitii hujus cognominis princeps, eo pertransiret; animadvertit parvulum, qui utero gestabatur, manusculam ex vulnere protulisse, atque inutilibus conatibus, quasi opem instanter exoptare: Magnanimus heros gladio vulnus confestim ampliavit, & extraxit infantem. Atque hic fuit Garfias ille, regium deinde thronum adeptus, & bellorum gloria percelebris. Animo ergo sibi fingat Sacerdos nonnatos infantes, qui in eodem discrimine versentur, simili modo ac olim Garfias, ad se quoque tremulam manum, veluti auxilium præstolantes extendere, imo recogitet Christum ipsum puerulum sibi dicere: quod uni ex his vere minimis meis feceris, mihi facies.

II. Urgente itaque partus Cæsarei necessitate Sacerdos charitate, & fiducia in Deum armatus ad gloriosum facinus sese accingat. Græca Ecclesia in Cathecumenis baptizandis, etiam mulieribus, plures corporis partes inun-

git. Ritus iste nimis erat durus pio Presbytero Cononi(a): quare de baptizandi officio dimittendo serio cogitavit: verum ad ejus animum erigendum, solator astitit ipsi divus Joannes Baptista dicens: *Ego te ab hoc bello liberabo.* Cum tamen hoc non obstante ab Ecclesia Conon aufugeret; ei denovo Christi præcursor se visibilem præbuit, & fugam reprehendit: adeo verum est, eum, qui divinæ voluntati obtemperando, ut suo muneri satisfaciat, periculum subit, Dei omnipotentiam semper, & ubique propitiam experi-ri, cujus tutela, & auxilio gloriosum de inimicis suis triumphum reportabit: præsertim ubi non solum necessitas extrema patenter est, sed magnum inde speratur divinæ gloriæ incrementum. Sacerdos igitur currat ad pueros istos, etiam incisione, liberandos: iniquorum vero hominum, qui mundo numquam deerunt, quique uti divus Thaddæus Apollus ait, quæcumque ignorant, blasphemant, fribilos atque latratibus mente secura contemnat.

Dd 2

12. His

(a) Joann. Mosch. in *Vitis Ss. PP.* apud Eribert. Rosweid. lib. 9.

12. His, quæ hic olim scripseram, animatus Parochus e Mazariensi Diœcesi amicissimus, propter Barbitonforis imperitiam partum Cæsareum nuper ipsemet aggressus, puerum servavit. Sed ne Parochi ad hujusmodi angustias redigantur; exposcit prudentia, ut præmature satagant, juxta prædicta, plerosque habere in Parœcia, operationis Cæsareæ peritos, obstetrices nimirum, Barbitonfores, & maxime Chirur- gum aliquem sincera præditum charitate, qui ad parvulorum non- natorum piam hujusmodi vena- tionem sese paratum semper ex- hibeat. Hunc in ritu baptizandi sedulo erudient pro eventibus, in quibus ministri ecclesiæ præsto ef- se nequirent: eumque interea præ- cipui amoris affectu, omnibusque officiis prosequuntur, ac sibi de- vincient. Præterea studebunt Parochi, præsertim oppidulorum, ut ipsimet aliquam partus Cæsa- rei efficiendi notitiam adipiscan- tur; neque eam dedignabuntur, aut negligent magnarum urbium pastores: in his enim, si necessitas est improvisa, difficilius per diem inveniuntur Chirurghi, huc illuc-

que dispersi. Quocirca pericu- lum est evidens, ne, dum eos circumcursando quæramus, puer interea sine baptismo decedat. Habebit etiam animarum curator pro calibus inopinatis novaculam, qua uti possit obstetrix, aut alius, qui Chirurghi defectum erit supple- turus. Ubi tandem a vera, & ine- vitabili necessitate se adstrictum omnino conspexerit, ne infelicem animulam in æternum interitum ruere permittat, ipse in nomine Domini incisionem aggrediatur, duplici mercede pro duplici labo- re, & extracti, & baptizati in- fantis a Deo remunerandus: Pa- ter vere spiritualis, quia illum Christo regenerat, & corporalis quodammodo mater, quia videli- cet eundem artificioso partu edit in lucem: quem etiam brevi, si mox ille uti contingere solet, obierit, acerrimum in cœlis habe- bit advocatum. Profecto etsi complures forte ab æterna morte animas eripuerit, de nulla tamen potiori jure valebit in Deo gloria- ri, vere ministerio suo liberatam. Adulti enim salutaribus actibus ad propriam justificationem coope- rantur. Pueris jam natis non de- erunt

deerunt Sacerdotes, pro Parocho baptizantes, ubi laborem ipse refugiat: sed infantum defunctæ matris utero conclusorum salus tota pendet a Parocho, ejusque charitatis est fructus. Si autem S. Jacobus Apostolus pro admirabilium documentorum suorum coronide ad Epistolæ finem dixit: *Qui converti fecerit peccatorem ab errore viæ suæ, salvabit ani-*

ma ejus, (id est propriam juxta Græcismum,) & operiet multitudinem peccatorum. Quid sentiendum erit de Parocho, qui non viam dumtaxat ad superos demonstrabit puero, per quam is propriis, ut ita dicam, pedibus incedat; sed suis ipse manibus arreptum in æternæ beatitudinis throno collocabit?

C A P U T XVII.

Abortum procurantes, partumque Cæsareum negligentes, vel impediētes, plurium nonnunquam homicidiorum reatu fœdari. Monitiones ad obstetrices, & Chirurgos, ut inquirant, utrum fœtus sit unus, an multiplex.

I. **H**eu quam sapientissime rex, & phropheta conqueritur. *Delicta quis intelligit?* Quot, enim, & quanta sæpe in uno facinore sunt scelera! Sane qui abortum procuravit, vel incisionem defunctæ prægnantis neglexit, vel prohibuit, nonnisi uni parvulo se nocuisse arbitratur:

cum tamen si forte multiplex erat proles, pluribus re ipsa mortem intulerit. Idem ex S. Augustini doctrina (a) judicandum de iis, qui conceptionem præpedirent. *Mulier autem quæcumque fecerit hoc, per quod jam non possit concipere: quantoscumque parere poterat, tantorum homicidiorum ream*
Dd 3 *se*

(a) S. Augustin *serm. 224. de temp.*

se esse cognoscat. Virile semen, uti diximus, vel ejus quandoque aura foeminea ova foecundat: quotque ex illis invenerit matura, totidem foecundatione complebit; totidemque foetus propterea germinabunt. Cum igitur in unoquoque duorum Dydimorum, ex quibus muliebri constat ovarium, nunc duodecim, nunc viginti, nunc triginta ova servari soleant; si duo ex illis foecundationem fortiantur, Gemelli nascentur, si tria Tergemini &c. Insuper si bina forte ova sub eisdem existant pelliculis, communibus quoque sub secundinis foetus ipsi necessario formabuntur: si singula tamen ova proprias habeant pelliculas, uti regulariter fit: Gemellorum quisque propriis certe membranis continebitur. Succrescentes enim pelliculae in membranas evadunt: his ita positis,

2. Foetuum multiplicitas ut plurimum conspicitur in abortibus, cum difficiliter natura foetus ipsos ad perfectionem perducatur, ubi

sint plures. Prisci non minus, ac recentiores infinita narrant exempla abortuum numerosorum. Plinius uni duodecim tribuit infantes. Faber alteri septem, Borellus octo (a). Peredia novem, Albucasis quindecim, Avicenna uni viginti duos, alteri septuaginta, Bonacciolus tandem septuaginta sex. Imo, ut Albertus, aliique tradiderunt, Matrona nobilis foetus 150. simul effudit secundinulis inclusos: hi primo pro vermibus habiti: at cum Medicus advenisset, ruptis ad investigandum membranulis, homunculos revera fuisse compertum est; quorum multi vivebant adhuc, baptismi proinde capaces.

3. Caeterum non tantum in abortu, sed nonnunquam etiam in legitimo partu, congruo nimirum tempore contingente, potest foetuum multiplicitas observari. Non oportet hic immorari quidem in Gemellis, cum sint quotidiani. Verumtamen praetermittendum non est in hoc genere, quod Clauderus

(a) Joann. Fab. in not. ad hist. mexic. pag. 475.

Borell. Observ. Medic. cent. 2.

Pered. in Schol. ad Paschal. l. 1. c. 19.

Bonacciol. in Ennead. Mulieb.

derus & ex illo Bonetus (a) enarrat. Retzgendorphii prope Naumburgum An. 1672. Pistrinarii uxor difficillimo partu femellam edidit, quæ post octo dies magnis contorsionibus, & ejulatibus circumstantes adegit, ut ipsius fasces dissolverent. His apertis puellam cernunt aliam puellulam digito nostro medio parem cum suis plane secundinulis, consuetisque lochiis emisisse: quæ baptismo suscepto, postridie simul cum altera grandiori defuncta est. Aliud omnino simile apud Danos portentum, licet non satis undique comprobatum, tradit Bartholinus (b).

4. Equidem Fabri, & Malebranchii supra indicatam sententiam; fere infinitam ovorum seriem per gradus in ovario contentam admittentium non sequor. Tamen si facta ista pro veris habenda sunt, dicerem, naturam, quæ speciosis etiam lusibus dele-

ctatur, in primo seu grandiori ovo jam maturo, ex quo prima puella oritura erat, jam formasse pariter, imo & ad maturitatem, tametsi minimam, perduxisse secundum. Item virile semen cum primum foecundaret, secundum etiam auram suam intime penetrante foecundasse. Itaque secunda infantula, quam vere Pygmæam diceres, unicum patrem: duas tamen matres habebat. Major ex his erat illi & mater & Avia. Minor autem erat ipsi & soror, & mater: quod quidem non historicum factum, sed commentitium ænigma & insolubile videretur, si emunctæ naris viri, ut Bartholinus, & Deusingius (c) nullo modo fabularum bibuli, tamquam verum non crederent, & variis experimentis possibile esse non confirmarent. Profecto narrat Bartholinus in Musæo Regis Danorum ostensum sibi ovum altero minori ovo gravidum. Meminit quoque Mulæ, quæ

(a) Bonet. tom. 2. in *Analect.* ad sect. 9. l. 4.

(b) Bartholin. cent. 6. *Hist. Anatom. observ.* 100.
Idem de Insol. Part. c. 16.

(c) Bartholin. loc. cit.
Anton. Deusing. in *fat. missip. sect. 6.*

quæ Nierimberghio, & Torquemada referentibus orta fuerat prægnans. Item vituli masculini fetus in quo, cum proscinderetur, duo vitelluli apparuerunt. Demum cervi pariter masculi, in quo hinnulus inventus est, quod etiam alii tum veteres, tum recentiores contestantur (a). Similia monstra visa tum in muribus Europæis a Castro ipso diligenter inspectis, tum in vermibus, & cancris maribus; Auctore Franchenau (b), qui hoc ipsum aliis exemplis, non solum e vegetabili regno, ut in piris, aurantiis, limonibus, cedris, caryophyllis, quæ sunt vulgaria; verum etiam e minerali, ut in fili cibus, Belzoarticiis, ac gemmis comprobavit.

5. Quod vero ad Tergeminos, ii rari non sunt. Nam tres Horatii, totidemque Curiatii ad hanc speciem, teste Livio, pertinebant. Nostra vero ætate nobilis Siculus a conjuge juniore discesserat,

ne, quæ duodecim annis duodecim filios genuerat, familiam nimis multiplicaret. At eo post biennium ad uxorem reverso, hæc nono mense tres peperit femellas quo significari visum est populo, divortium istud, quod non castitatis amor suaserat, sed fiduciæ in superna providentia defectus extorserat, Deo displicuisse. Illæ tamen deinde adultæ nupserunt: earumque vivunt nepotes. Panormi An. 1655. Tergemini uno partu provenerunt: unus porro senem capillis albis, alter juvenem, tertius æthiopem referebat, quales Magi Christi adoratores pingi mos est (c). Atque idem omnino An. 1749. contigit ibidem, parvulis baptizatis non multo post morientibus.

6. At ista procul dubio minora sunt. Infinitos partus valde numerosos perhibent auctores. Plinius quidem refert mulierem viginti olim pueros enixam, quinos tamen

(a) Jul. Obsequen. *de Prodig. cons.* C. Val. & M. Herenn. Langius *Epist.* 70.

(b) Franchenau *Satyr. Medic.* 4. n. 4.

(c) Mongit. *Sicil. Ricerc.*

tamen singulis vicibus (a). Idem narrat Aulus Gellius de Augusti Cæsaris ancilla. Paulus Diaconus, & Sigibertus ex Lamisii Longobardorum Regis matre septem una filios tradunt prodiisse.

Venio ad exempla recentiora, præsertim indigena. Cara Lombardo Erice 15. Julii 1613. quatuor peperit: alia similiter Mylis An. 1710. femellas tres & marem (a) Joanna Pancica in Agrigentina civitate circa An. 1530. septuaginta tres filios triginta partibus procreavit. Messanæ circa finem sæculi superioris Marcus Antonius Troja, Vir Patritius, septem una fortitus est filios, qui deinde uxores, & filios habuerunt. Ibidem An. 1442. Ranzano teste, mulier novem edidit mares. Cæterum familia de aliarum regionum partibus

apud Schenchium, Bartholinum, Schottum, Bonetum (c), aliosque perlegere poteris. Copiosior fuit proles Irmertrundis Comitissæ Altorphiensis: hæc enim cum temere mulierem, quæ ter geminos ediderat, adulteram reputasset, duodecim & ipsa deinde filios unico partu enixa est.

7. At longe celebrius est Margaritæ Comitissæ Flandriæ puerperium. Hæc An. 1275. pauperulam duos gestantem filios, stipemque petentem, a se repulit, & adulterii insinulavit. Verum anno sequenti, juxta illius imprecationem, tercentum sexaginta quinque filios utriusque sexus effudit, qui a Guidone Episcopo baptizati paulo post una cum matre interiire (d). Imprecatio enim
Ee fuerat,

(a) Plin. l. 7. c. 3. ubi Delecamp.

Tertull. l. de Anim. c. 6.

(b) Mongit. Sicil. Ricerc.

Fazell. Hist. Sicil. Dec. I. lib. 6.

(c) Schott. Physic. Curs. l. 3. c. 29. §. 1.

Bonet. Medic. Septentr. t. 2. l. 4. sect. 4. observ. 3. 4. 5.

(d) Junius in Batavia c. 20. Epitaph. Lousdun. Mejer. Gaiccardin. & alii innum.

fuerat, ut quot unus annus continet dies; tot etiam filii uno partu a Margarita ederentur.

Factum hoc irridet Bianchius post Vallisnerium, quia cum muliere ovarium non plura, quam quinquaginta contineat ova, quæ successive maturefcunt: mulierem toto vitæ spatio non amplius, quam quinquaginta filios gignere posse arbitratur.

Dicendum tamen est primo, hæc ova temporis decursu aboleri, ac subinde renovari: proinde male filiorum numerus intra quinquagesimum veluti ex necessitate concluditur. Secundo non deesse arbores, aliis ejusdem speciei in fructificando multo foecundiores, quæque etiam interdum fertilioribus annis adeo exuberant, ut se ipsas valde superare videantur. Deinde Bianchii ratio locum in hoc casu nullatenus habere posset: cum supponatur, factum divinitus contigisse.

8. Cæterum, etsi eventus omnino extraordinarios mittamus innumeri sunt partus, & abortus numerosi, quos Historici, & Medici retulerunt; omnesque animadvertunt, certis locis perspicui frequentiores: præsertim in Ægypto: ubi, ut Aristoteles ait, *quinque quamplurimum nascuntur*.

Sane Hebræi numero septuaginta, ut e sacris litteris ediscimus, regionem illam ingressi, & mire deinceps adaucti, juxta textus hebraici vim (a): *Ebullierunt, & in morem ranarum, & piscium maxima copia effusi sunt*: ita ut post biscentum quindecim annos, cum inde regrederentur; numeratis duntaxat ad bellum idoneis, ab anno vigesimo, & supra; exclusaque Levitica Tribu; ad summam 603550. ascenderint: quæ quamquam divinæ potissimum benedictioni Patriarchis promissæ tribuenda veniat; non tamen desunt, qui judicent, non esse illam rigoroso miraculo adscribendam (b).

9. Nunc

(a) Exod. i. 7.

(b) Tirin. in Exod. i.

9. Nunc de superfœtatione breviter. Eas nonnulli negant: (a) nam prima supposita graviditate, clauditur uterus, & clausus ad partum usque perseverat: quamobrem putant secundum puerum, qui tertio puta mense post primum puerperium exoritur, esse primo nati pueri gemellum, tardiori vero naturæ opere ad perfectionem adductum. Communiter tamen Medici rigorosas etiam superfœtationes admittunt: ad rationem autem contrariam satis firmæ responsiones tum in Hippocrate, tum in Zacchia (b) tum in aliis inveniuntur, quas hic examinare non vacat. Parum quippe ad intentum nostrum refert disquirere, utrum dentur veræ superfœtationes. Sufficit enim sæpe contingere quod uno foetu jam nato, alius remaneat in utero maturandus, & post mensem alterum, imo

duos, vel tres etiam nasciturus: quod quidem epidemice aliquando, ut & monstrorum generationem, evenire tradidit Schenchi (c).

10. Indubitabile est igitur, in aliquo saltem sensu dari superfœtationem. Ego ipse matronam insigni loco scio, quæ quinto post primum partum mense pepererat, quæque tanta erat foecunditate, ut post quinquagesimum ætatis annum genuerit: etsi aliud ab ipsa majori admiratione dignum audierim: in ejus nimirum Parochia ante decem annos vetulam septuagenariam ipsi notam peperisse.

Nonnumquam priori foetu vere mortuo, ejusque cadavere manente in utero, matres denuo conceperunt, cujusmodi exempla dant Albucasis, & Primerosius (d).
Ee 2 Aliud

(a) S. August. de Civit. Dei l. 5. c. 6.

Valverde Anatom. l. 4. c. 14.

(b) Hippocrat. lib. de Superfœtat.

Zacch. quæst. Medicoleg. t. 1. lib. 1. tit. 3. q. 3. n. 18. & seq.

(c) Schench t. 2. l. 4 de Fœtu observ. 127.

(d) Albucas. l. 2. Chirurg. c. 76

Primeros. de Morb. Mulier. l. 4. c. 7. cum observat. Mainald.

Aliud vero illustrius Harveus (a), in quo foetus tempore debito vivus editus est; tria huic similia Schenchius (b); primum de vacca, secundum de muliere, tertium item de muliere, quæ bis, vel ter quamvis parvulo jam demortuo, & retento, conceperat, vivosque deinde posteriores infantes emiserat.

II. Cum ergo conceptus juxta prædicta possit esse duplex, vel etiam numerosior, necesse est sequentia animadvertere a Parochis, aliisque Sacerdotibus populo pro re nata tradenda.

Primo abortum procurantes, vel partum Cæsareum impediētes, imo etiam tantum negligentes, plurimum nonnunquam homicidiorum tam respectu animarum, quam corporum rei sunt procul dubio judicandi.

12. Secundo, in abortu familiares de baptismo infanti collato plane contenti, non amplius per-

scrutantur, quid mater effundere prosequatur. Neglectus autem iste valde periculosus est: poterit enim in ejectamentis aliquis jacere gemellus, vel superfoetationis Embryo, tanto facilius eorum oculos fugiens, quanto mole minutor.

13. Tertio, in partu Cæsareo Chirurgus præmonendus est, ut dum Parochus baptizabit infantem: perquirat ipse, utrum alius forte in utero lateat, gemellus nimirum, vel ex superfoetatione. Id vero præstabit Chirurgus diligenter non solum in extracti jam pueri secundinis, sed & per totum uterum: Gemelli enim ipsi regulariter sub diversis membranulis procreantur.

14. Quarto, Parochi hæc omnia perdoceant obstetrices, ut post naturalem etiam partum, juxta Schenchi monitionem, caute puerperam fascia constringant, eam prius interrogantes, utrum aliquid pondus in ventre sen-

(a) Harveus *exercitat. de Partu.*

(b) Schenchi *l. 2. lib. 4. de Fœtu observ. 173. 174. 183.*

fentiat: ne forte alius remanserit foetus, & detrimentum accipiat. Narrat idem (a) de gravida, quæ cum obstetricæ olim litigaverat: prima infantem esse vivum, secunda tamen defunctum, seseque illum præ manibus habere asseverabat. Demum utrumque verum detectum est: nam duplex erat foetus, vivus unus, mortuus alter, qui ad uteri orificium venerat: exanimis enim solet in exitu viventem præcedere.

15. Quinto, hæc omnia documenta conferunt maxime, tum in locis, ubi partus multiplices passim, tum ubi rarius observantur. In primis quidem, quia frequentioris certe sunt usus, in aliis vero quia magis necessaria: ubi enim periculum est infrequens, dimissis per incuriam cautelis, posteriorum foetuum ruina facilius permetteretur.

16. Librum denique horribili facto claudamus, quod in insigni Siciliæ oppido circa sæculi præsentis exordium contigisse a locu-

pletissimis testibus accepi: comprobatur enim nonnulla ex antedictis, poteritque a Parochis in funestum exemplum adduci. Nobilis matrona septem filiorum parens, cum utero gereret, fato proxima, filiis convocatis, duo tamquam sibi gratissima postulavit. Primum ne sibi partus Cæsareus post mortem fieret. Secundum ut se nuptialibus, ac maxime pretiosis vestibus indutam sepelirent. Decedit, ac filii nimis religiose stultis præceptionibus obtemperant: cum enim oppidi Archipresbyter cum Chirurgo ad eam incidendam accurrisset: neque precibus, neque rationibus eos flectere quoquomodo potuit, ut cæsuram permetterent: imo præ cubiculi foribus nudis ensibus adstantes, & minas Parocho intentantes, eundem ad discessum coegerunt: matrem vero splendido prorsus ornatur veluti sponsam sepulchro intulerunt. Paucis post diebus rumor exoritur: Viros Religiosos, ad quos ecclesia pertinebat, defunctam prædiviti veste clam expoliasse: eos itaque filii magnis clamoribus

Ee 3 com-

(a) *Idem tom. 2. observ. 190.*

compellunt ad sepulchrum referandum. At o luctuosissimum spectaculum! Matrem aspiciunt nuptiali quidem habitu indutam, sed putrem, & horridam, ac prope illam infantulos duos aureis crinibus, ex utero jam egressos, deinde vero miserrime defunctos. Cernunt itaque propriis oculis duplex parricidium a se patratum: seseque mirantur Caino ipso crudeliores. Exinde domus illa

primo illustris, & opulenta divinae iræ scopus effici visa est. Tremenda enim spiritualia, ac temporalia mala, in quæ defunctæ filii cum patre inciderunt, manifesta cœlestis vindictæ signa putata sunt. Minimus ætate filius mundus quidem ille fuerat a fratriculorum sanguine: at nihilominus nec ipse a paupertate, aliisque ærumnis evasit immunis.

FINIS LIBRI SECUNDI



LIBER



LIBER TERTIUS.

De Parochorum officio, ac vigilantia pro infantibus in partu difficili, & desperato.

CAPUT I.

De partu difficili, & Cæsareo gravidarum viventium.

I.

Nec raro quidem, neque difficulter eveniet, navem expleto jam penitus itinere in ipso portus ingressu illidi ad scopulos, atque ibi reperire naufragium, ubi quietem, securitatemque sperabat. Infortunium vero nimis

facile, & frequens est nonnatis infantulis, post emensum jam prospero tempus formationis, & corroborationis in utero; cum deinde in lucem nituntur egredi, propter insuperabile aliquod nascendi obstaculum pro vita jucundiori in mortem dolorosiore, & pro cunis in sepulchrum incidere.

2. Pro-

2. Profecto maturus infans, five ob alimenti defectum, ut quidam voluere, five ob excrementorum copiam, ut alii, five ob necessitatem, qua premi incipit, aeris amplioris motu valido, & calcitratu, matre quoque impulsu suo obsecundante, extra maternum claustrum profilire conatur. Qui negotium parturitio- nis rectius callet, ab auctore dis- sentit, & foetum ad partum suum prorsus nil facere asseverat. Id autem parturiens ipsa nonnun- quam suis tantum viribus, ac sine externis auxiliis ægerrime quin plane non, consequi valet. Pro- pterea ante omnia valde prodest parturientem locare in scamno, seu sede partui deputata. Verum hæc sæpe desideratur in pagis: quo circa non leve opus esset mi- sericordiæ, si Parochus huic com- moditati provideret, vel, ut alii provideant, procuraret: quod quidam Parochorum, primam hu- jus operis editionem legentes,

præstiterunt. Observat Heiste- rus (a) feminas non raro eniti- stantes, etiam sine obstetrice, quo situ juvenculæ furtive præ- gnantes utuntur. Abissinas au- tem mulieres genuflexas absque alicujus adjutorio passim cito, ac felicissime parere, tradit Pitavál- lius (b). Attamen sedes, de qua supra, in partibus difficili- bus, quos quidem persæpe con- tingere videmus, prorsus necessa- ria judicatur. In ejus autem defe- ctu præcipit Heisterus duas invicem vulgares, commodasque sedes fu- niculis uniri, spatio inter easdem sex, vel octo pollicum relicto.

In Germania apud rusticos, & plebejos, deficiente scamno, par- turiens in sinu alterius robustæ mulieris, in sede ordinaria seden- tis, eamque complectentis federe consuevit (c).

3. Verum hic animadverten- dum est, in oppidulis, imo & in civita-

(a) Heisterus *Cbirurg* p. 2. sect. 5. c. 153.

Boner. *Medic. Sept. t. 2. l. 4. sect. 7. observ. 12.*

(b) Pitavall. *Caus. celebr. caus. S. Ciran.*

(c) Heister. p. 2. sect. 3. c. 141.

civitatibus persæpe obstetrices, non institutas, nihil magis ignorare quam artem obstetricariam; ne dicam, nonnullas perdendis potius, quam juvandis ad ortum infantibus videri destinatas: tanta est earum fœcordia, atque inclementia. Hæc sane ut plurimum ab imperitia, quandoque vero a nefaria malignitate procedit, qua & parvulos non collato baptismo & matres ipsas crudelissime interdum occiderunt (a). Feliciores in hac parte sunt Indæ mulieres, quibus familiare est ex Boerhavii testimonio absque ulla obstetricis arte, ac ministerio, imo paucis etiam cum dolore sanissime parere: additque laudatus auctor, partum integri ovi, fœtus nimirum secundinis inclusi, cæteroqui maxime naturalem, communem censerī (b) apud Indas. In eo quidem partu atque uteri & fœtus situ naturali recto, matura jam placenta, &

sponte sua ex utero soluta, ovum uteri orificium æqualiter premit: mater vero conatus edere valet commodiores, atque vehementiores. Quocirca male se gerunt obstetrices, quæ membranas dila- cerant: excepto casu, quo par- vulus jam jam moriturus bap- tizandus esset, vel ob chorii crassi- tiem ipsum nequiret abrumpere: hoc enim obstaculum nascenti pro- pter continuos, inanesque impe- tus viribus tandem deficientibus mortem asserre consuevit (c).

In plerisque tamen Americæ
Provinciis ubi necessarium videatur:
obstetricandi officium exhibent
parturientibus mariti (*d*):
quod quidem ad eas ab immiti obstetricis
manu eximendas forte satis est non tamen
ad salutare, optatumque adjumentum.
Prudentiori sane consilio, in partu difficili
Valentini, Paschasio teste (*e*),
Ff
majore

(a) Ex Process. Magnæ Curia Sicil. in causa Villafrat. An. 1753.

(b) Boerhav. de Concept. n. 685. in Not. v. Vertice. Parturientes In-
quenses brachiis suis appendunt se arbori, & sic fœtum excutiunt.

(c) Doleus Encyclop. Chirurg. l. 4. c. 5. fol. 354. Cborii crassities par-
tum impedit nunquam!

(d) Joann. Lee, Hist Nav. in Bras c 17.

(e) Mich. Joann. Paschas. l. 2. de cur. morb.

maiores natu pastores advocant propter peritiam in adjuvandis ad partum oviculis acquisitam. Alii tamen populi, etiam e cultioribus, ut Itali, Galli, Germani, Chirurgis utuntur, quod aliquando, me suadente, Palmæ similiter factum est. Verum etsi quandoque id omnino necessarium, ac propterea laudandum sit; præstaret nihilominus, & valde decentius esset, si mulieres obstetrices, juxta clarissimi Ludovici Muratorii monitum (a), a Chirurgo artis obstetriciæ gnaro præceptore, speciatim a magistratibus designato, exactissime edocerentur: quo munus suum, ut etiam optavit Bartholinus (b), ex cultiori arte, ac feliciori eventu exequi possent. Plurima certe a medicis ad partum remedia præscribuntur. Notandum tamen, (ut in Sicilia multoties visum est) aquam gelidam assatim assumptam a parturiente, præsertim quæ nive ad vivam carnem circumsepta sit; partum fere

infallibiter extricare. Cum his tamen auxiliis omnibus, mulier interdum parere nequit: vel ob culpam ex parte vel parturientis matris, vel foetus, vel obstetricis latentem: vel ob infantis crassitudinem, vel ob canalis angustiam, vel ossis femoralis luxationem erga internam uteri partem, osse scilicet uterum comprimente: præsertim vero sæpissime ex mala ossium pubis, & ilii conformatione. Insuper ob circatricem, cancerum, vel gangrænam: item ob vitiosum tumorem, phimosis, callum, lupiam, scirrhum, lapidem, molam carneam, ac similes denique præter naturam concretiones: quæ impedimenta omnia communiter tum a veteribus, tum a recentioribus describuntur. (c) Medici quidem in partu difficili ad orificium superius, inferiusque, vaginamque uteri dilatandam, instrumentum adhibere solent, quod speculum matricis appellant: & prægnans, ubi felix exitus

(a) Murat *della pubblica felicit. c. 11.*

(b) Bartholin. *de Insol. Part. cap. 17.*

(c) *Hi sunt Moschios, Avicenna, Theodorus Priscianus, Achachias, Harveus, Claudius de la Coryée, Bartholinus, aliique veteres. Hodie ars obstetricia est optime exculta in Gallia.*

exitus inde speraretur, sub gravi chirurgicam istam dilationem, sustinere teneretur. Heisterus tamen (a) eam non semper utilem reputat, & nonnunquam propter læsionem, quam utero inferre potest, periculofam.

4. Celebratur merito in his circumstantiis instrumentum ad infantem vivum extrahendum, dictum capitis Tractor, vulgo Tiratesta. Illud Palphinus Gandavensis Chirurgus excogitavit: at cum exitus voto non responderet; Gregorius Parisiensis in meliorem formam deinde redegit. Ipsum igitur describam, prout a Gregorio emendatum; qui spatio duodecim annorum, ultra septuaginta foetus viventes eo usus extraxit (b).

Figuram refert forcipis calculariæ, & undique elimatæ: ejus uterque ramus in anteriori parte suum veluti cochleare comparat ad cardinem fere productum, fissuram habens oblongam, ac a parte

superiori valde amplam, & quæ gradatim diminuitur versus inferiorem, ac desinit prope cardinem. Hæc duo cochlearia infantis caput complecti debent, fissura tamen ut id commodius, ac sine læsione capitis fiat, inservit. Cardo fixus in altero instrumenti ramo locatur, in altero vero foramen existit cardinem recipiens cum quodam veluti annulo mobili, ac superannexo. Manubriorum, seu crurum extrema in uncinorum formam inflectuntur, ut facilius manus adprehendendum aptentur, imo ut operatio unica etiam manu perfici possit. In operatione ramus uterque separatim immittitur ad utrumque infantilis capitis latus: deinde supradicti cardinis, atque annuli mobilis adjumento firmatur. Petitus vero Parisiensis in altero crurum obicem, seu pessulum rostratum adjecit, quod cum elevari, aut demitti valeat canalis ope, & in sulcos in opposito crure incisos impingat; forcipem ipsam pro capi-

Ff 2. tis

(a) Heister. p. 2. sect. 5. cap. 153. n. 10.

(b) Ex quæst. Medic. Chirurg. Paris 25. Junii 1744. Winslow. Verissimum est, quod de forcipe gallice prædicat auctor.

tis educendi mole sufficienter detinet, & constanter apertam.

Major latitudo fingulorum cochlearium fere duos pollices Parisienses habet: videlicet lineas viginti duas.

Fissuræ major latitudo est undecim linearum, ideoque ad pollicem accedens, latitudo minor est duarum linearum.

Definit fissura duos pollices supra cardinem: nimirum in distantia linearum fere vigintiseptem.

Cardo tamen fere undecim pollices distat ab extremitate anterioris partis instrumenti.

Cavum a duobus cochlearibus, ubi invicem committuntur, efformatum est pollicum duorum, & quatuor linearum.

Totius autem instrumenti longitudo, non computatis uncinis, mensuram quindecim pollicum cum decenti crassitudine implebit.

5. Si vero neque istud prode-

rit instrumentum, ut in mala officium conformatione, quo casu, notante Bartholino (a), inutile quoque, & nunc & semper, & in sæcula sæculorum, speculum matricis Chirurgi experiuntur; profecto infanti evidens mortis periculum impendet. Nam præterquam quod ex alimenti diminutione, ac inutilibus egrediendi conatibus in magnam incidit debilitatem; accedit violenta cordis æstuatio: cum autem hoc præcipuum vitæ organum nequeat refrigerari, parvulus parvo negotio veluti suffocatur.

Voelterus (b) mulierem perhibet, quæ cum septies concepisset; nunquam tamen parere, nec Voelterus juvare potuit, foetibus ex ea frustatim semper excerptis. Ne ergo in desperato partu infantuli pereant; Medici viventis gravidæ incisionem ventris atque uteri, sicque extractionem foetus per latus ventris incisum proponere ausi sunt: quæ quamvis matri valde periculosa, nihilominus fem-

(a) Bartholin. *de Insol. Part. cap. 3.*

(b) Voelter, *l. de Art. Obstetric. Chirurgus Stutgardiensis fuit.*

semper ad filiolum fervandum, saltem ne sine baptismo decedat; sæpe etiam ad ipsam matrem ab indubitata morte liberandam erit necessaria. Omnes fere veteres

ab hac operatione abhorrebant, quod ipsis parum fauste contingeret: scribit enim Alexander Masfaria, se tres vidisse incidi mulieres, quæ omnes morti succubuerunt. Major propterea Theologorum pars cum Soto, Sa, Zambrano, & Raguccio Lucernæ Parochorum auctore prægnantes ab ea sectione excusabant: & revera si supponamus, gravidæ mortem inde certo, vel quasi certo consequuturam; idem esset illam incidere, ac barbarum in morem occidere: quod nulla prorsus ratione sub quocumque prætextu, vel honestissimo fine licebit: *Non enim sunt facienda mala, ut eveniant bona.*

6. Cæterum sicuti mater, ubi de sectione ad ipsius tantum favorem instituenda sermo est; puero scilicet jam demortuo in utero; nunquam ad eam ferendam com-

PELLI debet; quamvis vitam inde sibi metipso sperare posset, cum remedium istud, & sævum sit, & extraordinarium: ita a majori Theologorum recentiorum numero ad eandem sectionem adstringitur, ubi de procuranda vita spiritali foetus agatur: quoniam hodierna Chirurgorum peritia, & matrem simul, & foetum liberari posse patefecit: excepto casu, quo illa propter virium debilitatem, ac mali vim, incisioni sustinendæ sit impar. Hoc autem ex particularibus circumstantiis pendet, quorum judicium spectat ad Medicos. Interim si ab illis præscindatur; sententia, quæ partui Cæsareo favet, medicis procul dubio effecta est communissima. (a) Demonstratum est enim non solum muscutorum abdominis, & peritonæi, sed ipsius etiam uteri vulnera non esse lethalia.

7. Sectionis hujus inventor, aut saltem nostris hisce sæculis restitutor, (non enim desunt, a quibus antiquissima conjectetur;) fuit Jacobus Nufer in oppido Steigershofen in Turgravia Castrator suum,

Ff 3

(a) Vide Auctores infra citandos n. 13.

suum, qui An. 1500. cum uxorem Elisabetham Alesphachin ex impossibili partu jam jam obituram agnosceret; petita a magistratu venia, etsi Chirurgiæ inexpertus, illius incisionem aggressus est. Et quamvis vulnus ita profundum aperuerit, ut ad primum ictum infantem eduxerit; vulnusque ipsum male deinde confuerit; his non obstantibus, mulier dissecta convaluit, nec foecunditatem amisit: duos enim postea gemellos peperit, quos alii quatuor singillatim sequuti sunt, nec nisi sexagenaria decessit. Filius attamen cæso Judex Patriæ tandem creatus ad An. 1583. usque pervenit. Refert hæc Bauhinus in historia Hysterotomachiæ.

8. Felix hic eventus alios nequaquam dissimiles post se traxit: quocirca hujus operationis utilitas, atque necessitas inter Medicos ventilari cœpit, probantibus aliis, & in praxim deducentibus, aliis tamen magna contentione reprobantibus. E reprobantium numero fuit olim Ambrosius Pa-

ræus, qui tametsi operationem a Chirurgo Vincentio in Nicoletta Beranger An. 1542. peractam faulse contigisse, negare ausus non fuerit; nihilominus matribus, ubi evaderent, sterilitatem saltem augurabatur (a). Quod etiam Caltrus, Vionius, Varandæus, aliique fecerunt. Arbitrabantur enim cicatricem superstitem impedituram ipsius matricis in partu dilatationem, imo vulnus ipsum præ conatibus iterum apertum iri. Cum autem Scipio Mercurius, ut ipse narrat, in Galliis A. 1571. & 1572. versaretur; primo de partu Cæsareo, per Italiam prorsus adhuc ignorato, maxime admirabundus audivit: binas videlicet prope Lugdunum mulierum incisiones, aliæque similia nactus experimenta. Illumque deinde tradidit adeo pernotum Gallis, ut Italis missio sanguinis in capitis dolore. Hinc fortasse nata deinde fabula, mulieres alicubi non parere, nisi latere dissecto.

9. Attamen Franciscus Rouffetus primus eam operationem vere

(a) Pareus lib. 23. cap. 31.

re illustravit: etenim postquam Paræus scripsisset; celeberrimum illud An. 1581. Gallice edidit opus, cui titulus: *Tractatus novus de Histerotomachia, seu partu Cæsareo, seu extractione infantis per incisionem lateralem ventris, & uteri mulieris gravidæ, ubi aliter parere nequeat: & hoc absque præjudicio utriusque, & sine impedimento fecunditatis matris in posterum. Parisiis An. 1581.* Et omnia in eo certissimis experimentis adstruxit. Ejusdem vero tractatus, hodie sane rari, compendium habes apud Scultetum (a). Paræus Rousseti librum ingenue probavit, ita illi subscribens. *Ego Ambrosius Paræus testor quæ supra: nec exinde amplius partum Cæsareum impugnasse visus est.* Anno sequenti 1582. Caspar Bauhinus Rousseti volumen in latinum vertit, aliisque simul exemplis communiit. In primo narrat Buneum Tonforem Chirurgi munus feliciter implevis-

se. Secundum legebatur in Rousseto, Bauhinus tamen circumstantiis amplificavit: alia demum quatuor addit: eadem a Saguierio, Albosio, Cordæo, atque Platero mutuatus. Rousseti cum appendice Bauhini antiquissimam editionem Basileæ A. 1592. factam præ manibus habui. In hac mulieres incisæ decem numerantur, quarum plures denuo semel, & bis concipientes prospere deinde pepererunt. Mulier autem Vastinetensis sexies cæsa fuit a Nicolao Guilletto Barbitonfore: quo mortuo cum in septima prægnatione sectore caruisset, cum foetu extincta est: ex altera vero tres filii hac operatione similiter educti sunt. De relatis autem incisionibus octo a Barbitonforibus, duæ tantum ministratæ a Chirurgis: quamquam istorum unus alias quoque ultra descriptarum numerum perfecit.

IO. Ve-

(a) Scult. in *Exposit. Tab. seu Armamentario chirurgico de Partu Cæsareo, quæ in Edit. Francofurt. est 32. in Amstelodam. Act. 1. est 12.*

10. Verum interea Rouffeti intentum, & librum damnabat Jacobus Marchantius: quamobrem ille An. 1590. contra obtrectantem novum opusculum sub hoc titulo evulgavit: *Dialogus Apologeticus pro partu Cæsareo in malevoli cujusdam Pseudoprophei dictæria*. Acrius excanduit Marchantius, ediditque: *In Francisci Rouffeti Apologiam Jacobi Marchant Regii, & Parisiensis Chirurghi declamationes*. In his Willemeai ad Rouffetum contra Cæsareum viventium partum epistolam inseruit. Marchantius detrimenta hujus sectionis obtendebat: nam plures ex ea mulieres occubuerant: cum enim usque ad id temporis non satis declarasset experientia, quando illa salutaris, quando nociva, quando vero periculosa; mirum non est, interdum cum sectione mortem prægnantium fuisse conjunctam. Pluries cæteroqui eam, ut supra notatum est, pro Chirurgis Barbitonsores administrabant. Quodque magis miraberis: tonsorem narrat Bahuinus, qui multas difsecuerat gravidas, a se interrogatum, nescisse, quid abdomen,

quid peritonæum, quid uterus esset.

11. Hæ igitur impugnationes disseminatæ segniores reddiderunt Chirurgos, quorum plurimi sectionem averfabantur, & Marchantio studebant. Facilius enim homini semper fuit destruere, quam ædificare, & timori, quam fortitudini parere. At Rouffetus eodem anno Marchantio iterum respondit in dissertatione, quæ inscribitur: *Cæsarei partus assertio Historico - Logica Parisiis An. 1590*. Opusque suum novis rationibus, & quinque aliis exemplis adauxit: in quorum quarto duas alias perhibet Cæsareas operationes ab uno Chirurgo peractas; in quinto vero sic ait: *Hæc femina secta fuit a Joanne Luca tunc parum sobrio, (hic Tonsor erat) cui tunc bene poto, si hoc non male successit, quid ei non sperandum, qui sobrius, & mentis compos, arte duce, eo accedet?*

12. Tot porro experimenta Chirurgorum jacentes animos denovo erexerunt: quapropter Cæsarei

farei partus utilitas novis subinde factis in dies collustrata iterum celebrari coepit. Nam Panhoto, & Fereto enunciantibus Joanna Mathevierre prope Lugdunum An. 1627. nonnisi partu Cæsareo mortem declinavit. Similia narrabat e Sabaudia Pellaire (a), scilicet Maupam quamdam sexies feliciter incisam in Castro Aufestensi, aliam Aquis, aliam præterea in oppido Sancti Joannis.

13. Jam ergo sparsis undequaque Rouffeti libris, recentium exemplorum accessione roboratis, profundiores egit illius doctrina radices: veritas enim omnia vincit. Quapropter Theophili Raynaudi ætate circa annum 1637. communis erat Medicis, & Chirurgis. (b) Raynaudus tamen aliis experimentis Rouffeti sententiam confirmavit. Ac primo de matre Jacobi Bituricensis ex Ordine Minimorum, qui Raynaudo narraverat, se quintum esse de filiis cæsonibus ejusdem, quæ Bru-

netto celebri Chirurgo soporiferis antea propinatis dolorem allevante utebatur. Secundo de muliere Flexiense prope Andegavum tertio incisa, Jesuita olim Chirurgo, qui eam viderat, referente. In his autem non secus ac in præcedentibus foetus incolumes educti, ac salvæ puerperæ. Incivile itaque, ac temerarium dicit de tot factis ambigere, & veteres Medicos tamquam timidos, inexpertosque fugillat. Quid autem Raynaudus dicturus fuisset, si sequentia experimenta novisset? Nam ex Tenselio Olaus Rubdechius celeberrimus in Suecia Medicus propriam uxorem incidit. Bartholinus ait, se Parisiis degente, idem quinquies in conjugæ præstitisse Chirurgum alium. Roonhusius vero tradit, Songium Medicum Brugensem septies eodem remedio uxorem liberasse. Gobat (c) matronam addit bis non a Chirurgo, sed a mera obstetrice prope An. 1670. eodem auxilio liberatam. Jobertus (d) aliam

G g

bis

(a) Pellaire in *Epist. ad Amand. Gentil.*

(b) Raynaud *Oper. t. 14. lib. de Ortu Infant. per Sect. Cæsar.*

(c) Gobat *t. 1. tract. 2. de Bapt. casu 8. in Append. post num. 259. lit. D.*

(d) Le Journal. de Sçavans.

bis etiam dissectam in Castro Thierri. Alteram dat Cyprianus (a), dicens se illi abdomen, ac tubam secuisse. Innumeri autem Cæsarei partus hic subnecti possent, suppeditati a Ruleau, Mizaldo, Schenchio, Saviardo, Vatero, la Motte, Lanchischio, & aliis, quæ non secus, ac supra recensitæ, omnes etiam fauste cesserunt, quamplurimis quoque ex hujusmodi mulieribus post sectionem iterum, ac sæpius parientibus. Quocirca præter citatos, ac præsertim Ruleau, qui copiose partum Cæsareum viventium defendit, eidem patrocinantur Acta Eruditorum Lipsiæ, ac Ephemerides Naturæ Curiosorum: præterea Duvallius, Veicardus, Marinellus, Ronchinus, Hildanus, Breslevischius, Riedlinus, Horstius, Camerarius, Albertus, Fienus, Scultetus, Rullonius, Teichmejerus, Govèus, Welschius, Heisterus, & nuperrime Winslowius (b), qui probat, usum feramentorum uncinatorum cum Chirurgica ista operatione collatum,

neque respectu matris minus esse periculofum, neque respectu filii æque innocentem.

14. Verum superioribus exemplis novissima aliqua etiam felicissima congeramus, multiplicibus, ac certissimis documentis, interdum publicis, communita, & a Simonio memoriis Regiæ Academiæ Chirurgicæ Parisiensis inserta, in quorum pluribus etiam fecunditas post Cæsareum partum illæsa permanfit. Mulieres quidem incisæ fuere sequentes.

Prima ex istis Magdalena Gordin, quæ deinde quatuor alios peperit filios.

Secunda ponitur alia, bis ex testimonio Amiralis, & Peyroniæ dissecta.

Tertia, quarta, & quinta unius Chirurgi Thise peritia liberatæ: quarum prima plures, tres vero tertia post sectionem filios edidit.

Sexta Maria la Roche a Chirurgo Brou de mortis faucibus erepta.

Septi-

(a) Cyprian. in Epist. ad Millington. An. 1700.

(b) Winslow. in quæst. Medico-Chirurg. Parisiens. 25. Junii An. 1744. defendente Roulan, Præside Winslow.

Septima Maria Expirat a Nojerio dissecta, cujus deinde absentis ope cum in alia prægnatione destitueretur, fato succubuit.

Octava Margarita François A. 1723. incisa Flandrinæ obstetricis ministerio.

Nona alia in pago Turris de Tresme ex Historia Academiæ A. 1730.

Decima Margarita de Storeaux Domini de Præssaux Medici Spaensis uxor, Kalendis Januarii 1738. quæ anno postea nondum elapso naturali via enixa est.

Undecima Domina Desmaulins parvo corpore mulier, mense Aprili An. 1740. discissa a Soumain, Medicis Burgeois, Puzzis, Souchaes, Verdier, Gervais, Gregoire, Jardi, Chavin, & la Fitte consulentibus.

His incisionibus dein laudatus auctor *in tom. 2. Memor. Acad. Reg. Chirurg.* alias adjunxit. Prima facta fuerat a Couré, secunda, & tertia a Guercinio,

quarta, & quinta in eadem femina scribente Gobenio, sexta a Busierre, septima tandem a Céqué: & hæc quidem Simonius.

15. Josephus vero Mastianus insignis Chirurgus Panormitanus Epistola septimo Kalendas Martii A. 1744. Parisiis data mihi significavit, se duos ibi Cæsareos viventium partus vidisse; quorum primum ex modicæ maternæ staturæ circumstantia suspicor eundem fuisse, ac undecimum in præcedenti numero memoratum A. 1740. a Soumain confectum, de quo etiam Elias Col de Villars (a).

Addidit his Mastianus mulierem in Burgundia semel, & iterum dissectam: nam prima incisione superata, denuo conceperat: deum post secundam sectionem Parisios An. 1743. profectam incolumem perdurare. Ex quibus demonstratur omnino, vanum fuisse nonnullorum timorem, ne mater incisa foecunditatem saltem amitteret: evidens enim est, mu-
Gg 2

(a) Col de Villars *Chirurg. t. 3. c. 13.*

lieres post partum Cæsareum, & concipere, & parere solitas (a).

16. Etiam quadrupedibus constat, partum Cæsareum viventium esse salutarem. In monte Peregrino prope Panormum A. 1749. circiter, ac vere currente, vacca propter malam ossium conformationem parere nequibat. Antonius Campisius tum in Physicis, tum in Chirurgicis peritus, qui mihi rem & voce & scripto enarravit, quique venationis causa eo pervenerat, postquam incassum obstetricationem expertus esset; bubulco persuasit, ut illam sibi incidendam permitteret. Humi jacebat vacca, eamque ligari jussit Chirurgus: inde circa horam decimam Horologii Italici incisionem aggressus, dissecuit primo abdomen, deinde uterum, foetumque eduxit viventem, qui alteri vaccae ad nutriendum tributus, aliorum more adolevit. Chirurgus a consuendo utero abstinuit, sperans naturam ipsam eum

contracturam, atque aliquo balsamico humore unituram: deinde aqua lavit abdomen, absterfit, & expurgavit, ac acu demum confuit, ægre tamen propter corii duritiem: deinde balsamo, quod in pera venatoria gestabat, linivit, fasciolas panni linei superimpofuit, & equina cingula constrinxit.

Vacca sub dio jacens perseveravit usque ad horam vigesimam secundam sequentis diei, cum illam bubulci erexerunt: stetit ergo jam erecta usque ad solis occasum: inde iterum sponte decubuit.

Tertia die Chirurgus eam invisit, cumque nonnihil puris in abdominis vulnere reperisset; ipsum a filo tamquam extraneo illuc attrahi arbitratus: detracto filo, in fauciata parte balsami unctionem iteravit.

A tertia die usque ad octavam situm alternavit vacca, nunc stando, nunc decumbendo.

Quod

(a) Rouffet. *de Part. Cæsar. sect. 7. per totam.*
Duvall *de Hermaphr. c. 24.*
Raynaud. *loc. cit.*

Quod ad cibum attinet; primis tribus diebus cibo, potuque prorsus abstinuit, quamvis bubulci alimenta circum posuissent: a quarta vero die, & deinceps vesci paulatim coepit, & gradatim convalescere: cumque post duos menses Chirurgus Bubulcum de vacca interrogasset: is eam perfectæ sanitati restitutam respondit.

Similem incisionem Panormi olim peregit Joachim Parisius nobilis Chirurgus in Capra: ei ad pariendum impotenti abdomen, utrumque discidit, & foetum extraxit. Cæterum non post multos utique dies ab illius pastore audivit ipsam optime valere, & cum sociis per prata discurrere.

17. Non injuria ergo conquestus est Bartholinus: *miror patriæ nostræ, Daniæ scilicet, aversum ab hac sectione animum, quo multi pereunt, qui salvari possent (a).* At si Italicas Regiones hodie peragraret, vereor ne eandem, & majori cum ratione, geminaret querelam: utilitas enim Cæsarei viventium partus, præsentis sæculo est prorsus exploratissima, & nihilominus non adhuc satis in usum deducta: cui tamen malo, ut occurreret hujus regni Protomedicus perpetuo edicto sancivit, ne in posterum Chirurgi ad exercendam artem; nisi prius de naviter administrando in viventibus partu Cæsareo sedulo examinati, admitterentur.

C A P U T II.

Joannis Baptistæ Bianchi opinio contra partum Cæsareum viventium, ubi conceptus fuerit uterinus, impugnatur.

I. Quamvis hodie medicinæ scriptores Cæsaream incisio-

nem communi voce collaudent in partu desperato; eam nuper ex
Gg 3 parte

(a) Bartholin. de Insol. Part. c. 12.

parte oppugnare nifus est Joannes Baptista Bianchius in suo elegantissimo, & peregrino de naturali, vitiosa, & morbosa generatione tractatu. Gloriatur ille, se rem tanti momenti, præcedentium Medicorum hallucinationes detegendo, in claram lucem protulisse. Quæ autem ille fufius profecutus est; ego hic in epitomen redigam, posterius discutienda.

2. Sciendum est ergo, ait Bianchius Medicorum veteres qui muliebrem ovarium penitus ignorarunt, omnes generationes in utero tantum fieri credidisse, ubi mixtionem utriusque feminis masculini, & feminini contingere judicabant: verum id post ovarii tubarumque fallopianarum inventiones, illustrata jam anatomia, falsum demonstrari. Dantur enim binæ generationis species, naturalis una, quæ fit in utero, descendente scilicet in ipsum per tubas ovo jam antea foecundato in ovario: alia vitiosa, quæ fit extra uterum: & hæc ipsa multiplicis item speciei. Prima nimirum ovi maturi, & in intimo ovario, ubi situs est, foecundationem recipientis: tunc

enim in eodem crescit ovario, ipsum dilatando: secunda ubi maturum ovum existit quidem in extremitate, seu margine ovarii, & prope ipsius membranam; verum quamvis foecundatum, ibidem remanet: cum inde forsitan exilire, & in tubas intrare non valeat. Tertia quando etsi prolapsum in tubam, in hujus tamen hæret principio, nec ultra descendit, aliqua tubæ obstructione impeditum. Quarta cum ingreditur tubam, at in illius medio subsistit eo, quod progredi, & usque ad uterum transire non possit. Quinta si ovum foecundatum in ipso exitu ab ovario tubam ad se bene excipiendum aptatam forte non reperiens, & in abdomen deflectens, sedem in superiori abdominis cavea seu regione, fortitur. Sexta denique si in lapsu a tuba situm occupet in ejusdem abdominis pelvi. In omnibus hisce casibus placenta, quam habet ovum, sive quia adhuc ovario ipsi manet annexa, ut in primo, vel secundo casu: sive quia tubali membranæ, vel alicui abdominis parti, ut in cæteris, deinde adnectatur: nutrimentum exugit ex ipsis respecti-

respective partibus, quibus adhærescit: simili plane modo, quo in naturali generatione utero alligaretur, in eo veluti radices defigendo: quapropter ovum in eodem ovario, abdomine, vel tuba, nequaquam vero in utero germinabit, foetusque gradatim locum, in quo refidet, pro incrementi sui ratione, distendet; non secus, ac uterum in ordinaria generatione ampliare consuevit. Sane

uterus ipsius cavo spectato, in statu naturali faba non est major: nec nisi sensim in gravidis crescit juxta Embryonis incrementum. Igitur si conceptio fuerit vitiosa; siue extra uterum, uterus non dilatatur, sed in propria quantitate, & situ consistit: interim graviditas procedit, omnesque putant foetum de more in utero vivere, & augeri, cum tamen alibi existat. Propterea partus non solum erit difficilis, sed prorsus impossibilis: ut enim ex utero nascatur infans, oportet eum esse prius in utero ipso: cumque non possit in eo statu magnitudinis, ad quem natura jam illum perduxit, intrare tubam; ac multo minus per inferius tubæ orificium,

quod est angustissimum, in uterum discurrere: necesse est, ut in abdomine moriatur, idque matre ipsa commoriente: nisi provida natura aliquem abscessum in hujus abdomine moliatur: quo deinde rupto, ex eo sponte sua ossa demortui foetus egredi: vel saltem a perita manu erui possint: utrumque enim cum matris liberatione interdum accidisse non dubitatur.

3. Posita ergo tali generationum diversitate, naturalis videlicet in utero, & vitiosæ extra illum, permonet Bianchius incisionem nequaquam competere, si conceptio fuerit naturalis; competere autem aliquando si fuerit vitiosa, nimirum in ventre: quocirca vel solum abdomen, vel saltem cum abdomine sola ovarii tunica, vel sola extremitas tubæ secandæ sunt. Enarrat autem plura graviditatem ventralium exempla, præsertim de germana militis uxore, quæ novies partum Cæsareum semperque felicissime sustinuerat.

4. Autumat proinde incisionem in praxim deduci non posse, ubi conce-

conceptio fuerit naturalis: quando scilicet foetus in utero exceptus, ibidem creverit: quia tunc necessario incidendus esset uterus ipse. Porro hic innumerabilibus intertextitur venis, quarum plures ultimis prægnationis mensibus crassitie scriptoriis pennis æquales, magna sanguinis copiaurgent. Venis præterea magnitudine similes arteriæ quatuor in utero numerantur: nimirum duæ spermaticæ, totidemque hypogastricæ: ita ut impossibile sit, incisione semel facta, non inde protinus oriri insuperabilem sanguinis hæmorrhagiam, convulsiones, aliaque atrocissima symptomata, mortem denique gravidarum. Quæ causa fuit, ut universi post celsum Medici uteri vulnera mortalia conclamaverint.

5. Districte autem in plerosque partus Cæsareos ab auctoribus allatos inquiri: aitque hos vel facta referre, quorum ipsi testes oculati nequaquam fuerunt; & ideo non satis probare, conceptionem fuisse naturalem; & consequenter cæsum revera uterum: vel si

aperte incisi uteri meminerint: hoc non sine matris morte contigisse: imo ex quibusdam circumstantiis, quas ille subtilius expendit in casibus, ubi a morte mater evaserat, adstruere nititur, in his nullatenus uterum, sed solum abdomen fuisse dissectum. Arbitratur igitur, Medicos ex æquivocis relationibus tandem ad partus Cæsareos viventium audaciores factos, nec attendentes diversitatem inter conceptus ventrales, & uterinos, falso credidisse, uterum revera vulneratum, seseque demonstrasse, quod faustum, felixque sit contra veterum documenta, & præjudicia, posse illum impune discindi.

6. At quamquam eruditissimi viri argumentatio primo intuitu speciosa, & plausibilis videatur; evertere nihilominus nequit communem sententiam in solidissima experientia fundatam, cum hæc in physicis, cuicumque ratiocinio sit semper anteferenda: neque ei satis ille respondet, uti capite sequenti sole clarius ostendemus.

CAPUT III.

In Cæsareo viventium partu non solum abdomen, sed & uterum feliciter incidi solitum.

I. Ante omnia monendum censeo, me non dissimulandi, plerasque incisiones a Medicis enarratas, fuisse tantum ventrales; itemque de aliquibus non admodum constare, utrum fuerint revera uterinæ. Id solum contendendo, sæpe etiam certo, ac feliciter sectum uterum, contra quam Bianchius opinatus est. (a) Cum nunquam, ait ille, *partus Cæsareus, ut internus, & uterinus; sed potius, ut externus & simplex descriptus videatur*; & alibi: (b) *Historicæ, ventrales solum superiores, aut inferiores graviditates, sine ulla uteri læsione, aut conspiratione revera describunt.*

2. Sane Francisco Rousseto consulente (c) dissecta fuit, ut ipse narrat, Bernardina Arnolda

a tonfore, cui nomen Lucas. Hic postquam abdomen, & peritonæum secuisset; *uterum separatim incidit, facto satis magno vulnere, quo foetui viventi, uti & secundinæ, facilis per vulnus pateret exitus.*

De Nicoletta Beranger clare item asserit, sectum ipsi fuisse uterum, sed non confutum.

Ex eodem: Joanna Michel An. 1578. infantem mortuum gerebat in utero, cujus manum Chirurgus præcidit. Postea quia totum educere non valebat, prægnantem dissecuit: cum autem uteri vulnus angustum fecisset, eam valde in extractione foetus divexavit: quæ tamen saluti nihilominus restituta bis deinde concepit.

Hh

In

(a) Bianch. de vitios. Generat. pag. 198.

(b) Idem ibidem pag. 206.

(c) Roussel. de part. Cæsar. cap. 5.

In incisione, quæ tertia legitur apud eundem, in assertione Historico-Logica expresse traditur, infantulus fuisse in utero, quamvis uncino extrahi non potuerit; Chirurgus vero post uterum visum, & sectum in eo mortuum foetum reperisse.

Cæterum Rouffetum dimittamus; omnino tamen durissimum videtur, tot alios Chirurgos, ac Medicos, qui toties inciderunt, vel incisioni interfuerunt; quibus, si forte senibus, conspicienda certe non deerant; omnes ad unum ante Bianchium per duo integra sæcula cum dimidio cæcutientes, nunquam animadvertisse, abdomen solum, non tamen uterum fuisse dissectum: cum aperte contrarium referant, modumque multi præscribant, quo uterus jam cæsus denuo sit consuendus. Tanta eorum stupiditas profecto neque veniam, neque commiserationem mereretur. Juvat autem aliqua hic experimenta ab aliis Auctoribus excerpta perpendere, ne ullum clarissimo Bianchio effugium relinquamus.

3. Chirurgus circumforaneus Anno 1540. Schenchio teste (a), in Castro Pomponischi mulierem secuit; duos illa gestabat foetus, mortuum unum, qui matrem valde torquebat, viventem alterum. Chirurgus abdomen primo, deinde peritonæum, tertio uterum dissecidit, mortui cadaver eduxit, viventem foetum reliquit, uterumque expurgavit. Gravida tamen convaluit, ac statò tempore vivum infantulum peperit. Si ergo foetus isti non in utero, sed in abdomine sedem fixerant, quomodo qui reliquus fuerat, nasci sine nova sectione abdominis potuisset?

Saviardus narrat, prægnantem An. 1692. mortuam, atque dissectam, quæ, quod ante annos quatuordecim partum Cæsareum passa fuerat, adhuc in utero antiqui vulneris cicatricem ostendebat.

Partus quoque Cæsareus a Lanchischio factus, & ab Actis Eruditorum Lipsiæ ad An. 1693. relatus, fuerat procul dubio uterinus: id ex ipsa quidem Historia satis liquet; naturali enim partui magnus vaginæ tumor obstiterat.

4. Idem

(a) Schench. tom. 2. lib. 4. de Fœtu observ. 174.

4. Idem dico de cæsione, quam habemus a Vaterno (a): etenim simile fuit pariendi impedimentum. Mulier profecto adeo habebat callis occlusam vaginam ex ulcere, ut vix extremitatem digiti auricularis admitteret.

Par esto de Cæsareo partu An. 1702. a Ruleau Chirurgo Santensi facto iudicium: cum enim is comperisset in muliere, de qua supra, malam ossium conformationem artis tentamenta frustrari, ad incisionem devenit.

5. Infans, La Motte referente, brachium ad orificium obstetrici præsentaverat, quæ brachium discerpfit: ex quo patet infantem fuisse in utero. Chirurgus deinde prægnantem secuit, nec ultra eam invisit, cum aliqua tantum remedia marito reliquisset, ut ipse conjugii mederetur. Infirma nihilominus pene solius naturæ adjutorio evasit incolumis.

6. Margarita François, uti suo loco (b) innuimus, An. 1723. dis-

secta est: obstetrix infantem sibi ad orificium uteri occurrentem jam manibus contractaverat: conceptus ergo fuerat uterinus, uterinaque incisio.

7. Magdalena Gordain, de qua etiam supra, Parisiis anno 1739. examinata deposuit: se sponte Cæsareum partum postulasse, horrente Chirurgo, cui hæc operatio prorsus erat ignota: is a prægnante animatus primo abdomen secuit, deinde mariti auxilium postulavit, qui intestina subiecta manibus retineret: postea uterum incidit. Cum autem confuto ventre, deinde futuræ diruptæ fuissent; infirma eas iterum consui recusavit; pristina tamen sanitate recuperata, quatuor deinde filios naturali partu enixa est.

8. Margarita de Storeaux a Blierre, marito suo adjuvante, incisa fuit: postquam enim infans ad orificium convenienti situ se obstetrici tractandum præbuisset: in alium conversus posteriora dabat; uti pater infantis professione Medicus

Hh 2

(a) Vater. *dissert. de part. Cas. edit. Wittemberg. A. 1695.*

(b) *Hoc lib. c. 1. n. 14.*

dicus observavit. Itaque desperato partu cum sectis abdomine, & peritonæo, vesica urinaria sese objiceret; hanc pupugit Chirurgus, ut urina disfluente obstaculum tolleretur: quo facto discidit uterus. Prægnans intrepida detineri noluit, de Chirurgi tarditate, & cultro hebetiore tantum conquesta. Sectionem hanc non sequuta fuit hæmorrhagia: purgamenta vero, & via ordinaria, & minora, quam in partu naturali, ejecta sunt. Puerpera tandem incolumis post duos annos puellulam edidit. Erit hic forsitan, incisus, nec ne fuerit uterus, ambigendum?

9. Insuper Domina Desmou-lins ex pessima ossium conformatione, & corporis exiguitate, altitudinem trium pedum cum pollice non excedentis, foetum emit-tere non valebat. Soumain retulit, se incisa pelle, musculis, ac peritonæo, intestina offendisse; quæ a socio detineri curavit; inde secuisse uterus; additque illius hæmorrhagiam parcio-rem fuisse,

quam in cæteris puerperis a naturali partu etiam feliciori: Ægram denique salutis restitutam, quamquam infante post decem dies, at nutricis incuria, pereunte. Quid ad hæc respondebit Bianchius? An discernere nesciebat uterus Soumain? Nesciebant quoque peritissimi novem illi Medici, quos ante nominavimus (a), quique sectioni adstiterunt? Mirum certe, tot Medicos, ac Chirur-gos una simul fuisse deceptos.

10. Joseph denique Mastiani, de quo supra, bis propriis oculis partum Cæsareum non sola abdominis, sed uteri etiam incisione peractum in mulieribus valde modicæ staturæ, unde verisimiliter partus impossibilitas proveniebat, sese vidisse testatur. In primo filiolo inventus est vivus, etsi non multo post obierit nutricis indiligentia: Mater vero, quamquam pluribus exactis annis, perseverabat incolumis. In secundo foetus eductus est mortuus, mater autem ex alia potius infirmitate illum decimo sexto die sequuta est.

Capræ

(a) Ibid. n. 14. & 15.

Capræ denique, atque vaccæ partu Cæsareo, ut supra (a), liberatis uterus dissectus fuit, ut mihi sectores ipsi a me interrogati aperte retulere.

11. At inquit Bianchius, uteri vulnus lethale judicandum. Tale profecto esset, ut omnia aliorum viscerum vulnera, in quibus, & partes dissectæ difficiliter a sola natura curantur, & a Chirurgo tractari, balsamisque liniri, & purgari non possunt. Sed in partu Cæsareo non ita: nam & uterus jam discoopertus tractari valet, & cruor abstergi, & balsama immitti, incisæque partes mutuo ad compactionem commodissime aptari.

12. Non inficior quidem tempore partui vicino uteri arterias, atque venas fieri tumidiore, & sanguine pleniores: at is virtute illa præstat, qua cætera carent viscera: Fœtu enim ablato suo ingenuo contrahitur, & in modi-

cam figuram redigitur, quod ad partes iterum uniendas egregie conducit. Nam Heisterus mensuram dans uteri in matronis actu non gravidis, *Longitudo*, ait, (b) *est trium pollicum, latitudo in parte superiori duorum, in inferiori unius: crassitudo vero sesqui-pollicis: in virginibus adhuc minor.* Quamobrem recentiorum consilium est, ne post Cæsaream incisionem suatur ille; sed ut sibi ipsi potius naturaliter uniendus relinquatur. Quod si sub initiis, nimirum antequam natura uterum constringat, aliquanto copiosior obtingat hæmorrhagia: Medicus ob terriculamenta ista ne concidat animo: cum novum non sit in partibus ipsis naturalibus puerperas enormissimos sanguinis fluxus & pati, & superare.

13. Cæterum uteri vulnus imo & amputationem, ex se non esse omnino mortiferam, Celsus, atque Galenus docuere (c), ac variis

(a) Ibid. n. 16.

(b) Heister. *Corp. Anatom. de utero.*

(c) Celsus lib. 5. Cap. 26.

Galen. in 6. de *Loc. affect.*

riis exemplis ad partum Cæsareum non pertinentibus, & Bianchio non suspectis dilucide confirmatur. Mitto, quod veteres ex Athenæo more ab Arthemiti Rege Lydiæ inducto, mulieres castrabant: etsi enim Rainaudus, Brodæus, & alii, id per incisionem abdominis, & recisionem Dydimorum, scilicet ovarii contigisse, arbitrentur; Delecampius factum censet, non sectione, sed fibulis ad instar equarum. Attamen dubitari nequit, priscos matricis extirpatione castrasse porcas, Galeno apertissime dicente (a), fues tum in Asia, tum in aliis Provinciis ultra Cappadociam cæsione castrari: qui addit operationem in mulieribus fore periculosiorem, etsi non explicet, utrum re ipsa in mulieribus castratio venerit in usum. Ut ut fuerit, Soranus est auctor ad præsens etiam in Galliis uteri abscissione castrari fues, eoque habitiores, & valentioris alimenti prædicari. Idem quoque in Sicilia, matrice, vel saltem ejus medietate recisa, factitatur. Idem

denique tum de suibus, tum de gallinis: imo de canibus, & equabus tradidit Roussetus (b); addens peritiores castratores de industria uterum totum excindere graviditatis ipsius tempore, quod ita securiores accidant castrationes, utero nimirum valde conspicuo: seseque prospere tali pacto canem castrari fecisse. Porro matrix arteriis, venisque non minus in animalibus antedictis, quam in mulieribus abundat.

14. Nec desunt certissima facta, id ipsum de mulieribus comprobantia. Prætereo quidem illa, quibus infans lacerato utero abdomen ingressus, ibique mortuus non nisi apostemate facto extractus est. Plurima hujusmodi exempla, matre semper liberata, Roussetus, Bartholinus, & alii tradiderunt. Verum ne dicat Bianchius, conceptus illos a principio fuisse ventrales; ad alia transeamus. Sane variis de causis utero procul dubio disrupto, superstites fuere mulieres. Fernelius

(a) Galen. lib. 1. de Sem. cap. 15.

(b) Rousset. de Part. Cæsar. sect. 5. cap. 1. & 2.

melius (a) oculatus testis puerperas perhibet incolumes, quamquam propter immanes parturiendi conatus matricem integram a corpore divulsam ejecerint. Infans, Hollero observatore (b), die ante partum decimo quinto, lacerato a se genitricis utero, ex materno umbilico brachium emiserat: deinde tamen via naturali, puerpera salva, est egressus: ex quo patentissime liquet, eum nec in ovario, nec in tuba, nec in abdomine germinasse.

Præterea si Langio (c) oculato itidem testi fidem tribuimus, Andreas Rempter uxoris ventrem adeo profundo vulnere confoderat; ut etiam puerum ipsum fauciarit: hic autem propterea mortuus, via ordinaria tandem exivit, ejusque vulnus adhuc in dextera caluariae parte, quæ callosa erat, usque ad sinistri oculi supercilium cernebatur: nec tamen mater interiit.

Rungius Bremensium Chirurgus Heistero (d) narravit, se foetum per solitam nascendi viam eduxisse, qui antea matricem discederat: at quamvis ille *per rupturam uteri intestina mulieris manu perspicue tetigerit, eaque aliquandiu represserit, ne in uterum irruerent; donec hic se multum constringeret; ægra tamen feliciter convaluit.*

15. Quot vero medici gangrænæ causa matricem sine mulierum morte reciderunt? Legantur Vega, Mercurius, alique. Profecto Roussetus de uteris, qua violenter abscissis, qua sponte cadentibus, novem repræsentat exempla, sexdecim tamen Bauhinus, quibus aliud superaddo Panormitanum, & in matrona etiamnum vivente celeberrimum. Quocirca Soranus ait (e): *Minime existimandum est, uterum principatum ad vitam tenere: quia is non solum procidit; sed etiam in quibus-*

(a) Fernel. lib. 3. Physiol. cap. 11.

(b) Holler. lib. 1. de Morb. inter. sub fin.

(c) Lang. lib. 2. Epist. 39.

(d) Heister. part. 2. sect. 5. cap. 113. n. 14.

(e) Paræus lib. 23. cap. 41.

quibusdam præceditur, nec tamen mortem affert, ut litterarum monumentis Themiso commendavit.

16. Præ cæteris autem Paræi auctoritas est attendenda (a). Is cum eodem Bianchio, & Guillemeau olim putaverat, uterum absque gravidæ occisione vulnerari non posse: nihilominus necessitate compulsus, ut ipse narrat, (b) ad id devenit, ut feminæ infirmæ non solum totum uterum, qui putruerat, frustatim; sed etiam unum ex duobus Dydimis extirpaverit. Testibus non solum Gaudino, Feureo, & Viola-neo Medicis; sed & Veaux, & Guillemeau ipso Chirurgis; illa tamen egregie restituta est: sed cum post trimestre tempus ex pleuriti-de obiisset, eam incidit Paræus, qui subdit: (c) *Dissectæ a me, & sedulo singula exquirenti, nusquam comparuit uterus: sed ejus loco callosum quoddam corpus, quod natura, quæ nunquam in nobis otatur, ja-*

sturam ejus partis quasi reparatura vel lacunam potius repletura substituerat. Credendumne Paræum, & Guillemeaum, uteri sectioni cæteroqui satis adversos, in utero dignoscendo cæcutisse?

Similem tamen observationem Rouffetus adduxit de muliere post mortem secta, in qua uterus, quo jam diu privata fuerat, non est inventus. Cæterum uteri vulnus imo & amputationem non solum recentioribus, verum etiam priscis Medicis, ad quos Bianchius provocavit, non esse omnino lethale, Celsus, Galenus, Avicenna, Æzius Avenzoarius, ac Paulus Ægineta clarissimi veterum tradidere. Audiamus Paulum Æginetam, qui apertissime scribere non dubitavit: *Constat tota ablata matrice mortem inde non subsequi* (d).

Quocirca Pareus (e) & sua, & aliorum tum veterum, tum recentiorum experientia edoctus eodem loco

(a) Æginet. Lib. 6. cap. 88. & lib. 2. cap. 72.

(b) Soran. de loc. Mulieb.

Primeros. de Morb. Mulier. lib. 4. cap. 7.

(c) Paræus lib. 16. cap. 76. lib. 24. cap. 48.

(d) Æginet. lib. 2. c. 72. & lib. 6. c. 88.

(e) Paræus libr. 23. cap. 41.

loco sic habet: *Si uterus procidens remediis restitui nequeat, & vulneratus computruerit; jubemur veterum præscripto, illum amputare, caute tamen ipsum vinciri volunt: ejusque id tantum, quod necesse sit rescindi: reliquum cauterio inuri, & ex artis regulis curari. Visce sunt enim permultæ mulieres, quibus totus ferme uterius excisus fuerat nullo vitæ dispendio: quemadmodum testatur Paulus. Joannes Langius Comitis Palatini Medicus scribit: se præfente Chirurgum Carpum mulieri Bononiensi uterum extirpasse, ipsa superstite, & incolumi. Antonius Benevenius Medicus Florentinus scribit: vocatum se a Medico Ugelio ad curandam mulierem, quæ, cum ei uterus frustatim corruptus procidisset, decennium totum supervixit.*

17. Equidem scio, Bianchium, ut ab auctoribus, qui abscissiones uteri retulerunt, iese expediat, respondere; non esse credendum, illos matricem integram amputasse, sed aliquam tantummodo partem ipsius propendentem. Item aliud esse tandem uterum disten-

tum, & sanguine turgescentem secare in gravidis: aliud ipsum incidere, sed contractum in non gravidis. Verum Paræus ait, se uterum integrum abstulisse, non ejus partem. Rouffetus, ac Bauhinus semper in exemplis de toto utero abscisso, vel sponte decidente, non autem de illius portione loquuntur. Rouffetus ipse ait, canem suam gravidam uteri amputatione castratam; addens Peritos tempore graviditatis castrare solitos. Fernelius inquit, gravidas, non autem feriantes, conatibus in partu elicitis, uterum a corpore divulsum emisisse. In summa, quæ tum ipsi, tum Hollerius, Langius, Soranus, & Ægineta supra citati dixerunt, ingeniosas istas Bianchii responsiones, interpretationesque penitus ac luculenter excludunt.

Mortuæ sunt quidem nonnullæ post partum Cæsareum uterium feminæ, quod urget Bianchius. At cum illæ ut plurimum nonnisi post dies aliquot fato cesserint; existimandum est, mortem non ex venarum, arteriarumque hæmorrhagia, ut ipse arbitratur, Li
sed

sed aliunde provenisse; nam secus multo citius expirassent.

18. Insuper, ut prætereamus totalem genitalium amputationem in veris Eunuchis Gynæceorum custodibus; habet etiam crudeles alias, & periculosissimas Chirurgia incisiones, ad quas nihilominus, extréma urgente necessitate, confugitur, talis est exempli gratia brachii, vel manus affideratæ recisio, Paracentesis in hydrope, pectoris item ex celebri nostro Ingrassia ad pus educendum aperiitio, Laringotomia quoque in ancinis: hanc veluti lethalem damnarunt veteres; qui tamen ab Heistero carpuntur, cum exploratum hodie sit, eam licet valde gravem, non esse propterea insuperabilem.

19. Summi denique discriminis est etiam Lithotomia, seu sectio pro calculi extractione: maxime si vesica sit incidenda. Goveus quidem Gallus e recentiorum classe Chirurgiæ scriptor cum Rousseto, Scipione Mercurio, & Velschio, quamquam exempla

illius felicia adducentibus, eam putat præ matricis incisione non minus difficilem, atque periculosam. Cæterum sæpissime in illa votis respondere solet eventus. Multiplex autem est, quo ad modum Lithotomia: & primo præter illam, quam vocant majoris apparatus a Francisco de Romanis An. 1520. inventam, in qua licet vesica non cædatur, attamen gravissima incommoda, atque pericula occurrunt, a quibus tamen sæpe infirmi sese felicissime expediunt; quis non pertimesceret Lithotomiam cum vesicæ dissectione, quam circa An. 1698. Jacobus Bealieu Heremita de Belfort prope Vesantionem invexit? Hæc initio propter illius imprudentiam plurimos aut vita spoliabat, aut saltem perpetuis, gravibusque malis implicabat; at emendata methodo ab ipso inventore, ac deinde a Rauleo, ipsam quotidie salutarem infirmi experiuntur. Profecto Esbachius, & Heisterus enarrant (a) e viginti, quos Jacobus post correctionem dissecuit, vix unum esse desideratum.

20.

(a) Heister. p. 2. sect. 5. c. 143. n. 10.

20. Nec levis existimatur incisio vesicæ alti apparatus, sive Franconiana per hypogastrium: eam Petrus ipse Francus adinventor, quamquam ex sententia in puerulo successerit; cito tamen ut maxime periculofam, ac pene temerariam damnavit, prosperum exitum, quem propriis oculis viderat, fortunæ adscribens. Verum hoc nostro sæculo innumeri plane doctores & exempla utilissimam, probavere, ubi infirmus triginta annorum ætatem non sit prætergressus. Id copiose cum aliis prosequitur Heisterus (a): qui postquam distincte gravissimas hujus incisionis difficultates, atque pericula perpenderit; addit tot inter ægros, quibus ipse hac operatione calculum exemit, nullum puerum vel saltem trigesimo anno minorem e vivis ereptum.

21. Demum Lithotomia peragi potest minori apparatu per Perinæum: tunc vero discrimen est

valde majus, quam in antedictis: etenim præter illud, quod ex vesicæ vulnere, & ab insignibus venis, arteriis, musculis, tendinibus, & ligamento ejusdem Perinæi incidendi provenit: atque ex inflammatione, & gangræna, quæ facile inde consequi possunt: in considerationem etiam venit tum læsio musculi sphinter, vicinorumque vasorum spermaticorum, tum ex parte privatio genitalis virtutis; metus denique, ne rectum intestinum forte incidatur: at illa nihilominus a bis mille annis adhæc usque tempora in usu fuit, dicta propterea antiquæ methodi, & a Celso commendata. Ea creditur sectio proposita olim Arnulpho Flandriæ Comiti, qui, cum periculum in aliis fieri jussisset, antequam in se ipso illam admitteret; ex viginti infirmis unum tantum obiisse deprehendit, reliquis superstitis, & a calculo liberatis.

Li 2

22. Por-

(a) Heister p. 2. sect. 4. c. 142. n. 8.

Roussin, Hildan, Pietreus, Riolan, Tolerus, Solingenius, Probi, Læsius, Dionysius, Greenfieldius, Garengot, Tibauthus, Douglas, Choseldenius.

22. Porro Medicis propter Hippocratis, & Celsi (a) auctoritatem non minus formidolosum semper fuit vesicæ, quam uteri vulnus: eoque non obstante ad tot incidendæ vesicæ methodos excogitandas adacti sunt. Adeo certum reputatum semper est omnibus, extremis malis extrema quoque remedia esse adhibenda; quæ tamen ipso usu, & observationibus mitescunt sensim, ac veluti cicurantur. Quæcirca mirum non est partum ipsum Cæsareum, qui antiquos maxime perterrebat, ab hodiernis Chirurgis, utpote peritioribus, tamquam vere propitium frequentari.

23. Itaque sicuti valde commendando Bianchii monitum tanto viro dignissimum de Cæsarea sectione secure, saltem aliquoties, ministranda, si foetus non in matrice, sed in abdomine delitescat; ita ei assentiri non possum, ubi absolute vetat, extrahi foetum per uteri incisionem, si quando in utero maneat. Et profecto Si-

monius reputat rectissime, magis tutam esse uteri sectionem in Cæsareo partu, quam solam abdominis: nimirum propter placentæ, ac forte secundinarum cum matris visceribus adhærentias, quæ in secundo casu essent metuendæ.

24. Verum quis unquam nisi experientiæ crederet, in partu Cæsareo neque spasmos oriri, neque dolorem esse tam vehementem, neque hæmorrhagiam adeo semper copiosam, ut vulgo putatum est? Profecto Rousselus (b). Ruleus, Winslovius, & alii perhibent, dolorem, ac sanguinis fluxum non solum in eo minores existere, quam in partu difficili, vel abortivo, sed etiam naturali, & non difficili: hanc autem reddunt rationem: nimirum pariendi tempore partes omnes ampliantur, ac propterea muscoli, & alia omnia extenuantur, & gracilescunt: quo fit, ut cum minoris evadant molis, minus etiam abundant sanguine; minorem proinde doloris quoque sensum inferat ipsa sectio, quam

(a) Celsi lib. 6. c. 6.

Hippocrat. sect. 6. Aphor. 18.

(b) Roussel. sect. 2. c. 4. 9. 11. & sect. 5. c. 3. & 4.

quam conatus naturaliter parturiendi, qui maximam habet convulsionem. *Perpenfis hifce*, inquit Winslovius (c), *nōn adeo miraberis e Sectione Cæfareâ minus doloris, ac minus cruoris alios obfervaffe.*

25. Ab illa etiam eruditiffimi Bianchii doctrina diffentio, quam nimirum alferit, magnam foecundatorum ovorum partum, quæ in exitu ab ovario tubas intrare debet, sæpe casu deviare, & in cavum abdominis ejusque pelvim decidere, ibique deperire. Hoc, ut ipse opinatur, evenit primo: quia tubæ, quæ non sunt admodum firmæ structuræ, ovario non alligantur, nec eorum superiora orificia perpetuo illi applicata cohærent: sed ab eo soluta, atque libera solent divagari: ita ut facile contingat, ut quo tempore ovum ab ovario egreditur, tuba sit forte ab illo remota, vel convenienti modo ipsi non aptata, & ovum propterea excipere non possit. Secundo; quia cum quandoque, nec difficulter, ipsius

tubæ orificium, quamvis ovario applicatum, obstructum reperitur, ovum depellit, quod proinde in abdomen cadere necesse est. Id autem ex eo confirmat, quia in muliebri ovario reperti sint calices vacui majori numero, quam fuerit summa filiorum a muliere productorum; quod ipsi evidens est signum, aliqua ex ovis foecundatis ad uterum non pervenisse. At huic opinioni, & experientia, & ratio contradicit. Ratio quidem, quia penitus est inverisimile, naturam, quæ nulla in re sese magis providam, atque artificiosam, quam in hominis generatione demonstrat: ita demum hujus organa disposuisse, ut major humanorum foetuum pars necessario sit peritura, cui damno, Bianchio ipso fidente, irrationabilia animantia non subjacere, compertum est. Dicendum igitur obstructa tuba, neque virile semen, neque ejus spiritum in sufficienti quantitate per eam ad ovum foecundandum ascendere: quod si obstructa non sit, sicuti ea generationis tempore virtute spirituum generationi in-

li 3

fer-

fervientium, & adjumento ple-
xus nervorum in eadem ab ipso-
met Bianchio observatorum, fem-
per versus ovarium contorquetur
ad semen, vel auram vivificantem
illi deferendam: ita divino quo-
dam naturæ magisterio, & ope
sympathiæ, quæ inter tubam, &
virile semen intercedit; cum se-
men, vel saltem ejus aura in ovo
foecundato vim suam exerendo,
illud ad egressum disposuerit, &
concitaverit; ipsa tuba iisdem ner-
vis suffragantibus ovario sese ap-
plicat, ut ovum ab illo demitten-
dum complectatur. Hoc autem
experientia, & ejusdem Bian-
chii doctrina clarescit: si enim in-
finita essent ova foecundata, in
abdominis cavum prolabantia, in-
finiti essent conceptus quoque
ventrales: etenim ipso docente,
abdominis non minus calor, quam
uteri in muliere ad ovorum ger-
minationem satis est; cum nihilo-
minus vel propter allatam ratio-
nem, vel propter aliud usque
modo non referatum naturæ arca-

num rarissimi sint: vix enim inter
decem centena millia una prodit
ejusmodi conceptio: quod vero
plures vacui calices conspici so-
leant, quam partus extiterint;
posset in dubium forte revocari:
nam alii, quos inter Purchotius,
(a) contrarium evenire testantur.
Concedimus tamen, ita rem esse,
ut asserit Bianchius: verum quid
inde? Ova temporis decursu
(prout observatur in vetulis) con-
grui liquoris irrigatione deficiente
siccantur, atque delentur. Quæ-
dam vero maturitatem assequuta,
in ipso ovario naturæ calore sol-
vuntur, vel ob internam fermen-
tationem ex ovario sponte sua,
quamvis a virili semine, vel ejus
aura prorsus intacta prorumpunt:
ita ut quamquam non foecundata
in abdomen quidem: imo si tuba
forte ovario sit adplicata; in ute-
rum ipsum, sed infructuosa de-
scendant, eodem utrobique natu-
ræ calore destruenda: quibus ca-
sibus tamen sæpe juxta Drelin-
curtium (b) putrescentia, diffici-
lium

(a) Purchot. p. 3. *Phys. sect. 2. c. 2.*

(b) Drelincurt. *System. de human. Fætu perioche* 18. & *de fem. ov. car.*
secund. n. 10. 14. 19. 21.

lium evadunt morborum origines. Certe fructus partim manu carpuntur ab arbore, partim vere maturi, nemine prorsus excutiente, labuntur, partim tempore debito non collecti paullatim in ramis ipsis arescunt. Idem quoque in gallinis notare licebit, quæ ova subventanea non minus, quam foecundata passim ab ovario, uti videmus, demittunt. Cæterum in mulierum ovis, etsi non foecundatis, nec fermentationes revera desunt, nec expumationes liquidorum, quæ illa stimulant ad aperiendum ovarium, ut inde discedant. Naturam autem soli foetuum humanorum indemnitati non satis providisse, quod ex Bianchii doctrina consequeretur, omnino est incredibile.

26. Sed neque verum puto, quod ipse addit, scilicet non tantam tubas fallopianas cum ovario connexionem habere, quantam habent in quadrupedibus oviductus. Id potius de volucribus dici posset, quarum oviductus, id est infundi-

bulum magna fane debilitate, ac mollitudine laborat: & nihilominus per quam sufficientissimum est ad impediendum, ne ovum foecundatum fortasse deviet, ac devian- do dispereat. Verum in hac materia mulieres quadrupedibus assimulantur, ut in Thesi Medica Parisiensi 25. Januarii 1695. numero quinto adnotatur (a). *Longe major est proportio ovi muliebris, aut quadrupedum, ad uteri tubas, quam in volatilibus vitelli ad oviductum. Oviductus in his nusquam ovario annexus, libere in abdomine hac illuc fluctuat. In homine vero, & quadrupedibus tubarum expansio per unam, aut alteram laciniam ovario connexa, parum ab ea recedere, ac divagari potest. Oviductus denique in plerisque volatilibus undique indivisus, in homine autem, & in quadrupedibus tubarum expansio in varias hinc inde lacinias divisa, ac quodammodo lacera, longe facilius conceptionis tempore, aut forsitan aliquot a conceptione diebus, ovario applicari potest, illudque amplecti.*

27. Ce-

(a) Apud Purchot. loc. cit.

27. Celeberrimus autem Verhejenius docet, tubas non in sola conceptione ovario applicari, sed ipsi ut plurimum adhærere. *Earum situs*, inquit (a), *varius, sæpius autem inveniuntur testiculis incumbentes, qui situs videtur illis magis naturalis: quia dum sursum, deorsumque reponuntur; apparent circa uterum contortæ.* Drelincurtius tandem (b) etsi contra communem opinionem, quam sequitur Bianchius, ovum existi-

met ante fœcundationem descendere in uterum; mechanicis tamen, elegantibusque similitudinibus ostendit, illud cum ab ovario egreditur, tubas ingressurum; non nisi rarius in abdomen deflectere. Tubæ enim suo corpore fimbriato, suisque plurimis, exilibusque musculis, tam arcte ovario sese annectunt: ut ovi in abdomen lapsus pro naturali statu plane sit impossibilis.

C A P U T IV.

Quando partus Cæsareus in vivente probandus, vel improbandus.

I. **D**erelicta ergo Bianchii opinione, æquum erit ut communem fere Medicorum omnium transacti, præsentisque sæculi amplectamur: eo quod innumbris jam experimentis pateat, Cæsaream incisionem non solum, si conceptus in ventre, sed etiam si in utero acciderat, felicissime contigisse. Cum autem partus Cæsareus non indiscriminatim, sed eximia cum cautela, & circumspeditione, nec nisi naturali partu desperato, sit adhibendus; restat,

(a) Verhejen. *Anatom. l. i. tract. 2. c. 27.*

(b) Drelincurt. *in Epist. ad D. Basnag. t. 1. Biblioth. Anat. & in Systemate de fœtu.*

restat ut breviter ex Heistero, Simonio, aliisque (a) primi ordinis Medicis, & Chirurgis, videamus quibus in casibus administrari eum oporteat: verendum est enim, ne inopportune fructum colligere contentendentes, arborem ipsam fuccidamus.

2. Igitur ante omnia distinguere necesse est, utrum foetus in matre vivente sit mortuus, an vivere pergat.

Si mortuus est parvulus, & in utero solum cadaver ejusdem supponamus, non incidenda mater est: sed ille potius ubi nihil obstat, vel uncinis, vel aliis instrumentis educendus. Cavendum est autem quam diligentissime Chirurgis, ne illum, ut frequentissime fit, conatibus nascendi debilitatum, ac deliquio labefactatum facile mortuum credant, qui forte vivat ad-

huc. Instrumenta enim ipsum vel discerperent, occiderentque, vel saltem læderent. Porro, uti supra dictum est, signa mortis in utero sunt fallacissima: præsertim si puer, vel in axillam, vel in dorsum, vel in alterutrum capitis latus conversum se præbeat. Quapropter moneant Chirurgos Parochi, ne unquam arripiant ferramenta, nisi prius infantis mors omnino sit exploratissima.

3. Cum vero foetus mortuus in tuba manet fallopiana, vel in ovario, vel in abdomine: competit Cæsareus partus, absque quo foetus cadaver in matris visceribus relictum putresceret, eamque communicata corruptione perimeret. Libentius vero hæc sectio esset administranda, ubi abscessum aliquem natura ipsa promoverit.

Kk

Si

(a) Heister. p. 2. sect. v. cap. 113. de part. Cæsar. & c. 152. de partu difficili.

Simon. in tom. 2. Memor. Acad. Reg. Chirurg. in Perquisit de partu Cæsar p. 2.

Bianchi de Vit. Generat per tot.

Videndi Roussel. Bahuin Math. Cornac Sennert. Hildan. Cyprian. Saviardus, Rulou. & Acta Anglican. Gallic. & German.

4. Si vero cadaver est quidem in utero, at modus alius non suppeteret, illud per uncinos eruendi (quod forte nunquam eveniet, nisi ubi in aliqua uterina hernia adhærentias habente resideret) matris liberatio in solo partu Cæsareo consistit. Idcirco Heisterus non solum monet, eum gravidæ suadendum, sed etiam adhibita vi, quamvis illa dissentiat, faciendum: si modo in eo statu sit ipsa, ut cum vitæ spe acerbum istud remedium sufferre valeat: nam etsi ea illud expeteret; at viribus esset omnino prostratis, frigefacta, & sudore frigido manans; Partus Cæsareus absque ulla pueri jam defuncti utilitate ad mortem tantummodo prægnanti accelerandam conducere, ac frustra infamiæ, vulgique calumniis exponeretur.

5. Et hæc profecto, ubi matre vivente foetus e vivis excesserit. Si vero vivant simul & mater, & foetus: accuratiori criterio opus erit, casuumque circumstantiæ discernendæ.

PRIMUS CASUS.

Mala ossium confirmatio.

6. Si quando in matre pubis

os est nimis planum, seu compressum, vel profundius, quam par est, situm; vel os sacrum nimis exporrectum, seu prominens, aut si tuberositates ossis Iſchii sunt invicem, vel erga coccygis os nimis vicinæ: sive id naturaliter, sive ex aliqua luxatione sit factum: tunc inter puerum jam partui maturum, ideoque grandiore, & viam, per quam transire necesse est, debita proportio manifeste deficeret; proindeque partus erit impossibilis. Huic malo sæpenumero obnoxie sunt mulieres modicæ staturæ, ac male conformatæ, quamquam non desunt ex istis, quæ satis capacem habeant pelvim, & partui sint satis idoneæ. Sicuti e contra non desunt aliæ optime in reliquis constructæ, quæ tamen sufficienti pelvis amplitudine careant.

In supra dicta ergo mala ossium dispositione tota salutis ratio, matris non minus quam filioli, ex solo Cæsareo partu, veluti sacra quadam anchora, pendeat.

7. Sectio autem semel ac naturalis

ralis partus impossibilitas, ex in-
emendabili hujusmodi causa inno-
tuerit; sine ulla mora facienda est:
nec mortalia symptomata, & ac-
cidentia erunt expectanda: mora
enim fatalis esset, & remedium
tardum evaderet inutile: nam ex
compressione, quam uteri collum
pateretur, inflammatio, & gan-
græna oriretur: proinde redimen-
dum est tempus, nec frustra in di-
latatione orificii insumendum: par-
tus enim impeditio aliunde pro-
cedit. Idem dicas, ubi pelvis
quidem conformatio non prava
fuerit, attamen ossa pubis, & ischii
exostoses habeant prægrandes,
& insuperabiles: propter eas enim
æque impossibile erit puerperium.

SECUNDUS CASUS.

*Vaginæ angustia ob tumores: &
similia obstacula in uteri ori-
ficio.*

8. Vaginæ angustia vel ex na-
turali ipsius constitutione prove-
nit, quod scilicet minorem sortita
sit diametron: vel ex cicatrice,
duritie, callositate ob ulcus, aut
lacerationem in partu anteceden-
ti: vel ex tumoribus, magnam

colli partem occupantibus: vel
ab aliqua prænaturali membra-
na procedit.

9. Si angustia ex primigenia
constitutione sit, non facile ad
partum Cæsareum currendum erit:
cum enim magna sit vaginæ ad se-
se extendendam naturalis aptitu-
do: naturalis hujusmodi extensio
speranda est.

10. Cicatrices, & callositates
tunc partum Cæsareum postula-
bunt, cum alia artis remedia nihil
profecerint: in quibus etiam com-
putantur incisiones, & locorum
vaginæ, ubi forte obstaculum re-
sidet, expeditio: deinde speculi
applicatio, vel denique callorum
ipsorum extirpatio.

11. Tumores ad matricis orifi-
cium si sint ingentes, ac scirrosæ
duritie, omnem quandoque spei
pariendi aditum præcludunt: ne-
cesse est enim, ut proportio inter
puerum exiturum, atque ostium
intercedat. In hac igitur circum-
stantia præstat incisione uti, quam
extirpatione tumorum, quæ ni-
mis esset periculosa.

12. Verum si tumores non ad orificium uteri sint, sed in vagina; difficiliorem solito, ac lentiozem reddunt partum; sed non desperatum: imo si sint duriores, & crassiores, commodissime, & sine periculo extirpantur.

13. Callositates autem, & colli uterini restrictio propter ulcera, & lacerationes ex partu antecedenti difficili, non semper justam Cæsarei partus efficiendi causam subministrant. Poterit enim naturalis partus esse quidem difficilis, quin sit absolute impossibilis. Expediendum est itaque matricis collum per incisiones, si sint indicatæ: incidendæ sunt quoque aliæ præternaturales membranæ, si obstant.

TERTIUS CASUS.

Uteri disruptio.

14. In maxima partus difficultate ob insolitos parvuli matrisque conatus, uterus quandoque dilaceratur, ac foetus ipse toto corpusculo genitricis ventrem ingreditur, quo semel factò, nasci deinde omnino nequibit. Si igitur

postquam ille ad orificium venerat, dolorifici pariendi impetus repente conquiescant, ac puerpera solitum pondus, atrocissimumque dolorem, quem in utero patiebatur, in ventrem mutata sede transire sentiat; pulsu præsertim intermittente; neque infantulus amplius tangi queat; uterum jam dilaceratum, ac totum puerum in abdomen commigrasse judicabimus.

15. In hoc ergo infortunio quam celerrime partus Cæsareus adhibendus est. Secus non solum puer, sed mater ipsa brevi peribit: ob insignem scilicet, internamque hæmorrhagiam, sanguine inferiora ventris latibula inundante.

16. Quocirca merito casum istum ex urgentioribus ad partum Cæsareum accelerandum Chirurghi reputant. Inde est etiam, quod Willemeaus, ubi in partu vere arduo puerperam convulsionibus laceßiri videamus, monet, infantem esse extrahendum, propter formidinem scilicet, ne uterum ille disrumpat.

17. Cum

17. Cum vero interdum contingat, ut uteri raptura non magna sit, utque hæmorrhagia nec enormis videatur, nec interna, seu ad ventris caveam vergens, at externa: cumque possit idcirco puer solita via, quamquam lacero utero, nonnunquam oriri, quod nonnulla comprobant exempla; partus Cæsareus non semper, sed in duabus tantum circumstantiis indicatum censebimus: nempe si totus infantulus in abdomen intraverit, vel si pro parte quidem eo ingressus est, pars tamen reliqua in utero manens non sufficientem, ut ita dicam, præbet ansam, qua Chirurgus illum foras educere valeat.

18. Si quamvis utero non rupto magna nascatur hæmorrhagia, quæ sisti fortasse nequeat; salus in partu Cæsareo sita est. Dum enim infans uterum inhabitando ipsum expandit, cruoris effusio coerceri non posset: contra vero post Cæsaream incisionem utero sua sponte contracto minuetur (a).

QUARTUS CASUS.

Vitiosa extra uterum conceptio.

19. Ventralis conceptus, ut supra innuimus, multiplex esse potest: nimirum primo in intima ovarii substantia. Secundo inter istam, ac tunicam succingentem. Tertio in extremitate, seu tentorio alterutrius ex tubis fallopianis. Quarto in ipsius tubæ medio. Quinto in superiori abdominis cavea. Sexto in inferiori, quæ pelvis appellatur.

20. Generatim conceptus ventrales ab uterinis, idest vitiosi a naturalibus, non difficile internoscuntur. Nam in naturali tumor apparet subrotundus, planus, æqualis, ac veluti levigatus, & plerumque in medio Hypogastrii. In præternaturali vero tumor acuminatus, rudis, ac durus, ut plurimum situ altior in alterutra iliacarum regionum, & pro ratione temporis minor. Naturalis in principio nausea, & vomitibus molestus in progressu mitescit:

præ-

Kk 3

(a) Boerhav. de Concept. n. 685. in not.

Haller. ibid. n. 40 cum Galeno, & Rousseto.

præternaturalis in principio mitis in progressu exasperatur, matri variis, gravibusque symptomatis acerbissimus, ac maxime dolorosus, præsertim ad tactum: quæ sane mala crescunt in dies, crescente foetu: tum quia hic partes natura sua ad distentionem ineptas magis, magisque distendit; tum quia viscerum functiones interturbat: nisi forte in intestinorum anfractibus veluti sepultus jaceat: tunc enim vix tumor ejus ab aliis, ac dolor a matre percipitur.

21. Partus autem tempore adveniente, facilius vitiosa generatio a naturali discernitur: nam in illa contra quam accidat in ista, secundinæ obstetricibus non se præsentant, nec aquæ solitæ, nec aliquid glareosæ materiæ ex utero descendit; hic enim absque sensibili mutatione clausus perseverat. Doloris impetus non utique in utero, sed per totum abdomen, ubi foetus existit, & unde egressum suum sollicitat, vim suam ferociter exerunt: nisi inter uteri collum, ac rectum intestinum domicilium sibi fixisset.

22. Notas etiam deferunt vi-

tiosæ generationes, quibus inter se ipsas discriminantur. Nam in graviditatibus ventralibus cavæ superioris, lac ex mamminis non erumpit, neque symptomata, seu læsiones vesicæ, vel intestini recti nimirum propter distantiam; sed respirationis difficultas observatur: contra vero si graviditas in ovario, vel tubis, vel abdominis pelvi contigerit; inferiorum viscerum functiones turbantur: organa tamen respirationis, utpote remotiora, molestiis eximuntur.

23. In conceptionibus, quæ ad ovarium, vel tubas pertinent, purgationes menstruæ supprimuntur, nec superfoetationes emergunt: contra vero in prægnationibus abdominis, & menses fluere pergunt, & aliquando advenit superfoetatio.

24. Cum puer in inferiori abdominis cavo latet, magis dolorifica erit prægnatio, quam si in cavo superiori: nam in secundo foetus ab intimis sedibus distat, ac veluti subcutaneus tactu ipso dignoscitur, quandoquidem rari sunt conceptus ventrales superiores

res. intimi, ac visceribus immerfi: denique infantis motiones in superiori cavo, loco nimirum ampliori, utpote non coerciti, vagantur, maxime si placenta parti alieni fluctuanti sese alligaverit: qua in circumstantia foetus nunc huc, nunc illuc transfertur; eaque loci variatio in cæteris prægnationibus, quæ fixam habent omnino stationem, percipi non potest.

25. Difficile tamen graviditas ovarii a tubarum graviditate discernitur, propter horum viscerum propinquitatem, & unius extensionem super aliud. Medici nihilominus cruciatus esse minores adnotarunt, si prægnatio in principio tubæ facta fuerit, quam si in ovarii margine: atrociores vero persentiri, in intima ovarii substantia, quam si in ejusdem ovarii extremitate contigerit.

26. Jam vero si pariendi tempus instet, doloresque soliti irruerint, puer tamen superiori abdominis cavo contineatur; qui casus in ventralibus graviditatibus est maxime obviu; & omnium ad cæsaream operatio-

nem tutissimus; absque ulla prorsus exitatione, nullaque interposita mora, partus Cæsareus ad matris, ac filii liberationem; vel saltem matris, ubi filius interierit, est usurpandus.

27. Manum autem huic incisioni admoveere oportet, quo tempore ad ortum nititur infans: tunc enim placenta, & secundinæ a maternis visceribus, quibus ante adhærebant, natura in primis agente, solvuntur: quæ enim Chirurgi ars, qui culter eas tam apte, atque innocue dissociare valeret? Eam tamen circumstantiam excipit Bianchius; nempe ubi foetus licet immaturus, exitum frustra moliretur, ac matri propterea esset omnino intolerabilis: tunc enim ejus antea investigata mansione, partu Cæsareo præcipit extrahi, ne genitricem occidat: & consequenter ne se ipsum perimat cum salutis æternæ jactura: si vero mortuus jam sit, nec matri molestus, quia forte incorruptus, vel exsiccatus; prohibet Bianchius illum per sectionem educi: videtur enim adeo firmiter matri annexus, atque conglutina-

tus

tus, ut nequaquam veluti corpus extraneum reputandum veniat: quamobrem propter adhærentias partus Cæsareus non tuto efficeretur: duas tamen hæc regula patitur limitationes: prima quidem est, si natura per aliquem abscessum incisionis necessitatem, ejusque faciendæ locum indicaret. Secunda, si aliqua succedat superfoedatio: tunc enim, nisi extirpetur mortuus; recentioris foetus extensionem præpediet, eumque disperdet: matremque ipsam acerbissimis malis, ac symptomatis involvet, & in certum vitæ discrimen conjiciet: quocirca monet esse accelerandum.

28. Cum conceptio ventralis fuerit, sed in pelvi; foetus non nisi usque ad certum tempus ibidem crescit; sed ad maturitatem perducere non potest, a loci angustia coarctatus, atque compressus: ac multo ante partus tempora e vita discedit: statimque corrumpitur ob loci, qui totius corporis est sentina, impuritates. Itaque partus Cæsareus ad hujusmodi foetus a morte servandos ministrari non solet: nisi

cum ipsi in cavo superiori abdominis concepti, & adaucti, deinde a pristinis ligamentis nascendi impetu soluti, sese in inferiora loca insinuaverint.

In eo tamen eventu sectio ex Bianchio ad perinæum: (sicuti quandoque Lithotomia in calculosis) erit instituenda.

29. Si foetus in intima ovarii substantia germinaverit, parum ibi subsistet; sed inde per internum abortum cito egressus, & in abdomen prolapsus: in abdomine peribit, matre interim ex interna, & immedicabili hæmorrhagia etiam pereunte. Igitur in interiori ovarii conceptu cæsarea sectio viventi quidem matri fieri non consuevit: mortuæ tamen facienda est, ut parvulus, qui forte vivat, baptismi aqua mundetur.

30. Vero cum in ovarii margine, vel in tubæ principio ad maturitatem usque ille creverit: (nam utrumque aliquoties evenire non ambigitur,) & solet, & faustissime adhiberi solet viventis matris incisio.

31. Non

31. Non eadem est foetuum fors in medio tubæ germinantium: constat enim, eos maturitatem non adipisci: quippe qui, testante Bianchio, tubam discindant, fatali hæmorrhagia, quæ inde sequitur, matrem enecantes: huius vero morte comprobata, Cæsareus partus omitti non debet. Cæterum si & hi, raro quidem casu, ad proprium nativitatis tempus pervenerint; ex Heistero, aliisque Medicis, atque Chirurgis mater ubi vivat, erit omnino cæsarea operatione adjuvanda: quamvis enim hæc tali loco periculosa sit; remedium tamen est unicum, ac prorsus indeclinabile.

QUINTUS CASUS.

Uteri hernia.

32. Si hernia cum vicinis partibus adhærentias fecerit, & adeo sit ingens, ut puer in locum debitum intromitti nequeat; adhærentiæ poterunt contractioni matricis obstare: ac tunc infantis corpus, quod in naturali partu super uteri orificium incumbit, super ipsius fundum gravitabit: proinde ad Cæsareum partum deveniendum

est. Si tamen adhærentias non habeat hernia, sed libera sit; quantumvis magna, ingredi sane poterit: quocirca sectione cæsarea non opus erit, sed solitis artis præsidiis infantulus adjuvabitur.

SEXTUS CASUS.

Naturalis infantis magnitudo.

33. Hactenus de partus difficultatibus a matre provenientiibus: nunc aliqua de iis, quæ ipsi filio imputantur. Itaque si puer prægnandis esset, mater autem in pelvis ossibus bene conformata, & in mollibus partibus obstaculis libera: quæcumque profecto fuerit nascituri moles, laborabit ille quidem, sed tandem naturæ mechanismo, & maternarum partium extensibilitate prodibit: quamobrem non facile ad partum Cæsareum sese accinget Chirurgus, verum ad pariendi difficultatem vincendam, aliis artis remediis utetur: quot enim parvuli obstetricibus posteriora dantes volumenque suum ea configuratione duplicantes, nihilominus apprehensi extracti sunt? Quoties
Ll etiam

etiam duo parvuli quamvis invicem uniti, matre incolumi aliquando tandem educti?

34. Cæterum si puer quacunque ex causa capite impacto in superiori uteri orificio, vel vagina immobilis hæreat; quæ rerum constitutio, e difficilioribus, quæ obstetricantibus occurrere possunt, merito reputatur; quid agendum? Heisterus (a) non laudat incisionem, nisi parvulus regni sit hæres, & paci publicæ necessarius, aut mater incidi optaret: docet autem, illum syphunculo, aut aliter baptizatum, & aliis artis remediis diligenter adjutum, sibi ipsi derelinquendum esse, ut tandem ex se demortuus feramentis evellatur: quod si mater fato sit proxima, & anxie quærat auxilium: putat infantem veluti ejusdem invasorem instrumentis, a se descriptis, esse trucidandum.

35. At in his circumstantiis partum Cæsareum omnino propo-

nerem genitrici non minus, quam filio, principibus item, ac ignobilibus æque salutarem: foetus autem viventis carnificinam non opus est hoc in loco refellere, cum sæpe damnaverim.

SEPTIMUS CASUS.

Morbosa ex hydrope infantis magnitudo.

36. Si puerulus hydrope, non tamen hydrocephalo, laboraret; posset illi quidem in ipsa matrice sine puerperæ sectione, paracentesis id est punctio adhiberi: nam qui capitis hydrope taliter extumuit, ut propterea oriri non possit; vitam ipse jam ante finire consuevit: quare si mortuus vere fuerit, uncinis erit extrahendus (b).

OCTAVUS CASUS.

Monstra.

37. In conceptu monstroso, puta bicipiti, vel bicorporeo, quamquam partum impossibilem supponamus, denegat Heisterus (c) ad hujusmodi parricidas liberandos

(a) Heister. *loc. cit.* cap. 152. n. 27. & cap. 113. n. 17. & in not. ad lit. A.

(b) Simon *loc. cit.* casu v.

(c) Heister. *loc. cit.* cap. 113. n. 8. & cap. 152. n. 27.

randos incisionem; quod nec vitales esse soleant, nec nisi inutilia, & horrida sint orbis terrarum pondera. Vult igitur eos (utique modo aliquo baptizatos, quod expresse de aliis admonet) mori sinamus, deinde ferramentis extirpandos. Et optime quidem si solam foetus corporalem vitam intueri oporteret: si enim ad spiritualem quoque, uti necesse est, attendamus, cujus discrimen, etsi dubium, corporali genitricis discrimini praevalet; Heistero assentiri non possumus: etenim cum monstrorum homunculorum animæ non sint aliis, formosorum nempe ignobiliores; eadem erit pro æterna utrarumque salute matris obligatio: imo pro monstrorum quandoque major: nam primo, ut in reliquis infantibus, pensandum esset, utrum baptisma existenti prorsus in utero collatum, de quo disceptabitur infra, sit validum; nonnulli enim doctores aperte refragantur: deinde si monstra sunt bicipitia, vel bicorporea, & in utero per syphunculum baptizantur; præter cætera oportet

ut certo sciamus, utrumque corpus, aut unumquodque eorum caput aquæ immisione lavari. Idemque dicas, ubi duo gemelli foras prodire, quamvis ab invicem separati, nequirent: cum certum sit, unumquemque ipsorum esse necessario abluendum.

38. Et hæc sane de Cæsarei partus pro variis circumstantiis necessitate, atque opportunitate; quod autem ad methodum ejusdem in viventibus exequendi pertinet, fere eadem est, ac in mortuis: nisi quod sanguis perpetuo a vasis incisio distillans, accurate, & indefinenter, ne in visceribus infirmæ stagnans, ibidem corrumpatur; spongiis, vino vel decocto vulnerario calido madefactis, expurgandus est: ora majorum venarum digitis comprimenda, applicitis etiam linamentis spiritu vini rectificatissimo imbutis: quibus paulo post exemptis, absterfoque spongiis iterum sanguine; balsa-
ma partibus vulneratis immitti oportebit (a). Dionysius incisionem non ab umbilico ad inferiora
Ll 2 &

(a) Heister. p. 2. sect. 5. c. 113. n. 8.

& linea longitudinali faciendam optat; sed a parte laterali ventris, ac per lineam semilunarem: jubet etiam cum Veteribus uterum non minus, quam partes alias incisas pro coagmentatione consuendum. Heisterus autem, qui latissime, ac minutatim partum Cæsareum viventium describit, probat quidem lineam lateralem; sed eam postulat rectam: futuram vero cum recentioribus prohibet, ejus partium unionem naturæ ipsi committens: cum eæ sponte sua contrahi soleant, glutinari, ac felicissime uniri.

39. Explicatis igitur juxta Medicorum sententiam casibus, quibus partus Cæsareus in vivente conveniat; discutiendum hic esset, utrum mater illum subire teneatur; ne infantulus absque baptismo pereat, ubi dissectæ spem vitæ post cæsiōnem remanere supponamus: ad cum Theophilus Rainaudus tractatum *de ortu infantium per sectionem Cæsaream* eruditissime conscripserit, in quo aliquibus de dissectione defunctorum delibatis, totus in eo est, ut ad Sanctuarii lances examinet qua-

lis, & quanta sit in matre vivente, pro filii baptismo procurando, sustinendæ incisionis obligatio; ne, quod accuratissime actum est, agamus iterum; fatis mihi fecisse videbor, si summam hic ejus doctrinæ subjunxero: præmonens interea, nonnisi raro contingere, ut & infra dicemus, casum, quo puer syphunculo saltem in utero baptizari nequeat: si modo talis baptismi validitas admitatur.

40. Itaque Rainaudus ex hodierna Medicorum sententia, perdocentium: Posse matrem, nec difficulter, uteri cæsuræ supervivere; juxta D. Thomæ principia probat, eam pro æterna filioli salute non solum sub gravi peccato ad incisionem tolerandam, sed ad ipsam etiam expetendam obligari. Hanc ampliat conclusionem ad casum, in quo dubium quidem esset, utrum incisa matre filius juvaretur, an non: adstruens spirituales pueruli vitam, etli tantum probabilem, certo dolori, ac probabili mortis periculo in matre præponderare semper: Joannem vero Sanchez reprehendit, quod

is,

is, ut a Divi Thomæ auctoritate sese extricaret, ridiculam illi interpretationem affinxerit: additque, eum ipsi tam distorta commentatione illudere conatum, ac minus culpabilem futurum fuisse; ubi manifeste tantum Doctorem impugnasset. Cæterum Rainaudi sententiæ contra Sanchez, maxime favent Paulus Vecchi, Pelbartus, & Brianfonus, qui licet hujus materiæ dilucidatione antiquiores, ad incisionem tamen propenderunt; dummodo absque magno matris periculo, uti jam hodie scilicet experimur, ea peragi possit: quibus accensendi sunt etiam omnes illi, (& plane innumeri) qui obligationem baptizandi infantes, vel cum vitæ periculo clarissime propugnant.

41. Ad alium etiam casum doctrinam traditam Rainaudus extendit, quo nimirum posset quidem parvulus absque matris incisione baptizari, at supervivere non posset: si tamen ejus vita publico bono esset necessaria: puta si unicum esset ille regalis familiæ germen, & regni hæres.

42. Denegat autem, posse inci-

di matrem capitis damnatam, ad baptismum filiolo ministrandum: Leges enim jubent naturalem partum expectari: nam aliter foetus innocens cum sit immaturus, ubi tempore improprio, & natura non præordinato ederetur in lucem; vitalis non esset, aut saltem gravissimo, & manifesto mortis discrimini exponeretur. Negat propterea, prægnantem morti adjudicatam ad usum Anatomiae incidi posse: idque solum permittit, ubi ejusdem supplicio retardato magnum aliquod reipublicæ periculum immineret: modo tamen octavo mense, aut saltem septimo, institueretur incisio.

43. Postremo docet cæsiones, qui gemelli fuerint, divitis bonis pro æquali portione succedere, cum resciri non possit, uter eorum sit primogenitus: nec enim favore primo extracti præsumendum ullatenus esset: cum hujusmodi extractio nativitas quidem sit, verum non a natura, sed ab arte procedens.

44. At si quæstio de indivisibili hæreditate agitaretur, puta de

jure ad regnum; tunc ad patrem regem prædilectionem, ad alterutrius electionem pertinere: & in illius defectu ad populum, cui novus ille princeps esset dominaturus. Admonet autem ex Carranza (a) cælores istos, ut circa jura civilia, successionum scilicet, hæreditatum, ac legatorum, attendantur, oportere esse maturos, & partui naturali jam aptos: aliter si postea decedant, eos veluti si nunquam orti fuissent, procul dubio reputandos: in Hispaniis tamen requiri etiam baptismum recepisse, ac partui Cæsareo, (quod supra satis innuimus,) per horas viginti quatuor supervixisse.

C A P U T V.

Doctrina Rainaudi a Michaelis Bodowingerii objectione defenditur. Et Chirurgorum obligatio in partu desperato, vel difficili explicatur.

I. Rainaudum vero Michael. Bodowingerius Medicus Antwerpiensis impugnat (b), dicens, Cæsaream viventium incisionem, etsi licitam, & salutarem, spectare tamen ad nobiliorem speciem fortitudinis: non ad præceptum charitatis. Studetque non minus, quam Joannes Sanchez D. Thomæ textum emollire, sed frustra: hujus enim satis perspicua, & aperta sunt verba (c). *Non est de ratione charitatis, quod homo proprium corpus exponat pro salute proximi, nisi in casu, quo tenetur ejus salutem providere: sed quod aliquis sponte ad hoc se offerat, pertinet ad perfectionem charitatis.* Nos utique non in casu regulæ, sed exceptionis adjectæ veriamur: agitur enim de extrema proximi spirituali necessitate, cui si unusquisque

(a) Carranza lib. de Part. natur. c. 6. §. 1. n. 14.

(b) Bodowing. in Ventilabr. Medico-Theolog. p. 2. §. 20.

(c) D. Thom. 2. 2. q. 26. art. 5. ad 3.

quisque providere communi quidem jure, ac ratione tenetur; multo magis id in matre verum esse oportebit, quæ arctissimo vinculo ad æternam filiorum salutem diligentissime procurandam obligatur. Nequit igitur juxta D. Thomam partus Cæsarei admissio in ea tamquam actus meri consilii ad heroicam perfectionem pertinentis existimari, sed tamquam necessarius, & ab inviolabili charitatis lege imperatus.

2. Nil autem hujus doctrinæ firmitatem, contra Bodowingerium, supposita in prægnante spe vitæ, luculentius ostendit, quam Gobati Palinodia. Docuerat is, matrem ad incisionem tolerandam non teneri: sed cum deinde Rainaudi tractatum perlegisset, primo dicta commandabili certe ingenuitate, in appendice revocavit, additque (a): *Omnes Doctores, quos ipse sequutus fueram, negans sectionem, approbaturus sententiam Rainaudi, si judicia Medicorum perspecta habuissent.* Recentiorum scilicet, qui utilitatem Cæsarei partus demonstrarunt.

3. Parochus ergo ubi ex Medicorum judicio gravidæ incisionem esse necessariam, ejusque pericula superari posse cognoverit; partum ipsi Cæsareum laudare, & efficaciter suadere non omittat: ostendens, quod supra monuimus, hujus sectionis dolorem non esse adeo vehementem, neque cruoris effusionem adeo immanem: nemo etenim unquam negabit, prægnantem hujusmodi tolerantia excelsum saltem, eximiumque magnanimæ charitatis actum exercituram: cum cæteroqui ad officium pastoris animarum pertineat, non solum sibi creditas oves per præceptorum adimplerionem a noxiis peccatorum graminibus, & æternæ ruinæ baratro arcere; sed etiam per sublimiora consilia, quoad fieri poterit, ad heroicarum virtutum saluberrima pascua ducere, ac invitare. Cæterum non indifferenter, nec facile substinendæ incisionis debitum sub gravi peccato prægnanti Parochus denunciabit, sed tantum ubi ex christiana illius virtute, atque circumstantiis confidat, illam assensuram. Si tamen ipse pro certo habe-

(b) Gobat. in Append. 2. ad tract. 2. de bapt. casu 8. n. 257.

haberet, se nihil suasionibus suis consequuturum; partum Cæsareum prudentiori, atque convenientiori modo, quo poterit, proponet quidem: de stricta vero obligatione diligentissime filens, orationi fervidius insistet: ac totum negotium divinæ providentiæ committet: quod non obscure Edictum Catanense numero tertio præmonuisse videtur. Verendum est enim Parocho, ne dum unam animam servare contendit, duas infimul, & infantis nimirum, & genitricis amittat.

4. Verum quia rationum momenta ab amore, qua erga nos ipsos afficimur petita, sæpe facilius, quam a vera erga proximos charitate deprompta, perpendere consuevimus; Parochi, aliique Sacerdotes prægnanti demonstrabunt, hic ejus quoque rem agi, quæ ipsius maximopere interlit: nam foetu intra viscera moriente, illam quoque mori necesse est: aut saltem ad foetus mortui extrahitionem, sustinendam adigetur: quæ chirurgica operatio merito lævissima, & horrenda creditur. Profecto formidinem creant so-

lummodo visa instrumenta ad eam ordinata, & graphice a Paræo, Aquapendente, Rouffeto, aliisque descripta: vel saltem frustra, ac sponte sua egredietur infelix puerulus: quæ res matri periculi plena contingit, doloribusque intolerabilibus foecunda, nec minus atrocibus Cæsarea ipsa incisione, quæ brevi perficitur, quamque demum lætitia subsequitur, vel quia novus homo, juxta dominicam sententiam natus est mundo, vel saltem si forte accepto ille baptismo protinus extinguatur, quia natus est cœlo, qui beatorum numerum ampliavit: hæc autem infantis beatissima fors, parentum lacrymas tergit, doloremque vertit in gaudium: contra vero ubi parvulus exeat mortuus, ejusque proinde anima in æternum pereat, moeror nulla propemodum consolatione lenietur.

5. Cæterum sicuti revera hæc incisio, uti supra statuimus, locum non habet, nisi in partibus desperatis, in quibus mater absque alia vitæ spe in ærumnarum, ac cruciatuum pelago jactatur; sic

fic ipsa sæpius ardenter, imo & impatienter exoptat, & petit incidi: si non ut mortem sibi jam imminentem declinet; saltem ut a symptomatum ferocia, tremendisque doloribus eximatur: quod pluries observatum Heisterus, & alii notaverunt (a). Profecto germana mulier eo tandem devenit, ut Chirurghi munus temere arripiens, semet ipsam secuerit (b).

6. Quid autem de Chirurgis, Medicisque dicemus? Tenentur ne ipsi Cæsareum viventis partum præcipere, ac respective similiter exequi, ubi expedire cognoscant? An omittere possunt ob vanam formidinem, ne, si forte infeliciter ille succedat, famæ jacturam patiantur? Si periculum ipsum peccandi, uti supra dictum est, ab hac cæsione Chirurgum non excusaret; multo minus inutilis estimationis propriæ minuendæ metus eundem excusabit. Qui vera virtute præditus esse cupit; (ajebat Philosophus) oportet, ut

interdum sese criminofum iniquorum oculis apparere non dedignentur: scilicet ubi prævidet, in malam partem eos accepturos, quæ ipse optime gesserit: nam esse quidem procul dubio majus omnino est, quam videri. Quando magis eligendum est aliquando sapienti viro, ab insipienti vulgo, qui non nisi ex eventibus judicat, imprudentem, ac temerarium falso reputari, si modo in veræ temeritatis, & imprudentiæ delictum impingere vereatur?

7. Chirurgus autem, vel Medicus, qui salutare hoc remedium, si convenire arbitraretur, non proponeret; mortali peccato sese contaminaret, ac censoria magistratus virga mulctandus esset: ac multo magis, ubi optante infirma puerilibus ex causis munere suo fungi renueret. Id late quidem, ac scitissime docet Heisterus (c); qui ulterius putat, recusantem gravidam, ubi necessarium judicabitur, etiam adhibita

Mm vi

(a) Hildan. *Centur. 6. observ. 63.*

(b) Ephemer. Germ. *Curios. dec. 3. An. 1. Observ. 59. pag. 84. & seq.*

(c) Heister. *p. 2. sect. 1. c. 113. n. 6.*

vi detinendam, & incidendam. Cæterum tentur Medici, & Chirurgi hujusmodi operationem congruo tempore insinuare: id est antequam ægra ad eum statum redigatur, quo amplius tantum remedium experiri non liceat.

8. At respondebis, in pagis, oppidulisque ignobilioribus sæpe desiderari Chirurgos. Hoc equidem scio: sed locorum Domini (quod iisdem suggerere debent Parochi,) eos, ut ibi sedem figant, perpetuo, competentique honorario conducere tenebuntur. Necessarii quidem sunt Medici, saltem ut opportune suprema sacramenta præscribant; ac letargo, similibusque affectionibus oppressos aptis medicaminibus ad sensuum officia revocare contentant, quo illi saltem a culpæ labe Sacra Confessione mudentur. At tamen æque necessarii sunt Chirurgi, ut in permultis aliis, ita & præsertim in partibus difficilioribus, ac desperatis. Oportet igitur, ut in locis minime populosis

Medici saltem Chirurgiam non minus, quam Physicam profiteantur: & utrique simul incumbant.

9. Debebunt autem, qui Chirurgiam exercent ex conscientiae lege, non solum libros chirurgicos diligentissime sibi comparare, maxime qui de partu Cæsareo, partuque difficili differunt, ac miri sane sunt usus; v. g. Heisterum, aut similes: verum etiam propriae artis instrumenta conquirere, præsertim magis præcipua, & utiliora. Inter hæc autem eminet supradictum Palphinianum ad vivos infantulos extrahendos, quod Siculi Chirurgi domi suæ perpetuo habere novo jure tenentur (a) Albucasis quidem ait: *Ne ergo despicias ullum instrumentum, quin sint omnia apud te præparata: inexcusabilis est enim, qui hanc artem profitetur, & non habet in promptu, quæ ad hanc artem requiruntur* (b). Si namque idoneis careant instrumentis, infinitæ ab eis præstandæ operationes ignotæ remanebunt: vel ipsi de iis efficiendis requisiti, tergiversabuntur, variis sese

(a) Mandat perpet Protomed. Siculi in Append. Mon. v.

(b) Albucasis lib. 2. meth. c. 67.

fese prætexitibus excufantes. mis curabunt: at quæ fi non attendant; nescio quibus unquam rebus providentiam, ac sollicitudinem que tutela commiffa est, in pri- fuam impenderint.

CAPUT VI.

In partubus difficilibus poffe ut plurimum in utero ipfo parvulum baptizari; & hujusmodi baptismum effe validum.

I. **N**emo, ait Rituale Romanum, in utero matris claufus baptizari debet: fed fi infans caput emiferit, & periculum mortis immineat, in capite baptizetur, nec fi poftea vivus evaferit, erit iterum baptizandus. At fi aliud membrum emiferit, quod vitalem indicet motum, in illo fi periculum pendeat, baptizetur: & tunc fi natus vixerit, erit fub conditione baptizandus. Si vero ita baptizatus deinde mortuus prodierit ex utero; debet in loco facro fepeliri. Hæc itaque certiffima funt (a). Porro uterus figura fua inverfam phialam imitatur, & duo habet

in collo, quod etiam vagina dicitur, orificia fuperius, & inferius. Et fuperius quidem cum adhuc parturiendi tempus non advenerit, adeo valde constrictum manet, ut ex Hippocrate, Galeno, Bartholino, Medicisque omnibus, ne cuspide fane acus admittat: eft enim ex Bianchio (b) non folum claufum, verum etiam denfe rugofum, & tenaciffimo infuper glutine obfignatum. Cum autem parvulus in eo degens duplici etiam membrana fit involutus; impoffibile eft ipfum phyfice aquis baptismalibus abluere, nifi maternum corpus lavando filium baptizare

Mm 2

zare

(a) Rit. Rom in Rubr. de Bapt. Parv.

(b) Bianch. de Nat. Vit. & Morb. gener.

zare affectemus: quod profecto ad intentum non sufficit, & ab Ecclesia damnatur. Difficultas ergo vigeat solum pro circumstantia, in qua partus adesse noscatur. Scilicet pariendi tempore imminente, licet foetus in utero totus adhuc persistat; neque caput, vel manum, aut pedem, neque aliam sui partem emiserit; patet nihilominus jam superius matricis orificium. Quin imo tandem ex valida musculorum contractione, solet orificium superius cum inferiore conjungi, unumque videri, collo, seu vagina intermedia disparente. Præterea infantulus sese agitans, atque vim faciens, ut ab eo carcere, jam sibi molesto, se expediat; secundinas dirumpit, quibus involvebatur: si vero hoc ille fortasse nequeat: id ipsum in extrema necessitate præstabit obstetrix: quoniam ex duabus membranis prima, seu chorion modicæ crassitudinis est, ac firmitatis: altera vero, seu amnios tenuissima, & propterea pellucida: quocirca forbici-

bus, vel etiam unguibus facile disciuntur. Velschius autem Scipionis Mercurii Illustrator novum scalpellum, vulgo *lanceolam*, qui absque periculo adhiberi possit, invenit (a). Dani pro scalpello frusto falis acuminati, sicuti narrat Bartholinus, (b) utuntur, at Bassana celebris obstetrix Patavina fali acuminato simile sacchari frustum substituebat.

2. Instante igitur partu, ac secundinis jam laceratis; certum profecto est, infantes physice baptizari posse: ut omnes hodie Medici, atque Chirurghi asseverant. Id etiam, referente Pignatello Parocho urbis, testatæ sunt Romanæ obstetrices Congregationi, ad eas examinandas a Cardinali Vicario designatæ: & idipsum ego ab expertis Panormitanis obstetricibus accepi. Baptizantur autem non difficulter vel aqua cavo manus imposita, dextere, ac diligenter immissa, quod a nostris hisce obstetricibus fit: vel spongia aqua plena, vel parvo cochleari,

(a) Velsch. l. 2. cap. 26.

(b) Bartholin. de Insolit. Part. c. 19.

ri, vel tandem in casibus difficilioribus syphunculo; uti late docuit Franciscus Mauriceau, qui propterea partum Cæsareum in vivente damnabat, quia matri scilicet periculosum, & filiolo non necessarium: cum possit hic saltem prædicto modo baptizari. *Nequit casus aliquis reperiri, ait, (a) in quo baptismus conferri non possit: dum infans adhuc in matris utero moratur: cum facile sit aquam syphunculo probe mundo supra quamlibet ejus corporis partem adducere: & inutile quidem esset dicere, aquam ad eum non posse perducere: quia membranulis propriis, quæ propterea obstaculo essent, manet involutus: etenim optime sciunt omnes, posse eas, ubi jam ruptæ non sint, facile rumpi: quo factò corpus facillime syphone tangi potest. Si autem ponamus, orificium internum matricis non esse sufficienter apertum: facile responderi etiam poterit: nam oporteret supponere, puerperam non esse in actione, & labore: nam si ita quoquomodo sit, poterit illud sufficienter dilatari, ut puer baptizari valeat:*

etsi forte necessarium esset, aliquo instrumento vim inferre: cum id certe matri non adeo periculosum, uti Cæsarea sectio videatur. Deinde schemata exhibet plurium instrumentorum pro partibus difficilibus: ac præsertim ad litteras J. K. L. tria dilatatoria diversa figuræ, quibus matrix aperiri solet, ad litteram vero N. syphunculum cum plurimis foraminulis in globulo ad finem rostri, quo syphunculo Medici ad injectiones, usque ad uteri fundum faciendas, utuntur. Is autem ut a Mauriceau descriptus curvum habet rostrum: sed curvo rectum omnino substituendum existimo. Quoniam vero, ubi puer in aliquo matricis latere hæreret, utilius esset curvum, ut facilius pro lavando pueri capite ad eum locum dirigatur; expediret duo consimilia habere instrumenta rectum unum, curvum alterum, vel unum quidem instrumentum cum duobus tamen rostris ab eo separatis, quorum alterutrum pro libito adnecti valeat.

M 3

3. Ve-

(a) Franc. Mauriceau de Morb. Gravid. l. 2. c. 31. pag. 264.

3. Verum in hoc auctore absolutam Cæsarei partus prohibitionem laudare non possum. Etenim quamvis ut plurimum, utero aperto, secundinisque discissis, foetus valeat syphunculo baptizari; nihilominus dantur, uti supra dictum est, conceptiones tubales, atque ventrales, in quibus infans nullum pacto baptizari, nec nisi partu Cæsareo extrahi poterit. Imo quamvis conceptio uterina, & naturalis fuerit; adeo interdum difficilis est partus; ut obstetricis manum, nec ad secundinas lacerandas, nec ad puerum lavandum admittat. Præterea, quod aliquando certo scire impossibile erit, eum fuisse rite baptizatum: maxime quia dignosci nequibit utrum caput, an vero eo illoto sola manus, aut pes ablatus fuerit, quo casu ex prædicta ritualis doctrina baptismus alicui dubitationi esset obnoxius.

4. Cæterum in universum controvertitur, utrum hujusmodi baptismus, quod physice posse frequenter administrari non ambigitur, theologice sit validus. Nul-

lum esse plerique Canonistæ, ac Theologi substinent, vel substinere creduntur. Ex his Riccardus, Maironus, Astesanus, Biel, Suarez, Enriquez, Anglez, Tiraquellus, Graffius, & præ omnibus Comitulus, opinionem suam aliquibus Sanctorum Patrum dictis constabilire conatus. Profecto si verum esset, quod Rainaudus asseruit, horum scilicet opinionem jam esse antiquatam; hujusmodi controversiæ ventilationem omitterem: at Joannes ab Aranthon Episcopus Gebennensis in Synodalibus decretis, & Martinus Orellius in opusculo An. 1710. typis edito quamquam Rainaudos posteriores, pro nullitate steterunt, eisque tum Pontas, tum Natalis ab Alexandro patrocinari videntur. Quocirca non inutile quidem, neque superfluum erit, eam quæstionem pro loci hujus opportunitate discutere. Sentio igitur, Baptismum, de quo agitur, esse validissimum: ita Medicis, atque Chirurgis omnibus jam suffragantibus innumeris fane Theologi docuere (a): præcun-

(a) *Theologi sunt* Hiquæus, Præpositus, Alstenghain, Victoria, Valentia, Maldonatus, Diana, Zambranus, Ledesma, Vivaldus, Pasquali-

eunctis vero Gabriel Gualdi Clericus Regularis, qui egregio libro, cui titulus baptisma puerorum in utero existentium, non modicam sibi gloriam in hac materia comparavit. In Gualdum scripsit præcitatus Orellus; hunc vero Antonius Boverius, & Alexander Bountirius, nimirum celebris Emmanuel Aguilera e Societate Jesu protinus impugnarunt. Quamvis autem Boverium, & Bountirium, quorum dissertationes præ manibus habere non potui, hoc baptisma strenue defendisse non dubitem: aliqua nihilominus ad eorum sententiæ corroboramentum huc afferenda existimavi.

5. Baptismum hunc ergo validum fore, non difficulter adstruitur theologica ratione. Etenim cum hujusmodi parvuli, quamquam in utero materno existentes, ut & cæteri omnes, rei sine du-

bio sint culpæ originalis; in cujus remedium Christus baptismum instituit; non apparet, quo pacto soli ab hujusce Sacramenti beneficio sint arcendi, dum ipsis non minus ac aliis cum debita materia, forma, & intentione possit administrari.

6. Sane scripturæ omnes dilucide clamant, Dei Filium ad omnes homines liberandos e cœlis descendisse. *Obsecro igitur*, ait Apostolus Paulus (a), *primum omnium fieri obsecrationes, orationes, postulationes, gratiarum actiones pro omnibus hominibus: hoc enim bonum est, & acceptum coram Salvatore nostro Deo, qui omnes homines vult salvos fieri, & ad agnitionem veritatis venire. Unus enim Deus, unus & mediator Dei, & Hominum Homo Christus Jesus, qui dedit redemptionem semetipsum pro omnibus.* Id ipsum de parvulis inculcare non omisit

squaligus, Filiarcus, Bonacina, Larman, Capeaville, Pignatelli, Reginaldus, Lambertus, Lezzana, Naldus, Mollesius, Lessius, Cominch, Dicastillus, Tannerus, Auctor Candelabri Aurei, Vaisner, Viva, aliique.

(a) I ad Timoth. 2. 1.

omisit S. Augustinus (a). Num-
quid parvuli homines non sunt, ut
non pertineant ad id, quod dictum
est, vult omnes salvos fieri? Porro
si pueri quamvis in utero existen-
tes non minus vere sunt homines,
quam ii, qui ex utero egressi sunt:
præcitata Apostoli verba ex Augu-
stini ratione pertinent ad utrosque.
Idem repetit ipse Apostolus ad
Corinthios (b). Si unus pro
omnibus mortuus est; ergo omnes
mortui sunt, & pro omnibus mor-
tuus est Christus. Quo loco aper-
te docet Christum pro iis omni-
bus corporaliter fuisse defunctum,
qui spirituali vita carebant: & ex
Christi pro omnibus morte, mor-
tem omnium argumentando dedu-
cit. Cum autem evidens omnino
sit nonnatos pueros, utpote origi-
nali peccato inquinatos, esse divi-
næ gratiæ vita destitutos; cla-
rum est etiam ipsos in universali
redemptione penitus includendos.
Quod autem scripsit Apostolus,
prædicaverat antea salvator ipse (c).
*Euntes ergo, docete omnes gentes,
baptizantes eos in nomine Patris,*

& Filii, & Spiritus Sancti. Et
sicuti pueri jam recens nati, quam-
quam usû rationis expertes, &
propter ætatem Christianæ do-
ctrinæ, seu veritatis percipiendæ
incapaces; non ideo ab hoc Evan-
gelico verbo *Omnes*, nec ab Apo-
stolico D. Pauli supra expresso
eodem vocabulo excipiuntur: ita
& nonnati pueri excludi non po-
terunt, cum utrisque sufficiat, si
pro modo baptizati cum habiti-
bus charitatis, & spei, habitum
quoque fidei assequantur; quo adul-
ti in veritatis agnitionem aliquan-
do perveniant: vel si citius ex hac
vita demigrent; in cœlesti saltem
gloria per claram visionem intue-
antur, quod hic tenerrimæ ad-
huc ætatis obstaculo impediti per
actualem fidem cognoscere nequi-
verunt.

7. Huic sane ratiocinio, qua-
cumque demum ex parte illud
consideremus, nihil opponi posse
videretur. Verum adversarii cele-
berrima illa objiciunt Christi ver-
ba (d). *Nisi quis renatus fuerit*
denuo

(a) D. August. lib. 4. contra Julian.

(b) 2. ad Cor. 5. 14.

(c) Matth. 28. 19. & Marc. 16. 15.

(d) Joann. 3.

denuo, non potest videre Regnum Dei. Nisi quis renatus fuerit ex aqua, & Spiritu Sancto, non potest introire in Regnum Dei. Non mireris, quia dixi tibi, oportet vos nasci denuo. Ex his autem desumunt, eum, qui natus non adhuc est, non posse per baptismum dici renatum. At respondetur. Christum in his verbis *nisi quis renatus fuerit*, & sequentibus, per similitudinem corporalis natiuitatis, baptismatis effectus, quod primum est inter cætera sacramenta, nobis aliquo pacto declarare voluisse. Per illud enim *Deo nascimur*, ejusque, & ecclesiæ filii constituimur. Præterquam quod verbum hoc *nasci*, ex communissimo loquendi usu, omnem rerum, etiam inanimatarum originem significare consuevit. Dicimus enim cogitationes in mentibus nasci, passionem in animis: Lunam, sidera, cometas ab horizonte, flumina e terræ visceribus nasci: cæteroqui ex Rhetorum documentis non est necesse in metaphoricis loquutionibus, qualis ea Christi sententia fuit, ut figura in omni-

bus, per omnia, & semper prototypo suo adamussim respondeat: satis est, inter utrumque aliquam analogiam, proportionemque intercedere. Porro ut similitudo sit vera, sufficit hanc natiuitatem dici secundam respectu corporalis generationis, quæ juxta sacrarum scripturarum in ipsa vulgata loquendi modum, natiuitas etiam appellatur. Ita enim D. Josepho humanam Christi generationem revelaturus ait Angelus (a). *Quod enim in ea natum est, de Spiritu Sancto est.* Quapropter Doctores communiter duas distinxerunt hominum natiuitates, unam *in utero* denominatam, aliam vero *ex utero*. Primam videlicet, in qua spiritus humanus a Deo creatur, & simul corpori satis disposito infunditur: cujus quidem spiritus ratione Deum ipsum quodammodo agnoscimus patrem. Secundam cum in materno utero jam plene perfecti, ex eo in hujus mundi lucem effundimur. Quod autem Christus voluerit baptismum priori magis assimilare, quam posteriori natiuitati; illud Nn sufficien-

(a) Matth. i.

sufficiens ostendit, quod nimirum prima, quæ idem est ac generatio, principalior est præ secunda. Per generationem enim ex non esse hominis ad esse hominis pervenitur; cum in secunda nativitate homo, qui jam existebat, ex occulto in apertum prodians, tantummodo aliis manifestetur. Quamobrem apparet primam sine ulla dubitatione dicendam esse veram, ac propriam hominis originem. Insuper inconcussum est Theologis, peccatum originale non in secunda nativitate, sed in prima derivari. Generatio enim filios Adæ nos facit, cujus culpa veluti lues animam nostram, dum creatur, & corpusculo unitur, secunda nativitate non expectata, veneno suo inficit, atque deturpat.

8. Id autem sole ipso clarius elucet, præsertim ex operibus Divi Augustini, qui eo usque processit, ut ad eam opinionem, a veritate cæteroqui alienam, propensus fuerit, qua putabantur homines originali pravitate cor-

rumpi, non solum quod eorum corpora per carnalem concupiscentiam ex damnata massa, & in sua radice, id est in Adamo, vitiata, generentur; sed etiam quod animæ nostræ sint veluti animæ Adami propagines. Baptismus ergo, qui nos dein secundi Adami, scilicet Christi, filios gignit; magis primæ nativitati, quam secundæ assimilatur: etsi possit utrique indifferenter, & sufficienti verborum proprietate comparari.

9. Id ipsum vero ex intima ejusdem evangelici textus inspectione luculentius patescit. Supponendum ergo, Nicodemum cum Christum nocte convenisset, ita loquutum: *Rabbi scimus quia a Deo venisti Magister: nemo enim potest hæc signa facere, quæ facis, nisi fuerit Deus cum eo (a).* Per hæc fatis indicans, optare se ab eo ediscere, quid tandem sibi agendum esset, ut animæ salutem, ac perfectionem consequeretur. Respondit Christus, quod ad videndum regnum Dei, nimirum ut divinarum mysteriorum in terra, di-

vinæ-

(a) Joann. 3.

vinæquæ gloriæ in coelo participes efficiamur, necesse fit, ut aliam a carnali diversam originem habeamus, dicens: *Amen, Amen, dico tibi, nisi quis renatus fuerit denuo, non potest videre Regnum Dei.* In originali tamen græco legitur: *Nisi quis natus, vel factus fuerit superne, seu cœlitus, non potest videre Regnum Dei.*

Nicodemus hic probe animadvertit, quod etsi propositio generalis erat, ad ipsum specialius dirigebatur; cum ejus tamen genuinum, verumque sensum non percepisset, ait, hoc sibi videri penitus impossibile: *Quomodo potest homo nasci, cum sit senex? numquid potest in ventrem matris suæ iterato introire, & renasci?* Græce vero: *Quomodo potest homo nasci, seu fieri cum sit senex? numquid potest in ventrem matris suæ iterato introire, & nasci, seu fieri?* scilicet nova constructione formari? Tum Christus legem universalem esse respondit, ut omnes id est, senes, non minus, quam pueri ex aqua, & Spiritu Sancto novam originem sortirentur. *Amen, Amen, dico tibi, nisi quis renatus fuerit ex aqua, & Spiritu*

Sancto non potest introire in Regnum Dei. Græce: *Nisi quis natus, seu factus fuerit ex aqua, & Spiritu Sancto; non potest introire Regnum Dei:* & hujus dicti rationem subjunxit: *Quod natum est ex carne, caro est, quod natum est ex spiritu, spiritus est: non mireris, quod dixi tibi, oportet vos nasci denuo:* Græce autem quod *natum, seu factum est ex carne, caro est, quod natum, seu factum est ex Spiritu, Spiritus est: non mireris, quia dixi tibi, oportet vos nasci, seu fieri superne, seu cœlitus &c.* Facile intelligere potuisset Nicodemus hunc de cœlesti, superna, & spiritali natiuitate sermonem esse allegoricum; cum tamen Christi mentem non adhuc assequeretur, inquit: *Quomodo possunt hæc fieri?* Quapropter a Christo sequentibus verbis reprehenditur: *Tu es Magister in Israel, & hæc ignoras?* *Si terrena dixi vobis, & non creditis, quomodo si dixero vobis cœlestia, credetis?* Id est si res minus abstrusas, & per similitudines, pro faciliiori captu a me traditas, non intelligitis; quomodo vos difficiliora, & sublimiora docebo? *Nn 2* 10. Animad.

10. Animadvertamus igitur Christum, juxta vulgatam ipsam, causam necessitatis renascendi in prima vitiosa nativitate reponere: scilicet in origine illa carnali, per quam carnales, & peccato infecti nascentes, nova proinde alia divina indigemus origine, & spirituali, quæ damna ab anteriori nobis illata restauret. *Quod natum est ex carne, caro est, quod natum est ex spiritu, spiritus est.* Atque hic est germanus hujusmodi Christi verborum sensus, ut ex Augustino ipso in expositione textus, Theophilacto, Glossa, Lirano, Calmet, Maldonato, aliisque clarissime ostenditur. Porro sicuti prima nativitas, quæ nos carnales efficit, est nativitas in utero, non ea, quæ ex utero dicitur: nam in prima, & non in secunda peccatum, propterea originis appellatum, incurrimus: & ex eo tempore carnale esse recipimus; ita coelestis ex spiritu nativitas, quam Christus commendat, secunda quidem respectu illius rectissime cognominatur: nec est necesse, ut etiam talis dicenda sit respectu nativitatis ex utero, quæ ad productionem originalis peccati non

attinet: cum istud jam inde a prima in utero nativitate plenissime sit contractum.

11. Tria tamen hic ex Græco fonte, quem propterea delibavimus, censemus adnotanda.

Primo verbum τὸ γεγεννημένον significare posse non solum natum, sed genitum, factum, formatum, conceptum; & hoc est ipsum verbum, quod habetur in D. Matthæo ad significandum *genitum*, sive *factum*. *Quod enim in ea natum est, de Spiritu Sancto est.* Eodem verbo utuntur pro verbo *feri*, S. Marcus c. 12. v. 50. & S. Lucas c. 5. v. 17. imo & Propheta in Ps. 117. v. 21. *Lapidem hic factus est in caput anguli.*

Secundo nativitatem, seu originem spirituales, seu ex aqua, & Spiritu Sancto, ut ejus nobilitas præ carnali dignoscatur, in græco textu dici *ὑψωθεν*: *Super-nam*, sive *Cœlestem*: hoc autem in latino deficere.

Tertio in textu originali non legi

legi verbum compositum ἀναγεν-
νηθῆναι nimirum renasci, seu denuo
fieri, sed verbum simplex γεννηθῆ-
ναι, quod significat simpliciter na-
sci, vel fieri. Attamen in latino
particulam *re*, & adverbium *denuo*
ab interprete, propositionem hanc
non ad verbum traducente, voca-
bulo *superne*, seu *cœlitus*, veluti
æquivalens quoddam revera sub-
stitui. Profecto sicuti spiritualis
ista nativitas, & cœlestis est, &
propterea secunda, seu altera na-
tivitas in supradicto sensu, dici
potest; ita & alibi a S. Paulo re-
generatio denominatur (a). Con-
cilia vero, & Patres hæc duo vo-
cabula, scilicet regenerationem,
& iteratam nativitatem, commu-
nissime pro synonymis habent:
utraque nomenclatura in eundem
scopum collineante: idque ab ipso
Divo Petro didicerunt, qui nunc
ait baptizatis fidelibus (b): *Rege-
neravit nos in spem vivam*. Nunc
vero eosdem admonens dicit (c):

*Sicuti modo geniti infantes, ratio-
nabiles sine dolo lac concupiscite.*

Quocirca S. Innocentius pri-
mus contra Pelagianos Augustino
cum aliis Afris Patribus instante
decrevit: *Ut parvuli, ex Chri-
stiana etiam muliere nati, per ba-
ptismum renasci deberent: ut in eis
regeneratione mundetur, quod ge-
neratione contraxerunt*. Ita etiam
idem Augustinus (d); nimirum
ad illud ipsum: *nisi quis renatus fue-
rit* &c. alludens, Neophytis dicit:
*Ad omnes quidem pertinet sermo,
quos cura nostra complectitur: ve-
rumtamen hodie terminata sacra-
mentorum solemnitate, vos alloquimur
novella germina sanctitatis regenera-
ta ex aqua, & Spiritu Sancto.*

Demum Tridentinum (e) com-
probare volens, baptismum esse
regenerationem, eadem attulit
sacra verba, in quibus iterata na-
tivitas nominatur. *Parvuli, in-*
quit,

(a) Ad Tit. 3. 5.

(b) 1. Petr. 1. 3.

(c) 1. Petr. 2. 2.

(d) S. Augustin. *serm. 1. in oct. Pasch.*, qui est 157. de temp.

(e) Trident. *sess. 5. in Decr. de pecc. orig.*

quit, . . . ideo in remissionem peccatorum veraciter baptizantur, ut in eis regeneratione mundetur, quod in generatione contraxerunt. Nisi enim quis renatus fuerit ex aqua, & Spiritu Sancto; non potest introire in Regnum Dei.

12. Præterea etiam a Græco Textu originali præscindendo, & sola vulgatæ latinæ versionis lectione præ oculis habita; respondetur: quod tametsi velimus dicere, Christum omnino, atque dumtaxat, contra quam huc usque probavimus, de iterata nativitate respectu nativitatis ex utero fuisse loquutum; id ipsum non necessario evinceret nativitatem istam semper, sed tantum regulariter, præcedere debere baptismum; cum ut plurimum nemo antequam de matris ventre oriatur, baptizari possit. Sane si de adultis est sermo, isti jam antea nati supponuntur, & ideo in eis baptismus erit semper secunda nativitas: & quidem cum adulto, scilicet Nicodemo, Christus colloquebatur, cum necessitatem secundæ nativitatis enunciaret, atque subjungeret: *Non mireris,*

quia dixi tibi, oportet vos nasci denuo: quamquam nihilominus hæc, & similia verba, utpote generalia, etiam parvulos absque dubio comprehendant. Si tamen de parvulis agamus; hi certe in triplici sunt differentia. Vel enim orti jam sunt, & tunc verissime non minus, quam adulti renascuntur. Vel contra omnino sunt utero conclusi; & his baptismus ministrari nequibit: neque enim satis esset, prægnantem pro ipsis baptizari. Vel denique non sunt prorsus utero circumsepti: & his etiam egressio e materno carcere necessaria dicenda est: nam ante regulariter baptismus illorum esset illicitus.

Christus etenim, divino prorsus consilio, speciales in ecclesiastica hierarchia ministros ad hoc sacramentum tribuendum ordinavit, ut in templis cum solemnitate, mysticisque cæremoniis celebraretur. Propterea nefas est, ab obstetricibus absque pompa, & ritu debito in circumstantiis valde impropriis, & sacramenti majestati minime congruentibus, non natis ministrari: nisi aliud vera necessi-

necessitas, quæ legi non subjacet, aliquando postulare. Eo scilicet casu, quo infans gravi periculo premeretur: ne ante nativitatem ipsam intereat.

13. Ordinario itaque rerum cursu considerato, in quo parvulus non baptizatur, imo neque potest, aut saltem non debet baptizari, antequam oriatur, bene hoc sacramentum secunda, necessariaque nativitas dicitur: at cum tali denominatione insignitur, ea necessitas nativitatem ipsam spiritualem respicit, non autem circumstantiam ordinis, quo necessario debeat esse secunda: id enim dumtaxat supponitur quidem juxta communem rerum seriem, non tamen idcirco requiritur. Parum enim ad Christi Domini intentum in responsione data Nicodemo, hic prioritatis, & posterioritatis ordo referebat: cum in hoc tantum rei substantia, & negotii cardo consistat: nimirum recipiendum esse omnino baptismum, si salus æterna quæeratur: quia præter carnalem & ex Adamo du-

ctam originem, aliam oportet spirituales a Spiritu Sancto provenientes, quæ primæ detrimenta reficiat, adipisci.

14. Sic idem Christus alibi auditoribus suis intonuit (a). *Qui non renunciat omnibus, quæ possidet; non potest meus esse discipulus.* Hæc profecto renunciatio possessionem præsupponit rerum temporalium, quibus humana mens inordinato amore agglutinetur: privatio enim juxta philosophos habitum supponit: at non ideo, ut quis perfectus Christi discipulus evadat, necesse est, eum plura fortunæ bona prius habuisse, eisque tenacius adhæsisse, ut inde proprie, & in omni grammaticæ loquutionis rigore, ac proprietate vere omnibus renunciare dicatur. Sed textus, quod frequentissime consuevit accidere, spectat: solemus enim, & aliqua exteriora bona possidere, & iis miserrime implicari, quibus propterea, saltem affectu, renunciare præcipimur. At si nihil omnino habeamus, vel plurima quidem possi-

(a) Lucæ 14. 52.

possidentes, eis tamen vitiosa illa adhæsiōne non alligamur; non ideo a Christi schola tamquam indigni repellimur, quia proprie renunciare nequimus: abunde enim sufficeret in ea ipsa libertate consistere, qua felicissime fruermur. Sicuti ergo Christi propositio, renunciationem jubentis, est hypothetica, id nimirum supponens, quod plerumque contingere non dubitatur: ita ejusdem quoque naturæ, ac hypothetica est altera de necessitate videlicet secundæ nativitatis. *Nisi quis renatus fuerit &c.* Vocatur in ea quidem baptismus iterata nativitas, quia frequentissime post ortum accidit, ut per similitudinem corporeæ nativitatis mirabiles, ac spirituales hujusmodi sacramenti effectus explicentur. At non propterea oportebit semper esse secundam: maxime cum, sicuti supra notavimus, solemne sit omnibus metaphoris, similitudinibus, & allegoriis, ut non necessario in omnibus, & per omnia duo invicem collata æquiparentur, sed sa-

tis omnino sit, aliquam inter se analogiam, atque proportionem plerumque servare.

15. Fortior quidem est, uti consideranti patebit, Divi Pauli ad Hebræos, non prætermittenda loquutio: *Statutum est, ait, hominibus semel mori (a).* In ea namque nulla similitudine usus, plane ac absolute pronunciat, cunctos homines divino decreto semel tantum esse morituros, totamque vim argumentationis in verbo *semel* manifeste reponit, ad probandum nempe convenisse, ut Christus quoque semel dumtaxat, non vero pluries moreretur (b). *Neque ut sæpe offerat semetipsum, quemadmodum Pontifex intrat in sancta per singulos annos in sanguine alieno: alioquin oportebat eum frequenter pati ab origine mundi. Nunc autem semel in consummatione sæculorum, ad destructionem peccati, per hostiam suam apparuit: & quemadmodum statutum est hominibus semel mori: post hoc autem judicium; sic & Christus semel obla-*

(a) Ad Hebr. 9. 27.

(b) Ibidem a v. 25. ad fin.

oblatus est ad multorum exhaustenda peccata: secundo sine peccato apparebit expectantibus se in salutem. At nihilominus clarum est, S. Paulum hic de naturali tantum, & consueto rerum ordine fuisse loquutum. Et sane quis unquam si semel occubuit, ac deinde, quod innumeris legitur accidisse, divino miraculo resurrexit; sibi ex hoc textu blanditus est, suavitque, se non amplius moriturum?

16. Tertio respondetur, quod ubi puer sibi maternum uterum referaverit, conatibusque suis sese a secundinis expedierit, & in prociectu est ad exeundum, imo attingi potest aqua, & baptizari: moraliter jam inter natos ex utero potius, quam in utero tantum numerabitur. Profecto quis nesciat diem, rigoroſe loquendo, ab ortu solis incipere, & ad ejus occasum terminari? Nihilominus nonne dicimus & ortum solem, & inceptum propterea diem, non tantum cum ejus discum in sua refractione conspiciamus; sed etiam

cum extrema culmina montium radiis suis inaurat, nondum oculis nostris directa luce se prodens? Si quis ambulaverit in die, Christi sunt verba (a), non offendit: quia lucem hujus mundi videt: si autem ambulaverit in nocte, offendit: quia lux non est in eo. An non ita evidens fit, Christum non solum supradicta tempora, sed matutinum ipsum crepusculum; finem scilicet noctis, vel si mavis principium diei albicante jam aere, inter diurna tempora computare? Quamvis enim nondum sol ipse ortus fuerit, ortum tamen est lumen ejus, quantum satis re vera sit, ut nobis ostendat, quibus in locis pedem tuto, ac sine titubatione figamus. Solet etiam in Psalmis (b) natus dicitur, cum leonibus, aliisque feris foveas suas repetentibus, homines ad opera diurna egrediuntur. *Ortus est sol, & congregati sunt, & in cubilibus suis collocabuntur. Exhibet homo ad opus suum, & ad operationem suam usque ad vesperum.* Hæc omnia cum fiunt, sol natus re ipsa
O o non

(a) Joann. 11. 9.

(b) Psal. 103. 23.

non est: sed eo jam appropinquante, sub crepusculo matutino contingunt.

17. Sed ne exempla remota quæramus, præcipit juxta superius dicta Rituale: Puerum, qui extra uterum, vel solum pedem, aut manum emittat, in illis esse baptizandum (a). At vero dicendusne erit infans re ipsa natus, cum major ejus corporis pars, & principalia membra etiamnum in utero delitescant? Quare igitur baptizatur? Certe non alia de causa (quod adversarii ipsi fateantur, necesse est,) nisi quia oriri jam cepit, quantum sufficiat, ut in se ipso, id est, in aliqua sui parte abluatur.

18. Demum perpendi debet, quod cum tres baptismi species numerentur, aquæ, sanguinis, & flaminis: pro certissimo habetur apud Theologos: Infantes in utero per duas ultimas bene salvari posse: scilicet per baptismum sanguinis, si forte una cum matre

in odium fidei, perimantur (b). Flaminis vero, si actum fidei, spei, & charitatis eliciant, Deo rationis usum per miraculum accelerante. Si ergo capaces credimus illos baptismorum sanguinis, & flaminis, quæ cæteroqui remedia sunt extraordinaria: quare ordinarii remedii, scilicet baptismatis aquæ, judicabimus incapaces? Quocirca animadvertendum est etiam, baptismum flaminis votum continere baptismi per aquam, & hujusmodi voti charitate informati, & baptismatis aquæ defectum suppletis virtute, pueros justificari. Si ergo sacramenti desiderium esset eisdem procul dubio salutare; cur sacramentum ipsum in re susceptum non prodesset? At si adversarii contendunt illud *nisi quis renatus fuerit* &c. absolutissimam importare necessitatem, quod omnino, & in toto rigore parvulus antea mundo sit natus; ut cœlo deinde per baptismum renasci possit: atque ita vere dicatur secundo nasci; inde a fortiori per infallibilem, & inevitabi-

(a) Rit. Rom. rubr. de Parvul. baptiz.

(b) Scot. in 4. dist. 4. p. 3. & alii passim.

tabilem consequentiam deducere-
tur, puerum neque posse in utero
justificari per charitatem, quam-
quam desiderio ejusdem sacramen-
ti conjunctam.

19. Porro quod possit Deus
accelerato rationis usu infanti ma-
terno in utero adhuc existenti gra-
tiam sanctificantem elargiri, pror-
sus extra controversiam est; idque
Divus Augustinus (a) ad Darda-
num de S. Joanne Baptista disse-

rens manifeste supponit. *Quam-
quam etiam si usque adeo est in illo
puero acceleratus usus rationis, &
voluntatis, ut inter viscera mater-
na jam posset agnoscere, credere,
consentire, quod in aliis parvulis
ætas expectatur, ut possint; etiam
hoc in miraculis divine potentie, non
ad humane trahendum est exemplar
naturæ: nam quando Deus voluit,
etiam jumentum rationabiliter est
loquutum.*

C A P U T VII.

Diluitur objectio ex S. Augustino.

I. **E**t si nostram sententiam ratio-
nibus ex doctrina ipsa Divi
Augustini depromptis corroborare
studuerimus; nihilominus oppo-
nunt adversarii quædam Sancto-
rum Patrum, & insignium Do-
ctorum dicta in ipsa celebri ejus-
dem S. Augustini laudata epistola
fundata, ubi non solum baptisma,
de quo agimus, reprobare vide-
tur: sed etiam distinctionem inter

nativitatem ex utero, & nativita-
tem in utero, qua evangelicam
sententiam nostri explicavere, a
fundamentis evertere. En ejus
verba (b): *Illæ sanctificatio, qua
efficimur singuli templa Dei, & in
unum omnes Templum Dei, non est
nisi renatorum, quod nisi homines
nati esse non possunt. Nullus au-
tem vitam, in qua natus est, bene
finiet, nisi renatus, antequam finiat.*

O o 2

Quod

(a) S. August. t. 2. nova edit. epist. 187. ad Dardan.

(b) S. August. t. 2. dict. Epist. 187. ad Dardan. c. 10. n. 33.

Quod si quisquam dicit jam esse natum hominem, dum adhuc in utero est matris, testimoniumque adhibet ex Evangelio Matthæi primo, quia dictum est ad Joseph de prægnante Virgine Domini Matre: quod in ea natum est, de Spiritu Sancto est: numquid nam huic nativitati accidit secunda nativitas? an non jam non erit secunda, sed tertia. Dominus autem cum sic loqueretur: nisi quis, inquit, renatus fuerit denuo. Eam scilicet computans nativitatem, quæ fit matre pariente, non concipiente, atque prægnante: quæ fit ex ea, non quæ fit in ea: nec enim renatum dicimus hominem, quem mater peperit, tamquam iterum natus sit, qui jam semel natus fuerat in utero: sed illa nativitate non computata, quæ gravidam facit, natus dicitur homo partu, ut possit renasci ex aqua, & Spiritu: secundum quam ex matre nativitatem etiam ipse Dominus in Bethleem Judæ dicitur natus. Si igitur homo regenerari per gratiam spiritus in utero potest; quoniam restat adhuc nasci, rena-

scitur ergo, antequam nascitur, quod nullo modo fieri potest.

2. Idem alibi repetit verbis infra in medium adducendis (a). Imo nonnulli Patres, atque Doctores, nimirum Sancti Isidorus, Thomas, & Bonaventura, B. Albertus Magnus, & Scotus ejusdem Augustini sensum amplecti videntur, & hujusmodi baptismo in speciem adversari.

3. Verum cum Augustinus merito habeatur eorum sententiæ Princeps, eo quod cæteri quidem ipsius doctrinæ manifeste innitantur: operæ pretium existimo, ante omnia ejusdem eximiae auctoritati satisfacere. Gualdus in suo libro de baptismo puerorum in utero existentium, toto capite octavo sese ab illo expedire nititur dicendo: non teneri nos eum in omnibus sequi, & in hac præsertim quæstione, in qua tot Catholici Doctores, tot ac tantis rationibus fulti contrariam sentire. Sane ipse Augustinus agebat (b).

Nemi-

(a) Si August. de Peccat. merit. & remiss. c. 7.

(b) Ibidem de Dono persever. c. 21.

Neminem velim sic amplecti omnia mea, ut me sequatur, nisi in iis, in quibus me non errare perspexerit. Nam propterea facio libros, in quibus opuscula mea retractanda suscepi, ut nec me ipsum in omnibus me sequutum fuisse demonstrarem. Et hoc ipsum de aliis Ecclesiæ Patribus ad Sanctum Hieronymum repetit (a), Divo Thoma, & Melchiore Cano probantibus (b). Quapropter Alphonsus Tostatus ait (c): *Non ergo necesse est nobis, quæcumque dixerit Augustinus, concedere.* Et Alexander Octavus Jansenistarum propositionem trigessimam confixit asserentem. *Ubi quis invenerit doctrinam in Augustino clare fundatam, illam absolute potest tenere, & docere, non respiciendo ad ullam Pontificis Bullam.* Cæterum firmissimi sum judicii, Magnum Augustinum per verba prædicta nullo modo hujusmodi baptismum reprobare voluisse. Ejus enim intentione profundius investigata, & ipsius, & sectatorum

genuinum sensum comperiemus a nostro nequaquam alienum.

4. Sciendum est ergo, Sancti Doctoris tempore Pelagianorum hæresim ortam. Qui præter alios istum etiam errorem effutiverunt: Pueros nimirum originali peccato non inquinari: cum vero textu illo vehementius premerentur: *Nisi quis renatus fuerit ex aqua, & Spiritu Sancto, non potest introire in Regnum Dei:* ubi nulla reperitur exceptio puerorum; tertium quemdam locum inter damnatorum infernum, & coelorum regnum excogitarunt, in quo docebant beatitudine donandos parvulos, quamquam sine baptismo decedentes: Ecclesiam vero eo fine ipsis regenerationis Sacramentum conferre; ut ita Christi filii per adoptionem effecti, in coelorum etiam regnum, ingredi possint cum illo convicturi. Catholici tamen hoc novum quoque hæreticorum istorum commentum non secus, ac præceden-

O o 3

tia

(a) Idem ad Hieron. Epist. 82.

(b) D. Thom. p. p. q. 1. art. 8.

Melchior Canus de loc. Theol. 7. c. 3.

(c) Tostat. in defens. p. 2. c. 18.

ia damnabant. Quapropter Pelagiani retrocedentes docuere: Baptismum saltem non esse necessarium pueris, qui a matre jam baptizata, atque ideo sanctificata nascantur; illud Genesis prætendentes. (a) *Ut sim Deus tuus, & seminis tui post te.* Et Apostoli Pauli: (b) *Filii vestri immundi essent, nunc autem sancti sunt.* Postremoque dixerunt, saltem hoc locum habere, si baptismus matri collatus fuerit, dum infans in ejus utero gestaretur: cum enim foetus eo tempore sit quædam matris veluti portio, illa baptizata, puerum quoque ipsius baptismo consecratum iri existimabant: quasi una revera esset anima, & vita utriusque. Cæterum hanc eandem primi Pelagianorum deliramenti modificationem clarissimæ Neocæsariensis Concilii definitioni opponi constat. (c).

5. Ad hos itaque errores disperdendos, cum scriberet Augu-

stinus: Propugnavit, pueros, etiam a Christianis parentibus genitos, indigere baptismo: cum etiam ipsi, media generatione, originali peccato inficiantur: & ita Innocentius primus, eodem Augustino præsertim instante, ac deinde Tridentina Synodus in suis Anathematismis decrevere. Hoc ergo, nec aliud, in celebri illo textu voluit Augustinus: uti ex his, quæ dicturi sumus, luculentius innotescet: quamvis interea supponat, baptismum ei, qui in utero existit, & natus adhuc ex utero non est; physice administrari non posse: quam quidem suppositionem pro statu ordinario graviditatis verissimam, & indubitabilem esse nemo unquam negaverit. Juvabit hic autem ipsum audire Augustinum. (d) *Renovati Parentes non ex principiis novitatis, sed ex reliquiis vetustatis carnaliter gignunt: & filii ex reliqua vetustate toti vetusti, & in peccati carnis propagati, damnationem*

(a) Genesis 17. 7.

(q) 1. Cor. 7. 14.

(c) Concil. Neocæsar. c. 6.

(d) S. Augustin. de Bapt. Parvulorum.

tionem veteri homini debitam Sacramento spiritualis regenerationis evadunt.

6. Animadvertamus hic etiam, ut Augustinus, prout & alii Patres baptismum generationi carnali, & ideo nativitati in utero comparaverit. Eamdem doctrinam de necessitate baptismatis in filiis Christianorum inculcat alibi. (a) Sicuti generatio carnis peccati per unum Adam in condemnationem trahit omnes, qui eo modo generantur: sic generatio spiritus gratiæ per unum Jesum Christum ad sanctificationem vitæ æternæ ducit omnes, qui eo modo prædestinati regenerantur. Ecce ut hic etiam baptismum spiritualis regenerationis modum appellans, eum ad carnalem generationem potius, quam ad nativitatem relationem habere demonstrat: nam in illa quidem, non tamen in ista originali culpa foedamur. Baptismi porro Sacramentum, prosequitur Augustinus, Sacramentum regenerationis est: quocirca sicut homo, qui non vixerit, mori non potest:

Et qui mortuus non fuerit, resurgere non potest; ita qui natus non fuerit, renasci non potest. Ex quo conficitur, neminem in suo parente renasci potuisse nonnatum: oportet autem, ut si natus fuerit, renascatur. Quia nisi quis renatus fuerit denuo, non potest videre Regnum Dei. Oportet igitur, ut Sacramento regenerationis, ne sine illo male de hac vita exeat, etiam parvulus imbuatur.

7. Profecto locus iste; qui primo aspectu nimis favere creditur adversariis, ubi deinde intimum ejus sensum penetrabimus, ad nostram responsionem, ac solutionem declarandam, confirmandamque valebit. Etenim primo ubi S. Doctor ait: Qui natus non fuerit, renasci non potest, non de nativitate ex utero, sed de nativitate in utero, seu generatione loqui videtur: cum ipse, non minus quam alii patres nativitatem, & generationem pro synonymis habeat. Quod autem revera illud natus hic in significatione simpliciter

(a) Idem l. 2. de Peccat. merit. & remiss. c. 7.

ter geniti accipiat, ex toto ejus orationis contextu rectissime inferitur. In ea enim semper de generatione, in qua originalis macula inuritur, sermo est: & consequenter de nativitate in utero, & non ex utero. At demus etiam Augustinum τὸ *natus* hic posuisse ad significandam nativitatem ex utero, ut adversarii contendunt; nihilominus id parum refert, & contra nostram opinionem nihil evincet: nam indubitabile semper erit verbum *natus* ab eo adhiberi quatenus nativitas ex utero supponit, imo connotat, & includit generationem ipsam, & quodammodo unum, & idem cum illa constituit, a qua suppositione tota vis ejus argumenti dependet. Efficacia enim validissimæ rationis, quam Augustinus intorquet, in hoc sita est: nimirum baptismus, inquit ipse, est Sacramentum regenerationis: ergo aliam generationem antecedentem, & maculatam in infante supponit, per quam Adæ filius jam factus fuerit: ut inde renatus Christo, sive regeneratus dici queat. Ergo baptismus matri collatus antequam ille in utero concipiatur, ac

propterea antequam contrahat originale peccatum, imo ejus contrahendi sit capax; nullum in puero ipso effectum creare poterit.

8. Hic est verus, & genuinus Augustini sensus: aliter si Sanctus Doctor, quod certe negamus, ex suis præmissis inferre voluisset, necessarium esse, quod puer jam ex utero natus sit; argumentatio ejus enervis esset: cum enim ipse dicat, peccatum inficere per carnalem generationem, & sic per nativitatem in utero: solum inde legitime deducitur: Puerum, si nondum culpæ genitus fuit, nullum ipsius culpæ remedium consequi posse: sicuti, qui mortuus non est, ut ipse etiam dicit, reviviscere nequibit. Non tamen hoc aliud inferretur: ergo necesse est infantem esse natum ex utero, ut vere dicamus eum Christo renasci. Nam facile respondebitur sufficere, quod Christo regeneretur, si secundum Adam genitus tantum erat: nec oportere necessario illum renasci Christo, si non adhuc mundo sit natus. Hic autem Sanctus Doctor argumentando

do procedit, ut ex conjunctione illativa *quocirca* evidens est: quod profecto non facit in Epistola ad Dardanum, de qua supra.

9. Certiora fiunt, quæ dicta sunt, si perpendatur, errorem Pelagianorum, quem hic Augustinus confutabat; non fuisse circa tempus; in quo baptismus possit, aut debeat pueris administrari: scilicet utrum ante, an vero post ortum: sed alius erat, & circa substantiam; nempe utrum esset necessarius an non, ex suppositione, quod puerorum parentes Christianorum sacris essent initiati. Augustinus itaque a controversia nostra omnino præscindit: quamvis principia nobis referet, in quibus ejus oratio, atque argumentatio fundatur, & iplemet facem præbeat, qua commode ipsius mentem in celebri ad Dardanum Epistola scrutari valeamus. Et sane Augustinus non solum illum oppugnavit Pelagianorum errorem, prodesse videlicet parvulo baptismum parentibus ante conceptionem ejus concessum; sed contra Julianum

(a) docuit: nequidem prodesse illi baptismum graviditatis tempore a matre susceptum: scilicet concepto jam puero, & materna viscera inhabitante. Quod assumptura suum probat ex eo, quod puer non sit revera pars matris (physica nimirum,) sed ab ea distinctus & per se homo, & consequenter per se baptizandus: & ex ecclesiæ praxi confirmat, quæ baptizare parvulos non omittit, quorum matres antea sacram ablutionem gestationis tempore perceperunt. *Si ad matris corpus id, quod in ea concipitur pertinet, ita ut ejus pars deputetur; non baptizaretur infans, cujus mater baptizata est aliquo mortis urgente periculo, cum eum gestaret in utero: nunc vero cum etiam ipse baptizetur; non utique bis baptizatus habetur; non utique ad maternum corpus, cum esset in utero, pertinebat.*

10. Ex his omnibus ergo Augustini locis inter se collatis, quinam sit verus Epistolæ ad Dardanum sensus, eruitur. Aliud scilicet ipse adstruere non intendit: quam quod aliis in libris pervincere

Pp re

(a) S. August. contra Julian. l. 6. c. 5.

re se velle apertius indicavit, nimirum puero, quamquam Christianorum filio, baptismum ad vitam æternam esse necessarium: cumque necessarium sit etiam, ut in se ipso baptizetur, nec sufficiat baptismus matri administratus, quamvis ista filiolum utero gereret: neque plerumque possit in propria carne lavari materno in corpore subsistens: docet etiam requiri nativitatem parvuli ex utero, ut Sacramentum in se ipso recipiat. Quæ omnia quamquam certissima, sententiæ nostræ nullatenus opponuntur.

II. Quamobrem etsi Augustinus in dicta Epistola, ad Pelagianos magis opprimendos, illud Christi Domini effatum inculcans: *Nisi quis renatus fuerit &c.* Verbum illud *renatus* ad nativitatem ex utero, non vero ad simplicem generationem referat: hanc interpretationem dat obiter, eam solummodo ad probabile argumentum adducens; non veluti firmissimum ecclesiæ dogma proponens. Neque enim rationes omnes, qui-

bus ad errores confutandos aliqui Patres utuntur, vel eorum responsa ad incidentes quæstiones æque sunt etiam certa, & indubitabilia; ac ipsa dogmata, ad quæ comprobanda ab iisdem assumuntur. *Profundiores vero, difficiliioresque partes incurrentium quæstionum*, agebat S. Coelestinus Pontifex, (a) quas latius pertractarunt; qui hæreticis restiterunt, scilicet Augustinus, alique, *sicuti non audeamus contemnere; ita non necesse habemus adstruere.* Hoc probe norunt & illi, qui Dogmaticam Theologiam vix leviter attigerunt. Distribuantur ad profligandum adversarium a perito, ac sapienti oratore, tamquam in acie, argumenta omnia, quæ possunt, demonstrativa, & probabilia, similitudines quoque, & congruentiæ: nescit enim orator utrum hostis, qui fortioribus obstinato animo resistit; cedat forte minus validis, victasque det manus.

12. His addo Augustinum, quamvis ad Dardanum Sancti Joannis Textum de nativitate ex utero

(a) Coelestin. I. ep. 6. 12. apud Labbe t. 3.

utero exponat; ipsum tamen in alio (a) de simplici nativitate in utero, hoc est, de sola generatione interpretari, Neophytos enim appellat: *Germina sanctitatis regenerata ex aqua, & Spiritu Sancto*. Ubi evidens est ad eundem Sancti Joannis locum alludere. Cum cæteroqui hæc secunda explicatio, Sancti Doctoris in hac materia principiis magis consonare videatur.

13. Verum quorsus ista? Jam enim supra Evangelici Textus elucidandi occasione, satis abunde, clareque probavimus, ex similibus sacræ scripturæ loquutionibus, puerum ubi membranis exemptus januam sibi aperuerit, egressum tentans, ac sensibilem sese, atque tractabilem obstetrici præsentaverit, ut possit ab ea in se ipso lavari, quod est Augustini verissimum intentum; non solum proprie, atque in toto rigore nasci coepisse; verum, quod ad rem attinet, inter vere natos esse recensendum.

14. Profecto quis non apertissime videat, casui nostro aptari non posse Augustini doctrinam; cum is nunquam dixerit, baptismum parvuli nonnati esse nullum, quamvis in se ipso lavari possit: imo semper illum supponat utero circumdatum? Cæterum si omnino requireret id, quod in toto grammaticæ rigore verbum *nasci* significat; consequens esset, invalidum quoque fore baptismum infantium a dissectæ matris visceribus extractorum: hi enim proprie nati non sunt: ac propter hoc ipsum nonnati communissime appellantur.

15. Atque hæc est differentia, quæ inter necessitatem nativitatis ex utero, & necessitatem nativitatis in utero, etiam a Sancto Augustino, uti supra notavimus, requisitam, intercedit. Nativitas in utero præsupponi debet omnino, ut homo vere dicatur existere: sicuti autem sine hac existentia incapax est cujuscumque peccati sive actualis, sive originalis; ita etiam incapax erit cujus-
Pp 2 cumque

(a) D. August. ser. 1. in Octav. Pasch.

cumque remedii, quo a peccatorum inquinamento, & miseria liberetur: ineptus quoque gratiæ acquirendæ, aut recipiendæ, etiam per extraordinariam justificationem, qua dignatus est olim Domini Præcursor. Nativitas vero ex utero necessaria tantum est, ut puer in se ipso possit baptismatis aqua perfundi, ad quod sufficiet non esse penitus materno in utero clausum. Profecto si quis diceret, infantis corpusculum, dum in utero manet, si a Dæmone, Dei permissu, vulneraretur, nulla posse chirurgicæ artis operatione sanari: (Hujus, a Dæmone petiti exempli horribilis loco substituitur exemplum supra citatum, pag. 247. sub finem columnæ posterioris, ex Christia-

ni Joannis Langii Oper. Med.) hujusmodi propositio in sensu congruo, uti par est, accepta, verissima censeretur: supponeret enim puerum curationi topicæ impervium, quia prorsus utero circumseptum, qualis esse toto prægnationis tempore consuevit. Cæterum si instante partu, jam jam nasciturus, maternum finem aperiet; ita ut obstetrix ejus vulnus tractare posset; quis unquam jure dubitabit, posse illi quoquomodo salutare balsamum applicari? Atque hæc ipsa explicatio valde naturalis, ac facilis Augustini verbis aptanda erit, si corporale vulnus a diabolo inflictum, cum spiritali, scilicet cum peccato originis, balsamum vero cum baptismo conferamus.



CAPUT VIII.

Satisfit aliis Patribus, atque Doctoribus, & proponitur
quæstio de baptismo parvuli secundinis
involuti.

1. Quæcumque ad Augustini Textum exponendum hucusque tradidimus, ad aliorum patrum, atque Doctorum interpretationem æque, ac sine ulla variatione deserviunt. Ac primo quidem occurrit Sanctus Isidorus (a). Ejus verba, a Petro Lombardo suis distinctionibus inserta, sunt hæc: *Qui in maternis sunt uteris, ideo cum matre baptizari non possunt; quia, quia natus secundum Adam non est, secundum Christum regenerari non potest: neque enim dici in eo regeneratio potest, quam generatio non præcessit.*

2. Facilis est ad hunc locum ex ipso contextu responsio. Docet ergo solummodo contra Pelagianos Isidorus, baptismum genitrici collatum, filiolo non prodes-

se. Videtur quidem nonnato infanti negare absolute, ac sine ulla distinctione baptismum: at de eo loquitur, qui nec natus sit, nec nasci ceperit: ita ut eum non in ipsius corpusculo, sed tantum in matre, & cum matre: hoc est per matris baptismum baptizare aliquis auderet. Cæterum ille non minus, ac alii patres generationem, & nativitatem pro synonymis habet.

3. Albertus vero Magnus (b) duas aperte distinguit natiuitates, unam in utero, ex utero aliam. Deinde statuit posse Deum mere natos in utero ab originali peccato mundare, eos immediate ad Præcursoris Christi similitudinem sanctificando: at asserit, baptismum, quod est remedium ordinarium, esse

Pp 3

(a) S. Isidor. lib. 2. Sent. c. 11.

(b) Albert. Magn. in 3. Artic. 9.

esse tantum Natorum ex utero. Hoc autem nemo vertit in dubium. In eodem tamen sensu erit intelligendum, quem Isidoro attribui-
mus ex ipsius verbis expromptum.

4. Id etiam ex D. Thoma B. Alberti discipulo, quamvis contra nos allegato, & nunquam a Divi Augustini sententiis discedente, magis, magisque illustrabitur. *Non debet, ait, (a) aliquis baptizari, priusquam ex utero nascatur.* Hanc autem dicti sui rationem designat. *De necessitate baptismi est, quod corpus baptizandi aliquo modo aqua abluatur, cum baptismus sit quædam ablutio, ut supra dictum est.* Corpus autem infantis antequam nascatur ex utero, non potest aliquo modo abluī aqua: nisi forte dicatur, quod ablutio baptismalis, qua corpus matris lavatur, ad filiolum in ventre existentem perveniat; sed hoc esse non potest, tum quia anima pueri, ad cuius sanctificationem ordinatur baptismus, di-

stineta est ab anima matris: tum quia corpus pueri animati jam est formatum, & per consequens a corpore matris distinctum: & ideo baptismus, quo mater baptizatur, non redundat in prolem in utero matris existentem: unde dicit Augustinus contra Julianum &c. Et hic Augustini verba superius allata recenset. (b) Attendamus autem ad rationem, quam D. Thomas in textu luculenter expressit: *Non potest aliquo modo abluī aqua, quod etiam alibi docuerat. (c)* Ex illa enim patet, eundem impossibilitatem Sacramenti, quo ad nonnatos, in impossibilitatem refundere physicæ lotionis.

5. Nec dissimilis est Divi Bonaventuræ sententia: (d) docet is, parvulum in utero baptizari non posse: sed tantum extra ordinem a Deo immediate sanctificari: deinde varias pro data doctrina confirmanda rationes adducens,
æ

(a) S. Thom. 3. p. q. 68. art. 11.

(b) Hoc Lib. 3. c. 7. n. 9.

(c) S. Thom. in 4. dist. 6. & dist. 24. c. 2. q. 1. ad 2.

(d) S. Bonaven. in 4. distinct. 6. p. 2. Art. 1. q. 1.

ac statim improbens, illam quoque proponit: nempe quod parvulus nondum sit ortus. Hanc autem ipsam etsi prima facie congruam videri dicat; attamen invalidam putat: ex ea enim sequeretur, nonnatum puerum neque a Deo per baptismum flaminis justificari posse: quod & supra notatum est: (a) ac soli denique impossibilitati physicae ablutionis innititur. Et hæc quidem, ait, ratio bona est: maxime quia consonat, & ortum habet a verbis Sanctorum: tamen adhuc per istam rationem posset ostendi, quod parvulus non deberet sanctificari in utero, sicut non baptizari. Et propterea est dicendum, quod ratio desumenda est ex parte sacramentalis remedii, quia enim sacramentale remedium respicit operationem ecclesiae, & operatio ecclesiae non se extendit ad parvulum, nisi extra uterum. In primo statu, hoc est, in utero, cum soli Deo notus sit; potest per ejus voluntatem sanctificari, non per nostram cooperationem, cum non cognoscat eum ecclesia, nec sit de foro

ejus. Afferit ergo D. Bonaventura baptismum non esse nonnatorum, quia cum ecclesiae cognitioni, & operationi non subsint, ad illius forum pertinere non possunt. Hoc vero ad ordinarium nonnatorum statum referendum est: ignorat enim ecclesia, utrum qui tunc in utero latet, sit irrationabile monstrum, an homo: imo utrum prægnatio sit vera, vel illusoria. Operatio quoque Ecclesiae, ablutio scilicet, in eo statu erit impossibilis. In nostra tamen hypothefi hæc omnia procul dubio cessant. Utero enim resecato, obstetrix, quæ ministri ecclesiae munus gerit, & foetum cognoscit, & ipsum contrectat, & abluere valet: proindeque is ad forum ecclesiae pertinebit. Cæteroqui verisimile nequaquam est, Sanctum Doctorem parvulos nostros a baptismo repulisse; qui erga pueros tanta fuit misericordia, ut etiam alibi dixerit: Quando puer deficit in manibus Sacerdotis, credendum est, quod divina misericordia, & Summus Sa-

cer-

(a) Cap. antecedi n. 18.

cerdos non dimittat imperfectum, quod inchoatum est. (a). Quod assertum non ideo refero, quia verum existimem: sed ut Divi Bonaventuræ profusorem erga pueros benignitatem ostendam.

6. Male autem contra nostram opinionem laudatur Scotus, cum potius ipsi favere videatur. (b) *Ad quæstionem, ait, dico, quod vel puer secundum omnes sui partes est in utero matris, vel secundum aliquam partem apparet extra uterum. Si primomodo: dico, quod non potest baptizari, non propter rationem priorem, quia conjunctus est causæ conceptionis: maternæ scilicet carni, secus enim, (ut ille subjungit, fufiusque perpendit;) anima pueri, cum propriæ carni, (quæ contrahenti peccati causa immediata censetur,) magis unita sit, nunquam posset justificari: Sed quia baptismus est lotio, vel ablutio in aqua: sed parvulus sic in utero non potest lavari; quia nec immediate tangi aqua. Ecce quomodo Scotus totam obstaculi causam in physica lotionis impossibili-*

tate reponit; porro id animadver-
tit insignis ejus. commentator Iquæus. *Ratio autem est, ait, quia nequit abluī, aut tangi aqua: quod si contrarium posset fieri, & salvari sufficiens ablutio: atque hic est casus de quo loquimur: valide baptizaretur a contrario sensu. Quodque illationem istam Iquæus legitime deduxerit, clare liquet ex his, quæ Scotus ipse immediate subnectit: Ex hoc sequitur corollarium; quod si parvulus corio includeretur, ita quod aqua non tangeret corpus; non esset baptizatus: sed si tangeret; bene. Vide quoque pro majori hujus illationis dilucidatione Cavellum. (c) Scotus itaque nullam statuit differentiam inter natum, & nonnatum: etenim juxta illum, si neuter abluī poterit, nullum profecto erit in utroque sacramentum: si vero ambo, quamvis corio, vel utero circumsepti, lavari possint; æque valide baptizantur.*

7. Cæteri vero Theologi, præsertim ex antiquis, negantes baptis-

(a) S. Bonav. *dist. 3. p. 1. a 2. q. 2. ad 2.*

(b) Scot. *in 4. dist. 4. q. 3.*

(c) Cavell. *in Scot. Report.*

baptismum administrandum esse nonnatis, pari modo veniunt explicandi: scilicet pro statu ordinario, quo pueri lotio est physice impossibilis; non enim loquuntur de impossibilitate sacramentali, ac Theologica. Hoc patet in Gabriele Biel celeberrimo sæculi decimi quinti Theologo: asserit is quidem, nec inficior, infantulum in utero baptizari non posse; quod autem deinde subjungit, omnia cumulate restaurat. *Si vero, ut aliquibus placet, puer adhuc latens in utero matris, quamvis matri conjunctus, aqua corpus ejus tangente, ablueretur, vel aspergeretur, cum debita intentione, & forma; vere baptizaretur.* Nota hic, hujus Doctoris ætate physicam infantium in utero lotionem communius existimatam fuisse impossibilem, quamvis nonnulli (quod hodie certum est omnibus) possibilem adfirmarent: quod sane mirum videri non debet: nam Theophilus ipse Rainaudus, nonnatorum salutis amantissimus, quamquam proximo sæculo scri-

pserit, nimirum controversia jam apertius, & diligentius agitata, expresse quidem docet, baptismum istum fore sine dubio validum, si posset administrari: at nihilominus esse physice impossibile manifeste arbitratur. Ita quondam antipodas plurimi, Augustino duce, non dari putaverunt: at hodie illos existere amplius non ambigitur; innumeri proinde Apostolici viri ad eos currunt illuminandos, & baptizandos.

8. Venio ad eximium Suarium, cui omnino eadem, ac Bielio tribuenda erit expositio: en ejus verba. (a) *Respondetur in primis expectandum esse, ut infans sit perfecte natus ex utero matris; nam qui omnino natus non est, ita ut aqua contingi non possit; nullo modo baptizari potest: quia ut recte dicit Augustinus (b) nec per se ablui potest, ut per se constat: nec per matrem: cum revera sit persona ab illa distincta, & animam habeat propriam, & distincta peccati macula affectam.* Qui vero na-
scî
 Qq

(a) Suarez. in 3. p. q. 68. art. 10. Sect. 2. & art. 11.

(b) S. August. contra Julianum lib. 6. Cap. 15.

sci incipit, baptizari interea non debet, donec integre, & perfecte nascatur: quia ordinarie non renascitur, nisi qui jam semel natus est, ut Augustinus dixit Epistola quinquagesima septima, quæ est ad Dardanum. Hoc autem intelligendum est extra casum necessitatis; tunc enim, & ad reverentiam Sacramenti, & ad corporale commodum ipsius infantis pertinet, ut aliquantulum differatur baptismus, & commodius tempus expectetur. Propter necessitatem vero baptizari potest, & debet infans ante perfectam nativitatem ex utero, ut dicemus in commentario articulo undecimo.

Et in loco indicato dicit. Hic articulus fere expositus est in superioribus: nam si parvulus omnino clausus est in utero matris; constat non posse baptizari, quia neque aqua tangi in se possit, neque per matrem baptizari: nam cum sit persona ab illa distincta, ablutio matris non potest ablutio filii reputari, ut bene notavit Augustinus contra Julianum lib. 6. c. 1. & 6. & habetur C. Si quidquid 35. dist. 4. de consecr. Et ideo in Concilio Neocæsareensi c. 6. dicitur, baptismum mulieris prægnantis non com-

municari, nec prodesse filio. Oportet ergo ut prius aliquo modo egrediatur ex utero: & quidem extracatum necessitatis jam supra diximus expectandum esse, ut perfecte nascatur: in necessitate vero baptizari potest, statim ac ex utero exiit pars corporis, quæ ad baptismum perficiendum sufficit, ut superius lect. 2. dictum est.

Hic vero solum addendum occurrit, cum dicitur debere hominem prius nasci ex utero vel omnino, vel ex parte, quam baptizetur; non oportere intelligi de propria nativitate: quacumque enim ratione fieri possit, ut abluatur, id satis est ad valorem baptismi, etiamsi propria nativitas humana non præcedat: quia substantia Sacramenti consistit in ablutione cum debita forma verborum. Unde si mortua sit mater habens infantem in utero, & aperiatur, & detegatur puer; illa non est propria corporis nativitas, & tamen circa illum perfici potest baptismus: nec solum potest, sed etiam debet, quando mater prius mortua est.

9. In verbis detegatur puer
Suarez

Suarez ad eorum praxim alludit, qui, Dionysio approbante, parvulum secundinis detectum, antequam a dissecto genitricis ventre tollant, illico baptizant: decen-
tius tamen est, eum a parocho non baptizari, nisi prius extractum, dummodo imminentis mortis periculum desit. Suarez igitur totam quæstionem in eo tantum collocavit; utrum scilicet infans possit necne physice abluī: quapropter sententiæ nostræ fautoribus, non autem contrariis est accensendus. Demum quod attinet ad Natalem ab Alexandro, Pontas, & alios, qui contra nos afferuntur, eos lubenter omittimus: loquuntur enim non secus ad veteres de ordinario statu nonnatorum in utero: cum ipsis curæ non fuerit exactius a Medicis, & obstetricibus indagare, utrum aliquo saltem casu possit aqua ipsos abluere: quo factum est ut hypotheticæ hujus quæstionis circumstantias nequidem attigerint.

10. Ex hætenus dictis in aperto est, non bene rem trutinasse

Comitolum, (a) cum docuit: *Sententia contraria videtur sola posse defendi, quam Sotus in 4. disp. 5. quæst unica art. 11. ait sacris esse Canonibus definitam: infantem non esse capacem baptismi, nisi in lucem editum, & vitam cum reliquis degentem hominibus, a quibus juvari possit. Nam licet aperiat uterum, quanto paritura est mulier, & manibus tangi possit obstetricis, qui in eo inclusus est infans; cerni tamen oculis nequit, ut mihi pro certo narravit perantiqua, & expertissima obstetrix.* At bona tanti Doctoris venia necesse non est puerum conspici, si uti jam ipse fatetur, tangi revera potest: nam quis unquam affirmavit, sacramentorum susceptorem debere omnibus quinque corporeis ministri sensibus exponi, fierique sensibilem? sufficit procul dubio, hujus operationi subjectum esse, ita ut a ministro, exempli gratia in baptismi collatione, lavari valeat. Porro quod parvuli quandoque in puerperio non solum tangi, sed & abluī possint, pro comperto habendum est: quid ergo prohibet, eos

Qq 2

(a) Comitol. Respons. moral. l. 1. q. 13.

eos baptizari? Propterea Siculae obstetrices pueros nulla membrorum parte ex utero adhuc emissa baptizant. Illud vero non laudo, quod passim facitatur ab imperitis: istos videlicet infantes absolute baptizari: adjicienda enim est conditio propter contrariorum Doctorum auctoritatem: quam nulla sane infregit sedis apostolicæ definitio, cum cæteroqui puerorum salutem, quam intendimus, eadem conditio nequaquam officiat. Ministrari etiam hujusmodi parvulis baptismum in Galliis tradunt Bodowingerius, & Riolanus. Et id ipsum in aliis regionibus usu frequentari, nullatenus ambigitur. Adeo verum est litteratis viris de aliqua inter se quæstione digladiantibus, praxim sæpe quid veritati magis consonum sit, præjudicata quodammodo sententia indigere. Et profecto sanctissimus Dominus noster Benedictus XIV. cujus apostolici zeli, atque doctrinæ sublimitas fastigium tantæ dignitatis adæquant; in suo celeberrimo de Diœcesana Synodo

tractatu, tribuendum esse docet, quamquam sub conditione baptismum. *Ad p̄rochos vero, ait, (a) pertinebit, obstetrices instruere, ut cum casus evenerit, in quo infantem nulla adhuc sui parte editum mox decessurum prudenter timeant, illum baptizent sub conditione: sub qua pariter erit iterum baptizandus, si periculum evadat, & foras prodeat. Quemadmodum post alios faciendum monet Tournely de Sacram. Bapt. q. 3. art. 3.*

II. Post hæc autem magna ex parte in prima operis editione conscripta incidi in Hyacinthum Serryum, (b) qui nostræ sententiæ defensores Scilderium, Gobatum, Clericatum, Bendunium, novatores pluries appellat, variis dictis aperte deridet, & acerrime infectatur. Propriam tamen assertionem sub his verbis conceptam, probandamque proponit: *Baptisma puerorum in matris utero omnino, & ex integro inclusorum impossibile, illicitum, & contrarium*

(a) Benedict. XIV. De Synod. Diœces. l. 7. c. 5. n. 6. fol. 194.

(b) Serry Prælect. Theol. t. 4. prælect. 19.

rium ecclesiae probatur, & evincitur. Adstruit itaque impossibile, quia dum uterus manet clausus, & glutine constipatus, infans nequit in seipso lavari. At hæc uteri clausura, quam ponit Serryus, ordinario nonnatorum statui solummodo congruit ante partum inceptum, non vero temporis partus, de quo tantum Scilderius, ac Socii loquuti sunt: non enim isti, ut Pelagiani, sacramentum hoc pueris, quamquam in seipsis baptizari nequeant, ministrari posse somniarunt. Immo expresse clarissimeque supponunt, uterum puerperio adveniente referari. Id autem contemnit Serryus, & nihilominus distinctionis hujusmodi vim declinare cupiens addit: *Ego quidem Medicis, ac Chirurgis judicandum relinquo, num ita, instante partu, os uteri dilatetur, ut vel manus intromitti, vel saltem clysteridium admoveri facile possit: mihi viro Theologo, ac Religioso non licet esse tam curioso. Sit ita tamen, ut volunt curiosi isti exploratores, hoc dico tamen, ne sic quidem ablutionem, ad baptismum necessariam, fieri posse: ac triplici quidem ex causa.* Nimirum pri-

mo quod hanc ablutionem impediat superioris uterini orificii ab inferiori distantia. Secundo quod copiosi humores ab utero profluentes in descensu aquam baptismatis, ne intrare possit, valide repellant. Tertio quod saltem, utpote foetidi aquam ipsam inficiant, adeo ut lotioni faciendæ sit impar.

12. His positis illicitum, immo nullum fore baptismum ex Rituali Romano, Augustino, aliisque Patribus firmare contendit. At optassem, ut vir, cui certe neque præstans ingenium, neque abundans eruditio deerat, a conviciis abstinens pacatiori animo saltem Ritualis Romani verba, adversariorum suorum dicta, immo statum ipsum controversiæ considerasset. Nam duo hic quaeri possunt. Primum, an puer imminente partu lavari physice queat? Secundum an etiam sacramentaliter, ac valide? Prima quæstio esset chirurgica, secunda tantum est theologica. Utramque autem miscet Serryus atque confundit. Nam auctores nostri, baptismi quidem validitatem propugnant, sed posteaquam pro cer-

to ex Chirurgorum, & obstetricum experientia præmiserint, parturiendi hora uterum esse apertum, & ablutionem physice, & commode perfici posse, Serryus vero extra lineam hastiludii currens, in eos, veluti in hostes ardentius invehitur; sed incassum; totus enim est in probando ex Patribus, baptismum parvulorum in utero prorsus conclusorum, qui nimirum in seipsis ablui nequeunt, esse procul dubio nullum; idque neque Scilderus, cum sociis, nec alius unquam sanæ mentis hucusque negavit. Et patribus quidem superius abunde satisfacimus. Illud vero nequaquam hic puto dissimulandum; Serryum scilicet sibi ipsi contradicere. Et profecto ejus doctrinæ ratio est, quia baptismus, juxta sancti Joannis notissima verba, est secunda nativitas; ideoque manifeste repugnat naturæ baptismatis ante nativitatem conferri . . . deinde subdit: (*Neque obest locus evangelicus de virgine prægnante: quod in ea natum est de Spiritu Sancto est:*) *arbitraria quippe versio illa est, qua parte Christus conceptus in utero natus dicitur: maxime cum græ-*

ca phrasis ambigua sit, & anceps τὸ γὰρ ἐν αὐτῇ γεννηθὲν ἐκ πνεύματος ἁγίου: hoc est quid in ea conceptum est, formatum est, factum est, animatum est de, Spiritu Sancto est. Hæc etenim, omnia perinde sonat vox græca γεννηθὲν.

At miror Serryum non animadvertere, sedum adversariorum responsionem eludere tentat; propriæ sententiæ fundamentum ex imo divellere. Si enim verbum γεννηθὲν significat *factum*, seu *natum* simpliciter, non vero *renatum*; & æque potest significare *natum*, vel *factum*, vel *conceptum*, seu *genitum*; quomodo ex verbis Divi Joannis, qui eodem prorsus vocabulo utitur, demonstrabit, nonnatorum baptismum fore invalidum; eo quod non esset proprie, & rigorose dicta secunda nativitas, & a generatione diversa? Deinde Romani Ritualis Pauli V. verba non ea sunt, quæ recitat Serryus: nimirum: *Puer in ventre matris existens, nec apparens extra, non est baptizandus; Sed hæc alia: Puer in utero prorsus clausus non est baptizandus: quod non cadit in controversiam.*

Laudat

Laudat etiam Serrius Rituale editum A. 1585., & aliud A. 1598. Hæc præ manibus habere non potui: constat autem, ea privata quidem, non publica auctoritate, fuisse confecta.

13. Cæterum quæ ipse ablu-
tionis opponit possibilitati, sunt
prorsus evanida. Nam tempore,
de quo agitur ex Chirurgorum, &
obstetricum testimonio non solum
uterus aperitur, sed propter mu-
sculorum contractionem bina uteri
orificia in unum rediguntur, vagi-
na intermedia mire abbreviata.
Quamobrem puer ab obstetrice ma-
nibus tractari potest, atque lavari.
Insuper aperto utero, ac diruptis
respective secundinis, humores
utrobique contentos descendere,
ac protinus exire necesse est.
Egressi proinde obstare nequeunt,
quo minus aqua syphunculo, vel
manu ipsa introducatur. Nec
aquam istam ullatenus conspurca-
re valebunt.

14. Hæc ergo ante omnia,
Chirurgos, & obstetrices interro-

gando, Serryus trutinare debuif-
set, si verum quæstionis theologi-
cæ statum, ut oportebat, exacte
ponere voluisset, nec hostem fin-
gere, quem feriret. *At, inquit,*
mihi Viro Theologo, ac Religioso
non licet esse tam curioso. Cre-
dendum ergo erat aliis Doctoribus
æque Theologis, & Religiosis,
qui eadem a peritis didicerunt;
quosque per injuriam ipse *curiosos*
exploratores appellat. Funda-
mentum enim sunt illa theologicæ
controversiae, & ad eam eluci-
dandam penitus necessaria.

15. Et profecto, quod incre-
dibile omnino videretur, ipsemet
Serrius tandem aliquando non dif-
fitetur, momenta a se contra hu-
jusmodi baptismum allata, ejus
validitati non officere: ex quo se-
quitur illum fore validum, si mo-
do puer in seipso baptizari queat.
Quapropter ex eodem Serryo
controversia ista jam non ad Theo-
logos, sed ad Chirurgo pertinebit.
En ejus verba: (a) *Quamquam*
quid ego cum larvis depugno? Si
vera sunt, quæ ab iis novatoribus
suffugia

(a) Loc. cit. vide etiam t. 3. disp. 1. prælat. 3.

suffugia quæeruntur, ut puerum in utero materno prorsus inclusum baptizari posse defendant: ab ipso quæstionis statu desiliunt, aliudque probant, quam quod illis probandum incumbit. Si enim instante partu os uteri ita apertum est, ac dilatatum, ut manus de facili possit intromitti, fœtusque attrectari: si secundine aut naturæ impetu, aut etiam arte dilaceratæ sunt; tunc certe puer non censetur vere, ac proprie inclusus in utero, sed in actu potius egrediunt ex utero. Uti profecto reus non censetur clausus in carcere, dum stat ad ostium carceris apertum, ut egrediatur, quamquam nondum pedes foras extulerit. Nos porro de pueris in utero matris prorsus inclusis in præsentia disputamus, & numne in eo statu baptizari possint, inquirimus: a statu itaque quæstionis procul abscedunt. Manifeste hic aberrationem a scopo Serryus adversariis suis appingit. Cæterum lector ex dictis facile judicabit, num revera nostri, an Serryus a quæstionis Theologicæ statu procul abscesserit?

16. Sed Bodowingerium audiamus: *Hanc etiam sententiam, ait ille, (a) ex Sorbonicorum Docteurum consensu, in praxi esse receptam, patet ex his Joannis Riolani Galliarum Reginae, & Academiæ Parisiensis Medici Primarii verbis. (Ut extinctæ matris superstes infans baptismi particeps fiat, & ad coelos rediens in beatorum sedibus Dei conspectu fruatur; nunc Parisiis consuevimus in moribundis, atque etiam in mortuis gravidis, si digito in sinum pudoris intruso, caput infantis hianti osculo matricis oppositum deprehendatur; (hic enim situs maxime naturalis est, & obvius,) aqua benedicta aspergere, vel digito intincto rigare, prolatis verbis baptismi.) Improbat nihilominus Bodowingerius & Syphunculi usum, & chirurgici cujuscunque instrumenti; lotionem semper manibus perficiendam esse contendens: at cum nullam adducat differentię rationem; quæ certe inveniri non poterit; non est, cur in eo quoque impugnando diutius immo-*

(a) Bodowing Ventilabr. p. 2 q. 20.

Joann. Riolan. Anthropol. lib. 6. c. 8.

immoremur. Ex adverbo tamen Roncaglia baptismum per instrumentum dilucide ac fidenter admittit. *Placet omnino asserere puerum existentem in utero matris esse saltem sub conditione baptizandum, si aliquo modo, saltem mediante instrumento, abluatur aqua possit.* Vide etiam Sorbonæ responsum ad Chirurgum obstetricantem, & inventorem novi instrumenti pro pueris in utero baptizandis, quam Jacobus Joannes Bruhier ab Albaincourt Parisiensis Facultatis Doctor integram edidit in adnotationibus ad Deventerium.

17. Si liquet ergo licere sub conditione modo prædicto baptismum periclitantibus pueris ministrare; sequitur inde peccari læthaliter si ministratio hæc omitatur. Et revera Divus Thomas, ubi nihil aliud præter pedem lavari posset infanti; docuit in pede saltem esse baptizandum, quamvis ipsius ævo, uti Sanctus Antoninus retulit. (a) Scholastici Theologi communius hujusmodi baptis-

mum invalidum esse censerent: *quoniam, aiebat ille, non nocet Et divina misericordia non est arctanda.* Imo hodie baptismus in pede, vel manu apud omnes pro fere certe valido reputatur, postquam Romanum Pauli Quinti Rituale ad illius validitatem maxime propendit. Res enim decursu temporis & concertatione magis, magisque clarescunt.

Ecclesiæ vero five Græci, five Latini ritus, quæ in baptizando trina utuntur immersione; probe sciunt hanc non esse de substantia Sacramenti: quare parum interest, an in hujusmodi casibus; ubi parvulus nullum membrum emisit, immersio, & multo magis trina, sit impossibilis: sufficiet physicam ablutionem, unam vel ternam eo modo, quo potuerit, adhiberi.

18. Quæres utrum valide baptismum suscipiat puer secundinis involutus? Affirmant profecto multi quæ veteres, quæ recentio-

R r

(a) S. Antonin. 3. p. tit. 14. c. 15. §. 1.
S. Thomas in 4. dist. 6. art. 1. q. 6. ad 3.

centiores Theologi, (a) qui membranas has tamquam ipsius infantuli partes agnoscunt: cum eodem enim connectuntur, imo continuantur, cum eo vegetant, ejus arterias, venasque continent, & ad ipsius vitam, sanguinisque transmutationem, atque circuitum necessariæ demonstrantur. Quocirca vasa umbilicalia, placenta, & secundinæ *unum quid* cum foetu ipso constituunt: maxime quia eorum adauctio; & motus non a matre, ut prisci Medici sentiebant; sed ab infanti anima dependet. Baptismus tamen sub conditione tribuendum admonet Roncaglia (b) propter multorum etiam Theologorum dissensum. Attamen quæstio pro casu præfenti, in quo non de foetibus minimis, sed de maturis, & nati-
tati proximis agitur; est pure spe-

culativa, & ad praxim nullius pene momenti. Etenim si supponimus infantem jam natum; non video quare sub conditione baptizare debeamus membranis involutum, & non potius his ante diruptis, absolute. Si tamen adhuc in ventre manet, apertum est autem superius matricis orificium; & tunc vel ipse puer jam secundinas dilaceravit; vel facillime (nimis liberale est hoc assertum, experto credas Ruperto) eas dilacerabit Obstetrix. Conditionato itaque baptismo, non opus erit, nisi cum aperto jam utero, membranæ discindi non possent, & periculum instaret, ne infans interea moriretur: qui casus, cum non nisi semel Bergomi evenisse novimus; (c) rarissimum fore arbitramur.

CA-

(a) Sylvester. v. Bapt. 4. qu. 1.

Vasquez. in 3. part. t. 2. disp. 145. c. 4. n. 31.

Diana tom. I. tract. 1. resol. 76.

Castropal. p. 4. tract. 19. pun. 4. n. 8.

(b) Roncaglia t. 2. tract. 17. de Bapt. c. 4. q. 4. n. 1.

(c) Bartholin. apud Bonet. Medic. Sept. t. 2. l. 4. sect. 7. observ. 30.

CAPUT IX.

De Monstris baptizandis.

1. De nonnatis in partu difficili adjuvandis agentes, oportet ut aliqua saltem breviter de monstris addamus: ea enim non tantum in abortu verum etiam in partus difficultate frequentius prodire conspiciuntur: cum ipsa sæpe abortum, & Partuum desperatorum, & mortis gravidarum causæ censeantur.

2. Monstra quidem prolixè Paræus, Licetus, Palfinus, Tulpius, aliique descripserunt. Plures autem sunt illorum species: nam alia sunt bruta, etsi a muliere orta, alia semihomines, & semibruta, alia homines, at membris aliquibus redundantibus, vel deficientibus, vel deformibus, turpia: v. g. Caudati, Auriti, Elingues, Astomi, Brachistomi, Hermaphroditæ, Monoculi, sine sexu, vel anu: alia duplicia, ex pluribus nempe foetibus inter se unitis coagmentata.

3. Diversæ quoque sunt causæ monstrorum. Et primo virilis feminis pravitas. Secundo Embryonis in ovo femineo, natura ludente, insolita conformatio. Tertio mulierum phantasia tenellum Embryonem immutans. Quarto uterus ipse, qui cum non bene distenderetur, illius partes confudit, & implicavit, ne rite germinarent. Quinto aliorum animalium ovula forte in mulieris matricem pervenientia. Sexto varia molarum vel corporum polyposorum, in utero configuratio. Septimo inordinati concubitus, ac nimia conjugum luxuria, ex quibus monstra certis in regionibus frequentiora nasci creduntur. Octavo demum divina miracula.

4. Non vacat omnia expendere: satis erit duas tantummodo questiones extricare ad baptismum pertinentes. Prima est quando nam monstrum reputari debeat anima rationali informatum, ut
R r 2 illud

illud legitime baptizemus? Altera quandonam anima sit una, vel duplex, ut unum, vel plura baptismata conferamus? In utriusque, scilicet quæstionis, casibus ex Ritualis doctrina baptismo vel absoluto, vel conditionato, juxta rei certitudinem, vel incertitudinem utentes.

5. Et quod ad primum attinet; pro regula statuimus: id, quod ex utero muliebri, & ex ovulo humano generatum oritur; ubi sufficiens ratio contrarium non suadeat; Anima rationali præditum esse præsumendum: mandavit enim Deus ab initio plantas ipsas, & arbores unam quamque juxta suum genus fructum, semenque producere. Nihilominus impossibile non est, bruta in mulieris utero interdum generari: Etenim poterit alterius animalis ovulum, cum cibis ingestum, illius corpus intrare: quod si forte non corruptum, neque alteratum, sed motu sanguinis ad inferiora propulsum in matricem descenderit; poterit ibi tamquam in loco satis idoneo, quandoque sal-

tem germinare: præfertim cum in ipsis marium visceribus aliquando serpentes, aliaque animalia procreentur. Si igitur ex muliere nascatur animal, quod brutum esse deprehendatur; de baptismo, cujus est plane incapax, cogitare non oportebit. Quid tamen si quod nascitur ex parte homo, ex parte brutum videatur, maxime si ex copula cum bestiis originem ducit; Profecto ex his damnatis congressibus prisca Centauros feros, Hippocentauros, Onocentauros, Satyros, & Faunos derivabant: quos aliqui dæmonum præstigia, alii fabulosa monstra opinantur. Quidquid tamen de illis fuerit; in Indiis mulieres quandoque ex Simiis concepisse tradunt Recentiores. Item in Italia ex muliere, & cane A. 1493 Volaterranus, Cardanus, atque Paræus natum enarrant monstrum semihominem, & semicanem, ab ejusdem Volaterrani fratre Pontifici Romano relatum. (a) Aliqui suspicantur hujusmodi monstra casu quidem, seu natura ludente, fuisse generata: copulam vero cum bestia deinde subsequutam erroris

occa-

(a) Philolog. l. 24. in fin. Paræus l. 25. c. 12.

occasionem præbuisse : vel post conceptum ex viro hominem, in secundo cum bestia congressu mulieris phantasiâ Embryonem immutando tantam deformitatem effecisse. In his tamen casibus, ubi monstrum caput habeat humanum, & in ejus corporis idea conformatione humana prævaleat; saltem sub conditione si *es homo* baptizabitur. Homo enim videtur esse, atque ab Adamo ex parte media concupiscentia carnali descendens.

6. Difficilior videtur casus, in quo mater bellua ex viro concipiat, cum enim humani Embryones ex mulieris ovo a semine virili agitato, oriantur; nequaquam elucet, quomodo ex belluinis ovibus homunculi emergere unquam possint. Cæterum eruditissimi Auctores testantur & id aliquando evenisse. (a) Mitto Nefrendem Semihominem, & Semisuem tradente Licostene A. 1110. in Eburonum Pago natum: similemque A. 1564. Bruxellis, cujus figuram habes apud Paræum, ac tertium, sed ex capra, & homine, referentibus aliis: Licetus narrat Nefarium quem-

dam se vaccæ commiscuisse, & ex ea puerum generasse, (b) qui baptizatus pietatem coluit, quamquam solitus prata pascere, herbasque ruminare. Si facta hæc vera sunt; dicamus necesse est, virile semen, quod cæteroqui particulis ad humanam configurationem aptabilibus abundat; tanta fuisse efficacia, ut brutini ovuli partes ad humanam ideam ac similitudinem transtulerit: vel Deum in sceleris vindictam, et indebilem Auctoris infamiam eodem tempore ovulum suo miraculo immutasse, vel illud antea humanæ generationi aptum sua præscientia præparasse. Quo vero ad baptismum idem esto, ac in casu, præcedenti iudicium: scilicet si caput est humanum, & in corpore humana forma prævaleat; adjecta conditione tribuetur.

7. Verum si monstrum biforme nascitur ex muliere; per virile semen genitum fuisse præsumitur: in eo autem si caput humanum, reliqua vero membra sint belluina, quod pluries evenisse Licetus est

Et 3

Auctor;

(a) Paræus *loc. cit.*

(b) Licet. de Monst. L. 2. c. 68.

Auctor; probabilius quidem creditur, animam inesse rationalem. Cæterum cum humana forma respectu totius corporis non certo prævalere videatur, baptismus sub conditione ministrabitur. (a) Idem dicendum si viceversa corpus est humanum, caput vero belluinum, ut in Cynocephalis, (b) id est capite Canino formatis: qui, eodem Liceto perhibente, (c) multoties visi: fortassis enim interna cerebri textura humanæ similis erit, & animæ rationalis functionibus accommodata.

8. Hæc tamen ad marinos homines, seu Tritones, atque Sirenes, quamvis hominibus superne simillimos, non extendimus: Baptismi enim capaces non sunt, utpote non Adæ filii, imo nec homines: quod si cum hominibus coirent; (nam extra aquas dicuntur aliquandiu in vivis perdurasse,) & ex eis animal, formam ex parte humanam ostendens, nasceretur; baptismus conditionatus omitti non debet. Cæterum an illud

unquam acciderit nescio: quæ enim in hac materia circumferuntur exempla, partim suspecta judicamus, partim ad apertas fabulas merito rejicienda.

9. Narrant quamplurimi pueros foedissimos ex muliere succuba, & dæmone incubo, medio tamen virili semine aliunde scilicet allato, progenitos; quod quidem rectæ philosophiæ nequaquam repugnat. Alii hæc facta reputant commentitia, vel ad exempla respondent. Mulieres illas, dæmonibus quidem incubis assuetas, ex alia tamen copula cum viro concepisse. Quidquid sit: si foetus est humanus, quamquam adeo monstrosus, baptismo fraudandus non erit; ac multo magis si non ope dæmonis, sed ex naturali cum viro congressu ortum fuisse credamus.

10. Monstrum, ubi humana sit ipsius idea, quamvis membra habeat maxime turpia, etiam si diabolicam figuram referat, item si aliquibus

(a) Ritual. Rom. tit. de Bapt. Parvul.

(b) Clericat. de Bapt. decis. 46. dub. 5. vide etiam decis. 51. dub. 20. n. 5.

(c) Licet. de Monst. l. 2. c. 58.

aliquibus partibus careat; dummodo non desit caput, sine dubitatione baptizetur: apparet enim certo natum ex ovo muliebri, a virili semine foecundato. Defectus autem vel deformitates frequenter a matris phantasia, vel alia causa mechanica oriuntur. Uteres enim quandoque, foetu crescente, non satis, aut saltem non æque distenditur: quapropter aliquæ embryonis partes non germinant, vel non bene sese explicant, quæ deinde cursu temporis abolitæ, vel deformatæ ipsum mutilum, aut distortum, ac turpem reddere consueverunt. Ita quamvis frumenti granum plurimas habeat gemmulas; non tamen omnes pullulant, sæpe a circumjacentium glebarum lapillis compressæ, & impeditæ.

II. Acephala monstra dicuntur, quæ capite sunt manca: hujusmodi nonnunquam dari ostendit Licetus, (a) aliique. Paræus ex illorum numero quoddam exhibet

datum Villæfrancæ A. 1562. (b) Acephalum igitur quamvis reliqua humana membra possideat; non absolute baptizatur: cum desit caput prima nimirum sedes animæ rationalis. At non denegatur illi baptismus conditionatus; res enim est dubia: (c) nam forte internam aliquam habet corpusculi partem, quæ cerebri vice fungatur. Præterquam quod poterit forte rationalis anima in corde principatum, si non ad ratiocinium, ad vitalia tamen munia, motumque Systolicum, & Diastolicum promovendum exercere. In Acephalis non computantur quæ caput habent, quamquam sine oculis, & naribus, levigatum, & planum: quale fuit illud a D. Francisco Paulano miraculo reformatum. (d) Celeberrimum autem inter vere Acephala est monstrum Bononiense, quod adhuc visitur, humanum quidem, at sine capite, sine Thorace, sine Corde, sine Pulmonibus, Sanguiferisque vasis majoribus, imo & nonnullis aliis parti-

(a) Licet. *Ibid.* c. 10.

(b) Paræus l. 23. c. 7.

(c) Cleric. de Bapt. *decis.* 51. *dub.* 20. n. 5.

(d) Perrimezzi vita di S. Fran. l. 2. c. 2.

partibus; a Vallisnerio, Bianchio, & aliis memoratum, quod vivum ad nonum usque mensem pervenerat. (a) Hujusmodi quoque, si viva egrediantur, baptizanda erunt præmissa conditione: cum ex idea corporis ad humanam speciem clare pertineant: quamvis, quomodo vivant, nesciamus.

12. Si vero quod nascitur omni forma deficiat; baptismum non tribuemus: mola enim, vel falsum germen, vel polypus, non foetus erit. Mirabile tamen est quod in Sancti Elzearii historia traditur. (b) Amphibisia Elzearii propinqua, & Grimoaldi Viri Principis uxor, post efferatissimos dolores monstrum effudit, quod continuo motu suo astantes perterrebat. Humanum non videbatur, cum humana specie careret; sed neque belluinum, quia bruti similitudinem non præseferens: erat enim omni forma destitutum.

Elzearius, qui forte aderat, conjugum lachrymantium miseratione commotus, ac fervidissime flexis genibus orans, carneam hanc molem in infantem insolitæ pulcritudinis convertit, ad cujus vagitum cæteri divinam potentiam admiraturi accurrerunt. Prædixit insuper oïm fore, ut infans ad summum Pontificatum assumeretur: & revera Pontifex ille factus Urbani V. nomine celebratur. Simile prorsus miraculum de infirmi carne in venustissimum parvulum conversa a D. Vincentio Ferrerio patratum, ejus vitæ Scriptores enarrarunt. (c) Itaque asserere oportet, massas illas aliquam, internam saltem, configurationem habuisse, vel casus fuisse penitus extra ordinem, nec trahendos in exemplum: massæ enim carneæ informes molæ sunt, vel concretiones polyposæ, vel similia, non autem homunculi; disseccandæ tamen ut appareat num forte in se ipsis

(a) Bianchi *de nat. generat.* p. 245.

(b) Borelli *vita S. Elzearii cap.* 7.

Prinsivall. *vita ejusdem* l. 1. c. 13. n. 4. & lib. 4. c. 10.

(c) Valdec. l. 3. c. 44. *Soveges in vita.*

Tioli *in vita* l. 3. tract. 2. c. 16. n. 6.

ipsis foetum contineant, quod pluries evenisse notavimus. (a)

13 Sed ad principalem alteram quaestionem descendamus: utrum scilicet anima sit una, vel plures. Hic autem in memoriam revocandum est, quod alibi diximus: nimirum, ubi duo quidem ovula maturitatem simul fuerint assequuta; utrumque eodem tempore a virili semine foecundari: quapropter gemelli nascentur. Itaque si ovulis his tenuissimae secundinulae casu rumpantur; Embryones, quamvis uterque propriam animam forte prius acceperit, viciniore inter se fiunt, & quandoque ob uteri pressionem conglutinantur, atque invicem inseparabiliter concrescunt. Id etiam accidere potest in foetibus, quorum alter superfoetatione sit genitus. At majus est hujus mali periculum, si duo verigemelli sub iisdem membranulis germinent: eo enim casu de facili monstra duplicia oriuntur: ita duo feminum vegetabilium granula in avenacea fistula, vel simili tubulo inclusi cohaerent, & uniuntur, floribus inde

duplicatis enascentibus. Ita etiam ex diversarum arborum insitione fructus monstrosi, & duplices pariuntur. Equidem ea ratione palmae amygdalas vidi, quarum nucleus amygdalinus, cortex vero male persici, seu duracini. Imo nonnumquam vulneratis, decorticatisque digitis, ac balsamo illitis, ligamenta imposita id effecerunt, ut ipsis deinde solutis, ex duobus inter se cohaerentibus unus jam digitus evasisse videretur.

14. Si ergo monstrum duo habet corpora, quamvis unita, quorum unumquodque propriis gaudeat membris; qualia sane apud Paræum observare licebit; duplici baptismo, eoque distincto, donatur: (b) cum certo duo sint homines, ac duæ similiter animæ: nisi imminens mortis periculum, dum utrumque lavamus, unicam formam adhibere nos cogat, dicendo: *Ego vos baptizo &c.*

15. Aliquando in monstro duo capita, duoque pectora conspiciuntur, etsi cætera membra non

Ss

sint

(a) Lib. I. c. 12. n. 14. & Lib. 2. c. 4. n. 12.

(b) Ritual. Rom., & S. Carol. Instr. pro Bapt.

sint duplicata. Et hic tamen duplex administratur baptismus: (a) cum ex Rituali Romano ambigi non possit, duos esse homines principalibus membris instructos.

16. Ubi vero in uno corpore duplex est caput, quod animæ sedes est maxime præcipua; probabilius quidem censetur, duos esse homines. Verum cum inter Philosophos de hoc non conveniat; unum ex capitibus absolute, alterum cum conditione, *si es alius homo*; baptizatur: quod si duo illa capita essent inæqualia; principalius absolute, alterum adjecta conditione lustrabitur. (b)

17. Si tamen sub uno capite plura sint pectora, vel etiam corpora; unus esse videtur homo, ut Divus Carolus docet: (c) Cæterum cum etiam Acephali vivi aliquando

repti sint, ejus opinio dubitationem patitur. Igitur, ut plerique alii Theologi sentiunt, baptizandum est primo absolute caput, deinde sub conditione pectus illud, quod capiti non correspondet, quodque fortasse poterit ad alterum hominem pertinere. (d) Idem dicendum de Polycephalis, seu plusquam duo capita habentibus. (e) Hujusmodi monstrum cum septem capitibus, totidemque brachiis Novaræ natum An. 1587. Aliudque simile Pordenone apud Forum Julium An. 1625. dedere Schottus, & Aldovrandus. (f)

18. Atque hæc de baptismo monstrorum summatim dicta sint: id tamen moneant Parochi: monstra non occidenda, sed Parochis ipsis accersitis ostendenda: ut ii de baptismo administrando decernant:

(a) S. Carol. ibidem.

(b) Clericat. de Bapt. decis. 51. dub. 9. n. 6. & dub. 20. n. 9.

(c) S. Carol. in Instr. pro Bapt.

(d) Cleric. de Bapt. decis. 51. dub. 20. n. 5.

Roncaglia de Bapt. c. 4. cum Benacina, & aliis.

(e) Ex Gobat. de Bapt. n. 276. & Cleric. decis. 47. dub. 9. n. 6.

(f) Schott. in Phyl. cur. c. 5. §. 1. 2. & 3.

nant: & si opus fuerit peritos, imo etiam si tempus forte suppetat, Episcopum consulant. Ubi autem illa rationali anima informata credantur; neque post ipsum baptismum interimenda erunt: imo si vitalia appareant, ut nani, gibbosi, ac similes, ea Parochi educari jubebunt: si autem omnino turpia visu, & prorsus horrida, sponte sua morientur: hujusmodi enim vitalia esse non solent: ad summum ergo hæc ultima jam baptizata de se mori sinantur, cum ea positive perimere nequaquam liceat. In perillustri hujus Regni Civitate bis mihi contigit eorum admirari sævitiam, qui monstrosos occiderant foetus, nihil interea de eorum baptismo

cogitantes. Profecto Romani, ex Lege duodecim Tabularum ab Atheniensibus mutuata, monstra in Tiberim projiciebant. Proclive ergo erit etiam nostræ ætatis hominibus, præsertim rudibus, qui ob institutionis catechisticæ defectum, sæpe vix ab Ethnicis, nisi charactere, ac nomine Christiano discriminantur, ea ipsa fastidire, quæ olim honesta videri potuerunt legislatoribus tam sapientibus, ac a populis tam cultis pro lege servari. Atque ea ratio fuit, cur in novo Siculi Regni Statuto, nuper condito, (a) expresse de monstris non occidendis, sed Parocho præsentandis misericordiam, ac salutari providentia sancitum sit.



Ss 2

CAPUT

(a) In Append. Monum. IV. n. 13.

CAPUT X.

Nascentes pueros frequenter Asphyxia corripit, & mortuorum specie apparere.

1. **E**t si quamplurima huc usque pro æterna infantulorum salute dixerimus; nescio, utrum aliquid majoris momenti adduci poterit, quam quod præsentis capitulo monituri sumus: eos nimirum in partu præsertim difficili nascentes plane defunctos interdum videri, & aliquando diutius, quum tamen re ipsa vivant, nec nisi continuatis auxiliis ad se redire. Ita Facultas Medica Vittembergensis, (a) ita Bohnius, ita Bruhierius, ita Deventerius: ita demum innumerabilibus adacti experimentis obstetrices omnes, Medici, atque Chirurghi, qui de partu scripserunt. Juvabit hic aliqua ex Bruhierio collecta exempla summatim attingere. Is tomo primo infantulum habet, qui nullum vitæ signum præbuerat,

quamvis per tres a nativitate horas multa in eo excitando pertentata fuissent experimenta, & nihilominus deinde recuperatus est. Secundo vero tomo septem alios recenset: his autem quatuor addit in supplemento, & alibi plures, quamquam in genere, tum ab Hannemannio, tum a Grubelio memoratos. (b)

2. Hæc præterea perfecta mortis imago non solum in nascentibus, verum etiam in pueris aliis, licet adultioribus, non raro confurgit. Et sane qui a sexto ætatis anno, & infra tantum ab eodem Bruhierio referuntur, id satis evincunt. Nam tomo primo (c) quatuor indicat parvulos, qui submersi fuerant: quorum unus deinde solo linteo coopertus, ac intensissimo

(a) In consult. sup. Process. apud Bohnium de Relat. diss. 1. Bruhier. t. 2. c. 4.

(b) Hanneman. in Miscellan. Nat. Cur. Decad. 2. Anno 7. Observ. 67. Grubel. in Miscell. Nat. Cur. Decad. 2. Anno 10. Observ. 44.

(c) Cap. 1. §. 8.

fissimo frigori expositus, per decem horas pro vere defuncto est habitus: quibus alios quinque pueros adjungit, variis morbis labe factatos. In supplemento vero historiarum ejusdem tomi, quos antea retulerat, iterum describit, ac tres alios præterea super addit. Ex his unus anniculus erat, ac sub mortui figura tredecim horis vita omnino latente permansit. Alius, ut videbatur, a frigore enectus, quindecim horis in feretro perduravit.

Mirabilia tamen alibi exempla subministrat, pueri scilicet ex Valentino, (a) qui nonnullos plane dies atrocissima Syncope detentus sub mortui figura transegit. Aliud ex Chergerio, (b) in quo parvulus putabatur extinctus a frigore, qui tamen post quatuor dies ad ignem calefactus tandem aliquando revixit.

Demum hæc ipsa prodigia in aliis quoque tradit observari ani-

malibus tenerioris ætatis. Germanus enim Scriptor de arte revocandi submersos ad vitam, ab eo relatus, duos gallinaceos pullos aëre insufflato vitæ muneribus restituit, qui penitus mortui aestimabantur. Et hæc sane Bruhierius.

3. At ipse nonnulla hujusmodi facta, nequaquam contemnenda testabor. Et quod attinet ad pueros non recenter exortos; Confobrinus quidam meus triennis jam de more compositus fuerat, & in feretro pro jam exanimi collocatus, cum tamen, uti postea detectum est, interea certissime viveret.

Alius Palmæ, quo in oppido Parochus olim fui, ad sepulturam cum biennis deferretur, inopinato gemitu edocuit, quam male ipsius humationem domestici falsa ducti opinione decreverint. Tertius Monte-Regali, non multo antequam ibi Generalis Vicarii munus iniissem; in sepulchralem foveam

S s 3

immissus

(a) Acta Nat. Curios. t. 1. Observ. 30. Valent.

Bruhier. t. 2. c. 5. fol. 303.

(b) Cherger. de Ferm. sect. 1. c. 6.

Bruhier, tom. 2. c. 5. fol. 313.

immissus fuerat, qui vagitu deinde se plane viventem ostendit.

Item Palmæ infantulus ad Ecclesiam ante delatus, & in sede confessionibus destinata positus, quousque divina psalmodia persoluta, sepulturæ tempus advenisset; vivus tandem ab ædituo invenitur. Populari errore putabat iste, mortuos, qui fortasse resurgant, esse cruce protinus occidendos, vitali scilicet signo in feroce mortis instrumentum commutato. Verum hic dubitavit, utrum grandi-ori cruce, quæ adultorum, an minori, quæ parvulorum funus ducere consuevit, infantem occidi oporteret. Itaque mirabilis huiusmodi scrupulus infantuli mortem remoratus est. Ædituus enim de re consulturus, ad parochum antecessorem meum festine cucurrit, qui eum a nefario facinore deterruit.

4. De pullis vero domesticum exhibebo experimentum. Mures duorum pipionum nidum, ante dies octo natorum, invaserant, eosdem fauciaverant, exanimisque reliquerant. Famula gelidos,

rigidos, immobilesque, ac sine ulla vitali functione repertos, ad quiscuilibet deiecerat. Sed sorore in ea iubente denuo recepti, & ab ea ad ignem admoti brevi revixerunt. Ex his unus perfecte convaleuit, adolevitque: alter qui a muribus variis fuerat in partibus foede corrosus, etsi balsamo linitus, atque curatus, post mensem obiit, lenta emaciatione consumptus.

5. Nunc venio ad parvulos in ipsa nativitate consideratos. Panormi non multis ab hinc annis puerulus cum ortus esset, visus est omnino mortuus. At Paulus Puccius Presbyter & Medicus arte magistra de huiusce mortis veritate nihilominus dubitans, ipsum sub conditione baptizavit: & ecce aqua frigida sacrae lotionis aspersa, eundem continuo revocavit ad vitam.

Aliæ Dicecesis Cephalæden-sis oppido Margarita de Michaelē accelerato ex terrore partu, ac doloribus per biduum productis 16. Cal. Octobris Anno 1756. infantem peperit. Is aliquas habebat corpusculi partes plane lividas,

das, pedes vero, atque crura ex-
coriata: imo ubicumque ipsius cu-
tis attingeretur, dehilcebat, & a
carne separabatur. Cum autem
nullum interea vitæ argumentum
suppeditaret; mortuus obstetrici
non minus, quam adstantibus cre-
ditus est. Verum quia Stephanus
Berardi Parochus, me insinuante,
obstetrices antea permonuerat,
ne parvulos nascentes, quamquam
in speciem defunctos, negligenter,
sed adjuvare studerent; Parochum
accerfivit. Accurrens ille dome-
sticorum animos erexit, & fini-
stram parvuli papillam exugî præ-
cepit. Ad hoc ille colorem pro
majori corporis parte album in
obscurum, & nigrescentem con-
vertit, deinde in balneum calidum
depositus brachia distendere cepit,
ac motibus indicare præsentis ani-
mæ vim. Parochus igitur illum
cito baptizat, & umbilicalem fu-
niculum adhuc ventri adhærentem
torreri jubet. Quo facto infan-
tulus vitæ munia recuperavit: de-
inde post 12. horaria minuta mor-
tali sarcina liberatus. In eodem
Aliae oppido Nuntia Salerno 17.
Cal. Maji Anno 1757. tergeminos
enixa est. Primum ex his, atque

secundum valentes ac vegetos, ter-
tium vero duobus quidem denti-
bus in superiori maxilla, totidem-
que aliis in inferiori præmature in-
structum, sed macrum, ac lividum.
Eum obstetrix diligentissime per-
scrutata omni pulsatione, motu-
que, ac omnibus vitæ indiciis de-
stitutum reperit: proinde jam an-
tea materno in ventre demortuum
& baptismatis incapacem judica-
vit. Cum tamen accurati Paro-
chi objurgationes pertimesceret,
post horam fere dimidiam rem illi
denuntiari mandavit. Venit ille,
tentataque parvuli jam gelidi arte-
ria, pulsus in ea quamvis debi-
lem, redeuntem tamen adi invenit;
cumque aliud non haberet ad ma-
nus, corpusculum aqua frigida in-
spersit. Exinde parvulus os, &
oculos aperire, artubusque mo-
veri, ac paulatim convalescere vi-
sus: deinde in ecclesia cum sociis
baptizatus, non ante 12. Calen-
das Maji defunctus est: & frater-
culi quidem etsi vividi exorti,
quartum nihilominus vitæ diem
non excefferunt: ipse quinto et-
iam superato, post trigesimam sci-
licet horam ab ultimi decessu, evo-
lavit ad superos.

6. Neapoli 3. nonas Maji Anno 1755. infantulum a moriente matre manu Chirurgica extractum, cum per omnia exanimis videretur, nudum in stabulum domestici projecerant: Medici enim, Sacerdotes, obstetricesque duos ante dies vita spoliatum fuisse judicaverant. At eum Cajetani Bonanni Equitis Hierosolymitani, quem nominasse laudasse est, eximia charitas ab Eustachio Stafutio de animarum salute benemerito, mihiq; amicissimo conquiri, & iterum examinari curavit. Stafutius in ejus corde duas vel tres tantum pulsationes observavit, corde post eas penitus quiescente. Ipsum igitur baptizavit, sed sub conditione, veritus ne forte post ultimam pulsationem infantulus animam exhalasset. At ejus vitæ, dum baptizaretur, duratio non ita multo post evidenter eluxit: nam ex ipsius fonte pulsatili brevissima oscillatio emerfit, quæ tamen post paucissimos ictus disparuit numquam amplius reditura. Tria hic possem subjungere exempla Panormitana, duorum scilicet puerorum in stabulo, alterius vero alio in loco projectorum; sed cum præce-

denti sint valde similia, quartum sane relatu dignius expromam.

7. Agrigenti Benedicta Ingrao Villica ex Parochia Cathedralis Ecclesiæ 14. Cal. Aprilis 1757. temporanei partus dolores per horas ferme 21. toleraverat, ac solitæ jam aquæ manaverant; cum tertia Italici horologii hora sinistrum brachium infantulus emisit. Obstetrix illud in uterum retrudere conata, cum nihil consequeretur, & ex hoc ipso difficulatem partus conjiceret; ac ex motu manus, & digitorum, ex calore, sensu, ac pulsatione arteriæ illius vitam aperte cognosceret, ipsum baptizavit.

Reliquum exinde noctis, at frustra, in dirigendo partu, etsi juvenis, ac robusta consumpsit: nam pueri brachium in uterum reponere nequaquam valuit: sed circa horam nonam, cum parturiens rigoribus, vomitu, contorsionibusque sævissime divexaretur: brachium vero parvuli pulsationem, sensum, calorem, & motum amisisset, imo gelidum, ac tumidum effectum esset; puerum quidem
iam

jam penitus defunctum, puerperam in vehementi mortis discrimine constitutam censuit. Igitur eam ultimis Ecclesiæ Sacramentis muniri iussit: quod summo Dominicæ diei mane factum est: deinde pro violenta foetus extractione Chirurgum Antoninum Riccium advocari mandavit. Is qui artem suam in quindecim aut sexdecim hujusmodi extractionibus insigni civitati probaverat; hora 15. præfatae diei venit, & brachii retrusionem iterum, iterumque tentavit, at semper incassum: præsertim viis jam alteratis, & aquis ad faciliorem reddendum partum destinatis multo antea delapsis. Brachium interea ipsum observavit gelidum, ac omni sensu, motu, pulsatione privatum; quocirca, & ipse mortuum judicavit infantem. Nihilominus quo situm illius & latentem forte vitam diligentius exploraret; manum propriam summa tamen cum difficultate intromisit: eamque retulit mechonio conspurcatam: ac propterea de pueri morte iudicium fidentius confirmavit. Mater interea vomitibus, rigoribus aliisque symptomatibus adauctis ad interitum pro-

perabat. Igitur Chirurgus ad violentam parvuli extractionem devenire decrevit: ac primo hora 16. sinistrum illius brachium ad scapulam usque præcidit, ex quo non multo plus, quam duæ cruoris unciae defluerunt: sanguine scilicet ex motus defectu ad coagulationem disposito. Deinde ut reliquum corpusculum convenienti situ componeret, quo postea vel totum simul uncino, vel manu, vel in frustra demum erueret, non parum temporis insumpsit. De lassatus autem obstetricis alternam operam petiit, & cum illa tandem aliquando post duas contentionis horas, licet ægerrime, infantulum extraxit.

Egressum omnes, cum nullum in eo motum vidissent, certissime defunctum putavere: quamquam ex materno uteri calore adhuc tepidum, & in cubiculi angulo sepositum dereliquerunt. Chirurgus in ea domo per dimidiam horam puerperam, ut fit, solaturus permanerat, sed hora 18. cum dimidia dum discessum inde pararet, casu circumspicit, ac motum in scapulis jacentis parvuli cernit.

Tt

Qua-

Quapropter vivum intelligens, pannis calefactis illico fovet. Exinde aperte ille respirare cepit. Igitur a Chirurgo iterum sub conditione baptizatus est, ac vulnere curato, adeo paulo post se vividum, & florentem exhibuit; ut modico temporis intervallo, nimirum ipsius diei hora 20. eum ad Ecclesiam pro cæremoniæ suppletionem deduxerint. Deinde sensim languescens, ad horam duodecimam feriæ tertiæ sequentis æternum victurus occubuit: eodem die cum pompa, & populi acclamatione sepultus. Ex quibus constat, parvulum istum sub vere demortui veste per horas ferme novem cum dimidia perstitisse: nimirum ab hora nona Dominicæ, usque ad decimam octavam ejusdem cum dimidia; quamvis interim hora 16. brachio ipsi truculenter amputato, quod illi mortem creare, vel saltem accelerare debuerat: nec nisi post quadragesimam secundam ab extractione horam obiisse: quæ omnia Petrus Antonius Cicero Cathedralis Ec-

clesiæ Agrigentinae Canonicus, & Parochus, puerpera, obstetrice, Chirurgo, atque Presbytero adjutore suo, quam diligentissime, ac minutissime pluriesque examinatis, mihi de scripto vehementer mirabundus pro veteri amicitia communicavit.

8. Consonat autem his quotidiana obstetricum, præsertim diligentiorum experientia, & non improbabile testimonium. Plures enim ex istis mihi sunt passæ, infantes, qui primo intuitu veluti exanimæ prodeunt, ac deinde sive naturæ solius beneficio, sive adjumentis externis, quamquam leviter, ac veluti superficie tenus fere semper adhibitis, ad se revertuntur; si putrefactos a computo excipias; majori esse numero præiis, qui nequaquam amplius ad usuram vitæ resurgunt. Præterea totum hoc opus consimilibus undequaque scatet historiis, quæ hallucinationis facilitatem in hac materia lectorum prudentiæ comprobabunt. (a)

9. Et

(a) Embryol. Sacr. lib. 1. cap. 2. n. 3. & c. 3. n. 7. & cap. 12. n. 3. ad 7. & lib. 2. c. 1. n. 14. & cap. 3. per tot. & c. 4. n. 9. & cap. 13. n. 1. & 3. & lib. 3. cap. 4. n. 1.

9. Et quidem communia, & regularia mortis indicia sunt privatio motus, respirationis, & sensus. Hæc autem non raro in apoplexia, lethargo, catalepsi, extasi naturali, similibusque decepte: præsertim vero in syncope seu deliquio. Tres hujus revera species a Medicis numerantur: quamquam omnes communi etiam synopis vocabulo soleant appellari. Prima est Lipothymia, seu Lipopsychia, in qua sensus, calor, pulsus, corporisque vigor valde homini affecto minuuntur. Secunda proprie dicitur syncope, in qua prædicta omnia cum ipso motu propemodum delentur, frigidi sudores emanant, & infirmus magis mortuo, quam viventi similis evadit. Tertia demum Asphyxia, sive perfecta, & validissima syncope, quæ totalem, & periculosissimam infert antedictarum facultatum, & respirationis ipsius privationem; adeo ut æger defuncti similitudinem penitus referat. (a)

10. Hoc malum nihil est aliud, quam cessatio motus in corde, ex qua sequitur cessatio motus articularum, & respirationis: pallet proinde vultus, ad cadaveris formam, (b) calor præterea fugit, subintrat frigus, & in corpore universo perfecte quiescente mortis imago depingitur: quocirca rectius Acinesia, quam Asphyxia diceretur. Ita motu horologii quamvis integri, & bene compacti, ob aliquod, etsi tenue, obstaculum intermisso, rotæ omnes, & instrumenta sistuntur, ac si confractum illud esset, ac labefactatum: ad levem nihilominus tactum pristinum cursum quandoque instauraturum.

11. Profecto tertiæ speciei deliquio detenti, uti celebres Boerhavius, & Hoffmannus (c) cum innumeris aliis nostri sæculi Medicis docuere, inter vitam, & mortem in statu veluti medio consistunt: nimirum vivunt quidem,

T t 2

quod

(a) Sylv. l. 17. Prax. c. 345. §. 68. Ettmuller. t. 2. sect. 16. c. 3. f. 751. de Lipot. Syncope &c.

Boerhav. Patholog. n. 829. ubi Haller.

(b) Nimann de Apoplect. c. 31.

(c) Boerhav. Physiol. n. 42. ubi Haller. fol. 54. Hoffmann. Medic. rat. l. 1. sect. 1. c. 2.

quod eorum anima etiamnum corpori sit unita, & mortui quodammodo sunt, quia nullum habent, sensibile saltem, vitalium facultatum exercitium; revera deinde morituri, si cor adipe suo interim condensato, mobilitatis jacturam faciat, (a) vel si illi nimis diu in Asphyxia perseverant. Cum enim in eo statu cesset quoque transpiratio; particulæ excrementiæ non amplius e liquidis segregantur: quidquid igitur impuri stagnat in vasis, non solum liquida incipit vitare, sed etiam ipsa organa motus ad sanguinis præsertim circulationem ordinata, quæ propterea imposterum redintegrari nequibit.

12. At vero si nondum perniciosi hujusmodi effectus consecuti sunt, vita resurgere poterit: ac multo magis, quia cor, quod primum est mobile, ac præ omnibus corporis partibus irritabile, motum suum facillime resumere, eumque sanguini, pulmonibus, intestinis, totique machinæ comuni-

care solet: quod non solum Harvæi, & Guarinonii experimenta, sed ultima etiam ab Hallerio facta, & in suo opusculo de Irritabilitate, & sensibilitate partium relata confirmant. (b)

13. Deliquium si causa ipsius inquiratur, Ettmullero adnotante, passim oritur ex dissipatione, vel concentratione spirituum: si enim isti non amplius ad machinæ corporalis regimen, cordisque sufficiant; cor ipsum sistitur, & cum eo motus, & actiones omnes: ideoque arteriæ, sensus, respiratio conquiescunt, indeque frigus, ac mortis pallor exoritur: & eo facilius, ut is Auctor admonuit, in molestissimum hunc paroxysmum incurrit homo, quo rarioris est, ac delicatioris texturæ, & quo mobiliiores habet spiritus, magisque propterea dissipabiles.

14. Cæterum Asphyxia & ipsa tres habet gradus: primus est, cum spiritus dissipati non sunt, sed

(a) Haller. de irrit. & sensib. part. p. 2. fol. 120.

(b) Haller. ibid. p. 2. fol. 120.

Voultar. apud ipsum.

sed concentrati, quod sæpe accidit in Exstacticis: aut saltem non in magna copia dissipati: & in hoc statu infirmus a semetipso ad vitæ functiones regredi potest: siue quia spiritus concentrati se expediant, siue juris evadant, siue quia spiritus illi, qui post aliorum dispersionem, ac fugam in sanguine perstiterunt, vim suam aliquando exerentes novum impetum faciant: præsertim si liquida, ut in quibusdam fit, ad pristinum cursum resumendum sint proniora. Atque ita contigisse credendum est infantibus illis, qui pro mortuis derelicti, denique sine aliorum auxilio redierunt. Idemque dicendum de plurimis adultis non solum asphyxia prostratis, vel Apolecticis; sed carbone, similibusque, vel etiam, quod certe mirabilius est, laquei constrictione præfoecatis; (a) quibus præter obstaculum, quo respiratio, cordisque

motus intercluditur, violenta supervenit Apoplexia. (b) Secundus gradus eorum est, qui recuperari non possunt, nisi artis medicæ industria, & adjumentis, & quandoque diu continuatis. (c) Ex his quamplurimos, omnis ætatis, præsertim vero nascentes parvulos perire necesse est, cum enim eos consanguinei ac familiares absque dubio defunctos existiment: propter inscitiam cum incuria conjunctam derelinquunt: imo si parvuli sint, & paulo ante nati, etiam nudos eo interdum abjiciunt, ubi a domesticis canibus discerpuntur. Tertius tandem gradus ad eos pertinet, in quibus, animalibus spiritibus jam consumptis, coagulari coepit sanguis, & in procinctu est, ad vasa propria quam citius alteranda. Hi physice vivi, moraliter mortui censendi sunt, veluti qui lethale, & insanabile vulnus acceperint, vel qui

Tt 3

ab

(a) Bruhier. t. 2. c. 3. fol. 247. & seq.

Ranchin de morb. subit. c. 1.

Lancis. de morte subit. lib. 1. c. 13.

(b) Lovis. de cert. sign. mort. memor. de Subm.

Bruhier. t. 2. c. 6. fol. 378.

(c) Essais & Observ. de Medic. de la Societ.

di Edimb. art. 77. apud Bruhier. t. 1. c. 1. §. 12. f. 325.

ab altissima turri dejecti per aerem irreparabili ruina volutantur. Infantulos autem in nativitate huic tertio Asphyxiæ gradui præ omnibus natis frequentissime obnoxios infra luculenter, & abunde probabimus.

15. Interdum vero magna deliquia naturæ sunt artes, quæ peri-

tissimi ducis more spiritibus disgregatis, atque dispersis, receptui veluti canit, ut eos iterum congreget, quo majori deinde impetu inimicum invadat atque debellet. Constat enim, ipsam post gravissima deliquia, quod etiam quandoque observatum est in Exstacticis, perfectam de morbo victoriam sæpe retulisse.

C A P U T XI.

Quomodo vita sine respiratione, & sanguinis circulatione, saltem apparenti, quandoque subsistat?

1. **A**t indagandum, quonam pacto homo in Asphyxia quamquam cordis motu, vitalibusque functionibus, quæ ab hoc motu pendent, ac præsertim sanguinis circulatione privatus, vita non cadat? Nonnulli Galeno duce (a) putant, hominem, vel in violentissimo hujusmodi Paroxysmo, cordis motum prorsus non amittere: manere tamen in hoc organo exilissimum quasi tremorem, qui sensus nostros omnino fugiat; & consequenter prosequi etiam debilissimam respirationem, & circulationem sanguinis insensibilem, sine qua æger a morte instanti opprimeretur. Atque ita quidem Pitcarnius. (b) Alii vero nexum inter circulationem, a cordis motu procedentem, & vitam non adeo insolubilem arbitrantur, ut prima semel intermissa, illico & in instanti cesset necessario secunda: sed

(a) Galen. de. prælag. ex puls. l. 1. c. 3. fol. 106.

(b) Pitcarn, p. 2. dissert. de caus. div. mol. §. 20. & 21.

sed rem esse moraliter accipien-
dam. Itaque posse per aliquod
temporis spatium, in quibusdam
saltem circumstantiis, durare vi-
tam, quamvis circulatione inter-
rupta: tum vero ligamen inter
corpus & animam naturæ lege
dissolvi, cum non solum quieverit
sanguis, sed in eam quoque di-
spolitionem deciderit, ut ad mo-
tum suum repetendum assurgere
deinde non possit. Cæterum si,
quamvis modo ipse non decurrat,
possit nihilominus iter suum brevi
resumere; hominem non prorsus
exanimari, sed inter vitam, &
mortem veluti pendere suspensum,
quousque sanguis vel ad solitum
cursum redeat, vel in fatali illa
quiete relictus, & corrumpi jam
incipiat, & circuli sui organa cor-
rumpere, motusque harmonici re-
stitutionem impossibilem red-
dere; ideoque tunc, & non ante
humanæ vitæ stamina penitus in-
fringi.

2. At quis non videat, ad hæc
omnia notabile spatium temporis
requiri? Quapropter in malis hu-
jusmodi repentinis non difficile
contingit, ut non solum antedicta

motus organa, sed ipsa liquida il-
libata remaneant, quo possit in
posterum circulatio interrupta re-
stitui: secus ac accidit in ejusdem
circuli cessatione post morbum
graviolem, qui per gradus infir-
mum ad mortem usque perduxerit:
eo enim sæviente, mobile,
scilicet sanguis, paulatim corrup-
pitur, viæ, per quas movetur,
notabiliter alterantur, ac ipsum
præterea movens (animales nimi-
rum spiritus) omnino tandem ex-
tinguitur; quocirca pristina circu-
latio nequibit iterari. Harvæus
cum aliis pro hac secunda stat opi-
nione, atque arbitratur, motum
cordis in Syncopticis, eorumque
respirationem penitus intercipi.
Crederem, quod sicuti in quibus-
dam cordis motus, nobis licet oc-
cultus, perseverat; ita verisimil-
imum sit, in aliis omnino intermit-
ti. Ut ut sit, id non admodum
intererit: quandoquidem fere idem
est pro dignoscenda hominis mor-
te, vel vita, eum vitali motu
prorsus carere, vel habere qui-
dem illum, sed nobis penitus im-
perceptum.

3. Hoc autem in comperto est
apud omnes, manere scilicet vitam

quous-

quousque maneat lenta saltem, & insensibilis circulatio; & bene posse hanc ipsam in syncopis, licet efferationibus, perdurare, quamquam nullum ejus vestigium internoscat. Ponamus, ut bene perpendit Pitcarnius, (a) pectus ad instar sphæroidis, habere in sua minori diametro quindecim digitos, viginti vero in majori; sed minorem dilatari saltem pro centesima parte digiti; ejus cavum ad tres digitos cubicos procul dubio augebitur: quia vero eodem tempore non solum major pectoris diameter ad abdomen protensa non minuetur, sed etiam necessario excrescet propter motum diaphragmatis versus abdomen; eo casu, quamquam statuamus, hanc aliam dilatationem fieri pro tenuissima parte prædictæ majoris diametri: poterit nihilominus in thoracem satis magna moles aëris irruere; ac tantillum proinde pulmones ampliare, nullo interim motu in pectore observato: ita ut possit etiam insensibilis respiratio, ac

tenuissima sanguinis circulatio conservari. Et profecto si in vitreo canaliculo includantur pisciculi, quamvis primo intuitu plane demortui censeantur, & motu destituti: deprehendetur nihilominus per microscopium eorum sanguinis circulatio. (b) Cæteroqui non dubitatur Syncopticos, Histericas, Apoplecticos, Catalepticos, hisque similes absque minimo arteriarum sensibili motu per tempus valde notabile in vivis persistere; hanc vero eorum vitam tenuissimæ sanguinis circulationi ab occultissimo cordis tremore dependenti esse adscribendam. Cor enim in affectionibus repentinis, ac violentis non facile motum suum penitus amittit. Id Caramuel (c) in corde porcelli expertus est. Hoc sane quamvis a corpore divulsum, attamen systolem suam, atque diastolem per horæ dimidium languidius, ac languidius alternabat. Et Joannes Baptista Hodierna (d) in corde viperæ simili modo exciso per duas horas tremu-

(a) Pitcarn. p. 2. *Dissert. de Caus. Div. Mol.* §. 21.

(b) Bruhier. t. 2. c. 5. fol. 521.

(c) Caramuel. in *Theol. fundam. Moral. fundam.* 66. n. 14.

(d) Joannes Bapt. Hodierna *Anatom. dent. viper.* fol. 10.

tremulam pulsationem observavit. In ranis tamen vidit Baglivus non solum per semihoram, & aliquando per horam extirpati cordis ordinatum systoles, atque diastoles motum; sed etiam corde avulso, & in frustula dissecto, in frustulis ipsis: quod si aliquoties elanguescerent motiones; ipso corde, vel ejus frustulis acu punctis, vel halitu, solisve calore confotis, brevi renovabantur. (a)

4. Verum supponamus, cordis organum ne quidem lente moveri, sed ex toto quiescere; nihilominus tum in natis, tum in nonnatis poterit ex solo arteriarum, & venarum mechanismo perdurare lenta sanguinis circulatio. Arteriae namque juxta Verhejenium (b) ab earum tunica musculari, seu fibrata, quandam peristaltici motus veluti speciem recipiunt, qui proprius illarum est, neque a cordis systole, atque diastole mutuatus; ac simili motu exercentur venae

æquali tunica instructæ, & ad sanguinem ulterius in sua circulatione semper propellendum comparatæ. Nam sola systolica, atque diastolica vis cordis nequam sufficeret, ut sanguinem ad cor ipsum a corporis extremitatibus venae reportarent. Et quidem nonnulli reperti sunt monstrosi foetus, qui corde penitus carebant, cum nihilominus ipsis circulatio sanguinis non deesset: quandoquidem crescentes ad nativitatem usque vixerunt. Ita sane accidit non solum Bononiensi monstro a Vallisnerio descripto, sed & aliis tribus a Winslovio memoratis. (c) In his igitur sanguinis circulus ex sola tunicarum muscularium virtute procedebat. Haller etiam in quodam pisce sanguinis cursum, quamquam cordis motu prorsus finito, permanentem se vidisse auctor est. Idemque in alio pisce, atque in rana, quibus ipse cor extirpaverat, perspexisse. (d) Rana vero Baglivo teste, atque

U u

obser-

(a) Bagliv. *dissert. de exper. Anatom. exper. II.*

(b) Verhejen. *Anatom. t. I. tract. I. cap. 4. & tom. 2. tract. 4. c. 4. & 6.*

(c) Vallisner. *de Gener. anim.*

Winslov. *t. 6. Opusc. observ. Anatom. fol. 202.*

(d) Haller. *de partib. irritab. & sensib. sect. 2. fol. 101.*

observatore, quamquam corde, ac visceribus omnibus naturalibus excissis, non solum vivit ad horas aliquot, & capite, ac toto corpore movetur; sed & saltat, & natat: & interea in ejus sanguine solita circulatio clarissime, commodissimeque spectatur. (a)

5. Quod si supponere placeat syncopen, aliudve simile malum fuisse atrocissimum, & sanguinem omni motu circulari sensibili, & insensibili spoliasse; non ideo necessario, ac statim hominis vita cessaret: posset enim, his non obstantibus, in eo conservari motus ille, quem Medicinæ Scriptores intestinum appellant, quique a blanda, & naturali particularum sanguinis heterogenearum fermentatione procedit: isque sufficiet ad naturalem calorem, & vitam saltem in intimis corporis partibus interea conservandam, (b) & ad circulationem per idonea remedia revocandam. Uno verbo, manet non raro in humani corporis liquidis, cum spes omnis absumpta est,

quoddam operationis animalis occultum residuum, ac veluti vitæ semen, atque scintilla, quæ tempestive confota ad vitæ lumen iterum accendendum, & ad vitales omnes functiones in integrum restituendas aliquando valebit. Semen etiam, five scintilla vitæ dicendi sunt residui spiritus animales, præsertim in tubulis cerebri remanentes: indeque fit interdum, ut ægri ad se redeuntes mirabilia, dum mortui crediti sunt, sese vidisse, testentur: quod sicuti quandoque supernaturali causæ merito adscribitur, ita & non raro ab ipsius animæ virtute phantasiæ imagines perlegentis, & contemplantis provenisse dicendum est: quamvis enim spiritus antedicti ad circulationis, & respirationis instrumenta movenda pro eo statu sint plane impares; sufficiunt nihilominus ad idola illa efformanda, vel saltem revolvenda & disponenda, quæ menti eo tempore obversantur. Cum autem anima possit etiam in his circumstantiis aliqua saltem cogitare, quod

(a) Bagliv. *Dissert. de exp. Anatom. exp. 11.*

(b) Peclin. de Aër. & alim. def. lib. 1. c. 1. & 3.

Verhejen. *Anatom. l. 2. tract. 4. c. 5. & alii.*

quod est ejus præcipuum, & maxime naturale munus; & non solum integra quoque maneant reliqua vitæ organa; sed & sanguis ad circulum resumendum idoneus; non est, cur illa de corpore migrare compellatur. Itaque si aliqua supersit adhuc, etsi lenta sanguinis circulatio, siue saltem ejusdem motus intestinus, & quædam animalium spirituum cerebro præsertim insidens portio; æger quamvis in speciem defunctus, interea vivet; adeo tamen abscondite, ut ad sensus deinde rediens a mortuis surrexisse videatur. (*Manent interdum spiritus, ait Fulgosius, corporibus humanis inclusi, sed motus occulti sunt, deindeque sensus adeo, ut, vivantne, an non ejusmodi corpora, non facile intelligatur (a).*) Quod quidem, ut luculentius percipi queat, variis observationibus ex toto naturæ regno collectis confirmabimus.

6. Profecto quot plantæ, quot arbores, hyeme ingravescente,

ficcantur, ac veluti mortuæ cernuntur? Cum enim frigus nutriti succi ad superiores partes ascensum prohibeat; illas arefcere necesse est, foliis decidentibus. Interim vero ipsarum vita in radicibus, & bulbis inclusa, & circumvallata fervatur.

Papiliones quoque hyemem veluti exanimatæ sub chrysalidum figura traducunt, verum atmosphææ frigus nunquam satis erit ad earum liquores ita coagulandos, ut saltem circa valde modicum centrum agitari non possint: quo certe fit, ut vel exiguus veris calor ultimam in ipsis metamorphosim efficaciter deinde molliatur.

7. Idem notare licet in aliis tum terrestribus, tum aquaticis insectis: ac præsertim in ranis, atque bufonibus: qui aëre frigefcente in stagna sese demergunt, ibique manent per hyemem tamquam vita destituti, nec nisi ad mitiores auras aliquando surrecturi. (b)

Uu 2

Idem

(a) Fulgos. lib. de Mirac. tit. de Mort. ad vit. suscit. c. 6.

(b) Plin. Hist. natur. l. 12. c. 25.

Kircher. mund. subterr. l. 8. sect. 4. c. 1.

Idemque Historici tradunt de piscibus illis, qui marinas ingressi cavernas, per idem tempus ibidem veluti mortui delitescunt: exanimes quoque apparent fluviales, si quando a congelatis fluminibus eruantur.

Theophrastus addit in ponto pisces, præsertim Gobios, de sub glacie tamquam mortuos eductos, & igni approximatos vitam resumere: at hanc intempestivam quasi resurrectionem ipsis veram, & inevitabilem sane mortem afferre.

8. Nec similia naturæ miracula in volatilibus desiderantur. Hirundines temperatis in regionibus hyeme appetente in cavernarum penetralia, fissurasque arborum, ac montium, vel saxorum mari vicinorum, uti Ripariæ solent, sese obtrudunt. Ibi exutæ pennis, ac veluti exanimes, atque conscriptæ amicū veris adventum, ad vitam sese revocaturum, expectant: quod est etiam aliis volucris usitatum. At Vi-

celinus passer contrario plane ritu æstate læviente rostri aciem arbori infigit, ex eoque veluti cadaver ad autumnum usque dependet. (a)

9. Serpentes vero, & multi quadrupedum, Harvæo (b) referente, prædictas hirundines imitantur, ac motum cordis & sanguinis circulationem, & quæcumque alia vitæ munia dimittunt: quæ similiter alii de gliris, herinaciis, & alpinis quoque muribus tradidere. Nec prætereundum est hoc Harvæi testimonium, tanto gravioris ponderis existimandum, quanta majori cura egregius hic auctor pro sanguinis circulatione vulganda, ejusque necessitate stabilienda pugnavit.

10. Porro, quod natura in prædictis animalibus, hoc in hominibus Asphyxia, similesve morbi, aut circumstantiæ operantur. Et quidem de cæteris morbis, puta Apoplexia, Catalepsia, & similibus

(a) Pison. Hist. medic. c. 21.

Cardan. l. 7. de rer. variet. c. 36.

(b) Harvæus lib. de Gener. anim. exercit. 50.

Brühler. t. 2. c. 2. fol. 144.

libus innumera possem hic exempla congerere; sed his omissis, aliud referre placet materiæ nostræ propinquius: vel enim ad statum prædictorum animalium profundiori somno similem, vel ad Asphyxiam pertinet. Puella (a) a parentibus male habita, desperationeque agitata in sylvam sese proripuit. Ibi post septem dies in terra jacentem, omnique motu vitali prorsus orbatam repererunt. Vultus viscosa pituita, & muco-

re oblitus, & coopertus, cui folia ab arboribus delapsa inhærebant: narices, & os, occlusa penitus mucro siccissimo: sensus nullus, pulsus nullus, respiratio nulla: omnia demum solita ostentabat cadaverum signa. Sed Medicus cum ejus membra flexibili apprehendisset, latere vitam suspicatus, detergit illi, aperitque nares, & os, & aquam vitæ faucibus instillans, ad vitæ officia magna omnium gratulatione reducit.

C A P U T XII.

Asphyxiam ex defatigatione in parvulis, quocumque modo nascantur, frequentissime observari.

1. **A**sphyxia quidem, seu perfectissima syncope nequam rara credenda est in adultis, quamquam robusta eorum constitutio validius aëris tempestatibus, morbisque resistat. Certe Lancisius cum Platero eam sæpe ho-

mines invadere affirmat: (a) Forestus (b) autem compluries illam sese observasse testatur. Et vero illa in causa fuit, quare, ut omnes Medici perhibent, quamplurimi revera viventes, non solum mortui reputati, sed sepulturæ

U u 3

con-

(a) Daniel Ludov. Miscel. Nat. cur. A. 8. observ. 67.

(b) Lancisius de Mort. Sub. l. 1. c. 13.

Plater. apud Bruhier. t. 2. c. 2. fol. 113.

(c) Forest. apud Bruhier. t. 2. c. 6. p. 5. fol. 432.

contraditi fuerint, de quibus tamen animadvertit *Missonius* (a) plures nihilominus esse, qui lateant. Propterea innumeri docent, ne quos in hujusmodi morbum ruisse credimus, aut subdubitemus; propter solum sensus, respirationis, motusque defectum, nisi post 72. horas, humemus.

2. Quod vero ad infantes, dum in lucem progrediuntur, supremus deliquii gradus est maxime obvi-
us. Diximus jam supra cum *Ettmullero*, syncopen ex dissipatione, vel concentratione spirituum oriri, & eo facilius hominem in ipsam delabi, (uti vidimus in feminis) quo flaccidioris, rarioris, ac delicatioris erit ille texturae, vel quo spiritus habebit mobiliores, ideoque magis dissipabiles. Et sane patet omnibus, quod sicuti nemo tenerioris texturae, spiritibusque agilioribus prae pueris nascentibus dici potest; ita difficile est, majorem defatigationem mente concipere prae illa, quae ipsos labefactare solet, cum per abortum emittuntur, vel proprio nisu in lucem prodeunt, vel

chirurgica manu extrahuntur. Quocirca quae causae in adultis non nisi forte aliquam lipothymiam inducerent, non difficulter in nascentibus vel syncopen, vel etiam Asphyxiam generabunt.

3. Duæ profecto sunt graviores luctæ, quas natura cogitur sustinere, mortis nimirum, & nati-
vitat. In natis quidem, ne vita cadant: in nonnatis, ut oriantur vita liberiore fruituri. Certe nati-
vitas est suprema, & præcipua, imo & unica functio nonnatorum, in qua omnes eorum vires quodammodo exauriri necesse est. Et ecce quare Asphyxiæ paroxysmus locum sibi vindicare valet in omnibus nascendi modis, etiam in partibus, qui vulgo faciles appellantur.

4. Sex autem numerantur modi, quibus infantes oriri possunt: nimirum vel primo per abortum, vel secundo per partum difficilem, sed naturalem; vel tertio per extractionem Chirurgicam, five manu, five instrumento aliquo factam; vel quarto per viventis matris Cæsaream sectionem, vel quinto per
simi-

(a) *Misson. Iter. Ital. t. 1. ep. 5.*

similem sectionem, sed matris defunctæ, vel tandem sexto per partum naturalem ac facilem.

5. Igitur ut ex abortu exordiamur, quis non intelliget, hanc nativitatem esse præmaturam, ac violentam, ac in ingenti illo corporis tumultu misero foetui necessario maximam spirituum subeundam esse jacturam? Recolite quæ supra de foetu illo quadragenario diximus, (a) quem Medicus omnino mortuum, ut apparebat, reputans, dissecuit, & ritmico motu cordis præditum invenit, ac baptizavit. Idcirco hic repetendum censeo, quod alibi cum Florentinio de abortivis animadverti, nimirum quo imperfectiores iidem sunt, eo diutius quandoque in his deliquiis vitam retinere, idque ex rationibus, & experimentis tum Guerinonii, tum Harvæi, qui addit, illos nunc omni motu carentes videri prorsus extinctos; mox vero cum motu vitales functiones repetere; quod etiam cum experimentis ab Hallerio nuperrime vulgaris plane concordat.

6. Si vero partus, quamvis naturalis, difficilis tamen extiterit; accidet interdum, ut infans in oriendi conatibus mechonium totum demittat, & hæc ipsa evacuatio ad inducendum deliquium, licet sola, sufficiet: id enim ex Ettmulleri doctrina generale est in dejectionibus copiosis.

7. Verum etsi non omnes parvuli mechonio ante ortum exonerentur, evidens tamen est, omnes propter immanem defatigationem ex partu difficili, parvo negotio, ut habet Stephanus (b) in perniciosissimam syncopem labi posse, & exanimes sese ostendere: ac multo magis ubi tanta fuerit difficultas, ut ad operationem chirurgicam sive manu, sive instrumento, sive etiam matris viventis sectione faciendam confugere oportuerit: quod ex propriis experimentis & Horstius, & Schenchiuss expresse monuere.

8. Quod si de partu Cæsareo matris defunctæ sermo sit; quis ignoraverit, ea moriente, deficere

re

(a) Embryol. l. 1. c. 12. n. 3.

(b) Steph. de Partu diffic. l. 3. c. 1.

re illi maternorum spirituum adju-
mentum? Cum igitur ipse aliqua-
tenus saltem prægnantis morbo
debilitatus merito supponatur, fa-
cile delabetur in syncopen.

9. Id & ego alio loco præmo-
nui, & Mauriceaus, aliique Do-
ctores cum Paræo passim adnota-
runt. (a) (*Hunc foetum, ait hic,
sæpe immotum intueberis, ac tan-
quam mortuum, non quidem quod
vere mortuus sit, sed quod, matre
mortua, spirituum affluxu destitu-
tus imbecillitatem magnam contra-
xerit.*) Quid ergo mirum si de-
liquium istud quandoque in com-
pletissimam Asphyxiam converta-
tur? Id etiam admonitum legitur
tum in edicto perpetuo Protome-
dici Siculi de partu Cæsareo, tum
in edicto Pactensis Episcopi de
eadem quoque materia statuen-
tis. (b)

10. Quid vero dicendum, si
puer naturali, ac facili partu egre-
diatur? Et prima facie videtur,
eum, ubi mortuus appareat, pro
vere mortuo judicandum; sed con-

tra: nam eo casu multo magis,
quam alias, cum fundamento spe-
randum erit, illum reipso vivere.

11. Et profecto præterquam
quod aliquando etiam in partu fa-
cili putato infans nascendi in im-
petu mechonium dejicit, quod
summi laboris indicium est; consi-
derandum est etiam, puerperii
actionem magis a filiolo, quam a
matre pendere. Et quidem par-
vulus est, qui justa magnitudine
adauctus, & perfectis jam respi-
rationis instrumentis, materni car-
ceris angustia premitur, & aërem
quærit liberiores: ille est, qui
copiosiori indiget alimento: ille
tandem est, qui a mechonio inter
ejus viscera congesto sollicitatus,
ad egressum festinat: qua propter
januam vi sibi adaperit, & effræ-
ni se jactans impetu secundinas di-
lacerat, viam sibi parat, & foras
erumpit. Non negamus, matrem
quoque puerperio cooperari; sed
quidquid egerit illa, hoc ab im-
pulsu, & conatibus filioli, qui
eam doloribus vexat, & urget la-
cessita

(a) Paræus. lib. 23. c. 13.

Mauric. de morb. Gravid. l. 2. c. 32.

(c) Hic in Append. ad lib. 4.

cessita molitur. Contra vero foetu in utero moriente, partus difficillimus, & quandoque impossibilis evadit.

12. Porro quoties puerperii dolores, extincto foetu, cessarunt, matre quiescente, quousque tandem putrescens parvulus illam denuo stimulaverit? Si quando tamen infantes a corruptione fuere immunes, uti alias dictum est; in matris ventre sine illius detrimento ad plures annos innoxii permanferant. Parvulum Bonetus (a) retulit sexdecim annis in maternis visceribus incorruptum; sed illustrior hac nostra ætate fuit Vittembergensis foetus absque molestia per 46. annos a matre gestatus. (b) Imo nonnulli temporis decursu lapidis naturam induerunt: puta Mussipontanus a matris abdomine post

plurimos annos erutus; Tolofanus post quinque lustra, & Senonensis a Simonio (c) relatus, post 38. annos ab utero tandem eductus. (d)

13. His præmissis, ubi supponamus, partum fuisse facilem, ac propterea brevi perfectum; oportet dicere, foetum proprio egresui operam suam contulisse: unde necessario sequitur, eum usque ad tempus, quo postremos edidit conatus, fuisse in vivis. Igitur si paulo post in ortu apparet exanimis, verisimillimum quoque est, ejus labefactionem a syncope, non a morte provenire; cum enim non fiat ab extremo ad extremum transitus absque medio; credendum est pueros a vita ad mortem non traduci sine aliquo statu intermedio perfecti deliquii, de utraque nimirum participante.

X x

14. Ne-

(a) Bonet. Medic. Septen. l. 4. de Mulier. affect. sect. 6. observ. 10. Boucardi.

(b) Simon. Memor. R. Acad. Chirurg. p. 2. in hist. Acad. in princip. fol. 2.

(c) Simon. Memor. R. Acad. Chirurg. p. 2. fol. 149. Memor. Louis.

(d) Ruisch. Adv. Anat. dec. 11.

Bianch. de Natur. & vit. gener. p. 2. fol. 101. & 138. & apud ipsum Straussius, Baile, Barthol. Schench, Mauric. Acouch. Augens Hertoghe, Gassar, & alii.

14. Neque objicias, facilem partum non debuisse tam gravem syncopem inferre nascenti: nam in quibuscumque puerperiis, etiam si particulares matris circumstantiæ illa reddant faciliora, foetus laborare, non est negandum. Quapropter juxta varias eorum dispositiones & poterit labor in semine infantem omnino spiritibus depauperare, & effectum adeo funestum post se trahere, qui fortasse in aliis a conatu valde majori non traheretur: ita impensæ quamvis tenuissimæ, quæ a divitibus contemnuntur, pauperes in extremam quandoque miseriam sine ulla dubitatione conjiciunt. Præterea & alia subest ratio pro partu regulari: in hoc enim infans, dum lucis ostia pulsant, pronò capite in exitum nititur, ejusque cranium cæteroqui molle a

viarum angustia ita interdum initio premitur; ut quamquam partus e facilioribus existimetur; tumido, & veluti contuso capite nihilominus oriatur. Presso capite comprimi simul potest nervorum paris octavi seu vagi truncus, qui juxta sinus laterales duræ matris egrediens & œsophago adhærens, per collum, & thoracem ramulos suos ad laryngem, & pharyngem, & ad pulmones, & cor, cæteraque majoris usus organa distribuit, quæ consequenter debita spirituum, seu succi nervei irradiatione fraudantur, & ecce Asphyxiæ paroxysmus. Cæterum semper erit intellectu facilius a partu minus laborioso foetum in Asphyxiam fuisse dejectum, quam vita repente spoliatum.



CAPUT XIII.

Speciales exponuntur causæ, ex quibus parvuli non-nati magis, quam nati Asphyxiæ sub-
jiciuntur.

1. Verum præter antedictas rationes a depauperatione spirituum, ex nascendi visibus, & capitis pressione desumptas, aliæ quoque sunt causæ foetibus omnino propriæ, quæ maximopere conferunt, ut illi non solum in syncopem, sed & in Asphyxiam quandoque ruant, quam, uti dictum est, sensuum, pulsuum, & respirationis destitutio comitatur.

2. Et sane infantes, dum in utero manent, respiratione, vel nulla quidem, vel ea admodum tenui, & insensibili utuntur. Itaque si respirationis saltem sensibilis privatio in ipsis naturalis est: non opus erit syncope, ut mortis in iisdem similitudo confurgat.

3. In natis certe, cum sanguis a dextero cordis ventriculo ad pulmones fluere debeat, ut inde ad sinistrum cordis ventriculum redu-

catur, necessarius est pulmonum motus, & respiratio. Ea igitur intermissa, intermittitur etiam sanguinis circulus; & ecce præ foribus mors: quo circa mortem designat respirationis cessatio, quia mortis est causa. At in nonnatis ex communi Anatomicorum omnium sensu diverso itinere, ac modo circulatio procedit. Magna enim sanguinis copia ex dextero cordis ventriculo ad sinistrum per foramen ovale commigrat: alia vero magna quoque ipsius portio ab eodem ventriculo dextro primo in arteriam pulmonarem ingressa, deinde per canalem arterialem in Aortam illabitur, omisso Pulmonum diverticulo: cumque in foetibus tum prædictum foramen, tum etiam canalis, tubi sint satis amplæ capacitatis; liberrime per eos discurret sanguis, respirationis impedimento nequaquam obstante.

X x 2

4. At-

4. Atque hæc est ratio, quare nonnati quamquam fyncope non oppressi vel penitus non respirant, vel solum respiratione insensibili agitantur: atque inde fit etiam, ut foetus juxta Boileana experimenta in machina pneumatica, licet vacua positus, vitam retineat. Quod etiam Meryus in fele, (a) Pitcarnius in catulo perspexerunt. (b) Ex quo patet respirationis defectum, qui in natis est mortis indicium, quamquam coeteroqui in fyncope, similibusque morbis valde fallibile; in nonnatis nullo modo inter vera mortis argumenta esse recensendum. Si eos igitur fyncope demersos arbitramur, quid vetat, quominus vitæ eursum paroxysmo durante, quamquam sine respiratione prosequi possint, quemadmodum sine illa vivebant, cum primum in utero a paroxysmo impeterentur?

5. Inde est, ut si in nascentibus parvulis, quamvis deliquio

non detentis, apertum sufficienter maneat foramen ovale, & canalis arteriosus; vitam interdum retinere queant, etiam respiratione interrupta: idque sentiendum etiam, si prius aëris reciprocatione jam gaudere coepissent. Ita Boerhavius experientia edoctus. Hic autem casus multo censendus est difficilior. Sane aër semel pulmones ingressus eos illico eximie distendit, tantam illis expansionem tribuens, quantam sustinere valebunt: quapropter adeo posterum dilatati remanent, ut foramen ovale, & canalis arteriosus inde comprimantur. Sanguis itaque per eas vias magna, uti solitus erat, copia pertransire nequibit: quæ causa est, cur illæ occludi exinde incipiant: ac propterea deinceps necessaria omnino evadat respirationis continuatio. (c) At non defuere infantes, qui non solum sine fyncofes vestigio, sed etiam sani, ac vivaces nati

(a) Apud Hall. in Boerh. t. 5. p. 2. n. 691. in not. versu mutatur n. 13. Pitcarn. p. 2. de Caus. div. mol. §. 5.

(b) Verhejen. Anat. t. 2. tract. 5. c. 20. Pitcarn. p. 2. de Caus. div. mol. §. 13 & seq.

(c) Verhejen. Anat. t. 2. tract. 5. c. 20. Pitcarn. p. 2. de Caus. div. mol. §. 13. & seq.

nati, postquam etiam aëris affluxum, & refluxum delibassent; ab inhumanis matribus vivi sepulti sunt, ac terra cooperti, & ideo prædictæ alternationis usu prohibiti: & nihilominus post plures, ac plures horas adhuc vivere deprehensi. Bina ex istis illustra exempla debemus Bohnio, quæ alibi exposuimus: (a) aliud recentius Muratorio: aliud Boerhavio, verum quot alia forte illustriora delitescunt?

6. Quod autem ad sanguinis circulationem spectat; hæc in nonnatis natura sua lentior est. (b) Si spiritus igitur paulo magis minuantur, evadet insensibilis. Duæ sunt causæ, propter quas in natis bona valetudine fruentibus circulatio sanguinis emicat in pulsibus. Prima est cordis eximia vis nunc sese aperientis, nunc sese claudentis, ac sanguinem per diastolem recipientis, & per systolem ex-

pellentis. Secunda est aëris affluxus, qui media inspiratione pulmones ingreditur: complet enim sanguinem activis, elasticisque principiis, ejusque motum adauget. At has ipsas causas in nonnatis vix locum habere perspicuum judicamus: Et sane quod ad ultimam, si foetus, dum uterum inhabitat, respiratione saltem plena, & sensibili non gaudet, jam deerit sanguini libera exterioris præsertim aëris inundatio: quocirca ex hac parte sanguinis motus nequit esse robustus: quod tamen ad primam causam, sanguis in natis influit totus in Aörtam, & a sinistro tantum cordis ventriculo: qui cum præ dextero sit majori numero fibrarum motricium instructus, majori quoque vi, & efficacia sanguinem impellit. (c)

7. In foetu vero magna sanguinis pars a dextro ventriculo egrediens arteriam pulmonariam intrat, deinde pertransit in canalem arteriosum,

X x 3

(a) Bohn. *tract. de relat. vuln. læthal.*

Boerhav. *Prælect. t. 5. p. 2. n. 691. in not. v. mutatur. n. 13.*

Muratori Stor. del. Perag. t. 2.

Pitcarn. *loc. cit. §. 18.*

(b) Verhejen. t. 2. in resp. ad. Mery cap. 2.

(c) Verhejen. *Anat. t. 2. n. 4. c. 6. fol. 214.*

riofum, postremo influit in aortam. Porro quamvis ventriculus dexter in foetu sit mole major sinistro; nihilominus, quia minori pollet fibrarum metricum numero, motum sanguini tribuit multo minorem illo, qui similiter sanguini a ventriculo sinistro impertitur: nam juxta Anatomicos hic proportionem servat unius ad tria. (a) Propterea si forte sanguis in natis vigeat sex admodum gradibus, motus in nonnatis non nisi quatuor gradibus vigeat: nimirum tres habebit ob impetum communicatum rivo, qui a ventriculo sinistro descendit, unum vero impresum rivo, qui emanat a dextero. Ex quibus omnibus evidens est, sanguinem in nonnatis minori vi, & impetu, quam conspiciamus in natis, impelli & currere.

8. Quapropter si naturali huic lentitudini spirituum dissipatio accedat, quis dubitabit, circulationem necessario evasuram esse tar-

diolem, ac propterea insensibilem? Si ergo pueri cor deliquio fortasse opprimatur; sicque in totum vel in partem a motu desistat; consequens erit, ut in illo sanguinis quoque motus & cursus valde remaneat diminutus vitæ quidem sustentandæ, in infante præsertim, sufficiens, nobis tamen interim occultus.

9. Demum quod attinet ad sensuum amissionem, pueri non nati, vel recens nati, quamquam sani, propter perpetuam ad somnum propensionem ex humidi abundantia procedentem, sensus naturaliter habent non admodum vigiles, sed quodammodo stupidos: quocirca sæpissime vel dormiunt, vel saltem dormitant. Quam facilius ergo a sensuum usu cessabunt, si spirituum adjumento, ac ministerio deferantur? Quod si omnes asphyxia detenti, ac nonnulli ex Catalepticis, Apoplecticis, Hystericis, ac similibus, quamquam sen-

(a) Verhejen. *Anat. t. 1. n. 3. c. 8. de Cord. & tom. 2. n. 4. c. 6. & in Resp. ad Mery. cap. 2. ad 1. & cap. 3. & cap. 6. ad prop. 1. 2. & 12. & tract. 5. c. 21.*

Winslov. *Anat. tom. 6. in Opusc. fol. 85.*

Bohault, & alii.

sensibus destituti, vivere nihilominus pergunt; quanto magis infanti nostri, si quando in asphyxiam delabantur, vivere posse dicendi sunt; quos cæteroqui ad sensuum privationem natura ipsa disposuit? Quomodo ergo ex hac ipsa privatione eorum mortis certitudinem statuemus?

Cæterum quis unquam nos fide sua certos esse jubebit, parvulum syncope defixum, quamquam neque clamore, neque gemitu, neque motu mala sua indicare va-

leat, revera interno sensu carere? Quoties contrarium in ipsis adultis accidisse compertum est? (a) Sorbonicus Doctor, qui sensu, respiratione, motuque destitutus, & quasi omnino mortuus jacuerat, cum demum rediisset; adstantibus retulit, se eo tempore sensibus fuisse præditum, quamvis id ostendere nequaquam posset: imo tanta mentis claritate, ac voluntatis libertate valuisse, quantam fortasse nunquam antea expertus esset. (b)

C A P U T XIV.

Præsumendum potius, nascentes parvulos esse Asphyxia correptos, quam vita defunctos, eosque in Asphyxia vitam præ natis facilius retinere.

1. **E**x particulari ergo corporis œconomia nonnatos frequentissime in Asphyxiam ruere necesse est. Plus vero dicam: præsumendum est infantem, qui nascendo sub specie mortui egreditur, si a putrefactione, ejusque principio comparet immunis, &

nullo valde lethali vulnere faucibus: sique nullum aliud indubitabile mortis signum intercedat; præsumendum est, inquam, potius esse profundiori deliquio seu syncope absorptum, quam vere defunctum.

2. Et

(a) Bruhier. t. I. c. I. §. 7.

(b) Bruhier. tom. 2. in supplem.

2. Et profecto possumus vel a causis repentinis, vel a morbis regularibus vita spoliari. At infantes dum in utero latent, huic secundæ malorum speciei, quæ scilicet ab intrinseco manant, non admodum obnoxii reputantur: maxime si perfectionem adepti, jam partui sunt maturi. Nam si causa fuerit ipsis intrinseca, usque ad nativitatis tempora non pervenient, sed per abortum multo prius exhibent: uti quotidie in conceptionibus vitiosis, & prava solidorum, & liquidorum foetus constitutione videmus.

3. At si parvulus jam a natura corroboratus, usque ad puerperii diem creverat; neutiquam timendum est, eum ab intrinseco lethalem ægritudinem contraxisse, ac talem ægritudinem, quæ pari passu cum graviditate semper incesse; ita ut, & ista infirmo nativitatem, & illa mortem una simul attulerit. Et profecto, quod supra notavimus, nonnati aëris inclementiæ, ac tempestatum variationibus non subduntur: in dieta non errant, ab animi pathematibus eximuntur; alimenta

ingerunt adeo ante præparata, imo digesta, ut excrementis fere careant: liquidorum in ipsis motus blandus, ac temperatus: per omnia denique naturæ magisterio gubernantur: qua propter ubi vita deficiunt, id non ab interno aliquo malo, sed potius ab externo, & a matre saltem proveniente contingit: puta ex ejus ab alto ruina, ex terrore, vulnere, aut alia simili calamitate, vel ex ejusdem gravi morbo, seu morte naturali, aut violenta. Quæ cum ita sint, verosimilius est, infantes hosce non esse mortuos, etsi tales videantur, sed potius ex nascendi anxietate, & contentione in durissimam deliqui speciem fuisse prolapsos.

4. Neque dicas, forte parvulum ex labore quidem in Asphyxiam, ex Asphyxia denique in mortem incidisse: nam si nati, atque adulti pluries, ut communiter Medici experientia dictante scripserunt, in Asphyxia vita comite per 72. horas quandoque perdurant: quanto facilius vivus manere poterit infans per solum puerperii tempus, quod regulariter bre-

breviori spatio concluditur? Porro nonnati non solum antedictis privilegiis gaudent, quorum præsidio ægritudines ab intrinseco suborientes facilius evitant, sed aliis etiam, quibus in lethalibus ipsis deliquis multo commodius a mortis jaculo, quam nati proteguntur.

5. Et primo in natis, uti supra dictum est, respiratione cessante, cessat etiam sanguinis circulatio, cum hic transire per minima pulmonum vascula sine aëris ope nequaquam possit: quapropter syncope, quæ respirationem prohibet, eos facillime præfocabit. Non idem est in nonnatis, in quibus ejusdem sanguinis circulatio, pulmonibus prætermis, aliis omnino viis manifeste peragitur: per ovale scilicet foramen ductumque arterialem.

6. Poterit ergo in nonnatis, qui Asphyxia occupantur, facilius quam in natis, circuitum suum proficere sanguis, lentissimo saltem decursu, respirationis defectu nequaquam obstant. Cæterum etsi morbus iste adeo vehemens ingrueret, ut non solum omnem cordis motum, omnem-

que licet insensibilem sanguinis circulationem a systole, & diastole cordis dependentem interrumpere; sed illam etiam, quæ per arteriarum, atque venarum fibras musculares fieri posse dictum est; nihilominus in his ipsis circumstantiis, nonnatorum vita diutius, quam natorum cum morte conflictaretur. In natis quidem aëris rigiditas cito corporis calorem, & consequenter intestinum sanguinis motum restinguit: nec solum humorum segregationem prohibet; sed & insensibilem quoque transpirationem naturæ a particulis excrementitiis exonerandæ prorsus necessariam: imo paulatim liquores ipsos coagulat, ac ad intermissam circulationem resumendam reddit ineptos: quodque pejus est, in eosdem præternaturalem, & vitiosam quamdam fermentationem corruptionis, & mortis genitricem inducit. Verum in nonnatis, quamquam deliquio afflictis, maternus uteri calor motum sanguinis intestinum conservare potis est: nec ipsi aëris actioni subjiciuntur, ex qua funesti hujusmodi effectus emanant. Quocirca diutius, & facilius in vita

poterunt conservari præ natis. Aër est enim ex Verulamio, aliisque Philosophis tum consumptionis, tum corruptionis insignie maximumque principium: compositi nimirum particulas deprædando, & agitando. Et hæc est causa,

cur aliqui foetus, uti supra narravimus, in matris ventre, quasi balsamo, vel oleo immersi, quamquam vere mortui, mire incorrupti permaneant, alii vero in lapidem convertantur.

CAPUT XV.

Signa mortis in nascentibus esse regulariter incertissima.

1. **C**um igitur tam rationabilis, ac fundata suspicio subsit, infantem, qui nascendo mortuus appareat, esse tantum Asphyxia oppressum; pro comperto censi debet, communia mortis signa ad exanimationis dubium extricandum nequaquam sufficere. Si enim in adultis hac suprema syncope defixis tam sæpe fallunt, quanto magis in hujusmodi infantulis ambigere licet, esse mendacia? ad omnem igitur dubitationem eliminandam, necessarium omnino erit, ut ad alia indicia disquirenda dirigamus obtutum.

2. Bruhierius in suo celebri libro generatim opinatur, solam putre-

factionem esse mortis caracteristicum signum: præsertim in Syncopis, Apoplecticis, Catalepticis, suffocatis aqua, laqueo, vel fumo carbonum. Item in Extaticis, de coelo tactis, ac similibus, quibus expresse adjungit infantes, qui sub ortum omnino exanimis videantur. (a) Tota Medicorum schola fatetur quidem in Syncopis, aliisque memoratis regularia extinctæ vitæ signa pro incertis habenda esse. Non omnes tamen Medici Bruhierio adstipulantur in affirmando putrefactionem esse unicum indubitatae mortis indicium. Profecto ejus antagonista Lovisius, cujus sententiam

(a) Bruhier. t. 1. in Idea Statuti in fine fol. 380. & t. 2. c. 4. fol. 282.

tiam superius amplexi sumus, etiam pro repentinis morbis adstruxit, alia quoque signa mortis characteristica inveniri. Verum hæc ipsa regulariter in parvulis, dum oriuntur, pro certis judicari non possunt. Idcirco nisi aliqua specialis urgeat circumstantia, puta enormis corpusculi contusio, vitalis partis mortifera vulneratio, vel quid simile, quod cum vita componi sit impossibile; tenenda erit favore parvulorum Bruhierii doctrina, cui quo ad hanc partem, neque Lovisius, neque alii refragantur.

3. Sane alio in loco diximus, natorum mortem in subitaneis post aliquod temporis spatium ex membrorum rigiditate, præsertim frigori, & ponderi conjuncta; ex panno vitreo oculis innascente, ac ipsorum oculorum flacciditate posse procul dubio comprobari. Ea enim, juxta Lovisium, sunt certissimi veræ mortis effectus; quapropter si in infantibus cum privatione sensus, motus, ac respirationis copulata invenirentur; pro morte sententia ferenda esset. Verum etsi supponamus, parvulum pluribus ante ipsius ortum horis

fuisse in utero exanimatum, hæc ipsa in eo deprehendi nequirent. Et quidem nequit in eo observari frigiditas; materni enim uteri calor infantis cadaveri calorem conservat, & certe impedit, quo minus frigus, nisi post nativitatem, & cum aliqua temporis mora subintret: atque hic ipse calor communicatus a matre simili ratione rigiditatem, nimiumque pondus impedit: immo corpusculo flexibilitatem, mollitiemque tuebitur: & profecto hujusmodi parvuli mollitie gossipium imitantur.

4. Scripsit quidem nonnemo, foetum in utero mortuum ibidem frigesce, sed præter allatam rationem ei contradicit experientia. Francisca Diez obstetrix mihi narravit, se quinque parvulos non solum extinctos, sed putrefactos quinque partibus enixam: nunquam vero, (etsi satis in arte perita & sagax illa sit) hujusmodi frigus percepisse. Quocirca si quando pueri exanimes certe nati, frigidi observati sunt; hoc frigus non in matris utero, nec in ipsa morte contraxerunt, sed extra, & cum aliquo temporis intervallo: paulatim

latum scilicet calore ipsis a matre communicato defervescente. Cæterum etsi aliquando frigidus ab initio exiret infans: nihil impediret, quo minus ejus frigiditas Asphyxiæ similiter, ut in natis, attribui possit. Quia vero foetus clausis oculis vivere solitus est, nequibunt oculi sub ipsum ortum passi flaccidique apparere, neque tam cito vitreum pannum exerere, qui natis in ipso mortis agone formatur. Præterea nonnati sive in abdomine, sive in utero manentes, vel ex toto, vel magna saltem ex parte, ab aëris actione proteguntur, quod ab ipsis corruptionem, aliquando saltem, arcere consuevit.

5. Porro ex Bianchio (a) foetus Catharinæ Rubeæ Taurinensis in utero defunctus, inde circa decimum quintum mensem a morte, incorruptus egressus est: *Hujus universum ferme corpus sanum, & integrum, ait Bianchius, mollesque velut in recenti mortuo carnes erant, optimeque servata integumenta singula: solus venter ad recentem livedinem vergere videba-*

tur: quodque magis etiam notandum, post mortem ipsam materni caloris ope quatuor jam dentes, iidemque incisores, emerferant.

6. Alium foetum Margaritæ Galeratæ dat Bianchius (b) in proprio Musæo conservatum. Post mortem ille prope 15. annos in matris ventre delituerat: adeo tamen flexibilis eductus, ut si paulo ante expirasset: imo, quod viventis est, oculi adhuc sua luce fulgebant. *Splendentes oculi, & quamvis aquoso humore destituti, aliorum tamen humorum supplemento pleni, & convexi, nares apertæ, lingua flexibilis, mollis, & rubra. Summe mirandum est, hoc foetus cadaver ultra 14. annos in matris ventre incorruptum, humidum, flexile, molle, & carne plenum extitisse, ac si foetus hora, antequam extraheretur, extinctus esset.*

Porro, quæso te, si foetus isti, aliquæ memorati post mortem illico ex utero exiissent; quam spem habuisses, in eis characteristica mortis indicia reperiendi?

Quo-

(a) Bianch. de Natur. & vit. generat. p. 2. f. 142.

(b) Bianch. loc. cit. fol. 168. 173. & 235.

Quomodo ergo nisi notabile aliquod tempus a nativitate labatur, & corruptionis initium, aut aliud infallibile signum sese prodatur, pro certa exanimatione pronuntiabimus?

7. Dices, Paræum (a) existimasse puerum, ubi moriatur, propter calorem, & humiditatem facilius in utero corrumpi, quam extra. Verum respondeo, id ex antedictis videri falsum, aut saltem non semper esse verum: cum non semper, ipso instante partu, aëris actio in corpuscula propter variam eorum dispositionem ad corruptelam excitandam sufficiat. Sit autem perpetuo verum; quid inde? Ex hoc ipso propositio nostra validissime firmaretur. Si enim corruptio in nonnatis tam prompte sequitur mortem, ii, qui neque corrupti sunt, neque aliquod habent corruptionis initium, de quibus tantum assertio nostra procedit; probabilius censendi sunt vivi. Nigredo ipsa, scilicet livor, qui in natis vehementissimum inceptæ putrefactionis est argumentum, in

his, qui nascuntur, non nisi omnino æquivocum reputatur.

8. Nam ut de violenta uteri compressione taceamus; ingens exeundi conatus, ac viæ tentandæ inverso capite labor, fatis est ad magnam sanguinis copiam in ipsum caput congregandam: ex quo livor in facie necessario consequitur. Id certe non dissimili ratione quotidie experimur in iis, qui laqueo suspenduntur. (b) Sane ego ipse plures inspexi parvulos, funesto illo colore deformatos, qui tamen certissime clarissimeque vivebant.

9. Panormi 3. Cal. Decembris Anno 1756. abortivum foetum dedit septimo nondum completo mense Rosa Balestrina morbo regio ante sex dies lacescita. Filio-
lus emissus est vivus: totus tamen ulceribus, ac livore vestitus cum pustula in genitalibus, qui recepto illico baptismo per horam deinde supervixit. Præterea Maria Vesca eodem Anno, & ibidem ante sextum graviditatis mensem hæmorrhagiam passa est a 13. Cal.
V y 3 Maji

(a) Paræus l. 23. c. 25.

(b) Bruhier. t. 2. c. 3 fol. 232.

Maji ad tertium Cal. Mensis ejusdem : qua deinde maxime adaucta, ligatis venis, Ecclesiasticis inunita fuit Sacramentis: Medicis interea foetum periisse judicantibus. Attamen Calendis Maji exivit puellula. Hæc tota livida erat, ac tumefacta, fronte insuper excoriato, & bubunculo sub axilla sinistra elato, etsi non maturato: & quamvis foetore cadaverico revere careret, ventrem tamen ostendebat variis lineis ulceratis distinctum, quasi jam ex putrefactione dirumperetur. At quamvis ex his omnibus mortua videri posset, ex pulsu tamen arteriarum umbilicalium, totiusque corporis motu manifeste vivens agnita, & baptizata non nisi post horæ quadrantem excessit e vita.

10. Hic vero duo prorsus necessaria monenda ducimus: Primum est, quandoque foetorem a materno sanguine liquoribusque uteri putrescentibus, non a foetu corrupto provenire. Idque in causa est, cur interdum obstetrices mortuum foetum arbitrentur, qui deinde vivus egreditur. Quod

certe maxime præ oculis habere oportebit.

II. Secundum est, partialem vivorum Gangrænam, qua ex aliquo casu forte laborat puer, quæque ad foetorem inducendum satis est, & olim fefellit Hildanum, (a) esse a mortuorum putrefactione distinguendam. Porro ex Lovisii doctrina sunt illæ penitus diversæ. *Gangræna enim sicca in mortuo dari non potest: nam neque calor in eo viget, neque vasorum actio, quibus humores durescere, & in massam solidis homogeneam converti valeant, quæ crustam gignit, quam escharam nuncupamus. Putrefactio vero mortuorum corpora invadens est semper Gangræna humida, species nimirum, sive initium dissolutionis, ac valde differt ab illa, quæ vivum corpus aggreditur. In vivo enim observatur quædam tumefactio, tensio, ac rubedo, quæ mortuam partem separat a vivente. Cuticula a cute divellitur, vesiculasque producit serositate refertas. Contra tamen in mortuis neque tensio, neque rubor apparet; cuticula crispatur, cutis initio pallet & coloris*

(a) Supra l. a. c. 13. n. 3.

coloris evadit cinericei, albi scilicet obscuri. Mutationes deinde subit majores; cæruleum enim obscurum induit, & vergentem ad viridem: postea cæruleum obscuriorem, & ad nigrum inclinantem, qui sese visibilem ex cute præbet, quæ & ipsa tandem hunc ultimum colorem assumit. Hæ notæ a naturæ ipsius

observatione desumptæ sunt: huc usque Lovisius. (a)

12. Ex defectu igitur distinctionis hujusmodi gangrænarum Fabritius Hildanus infantem ulcere in capite infectum, ac foetum pro mortuo extraxit, quem deinde vivum invenit.

C A P U T XVI.

Remedia tentanda pro parvulis, qui mortuorum speciem imitantur.

1. Si parvulus igitur veluti exanimis apparet, non idcirco derelinquamus ipsum, sed omni contentione, & industria recreare tentabimus. Plurima sunt remedia, usitata obstetricibus ad pueros, qui moribundi exeunt, confortandos: ea ipsa illis, qui mortui omnino videntur, putanda sunt æque salutaria. Item quæ ad mulieres passione hysterica vel simili subitaneo malo depressas restituendas jam supra notavimus,

magna saltem ex parte, etiam in casu, de quo nunc agimus, experienda censemus. His nihilominus nonnulla subjiciam, quæ pro parvulis mortuorum figuram præ se ferentibus efficacissima existimantur.

2. Atque ante omnia insufflari poterit per tubulum in puerorum os humanus halitus calidus: (b) obturandæ sunt vero interim nares, ne immissus aër per illas eripat, ac fugiat: aër enim calidus,

& a

(a) Lovis. de cert. sign. Ep. 5. fol. 164.

(b) Grubel in Miscel. Nat. cur. dec. 2. A. 10. observ. 44.
Brubier. t. 2. c. 4 fol. 291.

& a pulmonibus hominis bene valentis exclusus virtute præstat instaurandi motum cordis, atque pulmonum: spiritibus enim est plenus, ad spiritus in corpore puerorum torpentes exsuscitandos, propter naturæ similitudinem aptissimis. Hoc remedium ob felicissimos eventus valde carum, & familiare habent germanæ obstetrices, præsertim Altemburgi: sed egregium est etiam in adultis, ac maxime in suspensis: imo ex Academiæ Londinensis experimentis a Croone Hoochio, & Needamio factis, celebratur in brutis. (a)

2. Secundo prodest mamma-
rum papillas in parvulo fugere: sensu enim sunt exquisitissimo, ac mirum in modum spiritus animales irritante: nervi præterea mediate cum plexu cardiaco, & pulmonario communicant; & conse-

quenter cum ramificationibus nervorum paris octavi, seu vagi, fibrationsque proinde suas cerebro transmittunt, universi corporis machinæ quamdam veluti concussionem inferentes. Hannemanus (b) obstetricem perhibet, quæ prospero successu hoc subsidium in duobus infantibus, quorum vita nullo indicio prodebatur, adhibuit. Alteram addit, quæ paucis ante diebus consimili artificio duos puerulos pene mortuos recreaverat, quæque narrabat, se generaliter eo uti solitam in infantibus, qui prorsus exanimes viderentur: de alia demum tradit, infantulos tres ad vitæ usuram tali adjumento revocasse. Hannemanno concinit Ledelius (c) bina similia exempla de pueris, quorum nulla erat præsentis vitæ suspicio, subministrans. Sinistram papillam ultra montes exfugere solent

(a) Transact. Philosoph. R. Societ. Londin. n. 28.

Borell. Histor. Centur. 3. observ. 59.

Haller. dissert. de Part. irritab. & sensib.

Bruhier. t. 2. c. 3. fol. 245. ubi citat. Becher. & c. 4. fol. 291.

Ranchin. de morb. subit. c. 12.

(b) Hanneman. Ephim. Nat. cur. dec. 2. A. 5. observ. 121. & Miscell. dec. 2. A. 7. observ. 67.

(c) Ledel. in Miscell. Nat. cur. dec. 2. A. 6. observ. 69.

solent obstetrices: arbitratur autem Bruhierius dexteræ suctionem pari modo profuturam.

3. Tertio plantas pedum sollicitare penicillo: quod etiam in adultorum deliquiis medici laudaverunt. (a)

4. Quarto calentis aquæ balneum additis aromaticis malorum Assyriorum vulgo Aurantiorum, rosmarini, lauri, ac similibus herbarum frondibus, vino, aliisque spirituosis liquoribus: in quo balneo collo tenus puerulus immergatur. (b) Juvabit etiam simplicis aquæ frigidaë, præsertim gelidaë, aspersio: ea enim non solum quotidie Syncopticos excitat; sed non semel & infantulos, & adultos vere defunctos creditos a veterano illo mortis excussit.

5. Quinto prope parvulum ipsius placentam, secundinas, funemque umbilicalem comburere: cum enim foetus paulo ante fue-

rint partes, quæ illius venas, arteriasque in se implantatas ac ejusdem sanguine, spiritibusque refertas, continebant: si spiritus isti jam ignis virtute acuantur, & exaltentur, infantem exfuscitant. Præstat autem funiculum umbilicalem ab infante non recidere: ita enim propter immediatam vasorum communicationem remedium celerius, ac tutius operabitur.

6. Sexto fumus tabacci in intestina (uti fit in submersis, & apoplecticis) introductus: irritat enim eorum peristalticum motum, qui diaphragmati, pulmonibus, & cordi participatur: & ecce sanguinis circulum, aërisque alternum accessum, & recessum brevi restitutos. Peculiare instrumentum coriaceum ad id Britanni excogitarunt: cujus imaginem dedere Bartholinus atque Lovisius: utilius autem, commodiusque reddidit Mussembroecchius: nam quo calidior intrabit fumus, eo (c) erit effica-

Z z

(a) Deventer apud Bruhier. t. 1. c. 4. §. 2.

(b) Chundeman. Acta Nat. cur. t. 2. observ. 150.

Bruhier. t. 1. c. 1. §. 8. n. 11. fol. 205 & n. 12. fol. 206.

(c) Joly apud Bruhier. tom. 2. c. 1. fol. 188.

Et Bruhier. dicto t. 2. c. 6. f. 383.

efficacior. Huic instrumento, si desit, aliud valde simile substituetur, nempe tubulus, quo ad tabacci fumum inspirandum utuntur, vulgo Pipa: sed tunc afflabit obstetrix ex parte foci, papyro forata cooperti: potuerunt quoque subrogari duo hujusmodi tubuli, unus integer, alter vero detracto foco. Primus etenim ad fumum attrahendum, secundus ad eundem in intestina immittendum adhibebitur.

Siculæ obstetrices gallinæ viventis rostrum in infantis intestinum introducunt, eam, ne fugiat, detinentes: quod fortasse a ciconiis, juxta relata nimirum a Fulgoso, desumptum est. (a)

7. Porro Francisca Diez obstetrix, de qua supra, sextum filium pepererat sine motu, sine respiratione, sine pulsu: gallinam nihilominus modo prædicto applicuit, secundinas, placentam, & umbilicalem funiculum non resectos a

foetu in Tegano aptavit, & frixit, eumque mirabiliter liberavit.

8. Propterea pro re habeo indubitata, majori numero detegendos fore vivos foetus, qui sub mortuorum larva oriuntur, si in usum prædicta, & similia tentamenta venirent. Oportet autem (b) (quod Medici de submersismo nare solent) animum non remittere, si quando res non cito succedat ex voto, sed per duas, tres, imo quatuor horas remediis insistere, si vere infantulorum salutem inquirimus. Non enim desunt exempla id egregie confirmantia: (c) imo Bruhierius ad octo dies, & amplius curationis tempus extendit, eamque dimitti prohibet quousque insurgat putrefactio, quæ ipsi, uti diximus, unicum est amissæ vitæ indubitabile signum.

9. Extraxerat manu 6. Id. Augusti 1748. a matre, mortua putata, Chirurgus Riguardus (d) infantem,

(a) Fulgos. l. 1. c. de Avib. mirab.
Bruhier. t. 2. c. 2. f. 132. & seq.

(b) Misson apud Bruhier. t. 1. c. 2. f. 21.

(c) Bruhier. t. 1. c. 1. §. 7. f. 509. & 513.

(d) Bruhier. t. 2. c. 5. §. 3. fol. 537.

infantem, qui & ipse anima jam exutus apparebat: ille cum sciret, quam ambigua sint in his pueris communia mortis argumenta; astantibus mulieribus præcepit, ne eum pro mortuo dereliquerent, sed refocillare satagerent. Id eo libentius præstiterunt, quo puerum eleganti præditum forma perspexerant. Verum post curam per tres horas frustra, ut videbatur, impensam, animum despondentes, eum certe mortuum iudicarunt: dum itaque ipsum pro sepultura componunt, os ille aperit. Nova ergo spe, ac zelo animatae subsidia renovant, vinum, acetum, reginae aquam admovent, quibus ille demum excitatus manifesta vitæ ostendit indicia. Advocatur propterea iterum Chirurgus, qui post quartam horæ portionem perveniens, puerculum plorantem reperit, eorum more, qui sani vividique oriuntur. Ex his Chirurgus in spem denique erigitur, matrem non secus, ac acciderat filio, quamquam sub mortis imagine, fortasse vivere. Eam igitur arcae mortuariæ jam inclusam revisit: cumque post septem

a morte apparente horas adhuc flexibilem invenisset; spiritu salis ammoniaci, licet incassum, suscitare tentavit. Hoc non obstante, familiaribus jubet, ne puerperam terræ mandent, nisi prius brachiis, cruribusque rigentibus: sed interim frictionibus ad manus, oculos, nares, totumque vultum, aceto, & aqua reginae irritare solertissime studeant. Hisce subsidiis illa tandem expergefacta surrexit, ac diu cum filio quamquam surda, muta, & paralytica supervixit.

10. Joannes quoque Roccafortius, agnomine mortis elusor, „*Trompe la mort*„ 4. ætatis Anno, mori visus, & arcae mortuariæ illatus fuerat, Parochialis Ecclesiæ campano ære ad ejus funus personante: sed mater contra cæterorum omnium judicium sibi suadere nequibat, eum revera obiisse. Igitur quamvis a domesticis aliisque amentiaè damnaretur, puerum variis auxiliis juvare contendit: nec eam fefellit eventus: nam ille post quatuor diligentissimæ curationis horas vitæ indicia præbuit amanti genitrici, & pristinam (a) deinde

Zz 2

sanita-

(a) Bruhier. t. 1. c. 1. §. 7. fol. 165.

sanitatem recuperavit. Quocirca repetere non gravabor: si debitas industrias conferremus, innumeri, ex hujusmodi parvulis ad vitæ munia reverterentur. Ut

ut autem sit, ubi casus evenerit, expediet omnino a spe non excidere; sed æquo, & constanti animo fortunam semper & accuratissime experiri.

C A P U T XVII.

Utrum baptismus conditionatus conferri possit infantibus, de quibus juxta dicta suspicari possumus
Asphyxia detineri?

I. Quæ cum ita sint, oritur inde dubium, utrum parvulus, qui nascendo mortuus apparet, si non est contusus, lacer, aut vulneratus, vel corruptus: neque corruptionis præ se fert initia; nec aliud habet indubitabile mortis indicium, veniat juxta peritarum obstetricum praxim sub conditione baptizandus? Et affirmandum censeo: ob prædictas enim rationes, tot experimentis comprobatas, merus respirationis, motus, sensusque defectus potest in eo facillime cum vita componi; ac dubium subest non mendicatum, neque remotum, sed prudens, vereque probabile, infantem hujusmodi non esse mortuum,

sed syncope ferociori defixum. Et profecto si expertis obstetricibus a me diligenter examinatis credendum est; numerus parvulorum a corruptione prorsus immunium, qui sub mortuorum larva in lucem veniunt, ac deinde recuperantur, superat primo eorum numerum, sane non exiguum, qui propter putrefactionem, vel ejus initium certo mortui dicendi sunt. Secundo, quod gravioris est momenti, & supra judicavimus; major infantium pars, quos nondum invasit corruptio, remediis, quamquam ut plurimum perfunctorie applicatis, ad vitæ usum revertitur. Quot ergo alii redirent, si serio res ista perageretur, & perproli-

prolixè continuata præsidia in illos recreandos incumberemus? Mitto, quod forte, ut olim suspicatus fuisse videtur Mabillonius, (a) cujus verba superius attuli, (b) nonnulli etiam ex pueris, quorum mors non satis erat contestata, & resurrexisse a mulierculis dicti sunt, solum ab Asphyxiæ veterno evigilarunt.

2. Cæterum ubi de putrefactione dubium sit, discutiendum, uti diximus, utrum foetor a filio-
lo, an a sanguine matris, ejusque liquoribus corruptis oriatur: utrum pueri gangræna sit sicca, vel humida quidem, sed cum rubore conjuncta: hujusmodi enim gangrænæ vivorum essent, non mortuorum.

3. Oporteret profecto, ubi dubium aliquod mortis intellectui obversaretur, veritatem per experimenta disquirere, & extricare: sed id in præsentî themate locum obtinere non poterit, periculum enim est in mora. Quocirca si prius tam exactæ probationes fa-

ciendæ essent, ac postea dato aliquo vitæ indicio, hujusmodi infantes baptizari deberent; non pauci eorum, recipiendi baptismatis elapsa opportunitate, inexpectati decederent. Nascentium enim egressio in liberum aërem, sicuti vitæ conditionem mutare valet in melius, eosque relevare: ita potest & in pejus convertere, eosdemque penitus interimere. Non enim novum est, flammam nunc a spirantibus auris foveri, & extolli, nunc vero prorsus extinguî.

4. Expediit ergo, ut, antequam prælaudata remedia adhibeantur, pueros ob prudens eorum vitæ dubium, sub conditione baptizemus, ipsorum recreationem, si forte bene cedat, paulo post commodius aggressuri. Nam, uti supra diximus, Asphyxia tribus gradibus distinguitur. Quidam illa correpti aliquando ex se ipsis, & sine aliorum auxilio ad vitæ munia remigrant; alii nequaquam recuperantur sine subsidiis, & quandoque diu continuatis; alii tandem quam-

Z z 3

vis

(a) Mabillon. t. 5. op. in Epist. sub nom. Euseb. Monac. de cultu SS. Ignot. n. 18.

(b) Embryol. l. 1. c. 12. n. 3.

vis adhuc vivi, nulla prorsus arte juvari, ac retineri possunt, quominus in interitum certissime ruant. Propterea etsi pluribus inutilis erit curatio, quia reipsa mortuis; aliis tamen quia vivis, & sanabilibus, evadet salutaris: alii postremo, quorum vita adeo

jacet labefactata, ut nullo humano subsidio relevari possit, cum tamen eorum anima nondum sit a corpore seperata, & baptismus eos revera viventes inveniat, æternam saltem proculdubio salutem consequentur.

C A P U T XVIII.

Affertio de conditionato baptismate hujusmodi parvulis tribuendo, ex Medicis, Theologisque confirmatur.

1. Romanum quidem Rituale in titulo de baptizandis parvulis nihil de præsentis casu disponit, sed tantum præcipit, dandum esse baptismum, ubi puer in partu periclitatur, & motum vitalem ostendat. Sane motus iste vitalis est motus ab intrinseco ex. gr. pulsus arteriarum, a motu nascendi, quo necessario infantes omnes, quamvis defuncti, moveri solent, dum actu egrediuntur; plane diversus: nemo enim oriri poterit sine aliquo motu, qui a matre saltem parturiendi conatibus communicetur: in hoc autem baptismate

Rituale non apponit conditionem, *si tu es vivus*: ubi enim vitalis inest motus, de vita non erit ambigendum. Cum igitur nihil statuat de baptismate parvulis concedendo, ubi de eorum vita oporteat dubitari, rem ipsam Theologorum, & Medicorum judicio permittit. Hos ergo audiamus.

2. Et e Medicis quidem seligo Bruhierium, qui præ cæteris materiam de mortis indiciis copiosius pertractavit. Hic in operis coronide generaliter monet: omnibus, qui repentino aliquo malo mortui videantur,

videantur, sine caracteristico mortis signo, quod illi est sola putrefactio, vel ejus initium; præsidia spiritualia, quorum capaces existunt, esse tribuenda: eo quod recte suspicari possimus, eos aliqua syncope fuisse prostratos. In his autem expresse recenset pueros, qui sub defunctorum figura in lucem prodeunt, ob plurima scilicet experimenta, in quibus sæpe vivere detecti sunt. *Ex his, ait ille, observationibus sequitur, quod usquequo mors indubitabilis non evadat, conferenda sint homini spiritualia illa præsidia, quæ recipere pro statu præsentis valebit. Insuper cavendum esse, ne in conclavi sermones misceantur, qui ægroto displicerent, si ab eo forte audirentur.*

3. Et quamquam, uti probavimus, in adultis præter corruptionem alia contra Bruhierii mentem, ut plurimum saltem, sint signa mortem comprobantia; medicum tamen illius judicium maximi faciendum est in parvulis motu in natiuitate carentibus: quia & syncope in illis vehementior, &

frequentior est, & mors per alia characteristica signa, si putrefactionem tollas, regulariter saltem, agnosci non potest.

4. Nunc vero ad Theologos veniendum. In universum ipsi clamant, ubi necessitas urget, & ministrandi Sacramenti valor est dubius, deberi illud sub conditione ministrari, quum magis expediat homini vel dubio auxilio succurrere, quam nullo; præponderante scilicet hominis probabili utilitate probabili Sacramenti frustrationi: quod etiam ipse Morinus ex doctrinis SS. Patrum admittit, vir cæteroqui nequaquam laxæ disciplinæ suspectus: *Salus enim (ait) populi suprema lex est, & propter populi salutem instituta sunt Sacramenta. Ideo concurrente utraque probabilitate, salutis procurandæ probabilitas, alia valere jussa, eligenda est.* Hieronymus Florentinus, (a) ut alibi diximus, in disputatione secunda Romæ post diligentissimum examen, & Superiorum permissionem edita, docet: Abortivos etiam primo graviditatis tempore,

(a) Florent. de Hom. dub. disp. 2. sect. 6. n. 5. f. 124. & disp. 4. f. 14. n. 9. & 20.

pore, nisi manifeste sint mortui, esse sub conditione baptizandos. Pro indicio tamen mortis indubitabili, non motus defectum, sed compressionem, & contusionem assignat. *Supposita, ait, sententia probabili animationis, prudenti judicio existimandus est vivus, nisi per accidens, & ex causa aliqujus compressionis, aut contusionis evidenter appareat mortuus.* Confer. supra Lib. I. Cap. X. n. 5. in fine, pag. 76. Abstinet autem a designando, pro mortis argumento, motus defectu, quia ut ex Harvæo, & Guarinonio ipse retulit, sæpe in minimis abortivis cordis motus intermittitur, vita certe durante.

5. Florentinium sequitur Constantinus Roncaglia (a) ex eadem Religiosa familia, clari nominis vir: maxime namque commendat illius librum, & sententiam: docetque similiter minimos abortivos, nisi certo sint mortui, esse conditionate baptizandos. Additque, dum dubitatur, utrum foetus sit vivus, an non, esse baptizandum, præmissa conditione,

si es vivus. Id autem locum habere nequibit; nisi quando foetus egreditur saltem ad sensum respiratione, omnique vitali, seu rithmico motu privatus: unumquodque enim istorum vitam redderet plane certissimam: nec ullo pacto posset cum mortis dubitatione concurrere. Id ipsum nonnulli Antistites in suis de Partu Cæsareo, & abortu gravissimis Edictis expresse monuerunt: nimirum Archiepiscopi Panormitanus, & Monregalensis, Episcopi Liparitanus, & Cremonensis, Archimandrita Messanensis, & Abbas S. Luciae. Quæ autem Doctores, ac Præsules isti de abortivis luculenter affirmant, ex iisdem, similibusque rationibus, ad alios nascentes pueros extendenda procul dubio veniunt, in quibus characteristica desunt mortis indicia, nimirum sive ii ex abortu, sive ex partu Cæsareo, vel difficili, aut etiam facili jam perfecti oriantur. Imo etiam a fortiori: de his enim constat anima rationali fuisse olim informatos: & solum ambigitur, utrum hæc anima permaneat adhuc in corpore, an inde migraverit.

(a) Roncaglia Theol. mort. t. 2. tr. 17. de Baptism. c. 4. q. 4. resp. 3.

verit. Favetque præter defunctum hodiernus ac præclarissimus Episcopus Liparitanus Archiepiscopus Peleusienſis, qui de foetu primorum dierum, quamquam imperfectissime figurato loquens, ait. *Si motum ostendat, illico sub conditione baptizetur: quod si motum non ostendat (dummodo tamen humanus esse foetus appareat: Et neque contusus ille sit, neque corruptus)* graves Doctores volunt conditionato baptismo donandum esse. Atque ita monemus faciendum. Poterit enim esse vivus, Et ob aliud forte deliquium quiescere. Cui deliquio sicuti ex innumerabilibus constat experimentis, frequenter in nascendo foetus omnes, etiam ortui maturi, æque subjiuntur.

6. Verum quæ de nascentibus parvulis huc usque diximus, de omnibus, in quibus deliquium suspicari licet, tradidit Joannes Caramuel. (a) Ejus doctrinam, quam additis etiam propriis experimentis, in plures conclusiones ipse distribuit, compendio perstringamus. Afferit ergo in casibus repentinis posse, ac deberi a Parochis ex justitia, ab aliis vero

Sacerdotibus ex charitate, sub gravi proinde peccato, absolvi: (intellige semper conditionate: *si es vivus, Et es capax*) qui per communia signa mortuus apparet, si mors aliunde non constet: cum enim possessio stet pro vita, hæc ipsa possessio majori efficacia nos adigit ad vitam præsumendam, quam alia fortasse præstaret probabilis ratio, vel etiam probabilior. Arbitratur autem, hujusmodi signa nil aliud efficere posse, quam vitam antea certam reddere modo incertam, ac dubiam: at in dubiis, ac probabilitatibus ex utraque parte pugnantibus, favendum esse animæ: ideoque propendendum ad vitam. Sentit etiam cum Feifoo, ut infra videbimus, non solum in casibus repentinis, verum etiam in aliis regularibus morbis forte hominem prius apparere mortuum, quam talis revera sit. Deinde ait:

7. Octavo, non est evidens, tunc mori hominem, cum ultimo sensu privatur. Rem edissero. Solent ægri in deliquia profundissima incidere, Et mortui putari, quo usque paulatim se recuperent, Et ad se redeant.

A a a

Sed

(a) Jean. Caram. Theol. mor. fundam. 66. p. 541. n. 14.

Sed quid fieret illi, qui diceret, nexum animæ, & corporis esse substantialem, fortissimum, & fidelissimum, nec rumpi tam cito, quam putamus? Omnes ad unum moribundos ad mortem per gradus transire, e valetudine ad morbum, e morbo ad deliquium, & e deliquio ad mortem? An non innumerati casus sunt in historiis, qui hanc veritatem persuadebunt? Legimus sæpe ægros in cordis deliquium lapsos, & mortuos creditos miserrime fuisse sepultos. Legimus ex istis nonnullos speciali Dei misericordia ab ipsis sepulchris ereptos: quid ergo vetat dicere: omnes prius a sensibus, & postea ab ipsa anima deserui? Quid vetat addere, ex desertis a sensibus alios ad se rediisse, & alios non? An non sunt leges publicæ in communitatibus multis, quibus est cautum, ne ante vigesimam quartam a morte horam sepeliantur cadavera, si forte ad se redire possint? An non eadem ratio, quæ urget, ne sepeliantur, urgebit, ut absolvi possint?

Hic autem Caramuel de casu loquitur, in quo signa characteristicæ defunt. Præterea (quidquid

ille circa repentinos morbos vel dubitaverit vel crediderit,) non sic intelligendus est, quasi dicat, in morbis periodicis, posse, qui mortuus videtur, absolvi, per totum id tempus, quo manet ad cautelam insepultus: ita enim dubium de vita ipsius evaderet valde remotum. Intelligendus est ergo de tempore tantum exanimationi proximo, relate scilicet ad fundamentalem ejus rationem: quia nimirum suspicatur, inter agoniam, & mortem semper intercedere synopem: quæ tamen cum corpori jam penitus labefactato, & immediate morituro, veluti mortis prodroma, supervenire supponatur, non nisi brevissima esse poterit. Hoc proinde tempus Feifous, cæteroquin in morbis repentinis largior, in periodicis caute monet non extendendum, nisi ad horæ quadrantem, vel ad summum ad horæ dimidium. (a) Per hoc enim solummodo spatium, ubi mortis comprobatio facta non sit, quæ tamen in gravidis nunquam omititur; posset in illa hypothese aliqua vitæ verisimilis dubitatio permanere.

CAPUT

(a) Feif. loc. inf. cit. n. 31. 42. & 43.

CAPUT XIX.

Feifous, aliique Doctores prædicto baptismati favent.

I. Celeberrimus hic Auctor olim in Hispaniis Benedictini Ordinis Generalis Antistes, in insigni suo Critico Theatro, Ca-
ramuelis doctrinam, quæ tamen ejus oculos, vel memoriam saltem fugerat, luculentius exposuit, & latius confirmavit.

Feifous Theatr. Crit. t. 5. de Signis Mortis actual. disc. 6. §. 9.

§. IX.

XXXIII. „Ex his, quæ hucusque, uti Phyfici examinavimus, ait ille, reliquum est, ut quamdam illationem maximæ utilitatis tamquam Theologi deducamus. Illud profecto jam in principio præsentis dissertationis indicavi: scilicet in quam plurimis eventibus, in quibus Sacerdotes absolutionem denegant, posse, & debere illam sub conditione tribuere. Certum est, mortuo, si talem esse constet, veluti sacramentalis absolutionis incapaci, ne quidem sub conditione posse illam concedi: verum potest, ac debet, ubi dubium est, utrum vivat, an mor-

tuus sit, si ab eo absolutionis petitio formalis, aut virtualis præcefferit. Hæc enim habetur pro confessione in communi, vel formali, vel interpretativa, ac per eam dolor sensibilis evadit. Hæc saltem est sententia apud Recentiores obvia. Statuamus ergo hujusmodi casum, qui multoties evenit. Quidam cum se feroci morbo invadi sensisset, qui summa vi, ac velocitate vitales ipsi facultates prostermit, confessionem inclamat. Aliquis ex adstantibus Sacerdotem quæsiturus abscedit; verum cum hic deinde supervenit, eum reperit sensu, motu, ac respiratione penitus destitutum: quod juxta

„communem existimationem idem
 „est, ac mortuum. Quid aget
 „Sacerdos? Quamvis a tempore,
 „quo æger in deliquium inciderit,
 „non nisi horæ quadrans effluxerit,
 „domum suam repetit, di-
 „cens, ipsum absolvere non pos-
 „se: ac recte quidem, uti Theo-
 „logus, verum errabit, ut Phy-
 „sicus.

„Constanter igitur affirmo, in
 „proposito casu, posse illum ab-
 „solvere sub conditione, quamvis
 „plusquam una, vel duæ horæ
 „elapsæ sint. Id ineluctabiliter
 „probo. Debet illum absolvere,
 „dum dubitari debet, utrum vi-
 „vat, an mortuus sit. Sed ita
 „est, nimirum, quod quamvis
 „plusquam duæ horæ sint præter-
 „lapsæ, nihilominus dubitandum
 „venit, utrum vivat, an obierit.
 „Ergo. Major constat ex suppo-
 „sitione ipsa: quæ certa est apud
 „Theologos. Minorem ita pro-
 „bo. Dubitari debet, utrum vivat,
 „an mortuus sit, dum nulla viget
 „certitudo neque physica, neque
 „moralis, ipsum obiisse. Sed sic
 „est, quod elapsis plusquam dua-
 „bus horis, nulla neque physica,
 „neque moralis viget certitudo,

„ipsum obiisse. Ergo. Confe-
 „quentia sequitur. Major est per
 „se nota. Minor constat eviden-
 „ter ex his omnibus, quæ supra
 „allegavimus, quæque pro majo-
 „ri claritate proposito casui apta-
 „bimus, ea, quæ necessaria vide-
 „buntur, addentes.

XXXIV. „Peto, quænam ra-
 „tio nos impellit ad hunc homi-
 „nem post duas, vel tres horas a
 „funesto illo casu, defunctum ju-
 „dicandum? Videmus eum pro-
 „fecto sine respiratione, sine mo-
 „tu, sine sensibus. At quod ad
 „primum attinet, certo definire
 „non possumus, respirationem
 „omnino illi deesse, sed solum
 „consueta, ac naturali vi, quæ a
 „nobis percipi possit, non respi-
 „rare: motum deinde, ac sensum
 „ad summum affirmare poterimus
 „in partibus externis defecisse:
 „quomodo tamen se res habeat in
 „internis, ignoramus. Deinde
 „neque respirationis totalis cessa-
 „tio, etsi vera supponatur, mor-
 „tem certo nobis indicabit. In-
 „dubitatum est enim, humanum
 „corpus quibusdam præternatura-
 „libus dispositionibus obnoxium
 „esse, in quibus respirationis ab-
 „olitio

positio tolerari, aut saltem sup-
 pleri valeat. Tertio quamvis
 ultro concederemus, defectum
 respirationis per duas, tresve
 horas connexionem habere cum
 morte; non inde sequitur, illum
 esse jam mortuum, quem per
 duas vel tres horas cernimus re-
 spiratione destitutum; sed solum
 eum in quadam moriendi necessi-
 tate positum: adeo ut quamvis
 verum esset, quod tamen profe-
 cto falsum est: neminem scilicet
 eorum, qui tanto tempore respi-
 ratione caruerunt, vitæ muniis
 fuisse restitutum; seu quod idem
 est, omnes inevitabiliter obiisse;
 scire nihilominus impossibile est,
 quo temporis momento extincti
 sint: neque id sine divina reve-
 latione dignosci valebit. Respi-
 rationis defectus per horæ qua-
 drantem, vel dimidium, vel per
 integram horam &c. poterit cor-
 pori talem alterationem inferre,
 ut mors infallibiliter inde succe-
 dat: cæterum scire nequibimus,
 utrum ad horæ unius, vel dua-
 rum, trium &c. terminum se-
 quutura sit.

§. X.

XXXV. „Hoc argumentum
 „omnibus mortis casibus, five re-
 „pentina invadat illa, five cui-
 „cumque infirmitati pedissequa sit,
 „aptari poterit. Supponamus, fe-
 „brem per distinctos gradus ægro-
 „tum sensim ad sepulchrum dedu-
 „cere: extenuatur ille, atque
 „paulatim notoria facultatum om-
 „nium clade consumitur, quousque
 „cernatur in eo rigorosa facies hip-
 „ocratica, cum cæteris omnibus
 „fatalibus signis, quæ in Medico-
 „rum libris describuntur; propor-
 „tione servata ex hoc statu deci-
 „dit in extremum agonem, & ex
 „agone ad ultimas oscillationes.
 „Jam corpus illud non nisi exani-
 „mem truncum repræsentat. Po-
 „teris tamen certo dicere, mor-
 „tuum esse? Nequaquam: sed
 „tantum illud, si nondum vita spo-
 „liatum est, brevi tamen ea spo-
 „liatum iri: at certo temporis
 „momento vitæ terminum desi-
 „gnare nequibis.

„Nihil in hac materia scire si-
 „cet, nisi per experientiam. Phi-
 „losophia enim eo usque penetra-
 „re non valet, ut discernere possit,
 „quænam sit dispositio, seu qui-

nam fit ille alterationis gradus, quo in partibus corporis præcipuis posito, eodem momento animæ separatio consequatur: & quamvis theorice ad illum cognoscendum pertingeret, quibus instrumentis inspiciet, utrum ea dispositio visceribus inducta jam fuerit? Neque magis demonstrat experientia, quandonam anima separetur, sed ad summum nos edocet, eos, qui per supra indicatos gradus ad illud labefactionis punctum pervenerunt, nunquam ad vitalem respirationem rediisse. Cæterum hujusmodi per gradus exanimatis tam amplum temporis spatium pro absolute ipsiis tribuenda non assignarem: atque ut opinor, majus, quod ipsiis concedi possit, est horæ dimidium. Ratio est, quia in his totum corpus, nullo ex visceribus excepto, illam sensim alterationem, corruptionis causam, patitur, quæ est infirmitatis effectus: quod tamen non habet locum in aliis, qui gradibus antedictis prætermiſſis, in deliquium prolabuntur. Quocirca contingere potest, imo sæpe contingit, ut præcipuæ cor-

poris partes nullo afficiantur damno, aut saltem damnum non sit irreparabile: quod si tale fuerit; id nihilominus veluti necessarium reputo: nimirum quod a deliquii momento usque ad totalem vitæ abolitionem aliquod notabile tempus intercedat: in pluribus saltem casibus, in quibus repentinum illud malum viscera sana reperit, facultatesque integras: nam ex hoc momento, usque ad ultimum ruinæ momentum quis non videat intercapedinem non brevis moræ necessario esse admittendam?

XXXVI. Verum pro casu, in quo mors passibus venit regularibus, quorum successio non Medicis tantum, sed & adstantibus quoque notoria est; non gravate ferrem, unumquemque in suo sensu abundare: disputatio in hac parte minimi quidem erit momenti: si namque mors hoc modo appropinquaverit, modo eventus valde raros excipias, christianas, & necessarias cautiones, quæ ipsam præcedere debent, præmissas profecto reperiet.

XXXVII.

XXXVII. Doctrina vero, quam præcipue trado, quamque maxime necessariam judico, est pro casibus, in quibus mors communem methodum non servat: in hisque mea argumenta fortissima sunt; præsertim illud, quod ex supra allatis exemplis desumitur. In his omnibus ea exanimationis imago conspiciebatur, quæ mortem communiter committari consuevit: quæque in totali privatione (sive vera sit illa, sive apparens) sensuum, respirationis, motusque consistit. Eoque non obstante, homines illi vitam functi non erant. Ergo neque in statu quæstionis, qui prorsus idem cum illo est, hæc eadem exanimationis repræsentatio certum existentis mortis indicium erit reputanda. Deinde insurgo. Ubi nulla viget certitudo, dubitandum est: ubi vero dubitare oportet, utrum is, de quo agitur, vivat, an obierit, sub conditione absolvi debet. Ergo.

XXXVIII. Demum varii Medicinæ Scriptores notæ auctoritatis testificantur, in casibus apoplexiæ, syncopes, ac suffoca-

tionis uteri æquivoca esse communia mortis signa: ita ut affectus illi aliquando tam graves existant, ut omnimodam secum trahant, nostrorum sensuum spectato iudicio, respirationis, motus, & sensus privationem: quapropter admonent, ut in similibus eventibus ad tertiam diem corporum sepultura differatur: nam per totum illud temporis spatium, uti multa docent experimenta, possunt in vivis persistere. Hoc autem per se solum (quamvis cætera deessent argumenta) jam ad intentum sufficeret. Nunc vero ad casum quæstionis revertamur: cum Sacerdos ad hominem, pro quo absolvendo vocatus fuerat, pervenit, eumque reperit respiratione, sensu, ac motu privatum; evidens est, dubitare debere, utrum iste aliquo ex tribus antedictis morbis oppressus fuerit: etenim undenam contrarium ille conjiciet? Neque illi ipsi, qui tempore invasionis adstabant, id scire poterunt. Non dixi satis: Medicus ipse, quamvis fuerit præsens, id ut plurimum ignorabit. Ubi enim paroxysmi illi

adeo

„adeo sunt vehementes, ut etiam
 „respiratione defraudent, nullum
 „habent signum, nisi valde falli-
 „bile, quo inter se, & ab omni
 „alia morbosa affectione, quæ
 „eamdem privationem possit indu-
 „cere, discernantur.

„Necessario ergo dubitare de-
 „bet Sacerdos, utrum homo ille
 „mortuus sit, an vivus. Dubium
 „enim istud ab alio inevitabiliter
 „sequitur, supposita doctrina,
 „quam statuimus: nimirum in his
 „morbosis affectionibus quando-
 „que mortuum judicari, qui vivit
 „adhuc. Ergo debet eum sub
 „conditione absolvere, quamvis
 „elapsæ fuerint non solum duæ
 „horæ, sed etiam decem, aut duo-
 „decim, & amplius: Medici enim
 „dicunt pro sepelitione expectan-
 „dos esse tres dies.

XXXIX. „Et profecto dice-
 „rem, non solum dubitare debere
 „Sacerdotem, sed positive judi-
 „care, illum oppressum fuisse ab
 „una ex illis tribus affectionibus.
 „Ratio est clara. Medici enim
 „nullum alium indignant morbum,
 „qui subito totalem sensus, respi-
 „rationis, & motus privationem

„inducit, nisi tres illos, ubi vehe-
 „mentissimi fuerint: Ergo neces-
 „se est judicare, unum ex illis ho-
 „minem in statum adeo deplorabi-
 „lem conjecisse.

§. XI.

XL. „Doctrina, quam expo-
 „suimus, non solum locum habet,
 „cum homo, qui paulo ante sanus
 „bene valebat, in adeo profun-
 „dum ruit deliquium; sed etiam
 „cum hæc mortis imago, seu pa-
 „roxysmus alicui alteri morbo su-
 „pervenit. Suppono hominem,
 „de quo agimus, aliqua magna
 „febre, vel acuta colica passione,
 „vel intenso capitis dolore labora-
 „re; absque eo, quod per eos
 „ægritudinis gradus delabatur, qui
 „paulatim ad extremum ducunt
 „mortis agonem. Invadit ipsum
 „privatio sensus, respirationis, ac
 „motus: hæc neutiquam ægritu-
 „dini, quam patiebatur, venit ad-
 „scribenda, quæ apta non erat ad
 „tam subito creandam privatio-
 „nem ipsam, saltem tamquam cau-
 „sa, vel dispositio immediata, sed
 „alicui ex tribus antedictis affecti-
 „bus tribuenda erit; sive hic ali-
 „quo nobis occulto modo ab ante-
 „cedenti

cedenti morbo originem habeat;
 five nullam ab ipso aggrediendi
 occasionem sumpserit; quapro-
 pter casus hic erit semper existi-
 mandus repentinus. Nam &
 illi ipsi qui tales in toto rigore
 sunt, quique non a causis extrin-
 secis oriuntur, proveniunt sem-
 per a causis antecedentibus, quæ
 nimirum in corpore latebant: pu-
 ta histerica accidentia a malignis
 humoribus in utero congestis.
 Sacerdos igitur in his etiam casi-
 bus vocatus conditionate absol-
 vere debet, quamquam post duas,
 vel tres horas a morte apparente
 perveniat.

§. XII.

XLI. Animadvertendum est
 hic, non defuturos, qui me te-
 meritatis insimulabunt, quasi no-
 vum aliquod in Theologiæ Mo-
 ralis praxim invehere conten-
 dam: quibus tamen hæc tria re-
 spondebo. Primum est, me
 parvifacere, semperque parvifa-
 cturum genus istud Censorum,
 qui in reliquis coeci, vident so-
 lummodo, atque sequuntur cur-
 riculum illum, cui ipsos alii im-
 posuerunt: uti ait Seneca, non

qua eundum est, sed qua itur,
 euntes. Secundum in similibus
 materiis non interesse scire, vel
 inquirere quid antiquum, vel
 quid novum, sed quid verum.
 Fateor præsumptionem favere
 opinionibus communi calculo re-
 ceptis. Verum id obtinebit, us-
 quequo contra illas argumenta
 insolubilia non proponantur, qua-
 lia sunt illa, quæ exprompsimus.
 Jura enim præsumptionibus non
 attendunt, si contra eas proba-
 tiones ineluctabiles insurgant.
 Tertium, quod, quamvis novam
 praxim, non novam tamen pro-
 pono doctrinam; imo ista com-
 muniior est, atque receptior. Om-
 nes Morales Theologi sentiunt,
 ubi necessitas urgeat, ac simul
 dubitetur, utrum Subjectum sit
 absolutionis capax, dandam esse
 conditionatam. Ex morali Theo-
 logia hanc tantum propositionem
 ad assumptum defumo. Dubium
 vero decidere, utrum in casu hu-
 jus quæstionis Subjectum existat,
 necne capax: nimirum utrum vi-
 vat, an non: & utrum detur hoc
 dubium, profecto non ad Mora-
 lem Theologiam, sed ad Physi-
 cam pertinet: atque in hac ea-

„dem materia nihil ipse affirmo,
„nisi quod evidenter ab experi-
„mentis, atque ab ipsorum Medi-
„cinæ Scriptorum documentis in-
„fertur: „

XLII. „Doctus vir P. Lacroix,
„qui merito nostris diebus, tanto
„cum plausu per manus omnium
„volitat; unicus est inter auctores,
„quos ego vidi, qui quamquam le-
„viter, in quadam objectione,
„quam sibi metipsum opponit, no-
„stræ quæstionis rationem attin-
„git, *lib. 6. p. 2. n. 1164.* ubi post-
„quam affirmavit, absolvi Sacra-
„mentaliter non posse, qui jam
„defunctus est; ita argumentan-
„tur. *Nonnulli Medici docent, ani-*
„*mam rationalem unitam corpori*
„*manere per unum, vel duos horæ*
„*quadrantes, postquam vulgo mor-*
„*tuum judicatur: si adveniat ergo*
„*Sacerdos ad aliquem, qui videtur*
„*exanimis, poterit per illud tempus*
„*circiter, illum saltem sub condi-*
„*tionem absolvere?* Quæstionem
„solvit hisce verbis, *Respondeo:*
„*si illa opinio vel ex ratione, vel*
„*ex auctoritate est alicui dubie pro-*
„*babilis, concedo consequentiam.*

„*Verum,* immediate subjungit,
„*contrarium usque modo ego sensi,*
„*Et etiamnum in præsentem certum*
„*reputo.*

XLIII. „Vides hic Patrem la-
„Croix mecum in iudicio Theolo-
„gico convenire, discrepantiam
„vero in iudicio tantum Physico
„intercedere. Pater la Croix
„Medicorum illorum opinionem
„certo improbabilem arbitratur.
„Ego tamen probabilissimam.
„Imo si loquamur non generali-
„ter pro defunctis omnibus, sed
„pro multis, evidenter certam:
„nam constanti experientia habe-
„mus, multos, qui defuncti existi-
„mabantur, post integras horas
„recuperatos. Ex his evidenter
„probatur obligatio, quam Pater
„la Croix negat ad conditionem
„absolvendum: nam eventum il-
„lorum experientia, in quibus
„qui mortui putabantur, vive-
„bant, dubium reddit, utrum in
„plerisque aliis idem contingat.
„Sed sic est, quod hoc extante
„dubio, secundum P. La-Croix
„imo secundum omnes, debet sub
„conditione Sacerdos absolvere.
„Ergo.

§. XIII.

XLIV. „Omittendum hic autem non est, Paulum Zacchiam, „Doctorem tanti apud omnes nominis *Q. Medic. leg. l. 4. tit. 1. q. 11.* cum aliis quinque Auctoribus, quos citat, affectibus apoplexiæ, syncopes, & uterinæ suffocationis multos alios adjungere, qui analogi sunt apoplexiæ, ad fundandum rationabile dubium, utrum qui apparenter veluti omnino exanimati repræsentantur, mortui revera sint, an vivant? Tales sunt suffocatio ex aqua, fune, seu laqueo: item suffocatio ex fumo carbonum, vapore vini, vel cerevisiæ, cum fermentationem conceperint. Item exanimatio ex ebrietate, vel fulminis ictu, vel ruina ab alto, vel ex auræ cujuslibet pestilentis inspiratione. Casus isti omnes, alique similes (animadvertat Lector, quam ampla porta in tali extensione, similibus casibus hic aperitur;) ait ille, quo ad præsens intentum, non distinguendi sunt ab Apoplexia: nam deprehenfi sunt nonnulli, qui talibus occupati malis, deinde post duos, vel tres dies vitæ usum recuperarunt. Ita-

„que concludit, quod quando „in talibus accidentibus ad se re- „vertuntur, nequaquam judican- „dum est, eos miraculo resurrexisse, de quo scilicet in ea quæstione agit; sed naturali restauratione rediisse. Igitur sine gravidolore cogitare nequeo, quod cum celebres Medicinæ Scriptores doceant, in tanto affectionum morbosarum numero, post apparentem perfectam exanimationem ægros posse vivere, imo & quandoque vivere per dies integros; non inveniri tamen Sacerdotes, qui eos absolvant spatio tantum elapso duorum Credo, ex quo spiritum emisisse videntur. Ignorantia, & bona fides absque dubio illos usque modo excusavit: hæ tamen excusare nequibunt eos, qui hanc Dissertationem perlegerint, etiam respectu plurium aliorum casuum, quamquam a prædictis diversorum: generaliter enim argumenta a me allata concludunt „.

Specialis monitio pro Submersis.

XLV. „Quod hic addendum „censeo, maximi momenti reputo:
Bbb 2 non

„non solum enim ea, quæ usque
 „modo diximus confirmando, pro
 „vita deserviet spirituali eorum,
 „qui submersionis malum subiere;
 „sed etiam pro temporali. Quam-
 „quam nihil mihi gratiæ debeat
 „tur ex utilissima ista monitione,
 „nisi propter brevem laborem in
 „ea ex celebri Lucca Tozzi in hi-
 „spanicum sermonem traducenda,
 „laudabilemque intentionem, eam
 „publice communicandi. Hic
 „enim Auctor quadragesimum ter-
 „tium Aphorismum l. 2. Hippo-
 „cratis explicans, non solum sup-
 „ponit, siue aqua, siue laqueo,
 „suffocatos posse aliquod notabile
 „tempus post suffocationem vive-
 „re; sed asserit esse curabiles,
 „ubi plusquam duæ horæ non sint
 „præterlapsæ. Quapropter me-
 „thodum eos restituendi præscri-
 „bit ac ita docet: „

XLVI. „Sed & non ita pridem
 „excogitatus est modus, quo isti,
 „& qui sub aquis sunt demersi, in
 „vitam referantur: nisi tamen sint
 „penitus extincti, quod plerumque
 „post duas horas eveniet. Sunt
 „primum inverso corpore, sublatis-
 „que sursum pedibus, ac capite de-
 „orsum pendulo, eousque detinendi,

„circum accenso interea igne, quo-
 „usque recalescere incipiant, &
 „aquam per vocalem arteriam eru-
 „gent: foto sensim corde, totoque
 „pectore cum vini spiritu, elixire vi-
 „tali, vel pane calente, generoso vi-
 „no irrorato, hisque sæpius, sæ-
 „piusque iteratis: futurum enim,
 „ut non nisi omnino decesserint, cor
 „in suo motu restituatur, & pau-
 „latim sanguinem admittat, atque
 „in arterias propellat cum vitæ re-
 „stauracione. Qui vero laqueo
 „suspensi, ac strangulati nondum
 „periire, in vitam facile redire so-
 „lent, insusflato per asperam ar-
 „teriam aëre: ut nimirum pulmo-
 „num bronchiis turgentibus, san-
 „guis possit e dextero in sinistrum
 „ventriculum protrudi, subinde-
 „que restitui motus tum cordi, tum
 „sanguini, qui ex strangulatu sub-
 „stiterat. Ad promovendum autem
 „sanguinis motum, atque ad dissol-
 „vendum eum, qui forte in dexte-
 „ro ventriculo, & in vasis pulmo-
 „niacis hærere, ac congregare ce-
 „perat; plurimum conferent elixir
 „magnanimitatis, proprietatis, &
 „vitæ Quercetani; itemque spiri-
 „tus salis amoniaci, & theriaca-
 „lis, dictus julepium vitale cum cro-

„eo, oleum cinnamomi, idque ge-
 „nus alia, sensim atque iterato, ut
 „res ipsa tulerit, exhibita. Cæte-
 „rum qui ultra duas horas præfo-
 „cati supervixerunt, ut de eo refert
 „Cardanus, cui aspera arteria ossea
 „inerat; sicuti ductum & æris in-
 „terclusionem omnino non sunt passi;
 „ita sanguinis, & cordis motu re-
 „vera non sunt defecti: nisi etiam
 „hi parem cum Amphibiis, & no-
 „bili illo urinatores, Cola Catanen-
 „se, Pisce cognominato, sortiti
 „sint naturam &c. Amphibia
 „autem vocantur, quæ indiffe-
 „renter nunc aquam, nunc ter-
 „ram inhabitant, uti crocodili,
 „castores, atque testudines, &c.

„Rogo igitur, obtestorque om-
 „nes, qui auxiliatricem in his
 „manum conferre possunt, ne hoc
 „facere omittant, ubi aliquis sub-
 „mersionis incurrat infortunium:
 „fatis gravis est laudatus Auctor,
 „ne suspicari valeamus, eum vel-
 „uti rem plane exploratam obtru-
 „dere, quæ ipsi certa experien-
 „tia non constet.

XLVII. „Hic autem occurrit
 „dubitandum, utrum hæc reme-
 „dia tentanda sint in submersis

„omnibus cum spe illos recuperan-
 „di. Hoc propono dubium, quia
 „Hippocrates Aphor. 43. lib. 2.
 „ait, desperandum esse de iis,
 „quibus circa os apparuerit spuma.
 „(Qui suffocantur, & a vita defici-
 „unt, nondum tamen mortui sunt,
 „non referuntur in vitam, si spuma
 „circa os appareat.) Et quamvis
 „Galenus revera non doceat, apho-
 „rismum istum esse generaliter ve-
 „rum, sed tantum rarissime falle-
 „re; tam magna tamen inter Me-
 „dicos est Hippocratis auctoritas,
 „ut verendum sit, limitationem
 „eos non esse admissuros, quam in
 „textu non vident: ideoque pro
 „desperatis habituros quoscum-
 „que suffocatos, in quibus cir-
 „cumstantiam illam intuebuntur.

XLVIII. „Verum nonnulli
 „Medicorum, qui libertate opi-
 „nandi gloriantur, ab Hippocratis
 „judicio intrepide ad experi-
 „am appellantes, Aphorismum il-
 „lum falsum deprehenderunt, non
 „solum sine exceptione sumptum,
 „sed etiam cum Galeni limitatione
 „intellectum: quod scilicet nonni-
 „si rarissime fallat. Loquor ex
 „Sinapii testimonio, qui refert

„plures canes, quibus ad inda-
„gandam Aphorismi veritatem ad-
„eo fauces constrictæ fuerant, ut
„spumam ex ore dimitterent, re-
„cuperatos esse, ac vixisse. Ca-
„nibus his adjungendi sunt plures
„homines suspensi, ac strangulati,
„etiam ex fumo carbonum, & apo-
„plectici (a)

„Ex his concludo etiam pro
submersis, in quibus prædicta cir-
„cumstantia occurrat, adjumen-
„tum superius propositum, & mul-
„to majori cum ratione spirituale
„absolutionis auxilium esse tentan-
„dum,; *Huc usque Feifous.*

2. Demum Theologi omnes,
(b) qui communissime dicunt, in
dubio mortis debere infantem, vel
adultum respective baptizari, vel
absolvi sub conditione *si es vivus*,
vel *si es vivus*, & *capax*, nostræ

opinionem in gratiam parvulorum
nascentium propositæ non obscu-
re suffragantur.

Clarum est enim Theologos
necessario loqui de his, qui non
solum destituti sensibus apparent,
sed pulsu arteriarum, respiratio-
ne, omnique motu vitali prorsus
expertes: quidquid enim ex istis
quamvis tenuissimum in his depre-
henderetur, vita esset indubitabi-
lis.

3. Quinam ergo erit casus, in
quo mors dubia existimanda sit?
nisi ille, in quo desiderantur qui-
dem hæc vitæ indicia, & nihilo-
minus incertum est, utrum defe-
ctus a syncope aliqua, an poti-
us a morte procedat? vel quando
imminentis mortis timor non dat
explorandi tempus, utrum homo,
nec ne prædicta vitæ signa possi-
deat.

(a) Pechin. *Observ. de Aer. & Alim. def. c. 7.*

Bruhier. *t. 2. c. 3. p. 235. & seq. & c. 5. p. 325. & c. 6. p. 373. & seq.*
Et Zaccut. *Lusit. Hist. Med. l. 1. dub. 19. Hist. 34.*

(b) Concina *Theolog. Christian. Dogmat. Moral. tom. 9. lib. 2. de Sa-
cram. Pœnit. dissert. 3. cap. 1. n. 11. q. 3.*

Vide præsertim Gotti *Theolog. Scholast. Dogmat. De Sacram. in
gen. q. 2. de Partibus Sacram. dub. 4. §. 2. n. 9.*

Idem de *Sacram. Pœn. q. viii. dub. 1. §. 2. n. 11.*

Antoine *Theolog. Moral. Tract. de Pœnit. cap. 2. n. 3.*

Sporer. *Theolog. Moral. Sacramental. T. 3. p. 3. cap. 5. sect. 14. q.
2. §. 4. n. 4.*

deat, ac multo minus hic timor consueta experimenta permittit, ut dignoscamus, an ille ad se reverti possit. Quis autem clare non videat de puero, quamquam sub mortui figura nascente, dummodo a corruptione, aliisque mortis characteristicis indiciis immuni posse, imo debere semper ambigi, utrum Asphyxia sit, an morte, prostratus? timendumque prudenter esse, ne ille vere moriatur, antequam perquisitionibus valeat ejus vita innotescere? Quod si hæc locum sibi justissime vendicant in absolutione adultis tribuenda, ubi suspicio viget Asphyxiæ; quanto magis admittenda veniunt in baptismo parvulorum? Et quidem adulti fortasse divina gratia præditi sunt, quo casu non erit ipsis absolutio ad animæ salutem necessaria: si vero sint peccatores; ad absolutionis validitatem oportet, ut internis

poenitiæ actibus disponantur, eosque præterea aliquo exteriori signo manifestent: quæ omnia ex defectu temporis, morbo nimirum quandoque repentine irruente, præstare fortasse nequiverunt: quod si sensibus internis utantur; non prorsus necessaria erit absolutio: perfectæ enim contritionis remedium illis ad justificationem sine dubio sufficiet. Verum infantes, de quibus agimus, divina gratia indubitabiliter carent, neque illis eadem potiri concessum est, nisi per baptismi susceptionem. Pro hujus autem Sacramenti validitate actibus propriis neque exterioribus, neque interioribus indigent: requiritur tantum, quod vivi sint, ut cum baptismo gratiam, & si ante rationis usum deinde obeant, æternam beatitudinem certissime consequantur.



CAPUT XX.

De submersis, qui exanimis ex mari, vel fluminibus extrahuntur, digressio.

1. Similem cum syncopcticis causam circa signorum mortis incertitudinem habent submersi aquis; quare de utrisque simul, uti paulo ante jam vidimus, egit Feilous. Pauca ergo de secundis ab imminente morte vindicandis adjungam: hac enim digressione quæ hætenus de infantibus deliquio prostratis differuimus, nova luce illustrabuntur. Sane quamvis hominem in mari, vel flumine demersum post pauca minuta horaria e vita excedere necessarium videatur; experientia tamen ostendit, non ita semper accidere: quamquam ille sensu, motu, ac respiratione privatus, vere defuncti præferat effigiem.

2. Enarrat quidem Cundemanus virum ex aquarum profunditate post horæ quadrantem sub mortui figura elatum: decem ab ipsa extractione horæ minutis ela-

psis, loquelam recuperasse, nec nisi postridie obiisse.

Duos insuper addit pueros, qui anima in speciem destituti, balneorum usu ad vitæ ministeria redierunt; & unus quidem in ipso balneo epilepsiæ motibus correptus, ex eo morbo, non nisi post duos annos fato succubuit: alter, qui per horæ dimidium sub aquis latuerat, eodem morbo contracto, in quodam ipsius paroxysmo prolapsus in Hoderam flumen, ibidem periit. Cum non nisi post plures dies illum expiscari potuerint.

3. Tria consimilia Diemerbroecchius (a) exempla subministrat. Primum scilicet est pueri annorum quatuor navitæ filii. Hunc post horæ quadrantem extractum, ad sepeliendum composuerant, at accurrens Diemerbroecchius, obscuram in eo arteriarum pulsationem detexit, aptisque reme-

(a) Diemerb. in not. observ. Pest. Beumel. & Anatom. l. 2. c. 12.

remediis respirationem renovavit: obiit ille tandem post sesquihoram: creditum tamen est, ipsum, si auxilium tempestive accepisset, neque aëri frigido expositus ac derelictus jacuisset, fuisse procul dubio liberandum.

Alterum est de muliere, quæ sub Nimegæ flumine anno 1638. per tempus æquale vita salva subsisterat. Tertium ad uxorem spectat Alberti Noot, civis Nimegensis, quæ anno 1640. in puteum prolapsa, ibi plusquam per horæ spatium inverlo capite remanserat.

4. In Germania matres, priorum filiorum interfectrices, pro parricidii poena in aquas demerguntur. Permittit vero lex, post notabile tempus vel ad sepulturam, vel ad Anatomiae usum efferri. Ex his autem nonnullæ præter omnem spem e gurgite demum viventes eductæ sunt: & primam quidem Platelio, secundam

Thesi Cunisbergicæ debemus. (a) Ea in Borussia post quadrantem cum dimidio reperta, a Magistratus clementia est absoluta. Tertiam præcedenti similem habemus ab historia Ecclesiastica Orlemunden- si An. 1623. (b) Mortis tamen illi poena in semestri tantum exilium commutatur. Quartam dedit Anonymus Auctor. (c) Hæc non æque prospera fortuna gavisa est: Carnificis enim famulus, cum eam viventem deprehendisset, ne mercedem ab Anatomicorum Academia pro illius cadavere promissam amitteret, iterum in aquas, quousque suffocaretur, immerfit.

5. Varia tamen in præsentī materia Castrius unica sub historia adunavit. (d) Miles certa viderat in submersis remedia adhiberi, audieratque 24. horas quandoque non sufficere, ut in aquis eorum vita extinguatur. Cum ergo sese obtulisset occasio; eadem remedia

Ccc

in

(a) Thes. Chunisberg. de Mort. Subm. in Aquis. §. 38. f. 33.

Bruhier. de incert. sign. t. 1. c. 1. §. 8. n. 18. fol. 215.

(b) Journal des Scavans. Mart. A. 1704. Bruhier. t. 1. in sup. fol. 516.

(c) Anonym. de Art. revoc. Subm. ad vit.

Bruhier. t. 1. c. 1. §. 8. fol. 217.

(d) Castro observ. Manuscr. §. 30. apud Sacches Ampelogr. c. 3. fol. 139.

in commilitone suo, qui ab aquis pene mortuus elevatus fuerat, salutaria expertus est. Aderat forte Gasparis Zeni Patricii Veneti socrus, quæ & ipsa deinde in puerro ab Euripo Murani absorpto, & ad sensum omni vita spoliato in praxim felicissime deduxit.

6. Consimilem vero historiam tradidit Van-Helmontius. Observaverat (a) hic prope Antuerpiam a matrona itineris comite juvenem, qui antea simili de causa prorsus exanimis videbatur, agitatione ad vitæ officia reductum. Eo igitur exemplo animatus alium juvenem viduæ prædivitis filium, qui plusquam per horæ dimidium sub Rhodani undis jacuerat, liberavit. Addit autem sororem suam longissimo tempore sub aquis olim vixisse: quod ex contextu de plurimis procul dubio horis intelligendum est.

7. Concordant duo exempla recentiora. Collegii Pictaviensis Societatis Jesu Convictor decidit in fluvium, sub eoque per horæ dimidium permansit. Hunc ereptum inde, prorsus, ut videbatur, extinctum, artis remedia recrearunt. (b) Renatus item Cavel (c) anno 1698. sub aquis per horam, & amplius moratus, quamvis primo jam obiisse crederetur, vivum se denique ostendit.

8. Quidem vero diuturniori tempore submersioni, Van-Svieten perhibente (d), supervixerunt. Præterea juvenem retulit Albinus (e) qui per duas horas vitam sub gurgite retinuerat, quamquam cadaveri omnino similis. Pluribus quoque horis extiterat filia Bassinetti cerdonis putei aquis cooperta; deinde nihilominus a Giberto medico restituta.

9. Sa-

(a) Van-Helmont de Dement. Idea.

(b) Fontanetti in Epist. ad Bruhier. apud eundem t. 1. c. 1. §. 8. n. 16. fol. 204.

(c) Bruhier. t. 1. in Addit. fol. 605.

(d) Van-Sviet. in Boërhav. Aphor. t. 5. §. 1123. fol. 196.

(e) Albin, de Meth. curand. Submers.

9. Sagavius (a) eadem prodigia inspexit in brutis. Imo similia in sua regione contigisse quoque in hominibus ex fama testatur. Hæc fane pari modo per Italiam volitat: imo Lucas Tozzius Italus credit majorem submersorum partem non nisi post duas a submersione horas exanimari.

10. Majora tamen alii scripsere: Eglivus (b) enarrat, se piscatoris Helvetii vitam in tuto posuisse; quamvis post novem horas ab aquis extracti. Prætereo Jachelinum Archiepiscopi Colonien-
sis Nepotem, qui sub Rheno quindecim horis latuisse traditur. (c) Etsi enim id naturaliter contigisse cum Bruhierio nonnulli reputent, alii tamen Sancti Svitberti miraculo adscribunt. Naturalis tamen fuit liberatio Hortulani Tronnin-

golmienfis: quamquam is aquis per sexdecim horas obrutus, & in profundi limo defixus perdurasset. (d)

Margarita Lasdover pluries infortunia hujusmodi passa est. In una ex istis submersionibus tribus diebus undis consepulta permanfit: in aliis maturius extracta. (e) Similem vero observationem de diuturna, seu triduana submersione a Borellio (f) facta, calculo suo probavit Bartholinus.

11. Verum in huc usque allatis exemplis homines mortuorum similitudine, e mari, fluminibus, puteis educti sunt. Alii tamen in manifesta vivorum figura prodierunt. Nihil in præsentī de urinatoribus loquar, tres tantum Chunchelii observationes exponam. (g) Et primo juvenis ex navicula in
Ccc 2 maris

(a) Sagav. in Epist. ad Bruhier. apud eundem *de incert. sign. t. I. c. I.*
§. 8. n. 15. fol. 211.

(b) Bruhier. *ibid.* n. 5. fol. 194.

(c) Epist. apud Sur. in vita S. Svitberti.

(d) Peclin. de aër. & alim. defect. Derham, Theolog. physic. l. 4. c. 7.
Bruhier, l. cit. n. 6. fol. 189.

(e) Peclin. loc. cit. c. 10.

Derham. loc. cit.

Bartholin. Acta Medic. Hafn. t. 4. observ. 42.

(f) Borell. cent. 2. observ. 2.

(g) Chunchel. Miscell. nat. cur. dec. 3. A. 5. & 6. observ. 71.

maris profundum postquam ceciderat, non solum ibi non interiit, sed ad littus capiendum duarum horarum spatio 500. passus ambulavit. Aquarum profecto altitudo ipsi visionem adimebat: sororis tamen vox, clamantis e littore, saltem prope finem, pro duce itineris fuit. Asseverabat autem ille, se in eo statu respirasse; quamquam quomodo id fieret non intelligens, addebat, aquam in corpus non intrasse, calorem se potius, quam frigus percepisse: nulloque modo per id temporis a sensibus fuisse destitutum: sed totum in precibus ad Deum fundendis, & in superando praesenti periculo occupatum: quæ omnia submersi pater oculatus testis Chunchelio ipsi enarravit.

12. Secundo piscator in eundem maris locum, de quo paulo ante, delabitur: is enatare quidem summopere nilus est, at semper conatu propter glaciei impedimentum frustranco. Denique post diem tertium non tantum vivens, sed & vegetus extrahitur: ingenti solummodo tumore circa caput apparente. Chunchelius

nausragum sedulo examinavit, ac propter illius ingenuitatem, tantam inesse sibi fatetur, de hujus historiae, aliarumque similium veritate persuasionem: ut jam non piscatoris hujus incolumitatem demiretur, sed potius, cur non etiam omnes alii submersi pari forte fruuantur.

13. Demum enarrat quatuor Salungo leucas rudem pictorem, qui e navicula in gurgitem ruerat, ibidem, amicis in vanum perquirentibus, erecto capite stantem per dies octo mansisse, ac ab imoenatatione tandem emeruisse, vita non solum, sed etiam sensibus integris. Hic variis percontationibus in omnes partes versatus ita respondit. (*Nescio, utrum in profundo respiraverim: visum certe, atque auditum retinui: nam & tintinnabula audiebam, & demissum, ad me retrahendum uncinum apprehendissem, si manus frigore sane rigidas, immobilesque admoveere potuissem. Pisces continuum, & implacabile bellum oculis meis intulerunt, quorum insultus palpebrarum motu declinabam. Ad aquæ motum magnus insurgebat in auribus dolor, qui in cæteras corporis partes*

partes diffundebatur. Per id tempus nunquam fame laboravi: arbitror autem, me quandoque obdormisse. Cæterum nihil aliud vigilans cogitabam, nisi Deum, propriamque salutem: aliorum saltem in præsentia non reminiscor.)

Chunchelius hoc factum ab oculato, & veridico teste didicit, cæteroqui toti Sueciæ indubitatum, atque notorium. Igitur ex his, aliisque similibus experimentis Philosophi, ac Medici, sane quamplurimi, præsertim hac nostra ætate docuere, in submersis non multum fidendum esse communibus mortis indiciis: cum interdum sub aquis tempore quidem valde notabili vivi persistant.

14. Porro præter Auctores jam superius recensitos Michael Angelus Lapius, celebris Fidei Subpromotor, Anno 1670. librum edidit Romæ, in quo submersos per 24. horas vitam protrahere posse contendit. Majus vero spatium submersis concedit Alexander Be-

neditus, (a) qui tradit, nonnullos ad 48. horas pervenisse: prohibetque, ne illi ante 72. horas tumulentur. Concinit insignis indagator naturæ Forestus (b). Plura enim affirmat exempla vitæ post binos dies in profundo conservatæ. Zacchias (c) tamen ad tres dies aliquorum in aquis perdurationem extendit: inde deducens, horæ unius moram non solum miraculo non esse tribuendam; sed nec ullo modo inter extraordinaria facta recensendam.

15. Cæterum omnem fidem videtur excedere, quod in Imperialis Academiæ Leopoldinæ Curiosorum Naturæ Acta relatum est: (d) cui Academiæ celebriorum Philosophorum, & Medicorum non Germaniæ tantum, sed totius ferme septentrionis capita noscuntur adscripta.

Laurentius, ab eventu narrando Jonas denominatus, ex Parochia Pithovienfi apud Suecos, qui mortuus funerali oratione laudari meruit, cum in Suecicum mare cecideret,

Ccc 3

(a) Alex Bened. l. 10. c. 9.

(b) Forest. observ. Medic. l. 17. obs. 9.

(c) Zacchias t. 2. consult. 79.

(d) Miscell. nat. cur. Lancell. dec. 1. A. 6. observ. 20.

diffet, ex illo aquarum frigidissimarum, & nitro abundantium pelago hebdomada septima, nimirum saltem post dies quadraginta duos, vivus eripitur. Hujus mirabilis quidem historiae me vadem nullatenus offero. Integrum sit cuilibet de ea, quidquid libuerit, opinari: mihi abunde sufficiet, adeo percelebrem Academiam in Archivo suo illius memoriam conservasse, ac typis publicis edidisse. Id enim satis ostendit, Philosophos, ac Medicos procul dubio doctissimos in praesenti putare, homines in mari, seu flumine demersos amplius vivere quandoque posse, quam usque modo creditum sit.

16. Profecto si verum est, quod Sueci, experientia istud naturæ arcanum referante, communiter homines sentiunt, hominem scilicet sub mari per octo dies aliquando vivum posse persistere; vel respirat ille, vel non? Si respirat, aquarum impedimento non obstante, cur non poterit etiam respirationem prosequi post octo dies, &

ultra? Si non respirat, nec tamen moritur, quia aëris reciprocatione non indigens; nec ea usque ad quadragesimum diem, & amplius indigebit. Propterea Jonæ historiam asseveravit Brumanus, vir gravissimus, acceptavit vero comprobavitque Peclinus in Suecia egregii nominis Medicus. Idemque præstiterunt Deerhamus Medicus Anglicus, Lancellottus, atque Bruhierius, qui non solum variis rationibus eam fuisse propugnavit; sed responsa sua ad objectiones forte contra se promovendas replicationibus omnibus plane superiora esse arbitratur. (a)

17. Nonnulli putant ad respirationem juvari submersos aëre per aquas quaquaversum disseminato, eodem scilicet modo, quo pisces. Ut ut sit, aëre certe destituti sunt, qui laqueo suspenduntur: & nihilominus eorum non pauci, laqueo resecto, ad vitales auras remeant. Satis præterea paulo ante explicavimus, quomodo vita sine sanguinis circulatione saltem sensibili, possit aliquando subsistere.

Id

(a) Peclin. c. 10.

Derham. *Theol. Physic.* l. 4. c. 7.

Bruhier, t. 1. c. 1. §. 8. & t. 2. c. 2. fol. 95. & seq.

Id sane Boerhavius, & Hoffmannus cum aliis adnotarunt, naufragorum speciatim experimentaliter proferentes. (a)

CAPUT XXI.

Naufragos quandoque in aquis vivere posse, aliis exemplis, rationibusque confirmatur.

1. Objicit fortasse aliquis, me supra exempla retulisse animalium, (b) qui interdum sine respiratione quidem vivunt, saltem apparenti, sed in elementis respective propriis: hic autem agitur de admittenda vita sub aquis homini, qui natura sua exigit in circumfuso aëre vivere. At istud nil officit: non enim alia defunt exempla animalium, quæ viva, sed tanquam exanimata sub aquis perseverant, quamvis non minus ac homo ipse respirationi assuetus.

2. Id ciconiis, nonnullisque aliis e volucribus accidit, quas peregrinas, & advenas appellamus, & maximo præsertim hirundinum numero. Hæ, uti diximus, in temperatis regionibus, hieme appetente, cavernas introeunt, vel montium, arborumque fissuras; at sub cœlo frigidiori, nimirum in Suecia, Norwegia, Silesia, Bohemia, Moravia, Polonia; (c) imo, & in Bressia Galliarum Provincia, quamquam sub aëre mitiori sese in mare, flumina, lacus, puteos, atque stagna

(a) Boerhav. *Physiol.* n. 42. ubi Haller.
Hoffmann. *Med. Rat.* l. 1. sect. 1. c. 2.

(b) Hoc lib. c. 11.

(c) Licet. de Fer. *altr. Anim. dis.* 19.

Cromer. *hist. Polon.* l. 1.

Hevel. *Acta Physic. Ang.*

Donat. *hist. med. mirab.* l. 4. c. 12.

Herlic. l. 6. epigr. 10.

Garmant. *de mirac. mort.* l. 3. c. 4.

Fulgos. l. 1. de *Avib. mirab.*

stagna projiciunt, & inter se ad pilæ modum usque ad sequentis veris medietatem coadunatæ consistunt. Aquas in Polonia petunt circa finem Septembris, & inde circa Idus Majas ad auras emergere consueverunt. Si forte piscatores e profundo deducant, prorsus exanimatæ videntur. Sed in hypocaustum translatae reviviscunt. Porro domi detentæ paulo post vita deficiunt, sibi tamen ipsis relictæ iterum in aquas sese præcipites agunt. Eas autem in hujusmodi circumstantiis occidere, piaculum judicatur.

Si ergo antedicta animalia æque ac homo, respiratione indigentia, tanto tempore aquis circumdata vivere pergunt, cur non idem contingere queat quibusdam saltem hominibus, ac tempore perquam breviori? Id sane quotidiano muscarum experimento confirmatur; quæ in liquoribus diu submersæ, ac deinde veluti mortuæ sublatae, atque calefactæ, vitam, volatumque resumunt. (a)

Ipsæ 15. Cal. Martii muscam in cyathum aqua plenum projecit, quæ tamen illic viva per 24. horas innatavit, quamquam sine cibo: tempestate, nivibus undequaque ruentibus, frigidissima, ventis, tonitribusque furentibus horridissima: quapropter madida papyro super inducta eam postea in profundum demersi. At cum post tres horas in speciem prorsus exanimem deinde abstraxissem, & nihilominus tepido cineri imposuissem paulatim revixit, ac tandem post horæ quadrantem evolavit. Cæterum sicuti respiratio prorsus necessaria non est, nisi ad sanguinis circuitum; (b) ubi valeat hic sine aëris alterno accessu, atque recessu conservari; poterit sine dubio animal, ideoque & ipse homo sub æquore, aut sub flumine vivus persistere, imo quodammodo sanus, & sensibus non amissis: quod quidem in veris, ac genuinis urinatoribus passim accidere non est ambigendum.

Veris dixi urinatoribus. Nam hi, qui ex consuetudine, ac veluti

ex

(a) Sarnell. tom. 5. Epist. 3. n. 4. & alii.

(b) Truſton. de respirat. us. pag. 60. & 61.

Pitcaru. de caus. divers. mol.

ex arte tales evaserunt, ægre, brevique tempore sub mari demorantur: utpote qui aëris indigent reciprocatione: genuini autem atque nativi, uti Nicolaus Piscis, de quo mira cum aliis narrat Clarissimus Mongitorius; (a) & diutius in pelago, & sine incommodo confidebunt. Natura certe videntur ad ista comparati Brasiliæ incolæ: nam juxta Maffejum (b), *natandi arte ad miraculum usque præcellunt, & sub aqua totas interdum horas, ubi quippiam in imo quærendum est, patentibus oculis urinantur.*

3. Et quidem foetus in utero, uti alias declaravimus, non valde indiget respiratione: sanguis enim non nisi parva sui quantitate pulmones ingreditur, sed alio plane modo cursum intendit suum, per ovale scilicet foramen, & canalem arterialem transeundo. Foramen istud nato in homine occluditur: & quamvis in nonnullis exiguum quoddam foraminulum remaneat; hoc sane ad magnum circulationis opus non sufficere, perspicuum est.

Canalis tamen prædictus omnino, ac fere in omnibus clauditur. Cæterum canalis, vel foramen si quando in aliquibus competenter aperta perseverent; multo magis vero si utrumque, ita ut sanguis proprium iter sine pulmonum ministerio profequi valeat; eo casu, quamvis aëris introitu, & exitu intermisso, de more sanguis totum corpus peragrabitur, neque mors erit ea intermissione formidanda. Profecto pisces pulmonibus carent, quare non opus habent copioso ac perenni aëris affluxu, ut ad pulmonum expansionis, & compressionis motum exeat a corde sanguis, & vicissim ad cor iterum revertatur. Sanguis enim in ipsis circulat unius cordis instrumento, quod in tres ventriculos, immediatam inter se communicationem habentes, natura divisit.

4. Amphibia tamen in aqua non minus, quam in aëre commodissime vivunt: licet enim pulmonibus instructa sint, quibus alternatim, ubi expedierit, utantur; manet nihilominus in ipsis perpetuo patulus canalis arterialis, imo in eorum

Ddd

non-

(a) Mongitor. Sicil. Ricert t. 2.

(b) Maffei hist. Ind. l. 2. fol. 43.

nonnullis, ac præsertim in volatilibus, etiam ovale foramen. Quod si claudatur, semper tamen in ipsis æquivalens ratio permanebit. Nam, ut ait Haller, (a) valde modica sanguinis portio ex eorum corde profluit ad pulmones, & a pulmonibus ad cor deinde regreditur: maxima interim sanguinis copia, propter specialem valorum cordis dispositionem totum percurrit corpus, absque pulmonum adjumento. (b)

5. Georgius Baglivus (c) immani testudini e Dalmatia invectæ, os, nares, nonnullasque alias partes lineis, & glutine artificiose obturavit; ita ut in ejus pectus aëri omnis aditus obstrueretur. His non obstantibus, vivere illa pergebat per 20. dies, & amplius; cum Baglivus anatomico eam cultro subjecit. Ipsam vero Microscopio, atque etiam sine illo intuitus, ejus sanguinem, ordine ab aliorum animalium terrestrium plane diverso fluere perspexit: &

præterquam quod inter dexterum, ac sinistrum cordis ventriculum apertum conservabatur foramen ovale; vidit quoque maximam sanguinis copiam ex dextero ventriculo in aortam partim immediate intromitti, partim per solum canalis arterialis ductum, non secus ac in foetu, pulmonibus prætermisissis. Atque ea fuerat causa, cur ea tanto tempore sine respirationis beneficio vixerat, quamquam non tantum artificiosa clausura, sed ejus durissima pellis, & impenetrabilis lorica, insuperabili essent obstaculo, quominus aër in ipsam penetraret. Quis autem divinaverit, quousque vitam illa fuisset protractura, ni eam interea Baglivus trucidasset?

6. Si igitur forte fortuna homo, qui in mare demergitur, adhuc apertum fervet ovale foramen, vel tubum arterialem, & a fortiori, si utrumque; is plane juxta Harvæum, Dionysium, Cartesium, Boerhaviū, innumerosque celebres

(a) Haller in Boerhav. *de Concept.* n. 691.

(b) Pitcarn. *de caus. diu mol.* §. 5. & 18.

(c) Baglivus *dissert.* 4. *de exper. circa sanguinem.* fol. 293.

bres, recentioresque Doctores (a) vitam prosequetur; quamquam quia sub æquore sepultus, ab amicis veluti sine dubio mortuus deplorabitur. Lancisius quidem duas puerorum resurrectiones ope Sancti Stanislai Kostkæ patratas monuit, ne tanquam miracula approbarentur, propter suspicionem adhuc fortasse aperti foraminis ovalis.

7. Quod autem in plerisque hominibus quamquam natis, imo & adultis, non minus, quam in testudine, aliisque amphibiiis apertum observatum fuerit ovale foramen, imo & interdum ipse canalis arterialis: res est exploratissima. Innumeræ enim de hujusmodi hominibus in quacumque ætate, etiam in extremo senio constitutis, apud illustriores Anatomicos leguntur historiae. Vejussenius (b) in quinquagenario duo adhuc pervia foramina ovalia, ma-

gnum unum, parvum alterum conspexit: quapropter patulum quoque habuisse foramen ante dictum eos, qui ex profundo vita, sensibusque præditi ad apertum aërem aliquando emersere, non immerito credendum est.

8. Neque objicias, pelago absorptos ex alimentis saltem defectu morituros: constat enim, sanos cibi, ac potus omnimodam inediam per octiduum; infirmos aliquoties usque ad trigesimum diem sustinere: per septem vero, vel octo menses animantia, quæ vitam occultant. Academia Bononiensis, (c) uti supra indicavimus, (d) homines recenset, qui ex morbo speciali, eorum transpirationem, ac proinde substantiæ dissipationem coërcente, ad plures annos absque ulla solida, vel liquida substantia ingesta perseverarunt: quibus propterea stomachus, & intestina

Ddd 2

(a) Thom. Cornel. Consent. Progymn. 7.

Etmuller. in disert. de Circul. Sangu. in Fætu. Lipsiæ A. 1715.

Purchotius, & alii.

(b) Rainaud. Vejussen. in Exc. de Remot. & prox. mixt. princip. c. de situ, & struct. cord. human. tab. 49 fig. 1.

(c) Apud Lambertin. de Canoniz. SS. in App. ad lib. 4. p. 1. c. 27.

(d) Sup. hic lib. 2. c. 12. n. 5.

testina prorsus desiccata, & pene consumpta cernebantur: tam diu a propriis functionibus organa illa cessaverant: quamquam cætero-qui sani, & vigentes inter cæteros homines versarentur; ac aëris actioni, qui, sine ulla dubitatione, maxime deprædatorius est, subjecti tanto tempore perduras-

sent. Porro aquarum pressio, earumque frigiditas absorptos non solum in statu constituit supradicto valde simili, quia transpiratione carentes, sed etiam multo quodammodo meliori, utpote interne quietos, ab actionibus abstinentes, & ab aëris impressione & exagitatione protectos.

C A P U T XXII.

Auxilia danda naufragis, qui e mari, vel flumine veluti exanimis extrahuntur.

I. **U**bi igitur miserum aliquem in aquas demersum audierimus, quocumque demum tempore jam elapso, erit omni diligentia expiscandus. Quod si forte integrum elevabimus, nec putrefactum, aut putrescere cœptum, neque immodice tumentem, neque cum aliis indubitabilibus mortis argumentis, de illius vita non penitus desperemus. Immo ipsum omni studio ad vitales functiones revocare nitamur: cum omnes Medicinæ Scriptores alte declament, neque sensuum deperditionem, neque motus, respirationis, pulsuumque defectum, neque mem-

brorum rigiditatem, quæ aquarum frigiditati attribui potest, in submersis indubitata mortis, & characteristica signa esse censenda. Dixi, quocumque tempore demum elapso, nimirum etiam octodierum, & amplius, dummodo sint illi a corruptione prorsus immunes: nam qui vere mortui fuerint, corrumpi prius incipient, ac propter fermentationem immaniter intumescant, plurimas interim eorum substantiæ particulas exhalantes; proinde sensim pondere decrecentes, & ampliori spatio interea occupato, aquis leviores evadent, ac juxta æquilibrii leges e gur-

e gurgite ad aërem ascendent putrefacti. Quod si longa eorum sub undis moratione non obstante, sponte non emergant, sed aliorum industria tandem extracti a corruptione liberi appareant; hoc ipsum erit eorum vitæ non improbabile indicium, ac tanto verisimilius, quanto eorum in profundo mora diuturnior fuisse credatur: in tanta enim temporis longitudine, si vere anima caruissent, corrumpi debuissent.

2. Verum quænam erunt auxilia, quæ miseris istis conferemus? Ante omnia submersus ab aquis jam exemptus, illico frigido maris, vel fluminis aëri, subducendus est, & in viciniorem domum transferendus. Jolyus, qui quatuor ex hujusmodi naufragis liberavit, neminem, ait, eorum, qui aperto in aëre sunt relictæ, mortem declinasse; easdemque observationes habuit Lancellottus. (a) Cæteroqui, & non raro, momenti

unius mora de submersorum vita, vel morte decernit, & longum iter ad propriam domum ipsos in ultimam ruinam impelleret.

3. Deinde spoliandus erit vestibus madidis, aliis vero ficcis, probeque calidis induendus. Naufragos pedibus suspendere consuetum est, ut magna scilicet aquarum copia, quam ingurgitare creduntur, a stomacho demittatur. Verum ex innumeris observationibus patet (b), eos vel nihil aquæ bibere, vel saltem non amplius, quam qui siti premuntur. Quo circa hæc aqua mortis causa in illis esse non poterit. Cæterum etsi ea maxime repleti supponerentur, inutilis esset hujusmodi suspensio: non enim aqua propterea egrederetur, ab æsophagi musculo, qui sphincteris munus adimplet (c), prohibita: neque musculus iste poterit, nisi deglutitione, vel vomitu aperiri, quæ actiones in tali statu sunt plane impossibiles.

Ddd 3.

Pro-

(a) Lancellot. *Miscell. nat. cur. dec. 1. A. 6. observ. 20.*

(b) Plater. *qu. 55.*

Brutier. *t. 1. c. 1. §. 8. fol. 189. & t. 2. c. 2. fol. 154.*

Becher. *De Subm. Mort sine pot. aqu.*

Lovis. *de Cert. sign. mort. Mem. de Subm.*

(c) Lovis. *Loc. cit. in exam. ration. fol. 257.*

Proinde quæ aqua ex ore decurrit, ea non e stomacho, sed a vestibulis provenit, modica tamen, quæ a trachea descendere solet, excepta.

4. Ex alia parte situs antedictus, id est, imo capite pedibus in altum appensis, valde improprius est, & naturali contrarius, aptusque propterea non tantum ad eos, qui moribundi creduntur, sed ad fanos ipsos labefactandos. Quocirca Lovisius, Nimannus, Ranchinius, (a) Bruhierius, alique hoc remedium, veluti nocivum damnare: Detardingius tamen solum laudat, hujusmodi ægros jacentes quidem statuere, sed capite aliquantum declivi. Alii vero naufragos in dolio sine fundo, ac sine operculo ponunt, ut illud in orbem volventes, ex ægroto aquam eliciant, quam deglutisse arbitrantur: idque similiter in monito edicitur Galliarum Regis a Reamurio concinnato.

5. At hanc ipsam rotationem Jolyus, atque Forestus veluti in-

utilem, imo propter gravissimum incommodum, quod inferret, damnosam prohibuere. (b)

Interim vero Lovisius quamquam prælaudatorum Auctorum doctrinam approbet; submersos nihilominus pedibus appendi per quinque tantum horaria minuta permittit. Cum enim isti ob violentam aëris inspirationem, quam facere nituntur, dum præfocari se sentiunt, aquam in tracheam intromittant, expedit, ut inde aliqua saltem ejus portio deponatur: nam tota exire non solet, sed in modica tantum quantitate: ea scilicet columna, quæ ipsius tracheæ trunco perpendiculariter incumbit: reliqua enim, quæ illius ramificationes penetravit, aëri cominixta, & implicata, atque spumosa jam effecta, exterioris aëris resistantiam non facile superabit. Verumtamen ea ipsa modica portio, quæ descendet, magno erit adjumento: quamdam enim dabit machinæ concussionem, & restau-

(a) Ranch. *de morb. subit. c. II.*
Niman. *de Apoplex. c. 44.*

(b) Forest. *Observ. Medic. l. 15. observ. 26. & observ. Chirurg. l. 1. observ. 33.*

restaurandi motus in pulmonibus præstabit initium.

6. Hac operatione finita, quæ, uti Lovisius admonuit, non ultra quinque minuta protrahenda est; submersus juxta Sueciæ praxim a Peclino relata, in lecto probe calefacto collocabitur: expedit etiam, ut ex Nimanni, & Ranchinii consilio, cubiculum valido igne caleseat, quo calor citius in languente corpore virtutem exerat suam: cavebimus tamen maxime, ne infirmum igni violento admoveamus. In Suecia quidem, ubi hujusmodi curæ frequentiores accidunt, Medici mitem tantummodo ignem, & moderatum admittunt.

7. Post hæc prima subsidia sanguinis emissio necessario, & quam citius licebit, facienda venit. Nonnulli quidem ex pede laudant, veluti egregium sanguinis, tunc superiores partes, cor præsertim, cerebrumque gravantis, revulsivum. At hæc pedis phlebotomia inutilis esset: motu enim cordis, & arteriarum, ac proinde sanguinis quoque circulatione impeditis; quomodo a tam

remota parte vel gutta valeret erumpere? Convenit ergo, ut jugularis vena secetur: cum enim hæc proxima sit capiti, ac pectori, ubi magna sanguinis copia congesta supponitur, & inde facile egredietur, & ejus egressum effectus felicissimi consequentur.

8. Si æger posset in balneum immitti, quod commendat Lovisius (a), id ad sanguinem fundendum, ejusque circulationem, imo & respirationem renovandam valde conducere. Si autem commode hoc ipsum præstari nequeat; proderunt saltem vasa vitrea ebullientis aquæ plena, lineis pannis cooperta, & pedibus, & axillis apposita: eorumque usus prolixepatienterque continuatus.

9. Nec interea sensus corporis negligendi sunt, & otiosi relinquendi: ac primo quod ad visum attinet, oculi aperiantur, sique nocturnum est tempus, lumen admoveatur. Pro auditus extimulatione, præter cantum, & sonum proprio nomine vocetur ægrotus, nunc demissa voce, atque suavi, nunc vero altiori, & acuta: præsertim vero sensibus odoratus, gustus,

(a) Lovis. lib. cit. in Exam. ration. de Subm. fol. 273.

gustus, atque tactus instabimus pro excitatione spirituum, ut ad animales functiones iterum capessendas tandem aliquando convertantur. Oportebit porro vellicare olfactus nervos, qui cum nervis respirationi destinatis intime communicant. Id fiet sternutatoriis violentis, puta maro, euphorbio, imo & ipso helleboro in pulverem redacto, & medio tubulo in nares insufflato. Proderit insuper ex Nimanno (a) applicare naribus odorosa, puta pulegium, rutam, acetum, ac super omnia spiritum salis ammoniaci.

10. Gustus ad vomitum est irritandus, non ut aqua ingurgitata dejiciatur: nam uti dictum est, id minime refert, sed ut aliquem diaphragmati motum inducamus, qui ad motum respirationis inchoandum vel maxime conferret. Provocatio quoque ad vomitum laudatur, ut is inspiratum in ipso naufragio aërem, qui pulmones inflavit, expellat. Nec desunt, qui liquida vomitoria proponant: sed ista non nisi quibus jam deglutien-

di facultas restituta est, aptari poterunt: non autem illis, qui adhuc immobiles jacent cadaverum instar. In his enim circumstantiis quilibet liquor, qui in ipsorum ora immitteretur, eos manifesto suffocationis periculo subiceret. (b) Solis ergo pennis ad æsophagum titillandum utemur, vel Heisteri etiam instrumento, quod stomachi scopam appellant.

11. Denique quod ad curam per tactus organum spectat, Jolyus cum aliis præcipit, corpus in omnem partem versari, atque vexari, ut sanguis pristinum iter aggrediatur: sed non bene perpendunt, violentos motus facile posse moribundi semimortuam vitam penitus delere. Igitur crudelibus hisce concussionibus substituendæ sunt ex Bruhierio, atque Lovisio (c) frictiones. Fient vero juxta Sueciæ morem, a Peclino descriptum cum unctionibus calidis; easque continuari oportet, usque ad carniū rubedinem. Simul autem applicanda cordi epithemata ex ruta, majorana, succino, cinnamomo, spica,

(a) Niman. de Apopl. c. 42.

(b) Littré observ. in Memor. R. Académ. Scient. A. 1718.

(c) Lovis. lib. cit. in Exam. ration. de Subm. fol. 273.

spica, balsamisque apoplecticis, nimirum calidis, ac spirituosis, vel ex pane calido, ac torrido, & aqua vitæ irrigato. (a) Laudabilis est etiam inferioris ventris compressio versus superiora, nimirum ad aërem pulmones distendentem exturbandum.

12. Prædictis tamen remediis Detardingius, Heisterus, Bruhierius, Hoochus, atque Becherus Tracheotomiam, sive asperæ arteriæ sectionem anteponunt: etenim existimant, submersorum epiglottidem prolapsam asperæ arteriæ incumbere, & in statu convulsivo manere, ac propterea alternum inspirationis, & expirationis motum impediendo, infirmum præfocare.

13. Igitur opinantur, ubi prædicta operatio, omni mora postposita, fiat, aërem in pulmonibus clausum illico foras erepturum, ac omne simul obstaculum pro respiratione, & consequenter pro sanguinis circulatione restituenda eliminaturum. Quocirca citati Bruhierius, Detardingius, & Heisterus docent Tracheotomiam aliis omnibus tentamentis

esse præmittendam. Jolyus tamen ipsam veluti extremum remedium ultimo loco reservat.

14. Sed tantorum Doctorum venia, hæc operatio, uti Lovisius adnotavit, inutilis est censenda: casus enim epiglottidis naufragorum super asperam arteriam, cum nulli observationi innitatur, gratis, & sine fundamento videtur adstructus. Proinde omnino libera putanda erit externo aëri ad pulmones ingressio: quod si proprium isti dilatationis, & restrictionis exercitium dimiserunt, id partim ex sanguine, qui coagulari jam cepit, partim ex ipsorum pulmonum vitio procedit: eo quod aqua, per asperam arteriam intromissa, opprimuntur. Cæterum si forte Epiglottis ad illius orificium prolapsa sit; poterit inde facile removeri: neque ad atrocem hanc incisionem confugere necesse est.

15. Pro statu igitur ordinario ad aëris reciprocationem promovendam, sanguinem, figi jam incipientem, fundere aggrediamur. Id autem perficiemus calidum aërem per tubulum in asperam arteriam

E e e

riam

(a) Borell. *hist. cent. 2. observ. 11.*

riam insufflando (a): humanus enim halitus, in variis etiam aliis casibus, ad spiritus exstimulandos, ad sanguinem in pulmonibus stantem resolvendum, ejusque circulum renovandum, ad respirationem denique restaurandam, insignis efficaciae reputatur. (b) Ut autem aer immixtus pulmones petere adigatur, neque per nares infirmi diffugiat: sedulo curandum est, ut nares ipsae digitis interea comprimantur.

16. Verum inter omnia medicamina, quae pro submersorum salute celebrantur, praecipuum juxta Lovisii monitionem est tabacci fumus ad intestina introductus: cujus insinuandi modum, & utilitatem paulo ante descripsimus. (c) Cum vero fumus iste interne ministratus, mira patrare sit solitus; nullo modo erit praetermittendus. Utiles quoque simili-

ter a Doctoribus reputantur ex eadem ratione Clysteres. (d)

17. Detardingius asserit, submeriti, qui exanimis omnino putabatur, salutem, semel ac suspirium elicuerit, dummodo exinde curatio non negligatur, jam in tuto reponi. Equidem hoc affirmare non ausim: nihilominus eam portui valde proximam judico: spes enim confurgit liberationis non exigua. Suspirium namque indicat, respirationem, & sanguinis circulationem redintegrari cepisse; mox ergo redibit deglutitionis facultas, qua data Medicus, quidquid libuerit, propinabit. Poterit igitur eo casu vomitoria liquida tribuere, ut aeger ingestam aquam a stomacho effundat, quae si marina fuit, & copiosa, forte nocitura esset in posterum. Licebit quoque decoctionem florum Comomillae Romanae (e) aliaque artis praesidia tribuere, quae infirmum

(a) Reaumur. in *Monit. Regis Galliar. apud Lovis.*

(b) Ranchin. *de morb. subit. c. 12.*

Specim. Medic. Edemburg t. 1. Relat. Tossach. 11. Novembris 1732. apud Brubier. t. 1. c. 1. §. 8. fol. 242.

(c) *Hoc lib. c. 16. n. 3. & vide Bartholin. Hist. Anatom. cent. 6. hist. 66.*

(d) Lovis. *lib. cit. observ. de submers. in exanim. rat. fol. 283. & seq.*

(e) Reaumur. in *Monito apud Lovis. lib. cit.*

Forest. Obser. Medic. l. 15. observ. 26.

firmum pristinae fanitati restituant. Hanc vero provinciam, uti par est, Medicis intactam relinquimus: ea tantum tractasse contenti, quæ ad submersos pertinent, qui nondum vitæ indicia præbuerunt.

18. Cæterum illud pro hujusmodi miserorum cura summopere, at nunquam satis, inculcandum reputo: ne scilicet adstantes, & Medici animum despondeant, si forte post prima tentamina, & experimenta naufragus in mortuorum figura perleveret, & nullum vitæ signum ostendat. Ratio enim, ex qua eorum aliqui, licet vivi, sepulti sunt, ea fuit: nam primis inquisitionibus incassum factis, Medici, vel alii, qui ad eos liberandos convolaverant, concidentis animo, sibi suaserunt, illos procul dubio mortuos, qui non nisi superabili morbo implicabantur: ita ut debitis, & morose continuatis medicationibus adjuti, post pauca minuta, manifesta præsentissimæ vitæ signa dedissent.

19. Porro testatur Detardingius ex quinque submersis a se in nosocomio curatis, nonnullos non nisi post horam, & amplius sese

vivere indicasse. Contra vero ex illis omnibus, qui ad privatas domos eo tempore delati sunt, recuperatum fuisse neminem: connumeratis etiam iis ipsis, qui adhuc loquela præditi erant, & deinde in deliquium cecidere, quique majorem numerum sine dubio conflabant: idque ex eo provenisse, quod promptuariis remediis tumultuarie applicitis, eos revera defunctos nimis propera sententia judicavit: ita ut aliorum socordia illos infelicissimæ forti derelinquens apparentem ipsorum mortem in veram commutaverit. Propterea Galliarum Rex Anno 1740. celebre monitum in omnibus ditioribus suis ab insigni Reaumurio conscriptum publicari, & affigi præcepit: (a) in quo cavetur, ne submersi, quamquam in speciem anima penitus destituti, sepulturæ tradantur, nisi exquisitissimæ præcedant pervestigations, quibus ad officia vitæ, quam sæpe occulte retinent, revocari possint.

20. In hoc vero monito non solum curationis methodus præscribitur, sed patientia, & longanimitas in continuandis remediis

E e e 2

maxi-

(a) Habetur apud Lovis. loc. cit. post Memor. de subm. fol. 250.

maximopere commendatur, quamquam per notabile temporis spatium infructuosa processerint: neque aliquis amicæ spei radius interlucere videatur. Experientia enim patefecit, plures ex huiusmodi naufragis nullum vitæ signum, nisi post duas horas indefessæ, imo obstinatæ curationis edere valuiffe. Idem testantur & serio denunciant Bruhierius, atque Lovifius: & revera monitionis istius nunquam oblivisci oportebit: totius enim rei caput est, eamque, si opus esset, variis Doctorum auctoritatibus, innumerisque aliis repen-

tinorum morborum exemplis evidentius comprobarem.

21. Hæc igitur de nascentibus parvulis Asphyxia percussis, ac de submersis, ad utrorumque utilitatem inter alia in hac secunda operis editione addenda existimavi. Ea vero non solum Regiæ Medicorum Academiæ Panormitanæ, insignibus undequaque viris florenti, cujus illa gravissimæ censuræ subjeci, accepta fuere; (a) sed ab huius Regni Siciliae Protomedico in ejus perpetuo, & in vim pragmaticæ sanctionis condito edicto summatim inserta. (b)

LIBRI TERTII FINIS.



LIBER

(a) Censur. Acad. Pan. huic Operi præfixa.

(b) In Append. Monum. 1. n. 8. & 9.



LIBER QUARTUS.

De Dei Charitate erga nonnatos, deque auxiliis,
quæ illis a Parentibus, Parochis, Episcopis,
& Principibus præstanda sunt.

C A P U T I.

Quomodo Deus parvulis, in utero clausis, media ad salutem æternam providerit. Parentum culpæ nonnatis noxiæ, pietas vero quam utilis.

Cum ante aliquot annos immanis marmorea columna, Panormum transferranda casu in itinere confracta esset, ac plurimas propterea ex ea

columellas Dominis excindere placuisset: opifices illam dissecantes viventem vermiculum in ejus interiori cavo repererunt: nec unquam eluxit, quomodo ibi, & progigni, & nutrirî, vel aliunde

irrepere potuisset. Id certe Philosophica *Genialium* Academico-
rum ingenia exercuit; & una fecit, ut summa Dei providentia cunctos in sui admiratione defigeret. Si enim tam accurate Deus irrationabilibus creaturis consulit: quæ non nisi tenuissimæ illius umbræ dicendæ sunt, quam accuratius hominibus prospicit ad imaginem suam creatis, & ad coelestem adoptionem, hæreditatemque destinatis? Ipsius profecto erga nos amor non solum præ constantia paternus, sed etiam præ teneritudine plusquam maternus merito est appellandus: quare si tam districte præcipit matribus, ut foetus, quem utero continent, sollicitudinem gerant; legem hanc ipse sanctissimam non servabit, qui in omnibus sese præbet exemplar perfectissimæ charitatis? Et revera per Isaiam ita loquutus est (a).

Qui portamini a meo utero. . .

Ego feci, & ego feram; Ego portabo, & salvabo. Et alibi:

(b) *Numquid oblivisci poterit mulier infantem suum, ut non misceatur filii uteri sui? Et si illa*

oblita fuerit: ego tamen non obliviscar tui.

2. His ergo præmissis; cum certum sit, baptismi remedium non prodesse infantibus, nisi per nativitatem saltem, ut ajunt, partialem & inceptam, vel per abortum, aut Cæsareum partum editi sint: videamus, utrum infinita Dei misericordia modum aliquem paraverit, ad puerulos illos ab æterna morte liberandos, qui nec ullo modo sunt nati, nec per incisionem extrahi possunt, & tamen grave periculum subeunt, ne sine baptismate moriantur? Et sane celebris est inter Theologos controversia, quo modo Deus media ad æternam salutem necessaria disposuerit his, qui priusquam oriantur, occumbunt. Quod ea disposuerit, ambigendum non est: idque pluribus divinarum Scripturarum testimoniis libri tertii capite sexto probavimus: etenim & hi parvuli sunt Adæ filii, ea macula deturpati, ad quam sanguine suo diluendam redemptor advenit: propterea cum aliis omnibus in generali illa propositione: *Vult Deus*

(a) Isai. 46, 3. & 4.

(b) Isai. 49, 15.

Deus omnes homines saluos fieri, manifeste comprehensi: quæ verba, cum a sincerrima illa, & im-
mensa bonitate procedant, ne-
queunt esse nisi verissima, & fide-
lissima: difficultas tantum residet
in explicanda ratione, qua eadem
bonitas, quæ omnipotens simul
est ac sapientissima, tam misericor-
dis consilii exequutioni consuluit.

3. Bellarminus quidem, Suarez,
& alii sentire, Deum institutione
Sacramenti Baptismatis, providisse:
cujus tamen applicationem a con-
cursu, & occurso causarum secun-
darum naturalium, & liberarum,
quæ parvulos ante ortum occiden-
do, baptismo viam præcludere
possunt; pendere voluerit: ita ut,
quantum ad se pertinet, eorum
æternam salutem efficacissime ve-
lit: dummodo impedimenta non
obsint. Impedimenta vero ista,
quamvis a Deo prævisa, nullate-
nus tamen esse ab eodem intenta,
sed ob alios tantummodo altissi-
mos fines inscrutabili decreto per-
missa. Verum cum hæc sententia,
nasci quandoque impedimentum a

causis naturalibus, quæ liberæ
non sunt, sed necessariae, patenter
admittat; non videtur salvare, uti
debet, concedi pueris omnibus
auxilia revera sufficientia, sed in-
terdum aliquibus remote solum
præparari.

4. Hæc objectio impulit Vas-
quezium, (a) ut aperte diceret,
Deum quidem proxime consuluisse
pueris, qui materno in ventre pa-
rentum negligentia dispereunt:
non tamen iis, qui ex sola naturæ
debilitate moriuntur. Hanc opi-
nionem ipse veram, & magis com-
munem appellat, sed immerito:
contrarium enim scribit Andreas
Duvallius Doctor Sorbonicus (b),
Vasquezii coætaneus, & in per-
fectione christiana Sancti Franci-
sci Salesii discipulus, ac Sancti
Vincentii a Paulo Magister. Du-
vallius, inquam, cujus doctrinam
non minus, quam pietatem Salesius
mirabatur, magis communem,
magisque fundatam vocat senten-
tiam aliam, mihi sane gratissimam,
quæ, vere Deum omnibus infantu-
lis auxilia sufficientia ordinasse,
propugnat. Eamque similiter

Viva

(a) Vasquez p. p. disp. 69. c. 2.

(b) Duvall. tom. 1. de Grat. n. 407. & 408.

Viva testatur hodiernis Theologis maximopere acceptam. (a)

5. Verum in quonam auxilia illa consistunt? Creditur Deus æternam infantulorum salutem parentum precibus annexuisse: quatenus ubi orarent isti, quædam bona opera facerent, quædam peccata vitarent; Deus eorum filios incolumes ad nativitatem usque tueretur. Additque Duvalius, Deum non raro naturales causas, quæ mortem puerulo inferrent, benignissime immutare, propter matris probitatem, orationesque prævilas.

6. Communioni huic doctrinæ, cæteroqui divinæ misericordiæ adeo consentaneæ, nonnulli opposuere, quod Sanctus Augustinus pluribus in locis, & præsertim in Epistola 105. adnotavit.

Quid dicam de inopinatis, & repentinis innumerabilibus mortibus, quibus sæpe religiosorum christianorum præveniuntur, & baptismo præcipiuntur infantes? Cum e contrario sacrilegorum, & inimicorum Christi aliquo modo in chri-

stianorum manus venientes, ex hac vita non sine Sacramento regenerationis emigrant. Et alibi de gratia & lib. arbitr. cap. 22. Et aliquando filiis infidelium præstatur hæc gratia, dum occulta Dei providentia in manus piorum quomodo-cumque proveniunt: aliquando fidelium filii non eam consequuntur, aliquo impedimento existente, ne possit periclitantibus subveniri. Et in Epistola 107. Aliquando cupientibus, festinantibusque parentibus, ministris quoque volentibus, & paratis, Deo nolente non datur: cum repente, antequam detur, expirat, pro quo, ut acciperet, currebant. Id ipsum Sanctus Prosper (b) in dissertatione perpendit, quam ipsi Anthelmus adjudicat contra Quesnellium, Divo Leoni attribuentem. (c)

7. Ad hæc & similia Patrum dicta, facillima erit responsio: ubi scilicet impiorum hominum filii baptizantur, manifestatur profecto electionis divinæ beneficium, quod nulli prorsus injuriam irrogare

(a) Viva in Propos. 4. & 5. Alex. 8.

(b) S. Prosper. in carm. de ingrat. & in lib. de vocat. Gent.

(c) Anthelm. in dissert. de Oper. SS. Leonis M. & Prosperi.

gare certissimum est. Ubi vero priorum christianorum filii antequam oriantur, sine baptismo decedunt; non inde tamen inferri potest, eis auxilia sufficientia fuisse denegata: eodem plane modo, quo adultorum prædestinatio, nihil officit, quominus etiam præscitis auxilia necessaria conferantur: & revera fortasse parvulorum istorum parentes, licet hodie speciali præditi virtute, aliquod enorme peccatum olim perpetrarunt: vel etiam ad præsens aliqua veniali culpa maculantur: in quorum poenam filios adeo debiles genuere. Possibile insuper est eos aliquem virtutis actum omisisse, cui alligatus ac præparatus fuerat divinus ille favor, quo eorum proles viva, & incolumis ederetur, nocuit forte parvulis peccasse quondam non solum parentes, sed & avos, aliquo præsertim intemperantiæ, puta ebrietatis, aut alterius speciei delicto, a quo etiam physice foetus debilitas

morbusque originem duxerit: cum cæteroqui Omnipotentem Dominum punire usque ad quartam generationem, remunerari usque ad millesimam a Sacris Bibliis audiamus.

8. Hæc poena maxime locum sibi vindicare potest in culpis, quæ tum in usu conjugii, tum in electione ipsa status conjugalis persæpe committuntur. In his enim finis nequit esse libido, vel avaritia, sed procreatio, & recta educatio prolis, vel saltem concupiscentiæ remedium. Sed heu quam pauci sunt, qui veraciter in Deo possint cum Tobia gloriari! (a) *Et nunc, Domine, tu scis, quia non luxuriæ causa accipio conjugem, sed sola posteritatis dilectione, in qua benedicatur nomen tuum in sæcula sæculorum.* Ecclesia quidem præcipit Parochis (b), ut fideles moneant, ne matrimonium celebrent, nisi Pœnitentiæ, & Eucharistiæ Sacramentis rite admodum expiati: neve illud con-

F f f

sum-

(a) Tob. 8, 9.

(b) Ritual. Rom. in Rubr. de Sacr. Matrim.

Missal. Rom. in Rubr. Miss. pro Sponso. & Sponsa, vide etiam.

Concil. Carthag. 4. Can. 13

Concil. Mediol. 5. sub S. Carol. Borrom.

summent, neque cohabitent, nisi nuptiali benedictione recepta: sed continentiam fervent diebus orationi, & jejunio consecratis: præscribit etiam Parochis ut propositis Tobiae, ac Saræ illustribus exemplis, verbisque Raphaelis Archangeli, sponso circa modum diligenter instituant, quo, ad matrimonium pie contrahendum accedere oportet, & in eo conversari; Tobiam sane Archangelus commonefecit, ut per triduum post initum sancte conjugium a thalamo abstineret. Sic enim prima nocte fugaret dæmonem, odore scilicet percussus orationis, cujus typus erat jecur ille piscis, a Tobia eodem tempore concremandus. Secunda vero nocte dignus haberetur confortio, & merito Sanctorum Patriarcharum. Tertia postremo divinam benedictionem impetraret: qua & filii vivi, ac bene compacti nascerentur, & ipse felicissimus Pater evaderet. *Tertia autem nocte benedictionem consequeris, ut filii ex vobis procreentur incolumes: transacto autem tertia nocte, accipies virginem cum timore Domini, amore filio-*

rum magis, quam libidine ductus, ut in semine Abrahæ benedictionem in filiis consequaris (a). Sanctus Ludovicus Galliarum Rex hoc angelicum documentum implevit. Sancta etiam Hedwigis a marito continentiam diebus jejunio, & orationi dicatis obtinuit. Similia item alii Dei servi, piique fideles perfecerunt. At siue ex voluntatis malitia, siue ex fragilitate, siue ex defectu attentioris considerationis, divina circa prædicta ordinatio vulgo floccipenditur. Scio Parochos non tam facile posse in hujusmodi rebus populum suum accurate erudire. Commodum tamen esset, si in Parochiali Templo, ut alicubi factum est, sponso omnibus defuturo utriusque sexus diebus præstitutis, horisque pomeridianis, coram eorum utrisque parentibus, apertis quidem januis, exclusis vero pueris, aliisque similibus, quos adstare non decet: catechismi Turlotiani pars ad matrimonium spectans, vel alterius, ab Episcopo tamen probati, prælegeretur: ubi modeste sit indicatum quidquid Ecclesia præcipit præmonendum: cui sane lectioni

utri-

(a) Tob. 6, 18. & seq.

utriusque sponsi tribus vicibus intersint: ut ita, & disciplina constaret, & non pauca, nec levia mala evitarentur. Hoc enim pacto nequitiam timendum esset, ne qui docet, ex libro duntaxat recitans, in verba minus circumspecta, vel indecentia prolabatur.

Ecclesia profecto & instructionem hanc in Rituali expresse mandat, & in Missali aperte jubet ut Parochi in ipsa nuptiarum Missa sponso de continentia in diebus jejuniorum, orationisque peramanda commonefaciant. *Hi namque, ut Raphael Angelus ad Tobiam dixit, (a) qui conjugium ita suscipiunt, ut Deum a se, & sua mente excludant, & suæ libidini ita vacent sicut equus, & mulus, quibus non est intellectus; habet dæmonium potestatem super eos. Quæ cum ita sint, mirabimur, si intemperantiæ filii divinæ specialis protectionis expertes, ad lucem vivi quandoque non veniant, sed in matris ventre disperdantur? Con-*

ducet autem hæc, & similia obstetricibus tradere, ut pro renata honeste indicent mulieribus earum ministerio utentibus quænam inter conjuges licita, vel illicita sint: edoceantque ex ipsorum conjugum luxuria, & inordinationibus in usu matrimonii abortus, monstra, partus desperatos, mortemque puerperarum interdum provenire. (b)

9. Cum ergo probitas, vel malitia parentum, sive ad bonum, sive ad malum etiam filiorum magni sane momenti sit; pro divina salvanda misericordia, sufficit asserere, eam ad parvuli salutem sufficientia media præordinasse, genitoribus auxilia subministrando, quibus peccata vitarent, vel bona opera exequerentur, quorum auxiliorum recto usui Deus favorem illum pie alligaverat, quo puer incolumis nasceretur; eorumdem vero auxiliorum neglectui permissionem, quia ipse puer in utero ex causarum secundarum occurso, & pravitate læderetur.

Fff 2

Quod

(a) Tob. 6, 17.

(b) Schench. t. 2. l. 4. de molis observ. 200.

Lemn. de occult. nat. mirac. lib. 1. c. 8.

Bianchi de natur. &c. gener. p. 2. pag. 76.

Quod autem Deus teterrimi peccatoris, & omnem clementiam demerentis filium robustum generari disponat, ut hujus mortem, quæ aliter ex combinatione causarum secundarum inevitabilis esset, avertat: contra vero piissimæ genitricis exiguam cibi intemperantiam tam severe ulciscatur, ejus infantuli mortem permittendo; hoc ad sublimitatem pertinet divinorum judiciorum, quæ sunt nobis omnino inscrutabilia: *Tu noli investigare si non vis errare: dicebat in similibus Augustinus.* Nobis nimirum satis est scire, Deum ubi nos ab æterna morte liberarit, misericordiam; ubi vero punierit, justitiam exerciturum. Quamobrem cum Apostolo exclaimandum. *O altitudo divitiarum sapientiæ, & scientiæ Dei, quam incomprehensibilia sunt judicia ejus, & investigabiles viæ ejus!* Divus ipse Prosper (a) satis edocere videtur: Deo non esse imputandum, quod hi pueri sine baptismo decesserint, sed parentibus; in quorum personis generalia parvulis ac sufficientia auxilia largitus erat, quæ nulli rationabili creaturæ dene-

gantur: quamquam genitoribus eadem parvipendentibus, filioli absque baptismo perierint. Et viceversa ipsius Dei misericordiæ tribuendum veniat, si aliis parvulis efficaciora, & salubriora auxilia, non obstante parentum nequitia, concedantur: ita ut filioli salutem faustissime accipiant, illis, ut ita dicam, invitis. *Et cum quærimus quomodo omnes homines salvos fieri velit, qui non omnibus illud tempus impertit, in quo per voluntariam fidem percipiendæ gratiæ sint capaces? Non irreligiose arbitror credi, neque inconvenienter intelligi, quod isti parvorum dierum homines, ad illam pertineant gratiæ partem; quæ semper universis est impensa nationibus, qua utique, si bene utentur parentes, etiam ipsi per eosdem juvantur: omnium namque exordia parvulorum, totaque illa principia nec rationalis infantici sub arbitrio jacent voluntatis alienæ, nec ullo modo eis nisi per alios consuli potest: & consequens est illos ad eorum pertinere consortium, quorum vel recto, vel pravo aguntur affectu. Sicut enim ex aliena confessione credunt;*

(a) Lib. de Vocat. Gent. c. 8.

ant; ita ex aliena infidelitate, aut dissimulatione non credunt. Et cum ipsi nec presentis vitæ desiderium habuerunt, nec futuræ; quam ipsorum factum est nasci, tam ipsorum efficitur non renasci. Sicut autem circa majores præter illam generalem gratiam parcius, atque occultius omnium hominum corda pulsantem, excellentiore opere, largiore munere, potentiore virtute vocatio specialis exeritur; ita etiam circa innumeros parvulos eadem manifestatur electio: quæ quidem nec illis, qui renati non sunt in parentibus defuit: sed in his qui renati sunt præ parentibus adfuit: ita ut multi sæpe, quos suorum impietas deseruit, alienorum cura servaverit; Et ad regenerationem venerint per extraneos, quæ eis non erat providenda per proximos. In quo opere gratiæ quis, nisi arrogantissimus, atque vanissimus, de divina Justitia conqueratur, quod non omnibus parvulis simili providentia consulat? Omniaque pericula, quæ moriturorum regenerationem prohibere possunt, aut potestate submoveat, aut miseratione præveniat? Quod utique erga omnes ita fieret, si ita fieri deberet. Non au-

tem latet, quantum cordibus fidelium desidice gignerentur, si in baptizandis parvulis nihil de cujusquam negligentia, nihil de ipsorum esset mortalitate metuendum: quandoquidem ut tales baptismo fraudarentur, nullo modo posset accidere. At quamquam Sanctus Prosper de pueris jam natis hic agat, qui, uti notatum est, etiam ab extraneis adjuvari physice possunt; idem tamen a fortiori in ejus sententia dicendum est de nonnatis, quibus nullo modo physice auxiliari possunt extranei: e contra maximam opem conferre valet parentum solertia cum temperantia charitate, & oratione conjuncta, ut vivi ad nativitatem usque ferventur: cum enim tandem nonnati, non minus quam nati, sint homines; debet juxta ejusdem Sancti Doctoris principia, verum in utrisque illud Apostoli effectum judicari. Deus vult omnes homines salvos fieri. Quamvis quibusdam præ aliis validiora, & nobiliora nihilominus auxilia impertiatur.

10. Et quidem Gregorii III. Canon poenitentialis quondam in
Fff 3

mulieribus abortus involuntarios tribus quadagesimis puniebat. Græca vero disciplina, ævi etiam præsentis, in hujusmodi abortus animadvertit, ut patet ex Euchologio, ubi etiam legitur oratio pro reconciliatione abortientium: præsumit enim ex aliqua earumdem negligentia, aliove peccato Deum, cæteroqui puerorum protectorem, abortum, & ex eo infantis perditionem permisisse: quod Goar cum Blastare celebri Canonista, aliisque Doctoribus orientalibus tradidit. *Ex insidiis*, ait Blastares, *(a) inimici, nulla in re parente utroque delinquente, quamvis quod contigit veniam mereatur; moderata tamen indiget castigatione: propter quæ-*

dam enim multa alia peccata a Domino infantes servare solito tantus auxilii defectus processisse videtur. Deus enim tanta charitatis plenitudine infantes utero contentos prosequitur; ut acriter suam indignationem intermit net iis, qui prægnantes occiderint: *Super tribus*, ait, *(b) sceleribus filiorum Ammon, & super quatuor non convertam eum, eo quod dissecuerit prægnantes.* Profecto expediret ut Parochi, mulieres etiam involuntarie abortientes, aliqua moderata castigatione juxta prædictam disciplinam pro cautela mulctarent. Quod etiam prodesset in posterum, ut illæ nimirum ab abortibus magis magisque deterrentur.



CA

(a) Blastares apud Goar. in Euchol.

(b) Amos 1, 13.

CAPUT II.

De quorundam Sanctorum ante ortum sanctificatione
extraordinaria : & utrum aliquod admittendum
sit remedium pro infantibus utero
penitus circumdatis.

I. Sæpe igitur conservatio vitæ
pueruli in ventre genitricis,
ejusque sanitas, & felix ortus, ut
baptismate donetur, fructus est,
probitatis, orationisque paren-
tum : dum enim adhuc in mater-
no carcere prorsus absconditur,
nullo remedio ordinario salvari va-
lebit. Posset profecto Deus illum
ibidem sanctificare: sicuti SS. Au-
gustinus (a), Thomas, Bonaven-
tura, Beatus Albertus Magnus,
& omnes alii communissime do-
cuerunt : non enim, ut ait Divus
Thomas (b), Deus legi Sacra-
mentorum potentiam suam alliga-
vit. At favor iste de paucis tam-
tummodo prædicatur. Et quî-
dem de Beatissima Virgine Maria
nil hic attinet dicere. Ea enim
singularissimo prorsus privilegio
in primo ipso Conceptionis in-

stanti gratia, omnibusque coele-
stibus donis ditata plenissime fuit.
Cæterum in veteri Testamento
sanctificatum fuisse, quamquam ex
intervallo, Jeremiam, & in novo
simili favore dignatum Joannem
Domini Præcursores concordî
calamo Theologi scribunt : & si
olim utrum ipse tantum exultave-
rit in utero ; an vero gratiam quo-
que receperit dubitaverit Augusti-
nus. Hac etiam prærogativa de-
coratum fuisse D. Josephum val-
de probabiliter, non pauci ex
Doctoribus arbitrantur.

2. De reliquis tamen Dei ser-
vis, uti ex Augustini doctrina
Gersonius animadvertit; res adeo
præcellens nequit affirmari. Nisi
eam vel per aliquod signum a Deo
ipso, vel a Sanctis Patribus, quî
specia-

(a) S. Augustin. t. 2. novæ edit. epist. 187. ad Dardani.

(b) S. Thom. in 3. p. 1. q. 27. art. 1. ad 2.

speciali divino lumine illustrabantur, edoceamur. Sane Sanctus Hieronymus insigne hoc beneficium Sanctæ Afellæ collatum putavit, quæ in utero benedici visa est, & patri in figuram phialæ crystallinæ, atque purissimæ ante nativitatem ostensa. (a) Idem privilegium Sanctus Ambrosius (b) Patriarchæ Jacobo concessum credidit, propter hujus luctam cum Esau, qui typum gerebat hominum iniquorum. Sanctus vero Ephrem Syrus Moyfi (c) Prophetæ ac Legislatori. Nonnulli deinde Santo Nicolao Myrensi Episcopo, quod adhuc nonnatus jejunaverit. Idem de Sancto Benedicto dixere alii: quia, priusquam nasceretur, divinas laudes concinere auditus sit. Alii de Sancto Dominico, qui per quietem visus est matri sub catuli specie, ore faciem præferentis, qua; editus, Orbem Terrarum incenderet. Plerique tandem cum Trithemio, Petro de Alva, Petro Cantore Parisiensi, Ægidio Camarto, & Cornexo in disputatione Romæ

coram Cardinalibus habita, similiter de Elia secundo Christi præcursores senserunt, quem Pater, antequam veniret in lucem, igne vesci, & ab Angelis salutare conspexit. Hujus ostenti meminit liber de *Vita Prophetarum*, Bellarmino legitimus Sancti Epiphaniî opusculum, at Natali ab Alexandro supposititium. Verum has & hujusmodi visiones accipiunt alii veluti mera futuræ sublimioris vocationis, non vero gratiæ præsentis indicia. Utut sit, cum favor hic, etsi forte aliis Sanctis ab aliis doctis viris asseratur, sit valde infrequens: orandus est Dominus, quo pueri vitam in matris ventre conservet, ut inde vivus egrediens tandem aliquando capax fiat suscipiendi baptismatis.

3. At quid agendum in casibus desperatis? Joannes Gersonius in oratione de *Nativitate Virginis Mariæ* in Generali Constantiensi Concilio habita, monuit, Deum a parentibus esse obsecrandum. *Quatenus infans necdum natus, si forte*

(a) S. Hieron. *Epist.* 15. ad Marcell.

(b) S. Ambros. *l.* 4. de *Fide* c. 4.

(c) S. Ephrem, Syr. *Orat. de transfiguratione Domini.*

forte moriturus est, priusquam ad baptismi fluminis gratiam pervenire valeat; dignetur ipsum Dominus Iesus Summus Pontifex baptismo Spiritus Sancti praeveniando misericorditer consecrare: quis enim scit, si forte exaudiat Deus? Immo quis non devotius sperare valeat, quod orationem humilium, & in se sperantium nequaquam despicit? Proficit hæc consideratio ad exercitationem devotionis in parentibus, proficit ad levandam eorum angustiam, dum sine baptismo decedit puer: quia non omnis inde spes sublata est, sed neque absque revelatione datur favoris certitudo.

4. Res quidem non est impossibilis existimanda. Nam præterquamquod potest Deus, ubi velit, eximia sane dignatione, huiusmodi puero absque alio medio justificantem gratiam, & virtutum habitus infundere, vel jubere, ut ab Angelo baptizetur, quo casu baptismus, quia non ab homine viatore ministratus, esset improprie Sacramentum; his etiam utpote prorsus extra ordinem prætermis-

sis, manifestum est, posse illi rationis usum elargiri, efficacibus auxiliis eum ad actus fidei, spei, & charitatis, & baptismi desiderium impellere, atque ita per baptismum in voto a perditione liberare: quamvis enim ex historiis compertum non sit, utrum Dominus a fidelibus exoratus id aliquando præstiterit; ex fide tamen didicimus, eum esse Omnipotentem, ac multo maiora istis efficere perquam facillime posse. Et sicuti ob parentum vel aliorum preces, ut alibi notavimus, (a) plures ad vitam revocavit infantes absque baptismo mortuos, ut eo emundarentur, ac deinde in statu gratiæ decederent: sique laudabile fuit, quemadmodum exitu ipso comprobatum est, Deum in huiusmodi eventibus deprecari, ut ab eo tam insigne miraculum, mortuorum scilicet resurrectio, patraretur: imo si pluribus Dei servis licuit ab ipso volucrum, piscium, aliorumque mortuorum animalium resurrectionem impetrare, quorum miseratione tenebantur: cur non licebit etiam, præsertim

G g g paren-

(a) Supra lib. 2. c. 13. n. 1. & 2. Vid. etiam S. August. serm. 323. & 324. de divers.

parentibus, a Deo expetere, ut parvulo fecus perituro, usum rationis acceleret, eumque ita ad credendum, sperandum, & diligendum illuminet, & incendat, ut æternam salutem invisibili medio consequatur?

5. Quidam hoc Gersonii dictum cum alio Cardinalis Cajetani, perperam tamen, confudere: sunt enim plane diversa, & tamquam diversa ea commemorat Pallavicinus. (a) Opinatus est Cajetanus, ubi parvulus natus sit, & morti proximus, & aqua desit ad baptizandum; expedire, ut in his angustiis parentes filiolo propriam applicent fidem per aliquod tamen sensibile signum, verbi gratia crucis: illum in nomine Sanctissimæ Trinitatis benedicentes. Putavitque Deum, sicuti olim in Lege Naturæ media parentum fide, cum signo sensibili unita, Sacramento scilicet ejus ætatis, pueros ab originali peccato mundabat; idipsum & in præsentia facere, si tempus forte non suppetat ad baptizandum: (b) *Debet in tali*

casu parens signo crucis infantem cum invocatione Trinitatis munire: sicque Deo offerre morientem in nomine Patris, & Filii, & Spiritus Sancti. Eademque extendit ad parvulum in utero periclitantem. In articulo undecimo occurrit scribendum, & consequenter dicendum, sub correctione tamen, parvulos in maternis uteris periclitantes posse salvari per Sacramentum baptismi non in re, sed in voto susceptum, cum aliqua benedictione prolis, seu oblatione ipsius ad Deum cum invocatione Trinitatis. Porro Gersonii sensus, quamquam ab eo in tam celebri concilio prolatus, neminem, qui reclamaret, offendit. Cajetani vero dictum paucis post annis a Theologis Tridentinis in errorum schedulam relatum est, ut a Concilio damnaretur. Excusavit quidem illud Cardinalis Seripandus, qui Synodo præerat, a censura, obtinuitque, ne proscriberetur, eo quod in præsentia sessione de hujusmodi materia non esset agendum. Nec defuere quidam recentiores relati a Serra(c) & Ca-

(a) Pallavic. *Hist. Concil. Trident. lib. 9. c. 3.*

(b) Cajet. *p. 3. q. 68. art. 2. & ibid. art. 11.*

(c) Serra *quæst. 68. art. 2.*

& Caramuele (a) citantibus pro illis Gabrielem, & male etiam Gersonium, qui Cajetani opinionem probabilem reputaverint: nihilominus alii communissime repulerunt: Suarez uti temerariam, & errori proximam, Sotus ut hæreticam sugillat: Sanctus vero Pius Quintus a Cajetani libris, cum imprimerentur, expungi mandavit; quod in sequentibus editionibus tam egregii Theologi factitatum, de quo Canus agebat: (b) *Summis Aedificatoribus Ecclesiæ parem esse potuisse, nisi quibusdam erroribus doctrinam suam, quasi cujusdam lepræ admixtione scedasset.*

6. Erravit ergo Cajetanus: nam sicuti sacrificia legis naturalis, & scriptæ non solum mortua, sed & mortifera in novo Testamento evaserunt; sic abrogata sunt prorsus remedia pro temporibus illis, ad peccati originalis purgationem ordinata. Cum hoc autem sit indubitabile; nimis audax & vanum esset, sperare, Deum per

media jam abolita, quamvis urgente necessitate, gratiam collaturum. Justificat quidem baptismus in voto: at votum oportet ut sit ipsius hominis justificandi, non aliorum, & insuper cum charitate conjunctum.

7. Igitur adeo longe uti Cajetanus, non progressus est Gersonius: sed tantum dixit, posse Deum, si velit, Parentum precibus exoratum infantem justificare: quod, ut supra notavimus, facere per se ipsum immediate posset sine baptismo, & sine ulla parvuli cooperatione, sed sola omnipotentis misericordia sua, quæ nullis limitibus coercetur: fas enim illi est, sanctificationis regulæ a se constitutæ dispensare, uti Patres ac Theologi aperte docuerunt. Verum quia favor hic, a consuetâ justificationis via deflectens, miraculum esset in linea gratiæ, majus propterea ipsa resurrectione mortuorum; intelligi potest Gersonis opinio non de sanctificatione immediata sine ulla scilicet pueri cooperatione: sed de alia certe

G g g 2

minus

(a) Caramuel. in Theolog. fund. c. 7. fundam. 64.

Gabriel. in 4. disp. 4. q. 4. q. 2. art. 3.

(b) Melch. Can. de Loc. Theolog. l. 7. c. 3.

minus difficili: si nimirum Deus, accelerato infantis rationis usu, eum ad actus fidei, spei, & charitatis, ac baptismi desiderium excitaret: atque ita gratiam per charitatis actum infunderet. Ratiocinii namque acceleratio miraculum quidem esset, sed in linea tantum naturali consisteret, nec ad supernaturalem ordinem, seu modum sanctificandi pertineret. Quis vero nesciat eum, qui baptismum optat, si simul credat, & speret, & amet; etiam ante baptismum re ipsa susceptum, a peccatis ex ipsa communi justificationis lege mundari? Quod vero ad præviam instructionem de fidei mysteriis, posset Deus illam per se, vel per Angelum parvuli custodem supplere: si enim homo hominem docere valet, cur non Angelus hominem? Cæteroqui Novi, & Veteris Testamenti paginae innumeris abundant supernis loquutionibus, visibus, aliisque

illustrationibus, quæ a Deo sive per se, sive per Angelos hominibus immissæ sunt, ad quorum æternam salutem infinita bonitate sua opera certe in immensum præcellentiora perfecit. Cum autem Deus posteriori hoc modo, sine dispensatione legis ordinariæ, possit, quamvis a nemine rogatus, & solo misericordiæ suæ instinctu, puerum sanctificare; cur non facilius idem operari queat, genitoribus aut aliis exorantibus? Eset tamen procul dubio favor hic eximius, & admirandus, ab orationis efficacia impetratus, nequaquam vero Sacramentum, vel commune remedium, quod Cajetanus inducebat. In Evangelica enim Lege: *Nisi qui renatus fuerit ex aqua, & Spiritu Sancto, non potest introire in regnum Dei.* Quapropter inconcussum semper erit, nullum amplius dari Sacramentum culpæ originalis expiatorium, præter baptismum.

CAPUT III.

Quæ parentes pro salute filiorum nonnatorum
agere oporteat.

I. Cum igitur Sacramento ad nonnatos in utero clausos justificandos careamus, evidens est, debere parentes assidue, præfertim in periculis, divinam implorare clementiam ad vitam illorum tuendam, ut congruo tempore in lucem egressi baptismum consequantur: sperandum est enim excelsam illam bonitatem non permissuram orantes tam æquo desiderio fraudari: & hæc est via, qua Deus infantulos ad regenerationis lavacrum perducere consuevit, imo preces ipsæ eo majori pollebunt efficacia, quo magis cum pia, atque illibata vita conjunctæ: scriptum est enim: *Miserericordia ejus a progenie in progenies timentibus eum, (a)* & Ps. 102. *Et justitia illius in filios filiorum his, qui servant testamentum ejus, & memores sunt mandatorum ipsius ad faciendum ea.* Sicuti vice versa miseretur Deus parentum amo-

re filiorum. Sane traditur Sanctæ Brigittæ mater, dum eam utero gereret, pene miraculo a naufragio, quo plurimi ex eadem navi perierunt, evasisse, nam sequenti nocte cœlitus accepit, se in gratiam nonnatæ puerulæ præservatam. Brigitta igitur ad Dominum speciali jure dicere potuisset: de ventre matris meæ tu es protector meus.

2. Summa ergo solertia Pastores, alique Sacerdotes, & pro fuggestu, & pro sedibus ad confessiones peccatorum excipiendas deputatis de re tanti momenti populum doceant: nimirum si parentes pro filiis orare semper tenentur, majori hoc assiduitate, & contentione tunc exequi debere, dum adhuc illi maternis visceribus continentur, propter varia, quibus iidem subjacent, pericula pereundi sine baptismo: & hoc ipsum a domesticis, cæterisque christi-

G g g 3

christi-

(a) Luc. I, 50.

christiculis factitandum, tum pro nonnatis omnibus in universum, tum etiam ardentius pro iis, quibus aliquod grave malum impendet. Quod certe orandi studium pro nonnatis in S. Philippo Nerio eximie refulgebat. Magna quidem ad obtinenda a Deo beneficia est orationis necessitas: quandoquidem ipsæ primæ gratiæ supponunt saltem Christi Domini, & Ecclesiæ preces: quamobrem communiter Theologi ex Augustino, nullam, docent, nobis conferri gratiam, nisi media postulatione, si non a nobis facta, saltem pro nobis. Hæc est enim vas, quo ab immenso divinæ bonitatis oceano beneficiorum hauritur aqua: propterea Divus Jacobus etiam privatos homines monebat: *Orate pro invicem, ut salvemini.* At si fidelium orationes, ut omnes norunt, conversionem a Deo etiam scelestissimorum, & infidelium impetrant: quorum saluti reluctantur specialia peccatorum, nunc habitualium, nunc actualium, quibus sæpe immani & obstinatissimo affectu agglutinantur, mala merita: quanto magis infan-

tulis istis opitulari poterunt, ut Deus ad baptismi gratiam eos perducere sua protectione dignetur: cum ipsi alia culpa, præterquam originali, non deturpentur? Hoc ipso argumento Sanctus Cyprianus cum Africano Concilio (a) est usus ad eos confutandos, qui baptismum infantum ad octavum a nativitate diem protrahere olim conati sunt. Porro autem si etiam gravissimis delictoribus, & in Deum multum ante peccantibus, cum postea crediderint, remissio peccatorum datur & a baptismo, & a gratia nemo prohibetur: quanto magis prohiberi non debet infans, qui recens natus nihil peccavit, nisi quod secundum Adam carnaliter natus, contagium mortis antiquæ prima nativitate contraxit, qui ad remissionem peccatorum recipiendam hoc ipso facilius accedit, quod illi remittantur non propria, sed aliena peccata. Id est non ejus propria voluntate, & arbitrio commissa. Si ergo pro peccatoribus omnibus, quamvis ipsi per se rogare valeant, orandum est; quam vehementius, ac fidentius id faciendum pro parvulis his, ut vivi
in

(a) S. Cyprian. cum Concil. Afric. epist. 59. ad Fidum.

in lucem veniant, qui postulandi omnino incapaces nostrarum precum subsidia præstolantur? Cum cæteroqui eorum salus a divina tantum Providentia pendeat, quæ eorum amantissima remedium tam facile, ac promptum in baptis-
ma præparavit. Expedit ergo supra quam credi possit, prægnantes toto graviditatis tempore Pœnitentiæ, & Eucharistiæ Sacramenta frequentius suscipere, templa Sanctorum Tutelarium invisere, Sacerdotum, Religiosorum, aliorumque Dei famulorum orationes expetere: seseque in specialibus christianæ pietatis actibus exercere. Item non solum precandi formulam a Divo Francisco Salesio pro gravidis concinnatam (de qua plenius infra) quotidie recitare: sed & singulis horis prolem Deo per Beatæ Mariæ Virginis manus, juxta ejusdem Salesii monitum, offerre: Sanctorum denique innocentium patrocinium sæpiissime invocare. Operæ tamen pretium est, ut Patres quoque similia huc usque dictis, ex pari debito usurpare contendant.

3. Sanctus Carolus præter quotidianas orationes præscribit matris partui jam proximæ accessum ad templum, ac normam statuit, qua Sacerdos ante primarium Altare pro illa deprecetur, ipsique benedicat. (a) Hoc etiam parentes, & domesticos, prout opportunitas feret, admonebit Parochus, pro fœtu, qui in utero est, Deum assidue, intimeque precari: ut ille incolumis in lucem edatur, dignusque sit, antequam obeat, baptismi gratiam recipere: ne sine salutis Sacramento decedat. Et quod pie devotionis est; id quoque, prout usu venerit, admonebit: ut tempore pariendi propinquo mulier ad Ecclesiam accedat, ubi pro ea præse-
nte Sacerdos oret. Mulier autem eo nomine cum venerit, pie, ac devote ad Altare majus benedictionem suscipiet, quam ille rite adhibebit, ut suo loco descripta est. Et in sexto Concilio Provinciali (b) jubet gravidam in hac partis propinquitate peccata confiteri: & in instructione pro Sacramento Eucharistiæ, ipsam ejusdem Communionem muniri, tum partu imminente,

(a) S. Carl. Act. p. 4. Instruct. pro Bapt.

(b) Concil. Mediol. 6. de Sacr. Pœnit.

nente, tum vero post illum in gratiarum actionem, cum primum venerit ad Ecclesiam. (a)

4. Profecto sicuti divina Providentia parentes elegit veluti suos in filiorum procreatione ministros, ita ad æternam illorum salutem eosdem statuit suæ charitatis adiutores. Francisca de Sionas Beati Francisci Salesii Mater dum utero gereret, enixe prolem suam Deo commendare consueverat, ejus autem preces incassum non reciderunt. Undecim enim habuit filios, eosque ad unum pietate conspicuos, quorum postremus cum moreretur, Davidicum illud protulit: *Ecce quam bonum, & quam jucundum, habitare fratres in unum*: ita scilicet ad Fratrum suorum consortium alludens, quos brevi sese in coelo amplexurum

fore sperabat. Francisci autem rerum gestarum Historici omnes, ejusdem Sanctitatem oblationi illi acceptam referunt, qua mater ipsum in utero manentem Deo coram Sancta Sindone dedicaverat: exinde enim arcana præfagia in propheticis quibusdam somniis de filii futura virtute recepit, quibus Deus ratam oblationem hujusmodi habuisse indicabat.

5. Cum autem non solum parentibus, sed & aliis omnibus pro nonnatis orandum sit, ut vivi oriantur, atque ita demum ad baptismi gratiam perveniant, precandi normam ad id accommodatam in Appendice exhibebimus, qua quisque frequentissime uti possit. Cætera vero, quæ filiis nondum natis pro munere suo debent parentes, in toto hoc opere sparsim declaravimus.

CA-

(a) AA. p. 4. Instruct. de SS. Sacr. Euch.

CAPUT IV.

De Principum officio circa nonnatos: & de cura
projectorum.

Patris nomen, ac officium non iis tantum, qui nos genuere, tribuimus, sed Principibus etiam, qui Patres Patriæ passim audiunt, & subditos suos diligere debent, quasi filios, eorumque utilitatibus, commodisque prospicere: quod etiam de eorum ministris, ac magistratibus, proportionem servata, sentiendum esse, nemo ibit inficias. Principes ergo etiam nonnatorum, qui germina sunt reipublicæ sibi creditæ, sollicitam, ac misericordem curam gerere ex proprio munere tenebuntur. In tribus autem illa consistit. In impediendis abortibus, in sectionibus Cæsareis defunctarum promovendis, ac denique in providendo, ut in partibus difficilibus auxilia opportuna tum proli, tum puerperæ, incluso etiam, ubi expedierit, Cæsareo viventium partu, conferantur: & hujus quidem usum in nosocomiis

præsertim inducent: ibi enim absentia propinquorum gravidæ Chirurgis omnia permittit: ita felici eventum fama sectionis horrorem sensim dissipando, ipsam aliis prægnantibus commendabit. Etsi autem varia circa præmissa a magistratibus facienda dixerimus, illud supremorum Principum sane proprium huic loco reservavimus: legem nimirum statuendam. Quamvis enim de parali quâ de antedictis omnibus esse tu Cæsareo defunctarum jure communi cautum sit, is nihilominus sæpe negligitur. Quoniam vero nuper tria illa in Sicilia exquisitissimis legibus, quæ opusculi hujus fructus extiterunt, stabilita sunt: & in iis pene omnia prævisâ, & singillatim provisa, ad easdem in calce operis legendas lectorem remittimus: possent enim in alia regna, ditionesque saluberrime propagari. Egregia est etiam Friderici ad præsens Borussiae Re-

gis constitutio de erudiendis obstetricibus. Præcipit ille, ut a Calendis Octobris Anni 1751. in posterum obstetrices in Theatro Anatomico Berolini a docto Anatomes Professore, januis clausis, adhibitis etiam subinde muliebrium cadaverum sectionibus, in iis, quæ circa formationem, & augmentum foetuum, eorumque nativitatem cognoscere oportet, erudiantur; de his omnibus deinde examen subituræ; utque idem in aliis etiam regni sui civitatibus accurate fervetur: neque posthac ad obstetricandi munus ullæ admittantur, nisi prius de instructione, atque examine loci præfecto exhibito documento. Nec parvi pendendum Edictum Henrici Regis Galliarum, 4. Non. Martii A. 1556. in Parlamento promulgatum (a), quo sancitum est, ut matres illegitime concipientes, si gravitatem occultent, vel partum: aut si partus tempore legitimum testimonium vitæ, vel mortis infantis non ostendant; contra vero probetur, eum

baptismo, vel publica, & solita sepultura privatum fuisse; tamquam homicidii reæ extremo supplicio puniantur.

2. Cæterum ad pleniorum impediendorum abortuum doctrinam, hic tantum aliqua de projectis, id est expositis, quæ maxime ad officium Principis pertinere videbuntur, differere non omitemus.

3. Inter præcipua ad arcendos abortus media nullum certe magis necessarium, quam Principum erga infantes projectos diligentissima providentia. Si enim hæc desit; matres illegitimæ facile abortum aggredientur, quo non succedente, pueros in puteos, latrinasque projicient, vel aliter enecabunt, vel vivos forte sepelient: saltem nocte in campis exponent, vel in triviis, aut sterquiliniis civitatis, eum evidenti periculo, ne miselli a porcis, aut lupis, aut canibus devorentur: vel frigore, & inedia, quodque deterius est,

(a) In collect. Fentanam.

est, non baptizati, consumantur. Neque tamen raro hujusmodi mala timenda sunt: frequenter enim inveniuntur expositi: ita ut pro quolibet bino, vel terno larium centenario, possint singuli quotannis in unoquoque pago, vel civitate apparere.

4. Et sane Spiritus Sanctus, ut summam naturæ humanæ ex peccato originali miseriam demonstraret, eam ob oculos nostros non secus ponendam existimavit, quam similitudine infantis non solum in die nativitatis suæ adhuc nudi, & sanguine cruentati, nec fomentis recreati, sed a parentibus derelicti, ut ita divitias quoque suæ charitatis ostenderet, qua nos benignissime suscepit, & a calamitate liberaturus in filios adoptavit. Principes ergo projectorum saluti consulentes divinam vere misericordiam & imitabuntur, & sibi met ipsis promerebunt.

5. Hæc serio perpendens Divus Vincentius a Paulo mira pro salute projectorum molitus est, Sancti Francisci Salesii, quem pro Magistro coluit, charitatem

erga pueros, egregie sequutus. Profecto Parisiis, urbe cæteroquæ litteris, & disciplina maxime florenti, Vincentii ætate projectorum cura, quamquam patriis legibus Castelleti Officialibus Regiis demandata, fere despectui habebatur. Pueri namque singulis annis quadrigenti vel ad minus trecenti reperti non nosocomiis, sed cuidam viduæ tradi consueverant. In hujus domo partim inedia interibant, partim soporiferis affatim propinatis somnum cum morte commutabant, partim vilissimo pretio, etiam viginti quandoque solidorum, vendebantur, sæpissime vero perditis hominibus, eos cum magna familiarum turbatione ad supposititios partus, interdum etiam ad maleficia, & incantationes adhibituris: quam plurimis interea ex his pueris absque baptis-
mi Sacramento decedentibus. Fassa enim fuit scelestissima vidua, nunquam curasse, ut eorum saltem aliquis baptismate lustraretur. Exarsit ad hæc Vincentii zelus, & Matronis congregationis a charitate, ut eorum sollicitudinem in se susciperent, eventu felicissimo persuasit. Nosocomio insuper ad
H h h 21 eos

eos non solum assumendos, & lactandos, sed etiam deinceps educandos destinato. Deinde a rege annuum censum librarum 12000. obtinuit, quem ex aliis etiam aliorum largitionibus ingenti projectorum bono ampliavit. (a)

6. Ante omnia itaque sciendum est, onus excipiendi, & alendi projectos, ubi nosocomiis, hospitalibus, similibusque religiosis, piisque locis ex fundatione, vel alio titulo non incumbit; ad singulas Universitates respectu suorum præcipue pertinere.

Primo quia unaquæque communitas in extrema præsertim necessitate debet suos pauperes alere, & extrema sine dubio est tum in anima, tum in corpore indigentia projectorum.

Secundo quia sicut ipsi, ubi adoleverint, patriæ servire tenebuntur: ita & hanc eorum tenerimæ ætati succurrere ac opitulari æquum est: maxime quia, ut bene animadvertit Clarissimus Muratorius, (b) ex jure ipso gentium in singulis cujuscumque civilis societatis membris quoddam jus oritur, quo auxilium ab ipsa, ne sine propria culpa perire cogantur, exigere possint: quamobrem conqueritur, (c) Londini, urbe cæteroqui publicis operibus abundanti, projectorum miseriæ non satis adhuc fuisse consultum:

Tertio quia cum projecti ex ejusdem loci habitatoribus nati præsumantur, neque certi sint eorum parentes; debent ex bonis universitatis, quæ sunt communia, sustentari (d). Si autem universitatis patrimonium non sufficiat,

(a) Abelli *Vita S. Vincent. l. 1. c. 30.*

(b) Marator. *de Charit. Christ. c. 27.*

(c) Idem *de Public. Felicit. c. 24.*

(d) Ex Concil. Turonens. A. 570. c. 5.

Tolosan. *Syntagm. Jur. Civ. l. 15. c. 28. n. 14.*

Zipæus *De jurisd. Eccles. & Civ. c. 10. n. 16. & Consult. 1. de Infant. expos.*

Bobadill. *in Polit. l. 5. c. 4. n. 38.*

Boss. *de Alim. c. 5. §. 1.*

Lara *in Comp. Vit. Hom. p. 2. c. 13. n. 25.*

Avendan. *de exeq. mandat. p. 2. c. 10. n. 19.*

Monacell. *formul. tit. 13. formul. 7. n. 4.*

ficiat, deveniendum est ad collectas, ut pondus, quod omnes respicit, in plurimos distributum evadat insensibile. Atque hæc est consuetudo non solum Siciliæ, sed etiam totius Europæ. (a) Relevantur tamen ab hoc onere Universitates, ubi Hospitalibus, Montibus pietatis, aliisque similibus institutis illud pii fundatores imposuerint. Imo his, aliisque piis operibus, ac locis interdum hanc provinciam in sacris visitationibus Episcopi ipsi demaudant: dummodo erogationi sustinendæ sint pares, nec præcipuo eorum muneri defint, puta curandorum infirmorum: quapropter discutiendum Episcopis, num forte sint aliqua occulta legata projectis, vel etiam generatim pauperibus, relicta, nam & hæc ultima legatorum species, poterit etiam applicari projectis, pauperum omnium certe miserrimis, saltem parte aliqua pro aliis omnino invalidis detracta. Veruntamen præcipua obligatio,

uti dictum est, semper ad Universitatem spectabit. Itaque si nosocomia, & cætera opera pia nequeant projectis omnibus æque subvenire; Universitas indeclinabiliter cogenda erit ad supplementum: atque ubi hæc valde pauper est & Dynastia, tenebitur loci Dominus, si autem regia, Rex ipse (b): maxime cum hic in bonis projecti, si quando ille adultus ad meliorem fortunam perveniret, ab intestato succederet. Misericordiæ quidem erga pueros præclarissimum dedit exemplum Constantinus Magnus. Cum enim audisset filios per Italiam a parentibus ob inopiam oppignorari, vendi, exponi, vel etiam interfici: alimenta iussit egenis patribus familias non solum a fisco, sed & a privato Principis ærario subministrari: legem vero istam in æreis tabulis, vel cerussatis, aut lineis mappis, quo æterna foret, inscribi: simili præterea constitutione ad Africanas Provincias directa. (c)

H h h. 3

7. Præ

(a) Caranza de Partu c. 4. sect. 2. n. 137.

Fragos. de Regim. Republic. p. 3. lib. 1. disp. 2. §. 3. n. 29.

Belmused. de Collect. q. 57. a. n. 10.

(b) Doctores apud Thesaur. decis. 118 n. 2. & Amostaz. lib. 4 c. 11. n. 52.

(c) Codic. Theodos. lib. 11. tit. de Alim. leg. 1. & 2. ubi Gothofred.

7. Præ cæteris tamen omnino curandum est, ut ubi sint nosocomia, projectis alendis comparata, ligneum veluti tympanum versatile, quod rotam Siculi dicimus, perpetuo habeant in muro exteriori fixam, cum tintinnabulo: ad cuius pullum diu, noctuque aliqua persona sit prompta, quæ ad infantem excipiendum accurrat. Si tamen nosocomium ad hos pueros alendos non esset destinatum; expedit adhuc, ut Universitas propriis expensis talem rotam cum tintinnabulo, ac persona prædicta statuatur in ipso nosocomio.

8. Ubi nosocomium desit, collocanda erit rota, in xenodochio sive hospitio peregrinorum, si extiterit: vel in domo Parochi, vel probæ alicujus obstetricis, vel Bidelli Universitatis, vel alibi: dummodo semper locus, quicumque denique ille sit, nec valde publicus, nec multum remotus videatur.

9. Si autem, quamvis rota in civitate seu oppido sit erecta, nihilominus infantes alibi forte reperiuntur expositi; argumentum id erit, locum rotæ incommodum

esse, ac propterea cum alio commutandum.

10. Episcopi tamen, Syndicatores, vel cæteri civitatum, ac pagorum Visitatores, urgebunt maxime, ut rota omnino a nosocomiis, vel respective ab Universitatibus ipsis erigatur, & perpetuo conservetur.

11. Qui expositum ubicumque, sive in oppido, aut pago, sive in eorum territorio repererit, ad loci nosocomium, si hoc projectos alit, vel ad urbanum Magistratum, scilicet populi Procuratores, quos Juratos appellant Siculi, sub poenis arbitrariis comportabit. Expositi enim ad eam Universitatem attinent, in cujus territorio inveniuntur: nisi liquido constet, ex quonam alio loco provenerint: conqueri enim illa non poterit; cum hæc munera sæpe a finitimis populis ultro, citroque mittantur.

12. Jurabit tamen inventor, se nescire, puerum esse a legitimis parentibus ortum, & eo ab illis projectum. Similiter obstetrices, quæ in partu illegitimo, quem occultari necesse sit, puerperæ sunt opita-

opitulatae; infantem ad nosocomium gestabunt, vel ad Universitatem, si pauper ille sit, & sine scandalo, infamia, aut periculo suo, vel parentum ab his nutrirī non possit, easque circumstantias jurejurando confirmabunt. Idemque facient, ubi, quamvis partui non ministraverint, natus parvulus ad eas afferatur. Ad hæc autem summa fide, summoque silentio exequenda, licet mercedem non sperent, omnino tenebuntur ex charitate.

13. Nosocomia etiam gravidas, præsertim probrosa graviditate, quæ in illis parere sibi eligerent, excipere sine controversia debent. Sique natus infans sine scandalo, infamia, vel periculo a parentibus ali non possit, & nosocomium sit projectis alendis destinatum; illum retinebit; secus Universitati secreto remittet, egregium tamen circa ista Melitenis nosocomii morem capite ultimo referemus.

14. Infanti itaque reperto, nisi in proximo periculo mortis esse videatur, fasciæ dissolvuntur, ut inspicī possit, utrum aliquo vulnere, aliove malo, quod præsentem

requirat opem, laboret: inde ad Parochum baptizandus illico deferatur. Nomen illi, & cognomen ex duobus coelicolis, quorum eodie meminerit Martyrologium, imponantur; puta Philippus Eleutherii: non enim desumendum erit cognomen a loco, ubi repertus est, ne aliquod in ejus posteros maculatae originis dimanet indicium.

15. Nosocomium, vel ii, ad quos pertinet rotæ cura, in promptu habebunt vestes infantiles, scilicet lodiculam, & panniculum laneum, cum linteolo, & fascia: eaque pro unoquoque infante duplicia, ut subinde commutentur munditiæ causa: passim enim infantuli vel nudi prorsus exponuntur, vel laceris, ac detritis pannis cooperti.

16. Baptismus nunquam omit-
tetur, & semper sub conditione ministrabitur, siue schedulam de baptismo testantem habeat puer, siue non: nam si habeat, non tamen constat, quis eam scripserit, quique baptizaverit, & quomodo: si non habeat, possumus tamen merito suspicari forte, ab obstetrice

ce saltem, fuisse baptizatum. Ita profecto Sacra Congregatio decrevit: *Proposito die Decimoctavo Decembris 1723. sequenti dubio: quomodo se gerere debeat Parochus Sancti Spiritus in Saxia in collatione baptismatis infantibus, qui ad Archihospitale deferuntur; sive iidem habeant schedulam de baptismo testantem, sive non habeant; Et etiam si ex colore, Et cæteris corporis qualitatibus deprehendatur, eosdem esse constitutos in ætate sex, aut decem mensium, vel etiam unius anni cum dimidio: in Congregatione habita decimoquinto Januarii 1724. responsum est, ut infra: esse baptizandos sub conditione in omnibus casibus expositis juxta instructionem. Instructio est, quod excipiatur a baptismo sub conditione casus schedulæ, quæ habeat certitudinem.*

Sanctissimus in Christo Pater Benedictus XIV. qui cum decretum ederetur, ut ipse narrat, (a) Sacrae Congregationis erat Secre-

tarius, ita ex ipsius Congregationis mente notatam certitudinem explicat, scilicet *cum sciri potest schedulæ scriptor, isque talis est, cui fides possit ac debeat adhiberi.*

His consonant Sanctus Carolus in Concilio Mediolanensi tertio, ac Synodi Provinciales Aquensis, Tholosana, & Narbonensis. (b)

17. Nonnulli Parochorum facti sunt mihi, conditionatam hanc baptismi reiterationem in projectis, extante schedula, semper omisisse. Præsules ergo illam inculcare non prætermittant: maxime cum dubitandum sit, primum baptismum a rudi aliqua persona, præsertim propter festinationem, & trepidationem invalide collatum. Post baptismum ad fraudes evitandas ardenti sigillo, stemma civitatis, vel nosocomii, sinistro pueri brachio prope scapulas inuritur.

18. Nosocomiorum, vel Universitatum Rectores nullo umquam prætextu

(a) Lambertin. t. 1. notifi. 8.

(b) Concil. Mediol. 3. Tit. de Bapt. Infant.

Aquense A. 1583.

Tolosanum A. 1590.

Narbonense A. 1609. Apud Pontas Diction. cas. consc. t. 1. p. 388.

prætextu sub arbitrariis poenis occultos projecti parentes inquirent: hac enim indagine, ex qua infamiam sibi timent, parentes deterriti puerulos occidunt, vel in alias civitates, & oppidula mittunt exponendos: excipitur casus, in quo prudens indicium habeatur, infantem a legitimis parentibus fuisse projectum: re enim comperta, illis restituendus esset, ipsisque onus imponendum, ut de eodem interdum rationem exactissime reddant. Neque dicas, inquisitionem, quam improbamus, expedire, quia forte legitimi parentes puerum projecterunt: hoc enim rarissimum esse Panormitani nosocomii experientia demonstravit: & sane maternus amor pueros exponi, vel derelinqui non finit, nisi ad id mortis, aut infamiae violenta formido compellat, quæ tamen locum non habet, ubi mater legitima sit. Sola ut plurimum egestas tantæ non est efficaciae: nam in urbibus populosis infantulus pro titulo est matri ad elemosinas frequentiores & largiores excutiendas: in oppidulis vero matri filiolum legitimum proicere,

& projectionem celare omnino est impossibile: cum enim antecedens prægnatio legitima sit omnibus nota; ubi deinde infantulus dispareret, res a vicinis illico detegeretur. Meretrices autem concipere non solent: quocirca projectio in iis timenda non erit. Illud ergo remanet indubitatum, scilicet hos pueros, ut plurimum ex concubitu illegitimo quidem, sed occulto tamen oriri: quo fit, ut inquisitio sit perniciofa: quod si forte aliquando infans ex legitimo matrimonio, vel etiam a publica meretrice nascatur, id floccipendendum est: etenim quæ raro accidunt, prætereunt legislatores. Certum nihilominus est, parentes non pauperes teneri ad expensas universitati compensandas, vel etiam nosocomio, ubi hoc non omnibus projectis obnoxium sit, sed tantum pauperibus.

19. Universitatum, & respective nosocomiorum Rectores catalogum conscribant mulierum, quæ sese promptas ad nutricis officium obtulerint. Hæ testimonium Parochi de vita, & moribus, & de sufficienti in Catechismo pe-

ritia exhibebunt: erunt sanæ valetudinis, scabiei, fimiliumque morborum expertes, lacteque præditæ, & in præfenti sine filiis lactentibus; aliter mercede gaudebunt, at proprios filios copiose nutriendos, projectum inedia conficient. Si vero in loco nutrices inveniri nequeant, in finitimis quærantur, & in extrema necessitate, sicuti sæviente peste confuevit, iis capra, vel vacca substituantur.

Universitas, vel nosocomium codicem habebit, in quo nutricis, ejusque viri nomen, atque cognomen, eorumque habitatio- nis locus adnotabitur. Item nomen, & cognomen infantis, ejus ætas, locus, ac dies, quibus inventus est, & a quo: denique dies, quo nutrici commissus, mercesque conventa, quæ decens erit, indumenta, aliaque omnia necessaria complectens, & singulis mensibus anticipata præstatione solvenda.

20. Primo die mensis unum ex Rectoribus Universitatis, vel nosocomii nutrices convenient: hic signum in brachiis infantium,

eorum valetudinem, & munditiam scrutabitur: qualiter se gerant nutrices, examinabit: mercedem rependet, quæque facienda sint, decernet, atque præscribet: imo si opus est, dolosas, vel negligentes, juxta merita, & interdum etiam acriter, mulctari curabit.

21. Deputabitur etiam pia mulier cum honorario, ac titulo præfectæ nutricum, ut singulis hebdomadis ex improvviso nutrices omnes visitet, ac statum infantium expendat, atque munditiam. Inspiciet etiam, utrum cunæ sint positæ, pro parvulis saltem, qui annum non expleverunt: hi enim in lecto collocari nequeunt, ne suffocentur, aut opprimantur, maxime si per ætatem non adhuc solutas habent manusculas. Id Synodi bene multæ sub excommunicatione interdixerunt, cujus censuræ meminit etiam ordo Romanus ministrandi Sacramenta. (a) Tutius autem est ante biennium infantulos in lecto non habere, ut hic obtinuit laudanda sane consuetudo.

22. Quoniam vero plura nosocomia

(a) Vide etiam infra cap. 6. §. 8. n. 19.

nosocomia pueros non solum in civitate, in qua sita sunt, sed & in aliis oppidis, & pagis circumjacentibus projectos alere tenentur; poterunt jurati Patres uniuscujusque loci hujusmodi pueros ad eadem nosocomia mittere: caveant vero ne semel ac eos invenerint, illuc dirigant: sed per dies aliquot jam recreatos, nec aëre pluvioso, ardenti, vel aliter noxio: imo si loci non parum distant, projectum non hyeme, vel summa æstate mittant; sed appetente vere, vel autumno. Tradent autem viro fideli, ad id speciatim electo, cui, quoad fieri potest, focianda erit nutrix, cum ipsorum juratorum authentico monumento testante puerum in eorum jurisdictione repertum, sed ex ignotis parentibus: alioque consimili a parocho subscripto de iisdem, & de collato a se baptisinate docente. Ne vero portitor in itinere parvulum proiciat, ac derelinquat, ut multoties evenit; ipsi nunquam liceat, eum in rota nosocomii occulte deponere, sed ejusdem officialibus una cum documentis, & coram repræsentare teneatur, fidem de recepto ab illis consequuturus,

quam deinde juratis delegantibus exhibebit; hi vero penes acta, seu pluteum ad hoc deputatum pro sua cautela diligentissime asservabunt.

23. Si tamen forte, ob speciales facti circumstantias, infantem ad prædicta nosocomia, externos pueros excipere solita, clam dirigere cogentur; curabunt nihilominus quantum fieri potest, ut rotæ imponatur, præseente, aut saltem rei conscio, aliquo Ecclesiastico viro: qui juratos postea secreta epistola de adimpleta commissione sua reddat certiores.

24. Convenit etiam facultatem iisdem juratis concedere de projectis ad nosocomium civitatis Episcopalis transferendis, quamvis hoc exteris non sit obnoxium, dummodo alimenta contribuant; ut ibi sub Præfulis oculis tanto temporis spatio nutriantur pueri, quanto alere solita est Universitas, a qua proveniunt. Ubi autem nosocomium prædictum eos propter nutricum in loco defectum, aliamve rationem nequiret recipere; idem negotium erit iisdem conditionibus, cum alio conspi-

quo vicinoque nosocomio transfigendum. Tempus alimentorum projectis dandorum erit ad minimum triennale; quo elapso, puer saltem mendicando vitam sibi tue-ri possit. Verum in Sicilia nonnullæ universitates aliendi tempus ad quinque, sex, septem, octo, novem, imo decem annos extendunt. Pertinet autem ad juratorum officium a supremis magistratibus, quibus id curæ est, competentem annuam summam sibi taxandam postulare pro animarum numero, & illegitimarum prægnationum frequentia: ubi vero jam taxata non sufficeret; ejus augmentum per augmentum vectigalium, seu novam Patrimonii ordinationem, quam nostrates æquationem dicunt, expetere; & interim cum Parochi, de majori projectorum numero testantis, authentico documento, necessariam pecuniæ summam erogare.

25. Ubi Universitas pauperie laborat; hæc erit ad intentum salutaris industria. Parochus, præsertim die aliqua mysteriis infantiae Jesu Christi sacra, populo nunciabit, beatam Virginem amo-

re infantis Jesu velle, uti filios, educare projectos: egere tamen nutricibus, piasque foeminas ad id operis invitare. Plausibile istud argumentum, zelo Parochi animatum, quam plures e foeminis incendet, quæ sese promptas exhibebunt: ipse earum nomina in libro adnotabit, ut tempore debito usui sint: si nulla nomen dederit; Parochus infantem repertum alicui tradet mulieri lactanti, cujus tamen filius sit anniculus: ut per mensem tantum illa projectum alat: anniculus enim puer solidiori cibo jam assuetus socium in lactando non incommode patitur. Quæ vero mulieres ante annum pepererint, Parochus e baptismatum libro facillime discet. Mense transacto, ad aliam, quæ similiter ante annum peperit, deferet: atque ita deinceps. At hæc frequens translatio non erit necessaria: experietur enim Parochus, nutricem erga projectum tenerrimum concipere amorem, qui eam, ne puerum aliis cedat, dehortabitur. Universitas autem nutrices istas publicis oneribus eximat, & certam aliquam panis quantitatem, toto triennii spatio, quo saltem est duratura

duratura educatio, subministrat. Parochus etiam a summo Pontifice plenariam indulgentiam, ter ab iis consequendam, impetrabit. Primo quo die albo nutricum adscriptæ fuerint. Secundo cum projectum susceperint alendum. Tertio cum illum post triennium nutritione peracta reddiderint.

26. Verum si expositorum corpuscula solummodo alantur, ne in infanti ætate præmaturius occumbant; cura vero educationis animorum sequentibus annis negligatur; non satis bono publico prospectum erit. Adulti enim sese vitiis mancipabunt, mares præcipue furtis, fæminæ meretricio, aut saltem mendicitati, quæ otiosa est, & vagabueda, multorumque criminum fœcundissima parens. Quam maxime ergo reipublicæ interest, etiam universitatis expensis, ubi fieri potest, contubernia pro puellis projectis erigere, quæque ex his deinde virtute excellerent, nosocomii ministeriis deputare. Mares vero nutricibus ipsis, vel artificibus in adoptionem tribuere, vel saltem publico instrumento, pro defini-

to annorum spatio quousque artem addiscant, magistrorum famulatui addicere.

27. Jus profecto Romanorum projectis ob hanc ipsam rationem: scilicet ut vivendi, panemque sibi lucrandi media adipiscantur, eximie favet. Quocirca non solum eos præsumit ingenuos, sed etiam quamquam antea libertinæ, vel servilis conditionis, ad statum ingenaitatis eo ipso traducit. Jus vero Canonicum eadem confirmavit capite: *Si a Patre: de infantibus, & languidis expositis*: Imo projectos nosocomii Romani Spiritui Sancto dicati, aliorumque sub eodem titulo, & regulis Gregorius XIV. legitimos declaravit: ita ut pro eorum ad ordines promotione dispensatio irregularitatis ex defectu natalium non requiratur: quod ad reliquos omnes projectos Canonistæ ampliarunt: quamvis enim ut plurimum illegitimi sint, incerta tamen est in unoquoque vitiosæ originis macula. In hoc ergo aliquanto circa singulos dubio, cum omnibus misericorditer agitur, ut facilius modum vivendi sibi parare queant,

ac honesta munia obire, ac fortassis etiam ad sublimiorem aliquando fortunam ascendere. Madriti certe non solum cives, & ingenui, sed nobiles, & ad cujusdam equestris ordinis habitum idonei reputantur. (a)

28. Quapropter convenientius ducerem, eos odio illegitimorum nomine non appellare: sed simplici projectorum, seu inventorum honestiori nomenclatura: vel etiam orphanorum Spiritus Sancti, cujus misericordiae, tamquam orphanorum omnium certe miserrimi committuntur.

29. Si Domini, vel Patroni infantes exponunt, a dominio, & patronatu decidunt illico (b) expositi vero, uti dictum est, non solum libertatem, sed etiam ingenuitatem acquirunt. Si vero exponant Patres: patria potestate, ipso jure, privantur: imo si in civitate rota pateat, & nihilominus alibi expositi sint pueri, ubi

forte perierint; exponentes, quamvis Domini, de homicidio tenentur, ac veluti homicidae aliis omnibus efferatioribus, extremis poenis subjiuntur. *Nimirum, ut inquit Justinianus, (c) qui omni inhumanitate, & crudelitate referti sint, tanto deteriores homicidio pollutis, quanto calamitosioribus id inferunt. Idem praeterea dictum fuerat in L. Sancimus: eisdem pene verbis. (d) Eademque pæna locum habet, quamvis fortasse infans a periculo evaserit, si tamen pravo consilio derelictus fuerat, ut periret: circumstantiae vero intentionem exponentium declarabunt. Moyles infans expositus quidem fuit: at cum hoc ad ipsum a nece eripiendum praestitum fuerit, quot cautelas Mater adhibuit? Abscondit, ait Scriptura (e), tribus mensibus. Cumque jam celare non posset: sumpsit fiscellam scirpeam, & linivit eam bitumine, ac pice, posuitque intus infantulum, & exposuit eum in*
carecto

(a) Dictionar. Geogr. v. Madrid.

(b) L. unusquisque 2. C. de infant. expos.

(c) Novell. 153. de infant. expos.

(d) L. Sancimus 4. C. de infant. expos.

(e) Exod. 2. 2. & 3.

carecto fluminis, stante procul sorore ejus, & considerante eventum rei. Veterum fane mos erat pueros in cista conclusos exponere.

30. Constantinus olim, ac deinde Theodosius, & Honorius (a), non improbanda certe industria, fanciverunt, ut qui expositos susciperent, eosdem possent vel adoptare, vel si mallent, in servos accipere, dummodo alerent, & a morte vindicarent; eaque optio ad tantum charitatis opus non parum alliciebat: hodie tamen ex lege Justiniani (b), qui projectos suscipiunt, nec in servitutem, nec in statum libertinorum, vel adscriptitiorum, aut colonorum redigere possunt. Quod æquiori quidem consilio statutum est, sed pueris forte non utiliori. At expediens omnino esset, ut educatoribus jura patriæ potestatis in projectorum personas, & bona, salva eorum ingenuitate, concederentur: nec tamen viceversa projectis ipsis, nisi expresse adoptatis, aliquod jus in educatorum

bona tribueretur; qua ratione facilius parvuli susceptores inveni-
rent.

31. Projecti vero sub protectione sunt Diocesani Episcopi, ejusque Ecclesiæ, ac majorum justitiæ Ministrorum. Item Procuratorum Populi, seu Patriæ Patrum, imo quorumcumque Reipublicæ officialium, & Magistratum, ac supremi denique principis, universalis orphanorum, & miserabilium omnium Tutoris. (c)

32. Expediit nihilominus in quolibet oppido trium virorum cœtum, vulgo Deputationem institui, quorum saltem primus Ecclesiastici sit ordinis, ut perpetuæ conservationi rotæ, ac Projectorum nutritioni, & educationi diligenter invigilent: eosque deinde adultiores dirigant, adjuvent, foveantque ad honestum vitæ statum assequendum. Cura etiam ipsorum erit, ut Jurati Patres proprio erga illos officio ne defint: ac demum in omnibus, quæ ad projectos pertinent, mature providebunt.

(a) Codic. Theodos. l. 5. tit. 7. l. 1.

(b) L. Sancimus 4, C. de infant. expos.

(c) D. L. Sancimus C. de infant. expos. & Novell. 153. ejusd. tit.

debunt. Ubi insigne nosocomium fundatum exiit; ipsi nosocomii Rectores prædicta Deputatorum munia exequentur, aliosque sibi adjutores adsciscere poterunt. Parochi vero in prædictis omnibus, præsertim, ut rota permaneat semper, Filii veluti munus implebunt.

33. At præterea necesse est, quod in Metropoli Civitate generalis Deputatio pro omnibus regni, vel Provinciæ projectis erigatur, cujus erit onus apud principem illos protegere. Huic Deputationi oportet, ut non solum singulis semestribus, de rota existente omnium universitatum primarii Parochi, ac Deputati particulares testificentur; sed etiam de projectis interea susceptis, ac ad nutriendum datis (quod in Sicilia Jurati quoque faciunt, sed Proregi) exactissime referant. Et sane cum aliquorum Parochorum hortatu celeberrimo Duci de la Viefuille, qui Siciliam Regis vice administrabat, supplicem pro projectis libellum cum Cajetano Bonanno Equite Hierosolymitano a magna, ut ajunt Cruce, porrexerim; ille pro summo, quo pol-

lebat, Reipublicæ amore, Principibus Careni, & Pulcrimontis, prædicto Cajetano Bonanno, Alexandro Vanni Patritio, nunc S. Vincentii Principi, ac mihi ipsi mandavit, ut re mature discussa proponeremus, quidquid ad projectorum bonum conducere posse videretur. Omnes ergo civitatum pagorumque Juratos, Parochosque singulos, ac demum ex universo Regno viros prudentia spectabiles consulimus, ex quorum responsis, quæ Siciliæ disciplinam circa projectos continebant, plurima cum hausissem, præsentì Capiti libenter inserui. Eorum deinde expositionibus, ac votis diligenter expensis, ac Proregi delatis; hic generalem, atque perpetuam, Panormi, Projectorum totius Regni Deputationem insigni bonorum plausu fundavit. Hujus Deputationis institutionem clementissimus Rex noster Carolus Tertius diplomate dato pridie Idus Aprilis Anno 1755. suprema auctoritate firmavit. Rique perpetuo deinde præscripsit, ut etiam circa Cæsareos Partus efficiendos, abortus impediendos, humana monstra non occidenda, sed

fed Parochis præsentanda, & alia, quæ a Pragmatica de Partu Cæsareo Sanctione constituta sunt, diligenter invigilet. (a) Annum præterea illi censum aureorum centum septuaginta quinque de spoliis, ac fructibus vacantium beneficiorum pro Secretario attribuit. (b) Ac tandem jussit, ab ea singulis annis

projectorum in tuto positorum, ac Cæsarearum sectionum numerum ad se referri. (c) Cæterum, erectionis, & muneris hujus Deputationis prima saltem documenta in appendice dabuntur, aliarum quoque regionum projectis, ubi ad ea etiam propagentur, non parum profutura.

C A P U T V.

Sancti Francisci Salesii exemplo Ecclesiæ Ministri, præsertim Episcopi, & Parochi ad procurandam Nonnatorum salutem accenduntur.

1. **F**ranciscus, cujus tanta fuit erga omnes benignitas atque beneficentia, ut præ Tito generis humani deliciæ merito appellaretur, in charitate præsertim erga teneriorem ætatem speculum fuit Antistitum, & Parochorum, & vera imago virtutis. Is invitæ discrimen, dum utero gestaretur, inciderat, & adeo tandem exilis ortus erat, ut gossipio ad plures menses involvi oportuerit:

verum contra Medicorum judicium, qui mortem ei ominabantur, matris orationibus, & & eleemosynis non solum incolomis, sed non minus robustus, quam virili specie decorus evasit. Periculorum igitur suorum pie memor erga pueros, & maxime infantulos nondum ab utero egressos ingenti, & eximio charitatis affectu ferebatur: quamobrem preces pro foetu fundendas, ejusque oblationem

K k k

nem

(a) Reg. diplom. 12. Cal. Octobris 1755.

(b) Reg. diplom. 16. Cal. Febr. 1756.

(c) Reg. diplom. 6. Cal. Decembris 1757.

nem Deo faciendam prægnantibus non uno in loco maximopere commendat, sanctitatem Samuelis, atque Beatorum Augustini, Thomæ Aquinatis, Andreæ Fesulani, & Bernardi eorum matrum precibus, & oblationibus adscribens (a): quinimo de foetus nutritione sollicitus. Gravidis jejunium in suis epistolis vetat. (b) Deus autem servi sui pro nonnatis orationibus mire se delectari solitum demonstravit. Cum enim mulier atrocissimis, irritisque partus cruciatibus torqueretur; Beatus vir ad eam Joannem Franciscum fratrem suum cum zona misit, quam ex B. Virginis Lauretano simulacro detulerat. Vix autem zona illa præcincta parturiens infantulum sine dolore enixa est. (c)

2. Illud autem celebrius. Hæretica foemina filiolum baptizari neglexerat: qui propterea in expiatus e vita discessit. Consterata igitur animo ad Franciscum, tunc apud Chaballicenses Aposto-

lico ministerio fungentem, confugit, promittens, ubi parvulum is ad vitam revocaret, saltem quoad baptismate initiaretur; se hæresim ejuraturam: Franciscus zelo utriusque salutis vehementius ardens, tam fervidas ad Deum fudit obsecrationes; ut ejus charitatis flamma vitam infantis extinctam, si fas est dicere, actutum accenderit. Hic itaque insigni miraculo redivivus, ac baptizatus biduum supervixit, matre cum marito aliisque multis ad Catholicam fidem conversis.

3. At vero Franciscus non eo solo contentus erat, nimirum ut infantuli baptismate lustrarentur; sed probe sciens, Christum venisse (d), ut vitam habeant, & abundantius habeant: & dixisse (e) *Sinite parvulos venire ad me, talium est enim regnum cælorum*; ut eosdem fere a vitæ primordiis ad Deum pertraheret; se puerum cum pueris incredibili humanitate præsta-

(a) S. Franc. Sal. *Introd. p. 1. c. 38. & Lib. 3. Epist. 1.*

(b) Lib. 3. *Epist. 84. & ultim.*

(c) Galizia *Vita di S. Franc. di Sal. lib. 2. c. 36.*

(d) Matth. 15. 14.

(e) Matth. 10. 13. 14.

præstabat; arbitrabatur enim, divinam gratiam, quo minora in illis obstacula reperit, quam in adultis, eo liberius in ipsis, & efficacius agere. Carolus Augustus Salesius præclara exhibet specimina charitatis ipsius erga insignem Domini ancillam Mariam Amadeam de Blonai, dum pueritiam illa cole-ret. *Equidem, ad eam scripsit aliquando Franciscus, jure te filiam meam charissimam appellabo: nam revera mihi cara fuisti a ventre matris tuæ, aut saltem ab infantilibus fasciis, quibus cum adhuc involvereris, centies tibi benedixi, optavi- que coronam, quam Deus virginibus, & Jesu Christi sponsis præparavit.* Sæpe etiam ad Claudium de Blonai patrem illius olim dixerat, se tanta charitate Amadeam puellulam diligere, ut non magis erga ipsam affici posset, si vere eam filiam, vel sororem habuisset: item ad Claudium, qui natura pater esset, spectare debi- tum corporalis dotis constituendæ, ad se vero spiritualis. Quocirca cum deinde moreretur, eamdem cordis, ac spiritus sui ultima vo- luntate nominavit hæredem.

4. At Joannes Petrus Camus Episcopus Bellicensis ostendit, (a) Francisci erga parvulos chari- tatem fuisse universalem. Sane præterquam quod ipsorum con- fessiones magna cum voluptate au- diebat; exigua munuscula filiali amore, & ingenua simplicitate ab eisdem ipsi oblata benignissime acceptabat: nuces videlicet pue- rili pugno contentas, castaneas, mala, casei frustum, solidum, obulum, aut semissem. Post actas gratias benevolentia, humilitate, & comitate conditas: nummis ad Ecclesiæ fores pauperibus illico distributis, comestibilia in saccu- lo gestata in mensa deponebat, œconomo jubens, ut ea sibi ad prandium apponerentur, identi- dem dicens: *Labores manuum tua- rum, quia manducabis, beatus es, & bene tibi erit.*

5. Majora tamen adhuc pro parvulis animo conceperat, quæ mortuus creditur a Deo per alios perficienda impetrasse: decreve- rat enim Congregationem Virgi- num instituere: quæ non solum contubernales puellas educarent,

K k k 2

fed

(a) Camus in tract. de Spir. S. Franc. Sales. p. 4. cap. 23.

fed & alias ad scholas confluentes erudirent: tot enim ac tanti sperandi sunt fructus hujusmodi Collegiorum, ut idem Camus Francisci Magistri sui spiritu plenus, ea, quantum ad publicam utilitatem spectat, aliis omnibus feminarum Monasteriis prætulit.

(a) Mors quidem festina Francisci consilium intercepit. Sed cum similis operis ideam Maria Uillera Villænovæ Domina ipsi Francisco Directori suo communicasset; eo probante, Parisiis Congregationem Filiarum Crucis erexit, quibus persecutiones tantum nomen promeruerunt. Porro Sanctus Vincentius a Paulo, qui, Francisco mortuo, in Mariæ directione successit, quique coepta omnia atque sensa Francisci immensa veneratione prosequabatur; congregationem tempestatibus pene obrutam protexit, & in portum tandem aliquando perduxit. Hæc sane in Galliis emicat, (b) sed consimilem a Sacra Familia appellatam in Italia fundavit Cardinalis Conradinus, aliique in Siciliam invexerunt.

Quæ Italica Congregatio magna ex parte legibus, & moribus gubernatur, e Salesiani ordinis constitutionibus, & consuetudinario depromptis: et Virginitatibus suis in regulis a sede Apostolica approbatis, Francisci doctrinam veluti magistralem reverendam, exequendamque proponit. Itaque etsi ille tantum opus a se præconceptum, morte præventus ædificare nequiverit: attamen non solum, ut ita dicam, ejus formam architectatus est, atque descripsit; sed & ad magnificam constructionem multum materiæ suppeditavit; dignus propterea, non secus ac David, circa Salamonicum Templum, ut in ipsius ædificationis gloria particeps habeatur.

6. Uno verbo mirum non est, divinum hunc antistitem tali erga infantes, puerosque amore exæstuasce; cum celebre ipsius affatum fuerit, sublimioris Christianæ perfectionis apicem in imitanda sacra Jesu Christi infantia situm esse.

(a) Cam: *loc. cit.* p. 18. c. 21.

(b) Abbelli Vita S. Vincentii l. 1. c. 38.

Joann. a SS, Sacram. *vita ejusd.* c. 32.

esse. Quapropter Christus in natalitiis suis, die Beatis Innocentibus sacra Franciscum ad cæleste regnum evocavit, cum ea litaniarum verba: *Omnes Sancti Innocentes orate pro eo* pro ipso moriente recitarentur: ut eidem incomprehensibile illud præmium retribueret, quod baptismali ejus innocentiae, innumeris propemodum sequentium meritorum gemmis distinctæ, ac locupletatæ debebatur.

7. Porro Salesii in puerulos charitas morte nequaquam extincta fuit, sed beatitudine perfectior evasit. Itaque sicuti vivens sterilibus foecunditatis gratiam a Deo impetrabat, sexum futuræ prolis prænuncians; sic & in coelis non solum similia beneficia exorare solitus est; sed aqua reliquiis ejus benedicta, omnibus cæteroqui bibentibus salutaris, maxime in partu allevando, puerisque sanandis elucet: ita ut Franciscus Christi Jesu in amandis pueris imitator eximius, & in virtutibus illis, quarum specimen exhibet puerilis ætas, longe clarissimus puerorum

protector a Deo constitutus fuisse videatur. (a)

8. Quare cum ipse, dum viveret, nobilissimam adornaverit orationem, quam prægnantes ad divinam protectionem sibi ac proli conciliandam, quotidie ac devòte recitarent; easdem alibi monuimus, ut illam adhibeant, Francisci meritorum efficaciam experituræ: mos enim Sanctorum est, intercessionibus suis preces nostras corroborare, maxime si eorum verbis utamur. Sic Nathan cum Bersabeæ verba pro Salomone ad Davidem facienda suggessisset; addidit: *Adhuc ibi te loquente cum rege, ego veniam post te, & complebo sermones tuos*, (b) quod & felicissimo eventu adimplevit.

9. En recens experimentum. Victoriæ, quæ oppidum est populosum, exitialis epidemia tertio jam mense grassabatur: quomobrem innumeri perierant, & prægnantium pars maxima abortum faciebat. Prædicatum est a Parocho, ut gravidæ omnes eam orandi formulam quotidie pro-

K k k 3

nunci-

(a) Galizia Vita S. Fran. l. 3. c. 41. & lib. 4. cap. 18.

(b) 3. Reg. I. 14.

nunciarent. Hoc pharmaco abortus conquieverunt: imo si qui septimestres infantes orti deinde sunt, fuere vitales. Igitur Sancti Francisci Salesii exemplo sacerdotes omnes, maxime Parochi, & Episcopi, speciali zelo in-

flammentur oportet pro parvulis, præsertim nonnatis, quorum æterna salus cum temporali periclitatur, mercedem plenissimam pro mensura charitatis, atque laboris cum Beatissimo Viro in Cœlis consequuturi.

C A P U T VI.

De Parochorum vigilantia in obstetrices, deque ipsarum examine.

1. Si omnia, quæ Sacerdotes, præsertim Parochi, nonnatis debent, hic essent recensenda, essent etiam, quæcumque in toto hoc opere scripsimus, repetenda. His igitur omissis, illud superest, ut de cura, quam Parochi gerere tenentur, ut obstetrices circa ministrandum rite baptismum exactissime instruantur, sermonem hic habeamus: sæpe enim tum in abortibus, tum in Cæsareis Partibus, vel etiam naturalibus, at difficilibus necesse est, ab istis hoc Sacramentum administrari.

2. Obstetricibus ex Sancti Ca-

roli decretis, totiusque Ecclesiæ disciplina munus suum exercere nequaquam permittitur, nisi de tribuendo baptismo probe fuerint examinatae, & in scriptis approbatae: quod examen quotannis saltem repeti necesse est: puta post diem SS. Innocentibus sacram, ut in Panormitana Diœcesi mandatum. Bononiæ ex Edicto Benedicti Decimiquarti eo tempore Bononiensis Archiepiscopi, huic functioni Metropolitana Archipresbyter cum duobus religiosis Viris, arbitrato ejusdem electis, dat operam: in Diœcesi tamen Vicarius Foraneus simul,

mul, & Parochus, qui si Vicarii etiam officio decoratur, alium Parochum e sua ditione advocabit: quod ad examinis honestatem, ejusque certitudinem, ne scilicet sine illa documentum approbationis concedatur, est cautum. Porro examen quotannis renovatur, Vicarii que Foranei de eo peracto in solitis epistolis præfulem certiore facere debent, poenis arbitrariis, tum contra Vicarios, & Parochos, tum contra obstetrices, hæc transgredientes, contumacis. Eadem fere pro Panormi-

tana ista Dioecesi Joseph Melen-dez piissimus Archiepiscopus edixit: ubi etiam, Synodo jubente, obstetrices jurejurando sese obstringunt, se gratis in partu inopes mulierculas adjuturas. Male tamen rem gererent Episcopi, qui hoc frequens examen eo prætextu negligenter, quod baptismus ab obstetricibus collatus in eorum Dioecesi addita conditione reiteretur: nam sæpe contingit, infantes, præsertim abortivos, obire, antequam a Parocho hæc reiteratio fieri possit.

Examen autem de sequentibus articulis instituitur.

- I. De persona baptizatura.
- II. De tempore baptizandi.
- III. De intentione.
- IV. De persona baptizanda.
- V. De materia.
- VI. De forma.
- VII. De formæ ad materiam applicatione.
- VIII. Accedunt monita occasione examinis danda obstetricibus.

§. I.

De persona baptizatura.

Baptismus a quocunque, si-

Ecclesiastico, si-ve laico, si-ve a mare, si-ve foemina, si-ve a fide-
li, si-ve ab infide-
li cum debita materia, forma, & intentione ministratus est validus. Nihilominus obstetrix regulariter nequit infantem licite baptizare: nam de jure pueri in Ecclesia, non domi, a Parochis, non ab obstetricibus baptizandi sunt: nisi in extremo, vel gravi saltem versentur periculo, ne sine baptismo decedant; & insuper nemo fidelis alius, nequidem laicus adsit, qui baptizare sciat, ac valeat. Necessitas ergo sola hujusmodi facultat-

cultatem tribuit obstetrici. Parvulus vero in triplici statu reperiri potest. Vel enim totus in utero existit, vel ex parte natus, ex parte quoque in utero manet, vel totaliter ex utero natus est. In duobus primis casibus propter honestatem, quocumque alio excluso, baptizat obstetrix. At intertio cum puer scilicet omnino est ortus, baptizare debet Sacerdos, eoque deficiente, Clericus, Ordinum gradu servato: in clerico-
rum defectu vir laicus, laico tamen viro deficiente, mulier: ac propterea non nisi in omnium istorum absentia obstetrici baptizare licebit: excepto casu, quo tantum ipsa modum ministrandi baptismatis nosset: demum obstetrice absente, pater, vel mater infantis. Quicumque tamen Sacramentum baptismi confert, affinitatem cum baptizato, ejusque parentibus contrahit. Si vero in necessitate pater aut mater infantis baptizent: cum æterna filii salus eos, deficientibus omnibus aliis fidelibus, ad id compellat; ab affinitatis vinculo sunt immunes. In privato baptismo non opus est Patrinis, qui e ritus præ-

scripto adhibendi erunt postea, cum baptismi ceremoniæ in Ecclesia supplebuntur.

§. II.

De tempore baptizandi.

Obstetrix autem baptizabit, si partus ex aliquo insuperabili impedimento est impossibilis: vel si tantum difficilis, at infans ex nascendi conatibus in magnam inciderit debilitatem, vel si quacumque ex causa, doloribus licet in matrem lævientibus, non nisi tenuis in eo motus deprehenditur vel si multo prius placenta exierit, foetu in utero manente; vel si funiculus umbilicalis dirumpatur; demum, quandocumque periculum est, ne puer, antequam enascatur, occumbat: nam in his casibus ob interceptam alimenti, ac maternorum spirituum communicationem, vel ob hæmorrhagiam, foetus, ut plurimis observationibus constat, facile mortuus ex utero egredietur. Si vero natus est ille, at periculum proximum subest, ne, antequam ad Ecclesiam deferatur, intereat, baptizabit etiam

etiam obstetrix, at aliis ut supra deficientibus. Jam vero in natis periculi signa ex Quintanaduennas (a), Gobato, (b), aliisque sunt fere sequentia, quorum unumquodque sufficiet.

I. Si puer sine vagitu, & lacrymis oriatur. Cum enim hucusque uteri calore confectus fuerit, molestiorem sibi aërem experiri necesse est: patet ergo ex hac indolentia, ejus sensus non esse vivos, sed intermortuos: idemque dicas, ubi plorat, sed voce demissa.

II. Si modice respirat, vel signa ostendit suffocationis ineptæ.

III. Si languidus est, nec juncturis insistere valet.

IV. Si lividus, præsertim in facie & capite.

V. Si in nascendo multum temporis infumfit, vel parum quidem temporis, at multum laboris.

VI. Item si multum ab obste-

trice adjutus fuit, ab hujus enim auxilio non parum divexatur.

VII. Si ante septimum exortur mensem, non enim adhuc est bene corroboratus: quocirca dicendus est abortivus, & a fortiori, si junior.

VIII. Abortivi omnes regulariter periclitantur: quare ad Ecclesiam deportandi non sunt: abortus enim five ex terrore, five alia ex causa, foetui sunt valde perniciosi.

IX. Medicorum plurimi cum Aristotele experientiam allegantes (c), octimestres vivere non posse docuerunt: consequens ergo esset, eos domi baptizandos. At si septimestres, minus licet corroborati, vitales quandoque sunt; quanto magis octimestres? Credebant quidem veteres, octavo mense foetum infirmari, at hoc vera experientia falsum demonstravit. (d) Francisco Mauriceau, obstetricariam artem trigintaquinque annos exercenti, septime-

L 11

(a) Quintanaduennas de bapt. tract. 1. singul. 20. §. 5. 6. 7.

(b) Gobat. Tract. de bapt. n. 499. & 500.

(c) Arist. de Generat. anim. l. 7. c. 4.

(d) Drelincurt. in Corollar. de humano foetu.

ptimestres omnes ante septimum diem obierunt: contra vero plusquam biscenteni octimestres fuere vitales. Cæterum si alia periculi signa conspiciantur in octimestri; quis unquam negabit, baptismum domi esse accelerandum? Multoque magis id locum habet in septimestri, qui etsi vividus ex antedictis quam citius ad Ecclesiam pro baptismo deferendus est.

X. Si cranium habet valde molle, futurasque nimium apertas, aliasve partes disjunctas.

Ubi tamen infans optime quidem valeret, sed metueret obstetrix, ut frequenter accidit in partu illegitimo, ne parentes illum occidant, vel saltem exponant in oppidis, ubi rota ad infantes excipiendos non pateat, eundem incunctanter baptizabit.

§. III.

De baptizantis intentione.

Intentio erit faciendi, quod facit Ecclesia, nimirum quod Christus instituit.

(a) Ritual. Roman. de bapt. parvul.

§. IV.

De persona baptizanda.

I. Circa personam baptizandam, hæc scire debet obstetrix. Si infans caput emiserit, & periculum immineat, baptizatur in capite: nec postea, si omnino nascatur, erit iterum baptizandus (a). At ubi aliud emiserit membrum, quod vitalem indicet motum, in illo, si periculum impendeat, baptizetur: verum si totaliter deinde oriatur, erit sub conditione rebaptizandus: hoc modo, *si non es baptizatus, ego te baptizo &c.*

II. Si totus in utero fuerit, poteritque eum obstetrix in se ipso manu incurvata, spongia, vel syphunculo abluere, baptizatur præmissa conditione: *Si es capax. Idem dicendum, quamvis in eo statu sit adhuc secundinis circumvestitus, nec eæ disrumpi possint. At si postea disrumpantur, erit iterum addita duplici conditione baptizandus: Si non es baptizatus, & es capax ego te baptizo &c.* qui si postea caput ex utero, vel aliud membrum emiserit, baptizandus

ptizandus est denuo sub conditione: *Si non es baptizatus &c.*

III. Monstrum, quod humanam speciem non præ se ferat, baptizandum non est: de quo si dubium extiterit, ac tempus interrogandi Parochum, vel peritos non suppetat, imposita sequenti conditione, baptizandum est: *Si tu es homo, ego te baptizo &c.*

IV. Si obstetrici oriatur dubium, unane, an plures personæ sint, res ita discernetur. Si monstrum plura capita, & plura simul habeat pectora; totidem erunt corda, & animæ, hominesque distincti: quamobrem singuli baptizantur, & unicuique dicitur: *Ego te baptizo*: nisi mors omnino instans cogat, singulis eorum capitibus aquam infundendo, cunctos infimul sub unica forma baptizare, dicendo: *Ego vos baptizo &c.* Si autem unum est caput, & unum pectus, quamquam reliqua membra duplicata; unus est homo. Si vero anceps adhuc maneat obstetrix in iudicando, utrum in monstro duæ sint personæ vel una, puta

quia unum est caput, sed bina pectora, vel unum pectus, at duo capita: tunc una persona absolute, deinde altera cum hac conditione baptizatur: *Si es alius homo, ego te baptizo &c.*

V. Quod tamen ad abortivos, animadvertendum est serio, tempus infusionis animæ rationalis in foetum esse poenitus incertum: non pauci enim Doctores putant immediate post conceptum infundi, nec quadragesimum, vigesimum vel etiam septimum diem expectari. Id apud omnes hodie indubitatum, animationem in femellis non tardius fieri, quam in masculis. Itaque si foetus abortivus est completus, & sese movet, absolute baptizatur, ut certo vivus, & anima rationali jam præditus. Si vero motum ostendit, non est autem completus; dummodo humanus Embryo esse videatur, quamvis minimus, & imperfectissime figuratus, etiam primis graviditatis diebus, baptizatur, sed præmissa conditione, *si ex capax &c.* Incertum est enim, utrum anima rationali sit informatus. Si vero, quamvis in eo motus non percipiatur, attamen ille

non fit corruptus, vel conquisus, aut laceratus, nec proinde certo mortuus, baptizatur quoque sub eadem conditione: *Si es capax* &c. etenim forte vita non caret, quamquam externo motu careat, propter deliquium, vel defectum organorum.

VI. Si vero minimi isti Embryunculi exeant secundinis involuti, ne tempus cum periculo mortis eorum dilabatur, baptizantur primo in ipsis secundinis adjecta conditione: *Si es capax* &c. Scilicet si vivis anima rationali, & non obstant secundinae. Deinde secundinis laceratis iterum baptizatur, ac sub duplici conditione: *Si es capax, & si non es baptizatus*: nimirum si habes animam rationalem, & insuper si primus baptismus ob secundinarum impedimentum tibi non profuit. Hos autem facillime baptizabimus in pateram aqua plenam eos immergendo, circumagendo, atque lavando. (a) Infantes, quos, ut baptismi capaces existant, oportet esse vivos, tales certe sunt, si motum indicent, at non semper ideo mortui, si mo-

tu expertes, praesertim si nondum nati: nam nati ipsi, sive ex nascendi labore, sive ex alio malo, quamvis cunctis adstantium sensibus expositi, saepe sine pulsu, motu, respiratione, ac sensu omnino vita spoliati apparent; cum revera illam retineant: ut ex innumeris claret experimentis. Et nati igitur, & nonnati, si eorum mors indubitata ex corruptione, aliove certo indicio non fuerit, cito baptizentur cum conditione: *Si es capax, ego te baptizo* &c.

Hoc autem non solum de nonnatis, & abortivis, vel partu difficili, vel Caesareo natis, sed etiam partu facili egressis dicendum est. Hi enim ad proprium ortum cooperati sunt; fecus ille difficilis extitisset: cum ergo paulo ante vivi, & vegeti fuerint; praesumuntur ex nascendi conatibus aliqua syncope oppressi; at non extincti: non enim ab extremo ad extremum sine medio transitur. Animadvertendum tamen, ne matris humorum corruptorum foetorem cum foetus putrescentis foetore, neve gangraenam vivorum cum putrefactione cadaverum confundamus.

Prae-

(a) Vide lib. I. cap. 12. hujus operis.

Præter alia signa, unam ab altera discriminantia; gangræna ficca, vel humida quidem, sed cum rubore, qui carnem integram separat a corrupta, vivorum est, non mortuorum. Livor autem in nascentibus per sæpe non putrefactionis initium est, sed compressionis uteri, & nascendi conatum sequela.

§. V.

De materia baptismi.

I. Materia baptismi est lotio aqua naturali facta, id est, vel e cælo, vel e mari, flumine, fonte, vel puteo: cum autem baptizat obstetrix, non opus est, aquam esse benedictam, vel sale commixtam. Expedit autem, ut obstetrix promptam sibi semper parari faciat aquam nitidam, tum in pelvi munda, ut inde accipiat pro nonnatis, tum etiam in urceolo, qui pro natis commodissimus est. Aquam vero artificiatam, puta rosaceam, vel e floribus malorum assyrriorum vulgo aurantiorum expressam, adhibere non potest; nisi ubi naturalis forte deesset: & tunc addita con-

ditione baptizat hoc modo: *Si hac aqua possum, ego te baptizo* &c. Si tamen deinde aquam naturalem habuerit: iterum baptizat sub hac alia conditione. *Si non es baptizatus, ego te baptizo* &c.

II. Ablutio autem fit in capite, ita ut carnem aqua contingat, & per eandem transcurrat: verumter illa infundatur, eaque tria infusione tria similiter signa crucis, efformentur.

§. VI.

De forma.

Forma Sacramenti sunt hæc verba: *Ego te baptizo in nomine Patris, & Filii, & Spiritus Sancti.* Ne autem unquam obstetrix illorum obliviscatur; id memoria firmè retineat, verba eadem esse, ac illa, quæ profert signo crucis se signans: additis tamen in principio his aliis: *Ego te baptizo*, quæ sunt etiam omnino necessaria. Verbis autem formæ nihil additur, nihil demitur, nihilque motatur: nam grave peccatum esset, & sæpe baptismus invalide ministraretur: qua-

propter formam obstetrices, alique rudes vulgari idiomate proferant: (a) necesse autem non erit his, qui in necessitate baptizantur, nomen imponere: dicendo exempli gratia: *Joannes ego te baptizo*. Si tamen fiat, laudabile reputatur.

§. VII.

De applicatione formæ ad materiam.

Verba formæ eodem tempore, quo fit ablutio, recitari debent. Simul ergo lotionem, & verba incipiat baptizans, ut simul etiam finiat: tres autem cruces efformantur tribus aquæ infusionibus, singulæ singulis trium divinarum Personarum nominibus, quæ pronunciantur, correspondentes. At quamquam trina crux, cum trina similiter aquæ infusione antiquissimi sint ritus, unica tamen aquæ infusio, etiam sine cruce, ad validitatem Sacramenti satis esset: & ideo unica sit, & cito, etiam sine cruce, si subita mors timeatur in-

fantis. Id tamen omnino est necessarium, quod scilicet ablutio, & formæ prolatio ab eademmet persona peragatur; fecus nullus erit baptismus.

§. VIII.

Monita occasione examinis danda obstetricibus.

I. Obstetricis munus ad animarum corporumque salutem, imo ad humani generis conservationem utilissimum, insignem in obstetricibus ipsis charitatem, atque prudentiam requirit: quæ propterea sapientes mulieres, vel commatres, veluti secundæ matres appellantur.

II. In primis hæc conjugatas doceant, impeditionem generationis non licere. Insuper causam abortuum, monstrorum, & vitiosarum generationum, ex quibus partuum impossibilitas, ac mors prægnantium subsequitur, interdum esse multiformem impudicitiam, ac immoderatam generantium libidinem: sumptaque prudenter

(a) Ex S. Antonino, Toletio, ac Suariorum.
Quintanadu. *de Bapt. tract. 1. sing. 7.*

denter occasione, mulieribus nuptis modeste significant, quid a divina lege permissum, quid vetitum sit.

III. Prægnantes moneant, earum conscientiam valde onerando, ipsas, ubi senserint ciborum, aut potionum, quas forte viderint, vel ex grato saltem odore perceperint, appetitum in se ipsis irritari, pessime agere, si ob vanum timorem, aut verecundiam optatos cibos, aut potiones delibare non petant: cum experientia doceat, ab his desideriis, quibus satisfactum non fuerit, per sæpe abortum, ac mortem foetus originem trahere.

IV. Item prægnantibus earumque domesticis tradant, incertum esse tempus animationis, quam sane multorum Doctorum sententia docet immediate post conceptionem fieri, & addant certum hodie putari, animationem femellarum non esse tardiorē illa masculorum: quapropter inculcent, in omnibus abortibus, etiam primis graviditatis diebus, inquirendos esse diligentissime foetus, vel embryones, ac juxta

regulas hoc ipso capite §. quarto expositas, baptizandos.

V. Obstetrices, quæ ad abortum consilium, vel auxilium quomodocumque præbent, si foetus sit animatus, si non, atrocissime peccant: etiam si abortum procurent, ut prægnantis honorem, vel vitam tueantur. Imo si foetus est animatus, excommunicationem Papæ reservatam, poenamque mortis incurrunt.

VI. Omnes igitur a se auxilium, vel consilium petentes ad finem abortus, a prava intentione deterreant excommunicationis, & poenarum homicidii metu: imo si opus est, Parocho secreto denuntient, ut is prudenter impediat: neque gravidis remedia ignota, & prius a Medicis non probata ministrent.

VII. In occultis, & illicitis prægnationibus, & partibus illibatam silentium sub peccato servare tenentur. Si quando vero domi pro futuro partu occultas prægnantes hospitio retineant, nunquam sub ullo prætextu earum amasios admittant.

VIII. Im

VIII. In partu præsertim difficili ad orationem confugient, preces tamen prohibitas, vel suspectas non recitabunt: imo pro majori cautela orationibus ab Ecclesia non approbatis abstinebunt; nec quidquam superstitionem redolens exequentur. Caveant etiam, ne alicui quidquam ex secundinis, aut aliquid aliud tribuant, quod ad usum superstitionis adhiberi valeat.

IX. Periclitatur autem foetus, ubi nimis debilis est, ac sine motu, vel si partus est valde difficilis, vel si ruptus exeat funiculus umbilicalis, vel si, egressa jam placenta, foetus ipse moratur ad exeundum: ita enim deficiunt illi organa pro circulatione sanguinis, atque nutritione; si foetus, laceratis jam secundinis, sese mechoanio exoneravit: indicat enim abdomen suum valde comprimi. Tunc vero si tantisper substituerit ventris compressio, respiratio, facillime interibit.

X. Partus autem, ubi diruptis nimis cito secundinis aquæ dilabuntur, difficilis evadit: quocirca

imprudentissime se gerunt obstetrices, quæ illas dirumpere audent, quod quandoque faciunt celebriores, ut gloriam celeris partus, cui ipse manus admove-rint, aucupentur: exceptis casibus desperatis, in quibus ad baptizandum foetum jam jam moriturum secundinas lacerare necesse est: vel quando anterior membrana insuperabilis esset duritiei, & a foetu ipso discindi non posset. Contra vero monet Boerhavius, partum naturalem esse, cum infans ipse in ultimo nascendi nisu membranas rumpit, & exit: imo valde feliciter futurum partum, si placenta præpropere sponte dissoluta parvulus cum toto secundinarum volumine, & in eis inclusus egrediatur, quod interdum evenit puellis occulte, & sine obstetrice, ac pene sine dolore parientibus. Talis partus foetus secundinis inclusi valde anceps est, & infanti, ob periculum ex cessatione motus sanguinis, nisi citissime ex secundinis liberetur, & ad usum liberum aëris pro respiratione sua & circulatione sanguini per pulmones, perducatur & matri, ob periculum, ut ute-

rus non contrahatur, hinc vasa uteri, per quæ circulatio sanguinis ex matris corpore in corpus foetus hæctenus jugiter peracta & continuata fuit, maneant aperta, ex his vero hiscentibus accidat effusio sanguinis letalis, sicque mater, quantumque felicissime enixa puerpera, morte subitanea atque inopinata pereat. Vid. LEVRET *Suite des observations sur les causes et les accidens des plusieurs accouchemens laborieux*, pag. 261. & seqq.

XI. Syphunculum chirurgicum (a) sibi comparabunt, ut in extrema necessitate, cui aliter succurri non possit, puerum in utero baptizent.

XII. Nonnatum infantem ne facile mortuum putent. Imo quamvis natum & gelidum, ac lividum, ac sine ullo prorsus vitæ argumento ad vitæ usum revocare conentur.

XIII. In præcipuis remediis laudatur calor, lotiones ex vino, aliisque aromaticis liquoribus, secundinarum concremata- rum vapor, umbilicali præsertim funiculo non reciso, halitus in os parvuli insufflatus, Tabac-

ci fumus in intestina intromissus. Juvat etiam papillas ejus mammarum sugere, e quibus vulgo sinistra præfertur; plantasque pedum vellicare penicillo. Infantes tamen aliquando, nonnisi post continuata per tres aut quatuor horas hujusmodi præsidia, se vivos esse ostenderunt.

XIV. Ditioribus puerperis, quantum fas erit, suadeant, proprio lacte, nisi vera necessitas excusarit, filios alere: non aliis committere nutriendos, quod & matribus, & filiis æque nocere consuevit.

XV. Deformem, aut monstrosam foetum sub gravibus poenis occidere non licet: sed, si tempus quidem sufficiat, advocandus est Parochus, ut de baptismo deliberet. Si vero periculum urgeat, juxta traditas supra regulas baptizabitur. Nani, gibbosi, & similes educantur: foetus omnino horrendus vitalis esse non solet, eum tamen, quamquam baptizatum, non interficiant, sed ad summum de se mori sinant.

XVI. Antequam fascia puerperam adstringant, ipsam interrogent, utrum alio pondere adhuc

M m m

huc

(a) De quo *supra* l. 3. c. 6. n. 1.

huc sentiat se gravatam, ne forte alius in ea remanserit foetus, & strictione suffocetur. Rectius per attactum orificii in uterum immissi, id explorabunt.

XVII. In partu illegitimo puerperam, ejusque propinquos admoneant, ne quid contra infantem moliantur; imo illum ad nosocomium deportabunt, nutriendis hujusmodi pueris deputatum.

XVIII. De baptismo sanis etiam infantibus citius, & intra tertium saltem diem administrando parentes commoneant, illudque urgeant, propositis etiam, si quæ in Diœcesi statutæ sint, pœnis. Quod si domi ex necessitate baptizati jam fuerint, postulent, ut ipsis ceremoniæ in Ecclesia suppleantur.

XIX. Illicitum esse denuncient matribus & curatricibus dormientes parvulos biennio, aut saltem anno minores, non in cunis, sed in lecto collocare: cum facile opprimi, & suffocari possint: præsertim si manusculas habeant fasciis devinctas: & maxime ante baptismum. Pœnitentia Canonica

parentum ex incuria filios opprimendum est trium annorum, quorum primus in pane tantum & aqua transigendus. (a)

XX. Peccant, si foetum quandoque mortuum, vivum esse mentiantur, vel eum arte, aut remediis moveri faciant, vel Sanctorum resurrexisse miraculo comminiscantur, ut eum ad parentum solamen baptizent, & in loco sacro sepeliri procurent. Peccant etiam partum, seu foetum supponentes, ac civili jure puniuntur. (b)

XXI. Prægnantem infirmam visitent: si ad mortem tendat, curabunt, ut Parochus, & Chirurgus pro partu Cæsareo peragendo mature advocentur. Si graviditas inhonesta sit, idem secreto præstabunt, saltem semel ac illa expiraverit.

XXII. Cum non raro prægnantes in extremo mortis luctamine foetum enitantur, qui lecti integumentis poterit suffocari; sedulo illis assistant, & interdum per lectum inquirent, utrum forte prodierit infans: quem, si internascendum hæreat, quoquo modo adjuvabunt.

XXIII. Mo-

(a) Ritual. Rom. de bapt. parvul. in fin. cap. de infantibus: de his, qui fil. occid.

(b) L. 2. ff. de Carbonian. Edict.

XXIII. Modum faciendi partum Cæsareum in defunctis addiscant, & domi novaculam sive cultellum acutum incisorium perpetuo habeant, ut illum, si quando necessitas postulaverit, ministrare possint.

XXIV. Mortuam prægnantem ubi inciderint, inspiciant, utrum unus, an plures forte sint parvuli, vel simul geniti, vel per superfœtationem. In abortu etiam investigabunt semper, quid ulterius post foetum egressum emittat adhuc mater: fortassis enim alius erit Embryo.

XXV. Si infans, detecto & vacuo invento utero, non apparet, graviditas autem certa sit; ampliato vulnere inquirent, utrum ipse in tubis fallopiæ, ovario, vel etiam abdomine delitescat.

XXVI. Si pro infante molam reperiant; hanc ipsam dissecent: quandoque enim in ea inventus est foetus: omnes ergo molas discindendas meminerint, etiam reposito jam antea foetu: nam alios fortasse continebunt: eademque cautelæ adhibendæ veniunt molis in partu, vel abortu exeuntibus.

XXVII. Debent sub mortali modum recte baptizandi callere:

eumque memoria recolere, & ubi quidquam oblitæ sint, vel subdubitent, Parochum sciscitari. Item ad examen singulis annis redire & cum ejusdem artis feminis, maxime discipulis, de prædictis omnibus, & dedicendis passim sermocinari.

XXVIII. Tenentur etiam in arte obstetricia peritiam adipisci, Chirurgos expertos audiendo, & interrogando, sectionibusque mulierum cadaverum assistendo.

XXIX. Ut aliquem etiam librum ducem habeant proprii muneris; legendi facultatem acquirere satagent, sine qua vix ad artis perfectionem, nec sine maximis laboribus, erroribusque pervenient.

XXX. Pauperibus feminis gratis obstetricari, & omnimodam opem conferre tenentur. Id si recusent, Deum habebunt ultorem: contravero, si charitatem pueris, ac prægnantibus omnibus, præsertim egenis, impenderint; divinam sentient munificentiam. Si enim Deus misericordibus Ægyptiis obstetricibus domos ædificavit, multo magis vere christianis in cœlo mansionem præparabit, ubi sempiterno ac beato ævo fruantur.

M m m 2

CAPUT

CAPUT VII.

Baptismatis domi, ab obstetricibus præsertim, collati validitatem, esse diligentissime discutiendam.

1. **A**ntequam Parochus infanti jam domi baptizato sacras in Ecclesia ceremonias rite suppleat, ex Romani Catechismi Doctrina exactissime quidem oportet inquiri, utrum is valide fuerit baptizatus, ut in casu dubii, baptisma sub conditione reiteretur.

2. Hæc inquisitio locum habet, etsi Sacerdos alius baptizaverit: nam Sacerdotes ipsi, sive incitia, sive festinatione, sive rei improvisæ novitate, quæ etiam peritiores quandoque titubare facit, non leviter interdum errasse deprehenduntur. Sane Sacerdos mihi familiaris in S. Mauri oppido duobus gemellis ab alio Sacerdote domi baptizatis ceremonias tantum addidit, præsumpsit enim, eum recte baptismum contulisse.

Infantibus interea mortuis, Sacerdotem eundem sciscitatus est, quomodo baptizasset, & valde dubium fuisse baptismum ille agnovit: quod aliis etiam exemplis firmare possem. Si vero ab obstetricibus ministratum fuit hoc Sacramentum; plusquam solertissima perscrutatione ejus validitas erit indaganda: nam sæpe modum nesciunt legitime baptizandi, utpote ignavæ, crassiorisque Minervæ: interdum quoque malitia laborantes.

3. Et sane Concilium Carthaginense quintum, ita decrevit. (α) *Placuit de infantibus, quoties non inveniuntur certissimi testes, qui eos baptizatos esse sine dubitatione testentur; neque ipsi sunt, qui per cetatem idonei de traditis sibi Sacramentis respondere possint, absque ullo scrupulo eos esse baptizandos:*

ne.

(α) Can. placuit de Consecr. dist. 4.

ne ista trepidatio eos faciat Sacramentorum purgatione privari.

4. Decretum istud probatum fuit a sexta oecumenica Synodo, (a) quamvis ea ætate non videatur fuisse in usu baptismus conditionatus, sed tantum absolutus. Ubi autem de nascentium parvulorum festinato propter periculum baptisinate agatur, hi certissimi testes non solum testificari debent, collatum fuisse baptisma, sed etiam rite, & recte collatum. Hoc ultimum quidem præsumitur, si Sacerdos baptizaverit: quamquam expediat, baptismum ab eo administratum examinare, si Parochus ille non sit; si tamen baptizaverit rudis aliquis laicus, & maxime obstetrix, quamam ratione præfumi, & certum sine discussione judicari valebit? Cæteroqui facilius etiam est de dato baptismo, quam de eo rite dato testimonium reperire. Primum enim est de re valde sensibili, publica, atque notoria; secundum vero specialem cognitionem, diligentiam, & attentionem in teste prærequirit, quas non facile omnes habere con-

sueverunt. Si ergo prædicta Concilia in administrationis materialis dubio certissimos testes exigunt, negligendane erit inquisitio veritatis in secundo? Præsertim cum parvuli sese ipsos juvare nequeant per baptismi votum cum charitatis actu copulatum; quapropter unica restat iisdem ad cœlum via, baptismi scilicet fluminis assequutio.

5. Creditur quidem uni testide baptismo collato affirmanti; si testis est fide dignus, maxime ubi in favorem vergat infantis. At in casu nostro, præsertim si baptizavit obstetrix, plena periculi res est, nisi etiam, baptismi collatione supposita, ulterius de ipsius validitate quæeratur. Sane obstetrices, ut diximus, modum recte baptizandi facillime ignorant. Pannoni cum Anno circiter 1713. ex mandato Archiepiscopi obstrictum omnium examen a Carolo Vanni Parocho celeberrimo renovaretur: plurimi, ac varii, ut ab ipso audiui, illarum errores etiam circa substantialia detecti sunt, multis invicem sese de mala baptismi

M m m 3

ptismi

(a) VI. Synod. Oecum. Can. 35.

ptismi administratione accusantibus. Idemque deinde notatum est, examine iterum Anno 1745. circiter instaurato. Sæpe ille nesciunt, aut saltem non satis capiunt verba: *Ego te baptizo* ad formæ substantiam pertinere: sæpe etiam verba illa: *In nomine Patris*, commutant in hæc alia: *cum nomine*, vel *per nomen*, quæ formam efficiunt dubiam. Cum Parochus essem Palmæ, ex tribus obstetricibus, duæ *per nomen* dicebant, tertia præter hoc ipsum suspectæ erat conditionis. In prima erudienda diu, multumque insudatum est. In secunda post decem laboris annos me oleum & operam perdidisse cognovi. In tertia vero nullo modo fidendum esse animadverti: ac tunc clarissime perspexi, quam recte Synodus Agrigentina præceperit, ut quolibet bimestri obstetrices novo examini subjicerentur, quamvis regulariter id a Parochis fortasse negligatur. Hujusmodi namque mulierculæ non raro durissimæ sunt cervicis, labilisque memoriæ; quamobrem, quæ ipsis inculcantur, esse re vera necessaria ne-

quaquam sibi persuadent: imo tamquam superflua, & a nimia docentium subtilitate manantia, floccipendunt; leporem scilicet, & lepram, Paulam, & caulam, idem esse arbitrantur.

6. Amicus Parochus insignis oppidi Syracusanæ diœcesis obstetricem, licet antea examinatum, atque probatum, sub incerta forma plurimos annos baptizasse adinvenit. Quapropter innumeros ille adultos ab ea baptizatos, quibus tantum ceremoniæ suppletæ fuerant, iterum sub conditione baptizare coactus est. Quod etiam in Civitate Xericii in Hispania Bætica accidisse narrat Quintanaduennas. (a)

7. At supponamus, eas modum baptizandi optime callere; attamen baptismus ab eis collatus erit semper, & in omni casu diligentissime trutinandus: facillime enim in errorem delabi possunt propter festinationem, qua tum de parvulo periclitante baptizando, tum de matre adjuvanda premuntur. *Parentes*, ait Quintanaduennas, cognq-

(a) Quintanadu. de bapt. Sacram. tract. 1. singul. 5. v. 2. & seq.

cognati, familiares & alii partui adstantes, videntes periculum mortis aut infantis, aut parturientis; hujusque etiam vehementissimos dolores & clamores, in non levem turbationem incidunt; quam auget famularum strepitus; medicamentorum cura, & sollicitudo, consanguineorum dolor, & sæpius lachrymæ, suspiria, aliaque hujusmodi, quæ magnam attentionem impediunt in collatione baptismi necessario adhibendam; ut recte forma proferatur, & materia applicetur. In primis igitur obstetrices in tanta rerum turbatione non difficulter ea verba substantialia omittunt: *Ego te baptizo*, & sola illa proferunt: *In nomine Patris, & Filii, & Spiritus Sancti*. Quædam nuper ita pronunciavit: *Ego te exorcizo, ficule: Io ti scongiuro*. Insuper alia verba interdum addunt, vel demunt, vel saltem immutant; vel etiam in materia ipsa falluntur, quæ tamen omnia præ sollicitudine, ac festinatione neque ipsæ neque adstantes animadvertunt. Prætereo quæ de quarundam obstetricum supersti-

tiosarum, ac sagarum diabolica nequitia circumferuntur.

8. Ad hæc attendens Sanctus Carolus Borromæus primo statuit, obstetrices sub arbitrariis poenis munus proprium, absque prævio examine circa modum dandi baptismatis, exercere non posse. (a)

Secundo (b) solis obstetricibus, quamvis peritis, parum in hujusmodi re credendum voluit, hæc propterea decernens, *obstetrix autem, quæ probata est, cum baptizabit, curet, quoad fieri potest, ut duce saltem mulieres, ac mater præsertim, si potest, testes præsentés adsint; quæ in baptizando verba ab ea prolata audiant. Parochus vero cum perquiret ex decreto provinciali, an infans baptizatus sit; diligenter obstetricem, & testes etiam de verbis prolatis interroget, ut sibi constet, an baptismi forma recte adhibita sit, an vero secus: quamobrem oporteat infantem a se baptizari. Feminas testes nominat, quia viri abesse a loco supponuntur in hujusmodi circumstantiis.*

Tertio

(a) S. Carol. Borrom. *Acta Mediolan. Eccles. edit. Lugdun. A. 1682. t. 1.*

p. 178.

(b) S. Carol. *ibid.* l.

Tertio iussit, ut fere nunquam obstetrici baptizare permitteretur.

(a) *Cum mulier prope paritura ægre se habet, de ejusque partu timetur; studeat in primis Parochum in tempore accersere, aut si eum habere non potest, aliquem ex Ecclesiasticis Ministris, aut denique laicum baptizandi peritum in promptu habere, ut ne obstetricibus feminis, nisi in summa necessitate, cui aliter provideri nullo modo potest, baptizandi locus unquam detur.*

9. Verum hæc omnia, etsi sapientissime constituta, sæpe in praxi rem non conficiunt: quocirca in hac materia non solum Parochis, sed & Episcopis opus est vigilantia, sollicitissimi plena timoris. Primo quia ut plurimum necessitas baptizandi parvulos propter imminens mortis periculum, est in ipso partu, in quo propter honestatem non nisi obstetrix baptizat. Secundo quia obstetrices de modo, quo baptizaverint, interrogatæ, facile ea referunt se fecisse, & dixisse, quæ animadvertunt, se facere, & dicere debuisse: non vero quæ re

ipsa præ sollicitudine, ac festinatione mente alienatæ fortasse fecerunt, atque dixerunt: etenim examinis vexatione intellectum dante, recordantur præteritæ instructionis, apteque respondent; quamvis ineptissime antea se gesserint. Tertio hujusmodi feminae utpote infimæ conditionis non solum sunt valde incultæ, rudes, atque imprudentes, præsertim in locis humilioribus; sed etiam verecundia, & timore de facili corripiuntur: metuentes, ne cum dedecore ab officio removeantur: adeo, ut eorum testimonio in tanto negotio non multum sit innitendum. Equidem scio civitatem, ubi provinciali statuto septem testes pro uno reputantur: quota pars ergo testis erit ibi obstetrix femina, & rudis, & parum tutæ fidei, de se ipsa testimonium perhibens? In urbibus vero insignibus, licet forte sint cultiores; plurimæ tamen sunt: nec eas omnes Parochus quisque noscere probe potest: nam sæpe alienæ sunt Parochiæ, sæpe etiam alio partu impeditæ infantem discipulæ, vel

(a) *Idem in Instruct. bapt.*

vel obstetrici ad Ecclesiam gestandum committunt. Præterea nec semper, nec ubique Parochus facile testes a Divo Carolo præscriptas examinare poterit, tum variis de causis, tum & maxime quia puerpera, ejusque auxiliaris adstantes in hujusmodi casibus, ut supra dictum est, perturbantur, nec de legibus cogitant: ac propterea cautelam præparandi testes omittunt.

Demum, quod pejus est, Parochi ipsi, eorumque administri,

pace peritorum dixerim, non omnes ea scientia, dexteritate, ac diligentia pollent, qua obstetrices, ac testes attente, & solum interrogare, & ab eis verum elicere queant.

10. Et quidem antedictæ practicæ difficultates pluribus Theologis persuaserunt, omnes baptizatos ab obstetricibus esse denuo sub conditione baptizandos, (a) quod etiam plerisque Pastoralibus, seu Ritualibus, & alicubi statutis quoque Synodalibus decretum est

N n n

(a) *Ægid. quest. 65. art. 9. n. 95.*

Sylvius in 3. p. q. 66. art. 9. dub. 2.

Molan. in sua Pract. tract. 4. c. 3.

March. in resolut. Pastoral. tract. de Sacr. c. 5.

Diana p. 9. tract. 6. resol. 35.

Adam. Opatovius Academiae Cracoviensis Professor tract. de bapt. disp. 1. q. 6. n. 49.

Gobat. de Bapt. tract. 2. n. 170.

Laiman. lib. 1. tract. 2. c. 1. § 5. n. 3.

La Croix de bapt. art. 2. dub. 4. q. 1. §. 1.

Leander p. 1. t. 2. d. 3. q. 25.

Quintanadvennas de Bapt. tract. 1. sing. §. 2. & sequ. qui tamen non absolute, sed fere semper dicit, hoc habere locum: extendit tamen ob rationis similitudinem ad baptismum domi collatum a parentibus, cognatis, aliisque viris laicis, & feminis etiam non obstetricibus.

Salmantic. de Sacr. tract. 2. c. 6. p. 4. n. 64.

est (a) ac per omnem pene Sici-
liam fervatur. Ajunt enim Ro-
manum Catechismum baptismata
domi collata reiterari improban-
tem, non loqui expresse de colla-
tis ab obstetricibus, sed solum di-
cere domi baptizatos non esse in-
discriminatim rebaptizandos, sed
eos tantum, de quibus facta dili-
genti inquisitione dubium rema-
neat, utrum valide sint baptiza-
ti. Certum est autem, non omnes,
qui domi baptizantur, ab obste-
tricibus baptizari. Igitur in eo-
rum sententia monet Catechismus
inquirendum primo, quisnam ba-
ptizaverit, & si Sacerdos, vel
Clericus, aut Chirurgus, aut alius
laicus probe instructus baptizavit;
inquirendum ulterius, quomodo
baptizaverit: festinatio enim in
subitaneo baptismo alicujus erroris
occasio esse potuit, etiam Sacer-
doti ministranti, qua diligenter

facta inquisitione, & nullo sub-
oriente dubio de baptismi validi-
tate, non est, cur ille renovetur.

II. At si baptizans fuisset ob-
stetrix, putant citati Theologi, ali-
quam formidinem propter antedi-
cta remanere semper: ideoque ex
ipsa Catechismi doctrina sentiunt,
reiterationem esse faciendam: ob
summam enim baptismi necessita-
tem, præsertim in parvulis, cen-
sent minori dubio opus esse ad il-
lum adjecta conditione repeten-
dum, quam ad alia Sacramenta:
maxime cum a Canone superius
allato certissimi testes ad eum pro-
bandum requirantur: secus pluri-
mi pueri æterna salute fraudaren-
tur. *Cæterum*, ait Sylvius, (b)
et si qui baptizatum domi ab obste-
trice, postea sub conditione bapti-
zat, non sit irregularis; quaeritur
tamen, an peccet. Verius arbitra-

mur

(a) Pastoral Romanum Antuerpiæ editum A. 1670. p. 20. & 130.

Pastorale Mechinense semel, & bis id ipsum præscribens.

Synod. Iprensis sub Martino Rithovio tit. 12. c. 5.

Idem fervatur ex statutis particularibus in Dicecesi Augustana, Cu-
tienti, & Passaviensi, ex Manuali Pastorum, & Gobat. loc. cit.

Abreu vero *Spec. Pax. lib. 9. sect. 7.* citat. Constitutiones Dicecesa-
nas Eborenses, Egitanenses, & Portalegrenses.

(b) Sylvius in loc. cit.

mur non peccare, quia semper licet ea forma conditionata uti, quando est dubium de baptismo rite collato: quando autem obstetrices domi baptizarunt, semper est huiusmodi dubium, ne vel subito necessitatis casu turbatae aliter, quam referant, dixerint, vel fecerint; aut ne semel, & iterum deprehensae, quod bene baptizarint, deinde malitiose errent, ac nihilominus asserant, se more solito baptizasse. Experientia enim notum est, multas, vel in materia, vel in forma errare, interdum per ignorantiam, vel turbationem, interdum vero per malitiam, demoni scilicet subservientes: sive quia sint sortilegae, sive ob aliud. Ut igitur parvulorum saluti consulatur, securius est eos, tametsi ab obstetricibus domi baptizatos, postea baptizare sub conditione.

12. Cæterum communius Theologi docent, quod, si obstetrices convenienter instructae reperiantur, ac probatae sint vitae, baptismus non sit iterandus, nisi cum facta prius necessaria inquisitione, aliqua circa ipsius validitatem dubitatio remaneret. Hæc

autem inquisitio sæpe negligentissime exercetur: quamquam ex primo allata Doctorum opinione satis evincatur, quam sollicitè in discutiendo baptismo ab obstetricibus dato in diocesis, ubi hoc reiterari non solet, sit Episcopis & Parochis vigilandum: nam tuto constare debet Ecclesiae, baptismum fuisse rite & recte ministratum.

13. Ut ergo id quam attentius fiat, regulas hic trademus, quas Parochi in examine baptismatis domi collati perpetuo ac diligenter adhibeant. Baptismus ergo in quatuor pueri statibus potuit ab obstetrice conferri. Primo ubi puer perfecte natus erat, & domi baptizatus fuit propter periculum. Secundo ubi puer natus adhuc perfecte non erat; sed caput emiserat, & in capite baptizatus fuit, reliquo corpore manente in utero. Tertio cum puer in utero similiter existeret; sed minus principale membrum, puta pedem, vel manum, non vero caput emiserat, & in dicto minus principali membro baptismum accepit. Quarto cum puer

totus utero continebatur, sed in se ipso lavari nihilominus potuit.

14. In primo igitur casu Parochus de materia, forma & intentione obstetricem serio, addito etiam jurejurando, sciscitabitur: exquiret præsertim, num ea verba in principio formæ, omnino dicenda, pronunciaverit: *Ego te baptizo*: an vero præ festinatione, quamvis peritissima, omiserit. Deinde, quia in his obstetrices facillime hallucinantur, & res tam magni refert; duas etiam testes a Sancto Carolo requisitas, ac præsertim ipsam pueri matrem, sub eodem jurejurando examinabit.

15. In secundo casu major est difficultas: debet enim ultra prædicta constare, pueri caput, non autem capitis loco alia membra, puta manus, aut pedem fuisse lota. Secundo ipsum caput extra uterum vere fuisse, cum ablueretur. Tertio sufficienter fuisse lotum, & aquam ipsius capitis carnem, non vero humos tantum capillos tangendo, abluisse: quæ cum non ab aliis, sed a solius obstetricis testimonio hauriri possint;

erit ipsa majori solertia, & dexterritate interroganda.

16. In tertio casu quamvis rite, ac recte se gesserit obstetrix; baptismus præmissa conditione, ex ipsius ritualis præcepto erit iterandus: nam plerisque Doctores non valet ille in solo pede, vel manu, aut alio minus principali membro administratus. Tametsi autem hodie fere communis opinio sit, & ipsum valere, ac rituale præcipiat in tali statu baptizari puerum periclitantem, & conditionem, *si es capax* non apponat; imo sic baptizatum, deindeque mortuum Ecclesiasticæ sepulturæ inferri mandet; nihilominus ubi vivus perfecte nascatur, aut caput emittat, denuo sub conditione ad cautelam baptizari decernit: ne sit vel huic minori dubio æterna pueri salus obnoxia.

17. Puer in quarto statu baptizatus, etsi optime certeque materia, forma, & debita intentio servata sit; erit iterum cum conditione baptizandus: controvertitur enim de validitate baptismi, si puero in utero adhuc existen-

exiſtenti, nec ex parte ſaltem egreſſo, conferatur. Et licet hodie ſententia validitatem affirmans communior ſit, & probabilior: non tamen eſt certa.

18. Puerorum autem ab obſtrice baptizandorum neceſſitas, non in totaliter natis, qui ad primum ſtatum ſine dubio pertinent, ſed ut plurimum in naſcentibus præ partus difficultate contingit: eaque difficultas in tertio & quarto ſtatu frequenter occurrit, non tamen in ſecundo. Ubi enim caput egreſſum eſt; reliquum etiam corpusculi poſt ſe trahit: niſi cum interea pariendi forte vis atque conatus in matre ceſſarent.

Igitur Parochi baptiſmum in tertio, & quarto parvuli ſtatu miniſtratum renovare non prætermittant. Equidem vereor, ne baptizatum ab obſtrice puerum audientes, ad ſummum de materia, forma, & intentione tantum interrogent: de ſtatu vero, in quo ille baptizatus fuit, quemque pro validitatis certitudine trutinanda in conſiderationem quoque venire oportet,

nullatenus inquireant. In qua quidem omiſſione peccarent graviffime, coeleſtem infantis beatitudinem evidenti periculo committentes. Nam in univerſum, ubi adhibito quam diligentiffimo examine, dubium aliquod, ſive facti, ſive juris de baptiſmate valide miniſtrato remaneat; baptiſmus in omnium ſententia erit ſub conditione iterandus.

19. Duo demum hac data occasione permonenda cenſeo. Primum eſt, debere Parochos non tantum obſtrices, ſed etiam populum inducere, ut quam citiſſime, imo ſtatim a natiuitate, ſi fieri poteſt, natos pueros generaliter ad Eccleſiam deferant baptizandos: ac multo magis, ubi coeli, aërisque temperies ad hoc ipſum alliceret. Primo ut eos abſque ulla mora e dæmonis tyrannide in filiorum Dei libertatem afferamus. Deinde ut a maleficis eorum vitæ, ac baptiſmo inſidiantibus tueamur. Nam enim ſæpe, quæ de maleficis mira prædicantur, ad phantſticas illuſiones anilesque fabulas ableganda ſint; negari tamen his non obſtantibus

nequit, aliquando verissime contigisse: præterquam quod innumera alia, & frequentiora sunt pericula, propter quæ timendum est, ne tenerrimus puer sine baptismo extinguatur. Non licebat olim juxta veteres canones parvulorum baptismum ultra duodecimum diem differre. S. Carolus (a) hunc terminum ad novem dies, addita excommunicationis poena, contraxit: Romanæ vero urbis disciplina, & Belgica, item Parisiensis ex Statutis Arlæi Archiepiscopi, poenam interdicti imponentibus, ad tres duntaxat. (b) Sicula item in quibusdam dicecesibus ad tres, aut quatuor. (c) At Synodus Panormitana (d) sub excommunicationis comminatione parvulos ante diem tertium baptizari præcipit. Postremo Agrigentina (e) statim ad Ecclesiam ferri jubet, & ita Palmæ dicecesis illius oppido, ubi Parochus diu

præfui, per hyemem quoque factitatur.

20. Quod secundo loco monito, a peritissimis animarum Pastoribus accepi, & ipse inconcusse custodivi: non debere nimirum Parochos facile permittere, ut Sacerdos aliquis, etsi doctus, sine sua, aut suorum coadjutorum, usu peritorum, præsentia, baptismum administret: non enim desunt funestissima, & dissuadentia exempla. Profecto Ecclesia Dei antequam Parochum instituat, eique munus baptizandi concedat, ipsum trium Synodaliū examinatorum judicio subjicit, qui mores, doctrinam, & omnia perscrutentur. Quare ergo Parochus mera gratificandi vel otiandi causa, debitaque neglecta cautela, tantum negotium alteri demandabit? Væ ergo, væ Pastoribus insipientibus, & incuriosis.

CA-

(a) S. Carol. Concil. Mediolan. 1. p. 2. n. 1.

(b) Natal. ab Alex. Theol. dogm. moral. tit. 2. de Sacr. Bapt. c. 4. reg. 3.

(c) Synod. Syracus. Marini p. 1. c. 7. n. 12.

(d) Synod. Panormit. Palafox. p. 2. c. 3. de Bapt. n. 17.

(e) Synod. Agrigent. Ramirez p. 2. c. 2. de Bapt. §. Baptismus.

CAPUT VIII.

De necessaria Episcoporum vigilantia pro nonnatis.

I. **Q**uamquam parentibus, Parochis, Principibus, Magistratibus, ac Medicis curam infantium nonnatorum commenda-
verimus; nihilominus necessarium omnino erit, Episcopos divinam erga illos providentiam, & charitatem imitando, auctoritatem suam interponere, si successum per omnia felicem exoptent.

Ad tria reduci videtur in his Antistitum cura: scilicet maladeclinanda pernoscere, apta remedia præscribere, & ad horum exequutionem diligentissime incumbere.

§. I.

Quo, ad primum ergo, Episcopus in visitatione sciscitetur a Parochis, Vicario Foraneo, testibusque Synodalibus.

I. Utrum in loco sæpe acci-

dant voluntarii, vel involuntarii abortus?

II. Utrum Parochi omnem operam ad eos impediendos adhibeant, & qualem? Et maxime in graviditatibus infamibus: ac propterea, num caute ac solerter interrogent de hujusmodi graviditatibus, ubi prudens de iisdem suspicio suboriatur? Utrum puerorum illegitimorum baptismus, eorumque, ubi moriantur, sacra sepultura negligatur?

III. Utrum in loco sit nosocomium cum rota ad modum tympani, ac tintinnabulo, quo projecti ad vitanda immania discrimina inferantur? Si tamen deest nosocomium, utrum universitas, prout indubitati juris est, eosdem excipiat; vel ob hujusmodi rotæ defectum, sub dio publicis locis exponi soleant cum periculo, ne a canibus devorentur? Et an projectis iisdem sive cum scheda de baptismo

baptismo testante, five absque illa repertis, juxta Romana decreta conditionatus baptismus ministrari consueverit?

IV. Utrum debita cura vigeat baptizandi abortivos, & an crudelitate feris ipsis ignota, occidantur?

V. Utrum foetus ipsi primorum dierum, qui dant vitæ signa per motum, præmissa conditione baptizentur? Et an idem fiat, quando, licet motum non ostendant, non tamen laceri sunt, corrupti, aut conquisi: atque ideo certo exanimis esse non constat?

VI. Utrum nonnati, si baptizari possunt, vel nati, aut abortivi, quamvis aliquando sine motu, sine pulsu, sine respiratione, & sensu mortui videantur, cum revera sæpe non sint: dummodo putrefactionem, & alia indubitata mortis signa non præ se ferant, cum conditione citissime baptizentur: curandi postea, si forte ad vitæ munia erigi possint?

VII. Utrum conjugati modum conferendi premente necessitate

baptismum, ejusque materiam, ac formæ verba percalleant?

VIII. Utrum Parochi, eorumque adjutores in ministranda Sacra Eucharistia, vel poenitentia mulieribus conjugatis, vel nuper viduatis, at gravi morbo implicitis, investigent, an illæ sint gravidæ: & an idem præstent, si ipsæ matrimonio quidem sint solutæ, verum prudens aliqua suspicio, vel timor exoriri possit graviditatis earum?

IX. Utrum Parochi in partu Cæsareo suadendo, ac procurando sint accurati, eique per se ipsos assistant, ita ut in mores abierit. Hic Parochi fortasse dicent, in sua Parochia partum Cæsareum in usu esse. At pro certissimo sciant Episcopi, hoc esse plerumque, magna saltem ex parte, a veritate alienum. Amicus Parochus Deo benedicebat, quod sibi olim quemdam puerum liberare hujusmodi sectione dedisset. At cum ejus Parochia fere duodecim incolarum millia contineret, ipsamque ille quindecim annorum spatio gubernasset; cum repre-

hendi:

hendi: in tanta enim temporis amplitudine, tantaque civium frequentia, plurimos liberare debuisset. Is ergo, quoniam a parœcia forte aberat, scripsit ad Oeconomum, ut invigilaret attentius: & ecce ille citissime respondet, monitionem fuisse peropportunam: jam enim occasione subinde nata, mortuam gravidam incidi fecerat, foetumque baptizaverat. Et fane deprehendent Episcopi, Cæsaream incisionem in solis gravidis nonimestribus, ac in partu occumbentibus ad summum frequentari: tunc enim tantum Parochi mortuarum prægnationes agnoscere solent: reliquæ alto sub silentio delitescunt. Ex Riolani verbis desumitur, ejus ætate in Galliis pro foetibus tantum nonimestribus, matre in partu moriente, volente tamen patre, & prolem optante, fuisse ministratum. Quid igitur de tot pueris nono mense minoribus? Quid si pater de hærede habendo non curasset? Malum tamen hoc ad præsens etiam vigere in Galliis, ex Brubierii ad regem libello de renovanda partus Cæsarei lege,

dubitare non licet. (a)

X. Itaque diligentissime inquirat Episcopus: utrum partus Cæsareus generatim, ut debet, in gravidis omnibus defunctis peragatur: an in illis tantum, quæ in partu, vel nono mense moriuntur: omittatur autem in aliis? præsertim ubi foetus sint septimo mense minores; ac si liceret horum perditionem tuta conscientia permittere.

XI. Utrum consanguinei prægnantium defunctorum partui Cæsareo adversentur, eumque negligant, vel impediant: & utrum Parochi, ubi eos obstinatos viderint, sæculare brachium invocent, ac laici magistratus illud impertiantur?

XII. Utrum in oppidulis, ac pagis inveniatur, qui sectionem efficere noverit; & utrum hic justa sit mercede contentus, an vero postulet excedentem?

XIII. Utrum post prægnantis mortem sectio fiat illico: & an, dum expectatur peritus, ad pueri

O o o

vitam

(a) Vide supra l. 2. c. 3. n. 10.

vitam conservandam, gravidæ venter pannis ad ignem calefactis foveatur?

XIV. Utrum sectio omittatur eo vano prætextu: quod longum præterlapsum sit tempus a morte prægnantis?

XV. Utrum in oppidulis reperiantur sedes, seu scamna pro partu, & Chirurghi, qui in partu difficili peritia sua, & instrumentis, præsertim Palfiniano emendato, (a) parturientem juvare valeant, vivumque infantem extrahere incolumem?

XVI. Utrum in partibus desperatis Cæsarea viventium incisio in morem venerit?

XVII. Utrum obstetrices puerulos periclitantes, quamvis prorsus in utero sitos, dummodo saltem syphunculo physice lavari possint, cum conditione baptizent?

XVIII. Utrum Parochi, saltem quotannis, obstetricum de baptismo administrando examen renovent, five baptisimus ab eis

collatus reiterari soleat, five non: & illas erudiant moneantque juxta dicta toto capite sexto libri hujus: ea addentes etiam, quæ de monstris capite nono libri tertii tradidimus.

XIX. Utrum Parochi baptisma, domi, præsertim ab obstetrice, collatum, secundum capituli antecedentis monita, diligentissime discutiant.

XX. Utrum Parochi de orationibus, maxime a parentibus, pro nonnatis ad Deum sæpe fundendis: deque aliis huc usque notatis populum ex professo saltem semel in anno, reddant instructum. Parochi enim obstetrices, & populum, in omnibus erudire, quæ pro æterna infantulorum salute sunt scitu necessaria, sub gravi culpa obstringuntur. (b)

§. II.

Malorum deinde remedium illud erit, nimirum regulas aliquot præscribere, quas, ne unquam obl.

(a) Lib. 3. c. 1. n. 4.

(b) Roncaglia t. 2. tract. de Bapt. c. 4. in Reg. pro Praxi, & alii.

oblivione deleantur, Synodalibus constitutionibus inseri necesse est. Præcipuas hic solum attingam.

I. Ac primo statuat Episcopus, non tantum obstetrices ad munus exercendum non admitti, nisi post examen circa baptismum, & postquam ipsis alia, ut supra, scitu digna tradita sint; sed etiam examen istud singulis annis esse renovandum. Obstetricibus hanc renovationem recusantibus ab officio interdictis.

II. Deinde cum futuri sponsi ante proclamationes circa fidei rudimenta examen subeunt; de modo etiam baptismum conferendi, cujus ipsi urgente necessitate ministri aliquando esse poterunt, examinari decernat.

III. Tertio statuat, ut semel saltem in anno, puta die beatis Innocentibus dicata, ad id opportuna; ac præterea ubi sese, præsertim in catechismis, dabit occasio, Parochi sub aliqua mulcta de cura pro nonnatis habenda populum edoceant. (a)

IV. Quarto in nosocomiis aliisque piis domibus, quibus projectorum onus incumbit, vel forte ex fundatione, aliave causa incumbere debet, rotam cum tinnabulo pro eorum receptione stabiliri præcipiat.

V. Quinto jubeat, projectis generatim sive cum scheda de recepto baptismo, sive sine illa repertis, baptismum conditionatum esse renovandum.

VI. Sexto Indulgentiam primo concedat iis omnibus, qui Parocho procurantes abortum, impediendi gratia, denunciant. Secundo, alicujus moribundæ graviditatem Parocho revelantibus. Tertio abortivos baptizantibus, & ad id cooperantibus. Quarto his, qui suasionem, aut aliter quomodocumque partui Cæsareo defunctarum industriam suam contribuunt, ut in Dicecesi Lingoniensi, jam inde ab A. 1404. statutum fuit; vel etiam partui Cæsareo viventium, sive adhuc vivo puero, sive etiam exanimato. Insuper his, qui qualitercumque foetui,

O o o 2

(a) Ex Edict. Agrigent. hic in App. mon. ix.

foetui, vel parturienti ad eos liberandos opitulantur; quibus omnibus Edictum Panormitanum, ac Monterealese Jacobi Bonanno Archipræfulis Indulgentiam largiuntur. Demum projectos pie suscipientibus, vel baptizari, & educari curantibus, vel eis quoquo modo sive ad animæ corporisve salutem opitulantibus.

§. III.

Quod vero ad pœnas; profecto spirituales parce sunt irrogandæ; si autem Episcopo expedire videbitur, poterit excommunicationem, etiam ipso jure, sequuto abortu, vel omissione Cæsarei partus, ac parvuli morte incurrendam imponere.

I. Contra eos, qui certo scientes, procurari alicujus gravidæ abortum, nec aliter impedire valentes, Parocho non revelent. Etsi satius putem, in eo casu excommunicationem ferendæ tantum sententiæ decerni.

II. His, qui non denunciant, mortuam utero gerere, quam-

quam sanguine vel affinitate conjuncti sint.

III. Peritis, qui incisionem ad extrahendum foetum, etsi mercede prorsus deficiente, detrectarent.

IV. Consanguineis, domesticis, & aliis, qui incisionem impedirent, etiamsi ea deinde fieret, sed irritò eventu, propter antecedentem scilicet resistantiam. Poterit autem antistes pro excommunicationis pœna in prænotatis personale interdictum, si malit, substituere.

V. Nec impunes reliquendi sunt Parochi negligentes: proinde in eos vel multa gravis, vel pœna suspensionis ipso facto, vel simul ambæ statui poterunt, una scilicet ad supplementum alterius adjuncta: nempe.

1. Ubi forte in casu resistantiæ magistratus laici brachium non postulaverint: vel si opus fuerit, & in civitate Episcopali degerint, ad Episcopum ipsum non convolarint.

2. Præcipi etiam eis convenit, ut si aliquis interea puer absque baptismo

baptismo decesserit, ipsi, rogatis tunc sibi de adhibita a se diligentia testibus, omnino ad præfulem referant: in Civitate quidem Episcopali infra tertium diem, per diocesim tamen infra octavum, ac sub eadem suspensione: ut delinquentes poenis Canonicis puniantur. Exemplum vero hujusmodi censurarum habes in Edictis, quæ dabit Appendix.

3. Poena quoque suspensionis intorqueri poterit Parochis per aquæ benedictæ asperisionem, dantibus ultimum vale defunctis gravidis, incisione non facta.

§. IV.

Pro executione tamen regularum, quas favore infantum Prælati descripserint, oportebit.

I. Eos cum sæculi Principibus agere, ut novis illi sanctionibus, leges cæteroqui antiquas, de non sepeliendis ante incisionem gravidis, sub homicidii suppliciis incul-

cent: atque ut magistratibus, aliisque officialibus poenam decernant, si tam sancta jura sedulo servari non satagant: ac multo magis ubi a Parochis requisiti non illico brachium auxiliare concedant. Statutum quoque insinuabunt contra procurantes abortum; vel illegitimorum filiorum baptismum eorumve, si mortui fuerint, Ecclesiasticam sepulturam omittentes. Nec desinent pro expositis etiam, seu projectis instare, ut eadem lege ipsorum incolumitati, & educationi consulatur. Ad quod maxime conducet, & rotæ ubique locorum erectio, & deputationis projectorum, de qua supra dictum fuit, institutio. Exemplum vero hujusmodi statutorum exhibebimus in appendice, (a) quibus & aliqua etiam addi poterunt ex Edictis Henrici Secundi Galliarum, & Friderici V. Borussiae Regum excerpta. Profecto nobiliora Decreta, quæ in priscis Imperatorum Constitutionibus ad animarum, & Ecclesiasticæ disciplinæ bonum conducentia demiramur, Sanctorum veterum Episcoporum zelo

O o o 3

debe-

(a) Vide statuta Sicula in Append. Monum. 4. 5. 6. , & Mon. 13. 14. 15. & in annot.

debemus: qui ut eruditi sæpius adnotarunt, in Synodos, per illud ævum frequentes, congregati, eadem præclare jam excogitata, matureque digesta, summis Principibus edenda suggerebant.

2. Præfules ipsi, quæ in hac materia facienda probavimus, & populos, & Parochos in Synodis, Visitationibus, Parochorum congressibus, privatisque cum iisdem colloquiis diligentissime commonebunt. Vicariis vero foraneis, ac Synodalibus testibus iungent, Parochorum circa præmissa negligentiam ad se deferre.

3. Sæpius per fide dignos exploratores investigent, utrum regulæ a se conditæ a Parochis, Vicariis, aliisque ad amussim custodiantur. Hanc vero inquisitionem instituent tam in oppidulis, locisve ignobilioribus, quam etiam amplissimis in urbibus: etenim deteriora, & atrociora mala in hujusmodi materia grassantur ut plurimum, vel in primis propter

Ministorum quorundam inscientiam, ac Medicorum defectum, vel in secundis propter populi multitudinem, & implicatam negotiorum varietatem, quæ non omnia Pastoribus opportune providere, ac moderari permittit. Quis enim crederet, Parisiis, urbe scilicet, in qua tanta Civilis & Ecclesiastica emicat disciplina, Sancti Vincentii a Paulo ætate (quod supra dictum est) cum singulis annis quadrigenti saltem, vel ut minimum trecenti expositi reperirentur, nullum ex his baptismo donatum, omnesque tandem sine hoc necessario Sacramento decessisse? (a) Si ergo tot ibi jam nati tantam cladem subibant; quot alios per abortum emissos; quot vero alios nonnatos, etiam legitimos, ac matribus morientibus consепultos, periisse putandum est? Populosæ civitates silvæ omnino sunt quam densissimæ, in quibus feræ, atque serpentes, nimirum infanda mala, atque scelera uti facillime sese abdunt, ita diutissime quoque deli-

(a) Abelli Vita S. Vincentii a Paulo lib. 1. c. 23.
Joann. a SS. Sacramento vita ejusdem c. 26.

delitescunt: oportet ergo, ut Episcopi, regionum nemorum custodes imitando, ad eos extirpandos sedulo incumbant, solertiamque conduplicent. Solet enim Deus Episcoporum zelum in divina gloria, animarumque salute promovenda, benedicere, ac fortunare.

4. Imitandum certe Melitæ Episcoporum studium, ubi cum Hierosolymitano ordine pietas, & religio confedisse videntur. In hac mea *Diecepsi*, ait Paulus Alfaran Clarissimus ejusdem urbis Antistes (a) hæc regula obtinuit a Cocco Palmerio eximie charitatis Episcopo stabilita. In occultis nimirum graviditatibus obstetrices omnes gravissimarum pœnarum formidine eas Fiscali Generali, vel profiscalibus Episcopalis Curie secreto renuntiare tenentur, ut re ab his præfati communicata, hic præceptum de custodia partus imponere possit, & Parocho, quem aptiorem judicabit, sacri baptismatis collationem committere: puta Parocho viciniore, & accuratiori, quod in civitatibus, ubi multæ

ac magnæ sunt Parochiæ, ad indecora puerperia occultanda summo opere laudandum. Porro ex quo Deus contra quam ipse merebar, me ad pastorem hujus *Dieceps* curam assumere dignatus est; sanctam hanc methodum in plurimis filiarum familias, aliarumque puellarum casibus inviolate retinui. Addendum hic etiam, Chirurgo pari modo, ac obstetrices ad denunciationem obligari. Parochi autem iuxta sacrarum Visitationum edicta, magna sedulitate in id incumbunt, ut hujusmodi prægnantium occultarum notitiam assequantur, ad me illico delaturi. Cura deinde, quæ in Sacro nosocomio infantibus expositis exhibetur adeo mirabilis est, ut misere, infelicesque puellæ, quibus prægnatio turpis acciderit, plene fiducia propter asylum ipsis in sacro isto loco patefscens, de procurando abortu nullatenus cogitent. Ad evitandum etiam abortuum crimina statuit egregius Episcopi Cocci Palmerii zelus, ut inter casus reservados cum excommunicationis pœna tertius hic esset. (Fœtus inanimati abortum procurantes.)

Quæ-

(a) In Epist. ad me data.

Quamobrem nimis raro pullulant abortus malitiosi. Pudeat, ergo alios, si qui forte sunt, negligentes.

5. Porro si modus charitati, & solertiæ Episcoporum suppetit infantibus illegitimis succurrendi; quanto facilius impediunt, ne legitimi, & vivi cum defuncta matre sepeliantur? Equidem scio, ad hæc ipsa non exiguam in Episcopis æque, & in Parochis requiri sollicitudinem: verum charitas, ubi vere talis est, qualis in Dei Ministris & esse debet, & esse præsumitur, scilicet insignis, obstacula omnia vincit. Expedit tamen, ut Prælati instructionem aliquam, vel edictum concinnent, quotannis populo in diæ Sanctorum Innocentium publice legendum. Varia ex his a Siculis Pontificibus lata in Appendice referemus. Ubi autem id Episcopi negligerent, Parochus instructionis loco Edictum adhibebit, quod ad numerum septimum dabimus appendicis ejusdem: præcisus tamen ab illo indulgentiis, poenis, ac aliis, quæ non nisi Episcopis

pro potestate loquentibus congruere possunt.

6. Quoniam vero Episcopi sæpe negotiorum ingenti mole obruuntur: ne infantium præsertim nonnatorum cura, qui non modica sunt animarum illis concreditarum portio; aliquo pacto flaccescat; oportet ut ipsi aliquem præsertim Cathedralis Ecclesiæ Canonicum designent, qui plurima, quæ in hoc libro proponuntur, & a Præsule statuenda promoveat, & similia pro re nata suggerat facienda, & ex officio cæteris aliis, eadem exequuturis immineat. Præcipuum namque Senatorum Ecclesiæ munus est, non solum Antistiti rem divinam facienti ministrare; sed eidem etiam in spiritali gubernio, & procuranda animarum salute consilium, auxiliumque conferre.

7. Postremo ut hujusmodi regulæ in praxim deducantur, ac deducta custodiantur; illud summo opere quidem præ oculis habendum existimo; nimirum prægnantium domesticos, & conjunctos, Chirurgos, Parochos, aliosve circa prædicta delinquentes esse necessa-

necessario puniendos. Leges enim omnes præclaræ sunt atque speciosæ, at inutiles, & contemptæ iacebunt, si poenas nunquam re ipsa infigendas frustra comminentur. Objurgavit Christus Apostolos suos, dum hi pueros ad se venientes arcebant, quod non sine mysterio Sanctus Marcus tam luculenter enarravit (a): *Et offerebant illi parvulos, ut tangeret illos: Discipuli autem comminabantur offerentibus, quod cum videret Jesus, indigne tulit, & ait illis: finite parvulos venire ad me, & ne prohibueritis eos: talium est enim Regnum Dei.*

8. Nam ut omnia semel dicam, consanguinei, sacerdotes, parochi, medici, magistratus, principes, episcopi, qui miserimis his infantulis non opitulantur, æque rei sunt, ac si re ipsa illos interficerent, ac a salutis æternæ consequutione repellerent: præsertim vero, qui majori pollent potestate, quique tenentur alios ad officium cogere: dicente Seneca: *Qui non vetat peccare, cum possit, jubet.* Verum

si hoc opus legenti nimis gravia ac difficilia, præsertim ab episcopis, & parochis exposcere fortasse videar; fidentissime respondebo: non debere illum eorum onera, qui Christi Apostolis, Discipulisque succedere, cum propria tepiditate, vel ignavia metiri; sed cum sublimitate, longitudine, ac latitudine pastoralis muneris, cum cœlestis gratiæ copia, quæ a Deo tam arduæ vocationi tribuitur, & cum virorum Apostolicorum, imo & ipsius Christi Domini exemplo, quod adeo magnum est, & superexcellens, ut Patres, & ex his Tridentina Synodus, animarum procuracionem onus appellaverint, ipsis Angelicis humeris formidandum. Et profecto Deus tam onerosum, & curis undequaque plenum divinissimum salvandarum animarum judicat ministerium; ut etsi minimus beatorum angelorum pluribus regnis gubernandis per se solum sufficiat; nihilominus ad rei gravitatem ostendendam, nostramque depressendam audaciam, uni Angelo non nisi unam commiserit animam, & insuper communitati-

P p p

bus

(a) Marci 10.

bus Archangelos præfecerit, aperte demonstrat sub tot, ac
 dicecesibus tamen, aut saltem tantis protectoribus, & ducibus
 provinciis, Principatus: mentes constitutos, & supernæ gratiæ
 nimirum præ angelis custodiæ sin- vigore, ac fortitudine animatos,
 gulorum deputatis, & ut pluri- & auctos, omnia aggredi omnia-
 mum ex infimo Choro demissis, que ad felicem exitum posse per-
 longe sublimiori virtute præstan- ducere, si vere, ac unice anima-
 tes. Verum hac ipsa mirabili rum salutem, ipsiusque gloriam
 ordinatione Sacerdotes suos con- studiosissime perquiramus.
 firmat, & roborat: nos enim

FINIS LIBRI QVARTI ET ULTIMI.

Laudem dicite Deo nostro omnes servi ejus, & qui ti-
 metis eum pusilli, & magni *Apoc. 19. 5.*





APPENDIX

AD

LIBRUM QUARTUM. MONUMENTUM I.

*Sancti Caroli Borromæi Archiepiscopi Mediolanensis
Benedictio mulieris gravida, præsertim de cujus
infelici partu timetur.*

Sacerdos dicit:

Deus in adjutorium &c. Glo-
ria Patri &c.

Terra dedit.

DEUS misereatur nobis,
& benedicat nos: illumi-
net vultum suum super
nos, & misereatur nobis.

Ut cognoscamus in terra viam
tuam: in omnibus gentibus salu-
tare tuum.

Confiteantur tibi populi Deus:
confiteantur tibi populi omnes.

Lætentur & exultent gentes,
quoniam judicas populos in æqui-
tate: & gentes in terra dirigis.

P p p a

Con-

Confiteantur tibi populi Deus:
confiteantur tibi populi omnes:
terra dedit fructum suum.

Benedicat nos Deus, Deus no-
ster benedicat nos, Deus: & me-
tuant eum omnes fines terræ.

Gloria Patri &c.

Terra dedit fructum suum.

Pater noster &c.

Ÿ. Et ne nos inducas in tenta-
tionem.

R. Sed libera nos a malo.

Ÿ. Salvam fac Ancillam tuam.

R. Deus meus sperantem in te.

Ÿ. Esto ei Domine turris for-
titudinis.

R. A facie inimici.

Ÿ. Nihil proficiat inimicus in ea.

R. Et Filius iniquitatis non ap-
ponat nocere ei.

Ÿ. Mitte ei Domine auxilium
de Sancto.

R. Et te Sion tuere eam.

Ÿ. Domine exaudi orationem
nostram.

R. Et clamor noster ad te per-
veniat.

Ÿ. Dominus vobiscum.

R. Et cum Spiritu tuo.

O R E M U S.

Domine Deus omnium Creator
& Rector, accipe, quæsu-

mus, sacrificium cordis contriti,
& fervens desiderium famulæ
tuæ N. humiliter supplicantis pro
conservatione prolis debilis, quam
dedisti eam concipere; & custodi
partem tuam, atque sanctifica im-
mensa benedictione gratiæ tuæ;
& defende ab omni dolo, & inju-
ria inimici, ab omni que adversita-
te, ut ad lucem præsentis vitæ,
te adjuvante, veniat incolumis,
tibi que cum omnibus jugiter de-
serviat, & vitam demum conse-
qui mereatur æternam. Per Do-
minum nostrum. &c. R. Amen.

Ÿ. Dominus vobiscum.

R. Et cum Spiritu tuo.

Ÿ. Benedicat, & exaudiat nos
Deus.

R. Amen.

Ÿ. Procedamus cum pace.

R. In nomine Christi.

Ÿ. Benedicamus Domino.

R. Deo gratias.

*Deinde aqua benedicta illam asper-
git dicens:*

Benedictio Dei omnipotentis
Patris, † & Filii, † & Spiritus
† Sancti descendat, & sit sem-
per super te, & super prolem
tuam, & maneat semper. Amen.

MO-

MONUMENTUM II.

*Oratio Sancti Francisci Salesii, recitanda a prægnantibus
ex libro tertio Epistolarum spiritualium, Epistola
octogesima tertia.*

O Deus æternæ, infinitæ bonitatis pater, qui matrimonium ordinasti, ut hic in terra homines multiplicares, & isthuc coelestem civitatem impleres: nostrumque sexum ad hoc munus præcipue destinasti, volens quoque, ut fecunditas nostra signum esset benedictionis tuæ super nos. Ecce me prostratam ante faciem Majestatis tuæ, quam adoro, pro concepto infantulo, quem in ventre meo creare dignatus es, gratias agens. Verum, o Domine, quoniam hoc tibi placuit, brachium providentiæ tuæ usque ad operis, a te incepti, absolutionem extende: graviditati meæ tuâ perfectione succurre, & creaturam, quam in me formare voluisti, usque ad horam, qua in lucem venerit, continua protectione tua mecum porta: & tunc, o Deus vitæ meæ, auxiliare mihi, & dextera sancta

tua debilitatem meam confirma, fructumque meum benignis oculis respice, usque quo, sicuti per creationem tuus est, ita media quoque redemptione tuus effici valeat; cum sacrosancti baptismatis aqua suscepta in sinum Ecclesiæ sponsæ tuæ reponetur. O Salvator animæ meæ, qui dum hic in terris degeres, tam vehementer puerulos amabas, tamque sæpe in brachiis tuis suscipiebas: ab recipe & istum, eumque ad sacram adoptionem tuam perducito: ut te habens, teque invocans patrem, nomen tuum in illo sanctificetur, & regnum tuum ad ipsam pertineat. Itaque, o mundi Redemptor, eum ex toto corde meo depato, dedico, & consecro obedientiæ tuorum mandatorum, amoris servitutis tibi debitæ, & servituti amoris tui. Quoniam vero iustitia tua primam ho-

minum matrem cum tota posteritate, multis doloribus, & poenis in partu subjecit, voluntarie labores omnes accepto, quos, o Domine, hujusmodi occasione placitum tibi fuerit a me sustinendas permittere. Solum te deprecor propter sacrum, lætumque innocentissimæ genitricis tuæ partum, ut quo tempore misera, vilisque peccatrix paritura sum, te mihi propitium præbeas, me una cum filiolo, quem mihi tribuere dignaberis, benedicens benedictione æterni amoris tui, quam de tua bonitate summopere confidens, a te humillime deosco. Tuque Virgo Mater Sanctissima, Domina mea maxime dilecta, & unica regina, singulare mulierum decus; sub patrocinio tuo, & in sinu maternæ, & incomparabilis

suavitatis tuæ desideria mea, & deprecationes recipe, ut Filii tui misericordia eas exaudire dignetur. Hæc a te peto, atque exoro, quæ omnium es creaturarum amabilissima; propter virginalem amorem, quo dilectum sponsum tuum B. Josephum prosequuta es, propter infinita merita nativitatis Filii tui, propter sanctissima viscera, quæ eum portaverunt, & sacra ubera, quæ eum lactaverunt. O Sancti Angeli, ad meam filiique mei, quem gero, custodiam deputati, utrumque nostrum defendite, & gubernate: ut vestro tandem præsidio ad gloriam, qua fruimini, pervenire possimus, ut una vobiscum communem Regem nostrum, ac Dominum, laudare, & exaltare mereamur, qui regnat in sæcula sæculorum. Amen.

MONUMENTUM III.

Oratio pro infantibus nonnatis, vel non baptizatis, propter quam quadraginta dierum indulgentiam toties, quoties in sua Diœcesi recitabitur, concessit Archiepiscopus Panormitanus.

Pater coelestis, qui curam geris etiam passerum, qui amas homines, eorumque prolem: parvulos omnes, etiam nonnatos, oculis

oculis misericordiæ tuæ benignissime respice: neque permittas eos sine gratia tua mori, sed tueri illos ab omni hominum, dæmonumque nequitia, ut opitulante providentia nati quidem baptismum consequantur; non nati vero incolumes tempore debito in lucem veniant, atque ita ipsi quoque sacra lotionem mudentur. Si quos vero, ætate procedente, dammandos prævides, ad te potius

jam baptizatos ante rationis usum misericorditer evoca. Respice in faciem infantis tui Jesu, qui te de genitricis etiam utero glorificavit, & per Prophetam tibi dixit: de ventre matris meæ tu es protector meus. Respice Mariam, beatosque innocentes pro pueris omnibus deprecantes, ne tuus hostis unquam in illorum perditione gloriatur. Per Christum &c. Amen.

MONUMENTUM IV.

Recens Pragmatica Sicula de partu Cæsareo & abortu.

CAROLUS Dei gratia Rex utriusque Siciliae, Hierusalem &c. Infans Hispaniarum, Dux Parmæ, Placentiæ, & Castri &c. Magnus hæreditarius Etruriæ Princeps &c.

Vicerex, & Generalis Capitaneus in hoc Siciliae Regno Reverendissimis, Reverendis, ac Venerabilibus in Christo Patribus, Archiepiscopis, Episcopis, Abbatibus, Prioribus, eorumque Vir-

cariis, & Locumtenentibus, Parochis, aliisque Officialibus, & personis Ecclesiasticis; nec non illustribus, spectabilibus, magnificis, & nobilibus hujus regni Officialibus Magistro Justitiariorum, ejusque Locumtenenti, Præsidibus regionum tribunalium, Iudicibus magnæ Regiæ Curiae, Magistris Rationalibus, Thesaurario, & Conservatori regali patrimonii, Iudicibus Consultoribus Sacræ Regiæ Conscientiæ, Advocatis quoque,

quoque, & Procuratoribus Fiscalibus, Protomedico præfenti, & futuris hujus Siciliæ Regni; nec non illustribus, ac spectabilibus Principibus, Ducibus, Marchionibus, Comitibus, Vicecomitibus, & Baronibus, ac etiam Vicariis, Commissariisque generalibus per totum hoc Siciliæ Regnum destinatis seu destinandis, armorumque Ducibus, Potestatibus, vulgo *Justitiæ Capitaneis*, Iudicibus, Fiscis, Syndicatoribus, Delegatis, & quibuscumque aliis Officialibus, & personis regni prædicti majoribus, & minoribus, quocumque officio, titulo, auctoritate, potestate, ac dignitate fungentibus constitutis, & constituendis, tam præsentibus, quam futuris, cui, vel quibus præsentibus præsentatæ fuerint, aut quomodolibet pervenerint, Consiliariis Regiis, fidelibusque salutem.

Detestabilis usque modo fuit focordia, quæ in plerisque hujus regni civitatibus, & pagis grassabatur, ubi mulieribus gravidis mortuis, nulla subibat adstantes cura de foetu, seu infantulo in matris utero existente, qui ut plu-

rimum vivus remanet, prout ex innumeris experimentis comper- tum est: nec enim recogitabatur, eum per Cæsareum partum, ab ipso jure communi, & civili præceptum, facile extrahi posse, atque ita ab immatura morte liberari, vel saltem ad æternam felicitatem medio baptismatis lavacro perducere: sed contra sæpe accidebat, matrem simul cum concepta, etsi non agnita, prole, sepeliri. A nonnullis ergo Dei zelo ferventibus viris, qui mala prædicta ob oculos nostros posuerunt, excitati, necessarium esse arbitrati sumus: gravissimi hujus negotii examen Præsidum, & Consultoris Conventui delegare, qui cum pro rei gravitate idipsum mature digesserit, scripta nobis consultatione renunciavit: pragmaticam constitutionem, nunquam intercisuram, esse omnino sanciendam: formamque in ea præscribendam, quæ in hujusmodi casibus necessario fervetur. Huic igitur insinuationi annuentes, per hanc nostram Regiam Secretariam chirographum ad Sacrum Regni Concilium direximus, ut, quod ob antedicto Conventu

Propo

propositum nobis fuerat, ex-
queretur. Sacrum vero Conci-
lium eidem nostro chirographo
obsecundans sedulo perpendit,
quam æquum sit, publicam aucto-
ritatem ejus generis malis occur-
rere: quamobrem de hujusmo-
di re, quæ & in se ipsa gravissi-
ma est, ac divinæ Gloriæ, re-
giæque Majestatis quam maxime
interest, præsentem pragmaticam
sanctionem condi, & publicari
decrevit.

Hujus igitur virtute omnes
Reverendissimos, Reverendos,
ac venerabiles Archiepiscopos,
Episcopos, Abbates, Priores,
Vicarios, ac Generales Locum-
tenentes, Parochos, Beneficia-
tos, Cappellanos, aliosque Ec-
clesiasticos Viros in aliqua dignita-
te, vel exercitio cujuscumque
muneris, vel jurisdictionis Eccle-
siasticæ propriæ, vel delegatæ
constitutos, vel etiam in statu pri-
vato existentes, hortamur, ut om-
nes pro virili ad id, quod in ea
statuitur, obtinendum, operam
quique suam conferre studeant:
& insimul omnibus, & quibus-
cumque Officialibus laicis majori-

bus, vel minoribus, sive ii ordi-
nariæ regiæ jurisdictioni subjecti
sint, sive quocumque foro, etiam
præcipuo, ac singulari muniti,
præcipimus, ut & ipsi pro sua
quisque parte, illos contingente,
eidem constitutioni ad amussim,
ac sub pœnis infra describendis
obtemperent.

I. Ubi ergo quæcumque præ-
gnans, cujuscumque gradus, &
conditionis obierit; si maritus,
propinqui, vel domestici ejus-
dem, probabilem opinionem ha-
buerint, eam utero gerere: onus
omnibus his incumbat curandi, ut
facta primum indagine, utrum
revera expiraverit; eadem illico
media operatione Cæsarei partus
incidatur, utque conceptus infans
extrahatur, & baptizetur. Ad
quem finem allequendum, conve-
nit antea præmonere Chirurgum,
aliumve peritum, ut infra expli-
cabitur, qui dictam operationem
efficere debebit, ut ille necessariis
omnibus præparatis ad eam pera-
gendam promptus inveniatur.
Quod si forte peritus haberi sta-
tim non posset; prædicti, quous-
que accurrerit ille, operam da-
bunt,

bunt, ut prægnantis defunctæ venter, pannis lineis igni admotis, calidus interea conservetur.

II. Operationis faciendæ onus principaliter chirurgis imponimus, & in eorum defectu obstetricibus, aut barbitonforibus; atque ubi isti minus idonei fuerint, medicis ipsis phylis, vel aliis, qui potius eligendi videbuntur. Atque ideo jubemus, ut in posterum ii, ad quos pertinet, aliquem ad barbitonforis, vel obstetricis munus nequaquam approbent, nisi prius medio examine, de modo, cæteroqui facillimo, Cæsareum partum defunctarum, ubi expediat, exequendi, satis peritum sese probaverit. Quocirca jubemus regium Protomedicum in omnibus hujus regni civitatibus, & locis breviter simul, & dilucidæ prædictæ incisionis methodum decernere, describere, ac publicare, quam volumus ab iis, ad quos attinet, una cum regulis ad natiuitatis infantes adjuvandos magis necessariis, aliisque similiter, quæ ipse pro minus peritorum instructione præscribenda duxerit, exacte observari.

III. Chirurgis, aliisque, qui operationem, ut supra, præstaturi sunt; mercedem aliquam petere interdiciamus, ubi defunctæ maritus, vel cognati, qui solvere tenerentur, vel ipsa defuncta pauperie laborent: ubi tamen hi solvendo essent, non propterea illi mercedem, quæ constitutionum Protomedici taxam excedat, exquirere poterunt: de ipsa vero nunquam paciscuntur, imo neque mentionem ullam habebunt, nisi jam operatione peracta. Ita ut si chirurgi, medici, barbitonfores, vel obstetrices, aliusve, qui in eorum defectu, ab Officialibus Justitiæ ad sectionem idoneus extimaretur, quacumque ratione ad parendum huic legi difficiles sese ostenderent, & propterea quamquam ad breve tempus, partum Cæsareum remorarent; officiales Justitiæ loci, & eorum quisque illis biennialis carceris poenam, quam statuimus, aliasque nostro nostrorumque successorum arbitratu infligendas interminabit. Similiter tamen eosdem Officiales adstringimus ad curandum, ut viceversa palatino modo, & abs-

que

que ulla judicii figura, justum, ac debitum stipendium a defunctæ propinquis, vel respectivè hæredibus, operationem administranti diligentissime persolvatur.

ex proprii muneris debito insistentum erit, ut hujusmodi incisio in gravidis, quæ in eorum nosocomiis decesserint, pari modo efficiatur.

IV. Ubi gravida marito careat, propinquis, atque domesticis; tenebuntur vicini, & alii, qui graviditatis, præsertim illegitimæ, notitiam habuerint, justitiæ ministros cum supradicto præventu implorare, quo celerime, opportune & ex officio dent operam, ut ipsa incisio peragatur: saltem ejus faciendæ curam, si in loco extiterit nosocomium, ipsius Rectori commitendo, vel aliam sane viam ineundo, quam pro majori celeritate opportuniorem judicabunt. Ac similiter si prægnans maritum, vel alios propinquos, aut domesticos haberet quidem; at incisionem isti negligerent; maxime si prægnatio sit illegitima; ipsi vicini magistratum officium, ut hi provideant, implorare tenebuntur.

V. Omnium quoque hujus regni nosocomiorum Rectoribus,

VI. Ubi clare non constet, (constare autem est difficillimum) foetum in utero defunctæ mulieris existentem, jam obiisse; præsumendus semper est vivens: proinde incisionis cura, & exequutio ab iis, ad quos, uti supra dictum est, pertinebit, quodcumque tandem tempus a morte matris elapsum sit, omitti non poterit: cum plurima exempla demonstrent, nonnunquam infantes matri per diem, & amplius in utero supervixisse.

VII. Districte præterea decernimus, neque prægnantis defunctæ maritum, neque propinquos, neque alium, nemine prorsus excepto, posse incisionem impedire: in casu autem resistantiæ, loci Officiales, hujus pragmatice, perpetuo valituræ, auctoritate, viribus curiæ realibus, & personalibus remedium adhibere debebunt: adeo ut incisio absque

ulla minima temporis jactura executioni mandetur; qui vero sese illi opponent pœnis infra irrogandis erunt obnoxii. Officiales etiam, & unusquisque ipsorum, qui hujus rei notitiam, quamvis privatam, & extrajudicalem sortiti; non tamen conveniens remedium attulerint; prout ipsis virtute hujus Pragmaticæ vehementer injungitur; de omissione rationem reddere tenebuntur; & ipso facto, si nobiles, in pœnam triennalis carceris in Castro, si vero ignobiles præter triennalem carcerem, in alias insuper pœnas nobis, nostrisque Successoribus reservatas incurrisse intelligantur.

VIII. Quoniam vero contingere poterit, ut aliqua defuncta illegitime utero gerat, quæ virtute præsentis Pragmaticæ personarum exceptionem non admittentis, ac sub pœnis antea expressis, & infra exprimendis, incidere similiter debet: cumque timendum sit, ne illius propinqui, ut a dedecore, quod forte sibi occasione partus Cæsarei obventurum putant, graviditatem occultare contendat, sectionem-

que impedire; statuimus, ac præcipimus omnibus, & quibuscumque justitiæ Officialibus, peritis, & aliis, qui operationis Cæsareæ mulieribus illegitime gravidis faciendæ scientiam habere, vel ei quomodocumque operam dare debebunt; ut qualibet oppositione, & opinione propinquorum contempta, illam perficiant: omni tamen prudentia, dexteritate, & silentio utentes: ita ut nemini prorsus, qui operationi non sit omnino necessarius, ejus rei vel levis notitia communicetur. Eosdem ergo præmonemus, quod, ubi sive ex malitia, sive etiam ex negligentia rem debita prudentia, ac dexteritate non bene gesserint, ad ipsorum punitionem pro ignaviæ, & inobedientiæ ratione deveniemus. Qui tamen antedictam executionem impedire tentabunt, vel ei sese opponent; pœnis contra partus Cæsarei detrectatores, in hujus Pragmaticæ fine sancientis, merito subjicientur.

IX. Parochos insuper omnes hujus regni etiam atque etiam hortamur, ut legum Ecclesiæ memores, majori,

majori, qua possunt, diligentia, atque solertia invigilent: ne unquam mulieres in graviditate defunctæ sepeliantur, nisi facta prius incisione. Itaque hæc prægnantes ad sepulturam deferri, eisque lustralem aquam imperitari nullo sane modo permittant: quin imo per semetipsos, ubi propinqui obstant, Officialium localium auxilium invocabunt, qui, uti supra dictum est, de re ipsa rationem erunt deinde reddituri. Similiter quoque Reverendissimos Archiepiscopos, Episcopos, & Abbates in hoc regno jurisdictionis Ecclesiasticæ vires pollentes hortamur, ut Parochos, & alios Ecclesiasticos homines sibi subjectos antedicta omnia implere adigant, sub pœnis illis, quas adversus eosdem in suis Edictis, vel Diocesana Synodo pro rei gravitate, & magnitudine decernendas arbitrabuntur.

X. Quanta maxima fieri potest severitate, non solum sub pœnis infra exponendis interdiciamus, ne qua omnino prægnans, quolibet excogitabili modo, abortum procuret: sed & ne alii

ad ipsum quidquam auxilii, quamvis minimum, cooperationem, consiliumve contribuant, sub pœnis iisdem. Prohibitum sit præterea medicis, chirurgis, obstetricibus, barbitonforibus, pharmacopolis, cæterisque omnibus præscribere, porrigere, adhibere, aut vendere Medicinas, vel alia quæcunque remedia, ad finem adeo perniciosum conducibilia. Supradictis ergo jubemus, ut majori, qua possunt, circumspectione semper utantur, ubi in suspicionem venerint, sive gravidas, sive alios prædicta pharmaca, vel alia remedia, eo pravo consilio, abortum scilicet procurandi, postulare: cum eo casu manum retrahere debeant, & ab eis dandis, vel exercendis abstinere. In prægnantium autem curatione teneantur Medici summa diligentia, atque cautela, a charitatis lege imperatis incedere: ne concepto foetui medicaminibus a se tribuendis nocumentum, aut mortis, vel abortus periculum inferatur. Quocirca eos etiam hortamur, quibus compertum est, abortum procurari, ut si alius impediendi mo-

duſ, non eluceat; id Potestati ſeu Juſtitiæ Capitaneo, vel alicui Officiali ſecreto denuncient: quo ad malum arcendum ipſi media opportuna diſponant.

XI. In graviditatibus illegitimis onus erit hujusmodi Magiſtratum, aliorumve Officialium, ad quos earum notitia pervenerit: & cæteroqui prudenter timere poterunt, ne aliquis ex malitia ſequatur abortus; quantocitius ad prudentes, ac ſecretas præmonitiones, & cautelas pro partus cuſtodia procedere poſſunt ut prægnans, ejusque propinqui congruo tempore de foetu reſpondere teneantur: ac ſi prægnans pauper ſit, obſetricem aliquam, aliamve perſonam, quæ ſollicitudinem illius gerat, deputabunt: omnem tamen adhibendo circumſpectionem, charitatem, zelum, atque ſilentium, quæ in ſimilibus requiruntur.

XII. Volumus etiam, & hujus Pragmaticæ virtute ſancimus, ne unquam in abortibus, qui a modo contigerint, conjuncti, domeltici, aliive, qui forte aderunt,

foetum imprudenti ſocordia proſiciant, vel derelinquant: ſed attente, ac diligentiffime perſcrutentur, an vivat; quo ſtatim, quid circa baptiſmi collationem agendum ſit, deliberari poſſit.

XIII. Pari modo ſtatuimus tam in abortu, quam in partu naturali, nemini licere foetum, quia deformem, occidere, ſicuti barbaro certe more multoties factitatum eſt: ſi tamen vere ſit monſtrum; Parochum eſſe advocandum: ut, juxta Eccleſiæ leges in rituali præſcriptas, utrum baptiſmus dandus, vel denegandus ſit, judicet ipſe: vel ſi neceſſarium videatur, atque per tempus fortasſe liceat; Episcopum conſulat, aliosque peritos.

XIV. Demum præcipimus, atque ſtatuimus, quemcunque hujus perpetuo valituræ pragmaticæ transgreſſorem, ſive maritus ille ſit, ſive ſanguine conjunctus, vel conjuncta, uti ſupra, ſive alia quævis perſona, cujus dolo, impedimento, vel negligentia Cæſarei partus operatio cum damno foetus omittatur,

aut saltem retardetur; eum insuper, cujus malitia violentus abortus, ut antea dictum fuit, evenit; habendos esse criminis homicidii patratores. Quapropter contra dolosos, hujusmodi reos, & negligentes transgressores, vel impediētes, Officialibus Justitiæ hujus Regni mandamus, ut severiori, qua possunt, methodo processum omnino construant, illosque carceribus tradant, & consueta forma, & juxta Ritum, Legesque Regni capitali judicio persequantur, quo deinde ab iis, ad quos pertinet, pro ratione tum qualitatis, & circumstantiarum in crimine; tum doli, & gravitatis negligentiae repertae, ad poenas daminari valeant, quibus homicidia coercentur. Istorum ergo malefactorum notitiam, ubi contigerint, ad nos, prout facere tenentur in aliis, per Tribunal Magnae Regiae Curiae Criminalis transmittant: cui quidem contra praedictos transgressores, nisi iidem loci Magistratus meri, & mixti

imperii gaudeant exercitio, privative procedere jubemus, nullo pro hujusmodi criminibus fori privilegio, quamvis maximo, quo rei forte muniti sint, beneficio admissio. Volumus enim eos in casibus antedictis Regiae Majestatis jurisdictioni ordinariae unice, ac privative subjectos. Regium insuper Fiscum posse in defectu accusatoris principaliter agere, & subintrare, ut adversus reos judicium instituatur, ipsique puniantur. Jubemus denique praesentem constitutionem in suis omnibus articulis, ac sensibus totoque tenore, utpote hujus regni legem inviolabilem, atque perpetuam, ad amissum, & diligentem executione servari. Quocirca, ut unusquisque illius scientiam assequatur, statuimus, eam consueta forma publicandam esse, atque ab iis, ad quos pertinet, debitis locis registrandam: neque secus ullatenus a quoquam esse faciendum. Dat. Patnormi die nona Augusti duodecima Indictionis 1749.

DUX DE LA VIEFVILLE

Io. Thomas Loredano Præses Magnæ Regiæ Curiae.

D. Nicolaus Mira Præses Consistorii.

D. Franciscus Gemelli Judex Magnæ Regiæ Curiae Criminalis.

Fridericus Villaroel Judex Magnæ Regiæ Curiae Criminalis.

D. Franciscus Paladini Judex Magnæ Regiæ Curiae Criminalis.

Dominicus Pen-

Andreas Ioseph Regio
Thesaurius
Generalis
Regni

labene Judex Magnæ Regiæ Curiae Civilis.

Io. Baptista Arceri Judex Magnæ Regiæ Curiae Civilis.

Hieron. Cacchiamisi Judex Ma-

gnæ Regiæ Curiae Civilis:

Joseph Asmundus Paterno Advocatus Fisci Magnæ Regiæ Curiae.

D. Ignatius Pape Protonotarius.

Joseph Maria Jurato Judex Consistorii Sacræ Regiæ Conscientiæ.

Joseph Leone Judex Consistorii Sacræ Regiæ Conscientiæ.

D. Joseph Catenana Præses Regii Patrimonii.

D. Jo. Baptista Jannucci Consultor.

D. Rosarius Frangipane Præses Magister Rationalis.

Joannes Maria a S. Martino Magister Rationalis.

Petrus Filingeri Magister Rationalis.

D. Antonius de Sandoval Magister Rationalis.

D. Vitalis Valguarnera Magister Rationalis.

Stephanus Airoldi Magister Rationalis.

Joseph Arena Magister Rationalis.

Lucas Antonius de Laredo Conservator.

Dominicus Cardillo Magister Rationalis Advocatus Fiscalis.

Joseph Procopi Magister Secretus.

Alexander Testa Judex Consistorii Sacrae Regiae Conscientiae.

D. Franciscus Maria Alias Auditor Generalis.

D. Franciscus Notarbartolo Magister Portulanus.

Dominus Vicerex, & Generalis Capitaneus mandavit mihi D. Ignatio Pape Protonotario: & vidimus omnes de Sacro Regio Consilio.

Promulgetur
Pape Prot.

P. S. P. U.
Pilo Synd.

Die decimo octavo Augusti duodecimae Indictionis 1749.

Ego D. Ioannes Baptista de Franchis hujus felicitis, & fidelissimae Urbis Panhormi Publicus Praeco, superiorem Pragmaticam Sanctionem promulgavi per loca solita, publica & consueta Tubis Regiis &c.

R r r

Pragma-

Pragmatica Sanctio, qua Cæsarei partus operatio quibuscumque mulieribus in graviditate mortuis facienda, & a quo facienda statuitur. Varia etiam in adeo gravi materia a Regni Officialibus, & a quolibet alio, ad quem res pertinere debebit, aut poterit, exequenda providentur, ac præscribuntur.

MONUMENTUM V.

*Mandatum, sive Edictum perpetuum Protomedici
Regni Siciliae,*

Onuphrius Milatius, Artium & Medicinæ Doctor, in rebus ad salutem attinentibus, Regius Consiliarius, & in hoc Siciliae Regno, Insulisque adjacentibus, Cosyræ, Liparæ &c.
Protomedicus Generalis.

Salutaris Cæsarei partus mulierum in graviditate defunctorum usus, ut ex iis foetus eruat, non tantum ab Ecclesia Dei in Rituali Romano illis verbis præcipitur: *Si Mater prægnans mortua fuerit, foetus quam primum caute extrahatur, ac si vivus fuerit, baptizetur:* sed & a Jure ipso communi, civilique sancitur: lex enim expresse in universum vetat, feminam, si prægnans obierit, nisi educto ex ea prius infantulo, sepeliri: declarans æque homicidas illos, qui hoc neglexerint, ac eos, qui cum filio ipsam simul revera interficerent genetricem. *Negat lex regia, en ejus aperta, famigerataque verba, mulierem, quæ mortua sit, humari, antequam partus ei excidatur: qui contra fecerit, spem animantis cum gravida peremisse videtur.* Vetustissima quidem lex, & regia etiam communiter dicta: quia ab antiquis Romanorum regibus, quamquam Idololatriæ, & nihil de baptisma-

te cogitantibus, lata. Cum itaque jam pridem specialis Pragmatica promulgata sit, in qua partum Cæsareum in defunctis gravidis faciendum esse statuitur, ac vehementius inculcatur; una simul in ea nobis mandatum est, non solum ut methodum illius peragendi explicaremus, sed & ea præciperemus, quæ nobis ad rem necessaria & opportuna viderentur. Imperata igitur hujusmodi exequi volentes, & ejusdem Pragmaticæ articulo secundo inhærentes, illius virtute, ac auctoritate hoc nostro Edicto sequentia disponimus, præscribimus, atque jubemus.

I. Primo cum ab eadem Pragmatica decretum sit, Chirurgis deficientibus partus Cæsarei faciendi onus obstetricibus, & barbitonforibus, atque ubi ipsi idonei non sint, Medicis Phycis incumbere, neminemque in posterum barbitonforis, vel obstetricis artem exercendi facultatem obtinere posse, nisi prius de modo partum Cæsareum in defunctis mulieribus ministrandi probe instructum, atque examinatum;

edicimus, ut illi, qui ante prædictam Pragmaticam ad barbitonforis, vel obstetricis artem approbati jam fuerint; etiam ipsi methodum illum exequendi perdiscant, quæ sequentibus continentur.

II. Postquam prægnans expiraverit; Chirurgus mortem comprobet, nimirum illius arterias contrectet, ejusque cor, ut dignoscatur, an motus omnis in ea defuerit. Defunctæ naribus filum lini, vel lanæ, vel candelulam accensam admoveat, ut ex eorumdem quiete, vel motu conjectet, utrum respiratio cessarit. Insuper quia hujusmodi signa interdum fallunt: etiam hæc alia perpendat. Frigiditatem membrorum, ipsorumque nimium pondus, ac rigiditatem: dummodo rigiditas convulsiva non sit, sed propria mortuorum: In convulsiva membrum ad situm contrarium ei, ad quem a convulsione ipsa determinatum fuerit, induci non potest: imo si ad eum cogitur, moxque sibi relinquitur; ad pristinum locum cum violentia redibit: in mortuis vero eodem

loco requiescet. Id præsertim hoc experimento discernitur maxillam scilicet inferiorem e superiore diducendo: nam si ea in eodem puncto, ubi deponitur, manet: vel ad pristinum quidem locum regreditur, sed paulatim, aliquod spatium inter se, ac maxillam superiorem relinquens, rigiditas a morte processit: contra vero si cum impetu ad superiorem revertitur convulsiva dicenda est. Inspiciatur etiam, utrum facies deformata jam sit: utrum oculi panno vitreo velati, ac decolorati, & flaccidi jam effecti: & ante sectionis initium defunctæ carnibus accensa candelula admoveatur; si forte illa dolorem ostendat.

III. In repentina morte notabile semper, ad prudentis arbitrium, tempus erit expectandum: prædictaque signa, & experimenta majori cum sedulitate considerata, omniaque media erunt adhibenda, ut mulier ad se redeat, si forte syncope tantum vel hysterico, aut simili malo prostrata sit. (a) Prægnantis mor-

te jam comprobata ad Cæsaream operationem deveniendum erit.

Chirurgus tamen ante palpat, ac diligenter inquiret, ubi nam situs est foetus: propinquusne, an distans a peripheria, seu exteriori parte ventris? Ut hujus crassitiem, atque pinguedinem arbitretur, atque ita sese continere sciat circa majorem, vel minorem incisionis profunditatem, nimirum ne feriat infantem. Incisio fieri solet scalpello recurvo, vel cultro, aut novacula. Incipiendum a parte, quæ substat Cartilagini ensiformi, scilicet paulo supra umbilicum, sed nonnihil a latere, ut ipse umbilicus, qui fecatu difficilis est, evitetur: deinde inferius per longitudinalem lineam usque ad finem ventris descendendum erit, vulnere competentis profunditatis, quodque ad incidendam pellem, carnemque sufficiat: quæ simul junctæ crassitiem nostri pollicis, id est digiti majoris parum excedere consueverunt: quamvis variam quoque sortiantur mensuram pro-

(a) Vide Bruhier. *de Incertitudine signorum mortis.*
 Lovii. *de certitudine signorum mortis.*

pro corporis magnitudine, atque pinguedine. Dissecta carne apparet magna abdominis, id est ventris, membrana, peritonæum dicta: Peritus eam leviter discindit: non enim crassior est velo firmiori cribario. His peractis, intestina removet, ac statim sese ostendet uterus, qui tamen interdum subtilis est, neque cultri crassitudinem superat: quapropter leniter, & ipse incidendus est, ne infantulus forte lædatur: atque ita in conspectum veniet hic secundinis suis involutus, quæ vel sola manu, vel si duriores forte sint, eodem cultro, vel forbicibus, aut aliquo alio instrumento lacerantur. Verum quia nonnunquam conceptio non naturalis fuit, sed vitiosa; ubi de prægnatione constet, neque tamen foetus in utero inveniatur; peritus ampliori vulnere ventrem discindat, & foetum vel in cavo ipsius ventris, vel in altera ex tubis fallopiæ, vel in ovario, quod supra, sed extra uterum, situm est, adinveniet. Discoopertus ergo jam puer, si, quamvis vivus, debilitate laboret; in eodem ventre baptizetur:

si tamen viget, reciso umbilicali funiculo, ex utero eruatur, & baptismo donetur. Puero baptizato, umbilicalis funiculus consueto more ligandus est, os illi aperitur, nasusque mundatur; ipseque vel appropinquatione ad ignem, vel halitu, vel aqua vitæ, ac similibus recreatur, pannisque calefactis involvitur. Chirurgus vero sedulo animadvertat, quærendum sibi semper esse, utrum gemellus aliquis, vel alius ex superfœtatione minor foetus, vel forte plures in matre delitescant.

IV. Cum non raro contingat, necessitatem Cæsareæ sectionis faciendæ ex impossibilitate partus provenire, propter quam gravida e vivis discesserit; statui-
mus, ut obstetrices omnes sub poena destitutionis ab officio, sedem seu scamnum, ad parturientium levamen adinventum, habere teneantur. Si vero in humilioribus pagis obstetrices adeo forte sint pauperes, ut illud sibi nequeant comparare, ab Universitate postulabunt: ipsum, quod reipublicæ maximopere intersit, absque dubio accepturæ.

V. Chirurghi sub eadem poena ad habendum in sua domo speculum matricis tenebuntur: itemque ad habendum Palfinianum instrumentum a Gregorio, & Petito emendatum, quo idem Gregorius, Winslowio narrante, duodecim annorum, & aliquot mensium decursu vivos plusquam septuaginta foetus extraxit: insuper ad normam faciendi partum Cæsareum in viventibus addiscendam: ut requisiti, & in circumstantiis ab arte Chirurgica probatis eo uti possint. Jubeamus etiam, ut librum de illo ex professo differentem sibi coemant, puta Rouffetum, aut similes.

VI. Nemo posthac ad Chirurgi munus idoneus judicabitur, nisi prius de ministrando viventibus Cæsareo partu satis edoctus, & indeclinabiliter examinatus.

VII. Physicos, chirurgos, barbitonfores, obstetrices, qui præfatae Pragmaticæ, vel etiam præsentis Edicto non obtemperabunt, præter ejusdem Pragmaticæ poenas, privationi quoque muneris ipso facto subijcimus.

VIII. Cum sæpe infantes tum partu Cæsareo extracti, tum etiam quocumque modo nati, omnino mortui videantur, etsi revera non sint: oportet, ut eorum capitis arteriæ, seu fons pulsabilis, itemque arteriæ umbilicales, ac sinistra cordis regio contrectentur: quod si nulla pulsatio percipitur, nullum sensus indicium, nec motus, aut respiratio, nihilominus noverint universi, eos pro magna ipsorum parte, uti experientia patefecit, dummodo putrefacti non sint, neque initium putrefactionis habeant, esse vivos, & solum deliquio detentos, propter spirituum scilicet defectum, quem præsertim in nascendi conatu subierunt. Animadvertendum autem, ut caute discernamus foetorem ex liquidis maternis corruptis manantem a cadaverico parvuli foetore: distinguenda etiam putrefactio resolutiva, quæ mortuorum est propria, a gangræna sicca, vel etiam humida, sed cum rubore conjuncta, hæc namque duæ posteriores ad vivos pertinent. Igitur etsi puer absque motu, sensu, pulsu, ac respiratione oriatur, ac mortuus appareat:

appareat: dummodo corruptus non sit, neque corruptionis ostendat initium; vera satagendum erit charitate: ut ad sensuum officia revocetur, multi enim ex ipsis non nisi post tres, imo & quatuor horas patientis, longanimisque curæ ad se rediere. Quo circa insufflatus est arundineo tubulo in eorum os calidus halitus, sugenda insuper mamillarum ipsorum, præsertim sinistrae, capita: extimulandæ pedum plantæ penicillo: eorum secundinæ, placentæ, funiculusque umbilicalis a corpusculo non resectus, comburenda: aliaque remedia tentanda sunt, ad hunc ipsum finem a Doctoribus passim adnotata.

IX. Idem similiter pro submersis admonemus, qui non nisi post duas a submersione horas inter-

dum anima spoliantur: nonnulli vero sub aquis ad plures dies vivi permanserunt, & quamvis extracti penitus extincti viderentur, post longam tamen bene plurimum horarum curationem restituti sunt. Methodus vero curationis legenda tum apud Bruhierium, tum etiam apud Lovisium, Lucam Tozzium, aliosque Doctores.

X. Denique nostras hujusmodi ordinationes nostrorum substitutorum zelo maxime commendamus, qui earum transgressionibus ad nos deferre non prætermittent, ut eas debitis poenis puniamus, ac probe coerceamus. Neque quidquam in contrarium aliquoquam attentandum. Datum ac renovatum Panormi 17. Cal. Octobris 1756.

Promulgetur
Cardillo M. R. C. F. P.

D. Petrus Rini Magister Notarius.

AN-

ANNOTATIO.

Edictum hoc ab Onuphrio Milatio Siciliæ Protomedico de nonnatorum salute bene merito bis in toto isto Regno sub duobus Fiscii Patronis promulgatum est. Et primo quidem Anno 1749. una cum Pragmatica de partu Cæsareo & cum approbatione Josephi Asmundo Paterno ad præsens ob merita præclarissima Tribunalis Consistorii Præsides, qui strenuam in Pragmaticæ ipsius consuetudine, ac promulgatione operam navavit: deinde seorsim Anno 1756. probante Dominico Cardillo egregio Senatore: cum autem in hac iterata publicatione monitio de nascentibus parvulis in speciem defunctis, & de naufragis adiuvandis addita sit; Edictum ipsum descripsimus juxta secundæ hujus editionis exemplar.

MONUMENTUM VI.

Epistola Advocati Fiscalis Magnæ Regiæ Curia Siciliæ pro Solemni Pragmaticæ Viceregiæ & perpetui Edicti Protomedici promulgatione ad Officiales Justitiæ Civitatum & Pagorum Regni.

Domini mei Observandissimi.

Cum recens in hoc regno de partu Cæsareo Pragmatica, ejusque decreto, atque auctoritate Edictum spectabilis Protomedici condita sint; chirographo suo Prorex Excellentissimus septimo idus currentis mensis mihi demandare dignatus est, ut hujusmodi nova jura ad universi regni civitates, & pagos publicanda,

da, & registranda dirigerem, & observanda curarem. Duo ergo a me Dominationibus vestris exemplaria ejusdem Pragmaticæ typis impressa mittuntur; ut a te Domine Capitanee una cum præcitato Edicto, quod per substituti Protomedici ductum tibi transmittito, solemniori, qua poterit, forma illico promulgentur. Pragmaticæ autem registrationem in Actis Curiae Capitanealis, item Iuratoriæ, & Protomedici substituti faciendam præcipies. Quoniam vero convenit, Ecclesiasticos quoque viros ea scire, quæ in Pragmatica statuuntur; eam registrari etiam curabis in Actis Curiae Episcopalis, & respectivè foraneæ: item in libro baptismatum anni præsentis per omnes loci Paroecias. Unum vero ex Pragmaticæ exemplaribus excusis conservandum erit in Actis Curiae Capitanealis loci, alterum in Actis Curiae Ecclesiasticæ, sive principalis, sive foraneæ. Edictum similiter post promulgationem in

omnibus antedictis Officiis tamquam Pragmaticæ Appendix pari modo registrabitur, cujus authenticum exemplar typis editum in Actis Curiae Protomedici substituti manebit: cum enim tum Pragmatica, tum Edictum in omne futurum ævum, utpote perpetuæ Regni leges, custodiri necesse sit; æquum est etiam, indelebilem utriusque memoriam diligenter, & ubique servari. Denique postquam hæc omnia subdescripta forma perfectæ jam fuerint; id mihi, tu Domine Capitanee, per epistolam significabis, a me subinde Proregi Excellentissimo referendum. Tabellarium tamen encyclicum, qui vobis antedicta deferet, ultra progressurum, infra unius horæ spatium dimittetis: mercede juxta taxam Illustris Marchionis Rajatæ magni Pro-Tabellarii persoluta. Meque ad mandata vestra exequenda offero paratissimum. Panormi Decimo Cal. Octobris 1749.

Dominationum vestrarum observantissimus
Joseph Asmundo Paterno Magnæ Regiæ
Curiae Fiscalis Advocatus.

MONUMENTUM VII.

Edictum Archiepiscopi Panormitani primi in Siciliae Regno Metropolitan.

NOS FR. D. IOSEPH MELENDEZ &c.
ARCHIEPISCOPUS &c.

Horribilis quidem, & numerosa strages illa fuit, quam olim innocentium parvulorum corporibus Herodes intulit: at multo numerosior est, atque funestior altera, quam quotidie in tot animabus puerorum sine baptismo decedentium Satanas exercere consuevit. Prima enim tandem ad ornandum martyribus coelum, secunda vero ad implendum reprobis Lymbum inservit. Infelicius ergo parvulorum miseratione commoti, debitam Pastoralis nostri muneris partem iudicavimus, hoc perpetuo Edicto admonere, inculcare, ac respective præcipere, quæ sequuntur.

I. Ac primo patribus, matribusque denunciamus, eos ad vitam prolis conservandam, ejusque bo-

num spirituale, procurandum adstringi. Prægnantes igitur omnia, quæ ipsis abortum creare possunt, evitare tenentur: putapondera nimis ingentia attollere, valde laboriosa opera adoriri, ac similia factitare. Contra vero ad ea omnia præstanda obligari, quæ ad foetus conservationem necessaria existimantur. Si enim grande peccatum est, generationem tantummodo impedire; quanto majus erit ex malitia, vel negligentia abortui causam præbere, quamvis foetus non dum animatum esse credamus?

II. Qui quomodocunque mulieris abortum animato foetu sollicitat, verum atque horrendum unius, vel plurium innocentium, quot forte foetus erant, perpetrat homi-

homicidium; nec tantum corporis, sed & animæ: cum facile sine baptismo moriantur. Incidit etiam ipso facto in excommunicationem Papæ reservatam, quæ non ab aliis, sed a nobis tantum absolvi poterit.

III. Qui aliquem noverit abortum procurare: si non alia impediendi superest via; Parocho, ut is provideat, revelare tenetur.

IV. Cum incertum sit animationis tempus, quam plerique auctores primis graviditatis diebus contingere putant; in quocumque abortu sedulo inspiciendus est foetus: ac si quantumvis exiguus, & imperfectissime figuratus, aliquem tamen motum ostendat, illico sub conditione, *Si ex capax*, baptizetur: si vero motum non ostendat, sed nihilominus humanus Embryo esse dignoscitur, nec tamen confusus, vel corruptus; eo sane casu, quia forte vivit, quamvis moveri non possit, quod organa ad motum adhuc apta non habeat; graves Doctores baptizandum sub conditione docent, atque ita nos faciendum esse monemus.

V. Baptismus juxta Synodum ante tertium diem infantibus conferatur: neque hi ante secundum annum expletum in lecto, sed in cunis collocentur, ne opprimi, vel suffocari contingat: præsertim si manusculas habent fasciis inclusas.

VI. Prægnans ubi moriatur, partu Cæsareo juxta Ritualis præceptum est incidenda, ut foetus extrahatur, & illico baptizetur. Qui incisionem impedit, vel graviditatem sciens, non eam Parocho, antequam expiret gravis, revelat; lethaliter peccat, nos autem tam incisionem impredientibus, quam perito eam aggredi recusanti, effectu sequuto, mortuo scilicet infante sine baptismo, excommunicationem ipso facto subeundam, nobisque reservatam, imponimus.

VII. Incisio nec in graviditatibus illegitimis omittitur: maxima vero prudentia, perspicacia, cautela, & silentium adhibebitur.

VIII. Peritus autem sub gravi peccato ad incisionem faciendam

tenetur, quamvis mercedem non speret, etiam in dubio, an foetus vivat. Quod si Chirurgus desit, ex decreto Pragmaticæ latæ V. Idus Augusti 1749. incisionem præstabit obstetrix, vel barbitonsor, vel Medicus Physicus, vel alter, qui ad rem ipsam præ aliis magis aptus esse videatur: dum vero expectatur, qui incisionem fit exequuturus; defunctæ venter calidus conservetur.

IX. Parochi eorumque administri, sub gravibus arbitrio nostro poenis, aquam lustralem gravidis defunctis, ac sepeliendis non impertientur, nisi prius extracto foetu. Si autem propinqui domesticive defunctæ incisionem detrectabunt; Parochis præcipimus, omnia protinus media pertentare, ut eos ad officium inducant: maxime autem expediet statim ad Officiales justitiæ sæcularis convolare, qui ejusdem Pragmaticæ virtute sub gravibus poenis obstantes incisioni compellere, Chirurgum, vel alium ad eam exequendam adigere, & de omissionibus rationem reddere tenebuntur.

X. Incisio juxta rituale postquam prægnantis mors certa deprehendetur, fiet illico: semperque indagandum erit, utrum foetus unus, an multiplex forte sit: at si mora intercesserit, qualecumque tandem tempus elapsum fuerit, nunquam prætermittatur: vivi enim infantes post unum, vel alterum diem, quantumvis mole minimi, aliquando inventi sunt.

XI. Tum in abortibus, tum in partibus naturalibus, vel Cæsareis, foetus, etsi deformis, non occidatur: si autem verum sit monstrum, tunc quo ad baptismum ipsi ministrandum, vel denegandum rituale servetur: ac si dubium remaneat, tempusque permittat, res nobis deferatur, vel Parocho, aliisve peritis: ubi vero periculum est in mora, sub conditione baptizetur.

XII. Si quis tamen monstra interficiens, certo, vel dubie rationali anima informata, obstaculo esset, quominus ad baptismum, vel absolutum, vel respectivo conditionatum pervenirent; ipso facto in excommunicationem nobis reservatam incurreret.

XIII. Con-

XIII. Contra vero indulgentiam dierum quadraginta elargimur ei, qui, cum tentatur abortus, id Parocho, ad finem impediendi, denunciat: vel moribundæ, aut mortuæ graviditatem revelat: insuper qui abortivos baptizat, vel ad id cooperatur: qui partum Cæsareum efficiendum procurat: qui quoquomodo foetui subvenit: vel gravidæ adjuvandæ, etiam illo extincto, dat operam. Cæterum noverint omnes, quod sicuti qui alicui ex prædictis infantibus causa perditionis extiterint, in terribilem superni numinis incident ultionem: ita divina munificentia eos, qui æternæ illorum cooperabuntur saluti, remunerari non desinet.

XIV. Quapropter præsens Edictum quotannis in hac Metropolitana Ecclesia, omnibusque hujus Diœcesis Parochialibus, die sanctis Innocentibus dicato, inter Missarum solemnità præcipimus perlegendum: quæ sumptâ occasione Parochi novo examini de modo baptismatis ministrandi subjeicient obstetrices: quod & nunc facient, statim ac Edictum ipsum ad eos pervenerit: ac deinde singulis annis una cum Vicariis foraneis communi Epistola infra dies quindecim magnæ huic Metropolitanæ curiæ antedictum reiteratum examen, lectionemque significabunt: datum ex nostro Palatio Archiepiscopali VI. Idus Januarii 1750.

Ex mandato Dominationis suæ Illustrissimæ & Reverendissimæ
Sac. Ioannes Robba Cancellarius, & Magister Notarius.



MONUMENTUM VIII.

Edictum Petri Galleti Episcopi Catanensis, & Inquisitoris Generalis de partu Cæsareo, & Nuptiali Benedictione.

NOS VINCENTIUS MARIA PATERNO, Trigona Baro Raddusæ, & Dexteræ, Dominus Gulphi &c. Patritius Catanensis, & Petri Galletti Episcopi Catanensis Generalis Inquisitoris &c. Vicarius Generalis, & in hoc totius Regni Lyceo Magnus Pro-Cancellarius.

Cum periculum pereundi absque baptismo, in quo foetus, prægnantibus mortuis, remanentes in utero versantur, accurate perpenderimus: ac simul probe noverimus, quæ de Cæsareo partu Auctores eruditissimi, præsertim Celeber Theophilus Rainaudus (a), Ludovicus Scildere (b), & Georgius Gobatus (c) tradiderunt; nostrum indeclinabile onus existimavimus nonnulla gravissimis in hac materia contingentibus malis remedia, per sequentia mandata parare.

I. Et primo Parochis omnibus, Curatisque Capellanis nostræ diœcesis, in memoriam reducimus, quam magni sit ad eorum munus momenti, æternam salutem animabus omnibus sibi commissis procurare; ne in divinam illam indignationem incurrant, adeo gravi sententia a Propheta Ezechiele declaratam (d): Sanguinem

eorum

(a) Theophil Rainaud. tom. 14. de Ort. Infant. per sect. Cæsar.

(b) Ludov Scildere tract. 6. n. 9.

(c) Georg. Gobat. tract. 2. de bapt. n. 57.

(d) Vanespen. p. 2. tit. 2. cap. 4. n. 25.

eorum requiram de manu vestra.

Ipsisque majori, qua possumus, efficacia injungimus, & mandamus, ut cum ad ultima Sacramenta prægnantibus ministranda vocabuntur: illico id sibi tamquam suæ sollicitudinis scopum præstituant, nimirum post earum obitum illas quanto citius esse incidendas, quo baptismus foetus conferatur. Præceptum igitur ante omnia consanguineis, ac familiaribus dilucide imponant, ut defunctæ ori fistulam arundineam adaptent, quæ a faucibus ad labia liberam respirationis viam fervet infanti, qui vivus, non vero mortuus, est præsumendus, propter innumera experimenta, quæ Parochis zelo ferventibus acciderunt: nam ex his quidam in epistola nobis missa, infantem post viginti tres horas a morte matris vivum se reperisse testatur.

II. Iisdem etiam animarum Rectoribus sub poena excommunicationis ipso facto incurrendæ, nobisque reservatæ, mandamus; ut quemadmodum ipsi debent imminenti prægnantium scœniarum transitui omnino interesse:

ita & debent eandem incisionem, quanto citius peragendam, curare; brachium quoque sæcularis justitiæ, si opus fuerit, implorando: ut sacri baptismatis aquis foetus eo meliori modo, quo poterit, vel absolute, vel conditio-nate abluatur. Quod si prædicti Rectores rationabiliter timeant mortuæ prægnantis propinquos, forte reluctaturos; sciant, se pro suo munere stricte teneri attente, atque sollicite per se ipsos assistere, quousque Cæsarea operatio perficiatur omnino.

III. Sub eadem poena mandamus, quod ubi ad operationem faciendam periti, præsertim in locis minoribus, desiderentur; Parochi sese obligatos agnoscant ad eos, & quidem quos poterunt magis idoneos, exquirendos. Ubi vero neminem habere possint, ne scrupulo sibi ducant Parochi hujusmodi incisionem facere per se ipsos, postquam ejus peragendæ modum didicerint: ne animæ infantis, divini agni pretiosissimo sanguine redemptæ, perditionem permittant. Hujus sententiæ vadem præter multos alios eruditos

Aucto-

Auctores, damus Vanespenium (a), qui nequaquam dubitavit in suo de rebus canonicis opere aperte docere: *Quum non raro contingat, nullum in Parochia reperiri, aut saltem hic, & nunc haberi posse, qui peritiam, modumque convenientem aperiendi uterum, & extrahendi infantem habeat, oportet ut ipsimet Pastores, præcipue rurales, hujus rei aliquam notitiam a perito aliquo accipiant, qua subinde, cogente necessitate, uti possint.*

IV. Si quando acciderit mortuæ prægnantis cognatos aliquo vano prætextu incisioni prædictæ sese opponere; vel Chirurgos mercedem sibi, cæteroqui ex justitia indebitam, postulare, ad quam conjunctorum vires extendi non possent: tunc primo Parochi benigna omnia media experientur, ut eos ad partum Cæsareum persuadeant: secus utrisque, omnibusque aliis, qui obstarent, quo minus puerorum nonnatorum animæ in æternæ salutis

statum adducantur, poenam excommunicationis ipso facto incurrendæ comminabuntur: quam ubi graviditates occultæ, & infames fuerint; Parochi circumspecte se gerere debebunt, juxta prudentiæ, moralisque scientiæ regulas.

V. Cum eruditorum, ac celebrium Doctorum, etiam in praxi probabilissima sententia doceat, teneri matrem ex charitatis præcepto ad aliquem novum dolorem in Cæsarea incisione sustinendum, ut proprio foetui de æterna felicitate provideat: Parochi tamquam præcipuam sui muneris partem sibi statuunt, eam doctrinam a se tradendam esse, ubi id expediens, & opportunum videatur. Etenim hac ætate post tot experimenta Chirurgorum ars adeo in mechanicis operationibus eminet, ut & foetum ad baptismum suscipiendum extrahere possit; & prægnantis vitam, quamquam dissectæ, servare. (b)

VI. Pro

(a) Vanespen. p. 2. tit. 2. cap. 4. n. 25.

(b) Bodovv. Ventilabr. p. 2. q. 20.

Gobat n. 254.

La Croix lib. 6. p. 1. art. 2. dub. 6. q. 52. §. 2. n. 292.

Et præ omnibus Rainaud. c. 5.

VI. Pro tanti ergo negotii magnitudine, Parochi omnem diligentiam, & sollicitudinem conferant, ne per errorem prægnans cito mortua credatur: verum antequam ad incisionem deveniendum sit, attentius explorent, utrum ipsa vere jam animam efflaverit. Idcirco lumen parvæ candelæ cereæ labiis gravidæ admoveri curabunt: vel vasculum vitreum aqua plenum ventris orificio superimponi: motu enim alterutrius facile deprehenditur, utrum illa vivat, an non. Certi ergo prænantem expirasse, exquisitissimam solertiam impendent, non solum in extrahendo ad lucis consortium foetu, sed etiam in perscrutando, utrum sit unus, an plures, ut singulis sacra lotio tribuatur.

VII. Atque hic speciali memoria dignum est, gravissimum illud, quod Pastoribus incumbit, onus: non expectandi scilicet petitionem infirmorum, e plebe sua periclitantium: sed propriæ charitatis impulsu, vocationem prævenienti. Ad eos ergo prompte recreandos, atque adjuvandos ve-

ros animarum sese amatores exhibeant, illorum confessiones excipiendo, Sacrum Viaticum, & extremam unctionem administrando: eosque constanti, & fervida assistentia in ultimis vitæ periodis dignando, maxime si pauperes illi sint, ac prorsus auxilio indigentes.

VIII. Demum universalis Ecclesiæ sensum sequentes, quæ nuptialem benedictionem tantifacit, eamque matrimoniis jam ratis impertiendam decrevit; Parochorum zelum excitandum judicamus, ne sponso efficacissime hortari desinant, ut ad templa conveniant, ac missæ, quæ pro sponso, & sponsa celebrabitur, intersint, benedictionem consequuturi. Nequaquam vero ista negligant, ut quidam faciunt, qui cum cæteroqui aliorum specula esse deberent, nimirum nobiles, tanto bono sese ipsos nihilominus arcent. Ut igitur hujusmodi pervicaciam, Christianæ fidei lumini tam adversam, aliquando pervincant, Parochi eos edocere nitantur, quam magni sint, ac jucundi, quamque perennes fru-

ctus benedictionis istius, quam non sine aliorum admiratione refugiunt. Nam etsi forte prospero, sed raro eventu, res ipsis feliciter cedant; hoc nequaquam obstante, admonendi erunt, quam turpe sit semetipsos tantæ benedictionis gratia indignos ostendere: ut exinde, quamvis matrimonii vinculo jam diu ante ligati, eam in pretiosissimis habeant, ea-que tandem ad Ecclesiam venientes potiri mereantur.

IX. Præterea meminerint Parochi, quam serio sponso de futuro instruere teneantur, ut ab illo caveant abusu animabus exitiali: scilicet antequam in faciem Ecclesiæ ratum contraxerint matrimonium, inter se absque necessaria cautela, & assidua propinquiorum consanguineorum præsentia familiariter conversandi. Eos propterea commonefaciant, ut apertis oculis proximum periculum cernant in ea peccata prolabendi, ad quæ facillime alliciuntur: verum si monitis hisce non expergefati, in eadem domo simul de nocte com-

morari perrexerint; ipsis denuncient jam in excommunicationem nobis reservatam, Vicariis vero, Parochis, & Capellanis Curatis delegatam, incurrisse. Nam similem omnino censuram sapiens ac zelotes Lucensis Episcopus imposuit, atque decrevit, his admodum verbis: *Sponsi de futuro sub eodem tecto pernoctantes sine nostra, vel Vicarii Generalis licentia, incidunt ipso facto in excommunicationem nobis reservatam.*

Ita enim refert Constantinus Roncaglia egregius Theologus, & inclitæ Congregationis a Matre Dei ornamentum. Hæc autem mandata, atque poenam virtute præsentis a Parochis populo pluries omnino per annum explicanda esse declaramus: necessarium enim est, eorum refricari memoriam, ut sic in praxim, conscientia extimulante, deducantur. Statuimus vero præsens Edictum in Sacellis Ecclesiarum nostræ dioecesis affigi, & custodiri. Cantanæ Calendis Junii 1742.

Vincentius Maria Paterno Trigona Vicarius Generalis.
Locus † Sigilli

Joannes Sindona Magister Notarius.

MONUMENTUM IX.

*Edictum Episcopi Agrigentini pro mulieribus gravidis,
& moribundis.*

NOS D. LAURENTIUS JOENIUS AB ARAGONIA E Du-
cibus Andegavensibus, Dei, & Apostolicæ sedis gratia Episcopus
Agrigentinus, Pontificii Solii assistens, Regius
Consiliarius &c.

Deplorabilis quidem est calami-
tas illa, quod prægnanti-
bus mortuis nulla, ut plurimum,
cura propinqui premuntur, ut il-
læ juxta Romani Ritualis præ-
scriptum (a) incidantur, ac ita
parvuli saltem baptismo donen-
tur. Quod frequentius accidit in
graviditatibus occultis, & illegi-
timis, in quibus matres ipsæ ab-
ortum sæpe moliuntur. Necessa-
rium ergo duximus, Parochorum
zelum hoc Edicto perpetuo vali-
turo esse incitandum: ac sequen-
tium regularum usum esse statuen-
dum.

I. Præcipimus ergo, ut si qua
prægnans in mortis periculo ver-
setur; ejus domestici, ipsiusque
ac foetus propinqui statim id Pa-
rocho significant: quod si illi ne-
glicerent, idem onus notitiæ de-
ferendæ sub gravi culpa etiam
extraneis, ejus rei consciis, in-
cumbat: cum omnes juxta Posse-
vinum (b) non minus quam Paro-
chus ipse, in extrema illa necessi-
tate infantulo succurrere tenean-
tur. Si vero supradicti propin-
qui, atque domestici suo mune-
ri defint, ac puerulus propterea
sine baptismo perierit; omnes ip-
so

T t t 2

(a) Ritual. Roman. de bapt. Parvul. tit. 7. n. 3.

(b) Possev. de Off. Curat. c. 6. n. 10.

so facto majorem excommunicationem incurrant.

II. Parochis ipsis præcipimus, ut conjunctis non fidentes, de quibus scriptum est, *inimici hominis domestici ejus*: attente semper, atque sollicitè investigent, utrum foeminæ conjugatæ, quæ Viaticum accepturæ sunt, vel poenitentia in morbis gravibus expiandæ, utero gerant: dicente Mussartio in Manuali Parochorum cum Gobato: (a) *tibi Parocho ex singulari causa incumbet*. Hæc autem inquisitio multo magis facienda est, ubi suspicio, seu justus timor habetur occultæ graviditatis: veluti exempli gratia, si mulier non conjugata, præsertim juvenula, carnalia delicta confiteatur: tunc etenim interroganda, atque ubi graviditatem fateatur, obliganda erit ad rem extra confessionem detegendam: ut in casu mortis, infantis perditioni possit occurri, quæ cuicumque matris infamiae præponderat: adeo ut

si forte ipsa recuset; juxta theologorum doctrinam absolvi non possit. Profecto Pontas, & Sylvius ita expresse monuere: (b) *Si contumaciter filia persistat, nolitque ulli extra confessionem aperire: denegat ipsi absolutionem, tamquam ea indignæ prorsus, & indispositæ: cum nolit hoc facere, ad quod sub reatu peccati mortalis obligatur*.

III. Præterea iisdem Parochis mandamus, ut antequam infirma prægnans moriatur, eam visitent, ejusque conjunctos, aliosque domesticos ad partum Cæsareum, ipsa scilicet mortua, peragendum hortentur, illosque præmoneant, ea, quæ, ut omnia feliciter succedant, necessaria existimantur. Quoniam vero, si Parochus præsentia sua rem non urgeat, grave periculum subest, ne omittatur incisio, vel saltem tarde fiat, & incassum, eisdem Parochis præcipimus, ut ad finem usque operationis adstantes cum omni solertia & sollicitudine perleverent.

IV. Cura

(a) Mussart. Manual. Paroch. p. 2. c. 2. n. 7.

Gobat. tract. 2. bapt. cas. 8. n. 260.

(b) Pontas Diction. cas. consc. t. 1. conf. 2. casu 10.

Sylvius Resolut. variar. v. sigillum 1. Decembris 1648.

IV. Curabunt etiam diligenter, ut mature Chirurgus advocetur, & assistat, quousque prægnans expiraverit. Verum si Chirurgus haberi non possit; ejus officium suppleat barbitonfor, vel obstetrix: qui Physico partem secandam præsignante, saltem novacula incisionem perficient: curabunt quoque non solum, ut plures in suis Parochiis peritiam hujus operationis acquirant: sed ut etiam ipsimet aliqua circa secandi modum notitia erudiantur: neque deinde religioni sibi ducant, quominus per semetipsos Cæsaream incisionem, omnibus aliis deficientibus, exequantur: ne pueri scilicet anima, divino sanguine redempta, infortunium subeat perditionis æternæ; Cum non raro contingat, ait Vanespenius (a), nullum in Parochia inveniri, aut saltem hic, & nunc haberi posse, qui peritiam modumque convenientem aperiendi uterum, & extrahendi infantem habeat; oportet, ut

ipsimet Pastores, præcipue rurales, hujus rei aliquam notitiam a perito aliquo accipiant, qua subinde cogente necessitate uti possint. Id etiam sapienter in dioecesi Catanensi præscriptum est. (b) Imo doctrina, quam tradidit Gobatus, eosdem severioribus loquendi formulis ad hoc ipsum adstringit. (c) Quamvis autem conjuncti, vel hæredes perito secanti mercedem debeant; attamen nequibit hic sectionem omittere ob illam dene-gatam. Pro pauperibus vero eam gratis ministrare tenetur: imo sub gravissima culpa sponte se ipsum offerre, etsi non vocatus, tum divitibus, tum pauperibus, etiam in solo dubio, an foetus vivat: quod cum Theophilo Rainaud Gobatus quoque adnotavit. (d)

V. Matre defuncta, se de morte certiores reddent ad ipsius labia filum lini, aut lanæ, vel lumen parvæ candelæ admoventes, quibus perspiciant, utrum, quæ

I t t 3.

mortua

(a) Vanesp. p. 2. tit. 2. cap. 4. n. 27.

(b) Edict. Cal. Junii 1741. supra relat.

(c) Gobat. tract. 2. cas. 5. n. 19. & seq. & cas. 7. n. 237.

(d) Theoph. Rainaud. t. 1. de ortu infant. per sect. Cæsar, c. 6. n. 22. & 23. Gobat. Append. 3. ad tract. 2. bapt. n. 24.

mortua creditur, talis revera sit, an motu indicium præbeat respirationis: deinde os illi arundinea fistula, & absque nodis antea præparata, ipsique imposita, detineatur apertum, juxta Coloniensis Synodi A. 1528. & Cameracensis A. 1550. decreta: non quasi necessarium credamus hoc ad infantis respirationem: sed ut ventrem aer frigidior, & nitidior, inde etiam utero communicandus, introeat: & ut e maternis visceribus exhalent cadaverica effluvia, quæ infanti exiguum illum vitæ spiritum, qui durat adhuc, extinguere possent: etenim quando mater expirat, foetus in extremo fere mortis agone versatur: quamobrem supervivere non solet, nisi per horam, vel horæ dimidium, nec raro etiam valde minus. Alia quoque cautio juxta Rainaudum creditur expedire, uteri videlicet regio fovenda erit pannis ad ignem calefactis. (a)

VI. Itaque mandamus operationem post mortem prægnantis

quamprimum esse faciendam: at si non modicum tempus elapsum sit; nihilominus incisionem jubemus non omitti: neque unquam Parochus fidet Medicis, & Chirurgis infantem mortuum esse testantibus, quamvis etiam eum genitrici præmortuum asseverent. Si enim jura (b) maritum vivum semper præsumunt, etsi nimis diuturna fuerit ejus absentia; & secundas prohibent uxori nuptias: quanto magis vivi præsumendi sunt infantuli, ut eis baptismum conferre studeamus? Præsertim quia non raro divina providentia, quæ illos ab æterna morte per baptismum liberare contendit, eosdem contra omnium physicarum rationum apparentia argumenta custodit incolumes. Willemus Fabritius Medicus Germanus (c) fatetur, se in hoc negotio cum obstetricibus, aliisque post exactissimas investigationes fuisse deceptum, & nostris hisce diebus duo infantuli, quamvis sine arundineæ fistulæ adminiculo, unus post viginti tres horas, alius post

(a) Theophil. Rainaud. dict. tract.

(b) Cap. in præsentia de Sponsal.

(c) Willemus Fabritius Hildan. fol. 1750.

post viginti quator a matris indubitata morte defluxas, vivi inventi sunt. Præterquam quod cum sectio adhibetur, nihil omnino amittimus: imo vero exoptatum finem plene consequi possumus: uti & citatus Fabritius, & Gobatus (a) admonuerunt: quocirca præstat, ait ille, ut potius centies secentur, etsi irrito eventu, matres mortuæ; quam ut eis parcendo, negligatur vita unius unici infantis.

VII. Abdomen linea simplici longitudinali, non vero ad crucis figuram duplici, secanda est: ut si forte prægnans defuncta non sit, facilius deinde sanari possit. Chirurgus autem investigabit, utrum unus revera sit infans, an duo, vel plures: forte namque erunt multi, ut pluribus exemplis notavit Rainaudus, (b) maxime cum possibiles censendæ sint superfoetationes.

VIII. In dubio, an vivat formatus infans, imponatur

subito ejus capiti manus, & si pulsatio arteriarum percipitur; illico & absolute baptizetur. Fœtus vero incompletus, quantumcunque parvus, & male figuratus, dummodo motum ostendat, sub conditione baptizabitur: nam, uti Lacroix animadvertit: (c) Auctores gravissimi cum Cardenas in sua Chrysi, disputatione decima quarta recte dicunt, omnes fœtus abortivos mulierum, etiam imperfectissime figuratos, esse, conditione scilicet saltem adjecta, baptizandos, si dent aliquod signum vitæ per motum: quia putant aliqui Medici, quod fœtus humani post paucos, v. g. tres vel quatuor dies a conceptione, statim animantur anima rationali.

IX. Si quis defunctæ sectioni, licet consanguineus, maritus, vel affinis obstaret: aut peritus eam exequi renueret, etiam in casu, quo mercedis nulla spes esset, ipso jure, sequuta infantis morte sine baptismo, majorem excommunicationem incurrat. Verum

(a) Gobat. in Append. 3. ad tract. 2 bapt. n. 30.

(b) Rainaud. de ortu infant. per sect. Casar. c. 10. n. 14.

(c) La Croix l. 6. p. 1. de bapt. dub. 4. n. 294.

rum Parochus, præterquam quod illis hoc præceptum, atque censuram ante denunciabit; infantis discrimen ad Episcopum deferet, imo ad Magistratus ipsos laicos, qui omnino ad concedendum brachium suum auxiliare tenentur, quo defunctæ propinqui compellantur: cum ipsæ paganorum leges tanquam in homicidas animadvertant in eos, qui gravidam, neglecta incisione, sepehant. Ita lex secunda D.D. de mortuo inferendo: *Negat lex regia, mulierem, quæ mortua sit, humari, antequam partus ei excidatur: qui contra fecerit, spem animantis cum gravida peremisse videtur.* Quanto magis ergo apud Christianos, cum apud eos non de sola corporali infantis vita, sed etiam de spirituali eidem tribuenda per baptismum agatur? Quod si quis hujusmodi puer absque baptismo forte perierit; Parochus, uti Doctores monent, (a) rogatis testibus de adhibita a se omni diligentia, semper ad nos eventum, sub poena suspensionis

ipso facto, denunciaret: in civitate quidem infra trium dierum terminum, octo vero in diœcesi: ut eos, qui officio suo defuerunt, poenis Canonicis puniamus. Et quamvis in occultis graviditatibus omnis, quantum fieri potest, circumscriptio, quam suggeret christiana prudentia, in usum venire debeat; nihilominus nunquam æterna infantis perditio erit permittenda.

X. Insuper ad abortus eliminandos, præcipimus, omnes, etiam extraneos, qui sciant prægnantem aliquam abortum tentare, vel alios ejusdem abortum procurare medicaminibus, vel sine illis; aut etiam ponderibus, vel alio quocumque excogitabili medio; ubi aliter ipsi delictum impedire non valeant; saltem teneri ad rem Parocho citius aperiendam, si poenam excommunicationis majoris ipso facto, abortu sequuto, subeundam vitare cupiunt.

XI. Parochi declarabunt, voluntate

(a) Gobat. d. tract. 2. c. 8. n. 260. & seq.
 Mussart. Manuale Paroch. p. 2. c. 2.
 Possevin. de offic. Curat. c. 6. n. 19.

luntarium abortum inter immania crimina computari, imo ubi foetus est animatus, esse verum, ac proditorium homicidium, & immunitate ecclesiastica indignum: scelus denique omnium, quæ contra proximum patrari possunt, præsertim a matre, horrendissimum: cum illum vita privet corporali simul, & æterna. Ulterius ex Bulla Sixti Quinti, & Gregorii Decimquarti (a) abortum hujusmodi procurantes, aut quoquomodo ad eum cooperantes, ipso facto in excommunicationem majorem incidere, primo Papæ, deinde Episcopis reservatam: quod si illi Ecclesiastici sint, in perpetuum beneficiis omnibus acquiritis, & acquirendis esse privatos: imo degradationis reos constitui, qua facta, brachio sæculari tradendi sint, ac morte plectendi. His addent, veterem Ecclesiæ disciplinam mulierem impudicam, quæ deinde abortum procuraverat, ad poenitentiam publicam & perpetuam compu-

lisse, imo mandasse, eam non nisi in articulo mortis absolvi: Concilium sane Ancyranum (b) rigorem hunc mitigasse, decem annorum poenitentia contentum: verum Concilium Eliberitanum paulo post celebratum (c) prohibuisse, adulteram, abortum procurantem, etiam in hora mortis reconciliari; ejus salutem soli contritionis efficaciam, ac divinæ misericordiam committens: quam se veritatem neque contra ipsos hæreticos, magos & apostatas adhibemus.

XII. Ex adverso iidem Parochi docebunt, sensum esse gravissimorum auctorum, matres in partu difficili, ubi parvulus certo periturus esset in utero sine baptismo, teneri non solum ad susferendam speculi matricis operationem, sed & ipsum Cæsareæ incisionis dolorem, etsi cum aliquo propriæ mortis, dummodo non quasi certæ, periculo: ut integro pene tractatu probavit

U u u

Rai-

(a) Sixtus V. *Constit.* 87. *Effrenatam.*

Gregor. XIV. *Constit.* 8. *Sedes.*

(b) Concilium Ancyran. *sub S. Melchiade Papa Can.* 21.

(c) Concilium Eliberit. *sub S. Sylvestro Can.* 62.

Rainaudus: neque negligent, ubi vota sua consequi se posse sperabunt, eas ad excelsum istum charitatis actum hortari.

XIII. Demum præsens Editum singulis annis in Missa Parochiali diei Sanctorum Innocentium statuimus esse legendum: quo etiam die animarum Pastores contra execrandum eorum scelus, qui infantulos nonnatos cum matribus defunctis perire sinunt, vel abortum procurant, declamabunt: cujus quidem lectionis Editi, habitæque concionis documentum a se subscriptum, & in

diocesi a Vicario etiam locali, & in ejus defectu a Præsbytero seniore, sub multa decem aureorum, quotannis ad nos infra mensem dirigere tenebuntur: & insuper ardenti zelo, & charitate eorum, quæ hic statuuntur, executioni invigilabunt. Verum si id alicui nimis grave onus videatur; aurea sapientissimi auctoris manualis Parochorum verba respondemus: (a) *Multa, inquires, mandas: verum est; sed tanti est, infanti periclitanti Parochum non defuisse.* Datum Agrigenti tertio Calendas Augusti 1744.

Laurentius Episcopus Agrigentinus.

Jussu Domini mei Episcopi Agrigentini
D. Didacus Modica Cancellarius.



MO-

(a) Manual: Paroch, loc. cit.

MONUMENTUM X.

Edictum Episcopi Pactensis.

IACOBUS EPISCOPUS PACTENSIS INQUISITOR GENERALIS.

Strictissimæ, quæ conscientiam nostram premit, obligationi, sollicitudo respondet, qua per præsens Edictum plerisque omissionibus, quæ a Pastoribus animarum præsertim in negligenda cura salutis æternæ infantium nonnatorum admittuntur, occurrere, ac providere satagimus.

I. Ante omnia igitur tum eis, tum eorum administris in tota nostra diœcesi ad memoriam revocamus onus, quod ipsis incumbit, omnibus explicandi, quam enorme sit crimen, abortum animati præsertim foetus procurare: quod quidem tam immane Concilii Eliberitani Patribus visum est; ut nec in morte illud absolvi voluerint, sed misericordiæ divinæ, & perfectæ contritionis efficaciam reservaverint expian-

dum: quam severitatem hodie neque in ipsis hæreticis, magis, apostatis, alteriusve gravissimi sceleris reis puniendis intuemur.

II. Studebunt ergo Parochi, & alii, quibus animarum cura credita est, populum instruere, ac admonere de excommunicatione nobis reservata, in quam ipso facto prolabuntur, qui sive medicaminibus, sive venenis, sive verberibus, aut quomodolibet abortum procurant foetus jam animati.

III. Si quis vero mulierem noverit abortum, puta per medicamina, attentare, vel ab alio ejus abortum procurari; debet ex conscientiam munere (ubi alius impediendi modus non suppetat) rem Parocho, seu Curato Capel-

lano detegere, ut hic remediis, quæ ipsius prudentia ad tantum malum avertendum opportuniora, & expeditiora judicaverit, antevertere possit; ac insuper nobis negotium communicare, a se data remedia significando, ut ex his dignoscamus, utrum forte a nobis oporteat validiora conferri.

IV. Maxime autem convenit admonere pharmacopolas, medicos, & barbitonfores, ne medicamenta præbeant, vel sanguinem extrahant mulieribus, cum earum pravam intentionem, abortum talibus mediis ciendi, fuerint subodorati. Medici præsertim in curandis prægnantibus magna cum circumspectione procedant, caventes ne, dum genetricis corporalem salutem quærunt, medicaminibus foetui mortem animæ, corporisque inferentibus, utantur.

V. Si abortus contigerit; exquisitiori, qua poterit, diligentia subito inspiciendum est, utrum foetus, quamquam exilissimus, & imperfecte figuratus, per motum vitæ signa fortassis ostendat. Ad dignoscendum autem, utrum

foetus adeo modicus, & male figuratus vere motu gaudeat, eum vasi aquæ pleno juvabit immittere, ubi motus sit sensibilior: motu deprehenso, baptizandus est sub conditione, quæ Sacramenti decus in tuto reponat. Si Clerici desint, baptizabunt laici: imo in aliorum defectu, pater ipse vel mater.

VI. Præterea si mulier in mortis periculo constituta se prægnantem agnoscat; graviditatem suam, quamvis illegitimam & occultam, declarare tenetur. Licebit autem vel Parocho, vel alteri, cui magis fidere arcanum libuerit, ipsum revelare, ut ille in casu mortis prudentiori modo, ac secretiori, quo poterit, quæ sunt agenda, provideat. Quocirca prægnans, quæ ista omittit, graviditatem non manifestans, propriæ conscientiæ debito nequaquam satisfacit, sed peccat: & moriens in peccato suo morietur. At si legitima erit prægnatio, a fortiori eam revelare debet, ut interim incisio disponi, & morte deinceps eveniente peragi queat. Hanc tamen chirurgus eliciet, vel in
ejus

eius absentia barbitonfor, utroque autem deficiente, quicumque illam aptiori modo ministrare sciverit, aut voluerit.

VII. Quapropter Parochi diligentissime satagent, ut maritus, propinqui atque domestici omnes probe cognoscant, onus ipsis incumbere denunciandi moribundæ graviditatem; qua posita notitia possit incisio procurari; quamquam unius diei spatium a morte matris effluxerit: nam experientia compertum est, etiam post tantum temporis intervallum, pueros quandoque inveniri vi-ventes.

VIII. Si defunctæ consanguinei, vel maritus incisioni reluctentur; Parochus ad id eos compellere debet, ac si opus est, apud magistratum instare, qui, cum nihil aliud in his circumstantiis per defunctæ matris incisionem exquiratur, nisi æterna, & spiritalis filioli salus, auxilium brachii sui præbere omnino tenebitur. Ut autem clarius dignoscatur, utrum mulier extincta sit; expediet manum cordi superimponere:

sive nec ibi, nec in arteriis motus appareat, mortua prudenter judicari poterit, & operatio inchoari: non tamen in crucis modum, uti in dissectione ad cadavera balsamis condienda, vel ad anatomicas demonstrationes assolet: verum longitudinaliter, incipiendo, a parte supra umbilicum, & ab hujus latere, ac recta linea inferius descendendo, tali autem vulneris amplitudine, ut ad foetum extrahendum sufficiat. Ubi parvulus moribundus appareat; non inde extrahitur, ne per ipsam forte motionem vivendi finem faciat, sed in ipso ventre baptizabitur: vividus tamen foetus educitur primum, ac deinde baptismate initiatur.

IX. Si quando dubium fuerit, utrum foetus vivat, an non; id explorabitur ipsius capiti, ubi arteriæ micant, vel etiam cordi, manum imponendo: ac si minima percipiatur pulsatio, absolute baptizabitur, cum ea manifestum sit vitæ signum: si vero pulsatio non satis discernitur; quapropter dubitatio de vita persistat; illico sine aliqua temporis jactura,

convenit, eum sub conditione, quæ Sacramenti honorem tueatur, baptizare.

X. Ubi periti ad incisionem faciendam defint, cura erit Parochi, ut alius, qui magis idoneus ad eam reputabitur, eligatur: imo si Parochus sese aptum agnoscat; fidenter, & eo meliori modo, quo poterit ad operationem peragendam semetipsum accingat. Quamobrem non nisi laudabile arbitramur, si Parochi omnes præmature modum faciendæ incisionis addiscant, in casibus improvisis, ac subitanis peritorum defectum suppleturi. Magno etiam auxilio Parochis omnibus, & Capellanis Curatis erit, si sibi comparent librum, cui titulus Em-

bryologia Sacra, in quo valde copiose, docte, & erudite materia ista ab illius Auctore D. Francisco Emmanuele Cangiamila Panormitano tractatur, cujus zelo specialis illa cura debetur, quæ, cum antea in hujusmodi negotiis negligeretur, nostris hisce diebus elucet. Statuimus ergo præsens Edictum, postquam lectum, & promulgatum fuerit, in Sacellis esse affigendum, quotannis deinde Sanctorum Innocentium die, in majori scilicet parochiali missa relegendum, & publicandum: tunc vero RR. Parochi, & Capellani Curati populos edocere, ac monere studeant ea, quæ in eodem Edicto continentur. Datum Pactis sexto Idus Aprilis 1747.

Doctor Canonicus Prior Joannes Antonius Martiani Vicarius Generalis.

Not. Paschalis Dixidomino Cancellarius Episcopalis,
& Magister Notarius.

ANNO-

ANNOTATIO.

I. **A**lia hic Edicta subjungi possent a præclarissimis hujus Regni Siciliae Præsulibus lata, scilicet.

I. Matthæi Trigona Episcopi Syracusani, deinde Archiepiscopi Iconiensis. Datum Panormi IV. Idus Aprilis 1742.

II. Francisci Conradi Metropolitanæ Ecclesiæ Monregalensis Vicarii Generalis sede vacante. Calendis Maji 1749.

III. Francisci Testa Episcopi Syracusani, ad præsens Archiepiscopi Monregalensis. Undecimo Calendas Octobris 1749.

IV. Silvii Cardinalis Valenti Gonzaga Archimandritæ Messanensis cum territorio separato per Prudentium de Pactis Priorem Cassinatem Vicarium Generalem, nunc Episcopum diocæsareensem. Quinto Nonas Martii 1750.

V. Marcelli Muscellæ Abbatis

Sanctæ Luciae Nullius Diocesis. Quarto Idus Maji 1750.

VI. Francisci Mariæ de Miceli Episcopi Liparitani. Quinto Calendas Novembris 1750.

VII. Jacobi Bonanno Archiepiscopi Monregalensis. XIX. Calendas Februarii 1754.

VIII. Vincentii Mariæ de Francisco Episcopi Liparitani, Archiepiscopi Peleusiensis V. Cal. Januarii A. 1758.

Hoc Edictum absolutissimum est, totam enim continet seriem Panormitani, addita n. 4. monitione superius transcripta de parvulis propter asphyxiam sub mortuorum larva nascentibus. (a) Consimilia tamen Liparitano, & iisdem plane verbis in parte, ut ajunt dispositoria, etiam circa parvulorum asphyxiam, Edicta condiderunt Carolus Mineo Patensis Episcopus, & Joachimus Castelli Episcopus Cæphaledensis.

(a) Embryol. l. 3. c. 18. n. 5. fol. 368.

sis. At ista, & paulo ante notata & alia, quandoquidem cum superius exscriptis, præsertim Panormitano fere coincidunt, ne volumen excrescat, omittimus.

2. Quoniam vero Siculorum Episcoporum zelum in condendis pro nonnatis Edictis æmulati sunt alii; saltem hic addam illud egregii Cremonensium Antistitis.

MONUMENTUM XI.

Edictum Episcopi Cremonensis!

IGNATIUS MARIA FRAGANESCHI, Dei, & Apostolicæ Sedis gratia Episcopus Cremonensis, Comes &c. Prælati Domestici, ac Pontificii Solii Assistens.

Indeclinabile illud pondus dilectissimo gregi nostro invigilandi, cujus Custodem atque Pastorem nos eligere dignatus est Dominus, aliud post se trahit, nimirum ut opportune accurrentes, casibus illis, qui majorem exigunt sollicitudinem, provideamus. Quoniam vero præcipuus curarum nostrarum scopus in lucranda omnium studio animarum nobis creditarum salute situs est: in eas obtutus nostros maximopere intendendos arbitramur, quæ ex una parte extrema laborant necessitate

pastoralis officii, & ex alia nec sibi ipsis consulere possunt, nec ab aliis opem postulare. Quis non intelliget hic de pueris illis sermonem esse, qui vel nondum nati, vel si nati, non tamen divinæ gratiæ per baptismi sacramentum renati sunt? Hi nobis præcipue insident cordi, hosque inferiorum Pastorum diligentia enixius commendamus, ut omni, qua possunt, solertia, ad eos sacri baptismatis aquis regenerandos utantur: quo unusquisque ipsorum in postremo die tuta conscientia coram æterno iudice

judice protestari valeat: *Mea quidem culpa non perdidit ex eis quemquam.*

Si lex enim charitatis ad subveniendum proximo in extremis necessitatibus, præsertim spiritualibus, adstringit omnes: mandavit namque Deus unicuique de proximo suo: quam sane major in similibus erit Pastorum obligatio, cum charitatis legi copuletur in iis justitiæ debitum ex proprio munere manans, quod humeris ipsi suis, animarum regimen assumendo, imposuerunt?

Ante omnia igitur Parochi omni ope contendant, ut parvuli recens orti quam citius baptizentur: ita enim periculum satis frequens evitabitur, ne cum temporali vita æternam simul amittant. Quapropter poenam illis a Concilio Provinciali statutam in memoriam revocamus. Quoniam vero, antequam infans ad Ecclesiam deferatur, interdum ob mortis periculum baptizari necesse est; exactissimis examinibus certiorari se studeant, obstetrices in hoc Sacramento ministrando esse vere, probeque eruditas. Imo cum in casibus inopinatis necessitas

quemlibet cogere possit ad illud conferendum; satagant in catechesibus de modo tuto baptizandi populum edocere. Si quando tamen foetus per abortum ante tempus egrediatur; periculum ne forte baptismo fraudetur, non erit imaginarium, sive ob ignorantiam eorum, qui mortuum reputant, cum tamen vivat adhuc, sive ob aliorum malitiam, crimen proprium de industria occultare nitentium, ne scilicet infamiæ notæ subjaceant. Studebit ergo maxime Parochus, ut baptismus, cum vitæ signa dabit clara; absolute: sub conditione vero, ubi vita, vel animatio erit dubia, conferatur. Animadvertat autem, ne tam firmiter propriæ adhæreat opinioni, ut alienis, & parvulorum animabus magis favorabilibus locum deneget, cum periculo ne certo pereant, quæ probabiliter salvari potuissent. Nec tamen prudentiam istam sibi tantummodo reservet, sed populo suo in instructionibus communicabit. In eisdem vero doceat, quam graviter peccent, qui abortum procurant, poenasque tum a Iure Civili, tum a Canonico sanc-

tas explicet, ardentique zelo contra illos declamet, qui foetui vitam naturalem simul, & supernaturalem, gratiae scilicet, auferunt, eum de industria baptismi sacramento privantes. Si autem, priusquam in lucem exeat foetus, forte decedat mater; tunc maxime instat periculum, ne illa sepe liatur absque eo, quod de parvulo, praesertim illegitimo, liberando aliqua subeat cogitatio. Hic ergo Romani Ritualis nitidissimum praeceptum refricamus: *Si mater praegrans mortua fuerit, foetus quamprimum caute extrahatur: ac si vivus fuerit, baptizetur.* Idem edixit S. Carolus Borromeus in instructione pro baptismo, idem quoque plures profecto Synodi in pluribus Provinciis praeeperunt. Imo foetus extractio ab ipso jure civili in titulo Digestorum de mortuo inferendo decernitur. Constat insuper, hanc legem nuper in quodam regno a laica potestate renovatam, levissimam poena constituta & iis, qui legis executionem temere impedire ausi fuerint, & iis, qui operam tantummodo suam conferre

neglexerint. (a) Parochi ergo instruendos de hujusmodi praeepto populos toto pectore incumbant, omnique solertia fatigant, ne res tanta floccipendatur. Caeterum si praegnatio illegitima fuerit; prudenter, secreto, ac circumspiciente negotium istud peragere oportebit.

Demum in hac adeo gravi materia satis ad intentum fecisse censebimus, ubi cunctos monuerimus, typis Mediolanensibus nuper iterato editum opus, ex quo cognitiones omnes haurire poterunt ad hunc finem conducibiles. Inscribitur autem Embryologia Sacra, ejusque non pauca exemplaria Cremonam perlata sunt. Auctor dignus est Ecclesiae Minister, tum singulari doctrina, tum diuturna experientia in Parochiali munere acquisita; ejusque liber in pluribus Italiae urbibus multum cum laude exceptus est. Integrum nobis esset, aliorum sequi exemplum Episcoporum, qui universos ditionis suae Parochos, ut quisque ejusdem libri exemplar apud se habeat, coegerunt. In

quo-

(a) Ad leges alludit Siculas, quas paulo ante jam dedimus.

quorum numero eximium certe est, ut omnes pro certo sciant, attentissime nos excubatu-
 rum, & ad eos prospiciendos, qui forte officio suo deerunt, & ad poenas, etiam duriores, infligendas, pro-
 ut singuliculus postulabunt. Cunctis ergo Vicariis Foraneis jube-
 mus, ut pro re tanti momenti in sua quisque jurisdictione summam adhibeant sollicitudinem: nobis-
 que fideliter contingentia mala denuncient. Omnibus tamen interea
 pastorem nostram benedictionem impertimur. Cremonæ ex
 Episcopo 7. Calendas Septembris 1750.

Ignatius Maria Episcopus.

P. A. Brambilla Cancell.



MONUMENTUM XII.

Articulus octavus Epistolæ Edictalis, & Encyclicæ Reverendissimi Patris Dominici Pizzi Præfecti Generalis Clericorum Regularium Ministrantium infirmis vulgo cruciferorum ad suos datæ sub initium ejus Magistratus Romæ 3. Cal. Septembris 1752.

Quicumque e nostris ad extremum prægnantium agonem affidebit, nullam prætermittet industriam, ut genitricis morte fequuta, baptismus ejusdem proli conferatur. Itaque mature Parocho rem significabit: satagetque insuper, ut præsto sit Chirurgus, vel alius ad partum Cæsareum efficiendum idoneus. Si enim in his circumstantiis Christiani omnes tenentur sub gravi ad æternam nonnatorum puero- rum salutem procurandam, ac propterea ad eorum baptismum sollicitandum: multo magis te- nebitur infirmorum Minister, qui ex proprii instituti munere ibidem adsistit.

Et in Reg. & Constit. Ordin. Recentior. A. 1754.

Si quando nostri moribundæ alicui gravidæ adsiterint; curabunt, ut ejus morti Parochus, & Chirurgus vel alius ad cæsaream sectionem aptus intersit: ut baptismus foetui possit quantocitius impertiri.



MONUMENTUM XIII.

*Excellentissimi Domini Eustachii Ducis de la Vieville
Siciliæ Proregis Instructiones pro Deputatione
projectorum.*

Cum opportuno indigeat remedio grave illud malum, quod passim in hoc regno grassatur: læpenumero scilicet pueros, ex illegitimo concubitu natos, in vias projici, imo & in campos, ubi vel fame quidem pereunt, vel a canibus aliisque bestiis devorantur; decrevimus infelicibus istis congrua ratione subvenire.

Quapropter ad omnes Regni Universitates circolare mandatum direximus, in quo omnibus earum Juratis Patribus generalem normam præscripsimus: qua deinceps ratio dandi parvulis projectis auxilii tuta, & perpetua permaneret. Præcepimus insuper Juratorum Visitatoribus, quos Magistros Juratorum appellant, ut in visitatione civitatum Regiæ jurisdictionis hujusmodi re-

bus invigilent: similiter etiam regni præsulibus, ac Regiæ Monarchiæ, & Apostolicæ Legationis Judici, varias regulas ad eum finem conducentes insinuavimus, quarum nonnullæ nosocomia, aliæque pia loca, eorum potestati subjecta, & ad recipiendos projectos destinata, respiciunt. Verum animo perpendentes, ad absolutum generalis hujus providentiæ adimplementum necessarium esse, ut in hac urbe principe collegium sive coetus institueretur virorum spectabilium, & zelo, atque prudentia præditorum, qui provinciam istam in se suspiciant, illud erigere ac stabilire decrevimus.

I. Hoc ergo collegium Deputatio projectorum appellabitur.

X x x 3

II. Ex

II. Ex quinque viris a Prorege per chirographum hujus Regiæ Secretariæ electis constabit: scilicet ex viro ecclesiastici ordinis, & in dignitate constituto, & quatuor nobilibus, quorum duo saltem e Dynastarum numero assumuntur. Eisdem cooperabitur Secretarius Clericalis conditionis, honesto loco natus, ac scientia, & charitate ornatus, a Prorege similiter per chirographum ejusdem Regiæ Secretariæ statuendus, qui tamen votum in deputatione habeat mere (ut ajunt) consultatorium.

III. Deputationis indefessum studium, & scopus erit primo executioni constitutionum, & mandatorum, quæ matura præcedente deliberatione pro projectis emissimus, invigilare: ac propterea præsentibus instructionibus exempla Chirographorum adjunximus, regni Præsulibus, ac Judici Regiæ Monarchiæ destinatorum. Insuper tum encyclicum decretum, quod omnibus regni universitatibus, tum aliud, quod Magistris Juratorum dedimus cujuscunque Provinciæ.

IV. Præterea ex munere suo speciali Deputatio Principi suggeret, quidquid in dies, vel aliquando successu temporis promovendum, vel præcipiendum emerferit: quo hujus piæ, ac politicæ providentiæ plenior effectus, imo & perfectio haberi possit.

V. Deputatio per vices in domo singulorum quinque deputatorum congregabitur.

VI. Id saltem fiet secunda cujuscunque mensis hebdomada, nimirum ad discutiendas Parochorum, vel Juratorum relationes, a quibuscunque regni locis fortasse provenientes.

VII. Congregabitur quoque tertia Januarii, & secunda Julii hebdomadis, cum scilicet semestres relationes, quarum forma in mandato circulari ad universitates misso explicatur, a toto regno provenient.

VIII. Liberum tandem erit deputatis Collegium inire, quotiescumque necessarium arbitrabuntur.

IX. Pro-

IX. Propter semestres relationes, quæ, sicuti dictum est, ab universitatibus mittendæ sunt; Deputatio circa finem tum Januarii, tum Julii Consultationem ad Proregem ex his, quæ a relationibus comperta fuerint, adornabit.

X. Idem omnino faciet, & aliis anni temporibus, ubi relationes accipiet, quæ Principis providentiam exposcant, vel quidquam insurget, quod Deputatio ad illum deferendum esse censuerit.

XI. Deputationis tamen Secretarius rationem habebit omnium Chirographorum, & Mandatorum Principis, foliorum, & consultationum ad Deputationem directarum: eaque omnia ordinate digesta custodiet. Registrabit etiam, quæ Principi Deputatio repræsentabit, & omnia demum, quæ litteris mandare oportuerit.

XII. Suggestenda vero sunt nobis a Deputatione media opportuna, seu modi, quibus expensæ officium Secretarii necessariæ valeant suppeditari.

XIII. Quandocumque five ob alicujus mortem, five ob justam aliam causam, unus, vel plures e quinque Deputatis, vel Secretarius, erunt noviter eligendi: Deputatio Proregi tres viros zelo, ac prudentia, & qualitatibus vacanti loco respondentibus ornatos nominabit: ut Prorex ad illum promoveat, quem aptiorem judicaverit.

XIV. Cum erectionem hujus Deputationis ejusque munera Præfulibus, Magistris Juratorum, & Juratis omnium Universitatum per Chirographos hodie significaverimus; eos una monuimus, ut epistolas, & consultationes, quas ab illis quandocumque ad Proregem de projectis mitti contingerit: eas cum hac inscriptione per publicum tabellarium inrigant: *Ad Proregis Excellentiam per Deputationem projectorum*; Curabit itaque Deputationis hujus Secretarius epistolas omnes cum prædicta directione venientes accipere, a se in Deputationis congressibus, quotiescumque oportebit celebrandis exinde referendas.

Panormi tertio Id. Januarii 1751.

DUX DE LA VIEVILLE.

MO-

MONUMENTUM XIV.

*Mandatum Proregis Encyclicum de projectis ad Senatus,
Juratosque Patres Civitatum, & Pagorum
Regni Siciliae.*

Cum in hoc Siciliae Regno saepe, sicuti certo cognovimus, infantes illegitimis orti natalibus in viis vel etiam in pratis exponantur, ubi opportuna ope deficiente, vel inedia confecti demum occumbunt, vel a canibus, ferisque discerpti devorantur; tam vere miserando infortunio sequenti perpetua ordinatione, ab omnibus Regni Universitatibus fidelissime observanda, idoneum remedium asserre statuimus. Illam igitur Dominationibus vestris inculcamus in iis, quæ ad ipsas pertinebunt ad amissim exequendam.

I. In omni civitate, vel pago, ubi nosocomia, vel similia pia loca forte instituta sunt, quæ ad excipiendos, alendosque projectos infantes, ac proinde ad rotam

habendam tenentur; instabunt Jurati, ut hæc a propriis nosocomiorum prædictorum, locorumve piorum gubernatoribus exacte adimpleantur.

II. Ubi in civitatibus, vel pagis, nec nosocomia, nec alia sunt loca pia ad rotam pro infantibus excipiendis patentem erigendam obligata; eam ipsa Universitas habeat in domo a Juratis destinanda, quæ commode in loco nec valde publico, sed ab Archipresbytero, seu Parocho ipsius approbato, sita sit.

III. Patebit etiam rota in Universitatibus illis, quæ qualicumque de jure sentiunt aliquod ejusdem loci nosocomium, aliudve pium opus ad eam exponendam obligari: nec ab onere liberabitur

tur Universitas, nisi prius vel per sententiam, vel per transactionem, vel alium sane modum nosocomium ipsum, vel pium opus, id sibi oneris assumpserit.

IV. At ubi quocumque jure putet Universitas ad nosocomium aliudve pium institutum, five in eadem civitate, vel pago, five in alio fundatum pertinere ipsius Universitatis projectos alere, ac pro iis excipiendis rotam exponere; Jurati pro iis apud legitimos prædictorum nosocomiorum, operumve piorum Superiores instabunt.

V. Si quando in rota alicujus Universitatis projecti infantes inveniantur, ejus Jurati sub currentis mensis finem ad nos referre debebunt eorundem infantium numerum, providamque curam pro ipsorum nutritione susceptam.

VI. In civitatibus, vel pagis, ubi nosocomia, vel alia opera cum Deputatis ad excipiendos, alendosque projectos existunt: nihilominus in fine mensis Jurati similem de illis relationem ad nos

transmittere tenebuntur. Addent autem authenticum documentum a Rectoribus, & Gubernatoribus nosocomiorum, piorumve locorum, juxta mandata mox a propriis Præfulibus recipienda, exaratum.

VII. Jurati earum civitatum, & pagorum, quæ inconcussum jus habent projectos suos ad nosocomia, locave pia aliarum civitatum, vel pagorum mittendi, sicuti hoc non obstante rotam in sua civitate, vel pago statuere ac perpetuo servare debebunt: ita in cujuscunque mensis fine rationem nobis reddent projectorum, qui eo decurrente in rota inventi fuerint. Transmittent quoque adnotata nomina eorum, quibus infantes antea baptizatos ad prædictas civitates, aut pagos commiserint deferendos. Adnectent denique documenta de receptis infantibus, quæ a nosocomiorum, aliorumque piorum institutorum Officialibus infantium portitores pro sua, juratorumque mittentium cautela obtinere debuerunt. Jurati autem hæc documenta dabunt nobis originalia: eorum ta-

men exemplum authentice descriptum pro sua indemnitate in officiis archivisque suis conservabunt.

VIII. Quibus mensibus projecti reperti non fuerint; Jurati Universitatum menstruam relationem conscribere non tenebuntur: debebunt tamen semper quolibet semestri rationem nobis reddere; utrum rota per antea actum semestre continuo patuerit. Insuper etsi quolibet mense de projectis inventis particulatim significaverint; attamen transacto jam semestri, generalem omnium in ipsius decursu repertorum relationem adornabunt, atque transmittent, in qua etiam, quomodo illorum nutritioni consultum fuerit, explicabitur. Si vero toto semestri nullus infans repertus fuerit; nihilominus illo completo, negativum nobis dirigent documentum una cum praedicta notitia, rotam scilicet eo toto tempore patuisse.

IX. Relationes, quas Jurati per totum anni spatium de projectis singulis mensibus repertis, ubi casus evenerit, rationem red-

dituri conficient, tali pacto per publicum tabellarium dirigant, ut ad nos prima insequentis mensis hebdomada perveniant. Relationes vero generales, quas, uti articulo octavo diximus, iidem Jurati singulis semestribus, incipientes a mense Julio anni praesentis ad nos transmittere tenebuntur; per publicum etiam tabellarium dirigent: ita tamen, ut alteram ex eis tertia Januarii hebdomada, alteram secunda Julii hebdomada possimus accipere.

X. Juratis, caeterisque cujuscumque civitatis, & pagi Officialibus inhibemus, ne occultos puerorum in rotis repertorum parentes investigare ullatenus audeant; nisi cum prudens ratio habeatur dubitandi, pueros a legitimis parentibus fuisse projectos: quo casu re jam probata, loci Officiales illos ad eorum parvulos denuo recipiendos compellent: nec solum prospicient, ne iterum hanc fraudem illi committant; sed ut eorumdem parvulorum curam quoque habeant, neque alio projecturi deferant, vel ipsorum vitam qualitercumque in discrimen adducant:

cant: qua propter Jurati de iisdem per intervalla rationem sibi reddi postulabunt.

XI. Cum in hac Metropoli a nobis collegium sub titulo Deputationis projectorum erectum fuerit; quod perpetuo constabit ex viro in Ecclesiastica dignitate constituto, & quatuor nobilibus, quorum duo saltem e Dynastarum ordine semper eligentur: cumque ad ejusdem deputationis officium spectet, quæ supra statuta sunt, curare, nobisque indicare, tum quidquid circa receptionem, provisionem, & alimenta infantium, & puerorum projectorum occurrere poterit; tum etiam quæcumque ad hujus nostræ disciplinæ perfectionem pertinebunt: propterea Jurati, Officiales, & cæteri omnes, cujuscumque civitatis, ac pagi hujus Regni, si quando ad nos referre, vel auctoritatem nostram implorare debent; non solum prædicto modo, & causis ante notatis, sed quacumque alia occasione, quæ infantes, puerosque projectos fortasse respiciat; relationes iidem suas, notificationes, petitiones-


que sequenti directione transmittent: scilicet *ad Excellentiam Domini Proregis per Deputationem projectorum.* Omnibus insuper juratis, atque Officialibus locorum regni, quibus præsentibus redditæ fuerint, onus imponimus, ante descriptos articulos, qua parte ad eorum munus, curamque spectabunt, exacte custodiendi: secus enim poenis eorum transgressionibus, & arbitrato nostro juxta facti speciem infligendis, merito subjacebunt. Demum expresse mandamus, ut has encyclicas in juratoriae Curiae tabulario, quo omnibus innotescant, faciant registrari. Districte quoque Magistro Notario sub annalis carceris poena jubemus, ut præsentibus literas quotannis mutata Juratorum fede, postquam recentiores magistratum inierint, statim ipsis denuncient: ut illarum scientiam acquirere, ac juxta eas sese gerere valeant, nec ullam earum ignorantiam prætereundum possint. Neque secus quidquam a quoquam erit attentandum. Cum autem Tabellarius ad id specialiter destinatus has literas perferat; eum, non nisi tributa prius

itineris mercede, juxta taxam, bit', ad summum infra horæ spa-
 quam a Marchione Rajatæ magno tium, ut iter suum prosequi va-
 Pro-Tabellario signatam exhibe- leat, expeditum dimittetis.

Panormi tertio Id. Januarii 1751.

DUX DE LA VIEFUILLE.

Senatibus, Juratisque Civitatum, & Pagorum Regni.



MONUMENTUM XV.

Epistola hortatoria Proregis ad Præfules, scilicet

Ad Archiepiscopos Panormitanum, & Messanensem, & ad Vicarium Capitularem Archiepiscopatus Monregalensis: item ad Episcopos Catanensem, Syracusanum, Agrigentinum, Pactensem, Cephaleditanum, Mazariensem, Liparitanum, & ad Archimandritam Messanensem, & Abbatem Sanctæ Lucie. Insuper ad Judicem Apostolicæ Legatæ, & Regiæ Monarchiæ plura sub sua jurisdictione nosocomia habentem. Ad Vicarium magni Prioratus Messanensis pro oppidis in spiritualibus Religioni Hierosolymitanæ subjectis, atque ad Delegatum Apostolicum Castanice Præfulem.

ILLUSTRISSIME DOMINE

Cum politici gubernii &c.

Describit hic primo, quæ constituerit pro projectis, quæque in antecedenti Encyclica lecta sunt; deinde ait:

Quo autem tutius, & exactius ventur; de zelo, pietate, ac vigilantiâ Parochorum Dominatio-
 dispositiones prædictæ fer-
 ni

ni tuæ Illustrissimæ subditorum confusus, maxime quidem expedire puto, ut unusquisque illorum, ubi in rota suæ civitatis, aut pagi, projecti reperiantur; in quolibet mensis initio, me de numero projectorum antecedenti mense repertorum; ac de modo, quo illis provisum fuerit, reddat certiore. Ac similiter singulis deinde semestribus generalem transmittat notitiam de sequentibus: nimirum primo, utrum rota in præcedenti semestri aperta manserit? Secundo quomodo illis provisum? Si vero nullus inventus fuerit; documentum nihilominus mittat negativum. Optarem ergo, ut Dominatio tua Illustrissima Archiepresbyteris, Parochisque suæ diœcesis, per Encyclicas Epistolas, onus injungat prædictarum relationum. Ut autem notitiæ istæ opportune a me recipiantur, eosdem præmoneat, semestres relationes ad hanc Metropolim eo tempore dirigendas, ut prima relatio tertia hebdomada Januarii, altera vero secunda Julii hebdomada, incipiendo a Julio currentis anni; quæ autem de projectis in dies inveniendis mittendæ

sunt, prima semper hebdomada sequentis mensis ad me perveniat.

Parochis etiam suggerat eorum relationes, ad informandum exaratas, hac directione inscribendas esse, nimirum *ad Excellentiam Domini Proregis per Deputationem projectorum.*

Illud a me similiter Dominationi tuæ Illustrissimæ insinuandum occurrit, ut pastoralis, quo pollet, zelo hac arrepta occasione serio moneat Rectores nosocomiorum, aliorumque piorum operum suæ jurisdictioni subditorum, ac onus habentium figendi rotas, alendi-que projectos, ut eidem oneri exactissime, & vigilantissime satisfaciant: plurimi enim hoc extimo: nam nosocomiis, aliisque institutis debitum suum adimplentibus, ab eodem sive in totum, sive in partem relevabitur Universitas; pro cuius levamine fundatores antedicta pia opera erexerunt; probe scientes, ubi hujusmodi forte auxilia defint, naturali quodam jure, onus providendi projectis in Universitatem recide-

re. Insuper ad assequendam notitiam infantium in antedictas rotas projectorum, Dominationem tuam Illustrissimam hortor, ut Rectoribus eorumdem nosocomiorum, piorumve locorum suæ ditionis, quæ ad rotam habendam, projectosque alendos tenentur, præcipiat, elapso quolibet mense, Juratis loci schedulam cum serie projectorum in eorum rotam impositorum exhibere. Siquidem schedula indemnitati Juratorum inserviet. Cum enim ipsi nullo modo in gubernatione, & administratione nosocomiorum, locorumque piorum Dominationi tuæ Illustrissimæ privative subditorum sese ingerere debeant; sine prudenti hujusmodi norma, a zelo Do-

minationis tuæ Illustrissimæ præscribenda, generale mandatum a me cunctis Universitatibus injunctum, nimirum de referendo mihi singulis mensibus numero projectorum, ac modo, quo illis consultum fuerit, numquam sane adimpleri poterit. Hoc autem, ut dixi, maxime interest Gubernatorum Reipublicæ: pertinet enim ad temporalem hominum conservationem, qui membra sunt Universitatum, civilisque societatis. Hæc a Dominationis tuæ Illustrissimæ insigni erga bonum publicum studio me assequuturum plane confido. Deus tamen illam plurimis annis, quod exopto, incolumem servet.

Panormi tertio Id. Januarias 1751.

Dominationis tuæ Illustrissime Domine

DUX DE LA VIEFUILLE.

ANNOTATIO.

I. In Epistola vero ad Episcopum Liparitanum id additum est: *Relationes ab ea insula mittendas quidem esse statutis communiter temporibus: nisi maris tempestas, defectusque navigii obstaret: eo tamen casu dirigendas cum primum poterint.* Idem additum est in Epistola ad Mazariensem Episcopum pro relationibus a Cosyra idest Pantellaria Insula venturis.

II. Præterea quoniam Sicilia in tres valles, veluti provincias Mazariensem, Netinam, ac Demanam dividitur; ac tres item numerat Officiales, qui Universitates quotannis visitant, Juratisque Patribus regiarum civitatum præfunt, & imminent, dicti propterea Magistri Juratorum: ad hos etiam sequentia per litteras præscribit Prorex.

Primum ut in visitationibus quotannis faciendis, ubi rotæ detinendæ onus ad Universitatem pertinet, illam inspiciant.

Secundum, ut secreto inquirent, num projectis repertis Jurati consulant.

Tertium ubi hæc onera ad nosocomia, aliaque pia instituta Prælati subjecta, sive in totum, sive pro parte spectant; secreto etiam sciscitentur, utrum revera adimpleantur.

Quartum ut finita visitatione, omnia, quæcumque repererint, notatu digna, omnesque defectus, Proregi perspicua relatione deferant, quo iis opportune provideat. Si quæ vero celeriori indigeant auxilio; hæc in ipso etiam visitationis cursu, eidem per Deputationem projectorum data Epistola exponant.

III. Demum ut epistolæ, relationes, consultationesque omnes, e quibuscumque regni locis ad deputationem projectorum venientes, quia manifeste ad publicum bonum ordinatæ, a solvendo pro transmissione solito jure immunes

omnino censeantur: idque in perpetuum speciali Chirographo a Prorege Marchioni Rajatensi Magni Tabellarii Locumtenenti declaratum.

Postrema vero hujusmodi man-

data pro Magistris Juratis, ac Magno Tabellario eamdem habent loci, ac temporis adscriptionem: scilicet: *Panormi tertio Idus Januarias 1751.* Hic autem summam brevitas gratia recensentur.



MONUMENTUM XVI.

Relatio Josephi Guttadauri Chirurgi Agrigentini de parvulo sub defuncti larva nascente.

Cum libro tertio (a) hujus operis de puerorum Asphyxia differerem; Agrigentini parvuli mirandum casum, qui anno præterito contigit, Petro Antonio Cicero Canonico & Parocho testante, narravi. Alius autem valde consimilis accidit & hoc anno: cujus historiam a Chirurgo descriptam, & ab eodem Parocho ad me transmissam, pro traditæ doctrinæ confirmatione subnectam.

Relatio Josephi Guttadauri

Chirurgi Agrigentini de parvulo sub defuncti specie nascente.

Nicolina de Thermis Agrigentina tres infelicissimos olim substituerat partus, in quibus nonnisi uncino post dies quatuor infantes mortui, vel tales certo crediti, chirurgica manu evelli potuerunt: os enim pubis erat illi deorsum valde inclinatum. Sed eam tertio Calendas Februarii A. 1758. quarti puerperii dolores invadunt, & quamquam neque pinguis, neque gracilis esset, & a duabus obstetricibus juvaretur; foetus ni-

(a) Embryol. Lib. 3. c. 10. n. 7.

hilominus cæteroqui vegetus, & proclivis ad exitum, e materno carcere sese expedire nequibat; insuperabili supradicti ossis obstaculo impeditus. Post trium ergo dierum, totidemque noctium frustraneos parvuli, matrisque conatus, a domesticis quarto nonas Februarii ipse accersitus foetui opitulari sategi: cumque puerperam viribus exhaustam perspicerem; eas restituere sum aggressus: deinde ad propriam domum commigravi, matricis inde speculum allaturus. Rever- sus prima hora noctis prædictum applicui speculum: quo nequaquam proficiente, parvulus ob evidens periculum ab obstetrice baptizatur, & circa quartam noctis horam moveri desinit. Post- ridie hora 19. puerperam visitans, reperi frequentibus deliquiis, & angustia præcordiorum afflictam, cum atrocissimo totius ventris dolore; ita ut sine intolerabili cruciatu venter nequidem levissime attingi posset: neque deerat illi febris, quam ipse, inflammationis initium arbitratus, foetum jam vi- ta excessisse putabam. Nihilo-

minus rem diligentius indagatu- rus, parturientem in lecto depo- ni, & a dextro ad sinistrum latus, & viceversa a sinistro ad dexte- rum revolvam præcepi, ut agno- scerem, utrum foetus, uti revera deinde accidit, mortuorum more in alterutrum latus alternando de- cideret. Puerpera interea parvu- lum certissime defunctum asseve- rabat. Pro majori autem caute- la infantis caput iterum observavi, atque ita compressum super os pu- bis inveni, ut cartilaginosa illius officula depressa essent: ex quo conjeci compressionem Duræ Ma- tris, Aracnoidis, & Piæ Matris, & consequenter etiam cerebri, & exinde sequutam parvuli mor- tem: imo attrectato capitis verti- ce, ubi major supra maternum os erat compressio, sphacelatum ani- madverti: cuticula enim separata erat a cute, cutis vero flaccida, & mortificata: quapropter de parvuli morte judicavi nullatenus esse dubitandum, Heistero dicen- te: (a) *certius vero signum est, si cuticula quoque a cute cranii rece- dit.* Quocirca ad extractionem per uncinum procedere statui.

Z z z

Per

(a) Heisterus de Signis partus mortui in utero tom. 2. c. 153. fol. 949.

Per partem ergo mortificatam, & locum futuræ sagittalis uncinum introducens, & in occipitis osse defigens, quia partus erat inversus; parvulum educere tentavi: sed irrita opera, nam uncinus in ipso trahendi conatu dissiliit. Deinde uncino iterum introducto, foetum a loco, ubi hærebat, amovi, uncinum intorquens: at illius caput educi non potuit, uncino iterum fugiente. Sed tertio, inuncato capite, ipsum foras extraxi, reliquo tamen corpusculo interius manente ob tertiam uncini a capite ipso dissolutionem. Quartum denique immisso uncino, sinistrae manus parvuli mentum apprehendentis adjutorio, corpusculum totum extraxi. At natus parvulus adstantes gaudio simul, & admiratione complevit: ad aëris enim sensum respirare cepit, postquam per 14. circiter horas in mortui figura permansisset. Igitur baptismo iterum sub conditione illi ministrato caput eidem ex arte futurasque constrinxi: quo facto illico infantulus aperuit oculos: ac subinde suppletis in Parochiali Ecclesia cæremoniis post horam a nativitate defunctus est. Dabam Agrigenti Idibus Martiis. 1758.

Josephus Guttadaurus Chirurgus Agrigentinus.

F I N I S.



AD-



ADDITIO

AD

LIBRUM TERTIUM

CAPUT XII.

Post numerum 14.

15. **N**eque prætermittendum est, quod partus tempore propter conatum, tum parturientis, tum filioli vehementiam, inferioris materni ventris, & uteri sentina validissime agitur. Ex qua sentina lochia deinde originem habent. Hæc autem non innocuæ sunt qualitatibus, matre præsertim cachochylia laborante. Quo circa ubi restiterint, vel parciores fluxerint; molestiarum febrium, aliorumque malorum causa puerperis esse solent: imo, & in partu ipso manantes, Ramazzino (a) adnotante, obstetrices afficere consueverunt. Quid ergo mirum, si foetidis, incommodisque vaporibus etiam infantibus noceant? Quamquam enim revera non adeo nocivi sint, ut eorum tam cito vitam per se disperdere valeant; facillime tamen poterunt asphyxiam inferre corpusculis adeo teneris, & a nascendi nisu debilitatis.

Z z z 2

AD

(a) Ramazzin. *de Morb. Artif. cap. 19.*

AD CAPUT XXIII.

De baptismo parvulorum, qui ad sanctuaria reviviscere perhibentur.

§. I.

Status quæstionis, & prænotanda pro ejusdem solutione.

1. **V**ulgatissima, conspicuis auctoribus referentibus, fama est, quædam, in Germania præsertim, existeretempla, Deiparæ sacra, in quibus parvuli sine vita nascentes vitam recuperare, ac deinde baptismi gratiam consequi prodigio pene quotidiano traduntur. Joannes Bonifacius Bagatta (a) id inter perpetua Catholicæ Ecclesiæ miracula recensuit, & in fine eruditissimi operis, *Admiranda Orbis Christiani*, pro coronide collocavit. Hæc autem ille memorat Sanctuaria:
 1. S. Mariæ de Loggau in ditione Comitum Ortemburgensium juxta fines Tirolis.
 2. Weissensteinense in Germania superiori.
 3. Sporense ibidem.
 4. Libercourtense in Germania inferiori.
 5. Buriense in Lotharingia.
 6. Geldoniense in Germania inferiori.
 7. Bethuniense ibidem. De quo tamen ait Bagatta, illud milites cum statua combussisse.
 8. Fournense in Flandria.
- Gobatus vero (b) meminit Miracourtenensis in Lotharingia, Sacræ domus Lauretanæ Brundrutti, & Braumechiensis Ecclesiæ in Tirolis: additque adeo frequentia esse ista divinæ potentiae specimina; ut existi-

(a) Bagatt. Admir. Orb. Christ. t. 2. l. 8. c. 2. in Append. p. 542.

(b) Gobat. Theol. Moral. t. 2. tract. 2. casu 8. n. 272. & 273.

existimet parentes gravi obligatione teneri ad parvulos absque baptismo mortuos ad ea sanctuaria deferendos, ubi saltem regionum distantia iter octo, vel decem dierum non exigat: sed duorum, vel trium: propter probabilem scilicet futuri miraculi spem.

Eusebius quoque (a) Amortius quatuor alia superaddidit templa: nimirum Impstii in Tirolia ex diœcesi Brixienſi: secundum in parœcia Rottenbuechenſi: tertium similiter in parœcia Diœcesis Auguſtanæ: & quartum Urſpergæ apud Præmonſtratenſes in Svevia. Cæterum & in Germania, & alibi alia etiam sanctuaria ab aliis Auctoribus celebrantur.

2. Ad hæc autem, ex remotissimis etiam locis, itinere octo, decemque dierum infantuli nunc a parentibus, nunc ab aliis, arcæ mortuariæ inclusi devehuntur: e qua tandem extracti ante Christi, vel beatissimæ Virginis Mariæ thaumaturgas imagines compositi, fufis ad superos pro eorum resurrectione precibus, ibidem spatio

unius, duorum, triumve dierum relinquuntur. Si interea vitæ signa ediderint indubitata; baptismus eis absolute: si vero tantum dubia, sub conditione tribuitur. Signis tamen hujusmodi evanescentibus, veluti jam defuncti, ecclesiastica sepultura donantur. Verum cum hæc omnia pro circumstantiarum varietate ambigui sint judicii, discutiendum hic erit, utrum, & quando baptismus parvulis istis conferri possit.

3. Supra quidem late probavimus parvulorum, qui mortui creduntur, ad se reditum, interdum non veram esse resurrectionem, sed quandam potius evigilationem ab Asphyxia, in quam prope ipsam nativitatem frequentissime impingunt: eosque in illa diutius, retenta vita, manere posse præ adultis, quamquam simillima specie mortuorum.

At excuso jam typis hoc opere, sed nondum evulgato, ad manus meas forte venire præcitati Amortii egregia Theologiæ Electicæ volumina, quæ ipsæ Romæ

Z z z 3

(a) Amort, Theolog. Ecl. t. 2. de bapt. q. 2. p. 336.

mæ Benedicti XIV. commissione examinata, eidem Pontifici nuncupavit. Quocirca priusquam ad quæstionis ventilationem descendamus, non abs re erit, nonnulla, quæ de parvulorum nascentium Asphyxia tradidimus, doctissimi hujus auctoris testimonio confirmare: ac deinde juxta ipsius fere mentem ad propositæ quæstionis elucidationem procedere, quam ipse acute non minus, quam copiose tractavit.

4. Is ergo mecum aperte sentit, quamplurimos parvulos, antequam e materno sinu in lucem prodeant, in adeo profundum delabi deliquium, ut omnino exanimés non immerito censeantur. (a) Jam vero (ait) infantes plurimos, qui ex utero materno habentur pro mortuis, submersione, aut suffocatione, vel syncope, vel strangulatione per nervum umbilicalem venisse in eum insensibilitatis statum, verissimilimum, imo certum est. Cum enim certum sit, infantes intra secundinas uteri materni conclusos, in integro veluti stagno humorum detineri,

quos alvus in partu effundit, facile contingit partus jam perfecti per contorsiones maternas, aut alios vehementes motus maternos vehementer agitati tempore, aperiri jam perfecta oris, vel narium ostiola; sicque, vel intromisso humore, eos submergi; vel turbato illo stagno fæculento humorum, turbatisque proin rectilineis humorum poris, per quos aër circulabat in infantem, respirationem infantis intercipi: vel denique apertis narium ostioliis, transire in tenellum infantis cerebrum tetrum odorem ex commotis omnibus maternis humoribus, sicque causari repente apoplexiam, & syncopen. Causæ horum effectuum existunt, & sufficiunt. Itaque necesse est, plurimos infantes, qui ex partu habentur pro mortuis, vel ex submersione vel ex suffocatione, vel ex apoplexia, seu syncope in eum statum insensibilitatis pervenisse.

5. Quod autem vitam, quam adulti in immanibus hujusmodi paroxysmis ex Zacchiæ testimonio non ultra tertium diem producant, parvuli multo diutius potrahere valeant,

(a) Amort. loc. cit. *dissert.* I. n. 4. p. 341.

valeant, non minus aperte declarat (a). Ita quidem Zacchias. Verum, si admittantur, quæ dicit, solum de iis intelligenda erunt, qui jam aliquando gavisi sunt perfecta aura vitali per apertionem pulmonum tracheæ, oris, & narium; non de infantibus, qui octo, aut septem mensibus in utero tantum traxerunt aërem per poros corporis in ordine ad motum spirituum vitalium in nervis. Nam aër externus per pulmones potius ordinatur ad motum sanguinis hydraulicum, & ad motus membrorum, puta pedum, brachiorum, linguae, oculorum, mediante sanguine. At vero in infantibus, qui per plures in materno utero menses jam sunt assueti soli transpirationi, & in quibus pori illi adhuc aut aperti, aut facile aperibiles sunt; ad conservandum præcise motum internum spirituum vitalium, latior terminus sic conservandæ vitæ assignandus est, ultra triduum, & septiduum. Et n. 6. Ex his omnibus colligitur, mortem infantium, qui a præfata adultorum regula excipiendi sunt, ob assuetudinem transpirationis, frequenter non esse certam ante tri-

duum, septiduum, vel decendium, & ultra. Et n. 7. Ex his ergo manifestum est, infantem, cui per suffocationem, submersionem, strangulationem, apoplexiam, vel syncopen prohibetur usus pulmonum pro respiratione; adhuc posse per plures dies continuare circulationem, & vitam latentem, quamdiu abest putrefactio partium. Idque speciali sanguinis circulationi attribuit, qua nimirum foetum præ natis absque respirationis necessitate, per ovale foramen, ac tubulum arteriosum gaudere, suo loco tradidimus; quod ipse auctoritate Verhejenii confirmat, atque Parisiensis Academiae in Actis 1699. 1701. 1703. 1717. 1725. Et quidem in Actis 1717. post expositionem circuli sanguinis in foetu, sic legitur: Itaque ante partum foetus est in eo statu, ac si cor ejus haberet tantum unam auriculam, & unum ventriculum: hinc etiam non respirat, & consequenter est in eodem statu, in quo sunt animalia carentia pulmonibus veris, qualia sunt pisces, vel quæ non habent perpetuum usum pulmonum, qualia sunt animalia amphy-

bion

(a) Amort. ibid. n. 5. p. 342.

bia verbi gratia testudines, & ranæ. Constat enim, quod omnium horum animalium cor habeat tantum unam auriculam. Notat etiam Amortius ovale foramen, ac tubulum arteriosum, non statim ac nascitur homo, sed sensim tempore procedente, ac nonnumquam tardissime claudi; quod etiam ipsius Verhejenii, & observationum ejusdem Academiæ, relatarum in Actis A. 1701. & 1725. auctoritate communit. Itaque, ait, nihil repugnat, infantes carentes respiratione, etiamsi non appareat exterius vitæ indicium, posse adhuc habere circulationem, & vitam internam. Sicque sanguinem accedente alteratione transpirantis per poros aëris, & excitato quodam extremo naturæ morientis conatu, posse propelli in vultum, auriculas, & labia.

6. Aliqua certe exempla de parvulorum asphyxia superius adunavimus. Alia vero & notatu dignissima idem Amortius exprompsit. (a) Sacerdos enim fide dignissimus eidem enarravit, ad se, dum Parochi munere fun-

geretur, allatum pro mortuo infantulum, qui, cum ipse balsamum Braunscoberianum, Borensi similem, eidem illinisset; respirare coepit, vocem emisit, certissimamque vitam ad horæ dimidium conservavit.

7. Alius item parvulus Urspergæ Amortio ipsi præsentatus, post 36. a morte apparente horas, præter motus cujuscumque defectum, cranium ex parte compressum, atque confractum habebat. Cum tamen roseo esset colore, summa flexibilitate membrorum, genis, ac pectore mollis, nullo foetore, frigore quasi nullo, oculis tamen modice obscuratis: duo Chirurghi sedulo ipsum examinantes judicaverunt, indubitato mortis indicio caruisse.

8. Tertius infans in quadam regulari Parœcia, Pellingensi Canonico Cœnobio unita, 8. Calendas Septembris anno 1750. vita penitus orbatus apparuit, quamquam ante dimidium quadrantis horæ uteri latera violenter ad exeundum pulsasset. Is coloris

(a) Amort. *ibid.* n. 7. p. 344.

loris erat rubei vividi, qui paulo post in cæruleum commutatus est. Die sequenti adhibitum fuit novies calidum balneum, cui deinde substitutum est frigidum; applicati etiam spiritus, ac odorifera, sed sine ullo prorsus effectu. Sexto Calendas Septembris, qui tertius ab ortu dies erat, missus fuit Urspergam, sed in itinere depositus in quadam Capella, & ante B. Virginis imaginem, ad quam antea hujusmodi parvuli præsentari consueverant; cæruleus ejus color in rubrum convertitur, & sanguis e naribus excurrit. Tandem Urspergam 5. Calendas Septembris de mane pervenit: ibique labiorum, genarum, atque narium color in rubeum evasit vivacissimum, novæque sanguinis guttæ e naribus, & ore defluxere. Os antea clausum apertum est, & infantulus octies movere linguam, & ad labia usque protendere totiesque retrahere visus. In nullo tamen dictorum locorum, ac per totum illud spatium temporis, quamquam satis amplum, notabilem ille foetorem emiserat.

9. Similem etiam linguæ pro-

tensionem in alio parvulo eidem Amortio antedecem annos retulerat Augustinus Hasner Parochus Attenchovensis. Ille per hebdomadas quatuor in fovea parvulorum non baptizatorum jacuerat, sed matre instante, quæ mira certe fiducia Deo eundem voverat, & resurrecturum sperabat, eductus, inventus est rubeo vividoque colore perfusus. In Ecclesia ergo, Protestantium non minus, quam Catholicorum obtutibus expositus, per tres dies cum permansisset, linguam ad os patenti motu distendit.

10. Sane qui hujusmodi legit historias, non facile sibi persuadebit, in iis non aliquod verum intervenisse miraculum: & nihilominus ubi ad trutinam revocentur; non omnia supra naturam accidisse comperiemus, aut saltem non omnia rigoroso miraculo adscribi posse; quod ultimum, ut melius, clariusque dignoscatur, notandum est maxime, inter divina beneficia, quæ nobis a benevola clementissimi Numinis manu proveniunt; miraculum satis a mera gratia discriminari. Miraculum enim,

strictè sumptum, totius naturæ creatæ vires excedit, ac soli Dei Omnipotentiae reservatur: quapropter est rarum, nec facile propterea præsumendum, sed validis argumentis, dilucidisque probandum. Gratia vero est beneficium quidem, sed ordinis miraculo plane inferioris: non enim totius naturæ creatæ vires transcendit: quocirca frequentius a Deo, imo quotidiana propemodum largitate conceditur, ac propterea facilius obtinenda speratur, & obtenta facilius creditur a naturæ Domino, ac Moderatore descendisse.

II. Hujusmodi autem gratiæ beneficium nunc sensibilibus operatur, nunc vero juxta Divi Basilii doctrinam (a) insensibiliter: præterea nunc immediate a Deo manat, nunc vero, & quidem frequentius per angelorum operationem, ac ministerium. Angeli enim nostri, ad animæ corporisque custodiam deputati, nequaquam otiantur: sed multa, etiam corporibus nostris, conferunt bene-

ficia; etsi major ipsorum numerus occulta dispensatione tribuatur.

12. His positis: mortuorum resurrectio non ad meram gratiam, sed ad miraculum strictè dictum, ac soli Deo reservatum sine dubio pertinet: imo etiam inter insigniora, ac nobiliora prodigia computanda est. Contra vero vitam non adhuc extinctam conservare, vel agere, ut ipsa, quæ latebat, in corpore sese prodat, atque visibilis fiat: sæpe non rigoroso miraculo, sed gratiæ, & angelorum adiutorio imputari debet. Idcirco ita philosophatur Amortius. (b) *Examinandum in hac dissertatione duxi, quod dici possit, plurimos ex iis infantibus, qui ex utero habentur pro mortuis, reuera non esse mortuos; sed adhuc per plures dies, verbi gratia triduum, septiduum, imo & decendium, continuare vitam, etiamsi exterius nulla appareant sufficientia ad conferendum baptismum vitæ indicia. Hoc supposito, extremus quidam naturæ conatus, gratia Dei adjutus, vel excitatus, ad edendas in sensibus exter-*

(a) S. Basil. Regul. fus. disp. inter. 55.

(b) Amort. ibid. dissert. 1. n. 2. p. 341.

externis operationes vitæ, quamvis non pertingat ad causandas operationes vitæ indubitatas; pertingere tamen posset ad efficiendas in partibus extimis operationes vitæ saltem dubias. Cum autem in hac explicatione non agatur de miraculo, sed de speciali beneficio Dei, sua gratia conatus naturæ adjuvantis; indicia vitæ dubia ad conferendum baptismum conditionatum facilius admitti possent. Nihil autem obstat, quominus Deus a parentibus pie, fideliterque rogatus non raro, sed sæpe hujusmodi beneficia impertiatur.

13. Signa porro latenæ vitæ dubia sunt coloris mutatio, præsertim in rubeum; sudoris, vel sanguinis emissio; oculorum turbidorum ferenatio; cessatio incipientis cadaverici foetoris; irregularis aliquis ac momentaneus labiorum vel palpebrarum motus, puta oculorum aperitio. Nam hæc omnia, uti Medici fatentur, & per integram dissertationem ostendit Amortius, (a) possunt, & sæpe solent, a violenta fermentatione ad putrefactionem ten-

dente, vel ex aliis etiam causis, procedere. Et profecto in iis etiam quandoque parvulis deprehenduntur inesse, qui non solum indubie defuncti sunt, sed ad prædicta sanctuaria non delati: quocirca nulla cadit in ipsos de miraculo patrato suspicio.

14. Indubitata vero signa vitæ sunt respiratio, sensus, arteriarum pulsatio, motus regularis, ac propterea vitalis, item ploratus, gemitus. Ex adverso dubia signa mortis in morbis repentinis, atque ideo in parvulis nascentibus, sunt privatio sensus, ac motus, & simul respirationis, ac pulsus arteriarum; quia facile oriri possunt ab asphyxia propter nascendi conatus: vel ab apoplexia, aut strangulatione. Quocirca ubi de parvulis nascentibus agitur, ad aliorum differentiam, in quibus alia signa intervenire solent, indubitatum veræ mortis indicium est sola putrefactio, vel saltem ejusdem initium, cujus individuus comes est violentus odor cadavericus. Dixi violentus: remissus enim, ac tenuis, non solum

A a a a 2

in

(a) Amort. loc. cit *dissert. 2. a. p. 345. ad 348.*

in moribundis est frequens; sed interdum etiam in quibusdam infirmis ad mortem properantibus, multis ante obitum diebus veluti prodromus ipsius occurrit. Post aliquam tamen, & sufficientem moram, oriri etiam solent in vere mortuis parvulis alia exanimationis characteristica signa; rigiditas nimirum non convulsiva membrorum, vitreus oculorum pannus, eorumque deformatio. Nec difficile est in vere mortuis putrefactionem, vel saltem illius initium invenire: cadavera enim ad eam velociter currunt, natura ipsa impellente: quapropter putrefactio in ipsa hieme, & sub rigidissimo Germaniæ cælo, brevi erumpere incipit, ac primo in oculorum deformatione, ac viscerum foetore, qui facile diducto cadaveris ore, ab observatoris olfactu percipitur: imo, quo tenerioris texturæ corpus erit, eo velocius corrumpetur. Quocirca infantes præ omnibus citissime putrescunt: foemellæ vero præ masculis.

15. Notandum etiam, ex iis,

qui resuscitati ad baptismum recipiendum dicuntur, nonnullos vere mortuos antea fuisse, aliquos vitam adhuc retinuisse, quamquam absconditam: de aliis denique dubitandum esse, utrum a morte, an ex asphyxia resurrexerint. Innocentius a Clusis Sículus (a) heroicæ virtutis, & miraculorum gloria toto orbe celeberrimus, accersitus olim fuit ad moribundam foeminam, quæ parvulum post tertium diem ab ipsius morte, eniti nullo modo potuerat. Ille flexis genibus Divam Annam, cui erat addictissimus, invocavit, ut mortuum parvulum emitteret prægnans, & a morte imminente liberaretur; & illico ea mortuum infantem emisit, sed corruptum, & in frustra veluti discerptum. Adstantes hoc miraculo inspecto, nova spe in animati, secundum ab Innocentio devote postularunt, nimirum, ut mortuus infans revivisceret, & baptismo donaretur. Et ille denuo Divam Annam supplici oratione rogavit: & ecce parvulus coagmentatis iterum membris, antea dissolutis, divina vir-

(a) Tognolent. *Vita Fr. Innoc. a Clusis* c. 30. & 33.

virtute revixit, vociferari coepit, baptizatus est, & in vita permansit.

16. Alia vero mulier, nomine Longobarda omnes, quos genuerat, filios, vita privatos ediderat. Innocentium ergo deprecata est, ut sibi a Beata Anna viventem aliquem filium parere impetraret. Innocentius, qui Prophetiae quoque dono insignis erat, respondit, eam parituram esse puellulam & vivam; imposeret ergo illi nomen Anna: peperit suo tempore Longobarda foemelam, sed in speciem adstantibus omnibus defunctam; quod moerentes puerperae retulerunt. At illa: impossibile (dixit) hoc est. Puellula certe vivit, quamquam occulte. Dei namque famulus praedixit mihi, fore, ut foemelam ederem, sed vivam. Dum autem hinc inde de morte indubitata, & de vita latente altercaretur; parvula moveri, & clamare coepit, controversiam diremit, demonstravitque vaticinii firmitatem.

Alia denique duo narrantur in Innocentii vita parvulorum na-

scientium facta similia: quae tamen utrum ad veram resurrectionem, an potius ad liberationem ab asphyxia pertineant, ab historia ipsa desumi non potest.

17. Distinguendum est, etiam permaxime inter infantes, qui in ipso ortu defuncti videntur, & alios, qui diu in tali statu persistunt: primi enim persaepe sunt vivi, deinde tractu temporis vel ab asphyxia evigilant, vel vera morte corripuntur; quamquam nonnulli ex ipsis diu interdum sub mortuorum imagine perseverent. Secundi autem facilius vita penitus jam destituti praesumi possunt. Quaestio autem praesens non est de parvulis in ipsa nativitate consideratis: isti enim, etsi mortui appareant; quia sensu, pulsu, respiratione saltem sensibili, motuque carentes; ubi tamen illaesi sunt oculis, flexibiles, incorrupti, nec foetorem spirantes cadavericum, neque mortali vulnere faucii; neque alia insuperabili mortis causa labefactati: & consequenter nullum habentes mortis characteristicum signum; poterunt sine novo alio vitae signo sub con-

ditione baptizari. Quia in ipso
nativitatis articulo maxime viget,
uti supra demonstratum est, as-
phyxiæ prudens probabilisque su-
spicio, eorumque mors est mani-
feste dubia, imo præsumptio, quæ
quibuscumque signis dubiis est ef-
ficacior, stat pro vita. Contro-
versia igitur, quam præ manibus
hic habemus, est de parvulis, qui
eorum comprobata jam utcumque
morte per solita experimenta, ad
Sanctuarium pro resurrectione im-
petranda deducuntur: quod non
solum tempore immediate partum
consequente fieri non solet, sed
neque tempore partui proximo:
tunc enim eos, variis aptisque
remediis, ac experimentis, do-
mestici, si forte illi vivant adhuc,
ad sensuum officia revocare con-
tendunt. Probe etenim sciunt
germanæ obstetrices, quamplu-
rimum parvulorum vitam in eo-
rum ortu fallaci mortis imagine
velari. Quinimo, uti supra osten-
sum est, efficacissima quædam ip-
sæ remedia ad eos a funesto illo
veterno exsuscitandos felicissime
excogitarunt. Tempus autem
nativitati proximum, quo non so-
lent parvuli ad Ecclesias compor-

tari, quia facilius in vita persiste-
re posse creduntur sub asphyxiæ
paroxysmo, est quatuor, vel trium
horarum, aut saltem duarum,
vel unius, quo tentamenta scilicet
ad eos expergefaciendos fieri con-
suevere. Quapropter severe pro-
hibet Amortius, ne statim post
unam, & alteram horam, vel
amplius, at non valde a morte dis-
situm tempus, parvuli, ad supra-
dictas imagines devehantur: ni-
mirum ne forte per itineris incom-
moda occumbant, qui domi per
nova tentamenta liberari potuif-
sent.

18. Quæ cum ita sint, ut ex-
pendamus, an recte baptizentur
parvuli, qui ad imagines thauma-
turgas revixisse dicuntur, duas
oportet distinguere controversias,
facti unam, juris alteram. Et
quod ad facti controversiam spe-
ctat, poterit sane a quibusdam
in eventu particulari ambigi, utrum
revera signa, sive certa, sive du-
bia resurrectionis, & vitæ inter-
cesserint: nam sæpe accidit, ut
ista ab indoctis referantur, & pa-
rum tutæ fidei hominibus, præ-
sertim plebeis, ac scæminis, quæ
ad

ad quemquumque vel minimum, dummodo inexpectatum, & rariusculum eventum, cujus naturalem causam ignorent, promptissime inclamant, miraculum: quæque illud interdum falsa pietate illufæ confingunt. Sane Lingonenses olim obstetrices in more habebant satagere, ut nascentes parvuli expertes vita, vel igne, vel certis aliis medicaminibus, quasdam ederent motitationes, aliaque vitæ, sed æquivoca signa, ut baptizarentur, & in loco sacro deinde sepelirentur. Eo laudabilius quidem est, quo fervidius baptizandi, qui capaces baptismi sunt, desiderium: sed iis tribuere velle hoc Sacramentum, qui ex hoc mundo decesserunt, ut abirent in locum suum; error est manifestus, & simul intolerabilis: & nihilominus a fraudolentis illis mulierculis frequentabatur: sive ad turpem lucrum, sive ad consolationem parentum, sive quia sibi ipsis revera suadebant hujusmodi baptismum, etsi mortuis ministrar-

tum, prodesse. Neque inverissimile est, ita saltem credidisse nonnullas. Nam scimus (a) ex Tertulliano, ac Sanctis Epiphanio, Chrysostomo, aliisque: apud Marcionistas olim, si aliquis ex eorum Cathumenis obiisset, baptismo non recepto; sacram hanc ablutionem ipsius nomine ac vice alium petere, ac suscipere consuevisse; ut ita mortuus divina gratia, & peccatorum venia potiretur. Ac profecto hujusmodi functionem Chrysostomus ita describit: Sub sandapila, in qua mortuus jacebat, locabatur, latebatque vivus: interrogabatur deinde mortuus, an baptizari cuperet? Vivus de sub sandapila, se id ardentissime velle, respondebat. Post hæc vivus egrediens baptizabatur pro altero: atque ita comœdiæ illi finis imponebatur. Cæterum quosdam per simplicitatem, defunctorum loco, baptismum Apostolorum tempore suscepisse; innumerum tum ex antiquis, tum etiam ævi nostri, Sacræ Scripturæ

(a) Tertullian. contra Marcion. lib. 5. c. 10.

S. Epiphani. hæres. 28.

S. Joann. Chrysost. in 1. Cor. Hom. 40.

ræ expositoribus, (a) tradunt: addentes, ad hæc sane facta alludere Divum Paulum, cum scribit: *Quid facient, qui baptizantur pro mortuis?* Porro baptismus parvulorum, quos obstetrices moveri artificiose curabant, prohibitus fuit a Philippo Lingonenfi Episcopo in Synodo A. 1452. & a Guidone ipsius Philippi Successore An. 1455. Eadem prohibitio legitur in Statutis synodalibus Cardinalis de Tournon Archiepiscopi Lugdunensis tit. *de baptismo*, & in Statutis an. 1592. & 1656. Ecclesiæ Bisuntinæ.

communi eloquio celebrentur: cumque negari non possit, variis in locis veras interdum resurrectiones extitisse: merito subintrat hic altera juris quæstio: utrum, & propter quæ signa, infantes, qui redivivi creduntur, baptizandi sint. Et quidem in hac secunda quæstione distinguere oportet parvulos, de quorum interitu ambigimus, ab iis, quorum certa & indubitata mors est. Imo etiam quoad utramque speciem varios oportet distinguere casus, eorumque perpendere circumstantias.

PRIMUS CASUS.

§. 2.

De variis casibus dubiæ mortis, in quibus baptismus competere possit, vel non.

1. **V**erum cum de vitæ signis hac nostra ætate repertis in parvulis, ad Germaniæ Sanctuaria comportatis, plurimi optimæ notæ Scriptores fidem adstruant: eaque tamquam non ficta

2. Quid igitur si comprobata utcumque morte infantis non baptizati per solita experimenta, post lapsum temporis notabile quidem, sed nativitati proximum, puta, post tres, quatuor, aut quinque horas; at non valde remotum, puta, non ultra duodecim horas; ille ad Ecclesias deferretur, ibique dubia patefaceret vitæ indicia; posset ne sub condi-

(a) Hilar. Diac sub nomine S. Ambros.

Theophylactus, Valafridus Strabo, D. Thomas.

Glossa ordinaria &c.

conditione baptizari? Et affirmative cenſeo reſpondendum. Ad veram enim, ac tutam repentinæ mortis comprobationem, ex (a) Lanciſii doctrina monuimus antea, requiri ſemper aliquam prudentis arbitrio moram, & pro circumſtantiarum varietate diverſam: non obſtantibus communibus ſignis, atque experimentis pro morte clamantibus: quæ ſane mora in ipsis adultis, ubi trium, quatuor, aut quinque tantum horarum eſſet, nullo modo ſufficeret. Feiſous etiam docet, uſque ad horam duodecimam, (b) & amplius non contemnendum vigere dubium vitæ latentis in morte repentina: imo duodecim ad minimum horas requirunt Synodi ad ſepulturam in ipſa morte regulari. (c) Quanto magis igitur infra terminum horarum duodecim, ſuſpicari poſſumus latere vitam in parvulis, ubi non adſit putrefactio, vel aliud mortis characteriſticum ſignum, ejusque invincibilis cauſa? Ubi

ergo nova inſurgunt vitæ argumenta, etſi dubia, conditionatus baptiſmus denegari non debet.

SECUNDUS CASUS.

3. Si vero parvulus, qui ſub mortui figura natus eſt, poſt notabile prædictum duodecim horarum ſpatium, quamquam variis medicinæ remediis prolixè adjutus, ad vitæ munia reverti non potuit, & adhuc mortui ſimilitudinem refert, quatenus neque ſenſu, neque motu, neque pulſu, neque reſpiratione gaudet; ſed nihilominus non ſolum incorruptus perſeverat; verum etiam a corruptionis initio, & foetore cadaverico immunis: præterea neque rigidus, nec valde frigidus, neque oculos habens deformatos, aut panno vitreo contectos; contra tamen flexibilis: eo caſu, ſi ad Eccleſiam devectus aliqua vitæ ſigna, quamquam revera dubia, oſtenderet; poterit conditione adjecta baptizari: nam, ut ait Amor-

tius: (d) *Quando non conſtat de morte*

B b b b

(a) Embryol. lib. 2. c. 2. n. 14. p. 123.

Lanciſ. de morte ſubit. lib. 1. c. 13. & 16.

(b) Feiſous Theatr. Crit. t. 5. de ſign. mort. diſc. 6. §. 10. n. 38. vide hoc lib. 3. c. 19.

(c) Synod Agrig. Train. A. 1630.

(d) Amort. Diſſ. 1. de bapt. §. 3. quæſtiunc. 11. p. 327.

morte infantis per signa indubitata, & simul concurrunt indicia vitæ, saltem dubia; sine scrupulo baptizari possunt ejusmodi infantes; nimirum conditione præmissa. Ita communis Theologorum.

Et profecto parvulorum ejusmodi mors, quamquam alia in Ecclesiis non insurgerent indicia vitæ, per semetipsam incerta esset: imo eorum vita quodammodo probabilior apparenti morte videretur. Nam præter totalem putrefactionis defectum, deficerent etiam tot alia mortis indicia: & ex adverso persistere supponitur membrorum flexibilitas; quæ signum est vitæ positivum. Quod adeo verum est, ut si omnes antedictæ circumstantiæ in aliquo alio reperirentur, quamvis adulto; cujus mors ex causa prorsus invincibili, puta, ex amputatione capitis, esset indubitata; si non inter miracula, saltem inter insolita, & mirabilia describerentur.

TERTIUS CASUS.

4. Nec dissimile faciendum erit judicium, si parvulus plus quam

viginti quatuor horas in antedicto statu permaneret. Nam tanti temporis latitudo nihil officeret: quandoquidem in apoplexia ipsa, & multo magis in asphyxia, vitam adulti conservare interdum valent per triduum, & a fortiori nascentes parvuli, quos multo diutius passionibus hujusmodi sustinere posse, probatum est. Et quidem si flexibiles, & cum prædictis aliis circumstantiis incorrupti persistunt; hoc ipsum non leve erit vitæ similiter persistentis indicium, ac tanto sane verosimilius, quanto majus erit hoc tempus a putata morte dilapsum. Quo magis enim id a momento separationis animæ elongaretur; eo magis prodire, & conspicua fieri deberent non solum reliqua mortis argumenta, puta rigiditas, frigiditas, &c. sed ipsa putrefactio, vel saltem ipsius initium. Quo circa si nondum ista in conspectum sese dederint; contra vero parvulus non solum in eodem statu perseverat; sed nova insuper in eo emergunt, quamquam dubia signa vitæ; quis unquam certo affirmabit, ipsum obiisse? ac non potius immani deliquio detineri?

5. Ad

5. Ad hanc speciem fortasse pertinebat filioli Joannis Leonardi Cleimbrot viri clarissimi eventus, cujus authenticum documentum datum Bruntruti 20. Octobris 1659. transcripsit Gobatus. (a) Ille apparenter in ortu sensus & vitæ penitus expers, ad Mirecourtensem imaginem primo directus, ac per iter a nobili matrona ad Bruntruti Sacellum deductus, ibi roseo colore tingi, sanguine manare, ac sudare coepit: proinde baptizatum, ac postea mortuum, in Ecclesia Vicarii Generalis Constantiensis auctoritate sepelierunt. Hæc enim ex infra exponendis vera resurrectio dici non debet, sed potius occultæ vitæ manifestatio, cum signa vitæ fuerint æquivoca: maxime vero quia certa mors antea non fuerat: neque ullum ipsam confirmans characteristicum signum adfuisse videatur. Sane Gobatus addit: *notandum autem, fuisse tumultum vigesimo tertio die a nativitate; & tamen non modo permanfisse usque ad sepulturam prorsus incorruptum, omnique ingrato odore li-*

berum; sed etiam labiola fuisse rosea: sicuti mihi, audientibus aliis, plusquam duodecim religiosis, ac secularibus; asseverantissime, & peregre lacrymas continens, dixit parens infantuli, omni fide dignissimus.

QUARTUS CASUS.

6. Ardua sane est quarti casus figuratio, quam ita exponit Amortius. (b) Infans nimirum non solum nulla exhibet vitæ signa, sed omnia e contrario ostendit veræ mortis indicia: quodque deterius est, hæc saltem per horas duodecim indiminuta persistunt; adeo ut prudenter præsumi possit, parvulum non solum in specie, sed etiam re ipsa omnino fuisse vitæ destitutum. Signa vero mortis, quæ in eo supponit Amortius, præter privationem pulsus, respirationis, motus ac sensus, etiam post ferrum ignitum applicitum; hæc sunt. Defectus alterationis ad afflationem sulphuris accensi in nares, & os: defectus exonerationis naturæ, post applicationem

B b b b 2

sternu-

(a) Gobat. tom. 2. de Sacr. bapt. cas. 8. n. 273.

(b) Amort. de Sacr. bapt. dissert. 1. object. 3. & in resp. p. 344. & 345.

sternutatorii per pulveres, vel salis volatilis cornu cervini, & unionem balsamorum, vel spirituum. Frigus permannes, ac pertinax: defectus elasticitatis ad impressionem pollicis in genis, color ater, seu lividus: oculi tenebrosi, ac fracti, seu flaccidi: membrorum rigor, ac tenuis aliquis odor cadavericus, ejusve saltem initium, cranium compressum &c.

7. Omnia signa prædicta efficiunt, Amortio fatente, ut mors præsumenda sit vera, eamque moraliter certam ostendunt; sed non omnino, ut ait ille, infallibiliter, etiamsi si per antedictum temporis cursum, imo & majorem perdurasse ponantur: cum ea omnia existimanda sint fallibilia, si suspicio habeatur asphyxiæ: præsertim in parvulis, ubi desit putrefactio, vel ejus initium a violento cadaveris foetore indicatum. In hujusmodi enim casibus sola putrefactio, si mortis invincibilem causam excipias, veluti capitis abscissionem, ac similia, est huic Auctori characteristicum, & indubitabile discessus animæ argu-

mentum: quocirca si nova aliqua denuo in parvulo emergerent latentis vitæ, quamquam dubia signa; ejus mors in pristinam incertitudinem iterato recideret.

8. Ea est enim certitudinis moralis conditio atque natura, ut si nova insurgant indicia, & circumstantiarum cognitio, a firmitatis propriæ statu vacillet, aut plane ruat; quæ multo magis attendi debent in foemellis, in quibus ob teneriorem texturam putrefactio celerius oriri necesse est. Et sane quamquam, uti in secunda dissertatione fuse adstruit Amortius, omnia vitæ dubia signa, de quibus antea locuti sumus, & quæ considerari solent in parvulis, possint a fermentatione liquidorum, & præcipitatione particularum, occlusionem pororum, aliisve plane causis ab eo notatis, & in vero cadavere agentibus procedere: quamvis etiam, ubi causa datur aliqua jam parata, & ad effectum sufficiens, non sit recurrendum ad alias, de quarum existentia non constat; & consequenter in casu, de quo agitur, nova indicia non videantur vitali principio

prio incerto, & ancipiti esse tribuenda: nihilominus certum est etiam, posse a latentis quidem vitæ principio, non adhuc tamen extincto, provenire: quod huic Auctori sufficit, ne parvulo conditionatum baptisma denegetur: eo quia ubi de irreparabili animarum damno res est, non solum probabile, sed etiam possibile haberi præ oculis debeat. (a) Itaque, ait ille, etiam experiri aliquamdiu licebit, utrum in cadavere existimato perseveret tale complexum indiciorum, & an non appareant nova signa, ex quibus corrigi possit præsumptio moraliter certa. Si enim, ubi agitur de vita corporis, vel salute temporali unius urbis, sæpe tentantur extrema pericula: etiamsi moraliter certum sit, conatus fore irritos, & sola supersit tenuis probabilitas, conservandi verbi gratia vitam, in naufragio, vel incendio, vel salutem rei publicæ jam dejectis turribus, & aggeribus; cur non liceat possibile amplecti, ubi agitur pro salute vel perditione æterna animæ? Præsertim si id sine absurdo generali, aut præjudicio gravi particulari, fieri

possit? Prout fieri potest juxta eam, quam monstravi methodum: ut nempe tales infantes per aliquos dies, donec appareat jam certus, & notabilis fœtor cadavericus; servantur in loco temperato: & si interea dubia vitæ signa ediderint: a proprio loci Parocho, vel in ejus defectu, ab alia persona, baptizentur. Ego certe in tali casu infantem baptizarem, atque etiam alios, ut exemplum sequerentur, admonerem. Immo monerem, ne, cum signa probabilia venerint, baptismum differrent. Experimento enim didici, tres status in his signis vitæ distingui posse: nempe progressionis seu incrementi, stationis, & retrogradationis, seu decrementi. Quando mutatio coloris atrii in vividum ad suam stationem venerit, ita ut infra semihoram non amplius crescat; baptismum festinandum censeo: quia infans, si forte illa mutatio coloris ab extremo naturæ conatu venerit, tunc jam in extrema lucta naturæ, seu agone est. Cæterum excepto solo fœtore vehementi cadaverico, non obstante reliquo complexu indiciorum, plures adhuc retinuisse vitam, ostendis

B b b b 3

Glar-

(a) AMORI, loc. cit. dissert. 1. in resp. ad object. 3. p. 344. & 345.

Garmannus de Miraculis mortuorum in dissert. prælim. Ann. II. Quapropter addit: (a) *Infantem sub conditione baptizarem, etiam post triduum, imo mensem, & annum, si infans dicto modo in casu extraordinario, reperiretur incorruptus in vultu, & pectore, & de novo illi in vultu & pectore rediret color vividus, hoc est manifeste similis alicui homini viventi.*

9. Ex his Amortii dictis a fortiori deduceretur, quod, si tertius a morte putata dies nondum est lapsus, posset parvulus, antedictis omnibus circumstantiis concurrentibus, adjecta conditione baptizari. Tunc enim prædicta signa insurgentia non acciperentur veluti resurrectionis argumenta; sed tantum veluti extremi occultæ vitæ conatus, natura operante vel propriis viribus, vel medicamentorum efficacia, vel etiam speciali Dei adjutorio, qui vitam parvuli absconditam quidem, sed nondum penitus deletam, interimicare concesserit.

10. Huic suæ opinioni elucidandæ nonnulla, quæ in contra-

rium objici possent, adducit Amortius (b) eisque deinde respondet, præcipue vero proponit: *Hunc morem baptizandi infantes pro mortuis habitos judicio fidelium, ac chirurgorum, & medicorum esse antiquæ Ecclesiæ incognitum, & absurdum.* Respondet autem: *non esse antiquitati incognitum, baptizare eos, de quorum superstite vita habetur prudens dubium, etiam judicio medici aut chirurgi periti: peritus autem hoc tempore dici nequit, qui negat, vel non curat observationes ex Verhejenio, & ex Actis Regiæ Academiæ Parisiensis.* Quod si dicatur, ejusmodi parvulos evidentia vitæ signa, puta, ploratus, voces, motusque, manifeste vitales non protulisse; id ex eo accidere potuisse judicat, quod adstantes primis factis, at inutiliter tentamentis, atque præterea de eorum morte præmature persuasi, & confirmati, spem omnem in futuro tantum prodigio locavere; illosque deinde non amplius foverunt, vel alio pacto adjuvare conati sunt, sed potius itineris ad Eccle-

(a) In Instruct.

(b) Amort. dissert. I. pag. 341.

Ecclesias non parvipendenda molestia divexarunt, & caput, brachia pectusque corpusculorum e fasciis, quibus involvebantur, evolventes, pernicioso frigori, & humiditati, etiam quandoque in ipso Ecclesiae Propyleo, exposuerunt.

II. Præterea animadvertit, quod, cum nascentes parvuli non adhuc assueti sint respirationi, saltem liberiori, pulmones habent quodammodo contractos, non tamen ut homines alii, dilatatos: quocirca si spiritibus animalibus depauperati, & mortali deliquio affecti jacent; postremus ille naturæ conatus pertingere nequit, ad musculos inflandos, quod ad vocis prolationem esset necessarium: sed verosimiliter non aliud facere poterit, quam subtiliorem sanguinem ad caput, ac pectus, transmittere. Quamvis autem

fortasse hujusmodi signa, uti dictum est, a sola fermentatione proveniant; nihilominus non hic disputatur, quid probabilius, aut verosimilius dicendum sit; cum sufficiat, rem esse dubiam, & ad animarum salutem pertinere: necessitatem vero esse prorsus extremam, & æque irreparabilem:

in quibus circumstantiis ipsa probabilia sollicitos habere nos debent.

12. At hæc Amortii opinio circa præsentem casum difficultate non vacat: quamvis enim ob rationes a me c. 15. allatas difficilius sit, in parvulis nascentibus ad adultorum differentiam, sine putrefactione, mortis certitudinem admittere: negari nihilominus nequit, totam illam signorum conglobationem, quam in eo casu ponit Amortius, inclusa etiam rigiditate membrorum cum oculorum deformatione, videri mortis certitudinem *physice* concludere, eamque ad minus in altiori morali certitudinis gradu constituere. Et profecto nulla experientia ostendit, parvulum aliquem cum tota illa signorum congerie; inclusa etiam rigiditate non convulsiva cum panno vitreo, ac deformatione oculorum; nisi vera intercedente resurrectione, vivum aliquando fuisse repertum: & ideo ad infantium naturalem vitam probabiliter adstruendam non videntur sufficere signa dumtaxat dubia: nisi dicamus tantam esse in casu aliquo particulari, pro detegenda vita, posteriorum signorum numerum,

numerum, & efficaciam; ut quamquam certo vitam demonstrare non possint; antecedens tamen, certumque de morte iudicium infringant, aut saltem plane debilitent, & in dubium vertant: ea enim est hujus congeriei signorum vis, ut multi ex p̄s heterodoxis medicis crediderint, ea ad resurrectionem ipsam firmandam sufficere, quod tamen admitti non debet.

(a) Quando autem hæc signa posteriora tantj sint ponderis, ut ad hanc iudicii, antea certi, mutationem sufficiant; id non tam ex regulis generalibus, quam a scientia & prudentia observatorum, in eventibus tantum singularibus omnia perpendentium, oportebit expectari.

QUINTUS CASUS.

13. Quod si, qui omnia mortis habet supra indicata signa, immunis quidem esset a putrefactione, atque odore cadaverico; sed nihilominus dubitari posset, utrum defectus iste ex eo forte oriatur, quod parvulus hieme dominante, sub terra, glacie vel nive jacue-

rit; ac deinde ad Ecclesiam translatus incerta ostenderet vitæ signa; ex præfata doctrina sua putat Amortius, conditionatum baptismum esse conferendum: nam in his etiam circumstantiis infantis mors ambigua non immerito censeretur: undecumque enim defectus ille procedat, rem tenebris involvit: quis enim divinare poterit, utrum supervenientia signa e vita in intimis corpusculi penetralibus delitescente, an aliunde procedant; *In infantibus*, ait ille (b) *non adeo remotis a partu; idest post biduum, vel triduum; de his enim hic loquitur, vel tempore hic mali sub terra, nive, vel glacie præservatis a putrefactione non reperitur principium fermentationis, aut præcipitationis partium. Itaque recte dubitari poterit, an non proveniat a principio vitali, sicuti fieri solet in Hirundinibus, muscis, testudine, Climace, ac variis aliis animalibus, tota hieme sine sensibili signo vitæ perdurantibus.* Quibus Benedictus XIV., Sigismundus, Delrio, Bruhierius, alique non pauci, Lucomoriæ habitatores addi-

(a) Amort. in quæst. 2. versic. respondeo ex una parte pag. 338.

(b) Idem ibid. dissert. 1. in resp. ad object. 5. p. 345.

addidere. Cum autem casus iste præcedenti sit magis arduus; etiam hic pro repetitis haberi volumus, quæ de necessario novorum signorum numero, & efficacia paulo ante notavimus.

§. 3.

De casibus mortis indubitata.

SEXTUS CASUS.

1. Hactenus de eventibus illis, in quibus mors indubitata judicari non potest: nunc ad eos gradum facimus, in quibus certa illa omnino dicenda est. In universum quidem, ubi suspicio concurrit asphyxiæ; communibus mortis argumentis non est fidendum: nisi characteristico aliquo signo confirmetur; quod in parvulis nascentibus aliud non erit, quam sola putrefactio, vel saltem ipsius initium, cum cadaverico, & acuto foetore conjunctum: rigiditas enim non convulsivam membrorum, oculorumque deformatio, in adultis considerata, in hujusmodi parvulis, uti suo loco exposuimus, post natiuitatem, & non nisi cum sufficienti mora consurgunt. Ubi ergo apparuerit putrefactio, vel ipsius

initium, aut aliud mortis characteristicum signum, vel cum aliqua præcesserit invincibilis causa interitus, juxta ea, quæ alibi ex Lancisio tradita sunt: si supervenientia resurrectionis indicia, sunt etiam similiter certa; quis unquam de tribuendo baptismo dubitabit? Verum hæc certa redeuntis vitæ indicia sunt sensatio manifesta, vox, ploratus, respiratio, pulsus articularum, alique motus non transeuntes, irregulares, & æquivoci; sed stabiles, atque patenter a principio vitali profecti, ac propterea viventium proprii.

2. Quod autem plures infantuli ad baptismum recipiendum fuerint divina virtute ad prædicta sanctuaria resuscitati, & prænotata dederint certissimæ vitæ signa, in dubium verti non debet. Id enim expresse testantur Auctores de materia ista loquentes. Et sane de quibusdam saltem parvulis ad Weinstentienensem Ecclesiam perlatis Cumpenbergius enarravit. *Indubia*, inquit, *dant vitæ signa*. De infantulis ad imaginem Mirecourtensem Gobatus:

C c c c

tus:

tus: *parvuli illi edunt non raro talia vitæ indicia, ut sæpe nemo dubitet, quin vere sint anima præditi.* Cæterum quidquid sit de prædictis; de aliis ad simulacrum Fournense deductis id ipsum clarius, ac solidius retulere Bucellinus, atque Bagatta: *horum, inquit, multi tantisper vitam recipiunt, si deferantur ante prædictam imaginem; & interdum quidem ad multos vitam annos producunt. (a)*

SEPTIMUS CASUS.

3. Si quando tamen five ex putrefactione, five aliunde præcedens mors certa quidem fuerat, at indicia subsequenter resurrectionis incerta; baptismus, etsi conditionatus, conferri non potest.

Signa vero æquivoca resurrectionis essent, ut explicat Benedictus XIV. aut pallidi coloris in rubicundum mutatio, aut membrorum, quæ antea rigeabant, flexibilitas, aut sanguis e naribus fluens, aut aliqua sudoris gutta,

quæ in fronte, vel in stomacho appareat, (b) aut similia, quæ in visceribus, & indubitatis cadaveribus omnino exanimatis interdum conspiciuntur. Atque hic erat casus Urspergensis controversiæ. In eo enim templo, uti ex relationibus constat, infantes, qui a remotis locis veniebant, si unum, aut alterum excipias, de quibus præsumendum est, Deum propter parentum fidem singulari beneficio per secundas causas a corruptione, ac morte illos præservasse, reliqui omnes putrefacti jam erant, aut saltem verum cadaveris odorem exhalabant: ac propterea eorum mors in certissimis erat computanda; & consequenter verissima resurrectione indigebant: (c) His autem non obstantibus, Amortio teste, (d) qui baptizaturi erant, non omnia in eis requirebant æquivoca vitæ signa: neque enim parvuli omnes ea omnia ostendere soliti sunt; sed satis putabatur esse ad baptismum, in parvulo de lon-

(a) Joannes Bucellinus in *Ann. Gallio-Flan. lib. 2. de Statua Virg. quæ Fournis colitur.* Bagatta *Admir. Orb. Christ. tom. 2. lib. 8. cap. 2. in Append.*

(b) Benedict. XIV. *de Syn. Diacel. l. 7. c. 6. p. 316.*

(c) Amort. *d. d. disert. 1. in resp. ad object. 5. p. 345.*

(d) *Idem disert. 2. §. 1. p. 345.*

ge veniente, si color mutationem subiret, foetorque cessaret: in his autem, qui e vicinis locis efferebantur, ad solam attendebatur coloris mutationem. Ita ut quotiescumque hujusmodi signa apparuissent in parvulis; iisdem indifferenter baptismus veluti dubie rediivis præmissa conditione conferretur: idemque mos per totam undique Germaniam simili prorsus ratione obtinuerat. Hoc autem non jure factum asserimus: vel enim deficiebant characteristica, & vera mortis indicia; & tunc mors certa non erat, & parvuli novis advenientibus, etsi dubiis, vitæ signis, potuissent quidem baptizari adjecta conditione, veluti non certo, sed solum dubie mortui: præsertim cum vita in possessione aliquatenus esse videretur. Si tamen mors erat indubitata, si ve per signa characteristica, si ve per causas invincibiles; & tunc mors erat in possessione firmissima. Igitur si nova supervenientia signa erant solummodo æquivoca; parvuli baptizari non poterant.

4. Præterea eum resurrectio, uti notatum est, sit ex illustrioribus, majoribusque miraculis, quæ

a Deo peragi soleant; nequaquam temere atque inconsulto adstruenda est, super æquivoca signa, quæ male quidem aptantur, ut bases ad magnificam, sublimemque hujusmodi molem sustinendam. Idque manifestius fiet, si bene perpenderit, Dei perfecta esse opera; ita ut, cum per miraculum, ad suam gloriam propagandam, ægrotum sanat, perfectam ei sanitatem absolutamque largiatur: imo ejus miracula, quæ veræ Ecclesiæ sunt nota, eo magis evidentiora patrari solent, quo magis ad nobiliorem finem ordinantur. Quis ergo credet, parvulorum resurrectionem ad æternam eorum salutem, ad Beatæ Virginis Mariæ honorem, & Ecclesiæ Catholicæ in Germania præ conspectu adversariorum militantis, robur, & eximium decus ordinatam; ita obscure, ac dubitabiliter fieri, quamquam divina ipsa virtute per se operante; ut is, qui redivivus esse putatur, magis mortuo, quam viventi similis remaneat, & præ resurrectionis incertitudine vix induci possint adstantes ad baptismum incertum, ac dubium sub conditione tantum administrandum?

5. Profecto nunquam aliquem Deus resuscitasse legitur, nisi ad vitam indubitabilem atque perfectam, & illico manifestatam. Sic filiam Archisynagogi exsuscitaturus, puellæ manum apprehendens, ait: *puella, tibi dico, surge, & confestim surrexit puella, & ambulabat.* (a) Et ad viduæ filium dixit: *adolescens, tibi dico, surge: & resedit, qui erat mortuus, & cœpit loqui:* (b) Et ad Lazarum voce magna clamavit, *Lazare, veni foras: & statim prodiit, qui fuerat mortuus, ligatus manus, & pedes institis.* (c)

6. Quando itaque vera intercedit resurrectio; Deus maxima, & ineluctabili claritate vitam ad baptismum absolute recipiendum infanti restituit, qui redivivus in vita persistere consuevit, quo usque saltem valeant sacræ omnes cæremoniae præscriptæ solemniter & ad amulum adhiberi. Ex quo parentes alique fideles, qui pro mortuo oraverant, plenaperfruantur ex omni parte lætitia; Mariannæ protectionis efficacia manifestius elucescat; divina gloria Ec-

clesiam suo lumine compleat, & magnificentius illustret: & os iniqua loquentium, & Catholicos denimia credulitate infimulantium, obstruatur.

7. Denique illud præ oculis habendum est, mutationes illas, quæ dubia Resurrectionis indicia credita sunt, multoties in fervorum Dei cadaveribus post mortem visas: & nihilominus nequaquam propterea in adstantium mentem venit, eos ad vitam rediisse: imo difficillimum sæpe fuit, judicare, utrum ea saltem ad miraculum pro illorum funere honorando a Domino editum pertinerent. Quanto minus ergo ad resurrectionem probandam ea ipsa valebunt, si de infantibus sermo est; qui cum adeo tenelluli sint, & e sinu matris, ubi diu clausi vixerant, in apertum aërem prodierint, insolitæ sibi aëris actioni jam expositi, prædictis mutationibus præ adultis longe facilius frequentiusque afficiuntur?

8. Et quidem cadaverum putrefactio sine magna quadam fermentatione

(a) Marci 5. 41.

(b) Lucæ 7. 16.

(c) Joannis 11. 43. & 44.

tatione non accidit. Ubi autem intervenit fermentatio, aderit etiam calor & partium expansio, seu dilatatio, & consequenter sanguis facillime profluet ad partes extimas.

Hoc tamen multo magis locum habebit in his parvulis; tum quia vectatio in ipsis motum sanguinis provocare valet; tum quia eorum sanguis tenuissimus est, ac propterea fluidissimus, ac veluti serum rubicundum: tum quia eorum nervi, muscoli, venæ, arteriæ, cæteræque partes propter eximiam eorum teneritudinem, nequaquam sanguinis pressione obfistere valent, quam inducit fermentatio. Quapropter ille huc, illucque, sursum deorsumque discurrit: præsertim cum venarum valvulæ, præ ipsa teneritudine contrario sanguinis motui satis resistendo non sint. Sanguis ergo ad partes exteriores accurrens, aures, labiola & genas, colorare facillime poterit: atque ex ipsa sanguinis aliorumque liquidorum fermentatione, ac pressione, motuque ad partes extimas, poterit etiam non tantum fodor, sed &

hæmorrhagia sanguinis oriri. Quin imo hæc ipsa pressio turgida efficiens labiola, & oculorum palpebras, ipsis aliquem interea motum inducere, eaque sic etiam aperire poterit: neque insolitum est, in mortuis quandoque motus a spiritibus residuis, vel salibus musculos, ac nervos vellicantibus procedentes observare. Irritabilitas enim partium, quæ nervis abundant, etiam post mortem omnino certam, diu perdurare consuevit: ut plurimis experimentis, oleo vitrioli applicato probat Zimmermannus, aliique recentiores. (a) Quæ certe phænomena si nequaquam in cadaveribus adultorum rara censentur; quanto minus in parvulis?

9. Nec prætermittendum est, hanc ipsam fermentationem de facili posse augmentum sumere in templis, de quibus est sermo. Parvuli enim ad ea comportantur pannis undique involuti, ac arcibus mortuariis inclusi: cum autem eo pervenerint, ex prædictis arcibus educti, & pannorum velamento in capite, brachiis, & pectore soluti, aperto aëri exponuntur: nimirum ut, si fortasse aliqua in eis

C c c c 3

con-

(a) Zimmermann, *de sensib. & irritab. part.*

contingat mutatio; facilius dignosci possit. Aër igitur, in eos immediate agens, efficacior est, cooperantibus etiam quandoque luminibus in Ecclesia, circum ipsa cadavera præsertim, accensis.

10. Quid amplius? ipsa cadaverici foetoris cessatio, ubi forte in parvulo accideret; cujus jam ex præcedenti valido foetore mors vera, & sine ulla dubitatione certa judicata fuerat, nequaquam esset sufficiens resurrectionis argumentum. Nasci enim illa potuit ex ipso aëre, foetidos arcæ, ac infantilium pannorum vapores dispellente ac dissipante; vel ex mutatione ventorum australium in boreales: vel ex humiditate Ecclesiarum, poros occludente, & exhalationem coercente: aliisve de causis.

11. Cum ergo hæc & similia per se sint satis ambigua, & cum præterea aliunde constat exanimatio; non poterit ex eorum adventu parvulus quasi jam redivivus baptizari. Inhibuerat quidem supra laudata Synodus Lingonensis Philippi An. 1455. *Ne aliquibus Sacramentum conferatur, nec etiam in Ecclesiastico Cæmeterio tumu-*

lentur aliqui; quos verosimiliter idest moraliter constiterit, vita naturali, aut miraculosa caruisse. Sed ne Laici ex hac prohibitione scandalizati remaneant; volumus, quod cum prædicta occurrerint; ad Curatos singulorum locorum specialis habeatur recursus. Ex quibus verbis Amortio visum est, si solum ea spectanda essent; posse, a Parochis saltem, baptizari non solum eos, de quibus probabile est non carere vita naturali: sed etiam miraculosa. Verum obstant quo ad ultimos nova decreta: quapropter subdit: Cæterum quid Sedes Apostolica pronuntiatura sit in causa Urspergensis post iteratam informationem distinctam, aut quid præscriptura sit Parochis, patebit suo tempore. Ego illius judicio has meas considerationes omni veneratione subjicio. Interea inhærendo decretis Sacræ Congregationis S. Officii 27. Aprilis, & 19. Decembris 1729. 29. Februarii 1737. & 30. Januarii 1732. dico: nulli infanti, de cujus morte certe constat, baptismus conferendus est: nisi edat signa reviviscentiæ certa & indubitata. His vero consonant alia similia decreta: nimirum 3., & 6. Junii 1744.

ac denique 11. Maij. 1751. a Benedicto XIV. citata. Qui subdit:

(a) *Verum prædicta Congregatio recte sapienterque animadvertit: quod minime agebatur de infantibus, de quorum morte, aut vita ambiguis in utramque partem concurrentibus indiciis, disputaretur: sed de infantibus procul dubio vita functis, quique saltem tanto tempore vita caruerant, quantum in itinere plurimum quandoque dierum, nullo prorsus alimento ipsis dato, impensum fuerat: ac proinde rem esse de veron miraculo resurrectionis; quod sane admitti non debet, nisi perspicuis & plane concludentibus probationibus evidenter demonstretur.*

COROLLARIUM.

Illud remanet, ut his nonnulla subijciamus, quæ ad rem, de qua agimus, prudentissime Amortius adnotavit.

Reprehendit ipse morem frequenter huiusmodi parvulos ad Ecclesiam transferendi: maxime si una, vel altera a partu hora, aut certe brevi post partum: quo tempore multo facilius vivi esse poterunt, ac præsertim si ex longin-

qua regione id fieri contingat: docetque: *Per hanc praxim moraliter certum esse, longe plures infantes interfici sine baptismo, quam resuscitari ad vitam.* (b) Idemque paulo post repetit: eo quod huiusmodi translatio mortem posset mere apparentem in veram convertere. Nam præter itineris molestias multorum sæpe dierum, aliaque incommoda; ex arcis mortuariis educti, ac pannis, quibus involuti erant, solutis, aëri frigido, & humido Ecclesiarum, per diem biduum, triduumque expositi manent; quod satis superque est, ad illud vitæ residuum, quod illis fortasse inerat, infelicissime disperdendum: testantur etiam bajuli, multos infantulos, qui in initio itineris leviores erant, in progressu adaucto pondere, graviores effectos: quod indicio erat, eos antea vivos, in itinere tandem obiisse. Parentes inluper prætextu speratæ resurrectionis, ubi parvulus forte sit absque vita oriturus, orationis assiduitatem, atque fervorem negligunt. Et patres quidem nihilo secius consuetæ gulæ, ac temulentiae indulgent; matres

verò

(a) De Synod. Dioces. l. 7. c. 6. n. 2. p. 316.

(b) Amortius d. loco quest. 2. in probat. anteced. p. 337. & in probat. v. Dioc. p. 338.

vero cautelas debitas pro foetus conservatione atque salute contemnunt. Dum igitur infantis mors non adhuc per signa characteristica fuerit indubitata; expedit, illum in domo propria cubiculo commodo, ac in aëre temperato detinere: simulque satagere, ut fomentis, aliisve medicæ artis remediis, si forte fieri possit, ad vitæ usum excitemus. Loco autem delationis ad Sanctuaria eum divinæ misericordiæ, B. M. Virgini, aliisque Cælico is commendabimus, firmissime statuentes aut etiam voventes, quod si Deus vitæ ipsius manifestationem, vel etiam restitutionem, concesserit; eundem convenienti tempore, ad Ecclesiam pro gratiarum actione deferemus. Et nihilo minus interdum observando investigabimus, an signa det illæ vitæ, & an aliquam subeat mutationem: nimirum an flexibilior fiat, an redeat ipsi naturalis calor, an aliud emergat, ex quo quidquam circa vitam, vel mortem parvuli dignoscendam aliquatenus conjici possit.

13. Si vero Deus dignaretur efficere, ut parvulus, cujus mors indubitata non adhuc est; in pro-

gressu vitæ quidem signa producat, sed tantum incerta; tunc a Parocho, si præsens aderit, quod maxime conveniret, fin autem, ab alio saltem baptizabitur: hujusmodi enim eventus moram non patiuntur. Si vero pro speratis vitæ signis, nova insurgerent, & characteristica mortis indicia; tunc sane tempus erit congruum, corpusculum exanime ad thaumaturgas imagines deportandi: si forte misereatur Dominus, & relinquat post se benedictionem, parvulumque vivificet: potens est enim Deus de lapidibus suscitare filios Abrahæ: ac valde laudabile est, humili oratione tantum ab eo petere, quamquam sine speciali interna motione, in tanta necessitate miraculum. Atque ubi vera deinde atque indubitata signa resurrectionis exurgerent; absolute parvulus esset a proprio Parocho baptizandus: nequaquam enim timendum esset, ne Deus propter moram istam accersendi, & expectandi Parochum, resuscitatum infantulum fineret absque baptismo perire. Expedit autem, hujusmodi parvulos a propriis Parochis, & non a sanctuariorum presbyteris baptizari, ut omnis vel nimiae

nimiæ credulitatis, vel etiam fraudis incommoda suspicio penitus arceatur.

Hac tamen occasione monendum: parvulos sine baptismo mortuos nihilominus, pro sepultura ipsa profana, semper ad Parochos esse deferendos, uti Syracusana Synodus Marini Anno 1727. imitando certe decreto sancivit: *Ne infantium sine baptismo decedentium superstitionibus deserviant*

membra; obstetricibus, parentibus, aliisque, ad quos spectat, districte præcipimus, ut integros, & non mancos, aut mutilos, deferant ad Parochos, eorum sepulturam in tuto, secretoque loco curaturos. Aequum enim est, ut quandoquidem cum Christo regnare, ac vasa gloriæ esse nequiverunt; ne saltem adversus creatorem suum, veluti diabolicæ nequitiae instrumenta, nova infelicitate adhibeantur.

EUSEBII AMORT INSTRUCTIO

Ad examinanda signa certæ mortis, aut vitæ in infantibus.

Primo circa tempus, & causas mortis ex bajulis infantum defunctorum interrogandum est.

1. Quot dies, vel horæ effluxerint a partu infantis?

2. Quot diebus, vel horis locus distet, ex quo allatus est infans?

3. An partus fuerit difficilis? Et quot horis dolores partus duraverint?

4. An mater jam diu ante partum ægrotaverit?

5. Quanto tempore ante par-

tum mater vitam in infante senserit?

6. An infans ante ordinarium tempus partus venerit? Et quanto tempore?

7. Quot horis post partum infans e domo materna dimissus, & bajulo traditus sit?

8. Quæ media infanti post partum adhibita fuerint, ad excitandos spiritus vitales?

9. An proles sit puellus, vel puella?

10. Quis color fuerit infanti
D d d d post



post partum? Quis domi in abitu?
Quis in via?

11. An in infante nullus foetor cadavericus domi, vel in via animadversus sit?

12. An infans in via pondere notabiliter creverit?

Secundo in loco, ad quem infans deferitur, observetur, an in eo reperiantur infallibilia mortis indicia? Observetur:

1. Utrum in infante jam ad aliquos passus sentiatur magnus foetor cadavericus? An vero vix ullus, aut nullus talis odor cadavericus, etiam proxime, adverti possit?

2. Utrum color in vultu sit pallidus lividus, seu emortuus? an atrocæruleus? an rubeus amœnus, & limpidus? an atrorubeus an intermixtus? Notentur etiam determinatæ maculæ pallidæ in facie: ut earum mutatio post unam, vel alteram horam facilius deprehendi possit.

3. An brachia faciliter, vel difficulter flecti possint?

4. An caro in vultu, vel pectore post impressionem statim, vel tarde se restituat?

5. An genæ vel caro in pectore mollis, vel dura sit?

6. An oculi sint clari, vel obscuri?

7. Utrum in vultu sudor, vel in oculis limpida aqua sit?

8. An sub naribus, vel in fasciis, ac linteis sanguis, aut maculæ sanguineæ sint?

9. An cranium fractum, vel alia principalis pars læsa sit?

10. An corpus instar glaciei intense frigidum? vel frigus exiguum, aut vix ullum sit?

11. Si nullum reperiat infallibile mortis signum; applicentur vel spiritus, vel balsamum, aut pulveres sternutatorii, vel salia volatilia, verbi gratia sal volatile cornu cervi; vel admoveantur pectori aliquandiu panni calidi, aut laminæ lapideæ calefactæ: vel sulphur affletur naribus, & ori incensum &c. Dein observentur effectus post aliquod tempus. Infans autem servetur in loco temperato, bene obtectus, nec exponatur magno frigori vel humiditati.

Tertio si nullum, adhibitis omnibus mediis, reperiat signum vitæ; observetur post aliquot horas interruptis vicibus

1. An nullus veniat color vivus?

2. An oculi non fiant pellucidiores?

3. An

3. An brachia non fiant flexibilia?

4. An foetor cadavericus totaliter defierit.

5. An ex oculis fluant lacrymæ claræ, ac limpidæ?

6. An ex naribus fluat clarus sanguis?

7. An rigor in genis, & pectore cessaverit? Quando talia signa reperiuntur in infante, in quo prius nulla infallibilia signa deprehensa sunt, & prudenter dubitari possit, utrum tales effectus proveniant a principio vitali per modum ultimi conatus naturæ, vel non vitali; id sine mora indicetur Sacerdoti, ut fiat, quod faciendum duxerit. Me quod attinet, si in tali infante nulla deprehenderem prius manifesta certæ mortis indicia, ex foetore cadaverico, & corruptione, seu putrescentia inchoativa in cute ac carne vultus & pectoris, quæ ex mixtura palloris lividi seu obscuri cum diverſi coloris maculis heterogeneis cognoscitur; concurrente postea eleganti colore roseo, aut vivido intra triduum; infantem sub conditione baptizarem hac forma: *Si adhuc vivis, ego te baptizo* &c. Idem facerem etiam post tri-

duum, imo mensem, & annum, si infans dicto modo in casu extraordinario reperiretur incorruptus in vultu, & pectore: & de novo illi in vultu, & pectore rediret color vividus, hoc est manifeste similis alicui homini viventī.

Circa locum, ubi ponuntur infantes, observandum est primo, an sit humidus, vel ficcus? quod ex plagula papyracea bene bibula experiri licebit. Si enim in tali loco flaccescat, & manu sensibilem humorem contrahat, quasi fuisset in cella subterranea: vel si circiter per horam in tali loco posita pluribus granis plus ponderet, quam prius vel postea aliquandiu detenta in loco sicco; manifestum est, locum esse humidum.

2. An sit frigidus, an respectivo temperatus? Id experiri licet ope Thermometri, si in illo loco positum, & prius, vel postea in aliis locis collocatum ostendat notabilem differentiam.

3. An sit paucis, exiguis, & altis fenestris præditus, sicut Ecclesiæ Romæ. Tales enim Ecclesiæ in hyeme solent esse temperatiores externo aëre.

4. An janua, vel fenestra sit
D d d 2 versus



versus plagam australem occidentalem, septentrionalem, aut orientalem? & utrum in illa regione venti pluvii potius veniant ex meridie, & occidente, quam alia plaga? Ex eo enim cognoscitur, an in illo loco dominantur venti sicci, vel humidi; calidi, vel frigidi?

5. An vicinia sit humida, palustris, vel collibus septa; ita ut ibi in vere, & autumno se detineant in valle vapores?

6. Qualis fuerit tempestas tempore observationis: an pluviosa, vel serena, vel nebulosa? quis tunc spiraverit ventus? quæta tunc fuerit luna in martyrologio? An eo tempore fuerit concursus magnus multitudinis in Ecclesia? Hæc enim omnia dirigunt, & variant iudicium circa copiam humorum concurrentium ad effectum.

7. Qualis sit tabula, in qua deponuntur infantes, an lignea vel lapidea? An subtus sit pavimentum frigidum, humidum? Constat enim ex actis Academiæ Regiæ Parisiensis, spiritum vini fortissimum in vase stanneo, quod in pelvi magna, aqua frigida plena, identidem refri-

geranda per affusionem novæ aquæ frigidæ, ponitur, incensum magnam post se relinquere quantitatem phlegmatis. Similis ergo separatio volatiliū partium, ad partes extimas superiores tendentium, potest in infantibus fieri ex vicinia corporis frigidi.

8. An signa in toto vultu, & pectore dentur, si infantes sinantur jacere ex latere, vel inverso corpore? Spiritus enim exhalati per fermentationem tendunt versus superiora.

9. An offusa aqua frigida pectori, statim cesset rubedo? infusio enim aquæ frigidæ sistit fermentationem.

10. An incrementum, & decrementum coloris fiant gradatim, ac successive; an instantanee?

11. An post decrementum coloris, quando jam fuerunt baptizati conditionate, factæ sunt sectiones anatomicæ cordis, & cerebri? ut ex eorum inspectione possit sumi conjectura de hora mortis: utrum videlicet contigerit post baptismum, vel diu ante baptismum? Multa alia huiusmodi observatu digna suggeret prudentia, & peritia physica.

Et ista quidem Amortius, ad dignoscendam parvuli vitam mortemque conscripsit. Reliquæ ejusdem, quia in toto præfati Capite Lectori satis delibanda communicavimus, hic omittenda censemus: dulcius pleniusque, ubi libuerit, ex ipso fonte bibenda.



INDEX.

Prior numerus Librum, secundus Caput, tertius numerum marginalem, quartus paginam designat. App. Appendixem; Mon. Monumentum; Annot. Annotationem.

A. ABORTUS.

Involuntarii quæ sint causæ frequentiores. *l. 1. c. 1. n. 4. p. 4.*

Ne sequatur ad quid teneantur conjuges. *ib. p. 5.*

A quibus aliis causis provenire soleat, sicuti & partus difficiles, & vitiosæ generationes. *ib. p. 5.*

Provenit aliquando ex maleficiis, & quod contra ea remedium. *ib. n. 6.*

Involuntarius quomodo punitus ab Ecclesia græca, & a latina. *ib. & l. 4. c. 1. n. 10. p. 413.*

Voluntarius quomodo a Parochis impediendus. *l. 1. c. 2. p. 7.*

A quibus causis procedat. *ib. n. 1. & 5. p. 7. & 8.*

Voluntarium exercebant ethnici, & Manichæi. *l. 1. c. 2. n. 1. p. 7.*

Eum damnat christiana Philosophia, ut & impeditionem humanæ generationis. *ib. n. 2. p. 7.*

De abortibus suæ ætatis querelæ S. Hieronymi, & Tertulliani. *ib. n. 3.*

Eum frustra procurant matres Joannis a Palafox, & S. Germani. *ib. n. 4. & 5 p. 8. & 9.*

Multæ matres procurant Choræis *ib.* Illicitum esse doceant Parochi, etiam ubi subest infamiæ metus. *ib. n. 6.*

Eum procurans, si fœtus est animatus, reus est homicidii proditorii, & Ecclesiæ immunitate indignus. *ib.*

Etiam ubi fœtus est inanimis, ad
(A)



eum cooperantibus, excommunicationem reservatam Papæ, & alias pœnas Sixtus V. imposuit. *ib.*

Hanc excommunicationem Gregorius XIV. ad solum abortum fœtus animati restrinxit; ejusque absolutionem Episcopis permisit. *ib. pag. 10.*

Eum procurantibus, tam si fœtus est animatus, quam inanimis, pœnas Canonicas inflixit S. Basiliius Magnus. *ib. n. 7.*

Voluntarie abortienti perpetuam publicam pœnitentiam imponebat vetus Ecclesiæ disciplina; ejusque absolutionem tantum in mortis articulo indulgit. *ib. n. 8.*

Hujusmodi pœnam ad decennium temperavit Concilium Ancyranum. *ib.*

Adulteræ abortum procuranti absolutionem etiam in morte denegavit Concilium Eliberitanum. *ib.*

Eum procurantes magis timent Laicos Magistratus, quam Ecclesiam, & quare. *ib. n. 9.*

Denuntiandi Parochis a quolibet, qui abortum aliter impedire non potest. *ib. p. 11.*

Puniendi etiam quandoque sunt ultimo supplicio. *ib. n. 11. p. 14. & 15.*

Ad abortum cooperantes, ut homicidæ puniuntur novo jure in Sicilia. *ib. & in App. Mon. 4. n. 10.*

Major tamen est pœna, ubi fœtus est animatus. *l. 1. c. 9. n. 2. p. 6.*

Hujusmodi pœna conducit ad stupra impedienda. *ib. c. 2. n. 12. p. 14.*

Abortus fœtus animati, siye inanimis, opponitur naturæ, & fini generationis. *l. 1. c. 3. n. 4. p. 7.*

Purgatio, & phlebotomia non inducunt proximum periculum abortus, & mortis in fœtu, & quare. *ib. c. 4. n. 2. p. 23.*

Eum procurant mulieres, præsertim illegitime prægnantes, in principio graviditatis. *ibid. c. 5. n. 1. p. 29.*

Ad abortus arcendos curam habeant Principes de projectis. *l. 4. c. 4. n. 3. p. 26.*

In abortu semper inspiciendus est fœtus, quamvis mole minimus, num forte moveatur, & baptizari possit. *l. 1. c. 5. n. 2. p. 30. & c. 12. n. 2. p. 93.*

Abominibus se non cooperaturum juravit Hippocrates. *l. 1. c. 8. n. 5. p. 56.*

In abortu fœtus adulti, ubi etiam periclitatur vita matris; sæpe duplex est homicidium. *ibid. c. 9. n. 2. p. 65.*

Defletur parentum sôcordia, & aliorum in non inspiciendis abortientis ejectamenti; & quare. *ibid. c. 12. n. 2. p. 93. & in App. Mon. 4. n. 12.*

Abortum procurans, vel partum Cæsareum prohibens, aut negligens, aliquando est plurium homicidiorum reus, & quare. *l. 2. c. 17. n. 1. & 2. p. 213. & 214.*

In



In abortibus foetuum multiplicitas
saepe conspicitur, & quare. *ib. n. 2.*

Abortuum numerosorum exempla.
ibid.

Abortus, & partus numerosi certis
in locis frequentiores. *ibid. n. 8.*
p. 218.

Abortus foetus inanimati procuratio
Melitæ est casus cum excommu-
nicatione Episcopo reservatus.
l. 4. c. 1. n. 4. p. 479.

Statuta Sicula de abortu in pragma-
tica de partu Cæsareo. *Append.*
Mon. 4. a n. 10. & Mon. 7.

ABORTIENTES.

Ipsarum ejectiones domestici in-
curiose non observant. *l. 1. c. 5.*
n. 1. p. 19.

In latrinas, & sterquilina ea proji-
ciunt, licet quandoque foetum vi-
vum contineant, & exempla. *ib.*

Earum ejectionum in principio
prægnationis an dignosci possit
sit ne Embryo, vel mola, & quo-
modo. *ib. c. 12. n. 11. 12. & 13.*
p. 99. & l. 2. c. 17. n. 12. p. 220.

Unde sit mola. *l. 1. c. 12. n. 14. p. 100.*

Mola semper secanda, ut inspiciat-
ur, num lateat in ea foetus. *ib.*

ABORTIVI.

Observandi in principio gravidita-
tis an moveantur. *l. 1. c. 5. a n. 2.*
p. 30. & c. 12. a n. 2. p. 93.

Sæpe mortui videntur, etsi vivi.
ibid.

Vigesimo die vivi facile inveniun-
tur. *ibid.*

Etsi minimi, vivere possunt, quous-
que baptizentur. *ib. a n. 6. p. 96.*

Etsi sunt sensibiles. *ib. a n. 11. p. 99.*

Etiā imperfectissime figurati, sunt
conditionate baptizandi, si mo-
veantur. *l. 1. c. 10. n. 1. p. 72.*

Phaseolo, vel grano hordeaceo mi-
nores, etiam sine ullo motu sunt
conditionate baptizandi, nisi sint
conquisi, vel corrupti, & quare.
ibid. p. 73. & l. 3. c. 18. a n. 4.
p. 361. & l. 4. c. 6. §. 4. n. 5.
p. 451.

Ex omni pene graviditatis die asser-
vantur a Bianchio *l. 1. c. 11, a n.*
6. p. 81. & seqq.

Sæpe in necessitate a parentibus ba-
ptizandi, si desint Ministri Eccle-
siæ. *l. 1. c. 12. n. 1. p. 92.*

Completi vitalis motus indicium
dantes, sunt absolute baptizandi.
ibid. n. 2. p. 93. & l. 4. c. 6. §. 4.
n. 5. p. 451.

Nullum vitæ signum dantes sunt
conditionate baptizandi, si non
sunt corrupti, vel conquisi. *ib.*

Abortivi invalide baptizati exem-
plum. *l. 1. c. 12. n. 1. p. 92.*

Abortivus ad magnitudinem apis
motum vitalem præbens, absolute
baptizatus, & in Ecclesia sepultus
Monteregali. *ib. n. 2. p. 93.*

Alter Cammari molem habens, post
diem naturalem vivus inventus,
Panormi baptizatur. *ib.*

(A) 2

Alius



Alius aëri frigido in fenestra expositus, post septem horas vivus, Panormi in Parochia baptizatur. *ibid.* n. 3.

Duo gemelli, unus putrescens, alter visus mortuus: qui deinde per cordis motum vivus agnitus, Catanæ baptizatur. *ib.* p. 94.

Abortivi minimi quomodo baptizandi. *ib.* n. 8. & 9. p. 98. & 99.

Deformes, & monstrosi non sunt occidendi post baptismum. *ibid.* c. 12. n. 10. p. 99.

In abortivis baptizandis triplex aliquando conditio apponenda, & quæ. *ib.* n. 15. p. 101.

In eorum baptismo conditio *si es capax* plura respicere potest, & quæ. *ibid.*

Ipsis studiose favit Religio Clericorum regularium Matris Dei, & Benedictus Piazza Societ. Jesu. *ib.* n. 16. p. 102.

Ætatis quadraginta dierum, viventes sese ostendunt. l. 2. c. 7. n. 5. p. 152.

Quamplures mortui vitæ restituti sunt precibus Sanctorum Virorum, ut baptizarentur, & qui. *ib.* c. 13. n. 1. p. 191.

Abortivorum quamplurium resurrectiones fuere muliercularum inventa ad eos baptizandos. *ibid.* p. 191.

Omnes regulariter domi baptizantur, & quare. l. 4. c. 6. §. 2. n. 8. p. 449.

Secundinis involuti sub conditione baptizantur: scilicet deinde secundinis, iterum sub duplici conditione baptizandi, & quare. l. 1. c. 12. n. 8. p. 98. & l. 4. c. 6. §. 4. n. 6. p. 452.

Minimi facilius in Patera aquæ plena baptizantur, *utroque.*

Non licet eos fingere vivos, ut baptizentur, l. 4. c. 6. §. 8. n. 20. p. 458.

ABLUTIO.

In baptisinate fit in capite, ita ut aqua carnem tangat. l. 4. c. 6. §. 5 n. 2. p. 453.

ABSORPTI.

Pelago per octo dies, defectu alimenti non necessario moriuntur. l. 3. c. 21. n. 8. p. 395.

ABSURDA.

Et mala, quæ sequuntur ex incuria, habita de projectis. l. 4. c. 4. n. 3. & 5. p. 426. & 427.

ADULTI.

In eis Asphyxia rara non est. l. 3. c. 12. n. 1. p. 341.

Nonnulli septuaginta duas horas in Asphyxia manserunt vivi. *ib.* c. 14. n. 4. p. 35.

Et infantes in dubio an sint mortui, debent conditionate absolvi, aut baptizari, & quare. l. 3. c. 19. n. 2. & 3. p. 381.

In quamplurimis perfectæ ætatis reper-

reperitum est foramen ovale aper-
tum, itemque Tubus arterialis,
ib. c. 21. n. 7. p. 395.

A E R.

Seu æther in utero receptus fœtui
communicatur, & quomodo. *l. 2.
c. 11. n. 15. p. 176.*

Sese insinuat in placentam, & amnium
n. 16. p. 177.

Ad quos rarefactionis gradus per-
venire possit? *ib.*

Non deest utero, & amnio ad fœ-
tus respirationem sufficiens. *ib.*

Calidus, id est, halitus humanus
quomodo juvet submersos. *l. 3.
c. 22. n. 15. p. 401.*

ÆGRI.

A syncope redeuntes cur mirabilia
se vidisse narrent. *l. 3. c. 11. n. 5.
p. 338.*

AFFINITAS.

Spiritualis an contrahatur a conju-
gibus in necessitate baptizandi.
l. 4. c. 6. §. 1. p. 447.

BEATUS ALBERTUS M.

Docuit nonnatos posse a Deo emun-
dari ab originali sine baptismo.
l. 3. c. 8. n. 3. p. 301.

ALLEGORIA.

Et similitudo inter duo, non oportet
ut in omnibus subsistat. *l. 3.
c. 6. n. 4. p. 207.*

ALLENTOYDES.

Seu saccus, an detur in fœtu huma-
no. *l. 2. c. 11. n. 2. p. 167.*

AMOR.

Maternus, nisi ab infamia, aut mor-
tus metu compulsus, filios exponi
non sinit, *l. 4. c. 4. n. 18. p. 432.*

AMNIOS.

Et chorion, quomodo scindantur
in extrema necessitate. *l. 3. c. 6.
n. 1. p. 275.*

Amnii liquor. *l. 2. c. 12. n. 1. p. 182.*

ANGELUS.

Custos infantis in utero. *l. 1. c. 1.
n. 3. p. 3.*

ANGUSTIA.

Naturalis vaginæ uteri, vel callosi-
tas, ulcus, vel tumor ejusdem,
an requirat partum Cæsareum.
*l. 3. c. 4. n. 8. ad 13. p. 259.
& 260.*

ANIMA.

Veteres dubitarunt utrum ea cree-
tur ex nihilo, an producat. *l. 1. c. 5. n. 6. p. 23.*

De ejus origine quid senserit manes,
Pythagorici, Rabbini, S. Augusti-
nus *ib. n. 7. p. 33 & 34.*

Non est corpore antiquior. *c. 6.
n. 4. p. 43.*

Eam ex nihilo creari hodie certum,
incertum tamen tempus creatio-
nis *c. 5. n. 11. p. 36 & c. 11. n. 27. 28.
p. 91. & l. 4. c. 6. §. 4. n. 5. p. 451.*

(A) 3

111.



Infunditur corpori in utero existen-
ti. *l. 1. c. 7. n. 1. p. 45.*

Ea carere foetum, dum in utero exi-
stit, voluit Joannes Marcus, &
refellitur. *ib. n. 2.*

Aristotelicum inventum animarum
sibi succedentium a recentioribus
ipsis Peripateticis rejicitur. *ib. n.*
7. & 8. p. 50. & 51.

Creari foetu perfecto, an sit in Ca-
nonico Jure decisum. *c. 9. p. 65.*
per tot.

Eam ex traduce propagari asseren-
tes, dummodo spiritualement, & im-
mortalem admittant: non sunt
haeretici. *c. 5. n. 10. p. 36.*

In nonnatis spirituum animalium mi-
nisterio potest motum sanguinis
continuare. *l. 2. c. 11. n. 21. p. 180.*

Quandonam contrahat peccatum
originali ex S. Augustino. *l. 3. c.*
6. n. 7. & 8. p. 280. & 281.

Vide Animatio.

ANIMATIO.

Aristoteles eam fieri asserens toto
Embryone perfecto ab aliis im-
pugnatur. *l. 1. c. 7. n. 3. p. 48.*
ad fin.

Diversitas inter masculi, & femellæ
animationem quo ad tempus, re-
fellitur. *ib. n. 6. p. 50.*

Secundum fœnum, & alios fit per-
fectis principalioribus organis ter-
tio die. *c. 8. n. 1. & 2. p. 53. & 54.*

Opinio Hippocratis. *ib. n. 2.*

Gassendi. *ib. n. 7. p. 58.*

Galenii, *ib. n. 17. p. 64.*

Zacchias late probat fieri immedia-
te post conceptum. *ib. n. 9. p. 59.*

B. Mariæ Virginis, & S. Joannis Ba-
ptistæ. *ib. n. 10. & 11. p. 60. & 61.*

Opinio SS. Basilii, Nisseni, Cyrilli,
Gelasii, & Cæsarii: itemque Cas-
siodori. *ib. n. 13. p. 62. & 63.*

Zacchiæ sententia Medicis accepta.
c. 5. n. 1. p. 29. & 30.

Aliud est investigare animationis
tempus ad baptizandum foetum,
aliud ad puniendos abortus. *c. 9.*
n. 8. p. 71.

Zacchiæ sententia valde placet Re-
centioribus. *c. 11. n. 25. p. 89.*
& c. 12. n. 15. p. 101.

Hodie crevit probabilitate, & quare.
c. 11. n. 21. p. 80.

Non tamen est certa, sed veritas in
hac materia soli Deo, ac spiriti-
bus reservatur. *c. 10. n. 1. p. 72.*
& c. 11. n. 27. & 28. p. 91. & l. 4.
c. 6. p. 4. n. 5. p. 451.

Vide Anima.

ANIMALIA.

Et pisces respirant. *l. 2. c. 11. n. 5.*
p. 170.

Eorum plurima sub aquis viva per-
severant, licet aëris respirationi
assueta, & quæ. *l. 3. c. 21. n. 1.*
& 2. p. 391.

AMPHIBIA.

In aquis, & in terra commodissime
vivunt, & quare. *l. 3. c. 21. n. 4.*
p. 393.

ANSEL.



ANSELMUS,

La Pegna, Episcopus Agrigentinus,
partum Cæsareum protexit. *l. 2.*
c. 9. n. 3. p. 162.

ANTIPODAS.

Non dari fuit veterum opinio. *l. 3.*
c. 8. n. 7. p. 304.

AQUA.

Lustralis non danda a Parocho gra-
vidæ defunctæ non incisæ. *l. 2. c.*
15. n. 2. p. 202.

Ejus forbitio submersis, non potest
esse causa mortis. *l. 3. c. 22. n. 3.*
p. 397.

Submersus ab ea ereptus, ubi col-
locandus. *ib. n. 6.*

Artificialis adhibenda in necessitate
ad baptismum, si deficit natura-
lis, cum forma tamen conditiona-
ta. *l. 4. c. 6. §. 5. n. 1. p. 447.*

ARBORES.

Et plantæ hyeme siccantur; Vere
reviviscunt, & quare. *l. 3. c. 11.*
n. 6. p. 339.

ARCHIEPISCOPUS.

Panormitanus quid suo Edicto sta-
tuit in sua Dicecesi pro partu Cæ-
sareo, *App. Mon. 7.*

Montegalerbis idem edicte in suo.
Ann. 1. n. 7.

ASPHYXIA

Quid sit, & quæ ejus effectus. *l. 3.*
c. 10. n. 8. p. 330.

Ea detenti in medio inter vitam, &
mortem consistunt. *ib. n. 9. p. 331.*
In ea si diutius durant, moriuntur,
& quare. *ib.*

Ea correpti, quando possunt ad mo-
tum vitalem revocari. *ib. n. 10.*

Tres habet gradus, & quos. *ib. n. 12.*
In secundo ejus gradu, quam plurimi
nascentes moriuntur. *ib. p. 331.*
& 332.

Ea prostrati, cur non moriuntur
statim. *ib. c. 11. n. 1. & 2. p. 334.*
& 335.

Vivunt, quousque insensibilis san-
guinis circulatio durat, & quare.
ib. n. 3. & 4. p. 336. & 337.

Sufficit iis ad conservandam, vel re-
staurandam vitam motus intesti-
nus sanguinis. *ib. n. 5. p. 338.*

Rara non est in ipsis adultis. *ib. c. 12.*
n. 1. p. 341.

Ea fortasse detenti poss. horas septua-
ginta duas sepeliendi. *ib.*

In nascentibus ex labore nascendi,
etiam in partu faciliore, est obvia.
ib. a n. 3. p. 341. ad fin. 345.

In eam potius cadunt parvuli, quam
in mortem. *ib. n. 14. p. 346. & c.*
14. a n. 1. ad 3. p. 351. & 352.

Aliæ causæ asphyxiæ in fœtibus quæ?
c. 3. per tot. p. 347.

Facilius adultos, & natos perimit,
quam nonnatos, & quare. *ib. c.*
14. n. 4. & 6. p. 352.

ASTROLOGI.

Quid sentiant de tempore animatio-
nis fœtus. *l. 1. c. 7. n. 1. p. 46.*

AUCTOR



AUCTORES.

Insignes docent humanum Embryonem animari primis a conceptione diebus. *l. 1. c. 2. n. 7. p. 11. & c. 8. a n. 1. ad 8. p. 53.*
Vide Animatio.

S. AUGUSTINUS.

Ejus opinio circa originem animæ. *l. 1. c. 5. n. 9. p. 33. & c. 9. n. 4. p. 67.*

Non est auctor libri quæstionum veteris, & novi Testamenti. *l. 1. c. 9. n. 4. p. 67.*

Nec librorum de spiritu, & anima, & de Ecclesiasticis Dogmatibus. *ib. n. 5. p. 69.*

An reprobet baptismum fœtus in utero. *l. 3. c. 7. a n. 1. ad 3. p. 291. & 292.*

Non semper eum sequi tenemur. *ib. n. 10. & 11. p. 297.*

Ejus tempore Pelagiani docebant, nonnato prodesse baptismum, si matri administraretur. *ib. n. 4. p. 293.*

Explicatur ubi dicit: *Qui natus non fuit renasci non potest.* *ib. a n. 6. p. 295.*

Docet, nonnatos non esse partem matris physicam, sed ab ea distinctos, & per se baptizandos, *ib. n. 9. & 10. p. 297.*

Verbum *renatus* refert ad nativitatem ex utero: sed hoc non proponit ut dogma Ecclesiæ, sed ut probabile argumentum. *ib. n. 11. p. 298.*

S. Joannis textum de sola nativitate in utero, seu de simplici generatione, aliquando interpretatur. *ib. n. 13.*

Non docuit, baptismum nonnati, qui in seipso lavari possit in utero, esse nullum. *ibid. n. 15. & 16. p. 299.*

Ex S. Augustino quandoque malorum filii, non vero bonorum, perveniunt ad baptismum: & quid ad hoc dicendum. *l. 4. c. 1. n. 6. & 7. p. 408.*

AUXILIUM.

Præstandum ab obstetrice gravidæ in fine vitæ constitutæ. *l. 2. c. 2. n. 2. p. 114.*

Dubium potius, quam nullum, adhibendum est homini in necessitate posito. *l. 3. c. 18. n. 4. p. 367.*

Quod præstandum submersis, & quanto tempore. *ib. c. 22. a n. 2. ad fin. a p. 396. ad 404.*

Sufficiens ad æternam nonnatorum salutem ubi creditur a Deo præparatum. *l. 4. c. 1. n. 5. p. 408.*

B.

BALNEUM.

Quale applicandum pueris velui mortuis natis, ut ad se redeant. *l. 3. c. 16. n. 4. p. 361.*

Et submersis. *l. 3. c. 22. n. 8. p. 399.*

BAPTIS-

**BAPTISMUS.**

Quibus abortivis dandus. *l. 1. c. 10. per tot. p. 71.*

A Rituali Romano non præscribitur dandus, nec negandus abortivis minimis. *ib. n. 5.*

Id ostendit Florentinius. *ib. n. 5. & 6 p. 75 & 77.*

Est absolute conferendus abortivis completis, ac sese moventibus. *ib. c. 12. n. 2 p. 93.*

Conditionate dandus eisdem non corruptis nullum vitæ signum dantibus, & quare. *ib.*

Item abortivis incompletis, & quare. *ib.*

Et aliquando sub triplici conditione, & quæ. *ib. n. 15. p. 101.*

Dandus puero periclitanti, etiam cum periculo propriæ animæ, vel corporis, & quare. *l. 2. c. 16. n. 5. & 6. p. 107.*

Pueri in utero non caret dubio probabili. *l. 1. c. 6. n. 3 p. 278.*

Eum esse validum qui senserint, & quare. *ib. n. 4 5. & 6.*

Cur dicatur secunda nativitas. *ibid. c. 6. a n. 10. p. 284. & c. 7. n. 6. ad 12. p. 295. ad 299.*

Cur vocetur etiam regeneratio. *ib. n. 10. & 11. p. 284. & 285.*

Collatus puero in utero semper est secunda nativitas. *ib. n. 12. & 13. p. 286. & 287.*

Regulariter non dandus nisi natis, & quare. *ib.*

Collatus matri non prodest fœtui. *ib. c. 7. n. 4. p. 293. & per tot.*

Conferitur ex Romano Rituali puero in manu, vel pede ex utero egresso. *ib. n. 17. p. 290.*

Baptismi fluminis, & sanguinis est capax fœtus in utero, ei go etiam fluminis. *ib. n. 18 & 19. p. 290.*

Collatus ei, qui physice lavari potest ex doctrina Scoti validus. *l. 3. c. 8. n. 6. p. 304.*

Dandus nonnato periclitanti conditionate, & sub gravi culpa. *ibid. n. 10. p. 307. & n. 17. p. 313.*

Ut valide ministretur, sufficit puerum physice lavari. *ibid. n. 10. p. 307.*

Etiam sub unica ablutione. *ib. n. 17. p. 313.*

Collatus in utero per syphunculum, an validus. *ib. n. 16.*


Collatus nonnato secundinis involuto an validus. *ib. n. 18. p. 313.*

Secundinis ruptis est iterandus, & quomodo. *l. 4. c. 6. §. 4. n. 2. p. 450.*

An dandus pueris ex muliere, & demone incubo natis. *l. 3. c. 9. n. 9. p. 318.*

Non datur natis omni figura humana destitutis. *ib. n. 12. p. 320.*

Dandus est parvulis nascentibus ubi viget suspicio deliqui. *l. 1. c. 2. a n. 4. p. 95. & l. 2. c. 4. n. 5. p. 139 & latissime, l. 3. c. 17. & 18. a pag. 364. ad 384. & l. 4. c. 6. §. 4. n. 5. & 6. p. 453.*



Actum proprium subjecti non requirit in parvulis. *l. 3. c. 19. n. 3. p. 383.*

Reviviscentium. *l. 3. c. 23. in Addit. Semper sub conditione dandus expositis, etiam cum schedula inventis, & quare. l. 4. c. 4. n. 16. p. 431.*

De persona baptizatura. *l. 4. c. 6. §. 1. p. 447.*

A quocumque collatus est validus, *ib. §. 1. p. 447.*

In necessitate patrilinos non requirit. *ib. p. 448.*

Quando conferendus domi ab obstetrice. *l. 4. c. 6. §. 2. p. 448.*

Baptizantis intentio qualis esse debet. *ib. §. 3. p. 450.*

De persona baptizanda, & praesertim abortivis. *ib. §. 4. p. 450.*

Ejus materia quæ. *ibid. §. 5. n. 1. p. 453.*

In necessitate si deficit aqua naturalis, confertur cum artificiali, & forma, conditionata. *ib.*

Quæ ejus forma. *ib. §. 6. p. 453.*

De formæ applicatione ad materiam. *ib. §. 7. p. 454.*

Varia de baptismo. *ib. §. 8. n. 11. 15. 18. & 20.*

Cum domi confertur, etsi a Sacerdote, ejus validitas est diligenter inquirenda. *l. 4. c. 7. n. 1. & 2. p. 460.*

Conditionatus tempore sextæ Synodi non videtur fuisse in usu. *ibid. n. 3. & 4.*

Collatus ab obstetrice plerisque semper est suspectus. *ib. n. 7. p. 462. & n. 9. p. 464.*

Collatus domi an reiterandus, & quando, *ib. n. 10. p. 465.*

Praxis discutiendi ejus validitatem. *ib. a n. 13. p. 467.*

Dubius, etiam leviter, est iterandus sub conditione. *ib. n. 16. p. 468.*

Vide Baptizare, Baptizandus, Infantes, Nonnati.

BAPTIZARE, BAPTIZANDUS.

Qui nesciunt, ad conjugium non admittendi. *l. 1. c. 12. n. 1. p. 92.*

Tenentur in necessitate prolem parientes, & quando. *ibid.*

Abortivi sunt absolute baptizandi, si sint vivi; secus conditionate. *ib. p. 93.*

Puer ex utero per incisionem extractus quomodo baptizandus, & fovendus. *l. 2. c. 4. n. 4. p. 138.*

Quando baptizanda monstra ex muliere orta, *ib. n. 5. & l. 3. c. 9 per tot. p. 315.*

Vide Monstrum.

An baptizanda bruta ex muliere nata. *l. 3. c. 9. n. 5. p. 316.*

Conditionate baptizandi sunt nascentes semihomines, & semibruta, & quare, *ib. & n. 6. 7. 8. p. 317. & 318.*

Neminem baptizare sinant Parochi sine sua, aut suorum Communi- strorum adfistentia, & quare. *l. 4. c. 7. n. 19. p. 469.*

**BARBITONSOIRES.**

Venam prægnantibus incidentes
sine Medici præscripto, peccant.

l. 1. c. 2. n. 10. p. 13.

Et obstetrices debent a Chirurgis
partum Cæsareum addiscere, &
quare. *l. 2. c. 1. n. 9. p. 107.*

A Sicula Pragmatica obligantur ad
præstandum partum Cæsareum,
secus puniuntur *App. Mon. 4.*

Officium in Sicilia non exercent, nisi
partum Cæsareum defunctorum
facere sciant. *App. Mon. 5. n. 1.*

Pragmaticæ non obtemperantes of-
ficio privantur. *ib. n. 8. p. 203.*

S. BASILIUS M.

Pœnis Canonicis addixit abortum
omnem procurantes *l. 1. c. 2. n. 7. p. 11.*

Distinctionem fœtus animati, & in-
animis non admisit. *ib. c. 8. n. 13. p. 62.*

BELLUA. BRUTUM.

In mulieris utero generari potest,
& quomodo. *l. 3. c. 9. n. 5. p. 416.*

Egressum a femina an baptizandum.
ib.

Bruta dicuntur aliquando ex homi-
ne, concepisse, vel cum muliere
generasse. *ib. n. 5. & 6. p. 316. & 17.*

Monstrum ex homine, & vacca na-
tum, & baptizatum. *ib.*

Tritones, & Syrenes an baptizandi.
ib. n. 8. p. 318.

Nati ex syrene, & homine an ba-
ptizandi. *ib.*

BENEDICTION.

Prægnantium pro felici partu. *l. 4. c. 3. n. 3. p. 423.*

Ejus formula a S. Carolo edita. *App. Mon. 1.*

BENEDICTUS XIV.

Baptismus conditionatum nonnato-
rum admittit. *l. 3. c. 8. n. 10. p. 307.*

**BIANCHI JOANNES BAPTI-
STA.**

Partum Cæsareum viventis impu-
gnans refellitur. *l. 3. c. 2. per tot. p. 237.*

S. BIRGITTA.

Ejus mater naufragium evasit in gra-
tiam fœtus, Birgittæ nimirum
nonnatae. *l. 4. c. 3. n. 1. p. 421.*

S. BONAVENTURA.

Cur docuit baptismum non esse non-
natorum. *l. 3. c. 8. n. 5. p. 302.*

BRASILIA.

Ejus incolæ diu sub aquis degunt.
l. 3. c. 21. n. 2. p. 392.

BRUHIERIUS,

Et Winslovius docent solam putre-
factionem esse mortis indubitabile
signum. *l. 2. c. 1. n. 1. p. 27.*

Exempla vivorum sepulcorum, quæ
refert, explicantur. *ib. n. 2. 3. & 4. p. 128. & 129.*

(B) 2

Ejus

Ejus liber a quibus impugnatur,
ib. n. 6.

Non docuit partum Cæsareum dif-
ferendum usque ad putrefactio-
nem prægnantis: imo illi favet.
ib. n. 10.

Opiat ut in partibus desperatis fiat
incisio Cæsarea, vivente matre,
ib. p. 3.

Reprehendit tres errores, & quos,
ib. n. 11.

Quædam ab eo præscripta Parochi
servari curent in Parochia. *ib.*

BULLA.

Innocentii XI. damnat dicentes licitum abortum fœtus inanimati.
l. 1. c. 2. n. 6. p. 10.

Sixti V. excommunicationi Summo Pontifici reservatæ subicit procurantes abortum fœtus animati & inanimis, præter alias pœnas.
ibid.

Gregorii XIV. excommunicationem ad solum abortum animatum restrinxit, & Casum Episcopalem fecit, *ib. p. 11.*

Cum hæ Bullæ prodirent, Medici, & Philosophi erant Aristotelici,
ib. c. 9. n. 7. p. 70.

Sixti V. videtur sequi opinionem S. Basilii, & Zacchiæ, *ibid. n. 8. p. 71.*

C.

CADAVÉR.

Non liceret ad Anatomiam ingredi, nec sepelire, si ejus putrefactio esset expectanda. *l. 2. c. 3. n. 7. p. 131.*

CAJETANI CARDINALIS.

Opinio de pueris sola fide parentum salvandis sine baptismo, non est eadem cum illa Gersonii. *l. 4. c. 2. n. 5. 6. & 7. p. 418. & 419.*

CANIS.

Prægnans reddita exanguis per venarum sectionem, & mortua: cujus caruli extracti sunt vivi, & sanguine abundantes. *l. 2. c. 11. n. 21. p. 181.*

CANON.

Non est capitulum *Moyse*, & quare, *l. 1. c. 9. n. 2. p. 65.*

Pœnitentialis Gregorii III. quomodo punit abortus involuntarios. *l. 4. c. 1. n. 10. p. 413.*

Quam pœnitentiam imponit pueros opprimentibus. *l. 4. c. 6. §. 8. n. 29. p. 469.*

Canonistæ, *vide Theologi.*

CARNIFEX.

Magistratus cogit qui carnificis officium suppleat, quod olim nobiles non dedignabantur. *l. 2. c. 16. n. 1. p. 204.*

S. CAROLUS BORROMÆUS.

Et plures Synodi jubent partum Cæs-

Cæsareum defunctorum. *l. 2. c. 1. n. 3. p. 104*

Præcipit gravidæ benedictionem recipere Sacerdotis, & quando. *l. 4. c. 3. n. 3. p. 423*

Ac ante, & post partum Sacramenta Pœnitentiæ, & Eucharistiæ. *ib. d.*

Decrevit ne obstetrices proprio munere fungantur, nisi examinatæ de baptismo rite conferendo. *l. 4. c. 6. n. 2. p. 446*

Parum fidebat obstetricibus in ministracione baptismi. *ib. c. 7. n. 8. p. 463.*

Mulieris gravidæ benedictionem ordinavit. *l. 4. c. 3. n. 3. p. 423. App. Mon. 1.*

CAROLUS III. Siciliæ Rex.

Generalem projectorum deputacionem in Sicilia erectam confirmavit, aliaque ad rem statuit. *l. 4. c. 4. n. 33. p. 440*

CHARITAS

Sacerdotum extendenda ad nonnatos, ne pereant. *l. 1. c. 1. n. 2. p. 2*

In Parochis jure divino debet esse major erga miserabiles. *ib. n. 2. p. 2*

Nisi succurrat foetui, huic mors matris erit exitialis. *l. 2. c. 1. n. 1. p. 103.*

Urget omnes ut puerum juvent ad recipiendum baptismum. *ib. n. 6. p. 106.*

Obligat quandoque cum periculo spiritali, & corporali. *l. 2. c. 16. a n. 4. p. 206*

Et an ad obstetricandum. *ib. a n. 8. p. 201.*

An urgeat Sacerdotes ad ministranda conditionate Sacramenta repente mortuis, *l. 3. c. 18. n. 6. & 7. p. 309. & c. 19. p. 371*

S. Vincentii a Paulo erga projectos, *l. 4. c. 4. n. 5. p. 42.*

S. Francisci Salesii erga nonnatos. *ib. c. 5. n. 1. p. 441*

Ejusdem erga alios pueros, & Mariam Amedæam de Blonai. *ib. c. n. 3. ad fin. p. 442*

CÆSARES.

An dicti a partu Cæsareo. *l. 2. c. 1. n. 4. p. 104*

CÆSONES.

Soliti a Deo protegi. *l. 2. c. 1. n. 4. p. 104*

Sunt capaces hæreditatis, & legati, & quando. *ib. c. 7. n. 4. p. 151*

Debent ad hoc in Hispania esse baptizati, & supervivere viginti quatuor horas. *ib. & l. 3. c. 4. n. 44. p. 269*

Gemelli æquali portione hæreditati succedunt, *ib. n. 43. p. 209*

Uni ex gemellis a patre prædilecto hæreditas indivisibilis est conferenda. *ib. n. 44. p. 269*

CHIRURGUS

Non peccat extrahens in partu dif-



facili factum cum aliquo ejus periculo, *l. 1. c. 3. n. 5. p. 18*

Advocandus a Parocho, ut gravidae moribundae assistat. *l. 2. c. 1. n. 9. p. 107.*

Sed in vicino cubiculo. *ib. c. 2. n. 1. p. 113*

Tenetur partum Cæsareum administrare, etiam sine spe mercedis, & cum dubio vitæ fœtus, etiam pro filio inimici. *ibid. c. 1. n. 10. p. 109*

Peccat, si ob humanum finem id præstare recuset. *ib.*

Ante defunctæ sectionem per lectum inquirat, an fœtus forte sit natus. *l. 2. c. 2. n. 1. p. 114*

Ante sectionem manu tentet num fœtus sit proximus ventris peripheriæ, & quare. *ib. c. 4. n. 1. p. 136*

Ad incisionem quo ferro utatur. *ib.*

A qua parte incisionem incipiat, & cujus profunditatis faciat. *ibid. p. 137*

Curet ne vesicam pro utero fecet, *ib. n. 2*

Non inveniens in utero fœtum, ubi quærat. *ib. n. 7. p. 140*

Si molam pro fœtu inveniat, eam fecet, & quare, *ib. n. 8. p. 141*

Si recusat incidere, cogitur. *ibid. c. 15. n. 2. p. 202*

Imperitus parturienti nocet, & est puniendus. *ib. n. 4. p. 203*

Peccat, si in necessitate nolit curare verenda mulieris, vel obste-

tricarum ob periculum peccati. *ib. c. 16. n. 6. p. 207*

In partu difficili quibus instrumentis utitur. *l. 3. c. 1. n. 3. & 4. p. 224 & 227*

Tenetur ubi expedit partus Cæsareus in vivente, congruo tempore illum proponere, & exequi: & artis suæ libros habere & instrumenta, & quæ. *l. 3. c. 5. a n. 6. ad fin. p. 273. & seq. & in App. Mon. 5. n. 5.*

CHIRURGIA.

Præter Cæsareum viventium partum, graviores alias habet incisiones, & valde periculosas, non tamen insuperabiles, & quas. *l. 3. c. 3. a n. 18. p. 250.*

CHRISTUS.

Diligit nonnatos amore benevolentiae. *l. 1. c. 1. n. 2. p. 2*

Ejus præceptum ponendi vitam pro proximo, urget matrem pro quærenda vita spiritali fœtus. *ib. c. 3. n. 6. p. 18.*

Ejus verba: *Nisi quis venatus fuerit denuo*, quomodo intelligenda. *l. 3. c. 6. n. 7. p. 280. & a n. 9. p. 282*

Ejus discipuli fieri possunt, qui nihil habent, quod renuntient, *ib. c. 6. n. 4. p. 287*

Onus ab eo animarum pastoribus impositum, quam formidandum. *l. 4. c. 8. n. 8. p. 482*

CHO.

CHORION.

Inter, & amnium efformatur Embryo,
l. 2. c. 11. n. 2. p. 167

Ipsi adnascitur Placenta, & quæ sit.
ibid.

In ipsum quomodo diffunditur substantia lactiginosa. *ib. c. 12. n. 3. p. 184*

Quomodo cum amnio scindatur.
l. 3. c. 6. n. 1. p. 275

CIRCULATIO SANGUINIS.

In nonnatis non indiget respiracione, & quare. *l. 2. c. 11. n. 3. p. 169*

Veteribus ignota, & a quo inventa, & promulgata. *ib. n. 4. p. 170*

Quomodo, & quibus viis completur in humano corpore. *ib. n. 6*

In nonnatis quomodo fiat. *ib. a n. 7. ad 10. p. 172*

Opiniones Mery atque Winslovii de circulatione in nonnatis. *ib. n. 11. p. 174*

Circulatio perseverare potest quiescente corde, & quare. *l. 3. c. 11. n. 4. p. 337*

In nonnatis est lentior, quam in natis, & quare. *ib. c. 13. n. 6. & 7. p. 349*

Accedente Spirituum dissipatione, fit insensibilis. *ib. n. 8.*

CLYSTERES.

Profunt submersis. *l. 2. c. 2. n. 16. p. 125. & l. 3. c. 22. n. 16. p. 402.*
Vide Submersi.

COMITOLUS.

Baptismo nonnatorum contrarius impugnatur. *lib. 3. cap. 8. n. 10. p. 307*

CONCEPTIO.

Ejus impeditio illicita. *l. 1. c. 2. n. 2. p. 7. & l. 2. c. 17. n. 1. p. 213*

B. M. V. dicta formalis, celebratur ab Ecclesia. *l. 1. c. 8. n. 10. p. 60*

S. Joannis Baptistæ cur, & a quibus celebratur. *ib. n. 11*

Fœtus est aliquando vitiosa, & quomodo. *l. 2. c. 4. n. 7. p. 140. & l. 3. c. 2. per tot. 238*

Usque ad diem quadragesimum est dubia, *l. 2. c. 8. n. 2. p. 155*

Extra uterum partum reddit impossibilem. *l. 3. c. 2. n. 2. p. 238*

Ventralis quotuplex sit, & quomodo agnoscitur. *ibid. c. 4. n. 19. p. 261*

Ventrales conceptus quomodo inter se differant, & dignoscantur. *ib. a n. 22. ad 25. p. 262. & 263*

Ventralis an, & quando requirat partum Cæsareum viventium. *ib. n. 27*

Si ventralis in pelvi fuerit; fœtus ad maturitatem non perducitur. *ib. n. 28. p. 264*

CONCILIUM

Ancyranum pœnam pro abortibus impositam temperavit, & quomodo; *l. 1. c. 2. n. 8. p. 11*

Elliberitanum adulteram voluntarie abortientem cui pœnæ addixit. *ib. Afric.*



Africanum cum S. Cypriano quomodo confutavit differentes baptismum ad octavum diem. *l. 4. c. 3. n. 2. p. 421.*

CONFESSARIUS.

Solenter, & prudenter puellam, de illicito commercio se accusantem, interroget num sit gravida, ut ab abortu absterreat, & quomodo. *l. 1. c. 2. n. 13. p. 16*

Idem faciat cum infirma, ad mortem ægrotante, quam obliget ad manifestandam prægnationem extra confessionem pro casu mortis, & quare. Secus non absolvat. *l. 2. c. 1. n. 7. & 8. p. 106. 107.*

Vide Parochus.

CONGREGATIO.

Indicis Romana quid senserit de Libro Hieronymi Florentinii. *l. 1. c. 10. n. 3. p. 74.*

Doctrinæ christianæ in Sicilia etiam pueros docet baptismi ritum. *ib. c. 12. n. 1. p. 92*

Filiarum crucis, & sacræ familiæ a quibus institutæ. *lib. 4. c. 5. n. 5. p. 443*

CONJUGES.

Ad quid tenentur, ne sequantur abortus. *l. 1. c. 1. n. 4. p. 3*

Eorum culpas in status electione, & in usu conjugii commissas, quomodo punit Deus. *l. 4. c. 1. n. 8. p. 409*

Matrimonium non celebrent, nisi

confessi, & S. Eucharistia refecti. *ibid.*

Quæ inter ipsos licita sint, vel illicita erudiendi, & quomodo. *ib.*

Item de continentia diebus jejuniorum & orationis peramanda. *ib.*

Hæc eorum instructio in Rituali, & Missali Romano præscribitur. *ib.*

CONVULSIO.

Ejus effectus qui. *lib. 2. c. 2. n. 12. p. 120. & seq.*

In quo differat membrorum rigiditas cadaverica a convulsiva. *ib.*

COR.

Eo formato animam infundi probabile est. *l. 1. c. 11. n. 23. p. 87*

Ad ejus refrigerationem an præcipue ordinata respiratio. *l. 2. c. 11. n. 4. p. 163*

Ab eo ad omnes corporis partes actus perfectione sanguis excurrit. *ib. n. 5.*

In morbis repentinis, & violentis non semper amittit pœnitentis motum, *l. 3. c. 11. n. 2. & 3. p. 335*

Sine eo nonnullos fœtus natura formavit. *ib. n. 4.*

CORPUS.

Sine anima juxta quosdam formari non potest. *lib. 1. c. 11. n. 22. p. 87.*

A sanguinis motu progressivo irrigatur, & quomodo. *l. 2. c. 11. n. 5. p. 171.*

Ejus sesus exstimulandi ubi de prægnan-



gnantium aliorumque morte dubitatur. *l. 2. c. 2. n. 15. p. 124.*
& in dubio mortis parvuli nascentis, *l. 3. c. 16. a n. 1. p. 359.*
& *l. 4. c. 6. §. 8. n. 12. & 13. ex errore 14.* & in submersis quomodo, & quare. *l. 3. c. 22. a n. 9. p. 399*

D.

DEFECTUS.

Respirationis in natis est mortis indicium, minime in nonnatis, & quare. *l. 3. c. 13. n. 4. p. 348*

DEFUNCTUS. DEFUNCTA.

Defunctæ prægnantis ori an fistula imponenda. *l. 2. c. 2. n. 3. p. 115*
An & quando Caramueli, & Feifoo defunctorum mors ex morbo regulari, vel repentino dubia sit, ut eis possit conditionata absolutio administrari. *l. 3. c. 18. n. 6. & 7. p. 369. & c. 19. per tot. a p. 371. ad 383.*

DELIQUIUM.

Propter ejus suspensionem nonnatus non facile extrahendus est instrumentis, & quare. *l. 3. c. 4. n. 2. p. 257*
Ejus species quot, & quæ sint. *ib. c. 10. a n. 7. p. 328*
Ex qua causa oritur. *ib. n. 11. p. 331*
In ipsum facilius incurrit homo rarioris, & delicatioris texture,

& qui mobiliiores habet spiritus. *ibid.*

Magnum est interdum naturæ ipsius remedium, & quomodo. *ibid. n. 12. n. 332*

Eo affecti sensum quandoque non amittunt. *ib. c. 13. n. 9. p. 350*

Eo absorptus potius judicandus est parvulus nascens, quam vere mortuus, & quare. *ib. c. 14. n. 1. 2. & 3. p. 351. & 352*

DEPUTATIO.

Projectorum expedit ut ubique infiruetur, & quare. *l. 4. c. 4. n. 32. & 33. p. 439*

Quod ejus munus in Sicilia. *ib.*

Ejus erectio in Sicilia confirmatur a Rege. *ibid.*

DEUS.

Statis temporibus naturæ arcana revelat, & quando. *l. 1. c. 5. n. 4. p. 31*

Protegit Cæsiones, *l. 2. c. 1. n. 4. p. 104*

Præservat matrem in gratiam tenerioris foetus. *l. 2. c. 7. n. 2. p. 150*

Ejus iræ scopus fit familia, quæ partum Cæsareum prohibet. *ib. c. 17. n. 16. p. 221*

Potest nonnatos immediate justificare sine baptismo. *l. 3. c. 8. n. 3. p. 301. & l. 4. c. 2. n. 1. p. 415*

Hoc tamen non pertineret ad viam ordinariam. *ibid.*

Ejus providentia erga irrationabilia quid indicet. *l. 4. c. 1. n. 1. p. 415*

(C)

Vult



Vult omnes homines etiam parvulos fieri salvos. *ib. n. 2. p. 415.*

Disposuit media ad salutem necessaria parvulis in utero morientibus per baptismum, & quomodo. *ib. n. 2. 4. & 5. p. 406. ad 408.*

Naturales causas immutat propter matris orationes. *ib. n. 5. p. 418.*

Ejus judicia in electione parvulorum non investiganda, & quare. *ib. n. 9. p. 411.*

Ejus justitiæ, vel misericordiæ tribuendum, quod pueri decedant, vel non sine baptismo. *ib.*

Exorandus, ut nonnatos in vita servet in partibus præsertim desperatis; ut postea nati baptismo donentur. *ib. c. 2. n. 2. 3. & 4. p. 406. & c. 3. per tot. p. 421.*

Potest per angelum nonnatos baptizare: aut rationis usu illustrare, & salutaribus actibus justificare. *ib. c. 2. n. 4. p. 417.*

Restituit vitæ pueros, ut baptizarentur ad preces parentum, & aliorum, *ib.*

Elegit parentes ut suos ministros in prole procreanda, & suæ charitatis adjutores in ejus æterna salute procuranda. *ib. c. 3. n. 4. p. 424.*

Ejus misericordiam imitantur Principes curam projectorum habentes. *ib. c. 4. n. 4. p. 459.*

Ædificavit domos obstetricibus Aegyptiis, & quare. *ib. c. 6. §. 8. n. 30. p. 459.*

Benedicere solet zelum Episcoporum pro animarum æterna salute, *ib. c. 8. n. 3. p. 478.*

DIES.

Septimus cur criticus in morbis, & vulneribus. *l. 1. c. 8. n. 6. p. 57.*

DOMESTICI.

Manifestent moribundæ graviditatem pro partu Cæsareo. *l. 2. c. 1. n. 2. p. 104. & App. Mon. 4. n. 1.*

Eorum pcena si taceant. *l. 2. c. 1. n. 6. p. 106. & in App. Mon. 4. n. 14.*

Partum Cæsareum negligent, & impediunt in prægnationibus illegitimis. *l. 2. c. 14. a n. 1. p. 197.*

In hoc autem gravissime peccant, & alicubi pcenis canonicis, & excommunicationi subjiciuntur. *l. 2. c. 15. n. 1. & 2. p. 201. & in App. Mon. 7. n. 6. & Mon. 8. n. 4. & Mon. 9. n. 9.*

DUBIUM.

Fœtus dubie animatus, pro animato a prægnante habendus. *l. 1. c. 3. n. 7. p. 19.*

In dubio an monstrum sit unus homo, vel plures, quid agendum. *l. 3. c. 9. a n. 13. p. 321. & l. 4. c. 6. §. 4. n. 4. p. 450.*

De putrefactione particulari in nativitate, an dubitandum a quo proveniat. *l. 3. c. 15. a n. 10. p. 358. & c. 17. n. 2. p. 365.*

Quæ mors dicenda est dubia. *ib. c. 18. n. 3. p. 367.*



E. ECCLESIA.

Cum lætitiæ signis pueros baptizatos ad sepulchrum distinctum deducit, & quare. *l. 1. c. 1. n. 1. p. 1.*

Cur celebrat festum Conceptionis formalis B. M. V. *ib. c. 8. n. 10. p. 60*

Ei certo constare debet baptismum fuisse recte, collatum. *l. 4. c. 7. n. 12. p. 467*

EDICTUM, EDICTA,
Episcoporum Siciliae de partu Cæsareo pœnas interminantur eum prohibentibus, vel negligentibus. *l. 2. c. 15. n. 1. p. 201. & in App. Mon. 7 n. 6. p. 266. & Mon. 8. n. 4. & Mon. 9. n. 1. & 9.*
Seu constitutio Friderici Borussiae Regis de erudiendis obstetricibus. *l. 4. c. 4. n. 1. p. 425*
Henrici Regis Galliarum de vita, & baptismo puerorum furtive conceptorum. *ib. p. 426*
Instructorium circa partum Cæsareum, & alia, Episcopi conficiant quotannis legendum. *ib. c. 8 n. 5. p. 480*
Protomedici Regni Siciliae quid contineat, quoties, & quando publicatum. *l. 3. c. 1 n. 17. p. 237. & App. Mon. 5. & in Annot.*
Joseph Melendez Archiepiscopi Panormitani. *App. Mon. 7.*
Petri Galletti Episcopi Catanensis, *App. Mon. 8.*

Laurentii Jojenii Episcopi Agrigentini. *ib. Mon. 9.*

Jacobi Bonanno Episcopi Paetensis. *ib. Mon. 10.*

Aliorum Episcoporum Siciliae. *Annot.*

Ignatii Mariae Fraganeschi Episcopi Cremonensis. *ib. Mon. 11.*

S. ELZEARIUS.

Et S. Vincentius Ferrenius monstra omni specie carentia in pueros converterunt. *l. 3. c. 9. n. 12. p. 320.*

EMETICA.

Et lunaria tributa cientia gravidis non præscribenda. *l. 1. c. 4. n. 5. p. 25. vide Medicamen.*

EMBRYO.

An animetur, cum est formatus, & distinctus, *l. 1. c. 7. n. 2. & 4. p. 48. & n. 5. & 6. p. 49. seq.*
Ejus mensuræ juxta Aristotelem. *ib. n. 4.*
Juxta Gassendum, *n. 5. p. 49*
Ejus augmentum. *ib. & c. 12. a n. 5. ad 20. p. 95. & seqq.*
Femineus non tardius masculino animatur, *c. 7. n. 6. p. 51. & l. 4. c. 6. §. 8. n. 4. p. 455.*
An ei tres animæ successive adveniant, *c. 7. a n. 7. p. 52.*
An anima matris informetur ante sui animationem, *ib. n. 8. p. 53*
Moveri visus est sexto die a conceptu, *ib. c. 8. n. 3. p. 55*



An ubique eodem temporis spatio
formeretur. *ib. n. 6. p. 57*

Articulatum vidit Gassendus die
duodecimo a conceptu. *ib. n. 7.
p. 58*

Quomodo contineatur in ovo mu-
liebri. *ib. c. 11. n. 5. p. 80*

Crescit more arborum. *l. 1. c. 11. n.
5. & 23. p. 80. & 87*

Quomodo evadat punctum saliens.
ib. n. 8. p. 81

Quando adnectatur utero per pla-
centam. *ib.*

Quam figuram habeat septimo post
conceptum die. *ib. a n. 9. ad 15.
p. 80. & 84*

Utrum ab initio vegetetur ab ani-
ma. *n. 21. p. 86*

Motus privatio in Embryone pau-
corum dierum est fallax mortis
indiciu, & quare. *ib. c. 12. n. 5.
p. 95*

Hinc non est ei negandus baptis-
mus conditionatus, si est integer, & a
corruptione immunis. *ib.*

Animatus an sit sensibilis. *ib.*

Imo post fecundationem est in ovo
sibilis. *ib.*

Die tertio a conceptu vermis instar
apparet. *ib.*

Egredi potest vivus per abortum, &
aliquandiu conservari. *ibid. n. 6.
p. 96*

Quo imperfectior est, eo diuturnius
vivit, & quare. *ib. n. 2.*

Quomodo etiam sine motu baptiza-
tur. *ib. a n. 2. ad 5. p. 93. & n. 8.*

*& 9. p. 98. & l. 4. c. 6. §. 4.
p. 450*

Quomodo a mola & similibus di-
scernatur. *l. 1. c. 12. a n. 11. p. 99*
Intra chorion, & amnium efforma-
tur. *l. 2. c. 11. n. 2. p. 167*

EPISCOPUS, EPISCOPI.

Siculi quam censuram in impedi-
tes, negligentes, vel differentes
partum Cæsareum inflixerunt.
l. 2. c. 15. n. 1. p. 201

Alique præfules requirant num
projecti cum scheda vel sine illa
repti sub conditione baptizen-
tur. *l. 4. c. 4. n. 16. p. 431*

Negligentes obstetricum examen
non bene se gerunt. *ib. c. 6. n. 2.
p. 446*

Et Parochi attente baptismum exa-
minent ab obstetrice collatum, &
quare. *ib. c. 7. n. 9. p. 464*

Ipsis a Deo nonnatorum cura præ-
cipue commissa. *ibid. c. 8. n. 1.
p. 471*

Eorum cura de nonnatis in quo con-
sistat. *ibid.*

Quid in visitatione inquireret a Paro-
chis, & Vicariis. *ib. §. 1. a p. 471*

Quid præscribet pro nonnatis. *ib.
§. 2. p. 474*

Quas indulgentias statuet cooperan-
tibus nonnatorum salutis. *ib. n. 6.
p. 475*

Quas pœnas imponet negligentibus
vel impediens eorum salutem.
ib. §. 3. p. 476

Suarum



Suarum ordinationum circa nonnatos executionem quomodo exiget. *ib. §. 4. p. 477*

Cum sæculi Principibus agat pro nonnatorum, & projectorum salute spirituali statuendis legibus procuranda. *ib. §. 4. n. 1.*

Melitenfium circa prægnationes occultas providentia. *l. 4. c. 8. n. 4. p. 479*

Illegitimis, & nonnatis succurrere debent, & quomodo. *ibid. n. 5. p. 480*

Nonnatorum curam aliis etiam committant, & quibus. *ibid. n. 6. p. 480*

EPISTOLA.

Encyclica Advocati Fiscalis Magnæ Regiæ Curiae Siculae de promulganda Pragmatica Sicula de parvulo Cæsareo. *App. Mon. 6.*

Pars Epistolæ Præfecti Generalis Ordinum Clericorum Regularium infirmis ministrantium de curando Cæsareo partu. *Mon. 12.*

Proregis Siciliae ad Universitates de projectis. *Mon. 14.*

Ejusdem pro iisdem ad Antistites. *Mon. 15.*

Quid dictum specialiter Liparitano, & Mazariensi *ib. Annot. n. 1.*

Summa Encyclicæ ejusdem Proregis ad Visitatores Universitatum pro projectis. *ib. n. 2.*

Ejusdem Chirographus ad magnum Vice-Tabellarium pro iisdem. *ibid. n. 3.*

ETHNICI,

Et Manichæi ut licitos exercebant abortus voluntarios. *l. 1. c. 2. n. 1. p. 7.*

ERRORES.

In doctrina generationis a Drelincurtio detecti. *l. 1. c. 5. n. 5. p. 25*

In forma baptismi familiares plebi, & domesticis abortientis, & quare. *ib. c. 12. n. 1. p. 92*

Tres reprehendit Bruhierius, & quos. *l. 2. c. 3. n. 11. p. 135*

EXEMPLA.

Abortivorum neglectorum, vel in latrinas projectorum. *l. 1. c. 5. n. 1. p. 29.*

Allegata a Bruhierio explicantur. *l. 2. c. 3. n. 2. & 3. p. 127. 128*

Fœtuum sub omento, vel in vesica urinaria inventorum. *l. 2. c. 4. n. 7. p. 140*

Fœtuum in mortuo matris utero viventium. *ib. c. 4. n. 5. ad 11. p. 144. & 145*

Fœtuum sua vi natorum ex matre mortua & sepulta. *ibid. n. 1. per tot. a p. 142. ad 146*

Fœtuum minimorum partu Cæsareo extractorum. *ib. c. 7. n. 6. p. 152. & 153*

Prægnantium graviditatis tempus excedentium. *ib. c. 8. n. 4. p. 157*

Fœtuum viventium sine funiculo umbilicali vel eo putrefacto natorum. *ib. c. 12. n. 7. p. 189*



Redivivorum ad baptismum susci-
piendum. *ib. c. 13. a n. 1. p. 191*

Impedientium partum Cæsareum in
graviditate legitima. *ib. c. 14. n.
2. & 3. p. 197. 198*

Varia plurium fœtuum uno partu
natorum. *ib. c. 17. a n. 4. ad 8.
p. 215. & 218*

Varia superfœtationum. *ib. n. 9. &
10. p. 219*

Prægnantis sine incisione sepultæ.
ib. n. 16. p. 221

Incisionum Cæsarearum gravidis
viventibus. *l. 3. c. 1. n. 13. & 14.
p. 233. & 234*

Partus Cæsarei viventium, ubi ab-
domen, & uterus secatur. *ib. c. 3.
n. 5. & 6. p. 243*

Infantium syncope affectorum, &
adulorum submerforum ad vitam
revocatorum. *ib. c. 10, n. 1. 2. &
3. p. 324. & 325*

Puellæ in sylva inventæ, veluti mor-
tuæ, & ad vitæ usum redeuntis.
ib. c. 11. n. 10. p. 340

Infantium per annos plurimos in
matrem utero incorruptorum, &
in lapidem converforum. *ib. c. 12.
n. 12. p. 344. & c. 15. n. 5. & 6.
p. 356*

Submerforum diu sub aquis viven-
tium. *ib. c. 20. a p. 384. ad 391*

Abortivorum, & aliorum fœtuum,
qui putrescere videbantur; vivi
tamen inventi sunt. *l. 2. c. 13. n. 6.
p. 195. & l. 2. c. 15. n. 9. p. 357.
& in App. Mon. 16.*

Conjugatorum sanctorum circa ca-
stitatem. *l. 4. c. 1. n. 8. p. 409.*

EXPERIENTIA.

Ab Hyppocrate facta in abortivis
meretricum, quæ. *l. 1. c. 8. n. 6.
p. 57*

Visum est fœtum diu supervivere
post matris obitum. *l. 2. c. 6. n. 4.
p. 149*

Partum Cæsareum viventium firma-
vit, & quando *l. 3. c. 1. n. 12.
& 13. p. 232. & 233*

Suspenso laqueo interdum ad vitam
revocari eo resecto docuit. *ibid.
c. 20. n. 17. p. 390*

EXPOSITI, vide Projecti.

F.

S. FELICITAS.

Utero gerens, Deum precata ne
suum differretur Martyrium
infra triduum peperit. *l. 2. c. 1.
n. 11. p. 111*

FERRUM.

A magnete tactum, sibi unit cætera
ejusdem ferri fragmenta. *l. 1. c. 11.
n. 23. p. 87*

Filii sunt dona Dei. *l. 1. c. 11. n. 24.
p. 89*

FISCUS.

Regius in Sicilia principaliter agit,
ut violatores Pragmaticæ Sanctio-
nis de partu Cæsareo, & abortu
juridice puniantur. *App. Mon. 4*

Fisci

Fisci patronus in Sicilia præcipit omnibus Regni Officialibus Pragmaticæ, & Edicti Protomedici solemnem publicationem, & observantiam. *ib. Mon. 6.*

FLORENTINIUS HIERNYMUS.

Ejus liber de hominibus dubiis, sive de baptismo abortivorum. *l. 1. c. 10. n. 1. p. 72*

Ejusdem approbationes. *n. 2. p. 73*

Et accusatio. *n. 3. p. 74*

Modificatus permittitur. *ibid.*

Ejus argumentum a Conceptione B. Virginis desumptum. *ib. n. 5. p. 75*

FLEBOTOMIA.

Et purgatio licite possunt gravidis præscribi, & quare. *l. 1. c. 3. n. 3. & 4. p. 16. 17*

Prudenter imperatæ gravidæ indigenti, profunt, non nocent. *ibid. n. 4.*

Non semper inducunt periculum proximum abortus. *ibid. n. 2. & 4.*

FOETOR.

In nonnatis, interdum provenit non ab eorum morte, sed a sanguine, & fluidis uteri putrefactis. *l. 3. c. 15. n. 10. p. 358*

Vel a gangræna particulari. *ibid. n. 11. & 12.*

FOETUS.

An animetur statim post conceptionem. *l. 1. c. 3. n. 4. p. 17*

Si sit certo moriturus, an possit extrahi chirurgica manu in partu desperato. *ib. n. 5.*

An in partu difficili possit occidi ut maternæ vitæ aggressor. *ib.*

Ejus vita spiritalis præferenda vitæ corporali matris. *ibid. n. 6.*

Etsi matris morbo inficiatur, potest tamen ipsi tamdiu supervivere, donec baptizetur. *ibid. n. 8.*

Fortè animatur multo ante diem quadragesimum. *ib. c. 5. n. 3. p. 30*

In quadruplici statu consideratur in utero. *ib. c. 7. n. 1. p. 46*

An animetur septimo die a conceptu. *ibid. c. 8. n. 8. p. 59*

Imperfectus non reputatur ut homo, sed non inde sequitur non esse revera animatum. *ibid. c. 9. n. 3. p. 67*

Mortui proximus ante extractionem baptizatur. *l. 2. c. 4. n. 4. p. 138*

Ejus vita quomodo dignoscatur, & quid in dubio circa baptismum. *ib. n. 5. p. 139*

Putrefactio in eo non confundenda cum gangræna ipsius viventis, & quomodo. *ib. n. 5.*

Ejus conceptio aliquando vitiosa, & propterea extra uterum ipse reperitur. *ibid. n. 7.*

Diu superviventes. *c. 5. per tot p. 142*

E mortua matre nati. *c. 6. per tot. p. 146*

Mino


Minores nono mense imo & minimæ quoque ætatis vivi reperiuntur. *c. 7. per tot. p. 149*
 Immaturi, & si non vitales, attamen baptismi sunt capaces. *ib. n. 1.*
 Extracti septimestres quando habeantur pro natis, & ad successiones admittantur. *n. 4. p. 151*
 Quinquemestres, aut quadrimestres quandoque vitales *n. 5.*
 Exempla fœtuum minimorum qui partu Cæsareo vivi extracti sunt. *ib. n. 5. & 6. p. 152. & 153*
 Immaturi citius extrahendi, & quare. *ib. n. 8.*
 Utrum incidendæ prægnantes pro ejus extractione graviditate incipiente, & quando. *c. 8. a n. 1. ad 3. p. 155*
 Ejus conceptio est dubia usque ad diem quadragesimum. *ib. c. 8. n. 2. p. 155*
 Ejus locus, & situs in utero initio graviditatis incertus. *ibid.*
 Utrum incidendæ prægnantes ad extrahendum fœtum longe post nonum mensem. *ib. n. 4. p. 157*
 Raro fœtus in partu Cæsareo mortuos inveniri. *c. 9. n. 1. p. 158*
 Extracti Monteregali. *ibid.*
 Corileone, *ibid. n. 2. p. 162*
 Caltanissetæ, *n. 3.* Victoris, & Sambucæ. *n. 4. p. 162*
 Non præmoritur matri ex materno morbo, & quare. *c. 10. a n. 1. ad 4. p. 164*
 In dubio mater est incidenda. *ib. n. 5.*

Non commoritur matri ex defectu respirationis. *c. 10. n. 1. per tot. p. 164. seq.*
 A matre non habet motum, & inspirationem. *ibid. c. 11. n. 1. & 3. p. 167. & 169*
 Non communicat cum organis respirationi matris interservientibus, *ibid.*
 Cur nascitur mortuus, ubi placenta prius egreditur, vel funiculus umbilicalis sit contortus. *ibid. n. 10. p. 173*
 In utero non eget respiratione ad figenda sulphura. *ib. n. 13. p. 175. & l. 3. c. 21. n. 3. p. 393*
 An respiret in utero. *ib. a n. 13. ad 20. p. 175. ad 180*
 Ejus situs in utero favet respirationi. *ibid. n. 17. p. 178*
 Innatat liquori chilofo, quo nutritur. *l. 2. c. 11. n. 15. p. 176. & c. 12. per tot.*
 Quomodo is fœtû a matre communicetur. *ibid. n. 2. p. 167*
 Liquor iste fortasse conducit ad sanguinis motum. *ibid. n. 4. p. 170*
 Aliquando vagit in utero, movetur, & situm mutat. *c. 11. n. 15. p. 176. & n. 18. p. 178*
 Quando centrum gravitatis mutet, & in caput cadat. *ib. n. 18.*
 Egressus ab utero an respiret in membranis. *n. 19. p. 179*
 Respirat etiam cessante respiratione matris mortuæ. *ib. n. 20. p. 180*
 Non moritur, mortua matre, etiam si habe-



haberet cum ea communem sanguinis circulationem. *ibid.* n. 22. p. 181. & *App. Mon.* 4. & 5.
Matre mortua non ei deficit nutrimentum, & quare. *ibid.* c. 12. p. 182. & 183
Ejus nutritio in utero. *ibid.* n. 1. p. 182
An, & ubi deponant impuritatem in alimento inventam. *ib.* p. 183
Non nutritur materno sanguine per placentam hausto. *ib.* n. 3.
Quo est debilior, eo minori eget alimento. *ib.* n. 5. p. 188
Sine cibo diu, quandoque vivunt, ut accidit in adultia, & quare. *ib.*
Imo quandoque sine placenta, & funiculo. *ib.* n. 7. p. 189
Tantam spirituum dissipationem ex transpiratione non habet. *ib.*
Nonimestris vivus extractus a gravida, quæ ultimos viginti dies vitæ sine ullo cibo, & potu transegerat. *ib.* n. 6. p. 189
Propria non matris vita vivit. *ibid.* n. 8.
Præsumendus est semper vivus matre mortua. *ib.* & *App. Mon.* 4.
Potest supervivere matri per horas, & dies integros. *ib.* n. 9. p. 190
Quamvis obiisse fœtum asseverent Medici, & obstetrices attamen partum Cæsareum non esse omitendum, & quare. c. 13. *per tot.* p. 191
Partu instante vivi pro mortuis a peritissimis habiti, & ferra-

mentis extracti. *ibid.* a n. 3. ad fin. p. 193
Eos in utero finire, ut pereant, est iram Dei provocare in genus humanum. *ib.* n. 6. p. 195
Extractus, & deinde baptizatus, & mortuus cum pompa sepeliendus. l. 2. c. 13. n. 4. & 5. p. 194
Fœtus gravidæ. c. 17. n. 3. & 4. p. 214. & 215
Utero clausi non baptizandi. l. 3. c. 6. n. 1. p. 275
Fœtuum descriptio cum figuris ex Bianchio. l. 1. c. 11. a n. 6
Vide Infans, Nonnatus, Puer, Mater.
Multiplicitas fœtuum in abortibus, & in partibus maturis observata. l. 2. c. 17. n. 2. 3. & 4. p. 214
Maturus nasci conatur, & aliquando, non adjutus oritur. l. 3. c. 1. n. 2. p. 224
Si exit secundinis vestitus, partus est felicissimus. l. 3. c. 1. n. 3. p. 224. & l. 4. c. 6. §. 8. num. 10. p. 456
Eo mortuo in utero, mater non obligatur ad partum Cæsareum. *ib.* n. 6. p. 229
Eo vivente in utero, obligatur mater, nisi sectioni sustinendæ sit impar. *ibidem.*
Conceptus extra uterum, moritur cum matre, nisi natura, aut ars provideat, & quomodo. *ib.* c. 2. n. 2. p. 238
Certo mortuus in utero non est a
(D) viven-



vivente per incisionem extrahendus, & quare. *ibid.* c. 4. n. 2.

p. 257

Si videatur mortuus non facile extrahendus est ferro. *ibid.* n. 2.

Contentus in superiori abdominis cavo, an extrahendus a matre vivente partu instante. *ib.* n. 26. & 27. p. 263.

Quomodo extrahendus cum conceptus fuerit in Pelvi. *ibid.* n. 28. p. 264.

Conceptus in intima substantia ovarii disperditur. *ibid.* n. 29.

Si est in ovarii margine, vel tuba, & maturescat, erit extrahendus. *ibid.* n. 30.

Si est in medio tubæ matrem enecat, & propterea extrahitur: a fortiori vero matre extincta. *ibid.* n. 31.

Degens in utero ante tempus pariendi baptizari non potest: secus si partus instat, & quare. l. 3. c. 6. n. 1. p. 275. & 276.

Mortuus in utero matrem non cruciat, nisi putrescere incipiat. *ib.* c. 12. n. 12. p. 345.

Natus veluti exanimis aliquoties revocatur ad vitam, si diu curetur, & quomodo. *ib.* c. 16. n. 8. p. 362. & c. 23. in *Addit.*

Aliquoties ad se redeunt post tres, imo quatuor horas curationis. *ib.* n. 9. & 10. p. 362.

Quandonam vita periclitatur in par. m. l. 4. c. 6. §. 8. n. 9. p. 416.

Deformis non occidendus. *Append. Mon.* 4.

Vide Monstrum.

FORAMEN OVALE.

Ubi reperitur: & de valvula quæ in eo observatur. l. 2. c. 11. n. 7. p. 172.

Ejus munus a Meryo assertum quod sit, & an verum. *ib.* n. 11. p. 174.

Occluditur in natis, & quare. *ibid.* n. 12. p. 175.

Si perdurat in adultis, hi quamquam sine respiratione non moriuntur, & quare. l. 3. c. 21. n. 3. p. 393.

In aliquibus perdurat apertum. *ib.* n. 7.

S. FRANCISCUS XAVERIUS.

Ejus zelus in baptizandis parvulis. l. 1. c. 1. n. 1. p. 1.

Hujusmodi zelus ab eo suis sociis commendatur. *ibid.*

Parvulorum a se baptizatorum patrocinium pro se, & sua societate expetebat. *ibid.*

S. FRANCISCUS SALESII.

Matris utero eum gerentis pietas ipsi salutaris. l. 4. c. 3. n. 4. p. 424.

Antequam nasceretur Deo a matre oblatus. *ibid.*

In matris utero vita periclitatus est, sed matris oratione convaluit. *ib.* c. 5. n. 1. p. 441.

Pro nonnatis quam sollicitudinem habuit. *ibid.*

Sancto.



Sanctorum virorum sanctitatem, matrum precibus adscripsit. *ib.*

Gravidis jejunium vetat, & quare. *ib.*

Parturientem ab atrocissimis doloribus liberat, & quomodo. *ib.*

Hæreticæ matris filium sine baptismo mortuum resuscitat, & quare. *ibid.*

Se puerum cum pueris faciebat, & quomodo. *ib. n. 3. p. 442*

Ejus charitas erga Amedæam de Blonai, *ibid.*

Meditatur Congregationem influere, quæ puellas educaret. *ib. n. 5. p. 443*

Christi infantiam imitatur & premio afficitur. *ibid. n. 6. p. 444*

Est parvulorum protector. *ib. n. 7. & 9. p. 445*

Ejus orandi formula pro gravidis concinnata. *ib. n. 8. & 9.*

Hæc oratio a gravidis recitanda habetur. *in App. Mon. 2.*

FRUCTUS.

Gravidi. *l. 2. c. 17. n. 4. p. 215*

FUMUS TABACCI.

Et placentæ, ac funiculi umbilicalis combustorum ad pueros a deliquio excitandos utilis. *l. 3. c. 16. n. 5. & 6. p. 361*

Et clysteres submersis profunt. *ibid. c. 22. n. 16. p. 402*

Vide Submersi.

FUNICULUS UMBILICALIS.

Contortus est causa mortis fœtus in

utero, & quare. *l. 2. c. 11. n. 10. p. 173*

Eo putrefacto, fœtus tamen natus est vivus, & quare. *ib. c. 12. n. 7. p. 189.*

G.

GALLI.

Germani, alique Chirurgo ad obstetricandum utuntur. *l. 3. c. 1. n. 3. p. 224*

GALLINA.

Olim non ovum, sed pullum enixa. *l. 1. c. 11. n. 7. p. 82*

Ejus rostro in intestinum introducto utuntur obstetrices Siculæ, ut nati a syncope revocentur. *l. 3. c. 16. n. 6. & 7. p. 361. & 362*

GARSIAS.

Rex Navarræ quomodo natus. *l. 2. c. 16. n. 10. p. 210*

GASSENDUS.

Embryonem duodecim dierum articulaturn vidit. *l. 1. c. 7. n. 5. p. 49. & c. 8. n. 7. p. 58*

Videtur credere animam infundi in primo conceptus instanti. *ib. n. 8.*

GEMELLI.

Tergemini, & similes unde proveniant. *l. 1. c. 11. n. 7. p. 82. & l. 2. c. 17. n. 10. p. 219*

Interdum sub iisdem secundinis, interdum sub diversis nascuntur, & quare. *l. 1. c. 1. n. 7. p. 82. & l. 3. c. 9. n. 13. p. 321*

Abortivus Catanæ qui mortuus videbatur.

(D) 2



debatur quomodo vivus agnitus.

l. 1. c. 12. n. 3. p. 94

Orti vivi a prænante suspendio mortua post quatuor horas. *l. 2.*

c. 1. n. 11. p. 111

GENERATIO.

Eam impediens quot homicidiorum reus. *l. 2. c. 17. n. 1. p. 213*

Etiā in viviparis fit per ova. *l. 1. c. 11. n. 2. p. 78*

Antiqui Medici semper in utero fieri credidere. *l. 3. c. 2. n. 1. p. 237*

Duplex, naturalis in utero scilicet, & vitiosa extra uterum. *l. 2. c. 4. n. 7. p. 140. & l. 3. c. 2. n. 2. p. 238*

Vitiosa quotuplex fit. *ib.*

Ejus raritas. *l. 3. c. 3. n. 25. p. 253*

Vitiosa quomodo a naturali, præfertim tempore partus, dignoscatur. *ib. c. 4. a n. 19. p. 261*

Et nativitas pro synonymis habitæ a S. Isidoro, & aliis Patribus. *ib. c. 8. n. 1. & 2. p. 301*

S. GERMANUS.

Augustudonensis a matre frustra ad abortum lacesitus. *l. 1. c. 2. n. 5. p. 9.*

S. GILDAS.

Junior post diem circiter a matris nece vivebat. *l. 2. c. 5. n. 5. p. 144*

GOBATUS.

Propria revocata, Raynaudi sententiam de partu Cæsareo viventium tandem amplectitur. *l. 3. c. 1. n. 1. p. 2. 1*

GOBIUS PISCIS.

De sub glacie veluti mortuus edu-

ctus ad ignem resurgit. *l. 3. c. 11. n. 7. p. 339.*

Gravida vide Prægnans.

GRÆCI.

Et aliqui Latini idem sentiunt de celeri fœtus animatione. *l. 1. c. 8. n. 14. 15. & 16. p. 63. & 64.*

Etiā hodie puniunt in feminis abortum involuntarium. *l. 4. c. 1. n. 10. p. 413.*

H.

HEBRÆI.

Mirabiliter multiplicati in Ægypto. *l. 2. c. 17. n. 8. p. 218.*

HENRICUS RICCA.

Quot partus Cæsareos feliciter promovit victoriæ. *l. 2. c. 9. n. 4. p. 163*

HERNIA UTERI.

An, & quando requirat partum Cæsareum viventium. *l. 3. c. 4. n. 32. p. 265.*

S. HIERONYMUS.

Et Tertullianus de mulierum fragilitate, & abortibus suorum temporum dolent. *l. 1. c. 2. n. 3. p. 8.*

HIERONYMUS FLORENTINIUS.

Vide Florentinius Hieronymus.

HIACYNTHUS SERRYUS.

Vide Serryus Hiacynthus.

HYPPOCRATES.

De fœtus animatione quid sentire videatur. *l. 1. c. 8. a n. 1. ad 7. p. 53. & seqq.*

Jurat



Jurat se abortibus non cooperaturum. *ibid.* n. 5. p. 56

Quæ fecerit experimenta in abortibus meretricum. *ib.* n. 6. p. 57

An ipsius sit liber de natura pueri, & de carnibus. *ibid.* n. 5. 6. & 7. p. 56. 57. 58

HOMO.

Ejus formatio in utero est abstrusissimum naturæ arcanum. *l.* 1. c. 5. n. 5. p. 32

Natus non magis homo, quam non-natus, & quare. *l.* 3. c. 6. n. 6. p. 279

Ejus nativitas duplex in utero, & extra uterum. *ib.* n. 7. p. 280

In prima nativitate contrahit peccatum originale. *ib.* n. 7.

Homines marini, seu trytones, & syrenes an baptizandi. *l.* 3. c. 9. n. 8. p. 318

Repentino malo mortuus, est dubie mortuus, & quomodo spiritali præsidio est adjuvandus. *ib.* c. 18. n. 2. p. 365. & seq.

Quidam sensibus, ac maxima libertate se præditum fuisse dixit, dum ab aliis mortuus putabatur. *ibid.* c. 13. n. 9. p. 350

Sine ullo cibo, & potu quandoque per plures annos vivit. *l.* 2. c. 12. n. 5. p. 188. & *l.* 3. c. 21. n. 8. p. 395

HIRUNDINES.

Hyeme in cavernis ut mortue sine penis jacent ver expectantes. *l.* 3. c. 11. n. 8. p. 340

In frigidioribus regionibus sub aquis morantur. *ibid.* c. 21. n. 2. p. 391

HOROLOGIA.

Similesve machinæ eo difficilius labefactantur, quo minori instrumentorum numero constant. *l.* 1. c. 12. n. 6. p. 96.

I.

ILLEGITIMI.

Sunt, ut plurimum projecti, seu expositi. *l.* 4. c. 4. n. 28 p. 438. & n. 27. p. 437

Quo nomine minus odioso vocandi. *ib.* n. 28. p. 438

INCISIONES.

Cæsareæ in montis regalis urbe, factæ ab Ignatio Amato, quæ. *l.* 2. c. 9. n. 1. p. 158.

Corleone a Joseph Cimino, quæ. *ib.* n. 2. p. 162

Caltanissetæ a Petro Cummarano promotæ. *ib.* n. 3.

Victoriæ ab Henrico Ricca. *ib.* n. 4. p. 163

Sambucæ a Mariano Panepinto. *ib.* n. 4.

Incisio Franconiana per hypogastrium quæ, & an periculosa. *l.* 3. c. 3. n. 20. p. 251

Per perinæum an superabilis. *ibid.* n. 21. p. 251

INDULGENTIA.

Parrum Cæsareum promoventibus, & gravidas nonnatosque juvenibus



bus quæ. *l. 2. c. 1. n. 5. p. 105. & l. 4. c. 8. §. 2. n. 6. p. 474. & App. Mon. 7. n. 13.*

Quadragenta dierum recitantibus orationem pro nonnatis. *Append. Mon. 3.*

INFANS, INFANTES.

Palmae a morte præservati recursum ad laicum Magistratum. *l. 1. c. 2. n. 9. p. 11.*

Sepulti a matribus, effossi vivi post septem horas. *ib. p. 12.*

A matre vexatus ad mortem, & pro mortuo relictus, deinde recreatus, & baptizatus, vixit, & adolevit. *ibid.*

In utero matris pro eadem persona cum ea quodammodo reputatur. *l. 2. c. 2. n. 1. p. 113*

Si moritur non baptizatus domesticorum socordia, hi puniendi sunt. *ibid. n. 6. p. 116*

An baptizandus antequam ex utero extrahatur. *ib. c. 4. n. 4. p. 138.*

Extractus ex utero, quomodo dignoscatur an vivat. *ib. n. 5. p. 139*

An baptizandus, si vitæ signum non habet, nec est corruptus, vel conquisus. *ibid.*

Extractus per sectionem Cæsaream est domi baptizandus. *ib. n. 6.*

Baptizatus in utero matris semper extrahendus, ut iterum baptizetur sub conditione, & quare. *ib. n. 10. p. 141.*

Aliquando disrupto utero intrat in abdomen. *l. 3. c. 3. n. 14. p. 246.*

& an eo casu competat partus Cæsareus viventis. *ibid. c. 4. n. 14. p. 260.*

Non extrahendus uncinis, aliisque instrumentis diserpentibus, nisi constet ejus mors, quod est difficillimum. *ib. n. 2. p. 257*

Si magnus mole ex natura, vel hydrope an extrahendus a matre vivente per incisionem. *l. 3. c. 4. n. 33. ad 36. p. 265. & 266*

An eodem modo extrahendus a vivente si est biceps, aut bicorporis. *ibid. p. 266*

Nascentes præsertim ex partu difficili sæpe apparent mortui, sed non sunt. *l. 3. c. 10. n. 1. p. 324*

Plures lividi, & exanimis nati recuperantur, & quomodo. *ib. a n. 5. ad 7. a p. 326. ad 328*

Quot, & quibus modis nasci possunt. *ibid. c. 12. n. 4. p. 342.*

Nati per abortum, vel partum difficilem, aut Cæsareum, vel extractionem chirurgicam facile labuntur in syncopen, vel asphyxiam. *ib. a n. 5. ad 9. a p. 343*

Nati ex partu etiam facili asphyxiæ subjiciuntur. *ibid. a n. 10. ad 14. p. 344. & 345*

In utero non indigent respiratione. *l. 2. c. 11. per tot. p. 157. & l. 3. c. 13. a n. 2. p. 347*

Extra uterum ovali foramine aperto remanente, an egeant respiratione. *ibid. n. 5. p. 348*

Nati sani, & vivaces, atque sepulti, post

post plures horas vivi reperti sunt. *ibid.*

Quando sub conditione baptizandi, si nascuntur sine respiratione, & motu. *ib. c. 17. a n. 1. p. 364. & c. 18. n. 2. & 3. p. 366.*

Nati exanimis quibus remediis adjuvandi. *l. 4. c. 16. a n. 1. ad 10. a p. 359. ad 363.*

Plures parvuli, qui resuscitati creduntur ab asphyxia, non a morte detinebantur. *l. 3. c. 17. n. 1. p. 364. & l. 1. c. 12. n. 4. p. 95.*

Mors eorum sine baptismo parentum peccatis imputanda. *l. 4. c. 1. a n. 7. a p. 408. ad 414.*

Nati ad Ecclesiam illico deferendi pro baptismo. *ibid. c. 7. n. 19. p. 469.*

Recens nati habent sensus stupidos. *l. 3. c. 13. n. 9. p. 350.*

Quare vivi potius praesumendi, quamquam sub mortui larva nati. *ibid. c. 14. n. 1. 2. & 3. p. 351. & 352.*

In asphyxia diutius quam nati vitam retinent. *ibid. n. 4. & 5.*

Quaedam signa mortis, quae observantur in natis, in nascentibus observari non possunt. *ibid. c. 15. p. 353.*

In utero mortuus, an nascatur frigidus. *ib. n. 2. & 4. p. 355.*

Particularis in eo gangraena a corruptione corporis distinguenda. *ib. n. 11. p. 358.*

Gangraena in capite affectus, & pro

mortuo extractus, inventus est vivus. *l. 2. c. 13. n. 3. p. 193. & l. 3. c. 15. n. 12. p. 359.*

Biennio minores in lecto non collocandi. *l. 4. c. 4. n. 21. p. 434. & poena collocantium. ib. & c. 6. §. 3. n. 19. p. 454.*

Octimestris est magis vitalis, quam septimestris. *l. 4. c. 6. §. 2. n. 9. p. 449.*

An secundinis involutus, urgente necessitate, sit baptizandus. *ibid. c. 6. §. 4. n. 2. p. 450. & l. 3. c. 8. n. 18. p. 313.*

An sit iterum baptizandus, si in manu, pede, vel capite ex utero egresso sit baptizatus. *l. 4. c. 6. §. 4. n. 1. & 2. p. 450.*

Baptizatus in necessitate aqua artificiali, habita deinde aqua naturali, & iterum baptizandus? *ib. §. 5. n. 1. p. 453.*

INFIDELES.

Eorum filii extrahendi etiam partu Caesareo. *l. 2. c. 1. n. 12. p. 112.*

INSECTA.

Non generantur ex putri, sed ex ovo in putredine. *l. 1. c. 11. n. 4. p. 80.*

Terrestria, & aquatilia hyeme mortua videntur; sed vere adveniente resurgunt. *l. 3. c. 11. n. 6. & 7. p. 339.*

Serpentes, & nonnulla quadrupedia per hyemem cordis motu, & alii vitae signis privantur, quae vere deinde recuperant. *ib. n. 9.*

INSTRU



INSTRUMENTUM, INSTRUMENTA.

Palfini multis fœtibus valde salutare.

l. 1. c. 3. n. 5. p. 18.

Eo utens Chirurgus cum aliquo fœtus periculo, non peccat. *ib.*

A quibus emendatum. *l. 3. c. 1. n. 4. p. 227.*

Quam figuram habeat, & quibus partibus constet. *ibid.*

Eo si nequit extrahi fœtus, est in evidenti mortis periculo. *ib. n. 5.*

Illud tenentur habere Chirurghi, præfertim Siculi, cum speculo matricis. *l. 3. c. 5. n. 9. p. 274. & App. Mon. 5. n. 5.*

Chirurgica in partu difficili. *l. 3. c. 6. n. 2. p. 276.*

JOANNES PALAFOX.

Eum nonnatum disperdere, natum in flumen mergere frustra tentavit mater. *l. 1. c. 2. n. 4. p. 8.*

S. JOANNES BAPTISTA.

Canonem hortatur, ut mulieres baptizet tentatione contempta. *l. 2. c. 16. n. 11. p. 211.*

JOSEPH MASTIANI.

Affertum de partu Cæsareo viventis feliciter peracto. *l. 3. c. 1. n. 15. p. 235.*

L.

LANCISIUS.

Duas infantium resurrectiones, ne pro miraculis approbarentur, monuit, & quare. *l. 3. c. 21. n. 6. p. 394.*

LAPIDES.

Prægnantes. *l. 2. c. 17. n. 4. p. 215.*

LEGATA.

Ad pauperes alendos relicta an ad projectos extendenda. *l. 4. c. 4. n. 6. p. 418.*

LEX, LEGES.

Fœtum animatum ab inanimi distinguunt. *l. 1. c. 8. n. 8. p. 59. & c. 9. n. 6. p. 69.*

Ad humanas facultates spectantes communiore Professorum sensui se accommodant. *ib. n. 7.*

Hebræorum lex quid circa abortum disponat. *ib. n. 2. p. 65.*

Capitis non damnant reos abortus fœtus quinto mense minoris, & quid in Sicilia. *ib. p. 66.*

Vide Abortus.

Ægyptiæ prægnantem morti dare partu non expectato, vetabant. *l. 2. c. 1. n. 11. p. 111.*

Divinæ jubent succurrere vitæ spiritali proximi cum periculo vitæ nostræ corporalis. *ibid. c. 16. n. 5. p. 207.*

Quæ pro partu Cæsareo latæ in Sicilia. *Ap. Mon. 4. 5. & 6.*

Earum in observantia necessario punienda, & quare. *l. 4. c. 8. n. 7. & 8. p. 480. & 481.*

LITHOTOMIA.

Seu sectio ad extrahendum calculum ejusque species. *l. 3. c. 3. n. 19. p. 250.*

LIVOR.

LIVOR.

In natis est signum putrefactionis inceptæ, non sic in nascentibus, & quare. *l. 3. c. 15. n. 7. 8. & 9. p. 357. & l. 4. c. 6. §. 4. n. 6. p. 452.*

LOCA.

Ad excipiendos projectos designata rotam habeant patentem. *l. 4. c. 4. a n. 7. p. 430.*

LUXURIA.

Causa abortuum, monstrorum, & partuum difficilium. *l. 1. c. 1. n. 4. p. 3. & l. 4. c. 1. n. 8. p. 409. & c. 6. §. 8. n. 2. p. 454.*

M.

MAGISTRATUS LAICUS.

Magis timetur a procurantibus abortum, quam Ecclesiasticus, & quare. *l. 1. c. 2. n. 9. p. 13.*

Durioribus pœnis, & nonnunquam ultimo supplicio punire debet abortum procurantes. *ib. n. 12. p. 14.*

In Sicilia ut homicidas damnat procurantes abortum, & cooperantes. *ibid.*

Supplicio addicat sepelientes gravidam fœtu non extracto, alioquin peccat. *l. 2. c. 15. n. 3. p. 203*

Sub gravi tenetur dare brachium ad partum Cæsareum faciendum, si requiratur: alioquin puniendus. *ib. n. 2. p. 202.*

Exemplum brachii concessi, *ib.*

Peritis deficientibus, cogere potest ad partum Cæsareum præstandum quoscumque noverit aptiores, & quare. *ib. c. 16. n. 1. p. 204.* Implorandus a Parocho, vel aliis ante prægnantis mortem. *ib.*

Cogere potest ad officium carnificis exercendum, & a fortiori Chirurgi. *ib.*

Curam nonnatorum gerere tenetur. *l. 4. c. 4. n. 1. p. 425.*

MALEFICIA.

Nonnunquam sunt causa abortus. *l. 1. c. 1. n. 6. p. 6.*

MANICHÆI.

Abortus tamquam licitos exercebant. *l. 1. c. 2. n. 1. p. 7.*

Eorum de anima opinio. *ibid. c. 5. n. 7. p. 33.*

MATER.

Gravida in partu difficili tenetur pati remedium speculi matricis, & incisionem cæsaream. *l. 1. c. 2. n. 5. p. 9. & latius l. 3. c. 4. a n. 39. p. 268. & c. 5. n. 1. & 2. p. 270. & 271.*

In dubio se gerat, ac si fœtus esset certe animatus. *l. 1. c. 3. n. 4. p. 17.*

Semper secunda, quamquam sæpe ipsius morbo fœtus inficiatur, & quare. *l. 2. c. 10. a n. 1. p. 164.*

Non tenetur profundere propriam vitam pro vita prolis temporali, & quid pro spirituali. *ib. c. 3. per tot p. 16. ad 22.*



An medicamen possit sumere fœtui periculosum, si nulla sit spes extrahendi fœtum vivum, ea mortua. *l. 1. c. 3. n. 9. p. 21.*

Tenetur lactare propriam prolem, & quare. *ib. c. 4. n. 9. p. 28. & l. 4. c. 6. §. 8. n. 14. p. 457.*

Quomodo fœtui communicet nutrimentum. *l. 2. c. 12. n. 1. p. 182.*

An etiam sanguinem. *ib. n. 3. & 4. p. 184. & 185.*

Natos biennio minores secum in lecto non collocet. *l. 4. c. 4. n. 21. p. 414. & c. 6. §. 8. n. 19. p. 458.*

Vide Prægnans.

MAURICEAU.

Prohibet partum Cæsareum viventium, & admittit baptisma nonnatorum. *l. 3. c. 6. n. 2. & 3. p. 276. & 277.*

MECONIUM.

Unde proveniat. *l. 2. c. 12. n. 1. p. 182.*

MEDICAMEN, MEDICAMINA.

Seu remedia præbentes ad abortum quomodo punitæ Montereali. *l. 1. c. 2. n. 12. p. 14.*

Triplicis generis gravidæ præscribi potest: fœtui periculosum, nocivum, & quod ad ejus damnum dirigitur. *l. 1. c. 3. n. 2. & 3. p. 16.*

Præscindendo a periculo spirituali fœtus an primi, vel secundi generis adhiberi liceat. *ib. n. 4. p. 17.*

Damnatur quod directe fœtum disperdit. *ib. n. 4.*

Ciere valens abortum cum proximo periculo mortis parvuli sine baptismo, reprobatur. *ib. c. 4. n. 1. p. 22.*

An matri salutare ex sui natura possit præscribi, quando fœtus æque periclitatur & ex medicamine, & ex morbo. *ib. n. 6. p. 26.*

Ubi matri a medicamine abstinendum est favore fœtus, in Deo spem suam reponat. *ib. n. 7. p. 27.*

Medicamina pro parvulis qui mortuorum speciem imitantur; & quamdiu continuanda. *l. 3. c. 16. p. 359. & l. 4. c. 6. §. 8. n. 14. p. 457.*

MEDICUS, MEDICI.

Et medicaminum venditores peccant, si remedia ad abortum ciendum præscribunt, aut vendunt. *l. 1. c. 2. n. 10. p. 13.*

De eorum cautela in curandis gravidis. *ib. c. 3. p. 16.*

Non præscribat prægnanti id, quod fœtus vita, & spe baptismi privet. *ib. c. 3. n. 6. p. 18.*

Olim sanguinem ad libras educebant, & purgantibus eradicativis utebantur. *ib. n. 2. & 3. p. 16.*

Præteriti sæculi putarunt Embryonem primis diebus non esse sensibilem. *ib. c. 12. n. 5. p. 95.*

Eorum sententiis non nimis fidant Theologi, Canonistæ, & Jurisperiti. *l. 1. c. 8. n. 4. p. 55.*

Eorum

Eorum imperitia, vel malitia esset culpanda, si mortem apparentem a vera non discernerent. *l. 2. c. 3. n. 5. p. 119.*

Asseverantes fœtum in utero esse mortuum non credendi, & quare. *ib. c. 13. n. 1. p. 191.*

In partu difficili quibus instrumentis utantur. *l. 3. c. 1. n. 3. & 4. p. 224. & 227.*

Desperato partu tenentur sub gravi præcipere incisionem cæsaream viventium, & quando. *ib. c. 5. n. 6. & 7. p. 273.*

MIRACULUM, MIRACULA.

Resurrectionis probari sufficienter potest, etiam ante cadaveris corruptionem. *l. 2. c. 3. n. 9. p. 133.*

Sanctorum referuntur, qui mortuos pueros ad baptismum recipiendum suscitaverunt. *ib. c. 13. n. 1. p. 191.*

B. Virginis ad eundem finem. *ib. n. 2.*

MOLA.

Primis prægnationis diebus an a fœtu discriminari possit. *l. 1. c. 12. n. 11. 12. 13. 14. p. 99. & 100.*

In quo differat a falso germine, & unde proveniat. *ib. n. 14.*

Est secunda, nam forte fœtum continet. *ib. & l. 2. c. 4. n. 8. p. 141. & l. 3. c. 9. n. 12. p. 320. & l. 4. c. 6. §. 8. n. 26. p. 459.*

MONSTRUM, MONSTRA.

Abortivum deforme, neque post

baptismum est occidendum. *l. 1. c. 12. n. 10. p. 99. & l. 3. c. 9. n. 18. p. 316.*

Sæpius occurrunt in partu Cæsareo viventium. *l. 2. c. 4. n. 5. p. 139.*

Item in abortibus, & in partibus desperatis, quia sæpe sunt eorum, & mortis gravidarum causæ. *l. 3. c. 9. n. 1. p. 315.*

Eorum species in natis ex muliere, quot, & quæ sint. *ib. n. 2.*

Quot sint eorum causæ, & quæ. *ib. n. 3.*

Quandonam anima rationali prædictum putetur. *ibid. a n. 4. ad 12.*

Ex muliere, & humano ovulo natum, anima rationali informatum præsumitur. *ib. n. 5. p. 316.*

Bruta in mulieris utero an generari possint. *ibid.*

Brutum ex femina natum non baptizandum. *ibid.*

Si nascitur mixtum ex homine, & bruto an baptizandum. *ib.*

Centauri, fauni, & satyri quid? *ib.*

Natum ex viro, & muliere cum capite humano, & toto corpore belluino an baptizandum. *ib. n. 5. & 7. p. 316. & 317.*

Et quid si viceversa caput est belluinum, & reliquum corpus humanum. *ibid.*

Humanam ideam referens, sed dæmonem repræsentans, an baptizandum. *ibid. n. 10.*

Acephalum an sit possibile, & baptizandum. *ibid. n. 11.*



A SS. Elzeario, & Vincentio Ferrerio reformata. *l. 3. c. 9. n. 12. p. 320.*

Quandonam unica, vel duplici anima informantur. *ibid. a n. 13. ad 17. p. 321.*

Bicorporeum est duplici baptismo abluendum. *ib. n. 14. p. 321.*

Biceps cum duplici pectore an duplici baptismo abluendum. *ibid. n. 15.*

Et an simpliciter biceps. *ib. n. 16.*

Habens sub uno capite duo pectora, vel duo corpora, an duplici baptismo donandum. *ib. n. 17.*

Humanam speciem non habens, non est baptizandum. *l. 3. c. 9. n. 12. p. 320. & l. 4. c. 6. §. 4. n. 3. p. 451.*

In dubio an sit unus, vel plures homines, quomodo baptizandum. *l. 3. c. 9. a n. 14. p. 321.*

Ex muliere natum non occidendum, sed Parocho, vel Episcopo praesentandum, & quare *ibid. n. 18. p. 322. & l. 4. c. 6. §. 8. n. 15. p. 457.*

MORS.

Gravidæ foetui exitialis, nisi charitas accurrat. *l. 2. c. 1. n. 1. p. 103. & c. 16. n. 12. p. 212.*

Gravidæ quomodo comprobanda. *ibid. c. 2. a n. 7. ad fin. a p. 116. ad 124.*

Ejus periculum est majus onus periculo gravis tentationis, & quare, *ibid. c. 16. n. 5. p. 207.*

Dubia quæ sit. *l. 3. c. 19. n. 3. p. 382. Vide Mortis signa.*

MORTIS SIGNA.

Quæ in morbis chronicis, & acutis. *l. 2. c. 2. a n. 8. ad 13. p. 117. & 122.*

Quæ vero in repentinis. *ib. a n. 14. ad fin. p. 123. & seq.*

Communia mortis indicia sunt privatio sensus, motus, & respirationis. *l. 2. c. 2. a n. 8. p. 117.*

Aliquando tamen fallunt. *l. 3. c. 10. n. 7. p. 328.*

Experimenta pro mortis comprobatione. *l. 2. c. 2. n. 11. p. 119.*

An semper sint fidelia. *ib. a n. 11.*

Certiora quæ sint. *ibid.*

Certa an sint membrorum rigiditas, vel pannus vitreus in oculis. *ibid. n. 12. & 13. p. 120. & 122. & n. 17. p. 126.*

An sola putrefactio sit certum mortis signum. *l. 2. c. 3. n. 1. p. 127.*

Putrefactio expectanda non est ad gravidæ incisionem. *ibid. n. 8. p. 132.*

MOTUS.

Systolicus, & diastolicus ubi incipit, vita foetus juxta aliquos inchoatur. *l. 1. c. 8. n. 2. p. 54.*

Sanguinis quando incipit in foetu. *c. 11. n. 8. p. 82.*

MULA.

Nata prægnans. *l. 2. c. 17. n. 4. p. 215.*

MU-

MULIER, MULIERES.

Multæ choreis, & saltationibus abortum procurant. *l. 1. c. 2. n. 5. p. 9.*

Præbentes medicamina pro abortu rigide sunt plectendæ. *ibid. n. 12. p. 14. & 15.*

Præsertim furtive gravidæ, primis mensibus abortum procurant, aut saltem non evitant. *l. 1. c. 5. n. 1. p. 29.*

Mulierum abortientium domestici ejectamenta inspicere non curant, sed in latrinas projiciunt. *ibid.*

Habent suum ovarium, & quod. *ibid. c. 11. n. 5. p. 80.*

Earum ovum quantum, & cujus figuræ sit, & quomodo situm. *ib.*

Hoc ovum quomodo fœcundetur. *ibid. n. 7.*

Quædam olim verum ovum enixa est. *ibid. p. 81.*

Earum ovum dilabitur in uterum, & ibi alitur. *ibid. n. 8. p. 82.*

Earum ovum fœcundatum intumescit, & ad figuram ovalem propendit tertio, vel quarto die. *ib.*

Verum earum semen est ovum. *l. 1. c. 11. n. 2. p. 78. & c. 12. n. 5. p. 95.*

Prægnantes ad mortem infirmæ, ubi convaluere, sæpe gravidæ permanferunt, & suo tempore pepererunt. *l. 2. c. 10. n. 4. p. 165.*

Putata mortua, & incisa Palmæ. *l. 2. c. 2. n. 6. p. 116.*

Stantes non raro pariunt. *l. 3. c. 1. n. 2. p. 224.*

Abyssinæ, & Rusticæ in germania quomodo pariant. *ib. & p. 226.*

Apud Indos ovum integrum sine obstetrice, & sine magno dolore eniruntur. *ibid. n. 3.*

Decentius obstetricariam exercent, si addiscant. *ib.*

Valentinæ a senibus pastoribus obstetricantibus adjuvantur. *ib.*

Mulier cui frustratim septies fœtus extractus est. *ib. n. 5. p. 228.*

Plures ex partu Cæsareo viventium olim occubuere, & quare. *ib. n. 10. p. 232.*

Quædam integro ejecto vel exciso utero, incolumes vixere. *ib. n. 14. 15. & 16. p. 234. 235. & 236.*

Nonnullæ post partum Cæsareum quidem, sed non ex eo mortuæ sunt. *ib. n. 17. p. 237.*

Germana in partu desperato seipsam secuit. *ib. c. 5. n. 5. p. 272.*

Vide Fœtus, Mater, Ovum, Prægnans.

IV.

NATI.

Quæ sit in natis circulatio sanguinis. *l. 2. c. 11. an. 3. ad 6. p. 169. 170. & 171.*

Quamplures, etiam adulti, sine ullo cibo, & potu annos traduxere. *l. 2. c. 12. n. 5. p. 188.*

Etiam adulti per horas septuaginta
(E) 3 duas,



duas, ut mortui, vita comite per-
durarunt. *l. 3. c. 14. n. 4. p. 352.*
Cessante respiratione moriuntur. *ib.*
n. 5. p. 353.

NATIVITAS.

Artificialis quæ. *l. 2. c. 1. n. 1. & 2.*
p. 103. & 104.
Secunda est baptismus nonnato col-
larus, & quare. *l. 3. c. 6. n. 12.*
& 13. p. 286. & 287.
Ex utero, & in utero in quo diffe-
rant. *ib. c. 7. n. 1. & 15. p. 291.*
& 299.

NATURA.

Aliquando ludit deflectendo a cursu
ordinario. *l. 2. c. 11. n. 2. p. 167.*

NECESSITAS.

Spiritualiter renascendi unde pro-
veniat. *l. 3. c. 6. n. 9. & 10. p.*
282. & 284.
Sola tribuit obstetrici facultatem ba-
ptizandi. *l. 4. c. 6. §. 2. p. 448.*

NONNATI.

An proprio gaudeant angelo tute-
lari. *l. 1. c. 1. n. 3. p. 3.*
Eorum nutrimentum in utero quo-
modo depuretur. *l. 2. c. 10. n. 3.*
p. 165.
Qua sanguinis œconomia, & circu-
latione gaudent. *l. 2. c. 11. a n. 7.*
ad 10 p. 172. & 173.
Divina misericordia eorum vitam
tuetur, ut deinde nati baptizen-
tur. *ib. c. 13. n. 1. p. 191.*

Partu instante possunt abluī aqua.
l. 3. c. 6. n. 2. p. 276.!

Et ideo valide baptizari. *ib. a n. 4.*
p. 278.

In ea circumstantia reputantur nati.
ib. n. 16. & 17. p. 289. & 290. &
c. 7. a n. 14. p. 299.

Maxime si manum emiserint. *ibid.*
n. 17.

Capaces sunt baptismi sanguinis, &
flaminis. *ib. n. 18. p. 290.*

In utero mortui an facilius putre-
scant. *l. 3. c. 15. n. 7. p. 357.*

Eorum salutis æternæ media, a Deo
præordinata, quæ sint. *l. 4. c. 1.*
n. 9. & 10. p. 411. & 413.

An ipsis præter baptismum aliud
suppetat spirituale remedium. *ib.*
c. 2. per tot. p. 415.

Eorum conservatio, vita, & baptis-
mus sunt fructus probitatis pa-
rentum. *ib. n. 1. p. 415.*

Sanctificati in utero nonnulli, & qui.
ib. n. 1. & 2.

Opiniones Gersonii, & Cajetani quo
ad hoc. *ibid. n. 3. & seqq. p. 416.*
& 417.

Ut vivi nascantur, & baptizentur,
Deus ab omnibus exorandus. *ib.*
c. 3. n. 5. p. 424.

De vigilantia Episcoporum pro non-
natis. *ib. c. 8. per tot. p. 471.*

Instructio legenda populo pro non-
natis. *l. 4. c. 8 §. 4. n. 5. p. 480.*

Eorum curam aliis etiam commen-
dent Episcopi, & quibus. *ib. §. 4.*
n. 6. p. 480

Moni-

Monita, quæ pro illis attulimus difficultatibus putantes, tepiditatis & ignaviae arguuntur. *ib. n. 8.*

Oratio pro gravidis, nonnatis, & non baptizatis. *Append. Mon. I. 2. & 3.*

Vide Animatio, Embryo, Fœtus, Mater, Mulier, Prægnans, Puer.

NOSOCOMIA.

Debent pauperes gravidas pro partu excipere, & aliquando prolem alere. *l. 4. c. 4. n. 13. p. 431.*

Eorum vel Universitatum Rectores, nullo prætextu projectorum parentes inquirent. *ib. n. 18. p. 432.*

Ad ea quomodo, & a quibus defendendi projecti. *ib. n. 22. 23. & 24. p. 434. 435.*

Eorum Rectores tenentur curare, ut fiat in eis partus Cæsareus. *App. Mon. 4. n. 5.*

NUTRICES.

A Parocho probatæ, & cum quibusdam qualitatibus: a Rectoribus Universitatum, & nosocomiorum in catalogo describantur. *l. 4. c. 4. n. 19. p. 433.*

Ad Rectores Universitatum, & hospitalium semel in mense convenient, & quare. *ib. n. 20. p. 434.*

Ab iisdem Rectoribus deputanda præfecta nutricum, & quod ejus munus. *ib. n. 21.*

Projectos gratis nutriendos a publi-

cis oneribus eximendæ, & pane donandæ. *ib. n. 25. p. 436.*

O.

OBLIGATIO.

Baptizandi puerum vita periclitantem urget, etiam in periculo vitæ corporalis propriæ. *l. 2. c. 16. n. 5. 6. & 7. p. 207. & 208.*

OBSTETRIX, OBSTETRICES.

A Parocho furtive prægnanti assignanda, & quare. *l. 1. c. 2. n. 9. p. 13.*

A peritis addiscat modum partus Cæsarei perficiendi. *l. 2. c. 1. n. 9. p. 107.*

Ad partum Cæsareum commodissima. *ib.*

Gravidæ morienti adsistat, & quare. *ib. c. 2. n. 1. & 2. p. 113. & 114.*

Si noceant puerperæ, vel fœtui ob ineptitudinem, puniendæ. *l. 2. c. 15. n. 4. p. 203.*

Puerperam interrogent, utrum alio fœtu se gravari sentiat. *ibid. c. 17. n. 14. p. 210.*

In oppidulis plerumque obstetricariam ignoranti. *l. 3. c. 1. n. 3. p. 224. & 225.*

Et nocent parturientibus, & interdum ex malitia. *ibid.*

Secundinas in partu non laceret, nisi in extrema necessitate, & quare. *ib. & l. 4. c. 6. §. 8. n. 10. p. 456.*

Quid ager pro fœtu, qui mortuus nascitur.

nascendo videatur. *l. 3. c. 16. per tot. p. 359. & l. 4. c. 6. §. 8. n. 12. & 14. p. 457.*

Cientes moneat, quæ conjugibus licita sint, vel illicita. *l. 4. c. 1. n. 8. p. 409. & c. 6. §. 8. n. 2. p. 454*
Ad baptismum rite conferendum instruat. *ib. c. 6. n. 1. p. 446. & §. 8. n. 27. p. 459.*

Munus suum non exerceat, nisi examinata, & approbata, & a quibus. *ib. c. 6. n. 2.*

Earum examen saltem singulis annis renovandum *ibid. & eod. c. 6. §. 8. n. 27. p. 459.*

Quamquam in ejus diocesi baptizati ab obstetrice, iterum sub conditione baptizari soleant, & quare. *ib. c. 6. n. 1. p. 446.*

Baptizat in solo periculo nonnatos, vel eos, qui nasci cœperunt. *l. 4. c. 6. §. 1. p. 447. & §. 4. n. 1. & 2. p. 450.*

Quæ sint pericula, ob quæ tenentur infantem baptizare. *ib. §. 2. per tot. p. 448. & §. 8. n. 9. p. 456*

Baptizat etiam natum, etsi bene valentem, si timeat esse occidendum, vel cum periculo exponendum. *ibid. n. 10.*

Monita eis danda occasione examinationis. *ibid. §. 8.*

Oportet esse præditas insigni charitate. *ibid. §. 8. n. 1. p. 451.*

Cientes doceant fœtum etiam femininum fortasse animari immediate post conceptionem. *ib. n. 4.*

Abortui non cooperentur, imo clientes ab eo deterreant. *ib. n. 6.*

Non permittant ab amasiis visitari gravidas, quas domi hospitantur. *ibid. n. 7.*

In partu difficili preces ab Ecclesia non approbatas ne recitent. *ibid. n. 8.*

Nihil de secundinis, aut aliquid aliud ulli ad superstitionem tribuant. *ibid.*

Syphunculum Chirurgicum habeant, & quare. *ib. n. 11.*

Quid ipsis agendum antequam fascia puerperam adstringant. *ibid. n. 16.*

In partu illegitimo quid puerperam, ejusque propinquos moneant. *ib. n. 17.*

Natos infra triduum baptizari procurent. *ib. n. 18.*

Peccant mentientes infantulum mortuum esse vivum, vel miraculo suscitatum: itemque partum supponentes, & civili jure puniuntur. *ib. n. 20.*

Gravidas infirmas visitent, præsertim in periculo mortis: Parochum, & Chirurgum pro partu Cæsareo moneant, & quid ubi graviditas inhonesta sit? *ibid. n. 21.*

Tenantur scire modum faciendi partum Cæsareum defunctorum illumque exequi. *ib. n. 23. & in App. Mon. 4. n. 2. & 3. & Mon. 5. n. 1.*

Tenen-



Tenentur sub gravi baptizandi modum callere, & illum discipulas docere. *l. 4. c. 6. §. 8. n. 27. p. 459*

Ut libros habeant duces proprii muneris; legendi facultatem acquirere satagent. *ib. n. 29. p. 459*

Tenentur gratis pauperibus gravidis obstetricari. *ib. n. 30.*

Tenentur habere sedem partui deputatam. *App. Mon. 5. n. 4.*

OMENTUM five RETICULA.

Ubi situm est, & an incidendum in partu Cæsareo. *l. 2. c. 4. n. 3. p. 138*

OPINIO, OPINIONES.

Variæ de tempore creationis animæ. *l. 1. c. 5. a n. 7. ad 11. p. 33. 34. 35. & 36*

Sentientium ovulum fœcundari vermiculo seminali, refellitur. *ibid. c. 6. per tot. p. 37*

Astrologorum de tempore animationis exploditur. *l. 1. c. 7. n. 1. p. 46*

Zacchiæ de animatione fœtus exponitur. *ib. c. 8. a n. 9. ad n. 17. a p. 59. ad 64. & c. 11. n. 21. p. 86*

Tyrſi Ganzalez de animatione B. M. V. quæ? *ib. n. 10. p. 60.*

Aristotelis de animatione minus olim recepta. *ib. n. 12. p. 62*

Bruhieri de incertitudine signorum mortis, excepta putrefactione,

impugnatur. *l. 2. c. 3. a n. 1. ad 10. a p. 127. ad 134.*

Cajetani de pueris, quos baptizare non possumus, adjuvandis, quæ. *l. 4. c. 2. n. 5. 6. & 7. p. 418. & 49*

ORATIO.

Pro gravidis, & pro nonnatis, & pro non baptizatis, quæ? *App. Mon. 1. 2. & 3. Vide Deus.*

ORIGINALE PECCATUM.

S. Augustinus in id propendebat, ut opinaretur per traducem propagari. *l. 1. c. 5. n. 9. p. 35. & l. 3. c. 6. n. 8. p. 282*

Quomodo transfundatur. *l. 1. c. 5. n. 11. p. 36*

Ab eo nonnati possunt divinitus mundari. *l. 3. c. 8. n. 3. p. 301*

ORGANIZATIO.

Accidentalis, & essentialis apud Peripateticos celebris. *l. 1. c. 8. n. 1. & 2. p. 53. & 54.*

OVARIUM MULIEBRE.

Quid sit, & quomodo fœcundetur. *l. 1. c. 11. n. 5. & 8. p. 80. & 82*

Quam connexionem habeat cum Tubis fallopiæ. *l. 3. c. 3. n. 25. & 26. p. 253. & 255.*

Facilius ipsi applicantur Tubæ, quam ovario volatiliū infundibulum. *ib. n. 26. & 27. p. 255. & 256.*

(F)

OVL



OVIPARA.

Eorum pulli non egent respiratione matris, ut vivant in ovo. *l. 2. c. 11. n. 21. p. 180.*
 In ovi vitello habent cibum semel congestum. *ib. c. 12. n. 1. p. 182.*

OVUM.

Viviparum. *l. 1. c. 11. n. 2. p. 78.*
 Insectorum. *ib. n. 4. p. 80.*
 Mulierum. *n. 5. p. 80.*
 Quomodo a virili semine fecundetur. *l. 1. c. 11. n. 3. p. 79.*
 Embryonis principium quo loco in eo situm, & quando evadat punctum saliens. *ib. n. 8. p. 82.*
 Quæ ejus magnitudo, figura, & situs. *ib. n. 4. p. 80.*
 Humani immaturi, maturi, & fecundati figuræ. *ib. n. 6. 7. & 8. a p. 81. ad 82.*
 Labitur in uterum per tubas, & quando. *ib. n. 7. & 8. p. 82.*
 Tertio post fecundationem die quam figuram, & situm habet. *ib. n. 8. p. 82.*
 Est verum mulieris semen. *l. 1. c. 12. n. 5. p. 95.*
 Ejus secundinæ sunt fœtus partes. *ibid.*
 Quot invenit matura semen virile, tot fecundat. *l. 2. c. 17. n. 1. p. 213.*
 Altero minori ovo gravidum observatur in Dania. *l. 2. c. 17. n. 4. p. 215.*

Fœcundatum, extra uterum difficile cadit, & quare. *l. 3. c. 3. n. 25. p. 253.*
 Temporis decursu siccatur, vel decidit. *ib. n. 25. p. 253.*
 Si duo ova matura conglutinantur, nascuntur monstra bicorporea. *l. 3. c. 9. n. 13. p. 321.*

P.

PARENTES.

Deum precentur, ut eorum proles nascatur, & baptizetur. *l. 4. c. 3. n. 2. p. 421.*
 Sunt divinæ providentiæ ministri in procreatione filiorum, & divinæ charitatis pro istorum salute adjuutores. *ib. n. 4. p. 424.*
 Præter eos, cui etiam competat Patris nomen? *ib. c. 4. n. 1. p. 425.*
 Non pauperes prolem exponentes ad quid obligentur. *ibid. n. 18. p. 432.*
 Exponentes filios patria potestate privantur. *ib. n. 29. p. 438.*
 In necessitate propriam prolem baptizant, & inter se impedimentum non contrahunt. *l. 4. c. 6. §. 2. p. 448.*

PAROCHUS.

Ejus zelus pro nonnatis necessarius. *l. 1. c. 1. a n. 1. p. 1.*
 Moneat furtive gravidas, quæ parentes metuunt, ut pro fœtu servando ad se confugiant. *l. 1. c. 2. n. 9. p. 11.*

Eas

Eas apud honestas matronas collocet. *ib.*

Si hoc non potest, ad laicum Magistratum secreto recurrat. *ib.*

Ad eundem recurrat pro partu Cæsareo. *l. 2. c. 15. n. 2. p. 202.*

Nisi invigilet, proles illegitimæ facillime peribunt. *l. 1. c. 2. n. 9. p. 11.*

Populum moneat, ut sibi abortum procurantes denuntient, & quando. *ib. n. 9.*

Gravidas ab abortu procurando deterreat. *l. 1. c. 2. a n. 6. ad 13. p. 10.*

Doceat quanta sit obligatio charitatis, & justitiæ matrum erga prolem. *ib. c. 4. n. 8. p. 27*

Doceat fœtum fortasse animari primis diebus conceptionis. *ib. c. 5. n. 2. p. 30*

Moneat, ut fideles omnes baptizandi modum calleant. *ibid. c. 12. n. 1. p. 92*

Non admittat ad matrimonium ne scientes modum baptizandi. *ib.*

Doceat domesticos, & vicinos cujuscumque gravidæ morientis teneri ejus prægnationem sibi denuntiare, *l. 2. c. 1. n. 2. p. 104. & n. 6. p. 106*

Non quiescat in gravidæ propinquorum fide, & quare. *ib. n. 7.*

Interroget de graviditate cum Sacramentum ministrat infirmis, vel de ea suspicatur. *l. 2. c. 1. a n. 7. p. 106*

Idem faciant alii confessori. *ib. n. 8.*
Moribundam recusantem graviditatem revelare ne absolvat. *ibid. n. 7.*

Impendat de suo pro partu Cæsareo. *l. 2. c. 1. n. 10. p. 109.*

Ad id Parochos hortabatur Sebastianus Valfre. *ib.*

Per se gravidæ morienti ad obitum usque adsistat, & secum habeat peritum pro partu Cæsareo faciendo. *ib. n. 9.*

Fœtus extractos cum pompa sepe-liat. *ib. c. 13. n. 4. p. 194*

Funestum exemplum ejus absentia. *c. 14. n. 5. p. 200*

Ipse peritorum defectu Cæsarem incisionem faciat *l. 2. c. 16. n. 2. p. 205*

Ipse stipem facienti incisionem solvat, si nullus potest, vel vult, solvere, & quare. *l. 2. c. 1. n. 10. p. 109*

Adsistens gravidæ morienti quid per se, quid per alios præstet. *ibid. c. 2. n. 1. p. 113*

Legat, & servari curet, quæ monuit Bruhierius. *l. 2. c. 3. n. 11. p. 135.*

Fidem neque propriis ministris præstet si fœtum æternam salutem optet, & quare. *ib. c. 14. n. 1. ad 5. a p. 197. ad 200*

Ipsi sub excommunicationis pœna prohibetur gravidam morientem deferere ab Edicto Episcopi Catanensis. *ib. n. 6.*

Ab irregularitate, aliisque pœnis non excusatur, si gravidam sepe-
liri permittat incisione non facta.
l. 2. c. 15. n. 1. p. 201. & in App. Mon. 4. n. 9.

Partum Cæsareum non curantes ad-
hiberi, vel impediētes Episco-
po denunciēt. *ibid. c. 15, n. 1. p. 201*

In extrema necessitate ipsemet inci-
dat. *l. 1. c. 16. p. 204. per tot.*

Non dicitur Chirurgiam exercere si
incidat, nec incurrit irregularita-
tem. *ib. n. 3. p. 205*

Non excusatur periculo lapsus in
peccatum. *ib. a n. 4.*

Tenetur puerum baptizare cum pe-
riculo propriæ vitæ, *ibid. n. 7. p. 208*

Partum Cæsareum faciens Deum ha-
bebit propitium, & magnam ab
eo mercedem consequetur. *ibid. n. 11. & 12. p. 211. & 212*

Plures cæsareæ incisionis peritos in
sua parœcia habere satagat. *ibid. n. 12. p. 212*

Et ut isti baptismi ritum calleant,
ibid.

Ipse partus Cæsarei efficiendi noti-
tiam acquirat. *ib.*

Novaculam pro casibus inopinatis
apud se teneat. *ib.*

Et Sacerdotes populum doceant,
quod abortum procurantes, &
partum Cæsareum negligentes,
vel impediētes aliquando plu-

rium homicidiorum rei sunt. *ibid. c. 17. n. 1. p. 213*

In abortibus abortientis ejectionem
inspicienda esse doceat. *ib. n. 12. p. 220*

Quid doceat in locis ubi partus mul-
tiplices sunt frequentes. *ib. a n. 2. ad fin. cap.*

Procuret sedem partui deputatam,
ubi deest. *l. 3. c. 1. n. 2. p. 224*

Partum Cæsareum viventi pruden-
ter suadeat, ubi necessitas postu-
lat. *ibid. c. 5. n. 3. p. 271. & n. 4. p. 272*

Fideles moneat, ne matrimonio
jungantur; nisi confessi, & com-
munionem reſecti, & ut nuptialem
benedictionem accipiant. *l. 4. c. 1. n. 8. p. 409*

Futuros sponſos erudiat de rebus
ad matrimonii Sacramentum spe-
ctantibus, circa pudicitiam juxta
Ritualis & Missalis præscriptum,
& quando. *ib.*

Quas servabit regulas in examinan-
do pueri baptismo domi in neces-
sitate collato. *l. 4. c. 7. n. 13. & seq. p. 457. seq.*

Prædicet natos citissime baptizandos
in Ecclesia. *ib. n. 19.*

Non permittat baptismum a quoli-
bet conferri sine sua, aut adjuto-
rum suorum adſistentia. *ib. n. 20.*

Afferens in sua parœcia nunquam
fuisse necessarium partum Cæsa-
reum non est credendus. *ib. c. 8. §. 1. p. 471*

Vide

Vide Abortus.

PARTURIENS.

Debet locari in sede partui deputata. *l. 3. c. 1. n. 2. p. 224*

Sede deficiente ubi locanda in partu praesertim difficili. *ib. p. 225*

Ipsi maritus obstetricis munus praestat in America. *ib. n. 3.*

Fere infallibiliter parit usu aquae gelidae, & nivis ad carnem applicatae ex Siciliae experimentis. *ib.*

Ipsi interdum medicamina non juvant & quare. *ib.*

Quomodo juvanda in partu difficili ob naturalem vaginae uteri angustiam. *ib. c. 4. n. 8. & 9. p. 259*

PARTUS.

Retardati ratio, & exempla. *l. 2. c. 8. n. 4. p. 157.*

PARTUS CAESAREUS DEFUNCTARUM.

Expresse praecipitur a Rituali Romano. *l. 2. c. 1. n. 3. p. 104*

A natura ipsa insinuatus, & ab utroque Jure praecipitur. *ib. n. 4. p. 104. & App. Mon. 5.*

Innumeros a morte vindicavit magno Ecclesiae, & Reipublicae bono, & quomodo. *ibid. c. 5. n. 3. p. 142*

Eum efficere potest barbitonsor, vel obstetrix. *ib. c. 1. n. 9. p. 107*

Statim peragendus praegnanter moritur. *l. 2. c. 2. n. 5. p. 116. & c. 5. n. 1. p. 142*

Chirurgo ut tutiori ministro reservatur. *ib. n. 10. p. 109*

Pro eo qui mercedem perito solve- re tenetur. *ib.*

Qui eum non praestat ob humanum finem graviter peccat. *ib.*

Ab omnibus perfici commode potest. *ibid.*

Faciendus non expectata putrefactione defunctae. *l. 2. c. 3. n. 7. p. 131*

Eum negligentes ob timorem ne fit vivens praegnans peccant. *ibid. n. 8.*

Quomodo instituendus, & a qua parte. *ib. c. 4. n. 1. p. 136*

Quam profunditatem habeat, & quam lineam servet. *ibid. n. 2. p. 137*

Non faciendus ante matris mortem, ut quidam falso putant. *ibid. c. 2. n. 4. p. 115*

Praetextu temporis elapsi a morte gravidae non est omittendus. *ib. c. 5. p. 142*

Faciendus etiam pro foetu minore. *c. 7. p. 149*

Est rarior in graviditate a partu remota, & quare. *ib. c. 7. n. 2. p. 150. & 151*

Utrum faciendus etiam in graviditatis initio, & ubi ea solitum tempus excefferit. *ib. c. 8. p. 155*

In nosocomiis faciendus etiam primis graviditatis diebus, & quare. *ib. n. 3. p. 156*

Nihil detrimenti adfert, etiam si



fiat foetu in utero mortuo. *l. 2. c. 13. p. 191*
 Ut opportune fiat; ad quos spectat? *ib. c. 14. n. 1. p. 197*
 Scelus est illum impedire, vel negligere. *l. 2. c. 14. n. 2. & 3. p. 197. 198. & c. 15. n. 1. p. 201*
 Peritiam tribuit Chirurgis, & obstetricibus. *ib. n. 4. p. 203*
 Ignoratur in pluribus regionibus, in aliis negligitur. *ib. n. 3. p. 203*
 Impeditur saepe ab illis qui eum promovere tenentur. *ib. n. 4. p. 203*
 Sacerdotis incuria omissus, absente Parocho puer vivus perit. *ibid. n. 5.*
 A laico Magistratu promovendus, & quare. *ib. c. 15. n. 3. & 4. p. 203.*
 In necessitate a quocumque faciendus etiam a Sacerdote, maxime Parocho. *ib. c. 16. n. 1. p. 204*
 Ejus omissio vel impeditio quandoque plura continet homicidia. *ib. c. 17. n. 1. p. 213*
 Eum prohibens irae divinae scopus efficitur. *ib. c. 17. n. 16. p. 221*
 Plura de partu Caesareo. *in App. Mon. 4. 5. 6. 7. 8. 9. 10. 11.*
Vide Chirurgus, Obstetrix, Parochus.

PARTUS CAESAREUS VIVENTIUM.

Ut fiat in partibus desperatis Bruhierius optat. *l. 2. c. 3. n. 10 p. 134*

Non fit, nisi septimestrium, & ultra, & quare. *ib. c. 7. n. 1. p. 149*
 A Medicis propositus ne foetus pereant. *l. 3. c. 1. n. 5. p. 218*
 Est matri periculosus, sed foetui salutaris. *ibid.*
 Saepe matrem liberat a morte certa. *ibid.*
 Ab eo veteres abhorrebant, & quare. *ibid.*
 Ab eo patiendi quidam gravidas excusabant, & qui. *ib.*
 A quibus inventus, impugnatus, illustratus, & propagatus. *ib. n. 7. 8. & 9. p. 229. & 230*
 A quo damnatus, & odio habitus. *ib. n. 10. & 11. p. 232*
 Experimentis felicibus promotus, & illustratus. *ib. n. 12. & 13. p. 232. & 233.*
 Etiam quadrupedibus salutaris, & quomodo. *ib. n. 16. p. 236*
 Ejus omissione pereunt plures, qui salvari poterant. *ib. n. 17. p. 237*
 Laudatus, & praescriptus a Proto-medico Regni Siciliae. *ib.*
 In partibus desperatis hodie communiter a Medicinae Scriptoribus laudatus. *l. 3. c. 1. n. 6. & 16. p. 229. & 236*
 Et nihilominus in praxi neglectus. *ib. n. 17. p. 237*
 An competat in sola generatione vitiosa, & ventrali. *ibid. c. 2. n. 4. p. 240*
 An competat etiam in generatione naturali. *ibid. n. 3.*

In eo non solum abdomen, sed uterus absque damno secatur. *ib. tot. c. 3. p. 241*

Ex Simonio tutior est in eo uteri incisio, quam abdominis. *ib. n. 23. p. 252*

Non parit spasmos, & hæmorrhagias copiosas. *ib. n. 24.*

In quibus casibus competit. *l. 3. c. 4. a n. 1. p. 256*

An competat cum fœtus est mortuus in ovario, aut in tubis. *ib. n. 3. p. 257*

Competit mortuo fœtu in utero, qui alio modo extrahi non potest. *ib. n. 4.*

Competit si prægnans parere non potest ob malam ossium conformationem, vel fœtus ex utero in ventrem profiliit. *ibid. n. 6. & 7. & n. 14. 15. & 16. p. 258. & 260*

An competat cum fœtus manet partim in utero, & partim in abdomine. *ib. n. 17. & 18.*

Quando faciendus in generatione ventrali. *ibid. n. 19. & seqq. p. 261*

An faciendus quando fœtus maturus est mortuus, & immaturus ex superfœtatione est vivus. *ib. n. 27. p. 263*

Faciendus ubi abscessum natura fecit in prægnante. *ib.*

Quid si fœtus conceptus sit in pelvi, *ib. n. 28. p. 264*

An fiat cum fœtus est in interiori ovarii substantia. *ib. n. 29*

Ejus faciendi methodus. *ibid. n. 38. p. 267*

Eum pati tenetur prægnans sub gravi, & quando ex Raynaudo. *ibid. n. 39. & 40. p. 268*

Spectat ad præceptum charitatis. *l. 3. c. 5. n. 1. p. 270*

Rationes ad eum prægnantibus suadendum, & quomodo suadendus. *ib. tot. c. 5. p. 270. & seq.*

Doctrina Raynaudi defenditur ab objectione Bodowingerii. *l. 3. c. 5. p. 270*

A Sicula pragmatica sanctione præmotus, & commendatus. *l. 4. c. 4. n. 1. p. 425. App. Mon. 5. Vide Fœtus, Infans, Chirurgus, Parochus.*

PARTUS DIFFICILIS.

Quomodo coadjuvandus. *l. 3. c. 1. a n. 1. ad 5. p. 222.*

PARTUS NUMEROSUS.

Ejus exempla varia. *l. 2. c. 17. p. 213*

Margaritæ Comitissæ Flandriæ. *ib. n. 7. p. 217.*

PARVULUS.

Relatio de parvulo sub defuncti larva nascente. *App. Mon. 16.*

Vide Fœtus, Infans: Nonnati

PECCATUM ORIGINALE

Quid sit. *l. 1. c. 6. n. 19. p. 45*
In prima nativitate, quæ fit in ure-

ro, id est generatione contrahi-
tur. *l. 3. c. 6. n. 10. p. 284*

Parentum in filiis punitum. *l. 4.
c. 2. a. n. 7. p. 419.*

Vide Originale peccatum.

PELAGIANI.

Pueros originali peccato non inqui-
nari docebant. *l. 3. c. 7. n. 4.
p. 293*

Tertium locum dabant pueris sine
baptismo mortuis. *ib.*

Baptismum pueris a christiana ma-
tre natis necessarium esse nega-
bant. *ibid.*

Baptizata matre gravida baptizari
etiam fœtum credebant. *ib.*

Somniarunt pueris baptismum pro-
desse, licet in seipsis lavari non
possint. *l. 3. c. 8. n. 11. p. 308.*

PERIPATETICI.

Naturæ arcana rimari neglexerunt,
& quare. *l. 1. c. 5. n. 4. p. 31.*

PERITONÆUM.

Quid sit, & quomodo in partu Cæ-
sareo scindatur. *l. 2. c. 4. n. 2.
p. 137*

S. PHILIPPUS NERIUS.

Solitus orare pro nonnatis, ne sine
baptismo perirent. *l. 4. c. 3. n. 2.
p. 421.*

PHYSICA.

In multis obscura. *l. 1. c. 5. n. 4.
p. 31.*

PISCES.

An respirent. *l. 2. c. 11. n. 5. p. 170*

PLACENTA.

Adnascitur chorioni, & quid sit.
l. 2. c. 11. n. 2. p. 167

Utero adnectitur, & quando. *ib.*

Cum congenito ovo muliebri, quo-
modo crescat, & quid contineat.
ibid.

Ejus munia quot, & quæ sint. *ibid.
n. 3. p. 169*

In nonnatis præstat idem, quod
pulmo in natis. *ib.*

Vocata propterea pulmo uterinus.
ib.

Ea ab utero multo ante nativitatem
divulsa, & egressa fœtus nasci
solet mortuus, & quare. *ib. n. 10.
p. 173*

Est naturæ spongiosæ. *ibid. n. 16.
p. 177.*

Cum vasis umbilicalibus concurrat
ad motum sanguinis in nonnato.
ib. n. 20. p. 180

Quandonam formetur, & utero an-
nectatur. *l. 2. c. 12. n. 3. p. 184*

Ejus carunculæ, si premantur la-
cteum liquorem reddunt. *ibid. p.
184. & 185.*

Qualis evadat in fine graviditatis.
ibid.

PLANTÆ.

Videntur hermaphroditæ. *l. 1. c. 11.
n. 21. p. 86*

Quando vivere incipiant. *ib.*

Gau-



Gaudent circulatione succi nutritii.
l. 2. c. 11. n. 5. p. 170.

Vide Arbores.

PLAZZA BENEDICTUS E SOC. JESU.

Abortivorum causæ favet. *l. 1. c. 12.
n. 16. p. 102*

POENA.

Inflicta abortum procurantibus, carnalia delicta impedit. *l. 1. c. 2. n. 12. p. 14.*

Pro abortu, & omissione partus Cæsarei in Sicilia quæ. *ib. c. 9. n. 2. p. 65. & App. Mon. 4.*

Excommunicationis in prohibentes, vel negligentes partum Cæsareum lata ab Episcopis Siciliæ. *l. 2. c. 15. n. 1. p. 201.*

Vide Episcopus, Magistratus, Pragmatica, Infantes.

PRÆDESTINATIO.

Etiā in infantibus elucet. *l. 4. c. 1. n. 6. 7. & seq. p. 408.*

PRÆGNANS.

Exemplo B. M. Virginis juvanda. *l. 1. c. 1. n. 5. p. 5.*

Cum peperisset prolem, non baptizatam occidit. *l. 2. c. 2. n. 6. p. 116.*

A primo mense ad quartum potest tuto phlebotomiam pati. *l. 1. c. 4. n. 2. p. 23.*

Tenetur manifestare extra confessionem graviditatem, quamquam il-

licitam pro partu Cæsareo. *l. 2. c. 1. n. 7. & 8. p. 106. 107.*

Ejus propinqui tenentur mercedem solvere. *ib. n. 10 p. 109.*

Eam fustigare, torquere, & ad ostentum circumducere illicitum. *l. 2. c. 1. n. 11. p. 111.*

Exempla ex Actis SS. Martyrum. *ib. Infidelis mortua est secanda, marito etiam recusante, ut proles baptizetur. ib. n. 12. p. 112.*

Quacumque morte pereat semper est secanda. *ib. n. 13.*

Veneno extincta incisa fœtum vivum prorulit. *ib. p. 113.*

Fulmine occisa post duas a morte horas secata, cui fœtus vivus eruitur. *ibid.*

Sepulta est educenda, & secanda. *ibid.*

Ventris calor in ea mortua conservandus. *ib. c. 2. n. 1. p. 113.*

Interdum prope mortem parit. *ib. n. 2.*

Utrum ejus ori imponenda fistula arundinea, & vagina aperta conservanda. *ib. n. 3.*

Potest videri mortua, cum non sit, ejusque exemplum Palmenſe. *ib. n. 6.*

Secanda est probata prius ejus morte, & quomodo. *l. 2. c. 2. n. 7. & seq. p. 116.*

Ejus mors ex morbo acuto quomodo probetur. *ib. n. 10. p. 118.*

Ejus venter post mortem quomodo secandus. *ib. n. 13. p. 122.*

(G)

Ejus

Ejus naribus candelæ flammula ad-
movenda, & quare. *ibid.*

In repentinis ejus mortis indicia quæ
sint. *ib. n. 14. p. 113.*

Repentine mortua quomodo secan-
da. *ibid.*

Repentine mortua, & certa mortis
signa non habens juvanda, &
quibus. *ibid. n. 15. & 16. p. 124.*
& 125.

Hysterica repentine mortua quando
secanda. *ibid. n. 14.*

Repentine mortua, sed nullo certo
mortis signo prædita, non est se-
canda, etiam si plures dies effuxe-
rint. *ib. n. 17. p. 126.*

Si secetur vivens, postquam habita
fuit mortis certitudo moralis, ejus
sectio non est peccatum. *l. 2. c. 3.*
n. 8. p. 132.

Quomodo ejus sectio instituenda. *ib.*
c. 4. n. 1. p. 136.

An in principio graviditatis secan-
da. *ib. c. 8. p. 155.*

Si ante mortem mandasset, ut seca-
retur, non obstante prægnatione
paucorum dierum, est secanda.
l. 2. c. 8. n. 1. p. 156.

Nonum mensem magno spatio præ-
tergressa si moriatur, an secanda.
ibid. n. 4. p. 157.

Tenetur abstinere a noxiis fœtui et
iam in dubio, an sit animatus. *ib.*
c. 10. n. 5. p. 166.

In dubio vitæ fœtus est secanda.
ibid.

Si crocum comedat, statim eo tin-

gitur fœtus, & quare. *l. 2. c. 12.*
n. 3. p. 184.

Aliquando diu sui fœtus motum non
percipit. *c. 13. n. 1. p. 9.*

In illegitima etiam prægnatione in-
cidenda. *c. 14. n. 3. p. 198. & in*
App. Mon. 4. n. 8.

Ejus mortuæ prægnatio illegitima
ab omnibus scientibus revelanda.
l. 2. c. 14. n. 3. p. 198. & in App.
Mon. 4. n. 4.

Sub gravi tenetur pati uteri dilata-
tionem per speculum matricis, &
quando. *l. 3. c. 1. n. 3. p. 224.*

Vivens excusabatur a priscis Medi-
cis a sectione sustinenda, & qua-
re. *ib. n. 5. p. 228.*

Ejus incisio inventa, ne fœtus in
æternum pereat. *ib. n. 5.*

Vivens incisa non amittit fœcundita-
tem. *ib. n. 15. p. 235.*

Vivens ad incisionem tenetur pro
fœtus vita spiritali. *ib. n. 6. p. 229.*
& *l. 3. c. 4. n. 10. p. 268.*

Si fœtus est certe mortuus, non est
vivens secanda. *ib. c. 1. n. 6. p. 229.*
& *c. 4. n. 2. p. 257.*

Cui vaginæ uteri angustia, callosi-
tas, vel ulcus partum impedit, an
vivens secanda. *l. 3. c. 4. n. 8.*
ad 13. p. 259.

Vivens quomodo incidenda, & cu-
randa. *ib. n. 38. p. 267.*

Capitis damnata non est secanda, sed
expectandus ejus partus. *ib. n. 42.*
p. 269.

Toto prægnationis tempore Sacra-
menta

menta frequentet. *l. 4. c. 3. n. 2.*
Et 3. p. 421. Et 423.

Tenetur in conscientia gustare quid-
 quid appetit. *ib. c. 6. p. 8. n. 3.*
p. 455.

PRAGMATICA SANCTIO SICULA.

Procurantes abortum punit ut ho-
 micidas. *l. 1. c. 2. n. 12. p. 14. c. 9.*
n. 2. p. 65.

Statuit faciendum partum Cæsareum
 defunctorum, & viventium. *l. 4.*
c. 4. n. 1. p. 425.

Et a quibus faciendum. *App. Mon.*
4. n. 1. Et 2.

Quid Chirurgis præscribit, quid
 verat. *ib. n. 3.*

Quas pœnas statuit non revelantibus
 defunctæ graviditatem. *ib.*

Vide App. Mon. 4. per tot. a pag.
487. ad 498.

PRINCIPES.

Et Domini pagorum tenentur con-
 ducere Physicos, & Chirurgos,
 qui subditis assistant, & quare.
l. 2. c. 5. n. 8. p. 274.

Et satagere ut erudiantur de partu
 Cæsareo faciendo, & artis ha-
 beant instrumenta. *ib. n. 9.*

Ut Patriæ Patres ex officio tenentur
 curam gerere nonnatorum. *l. 4.*
c. 4. n. 1. p. 425.

Curare debent, ut partus Cæsareus
 veniat in usum. *ibid.*

In quo ea cura consistat. *ibid.*

Ad eos præcipue cura projectorum
 spectat. *ib. n. 2. Et 3. p. 426.*

Hanc si suscipiunt divinam Miseri-
 cordiam imitantur, & consequun-
 tur. *ibid. n. 4.*

PRIVATIO MOTUS.

In Embryone paucorum dierum est
 maxime fallax mortis indicium, &
 quare. *l. 1. c. 12. n. 5. p. 95.*

Non arcet baptismo conditionato
 Embryonem paucorum dierum.
ib.

In abortivis non conquisis, laceris,
 aut corruptis non vetat, quin con-
 ditionate baptizentur. *l. 4. c. 6. §.*
4. n. 5. p. 451.

Vide Baptismus, Infans, Embryo.

PROJECTI, SIVE EXPOSITI.

Eorum cura necessaria ad impedi-
 dos abortus. *l. 4. c. 4. n. 3. p. 426*

Quam Deo gratia. *ibid. n. 4.*

A principibus adjuvandi, & quomo-
 do. *l. 4. c. 4. n. 3. Et 4. p. 426.*

S. Vincentii a Paulo in eos charitas.
ib. n. 5.

Quæ mala sequuntur, si negligatur.
ibid.

Eorum cura ad Universitates singu-
 las præcipue pertinet, ubi desint
 nosocomia. *ibid. a n. 6.*

Eorum corporis, & animæ indigen-
 tia est extrema. *ib.*

A quibus de jure alendi. *ibid.*

Pro ipsorum alimentis an, & quando
 imponendæ sunt collectæ. *ib.*

Si nullo modo ali possint, tenentur Domini loci, aut rex eos alere, & quare. *ibid.*

Ad eos excipientes designanda sunt loca cum rota, & untinnabulo. *ib. n. 7. 8. & 9.*

In territorio civitatis inventi ad ipsam sunt deferendi. *ib. n. 11.*

Eorum inventores quid jurare tenentur. *ibid. n. 12.*

Inventi sunt illico ad Parochum deferendi pro baptismo, & quo nomine vocandi. *ib. n. 14.*

Nosocomia ad eos excipientes destinata in quibus debent esse instructa. *ibid. n. 15.*

Sunt conditionate baptizandi, etiam si habeant schedulam de baptismo testantem. *l. 4. c. 4. n. 16. p. 431.*

Sunt signandi stemmate. *ibid. n. 17. p. 432.*

Eorum parentes non pauperes tenentur alimenta compensare; sed numquam inquirendi. *n. 18.*

Si sunt legitimi, & constant parentes, eis restituantur. *ib.*

Eorum nutrices. *n. 19.*

Nutricum visitatio, & præfecta. *ib. n. 20. & 21.*

Cautelæ in projectorum translatione. *ibid. n. 22. & 23.*

Expedit ut ad urbem Episcopalem transmitti possint, expensis propriæ Universitatis alendi. *ibid. n. 24.*

Parochorum industriæ ut a piis matronis alantur. *n. 25.*

Adultiorum educatio. *n. 26.*

Ut nutrices inveniantur, quæ Parochi erit industria. *n. 25.*

A quo instruendi, & quare. *ibid. n. 26.*

Ipsis jura omnia favent, & in quibus. *ib. n. 27.*

Sunt ingenui, & putantur legitimi, & Madriti etiam nobiles. *ibid.*

Eos exponentes respective privantur Dominio, Patronatu, Patria Potestate, & extremis pœnis subjiciuntur. *ib. n. 29.*

Et si exponant pravo consilio, ut illi pereant, etiam effectu non sequuto, homicidii pœna puniuntur. *ibid.*

Eos excipientes non possunt in servitutem redigere, vel in statum Libertinorum, Adscriptiorum, vel Colonorum. *ibid. n. 30.*

Sub Episcopi Ecclesiæ, Principis, & Magistratum protectione morantur. *ib. n. 31.*

Pro ipsis in unoquoque oppido Deputatio esset erigenda, & quare, & alia generatis in civitate metropolitana, & quæ ejus munia. *ib. n. 33.*

De ipsis quid præscribant statuta Sicula. *ibid. n. 33. & in Append. Mon. 3. 4. & seq.*

Fere quadrigenti quotannis sine baptismo peribant tempore S. Vincentii a Paulo Parisiis, & quomodo. *l. 4. c. 8. n. 3. p. 478.*

Varia de projectis. *ib. c. 4. per tot.*
& in App. Mon. 13. 14. 15. &
Annot. ad d. Mon. 15.

Vide Obstetrices, Baptismus, Nu-
 trices, Nosocomia, Episcopi,
 Parochus.

PROPINQUI.

Et domestici peccant Parochum
 non monentes de morientis præ-
 gnatione, eamque tenentur vici-
 ni revelare. *l. 2. c. 1. n. 6.*
p. 106.

Impedientes prægnantis defunctæ
 incisionem cæsaream graviter pec-
 cant, & sunt homicidæ corporis,
 & animæ fetus. *ibid. c. 15. n. 1.*
p. 201.

PROTOMEDICUS SICILIÆ.

Quid præcipiat, & vetat in suo Edi-
 cto. *App. Mon. 5. per tot.*

PUELLÆ.

Furtive gravidæ a Parochis juven-
 dæ in quo, & quomodo. *l. 1. c. 2.*
n. 9. p. 10.

Vide Parochus, Prægnans.

PUER.

Vide Fœtus, Infans, Parvulus,
 Nonnati.

PUERPERA.

Spretis minis parvulum non bap-
 tizatum occidit, ac sepelit. *l. 1. c. 2.*
n. 9. p. 10.

Prolem in cloacam projicit: quæ
 viva extracta baptizatus. *ibid.*

Proprio lacte natos nutriet, & qua-
 re. *l. 1. c. 4. n. 9. p. 28. & l. 4.*
c. 6. §. 9. n. 14. p. 457

PULLUS, PULLI.

Quando incipit moveri, ut animal.
l. 1. c. 11. n. 22. p. 87.

Vivit etiam ante incubationem. *ib.*
n. 23.

Punctum saliens ipsius trium, vel
 quatuor dierum ab ovo extra-
 ctum, diu vivit, & totum vitam
 manifestat. *ib. c. 12. n. 6. p. 96*

Pipionum lacerati sine ullo vitæ si-
 gno fœti surrexerunt & diu vixe-
 runt. *l. 3. c. 10. n. 4. p. 316.*

PULMONES.

Suntne flabella ad refrigerandum
 cor, an potius folles. *l. 2. c. 11.*
n. 4. p. 170.

Quis eorum usus in natis. *ibid.*

Sunt natura sua rari, & spongiosi.
ib. n. 15. p. 176.

PUNCTUM SALIENS.

Et gemmula quid. *l. 1. c. 11. n. 21.*
& 22. p. 86. & 87.

Quo minus formatum eo diutius vi-
 vit. *ib. c. 12. n. 6. p. 96.*

R.

S. RAYMUNDUS NONNATUS.

Post tres dies a matris morte vivus
 extractus. *l. 2. c. 13. n. 6. p. 195.*

(G) 3

RE-



RECENTIORES.

Naturæ arcana prædientius expli-
carunt. *l. 1. c. 5. n. 4. p. 31.*

REGENERATIO.

Et nova nativitas quoad baptismum
synonima sunt. *l. 3. c. 6. n. 11.
p. 284.*

REGULARES.

Ante fœtus extractionem gravidam
sepelire nequeunt. *l. 2. c. 12. n. 5.
p. 188.*

RELATIO.

De parvulo sub defuncti larva na-
scente. *App Mon. 16.*

RESPIRATIO.

Quare homini necessaria. *l. 2. c. 11.
n. 4. p. 170.*

Ejus defectus in natis est mortis in-
dicium, non sic in nonnatis, &
quare. *l. 3. c. 13. n. 4 p. 348*

RESURRECTIO.

Plurium abortivorum an vera. *l. 2.
c. 13. n. 1. p. 191.*

RETICULA, *vide* OMENTUM.

RITUALE ROMANUM.

Non contradicit citæ animationi.
l. 1. c. 10. n. 5. p. 75.

Cum S. Carolo Borromæo, & plu-
ribus Synodis expresse præcipit
partum Cæsareum defunctarum.
l. 2. c. 1. n. 3. p. 104.

RITUS.

Sepeliendi gravidas cruribus diva-
ricatis cum acu, & filo, unde or-
tus. *l. 2. c. 6. n. 1. p. 146*

RONCAGLIA CONSTAN-
TINUS.

Favet baptismi abortivorum. *l. 1.
c. 12. n. 15. p. 101.*

Et nonnatorum. *l. 3. c. 8. n. 16. p. 312*

ROTA.

Ad excipiendos projectos erigenda
ubi, & quomodo. *l. 4. c. 4. n. 10.
p. 430.*

Ad ejus curam destinati quæ in
promptu habere debeant. *ibid.
n. 15. p. 431.*

Ut perpetuo pateat, Parochi invigi-
lent, & Fisci munus impleant. *ib.
n. 32. p. 439.*

S.

SACRA SCRIPTURA.

An distinguat fœtum animatum ab
inanimato. *l. 1. c. 9. n. 2. p. 65.*

SANCTIFICATIO IN UTERO.

Quibus concessa. *l. 4. c. 2. n. 1. & 2.
p. 415.*

Potest mediis actibus salutaribus, vel
sine, difficilius tamen, accidere.
ibid.

SANGUIS.

Pro circulatione in nonnatis an egeat
respiratione, ut in natis. *l. 2. c. 11.
n. 3. & seq. p. 169.*

Suo

Suo motu naturalem calorem promovet. *ibid.* n. 4.

Quomodo per totum corpus excurret in natis, & quibus viis. *ibid.* n. 6. p. 171.

Quibus vero in nonnatis, eorumque quoad hoc differentiae. *ib.* a n. 7. ad 12. p. 172. & 175. & n. 20. p. 180. & l. 3. c. 13. n. 3. p. 347.

A sinu venæ portæ per canalem proprium ad venam cavam commigrat. *ib.* n. 10. p. 173.

Utrum cum materno circulet. *ibid.* n. 22. p. 181.

SCOTUS.

Non adversatur baptismati in utero. l. 3. c. 8. n. 6. p. 304.

SEBASTIANUS VALFRE.

Quis, & quomodo partum Cæsareum promovebat. l. 2. c. 1. n. 10. p. 109.

SECUNDINÆ.

Quomodo lacerandæ. l. 3. c. 6. n. 1. p. 275.

Utrum obstent baptismati. c. 8. n. 18. p. 313.

Vide Obstetrix.

SEMEN VIRILE.

Quomodo ovum muliebri fecundet. l. 1. c. 1. n. 3. p. 79.

SYPHUNCULUS.

Ad baptizandum in utero. l. 3. c. 6. n. 2. p. 276.

SPECULUM MATRICIS.

Ejus usus. l. 3. c. 1. n. 3. p. 224.

SPONSI DE FUTURO.

Non cohabitent. l. 4. c. 1. n. 8. p. 409. & in App. Mon. 8. n. 9.

SUAREZ FRANCISCUS.

Non contrarius baptismi nonnatorum. l. 3. c. 8. n. 8. p. 305.

SUBMERSI.

Aliqui ab aquis erepti cur a morte apparente ad vitam sunt reversi. l. 2. c. 2. n. 17. p. 126.

Lucas Tozzi putat eos, & laqueo subfocatos posse adhuc per duas horas supervivere, & juvari, & quomodo. l. 3. c. 19. n. 1. p. 371.

Etsi omni vitali motu destituti, non semper sunt mortui. *ib.* c. 20. per tot. a p. 384. ad 390.

Eos sub aquis diu vixisse exempla demonstrant. *ibid.*

Ex aquis erepti, sunt semper juvandi, si non sunt corrupti, & quibus auxiliis, & quomodo. *ib.* c. 22. a n. 1. ad 3. a p. 196. ad 401.

Est ipsis nociva suspensio in verso capite, nisi ad modicum tempus. *ib.* n. 4. 5. & 6. p. 398.

Eorum rotatio est inutilis. *ib.* n. 5.

Cum ex aquis educuntur quomodo, & ubi collocandi. *ib.* n. 6.

Ex vena jugulari sanguinis emissio ipsis competit. *ib.* n. 7.

Quomodo vomitus procurandus. *ibid.* n. 10. & n. 17.

Quæ epithemata competant. *ibid.* n. 11.

Qui



Qui mortui videbantur si suspirium
emittunt facile recuperantur. *ib.*
n. 17.

Ipsis medicamina sunt constanter
prosequenda, etiamsi nulla spes
salutis appareat, & quare. *ibid.*
n. 18.

Sanati plurimi in nosocomiis conti-
nuatione medicamentorum, con-
tra vero in domibus, & quare.
ib. n. 19. & 20.

Non sepeliendi nisi post longas per-
vestigationes. *ibid.*

SUPERFOETATIO.

An detur. *l.* 2. *c.* 17. *n.* 9. & 10.
p. 219.

SUSPENSI.

Laqueo, eo secundo vitam aliquando
recuperarunt. *l.* 3. *c.* 19. §. 13. *n.*
45. & 46. *p.* 379. & *c.* 20. *n.* 17.
p. 390.

T.

THEOLOGI, CANONISTÆ, & JURISPERITI.

Ne nimium fidant libris Medicis.
l. 1. *c.* 8. *n.* 4. *p.* 55.

Antiqui, & celebres qui videntur
negare baptismum in utero ex-
plicantur. *l.* 3. *c.* 8. *n.* 7. *p.* 304.

Sorbonici illi favent. *ib. n.* 16. *p.* 312.

TESTUDO.

Immanis sine ulla respiratione dies
viginti vixit. *l.* 3. *c.* 21. *n.* 5.
p. 394.

TEXTUS.

Apostoli *statutum est hominibus se-
mel mori* quomodo intelligendus.
l. 3. *c.* 6. *n.* 15. *p.* 288.

S. THOMAS.

Baptizari vetat nonnatos, qui tamen
physice in se ipsis lavari non pos-
sunt. *l.* 3. *c.* 8. *n.* 4. *p.* 302.

TRACHEOTOMIA.

Quæ sit, & an competat submer-
sis. *l.* 3. *c.* 22. *a n.* 11. *ad* 14.
p. 400.

TUBÆ FALLOPIANÆ.

Quomodo ovario applicentur. *l.* 3.
c. 3. *a n.* 15. *p.* 247.

V.

VALLISNERIUS ANTONIUS.

Ejus opinio circa locum ubi sit fœ-
tus. *l.* 1. *c.* 11. *n.* 2. *p.* 78.

VERMIS, VERMES.

In viri semine reperti. *l.* 1. *c.* 6. *per
tot. a p.* 37.

An sint humanæ speciei. *ibid. n.* 3.
& 4. *p.* 38. & 39.

Non sunt principium humanæ ge-
nerationis. *ib. a n.* 5.

Ad quid videantur destinati. *ibid.*
n. 5.

Vermes qui transmutantur evadunt
prius nymphæ. *n.* 8. *p.* 41.

Vivus



Vivus inventus in massa marmorea Panormi. *l. 4. c. 1. n. 1. p. 405.*

Vide Vir, Wolphius.

VINSLOVIUS.

Quid de ovali foramine sentit circa sanguinis circulationem in nonnatis. *l. 2. c. 11. n. 11. & seq. p. 174. & 175.*

VIR.

Ad ovum femineum fecundandum non immittit vermiculum animatum. *l. 1. c. 6. n. 1. & 2. p. 37.*

Etiā doctissimus in improvisis confunditur, eligitque pejora. *l. 2. c. 16. n. 3. p. 205.*

Tenetur sub gravi fungi obstetricis officio, quando nequit aliter salvare fœtus & mater. *ibid. n. 8. 9. 10. p. 209. & 210.*

VITA.

Spiritualis proximi nostræ temporali antiponenda. *l. 2. c. 16. n. 4. p. 206.*

WOLPHIUS.

Ejus systema de vermibus feminalibus impugnatur. *l. 1. c. 6. a n. 5. ad 13. p. 39. ad 42.*

UTERUS.

Ejus vagina cur aperta servanda in

gravidis defunctis. *l. 2. c. 2. n. 3. p. 115.*

Ejus situs, & magnitudo in gravidis. *l. 2. c. 4. n. 2. p. 137. & l. 3. c. 3. n. 12. p. 245.*

Non est æqualis magnitudinis in gravidis. *l. 2. c. 4. n. 2. p. 137.*

Quomodo secandus, ne fœtus occidatur. *ibid.*

In suo statu naturali faba non est major, & quomodo crescat. *l. 3. c. 2. n. 2. p. 238.*

Ejus vulnus quando lethale. *ib. c. 3. n. 11. p. 245.*

Ex se ipso in partu Cæsareo restringitur ablato fœtu. *ib. n. 13.*

Viventis incisus non est suendus. *ib. n. 12. p. 245.*

Rescindi, vel cadere potest muliere salva. *l. 3. c. 3. a n. 13. p. 245.*

Ejus vaginæ angustia, cicatrices, tumor, callositas, cum partum impediunt, quomodo superanda. *ibid. c. 4. a n. 8. ad 13. p. 259. & 260.*

Sua figura phialam inversam imitatur. *ibid.*

Duo habet in vagina orificia. *ibid. c. 6. n. 1. p. 275.*

Vide Partus Cæsareus, Prægnans.

URACUS.

Quid. *l. 2. c. 11. n. 2. p. 167.*
(H)

UR.

URRACA.

Regina Navarræ a Guevara incisa
Garfiam protulit. *l. 2. c. 16, n. 10.*
pag. 210.

Z.

ZACCHIAS.

Quibus probet animam illico
post conceptionem infundi.

lib. 1. c. 8. a n. 9. ad 16. a p.
59. ad 64.

Ejus sententia de animatione homi-
nis hodie crevit probabilitate. *ib.*
c. 11. n. 25. & 28. p. 89. & 91.
Et est plurimis recentioribus acce-
pta. *ib. n. 25. p. 89.*

Ejus opinio, quæ partus Cæsarei sa-
lutarem usum restringit solum
pro foetibus maturis refellitur.
l. 2. c. 13. per tot. p. 191, ad
196.



11
11





